

Reynolds





Ex Bibliotheca
majori Coll. Rom.
Societ. Jesu

23.7.13.
III
7
C

III
7
C



Coll: Nam: Ipe: Iesu. R. S.
cata: inser:

IHS

DE
MARTYRIO
PER PESTEM

Ad martyrium improprium, & pro-
prium vulgare comparato,

DISQUISITIO THEOLOGICA,
THEOPHILI RAYNAVDI,
Societatis I E S V Theologi.

*Qua monstratur, eos qui proximis peste
contactis, ex Christiana charitate sub-
levandis, immoriuntur, esse non late-
duntaxat, sed pressè ac verè Christi
Martyres; iis non dissimiles qui in fidei
causa mortem opperunt: duplicisquæ
illius propriè dicti Martyrij decorum
comparatio, ex Patrum oraculis, &
doctrina Theologica illustriuntur.*

BIOTECNA NAZIONALE

LVGDVNI

Sumpt. IACOBI CARDON

M. D C XXX+

1848



REVERENDISSIMO
IN CHRISTO PATRI,
AC DOMINO,

P. MUTIO VITELLESKO,
SOCIETATIS IESV,
Præposito Generali.

IACOBVS CARDON F.



AVD satis fœliciter hunc annum auspicaturus mihi videbar, nisi aliquo officiosæ observantiæ testimonio erga Paternitatem vestram defungerer; Cùm opportunè venit mihi in manus hic recentis fœturæ Libellus, mole quidem exilis, sed argumento planè nobilis, Martyrum sanguine venustiùs rubricatus, quàm quovis minio vermiculatus, palmarum phyliris magnificentiùs lemnis-

catus,quàm quibusuis tæniis exornatus;
vt mihi dubium non sit , quin citra om-
nem aliam elegantiam futurus sit acce-
ptissimus.

Q V A N Q V A M & longè plura suppe-
tunt nec ea sanè vulgaria, si vti velim
commendationis argumenta. Atque vt
nunc quidem A V C T O R E M ipsum ta-
ceam,quem neque nos neque præla no-
stra satis dignè eloquantur; Quantum
est quod hìc non modò cæterorum
Martyrum assertas victorias,decora vin-
dicata,defensa,atque illustrata trophæa:
Sed & tuorum Olympionicarú hoc ex-
tremo iam senescētis mundi sæculo vbi-
que terrarum pro fide ac Religione pro
pietate,ac charitate instituta certamina,
obita pericula,fusum sanguinem cumu-
lata denique cum immortalì laude fu-
nera conspēcturus sis? Atque vt de iis
dicere supersedeam, qui magno numero
cùm inter hæreticos,tùm inter Ethnicos,
pugiles è Societate I E S V fortissimi,acer-
bissimos

bissimos quosque suppliciorum cruciatu magnificientissimo patientiæ spectaculo superarunt. quo tandem verborum, laudisq; apparatu illos prosequar, qui in oculis nostris, (parum dixi) in oculis Galliæ penè vniuersæ, vbicumque toto hoc biennio pestilentis auræ turbo sese infudit, nobiles animas ineluctabili mortis periculo, nouo Martyrij genere obiecerunt?

FORTVNATA S vtique animas, quæ naturæ aliquando debitæ, Christo præceptæ sunt, & proximo impensæ, quasque si inter extabescencia pestilentiæ cadauera Martyrum palmæ succrescunt, Martyras appellare non dubitem. Verùm hoc dum alij pro sua eruditione disceptabunt, alij pro sua auctoritate, statuent, ego quod vnicum mihi hoc in eunte anno propositum est, istud qualecumque obseruantia meæ monimentum, P A T E R N I T A T I V E S T R Æ, strenarum nomine dicatum eo. V A L E.



ARGUMENTVM.

NUPER grassante Lugduni teter-
rima lue, qua urbem populosissi-
mam, miserabili strage complenit,
cum plerique Christi pugiles, ex
Christiana charitate, ad egrorum, praesertim in
spiritu, subsidium accurrissent; eosque etiam, si-
nente Deo ad meritorum cumulum, communis
calamitas inuolueret; dubitatio nonnullos inces-
sit, quàm pretiosa apud Deum foret ea mors, qua ex
Christiana charitate, generosè adito non ambiguo
eius discrimine, tanto virtutis specimine, ac sa-
lutis proximorum flagrantissimo Zelo, oppete-
batur. Quibusdam nec infima note, sed exquisita
pietatis ac doctrinae viris, visa huiusmodi mors,
ad martyrium pressè acceptum abundè esse. Re-
clamantibus tamen aliis, qui tametsi vitam in
sancto illo ministerio prodigere, (certè exitio
aperto exponere,) opus esse sanctissimum, &
magni apud Deum meriti, aequè ac insignis apud
homines commendationis & splendoris, non
diffitebantur; (& perspicuum est, in tanta ope-
ris

*vis illius luce, diffiteri id neminem posse:) Tam-
men martyrij propriè ac ad Theologicam severita-
tem exacti, decora eadem negabant, gravibus in
speciem rationibus subnixi, & suffragio (ut re-
bantur,) muniti omnium retrò Theologorum,
apud quos de huiusmodi, ut Ruffinus appellavit,
misericordia martyrio, altum silentium.*

*V I S U M est operapretium, in discussionem
controuersie illius penitus descendere, non tam
ad egregiorum Christi athletarum in tam sancto
opere voluntatem, nostris vel rationibus vel
disputationibus incendendam, si ea plaga recru-
descat; alibiue, hoc aut alio tempore saniat;
Quid enim iis quos vñctio docet de omnibus, &
Spiritus sancti vis occultis ac miris itineribus
subiens, & occupans animos, ad tam sublime
gloriosumque opus impellit, nostre ratiuncula?
Non igitur tam ad vsum futurum, quem cupio
nunquam hìc aut vspiam alibi habere locum,
quàm ut antèrius exprompta virtuti stent sua
decora, & suauissimis plerisque capitibus, que
in proxima calamitate sancto illi iuuandorum
agrorum ministerio immortua sunt, parta opti-
mo titulo gloria maneat, interponere iudicium
in ea controuersia nostrum placuit; quod æquè,
ad omnem huiusmodi mortem ex charitate adi-
tam, & exceptam, pertinebit: Tametsi quia ex
proposito subsidij contactis impensi exemplo, mo-*

ta est controuersia , & in eo difficultas est luculenta , illius ferè duntaxat mentionem faciam in sequentibus.

Ut verò ordinata sit tractatio , quando in eo vniuersa hac controuersia vertitur , sítne hac mors ad martyrium duntaxat latè acceptum idonea , an etiam ad martyrium stricte & in rigore Theologico spectatum pertineat ; præmittam quis apud Patres & DD. martyrij latè dicti ambitus sit. Tum de eo martyrio pressè dicto quod est maxime vulgare & indubitatum , diligenter agam. Quibus duobus præsuppositis in controuersiam propositam descendam , ac utri è duobus prædictis martyriis , latè inquam an pressè dicto , accensenda sit mors de qua agimus , inuestigabo : & auditis diligenter , partis negantis qua mihi non probatur , rationibus , pro altera pronuntiabo : demonstrans esse hanc mortem , ad martyrium pressè ac propriè dictum , sufficientissimam. Ad extremum facta contentione duplicis martyrij propriè dicti , (quorum quod vulgare ac indubitatum est , fidei ; hoc nostrum , misericordiae martyrium , nominari potest ,) quam non dispari splendore ambo colluceant , patefaciam.

SACRIS PVGILIBVS
peste sublatis.

O *Qui sereno pellitis halitu
Minas tonantis sæpius ætheris,
Ut astra nobis pleniori
Orbe diem meliora fundant.
O vos salutis præsidium mea,
O sanctitatis candida lumina,
Quidni à coronâ tot piorum
Tabificam pepulistis anram?
Arcana vestri consilij, precor,
Si quid meremur, pandite Cœlites;
Cur improborum miscuistis
Funera funeribus bonorum?
Attende tellus. Conscia sidera
Testentur alti consilij iubar,
Mentem explicent diuiniatis,
Inuiolato adamante fixam.
Deuota causa pectora publica,
Nunquam petisset pestifer halitus,
Ni depoposcissent honores,
Martyribus solitos rependi.
Quam sæpè nostris vota perennia
Fixere templis? O quoties precum,
Magno impetu surrecta moles,
Angelica stetit in corona?
Illa illa virtus artificis manus
Prensare solers lurida corpora
Passim irretoriis hauriebat.
Monstrificas oculis ruinas.
Immo scipsâ prodigiosior*

*Prono deinceps ore bibit luem,
Luem reuoluendam sub Orci
Pestifero loca fixa iabo.
Hac illa virtus melle potens sua,
Assueta calles ire per arduos
Suis coronatur manipulis,
Et proprio micat apparatus.
Mox sede celsâ crebrius insonans
O inquit, altum Cœlicoliarum genus,
Frontes meorum laureatas
Perpetuâ radiate baccâ.
Necis verendæ ducite fercula,
Et ferculorum pompa terat polos,
De peste pangantur trophæa,
Exuviis onerata opimis.
Hac pro sepulchro sint adamantino,
Hac pro decori funeris ambitu,
Hac ara sedes victimarum,
Hic rogi, hic deitatis ardor.
Attaminato gens sacra sanguine
Verba hac profundis mentibus imprimat,
Et in columna eternitatis
Pro feretris numeret triumphos.
Hi dum saluti se patria vouent,
Stetere fortes, fortiùs occidunt,
Ac urbis atque orbis ruentem
Verticibus tenuere molem.*

Ioan. A. S. Alb. S. I.

F A C V L T A S R. P.

Prouincialis.

EGO STEPHANVS BINETVS
Prouincialis Societatis IESV in Pro-
uincia Lugdunensi, iuxta priuilegium ei-
dem Societati à Regibus Christianissimis
Henrico III. Henrico IV. & Ludouico XIII.
nunc regnante, concessum, quo Bibliopo-
lis omnibus vetatur, ne libros ab homini-
bus Societatis nostræ compositos, absque
Superiorum eius permissione excudant,
permitto IACOBO CARDON Biblio-
polæ Lugdunensi, vt R. P. THEOPHILI
RAYNAVDI Societatis nostræ Theolo-
gi, librum *de Martyrio per Pestem*. ad sex pro-
ximos annos excudere, ac liberè diuendere
possit. Lugduni 2. Ianuarij, 1630.

STEPHANVS BINETVS.

A P P R O B A T I O.

TRactatus R. P. Theophili Raynaudi Societatis I E S V Theologi *de Martyrio per Pestem*, &c. vndecunque sanus est, & cum fidei scitis, ac bonis moribus consentiens. Eam verò præterea doctrinæ vbertatem ex Theologiæ & SS. Patrum diligenti peruolutione, huic autori non noua, subministrat, vt dignissimus sit prælo: hoc præsertim tempore, quo opportunissima, aut etiam pernecessaria est commendatio tam sancti, tamque Christiani operis, quod hoc tractatu celebratur. Ita sentio. Lugduni 8. Nonas Martij 1630.

FR. ROBERTVS BERTHELOT,
Episcopus Damasci.

Ita & ego sentio de isto opere pererudito & vndecunque probando.

DE VILLE.

Vic. Gen. Subst.

CONSENSVS.

R. Patris Theophili Raynaudi Theologi Societatis IESV librum *de martyrio per pestem*, typis mandari, & in lucem edi sumptibus IACOBI CARDON Bibliopolæ Lugdunensis, ego Regis Consiliarius & Procurator in Lugdunensi Præfectura non impedio. Die xij. Martij, 1630.

PUGET.

PERMISSIO.

Librum *de Martyrio per Pestem*, Authore R. P. Theophilo Raynaudo Societatis IESV Theologo, à IACOBO CARDON Bibliopola Lugdunensi, in lucem edi permittimus, ac simul ne quis citrà datam ei facultatem denuo excudat, interdicimus. Datum Lugduni die 14. mensis Martij, anno 1630.

DE CHAPONAY.



OPERIS
INDICVLVS.

ANTELOQVIVM.

*Martyris & Martyrij nomina, cortice tenus, & iuxta
Ecclesia vsum quid ferant.*

PARS PRIM A.

Pancarpia Christiana, siue Eclogæ ex Patribus,
de martyrio latè dicto.

CAP. I



*Mnem omnino patientem piꝝ viri per-
pessionem, contineri latè dicti marty-
rij ambitu, ex Scriptura oraculis &
Patrum dictis.*

2. De martyrio patientia in morbo nostro, & nostra-
rum morbo ac funere.
3. Religioſe vita martyrium.
4. Martyrium Caſtitatis.
5. Martyrium condolentia.
6. Martyres ſeculi.

PARS SEC V N D A.

De Martyrio preſſè dicto, vulgari & indubitato.

CAP. I. De prima in vulgari martyrio preſſè dicto per-
ſona, ſiue de perſecutore.

2. De passo, altera in vulgari martyrio persona; Ac primum de infante.
3. Passum libertatis compos, quibus positiuis dispositionibus ad martyrii gloriam sit aptandum, siue de necessaria & idonea martyrii per adultum acceptatione.
4. Corollaria de quibusdam passis è martyrum albo expungendis: Siue de falso, Ethnicorum, Hæreticorum, Schismaticorumque martyrio.
5. Alia passi adulti ad martyrium aptatio per impedimentorum remotionem, & defectuum gratiæ dissenteorum exclusionem.
6. De pretiosissimis martyrii fructibus in via & in patria: hoc est de gratia, & subita gloria veris martyribus constituta.

PARS TERTIA.

Sitne aliquod præterea martyrium præse dictum. Siue utri ex duobus martyriis hætenus expositis, latè inquam ac præse dicto, accensenda sit mors in adiunctione discriminis ad proximum ex charitate subleuandum appetita; concluditurque esse præse dicto martyrio adiungendam.

1. Status controuersia de martyrio in causa proposita. Statuitur esse saltem latè dictum: Non esse præse acceptum que suadere videantur.
2. Contraria & vera sententia qua adiuunctionem voluntariam periculi ad proximi salutem curandam, morte consecuta, præse dicti martyrii decore exornat, Patrum autoritate communiur.
3. Sensus Ecclesiæ pro eadem sententia.
4. Historia SS. Alexandrinorum, ad contraetorum subsidium

*subsidium tanquam ad martyrium accurren-
tium, eoque nomine inter martyres ab Ecclesia
relatorum, explicatiùs proponitur; attestis si-
milibus eiusdem, ac posterioris, nostrique etiam
alii piorum praxibus ad idem institutum.*

5. *Rationes ex nonnullis Scripturis deprompta pro
eadem vera sententia.*
6. *Firmamenta contraria sententia, & machina
quibus nostram impetui, disiciuntur.*

PARS QVARTA.

Contentio decorum vtriusque martyrij
propriè dicti.

C A P. I. *Insignis vtriusque martyrij propriè dicti fides.
Vtrobique item expressissimum martyrium siue
doctrina reuelata testificatio luculenta.*

2. *Spes firmissima & charitas flagrantissima, mor-
tem in proximi subsidio ex charitate obitam,
equè ac pro fide exceptam, efficiunt coram Deo
pretiosissimam.*
3. *Honestas supernaturalis fortitudinis que mor-
tem pro fide irrogatam maximè illustrem facit,
quantoperè in martyrio misericordie splendeat.*
4. *Perfecta in utroque martyrio configuratio cum
Christo, qui est testis fidelis.*
5. *Mors in ministerio charitatis, holocaustum est,
quo se homo non minus quàm in martyrio pro fide
Deo consecrat.*
6. *Eminentia & sublimitas martyrij misericordie,
ex dictis concluditur. Eidem encomia & honores
alterius item propriè dicti martyrij accommo-
dantur.*

ANTE



I
ANTELOQVVM
MARTYRI ET MARTYRII
NOMINA, CORTICE TENVS, ET
iuxta Ecclesiæ vsum quid ferant.

I.



MARTYRIIS *dulcissimum nomen*,
vt appellat S. Augustinus conc. 20.
in psal. 118. Græcum est; sed vt
idem S. D. obseruat ibidem conc. 9.
Latino donatum, quod in Christia-
næ plebis auribus suauius sonaret, quàm Latina vox
testis: Etiam si hanc quoque interdum vsurpat vul-
gatus interpret vt S. Gregorius 9. mor. c. 43. animad-
uertit, ad illud *instauras testes tuos contra me*; profe-
rens nominatim illud Apoc. 2. *Antipas testis meus*
fidelis, qui occisus est apud vos. Loco item *martyrij*
vsurpatam plerunque ab eodem interprete Latinam
vocem *testimonij*, præsertim in psalmo 118. S. Augu-
stinus & S. Ambrosius, aliique crebrò monent, ple-
runque de Martyrum testificatione accipientes *testi-*
monium cuius Psalter ibi toties meminit. Quamuis
autem hæc sit primæua *martyris* & *martyrij* notio,
tamen vsus, cuius in vocibus primæ sunt partes, eam
arctauit, nec eodẽ semper modo illas voces vsurpa-

A

uit.

uit, aut ad omnem æquæ de Deo hominis testificationem, accominodavit.

Martyres qui iuxta antiquum vocis usum.

Itaque ij duntaxat dicti sunt defungi martyrio, es-
séque Dei testes, & martyres, qui certo modo ope-
rosiore testimonium Deo perhibuissent, siue vexati,
aut incommodis affecti citra mortem, siue morte
per cruciatus mulctati. Nam quod plerisque etiam si
naturali morte excessissent, aptatus sit Martyrum ti-
tulus, tantum ob exceptas propter Christum ærum-
nas, in confesso est; Ex eoque usu S. Augustinus in
Psal. 127. ad v. 4 S. Felicem qui ante admotos cru-
ciatus ullos, extinctus in carcere fuerat, agnoscit
fuisse verè martyrem. Sed explicatissimè S. Chry-
sostomus orat. de S. Eustathio Antiocheno. Cum
enim non fuisset S. Eustathius cæsus pro Christo,
sed tantum relegatus à patria, eumque nihilominus
S. Chrysostomus appellasset martyrem, subveritus
quod opponi posse videbat, non fuisse scilicet appel-
landum martyrem, qui naturali morte perfunctus
esset; respondet S. P. rectè à se vocatum martyrem,
qui non ipse martyrio, sed ipsi potius martyrium de-
fuisset, multasque propter Christum ærumnas ge-
nerosè excepisset. Multo magis autem qui torti, &
cruciatibus (tamen si citra mortem,) affecti, digni fue-
runt qui nomine martyrum donarentur. Et ita pas-
sim factum videmus à S. Cypriano, & aliis Patribus.
Illustris est locus ex epistola S. Cypriani 16. com-
pellantis Mosem & Maximum cæterosque pro fide
“ afflictos & tortos, sed citra mortem. [Nutantem
“ multorum fidem, martyrij vestri veritate solidastis.
Verè

Verè Euangelij testes, & vere martyres Christi, radi-
 cibus eius innixi, super petram robusta mole funda-
 ti, disciplinam cum virtute iunxistis; ad timorem
 Dei, cæteros prouocastis; martyria vestra, exem-
 pla fecistis.] Apertissimè idem tradit epist. 30. Præ-
 clarum etiam est in eam rem exemplum Eusebij
 Vercellensis, qui apud Ambrosium sermone 69.
 quo graues eius cruciatus describuntur martyr ap-
 pellatur, quo etiam nomine insignitur in Romano
 Martyrologio 1. Aug. quamuis eum postea pacificè
 quieuisse, rectè monstret Cardin. Baron. anno 371.
 Notum & illud S. Paulini epist. 2. ad Victricium,
 quem in carcere pro Christo aliqua citra mortem
 passum, appellat *Vinum martyrem*. Idem natali 1.
 & 3. S. Felicis, qui post irrogata tormenta dimissus,
 diu superstes fuerat, *martyrem sine sanguine*, nominat.
 Hæc igitur aliquando fuit vocis propositæ notio; vt
 martyres non i tantum dicerentur qui mortem pro
 Christo oppetissent, sed ij etiam qui aspera pro eo
 perpassi, eo operosiore modo testificati essent, ve-
 ram esse doctrinam Christi.

*Eadem olim Confessorum notio, postea
 restricta.*

2. Interdum æquè latè patuit vox *confessoris*. Et fa-
 uet sanè vocis cortex. Nam idem est Latinè *confessor*,
 qnī Græcè *Martyr*. Ex quo antiquo vocis vsu, fa-
 ctum est, vt sicut olim Ecclesia, à martyrum subtus
 aram sepulcro, dicebatur *martyrium*, quod docent
 multa loca quæ profert Durantus l. 1. de rit. c. 1. n. 11.
 ita Ecclesia quoque dicta sit *confessio*, vt idem Du-
 rantus existimat, & ante eum Onuphrius l. de inter-

pret. vocum Eccles. v. *confessio*. Et ita habet prior Latina editio Concilij Gangrensis canone 20. Eodem (quod ad rem præsentem attinet,) recidit germana notio mihi que magis probata, eiusdem vocis, qua *confessio* apud veteres non templum vniversum quo conditæ essent martyris alicuius exuviæ, sed eam duntaxat templi partem qua sepulcrum illius contineretur, designabat: cryptam videlicet aut sacellum sub altari, quo sacrum martyris pignus asseruabatur: ad cuius similitudinem locus imus sub gradibus, & maiori Ecclesiarum altari, *confessio* plerumque appellatur. Nam consueuisse sub altari condi martyrum corpora, patet ex illis verbis Apoc. 6. *Vidi subius altare animas interfectorum propter verbum Dei, & propter testimonium quod habebant.* Meritoque ita factum, vt S. Augustinus philosophatur serm. 11. de Sanctis. *Quia super altare, Corpus Domini offertur. Nec immerito illic iusti vindictam sanguinis postulant, ubi etiam pro peccatoribus Christi sanguis effunditur.* Præclare ite S. Ambrosius ep. 85. cum de sacris pignoribus SS. Geruasij, & Prothasij sub altari condendis ageret. [Succedant victimæ triumphales, in locum vbi Christus Hostia est, sed ille super altare, qui pro omnibus passus est, isti sub altari qui illius redempti sunt Passione.] Hæc *confessionis* in antiquis libris Ecclesiasticis notio à Bulerio l. de templis, c. 3. multis locis prolatis illustratur, cõfirmaturque à Baronio in notis ad Rom. Martyr. 6. Iulij: & vt vides, æquè monstrat, *confessionis* vocem, ex prisco vsu, ad martyres quoque consummatos, & pro fide cæsos pertinere, id quod etiam disertè liquet ex Hieronymo epist. 27. ferè in fine.

3. Postea tamen vox *confessoris* & *confessionis*, strictius

strictius vsurpata est , & arctata ad eos qui cæsi pro Christo non fuissent , sed vel torti duntaxat essent citra mortem , vel nondum torti , iam tamen carcere conclusi essent , mox torquēdi ; vel certè relegati pro Christo essent in exilium , aut illud illi fragilitati suæ diffidentes , veritique ne tormentis frangerentur , præoccupassent. His enim modis , dictos variis locis aut temporibus *confessores* , aduerto , & *martyribus* pro Christo consummatis contradistinctos. Nec esset difficile singularum illarum acceptio num exempla multa congerere , sed ne in re facili multus sim , pauca duntaxat observabo. Apud Victorem ergo Vticensem lib. 1. non semel , *confessor* appellatur qui tormentis vexatus est citra mortem , nominatimque Masculum archimimum , ait Victor , per Geiserici invidiam martyrio exclusum , reuersum confessorem. S. quoque Cyprianus , Aurelium , Celerinum , & Numidicum , etiam si tormenta passos , vocat confessores epist. 33. 34. & 35. Idem verò Cyprianus plerunque Confessoris nomen aptat iis qui nondum torti , essent tamen inclusi vt torquerentur , quos Tertullianus *martyres designatos* nominat lib. ad Martyres initio. Eamque Confessoris notionem apud S. Cyprianum , pluribus stabilit Pamel. ad epistolam eius nonam num. 2. & ad lib. Tertul. ad Martyres n. 1. annuitque Baron. in notis ad Rom. Martyr. 2. Ianua. *littera H.* addens tamen , apud alios iam olim diuersū fuisse vocis illius vsum , neminemque ab eis dictum Confessorem , nisi qui vel tormenta expertus nondum martyrium consummasset. vel interpellatus , Christum coram fidei hostibus confessus esset : Qua ratione , qui fuga confessionem præuenissent , & spontaneo exilio tormentis , se subduxis-

sent, vt factum est à S. Paulo primo Eremita, & à D. Basilij maioribus, non fuissent nacti confessorum titulum. Sed contrarium conceptis verbis tradit S. Carius Papa in præclara parænese ad Christianos in Chromatij æde collectos, initio turbinis à Diocletiano in Ecclesiam concitati, vt refertur in actis S. Sebastiani & Sociorum. Ibi enim S. Pontifex, Christianis immanitate persecutionis consternatis, duas ait à Christo illis propositas salutis vias, Martyrij scilicet, subeunda alacriter morte, & confessionis, secedendo voluntariè propter Christum, quod vt facerent, autor fuit omnibus iis quibus Romana commoratio periculosa videretur, vsuris oblato per Chromatium in Campania domicilio, & necessariis ad victum. Quare sine dubio hi quoque voluntarij exules, Confessores sunt appellati, vt affirmabam. Baronius loco allegato, hos voluntarios exules, *extorres* dictos ait, vetusto illo loquendi genere Certum tamen est, hanc appellationem his quoque æquè frequenter aptatam, qui Christum professi, mulcebantur exilio. Sic S. Cyprianus epist. 9. agens de Sanctis illis qui inter tormenta, fortes in confessione perstiterant, ait eos post irrogata supplicia extorres esse factos. Epistola item 14. pro eodem accipit, extorrem fieri & pelli à patria. Præterea epist. 19. ait lapsos, iteratò tentatos & publicè Christum confessos, factos esse extorres, sicque antè delictum abluissè: additque mulierem cui nomen *Bona*, cum constanter renuisset sacrificia idolorum; extorrem factam, & pulsam in exilium. Denique epist. 33. Aurelium lectorem commendat ob editum insigne fortitudinis specimen, quando extorris fiebat per fidei hostes, & in exilium amandabatur. Apud Victorem quoque

quoque Vticensem initio libri tertij, extorres apertè dicuntur, qui in exilium pulsi pro Christo fuerant, non ipsi vltro abierant. Itaque quamuis *extorres* inter-um dicti sint illi, quos postremo loco recensēbamus inter eos quibus olim Confessorum appellatio competebat; tamen non potest dubitari, quin saltem æquè frequenter ea vox, ad quoscumque pro Christo exules accommodaretur. Et quadrat vocis cortex; dictos enim *extorres*, quasi extra terram eiectos, notat Alciatus ad l. *nemo Clericus* Cod. de summa Trinit. & fide Cathol. ac proinde etiam ij quos propriè relegatos dictos volunt, & extorribus vltro beuntibus contra ponunt, extorres quoque dici poterunt, & reuera sunt dicti.

Qui nunc Confessores.

4. Præter hæcenus propositas notiones *Confessoris*, prout *Martyri* contradistinguitur, ea est quæ nunc sola viget, designatque hominem sanctè ac piè viventem, & eatenus Domino consistentem: quamuis martyrio, nisi incruento & interno, non sit perfunctus. Expressit pulcherrimè hanc Confessoris à Martyre distinctionem S. Bernardus serm. de S. Benedicto. Tractans enim spiritualementem seminationem quæ facta est in terra nostra per sanctissimam Trinitatem, per Angelos, Apostolos, Martyres, & Confessores, concludit quoad illos de quibus est hic sermo. [Martyres, manifestum est fortitudinem seminasse. Porro verò Confessores, seminaverunt iustitiam, quam in omni vita sua secuti sunt. Hoc enim interest inter Martyres & Confessores, quod inter Petrum simul omnia relinquentem, & Abraham,

substantiam mundi in bonos vsus expendentem. Sic enim illi, consummati in breui, expleuerunt tempora multa: Isti verò longa & multimoda traxere martyria.] In eandem sententiam Petrus Blesensis tract. de institutione Episcopi in ipsa meta, ita loquitur ad
 “ Ioannem Vvignoniensem in Anglia Episcopum. [Sic
 “ studeas implere Pontificem, vt in Domino viuas,
 “ & in Domino moriaris. Verbum Apostoli est: siue
 “ viuimus, siue morimur, Domini sumus. Vita qui-
 “ dem Confessorem, causa martyrem facit. Vbi autem
 “ persecutionis causa non imminet, pia in seipsum
 “ crudelitas, & desiderium patiendi, vicem martyrij re-
 “ compenset.]

Presè ac latè dicti martyres, scernuntur.

5. Habemus ergo, qui presè, & in quodam vocis rigore per inolitum vsum probato, martyres sint dicti: Nempe omnes qui mortem pro Christo oppetierunt, vel cum tormentis & grauibz ærumnis extrinsecùs irrogatis sunt conflictati. Cæteri verò quos recentiore vocis vsu, Confessores dictos vidimus; hoc est; quicunque extra fidei causam, ac citra mortem, acerbum aliquid sunt passi extrinsecùs irrogatum, vel ab ipsismet accitum, non nisi laxato vocis rigore, dicti sunt martyres. Distinguit latè hoc duplex Martyrium, autor libri de duplici martyrio inter S. Cypriani opera, & pulchrè Origenes tomo 5. in Ioannem, expendens illud de Baptista scriptum Ioan. 1. *Hic venit in testimonium.* Præfatus enim, & Deum, & Christum, & Sanctos Prophetas, munere testium & martyrum perfunctos, subdit. [Quis-
 “ quis autem testificatur de veritate, tum verbis, tum
 “ operibus, quomodocunque fauens illi, is iure testis
 “ dicendus est, sed iam fraternitatis more, qui admi-
 ratione

atione proſecuti ſunt, (nempe affectum eorum, qui
 ſque ad mortem certarunt pro veritate, vel fortitu-
 dine) eos propriè ſolos nominarunt martyres, ſeu
 teſtes, qui ſui ipſorum ſanguinis effuſione, diuini
 cultus myſterio, teſtimonium reddidere. Cum ſerua-
 tor etiam, nominet omnes teſtimonium præbentes
 iis, quæ de ſe annunciantur, *μάρτυρες*, hoc eſt, teſtes,
 cum in cœlum reciperetur dicendo Apoſtoliſ: eritis
 mihi teſtes, tum in Hieruſalem, tum in Samaria, &
 uſque ad vltimum terræ. Vt autem leproſus ille mun-
 datus munus offert à Moſe præceptum, ad teſtimo-
 nium hoc faciens iis, qui in Chriſtum nondum cre-
 diderunt, ſic ad teſtimonium afferendum infidelibuſ,
 tum martyres, tum ſancti cæteri teſtificantur, quo-
 rum opera coram hominibuſ lucent. Vitam enim
 degunt, in Chriſti cruce ſummam fiduciam haben-
 tes, & teſtificantes de vera illa luce.] Haſtenus de vo-
 cum notione, & martyrij multiplicitate, cortice
 tenùs. Nunc eadè duplex martyrij notio diſtinctè &
 in particulari illuſtrâda & enucleâda eſt, ducto initio
 à martyriolatè ac laxè dicto, quod minùs in eo heren-
 dum ſit, cum huius cauſæ minùs interſit, vt patebit.

P A R S P R I M A.

*Pancarpia Chriſtiana, ſive Eclogæ ex Patribuſ
 de Martyrio latè dicto.*



Hoc martyriũ, fuſiſſimè & expli-
 catiſſimè proponitur ab Aucto-
 re libri de duplici martyrio, qui
 D. Cypriani operibuſ admix-

tus habetur, ita ut si Cypriani vel idonei auctoris opus esset, non alia requirenda videri posset eius tractatio. Verum quisquis fuit qui glorioso S. Cypriani nomine spurium illum foetum honestare voluit, admodum pingue iudicium, de lectorum iudicio, & obesa eorum nare, ferre visus est. Præter paucas namque plagulas hinc inde ex Cypriano decerptas ad mastrucam illam inoculandam, nihil omnino in eo opere est, quod Cyprianum redoleat: estque id adeo obuium, per se, ac citra laboris impensam, ut non sit sagacitas necessaria ad vestigandum curaue ad deprehendendum. Et quamuis insulsus mango ad fucum imperitis faciendum, Fortunati & alterius ad eum à se conscripti libri, qui Cypriani germanus foetus est, mentionem ingesserit, signarique etiam annos qui à Christo fluxere ad sanctum usque Cyprianum quos ad suam usque ætatem & tempus quo illa scriberet, ducentos quadraginta plus minus interlapsos affirmat: Tamen quod operosum sit affabrè mentiri, alia quædam adiungit, quibus suam fingendi ruditatem, satis prodidit. Cuiusmodi est ut cætera premam, quod Diocletiani in Christianos sæuientis meminere num. 17. cum tamen constet ferè illam non paucis

paucis à Cypriani morte annis in Christi
ouile esse grassatã. Militem præterea à Cæ-
sare ad Turcas profugientem inducit num.
24. quamuis quanto posteriùs innotuerit
Turcarum nomen, & Cæsarum aduersus
eos bella cœperint, nemo in re historica
adeò rudis sit, vt ignoret. Quod verò se
quandoque Magum num. 26. ementiatur,
hoc perspicuè ad illud Græcorum erratum
pertinet quo etiam Gregorius Theologus
laborauit, de vno eodémque Cypriano Ni-
comedix passo sub Diocletiano, antea Ma-
go, & Carthaginensi passo in Africa sub Va-
leriano. Eum enim errorem nondum dedo-
ctus, personatus hic Cyprianus, Magicæ se
impietatis insimulat. Quare cum res sibi
suas habere iubeo, & ad martyrij latè ac-
cepti illustrationem, neglecta eius tractatio-
ne aggredior. Et quia martyrium, vt fert
omnium sensus, perpeffionem asperorum
pro Christo sonat, eaque constituitur, id in-
primis generatim prosequar: Tum sigilla-
tim descendam ad perpeffiones quasdam,
quæ inter incruentas videntur maioris ope-
ræ, ideóque martyrij latè sumpti nomen,
dignius implent. Ac vt maior affletur fra-
grantia, non aliud ferè hac prima parte,
quàm sertum ex amœnissimis Patrum arce-
lis

lis lectum porrigam, quod quia ex variorum defloratione contexetur, pancarpium dicere visum est cum Tertulliano L. contra Valenti. cap. 12.

C A P V T I.

Omni omnino, patientem p̄i viri perpeſſionem, latè dicti martyrij ambitu, contineri.

1. **Q** Vandoquidem ſpectato vocis cortice, idem eſt martyr, qui teſtis, vt monſtrauimus; & martyrium, idem quod teſtimonium, quiſquis incommodum aliquod patienter ſubeundo, teſtimonium Chriſto vel virtuti perhibet, ſiue vt ita dicam, in actu ſignato, hoc eſt adhibitis verbis conteſtatione veritatis alicuius reuelatæ fœtis, ſiue rei p̄ſa & opere, quæ optima eſt ac fortis teſtificatio, is martyris nomine, & in ſcripturis interdum, & frequenter apud Patres honeſtatur: illaque eius perpeſſio, martyrium quoddam dicitur. Signabo illuſtiora quædam loca.

Perſtrieta Scriptura quedam à Patribus Martyrium patientiæ aſtruentibus uſurpato.

Ex ſcriptura, non pauci Patres in hanc rem laudant Apoſtolum c. 11. & 12. ad Hebræos, vbi animans eos qui Chriſtianam fidem Iudaïſmo abiecto amplexi, & illuminati ſiue baptizati, magnum certamen ſuſtinuerant paſſionum, affirmat *Senes*, hoc eſt anteriorum temporum iuſtos, multa conſtanter in cauſa fidei & iuſtitiz patiendo, conſecutos eſſe
mar

martyrium; non omnes quidem cruentum, sed ple-
rosque duntaxat incruentum, & latè sumptum. *In*
hac, inquit, agens de fide, initio vndecimi capitis, *te-*
stimonium consecuti sunt senes, ἐν ταύτῃ ἐμαρτύρηθη-
σαν εἰ προσβύτεροι. Tametsi autem Oecumenius, Ga-
gneius, Richelius, & passim recentiores, verbum il-
lud Græcum quod vulgatus expressit per eas voces
testimonium consecuti sunt, ita exposuerint, vt nō ferat,
iustos quos mox recēset Apostolus, omnes esse mar-
tyres, & martyrium in fide consecutos, sed tantūm
ferat eos à Deo approbatos esse, & testimonium fuif-
se consecutos quòd Deo placerent: Tamen si vni-
uersam Apostoli orationē inspiciamus, (qui optimus
est interpretandi & germanum sensum eruendi ca-
non vt S. Chrysostomus sæpè ingeminat,) videbi-
mur non incongruè fecisse, affirmantes, *testimonium*
consequi, in illo Apostoli loco, idem esse quod conse-
qui martyrium; nec significare, testimonium à Deo
accipere, sed Deo reddere, vt aliquoties in sensu pas-
siuo, non in actiuo quem astruimus, accipienda sint
eadem verba citato capite 11. Sanè in calce capi-
tis, vbi concluditur enumeratio singulorum iusto-
rum proposita toto capite, ad exponendum quod
præmissum fuerat eos in Christi fide testimonium
esse consecutos, ita loquitur Apostolus. *Hi omnes te-*
stimonio fidei probati, &c. aperte refricans quod præ-
miserat initio capitis, atque adeo agens de illo ipso
testimonio, quod senes, in fide consecutos asseruerat.
Ita vt idem planè sit, eos testimonium in fide esse
consecutos, & testimonio fidei esse probatos. In hoc
autem postremo loco, probari testimonio fidei non
est fidem perhibere homini testimonium, vel Deum
intuitu fidei quam in homine approbaret, mira
quædam

quædam præstitisse, aut hominem sibi esse charum, voluisse testatum, quæ est multorum huius loci interpretatio: Sed aperte, idem est *probari testimonio fidei*, atque *comperitum esse fidelem testem*, siue commendari à testimonio per hominem præstito fidei & veritati. Propterea namque Apostolus initio capitis 12. quod statim subsequitur, addit. *Idcirco & nos tantam habentes impositam nubem testimonium*. En *testium*, quorum profectò est, testimonium non accipere, sed reddere. Quare manifestè Apostolus, senes quos enumerauerat, & testimonium in fide consecutos dixerat, accensuit martyribus, siue testibus diuinæ veritatis, eosque in fide consecutos esse martirium professus est. Quod liquet non posse de martyrio cruento accipi, cum plerique eorum quos recensuerat, imò præter vnum Abelem, omnes quos ex nomine signauerat, placidè & naturali morte excessisse legantur. Et tamen de omnibus, siue sigillatim enumeratis siue vniuersim propositis, ait Apostolus: *Hi omnes testimonio fidei probati*. Nempe testimonio & martirio saltem latè dicto, quale duntaxat in Abrahamo, Mose, Dauide, aliisque permultis ibidem enumeratis, licet agnoscere. Et ita optimè notauit S. Chrysostomus orat. 5. contra Iudæos, & Theodorus Studita serm. 10. catech.

2. In eundem sensum, accipere licet illud dilecti discipuli, epistola 1. c. 5. *Tres sunt qui testimonium dant in terra, spiritus, aqua, & sanguis, & hi tres vnum sunt*. Duplicem enim eo loco profert Trinitatem, veritati diuinæ de Christo Domino attestantem. Alteram cœlestem & increatam, tribus diuinis personis constantem. Alteram terrestrem & creatam

atam, spiritu, aqua, & sanguine (quæ item tria
um esse asserit) constitutam. Vt autem dimittam
mensam syluam interpretationum de tribus illis
timonium in terra perhibentibus, videtur com-
modissima quam ex Balduino Cantuariensi l. 1. de
char. c. 48. referunt de spiritu iustorum contribu-
o, aqua poenitentium, sanguine martyrum; quæ
a vnum esse dicuntur testificatione, quia in hoc
assentiunt, quod singula sunt martyrium & testi-
fatio diuinæ veritatis: sanguis quidem pressè ac-
tè: reliqua duo, saltem largè, non tamen omnino
propriè & absque vlla cum vero martyrio analo-
giam, quæ maxima omnino intercedit, vt attigit S. Ber-
nardus serm. 1. in octaua Paschæ; & serm. de S. Cle-
mente. Sed & quod Iacobi 1. patientia opus perfe-
ctum habere dicitur, in commentario attributo S.
Ieromæ, ita accipitur, *ut opus perfectum* idem sit
et *martyrium*. Et fauet D. Augustinus qui perfe-
ctus in Ecclesia interpretatur martyres, serm. 17.
verb. Apost. Fortè alludens ad vsum priscum
manum, ex quo Athletæ præstantissimi, dice-
bantur *perfecti*, & eorum præmia *τελειά*. Nolo in
libris plerisque locis hîc appendendis, diligen-
ter probare, quod Patrum sententiæ in rem pro-
positam proferendæ, multis huiusmodi vtriusque
ini instrumenti testimoniis fœtæ sint; nec videam
re lectoris, iis iteratò adducendis, impleri pa-
ras.

Patrum suffragia.

3. Quare ad Patres venio, qui innumeris locis as-
serunt quod hîc intendimus: Esse videlicet piam
quamcumque

quamcunque & patientem perpeffionem probi hominis, martyrium quoddam, atque adeò martyrij ambitu non folam fanguinis & vitæ profufionem, fed alia quoque contineri. In immenfa autem copia adhibendus erit delectus, & felectiora quædam loca aliis fepofitis fignanda.

Clemens Alexandrinus difertè ita habet 4. Strom.
 “ cap. 4. [Quid mihi dicitis (inquit) Domine Domi-
 “ ne, & non facitis quæ dico? qui enim labiis diligit
 “ populus, cor autem longè habet à Domino, eft
 “ alius alio perfuafus, & ei fe fua fponfe vendidit:
 “ quicumque autem feruatoris mandata exequentur,
 “ in vnaquaque actione funt martyres, id eft testes,
 “ facientes quidem quod vult, confequenter autem
 “ nominantes Dominum, & reipfa testantes, ei cui
 “ credunt effe carnem, cum eam cruci affixerint cum
 “ vitiis, & concupifcentiis.]

Suffragatur S. Methodius apud Epiphanium hæc.
 64. Exponens enim illud, *igne nos examinafti*, & id
 martyribus accommodans, negat, eo nomine illos
 tantùm effe intelligendos in quos procella forenfis,
 aut gentium infectatio detonuerit, fed alios quo-
 que in Ecclefie pace, multa (vt affolet) pro Deo, &
 “ iuftitiæ exercitatione perpeffos. [Dicat fanè (inquit)
 “ etiam Abraham, igne examinatus in vifceribus ob
 “ vnigenitum filium, vbi mandatum Dei prætulit,
 “ poftquam audiuit, Abraham parce filio tuo, abiecto
 “ gladio: probafti nos Deus, igne examinafti nos, ve-
 “ lut igne probatur argentum. Dicat & Iob poft pu-
 “ rulentiæ defluxum, & vbi ab amicis impropria
 “ pertulit, & corpore male affectus doluit, & per
 “ procellam loquentem ad ipfum, Deum audiuit:
 “ putas me aliter tibi refponfum dediffe quàm vt
 iuftus

iustus appareas? posuisti tribulationes coram nobis Domine, quo nos velut aurum in fornace probas. Dicant tres illi in camino pueri, rore madentes, vt ne comburerentur igne: probasti nos Deus, igne examinasti nos, velut igne probatur argentum, Transiuimus per ignem & aquam, & eduxisti nos ad refrigerationem. Quare & mihi Methodio dicere licebit, vbi in die tua, ô Deus omnipotens, æternus pater Christi, citra dolorem transgressus fuero ignem, & aquarum naturam infortuniam mutatam habuero, ipsorumque impetus effugerò; Transiui per ignem, & aquam, & eduxisti me ad refrigerationem.]

4. Luculenter Nazianzenus orat. 6. coram Gregorio Nysseno in SS. Martyrum festo habita. [Purificemus nosmetipsos martyribus fratres, vel ei potius cui ipsi quoque cruoris sui profusione, veritatisque confessione, purificati, & expiati sunt. Mundemur ab omni inquinamento carnis, & spiritus, Lauemur, mundi efficiamur, exhibeamus nos etiam corpora nostra, & animas, hostiam viuentem, sanctam, Deo placentem, rationabilem nostram precationem. Neque enim purus tanto in pretio quicquam habet, quàm puritatem, aut purificationem. Certemus propter athletas: vincamus propter victores: Testimonium dicamus veritati propter martyres. Hoc illorum certaminibus demus, vt ipsi quoque palmam assequamur, atque eiusdem gloriæ hæredes simus, tam illius, quàm à nobis accipiunt, quàm illius quæ in cœlis recondita est: cuius monumenta quædam, & exigua signa sunt, quæ oculis cernuntur: Aduersus principatus, & potestates, certamen incamus, aduersus inuisi-

" biles illos persecutores , & tyrannos , aduersus
 " mundi rectores tenebrarum huius sæculi , aduer-
 " sus spirituales nequitias in cœlestibus , & quæ cir-
 " ca cœlestia feruntur , aduersus domesticum atque
 " intestinum vetus bellum , quod in animi pertur-
 " bationibus situm est , aduersus quotidianos ea-
 " rum , quæ externè accidunt rerum impetus. Itam
 " velut belluam quandam , linguam velut præa-
 " cutum gladium sustineamus : voluptatem velut
 " ignem extinguamus , Auribus nostris ianuas ap-
 " ponamus quæ tempestiuè aperiantur , & clau-
 " dantur : oculis frænum iniiciamus , tactum rabie la-
 " borantem , & gustum vellicantem coercemus :
 " ne alioqui mors per fenestras nostras ascendat :
 " (hoc enim nomine , sensuum sedes vocari existi-
 " mo.) Effusum & petulantem risum irrideamus. Ne
 " ob rerum penuriam , ante Baal genu flectamus ,
 " neq; ob metum si auream imaginem adoremus.
 " Hoc vnum timeamus , ne quid magis , quàm
 " Deum timeamus , diuinæque imagini per impro-
 " bam viuendi rationem probrum inferamus. In om-
 " nibus fidei scutum assumamus , atque omnia dia-
 " boli tela effugiamus. Nam hoc quoque bellum
 " graue , ac periculosum est , hæc quoque dimicatio
 " magna , & amplum ac luculentum hoc trophæum.]

Ad eandem mentem S. Ephrem , in altera SS.
 " Martyrum laudatione.] Sanctorum te Martyrum
 " discipulum præbet. Nam si te illis discipulum de-
 " deris , erunt & ipsi vicissim tibi magistri optimi ,
 " addiscesque ab iis passiones quascunque superare ,
 " ac nullatenus eis locum dare : disces quoque ab
 " eisdem perfectam fidem , dilectionem Dei , ac
 " ingentem commiserationis affectum , futurorū-
 " que

que bonorum desiderium: nam ardentem hi rogum
ac flammam virtute Dei, fideque perfecta extin-
xerunt, atque vicerunt. Quare & tu semper praua
ac noxia concupiscentia flammis in teipso re-
stingue, ac vince. Varia illi tormenta superarunt,
spe, qua in Christum erant, suffulti: quocirca & tu
turpes cunctas passiones, casta piaque mente, at-
que cogitatione superare contende. Vicerunt illi
tyrannos sua modestia atque longanimitate. Vince
igitur & tu tyrannidem iracundia, iisdem instru-
ctus armis. Illi palam martyres fuerunt: at tu in se-
creto saltem, martyrem perfectum te praebe. Illi
in aperto certamen consummarunt: perfice tu
quoque certamen in occulto; ut in die retributio-
nis, corona cum ipsis doneris: ac in coelesti regno
socius gloriae illorum inueniaris, simulque gaudio
sempiterno perfruaris.]

Eleganter & fuse, nec infrequenter idem tradit
S. Chrysostomus; vnum aut alterum duntaxat lo-
cum signabo. Initio orationis in S. Barlaam sic
ratiocinatur. [Qui fieri potest, dicet aliquis, ut mar-
tyres imitemur: Non enim persecutionis est tempus.
Equidem id etiam scio, persecutionis quidem tem-
pus non est; at Martyrij est tempus: luctarum eius-
modi tempus non est, at coronarum est tempus: Non
persequuntur homines, at persequuntur Dæmo-
nes: Non vexat tyrannus, at vexat Diabolus, ty-
rannorum omnium senissimus: Non obiectas pru-
nas conspicias, at cupiditatis conspicias flammam
accensam. Illi prunas calcarunt, tu naturae pyram
calca: illi cum bestiis pugnarunt, tu iram, immi-
tem & indomitam belluam fræna: illi aduersus
intolerabiles dolores steterunt, tu absurdas, pra-

uásque cogitationes , quæ in corde tuo pullulant , vince. Ita Martyres imitabere. Nunc enim nobis non est colluctatio aduersus carnem & sanguinem ; sed aduersus principes , aduersus potestates , aduersus mundi rectores tenebrarum harum , contra spiritualia nequitiae. Ignis est cupiditas naturæ , ignis inextinctus ac perennis , canis est rabidus & infanus : licet millies eum propellas , millies impetum facit , nec absistit. Sæua quidem prunarum est flamma , verum hac vehementior est flamma cupiditatis. Nunquam inducias belli huius obtinemus ; nunquam pugnae cessationem obtinemus , dum in hac vita versamur , sed perpetuum est certamen , ut & splendida fiat corona : propterea Paulus nos semper armat , quandoquidem belli est tempus ; quandoquidem vigilat semper hostis.] Optimè idem in Psalmum 95. *sub finem* , ubi locum ex S. Ephrem prolatum videtur expressisse. Commendat enim martyrium in occulto , quod in perpeffione patiente constituit , & eiusdem cum manifesto rationis esse docet : quod sicut martyr manifestus , coram iudice Deum abnegare renuit , & idcirco letho datur , & coronatur , sic martyr in occulto , virgente ad scelus Satana , & impatientiam aduersus diuina scita excutere annitente , Deo iudice coronetur , tanquam martyr proposito , & voluntate , penes quam vnam , gloria martyrij attenditur. Idem pulcherrimè homil. 11. in ad Hebr. post enumerata sacrificiorum mysticorum varia genera , quæ vocat rationabilia obsequia , istud quoque non omisit , quod martyrium esse ait , & holocaustum continere admodum affine , & quo pressè dicti martyres sanguinem suum fundentes , Deo litant.

S. Ambrosius, mysticæ huius persecutionis ac martyrij auctores, eiusque multipliciter, diligenter & pro more amœnissimè aperit serm. 20. in Psalm. 118. V. s. expendens illud, *Multi qui persequuntur me*, post tactum martyrium S. Seballiani, cuius tunc natali, eam Psalmi partem, pro concione exponebat. [Non solùm (inquit) persecutores sunt qui videntur, sed etiam qui non videntur, & multo plures persecutores. sicut enim vnus persecutor Rex multis persecutionis præcepta mittebat, & per singulas vel ciuitates, vel prouincias erant diuersi persecutores: ita etiam Diabolus multos ministros suos dirigit, qui non foris tantùm, sed etiam intus faciant persecutiones, in animis singulorum. De his dictum est persecutionibus; omnes qui volunt piè viuere in Christo Iesu, persecutiones patiuntur. Omnes dixit, nullum exceptit. Quis enim potest esse, cum ipse Dominus persecutionum tentamenta tolerauerit? persequitur avaritia, persequitur ambitio, persequitur luxuria, persequitur superbia, persequitur fornicatio. Vnde & Apostolus ait. Fugite fornicationem. Nam quæ causa fugeres, si non illa te persequeretur? Est enim malus spiritus fornicationis, est malus spiritus avaritiæ, malus spiritus superbiæ. Isti sunt persecutores graues, qui sine gladij terrore, mentem hominis frequenter elidunt, qui illecebris magis quàm terroribus animos expugnant fidelium. Hi tibi hostes cauendi. Hi grauiorē tyranni, per quos Adam captus est. Multi in persecutione publica coronati, occulta hac persecutione ceciderunt. Foris, inquit, pugnae, intus timores. Aduertis quàm graue certamen sit, quod est intra hominem, vt secum ipse

“ confingat, cum suis cupiditatibus prelietur. Ipse Apo-
“ stolus fluctuat, hæret, astringitur, captiuari se af-
“ ferit in lege peccati, & mortis corpore debellari,
“ nec potuisse euadere, nisi esset Domini Iesu libe-
“ ratus gratia. Verum ut multæ persecutiones, ita
“ multa martyria. Quotidie testis es Christi. Tenta-
“ tus es spiritu fornicationis, sed veritus Christi fu-
“ turum iudicium, temerandam mentis, & corporis
“ castimoniam, non putasti, martyr es Christi. Tenta-
“ tus es spiritu auaritiæ, ut possessionem minoris in-
“ uaderes, indefensæ viduæ iura temerares, & in
“ cōtemplatione cœlestium præceptorum opein ma-
“ gis ferendam quàm inferendam iniuriam iudicasti,
“ testis es Christi. Denique tales vult testes Christus
“ assistere, secundum quod scriptum est: iudicate pu-
“ pillo, & iustificate viduam, & venite disputemus
“ dicit Dominus. Tentatus es spiritu superbiæ: sed
“ videns inopem, atque egenum, pia mente com-
“ passus es: humilitatem magis quàm arrogantiam
“ dilexisti: testis es Christi: & quod est amplius, non
“ sermonis tantummodò, sed etiam operis testimo-
“ nium perhibuisti. Testis es Christi. quis enim lo-
“ cupletior testis est, quàm qui confitetur Domi-
“ num Iesum in carne venisse, cum Euangelij præ-
“ cepta custodit? Nam qui audit, & non facit, negat
“ Christum: etsi verbo fatetur, operibus negat.
“ Quàm multis dicentibus Domine, Domine, nonne
“ in tuo nomine prophetauimus, & dæmonia eieci-
“ mus, & virtutes multas fecimus, in illa die respon-
“ debit, Discedite à me omnes operarij iniquitatis?
“ Ille ergo testis est, qui astipulantibus factis Domi-
“ ni Iesu præcepta testatur. Quanti ergo in occultis
“ quotidie martyres Christi sunt, & Iesum Domi-
num

num confitentur? Nouit hoc martyrium Aposto-
lus, & testimonium Christi fidelium, qui dixit: hæc
est enim gloriatio nostra, testimonium conscientie
nostræ, &c. Et in intimis persecutionibus sunt
Reges, & præsides, terribiles iudicij potestate. Ha-
bes exemplum in domini tentatione, quam pertu-
lit. Demonstrata enim sunt ei omnia regna, & di-
ctum est ei: Tibi dabo hæc omnia, si procidens ado-
raueris me. Lectum est & alibi: Non regnet pec-
catum in vestro mortali corpore. Vides ante quos
Reges statuaris ô homo, ante quos præsides pec-
catorum? Si culpa regnat, quot peccata, quot vi-
tia, tot reges: & ante hos adducimur, & ante hos
stamus. Habent etiam isti reges, tribunal in men-
tibus plurimorum. Sed si quis Christum, fateatur,
statim regem illum facit esse captiuum, deiicit de
folio suæ mentis. Quomodò enim poterit Diaboli
tribunal manere in eo cui Christi tribunal assurgit.
Multi ergo persecutores, & tribulantes me.]

7. De iisdem incruentis martyriis asperorum pa-
tienti perpeffione & firma tolerantia constitutis,
apud D. Augustinum plurima & crebrò in hanc
rem leguntur. Decerpo nonnulla. Serm. 250. de
tempo. negat posse quenquam causari, præcisam
nobis in Ecclesiæ trāquillitate, & huius maris in quo
nauigamus, veluti flustro, martyrij gloriam. [Nemo
dicat (*inquit*) fratres charissimi, quod in istis tem-
poribus martyres non sint. quotidie martyres fiunt.
Martyr enim testis interpretatur. Quicunque ergo
pro veritate testimonium dederit, & omnes causas
cum iustitia iudicauerit, quicquid pro testimonio
veritatis, vel iustitiæ pertulerit, totum ei dominus
pro martyrio computabit. Ac sic & ille qui ebrie-

« tati resistit. si cum dei adiutorio perseverare volue-
« rit, & pro illo ipso aliquas pertulerit tribulationes,
« omnia ei Dominus ad martyrij gloriam reputabit.]

Ibidem serm. 232. tractans offensionem, in quam
pro illorum temporum corruptela, (heu nunc quo-
que superstiti,) incurrere timebāt qui prouocātibus
ad numerosam fecundorum calicum exsiccatio-
nem, recusabant obtemperare, post multa, ita con-
« cludit. [Nemo dicat fratres charissimi, quod in istis
« temporibus martyrum certamina esse non possint.
« Habet enim & pax nostra martyres suos. Nam, sicut
« frequenter suggestimus, iracundiam mitigare, libi-
« dinem fugere, iustitiam custodire, auaritiam con-
« temnere, superbiam humiliare, pars magna mar-
« tyrij est.]

Rursus serm. 32. de sanctis, qui est tertius de S.
« Laurentio. [Martyr Græcè, Latinè testis dicitur.
« Igitur quotiescumque bonis actibus mandatum
« Christi, facimus, toties Christo testimonium per-
« hibemus. Vnde & crux domini, non tantum illa
« dicitur, quæ passionis tempore, ligni affixione con-
« struitur, sed illa quæ totius vitæ curriculo cuncta-
« rum disciplinarum virtutibus coaptatur. de qua
« mihi videtur saluator dicere, qui vult post me veni-
« re, tollat crucem suam, & sequatur me. Nunquid
« enim omnes martyres, qui secuti sunt dominum,
« crucifixi sunt cum domino? Nunquid omnes virgi-
« nes qui iuxta Apocalypsim sequuntur agnum Dei,
« crucifixi sunt, vt sequantur? nunquid Paulus Apo-
« stolus crucifixus fuerat cum dicebat, mihi autem
« absit gloriari nisi in cruce domini nostri Iesu Chri-
« sti, per quem mihi mundus crucifixus est, & ego
« mundo? hoc autem dicit, vt intelligas, crucem non
ligni

ligni esse patibulum, sed vitæ virtutisque propo-
situm. Tota igitur vita Christiani hominis, si secun-
dum euangelium viuat, crux est atque martyrium.]

Ibidem serm. 46. [non martyrium sola effusio
sanguinis consummat, nec sola dat palmam exultio
illa flammarum. Peruenitur non solum hoc casu,
sed etiam contemptu carnis ad coronam. absque
iniuria sanctorum, in persecutionibus defunctorum,
dicere liceat, carnem afflixisse, libidinem superasse,
auaritiæ restitisse, de mundo triumphasse, pars
magna martyrij est.]

8. Eadem incruenta martyria, agnoscit, celebrat-
que non vno loco scriptor vernantissimus S. Euche-
rius. sed pulcherrime homil. de S. Genesio, vbi
Christianos omnes exemplo martyrum illorum, qui
animas suas pro Christo abiecerunt, ad huiusmodi
saltem martyria stimulat. Ita verò concludit elegan-
tem de more expressionem, vexationum SS. marty-
ribus per Ethnicos in causa fidei irrogatarum. [Hos
ergo charissimi ita miremur, vt homines fuisse me-
minerimus: Hos inquam ita miremur, vt eos
nostri similes nouerimus, & sub eadem, qua nos
sumus carnis fragilitate vixisse; & per hoc sequamur
inquâ tum possumus fidem illorum, sectemur animi
virtutem, qua terrena, & præsentia respuentes vim
regnis cœlestibus intulerunt. Superauerunt illi cor-
porum dolores, nos superemus morum, & cordium
passiones: Vicerunt illi tormenta, nos vitia. Illi sa-
crificare dæmoniis horruerunt, nos malitiam, inui-
diam, obrectationes, contentiones, tanquam pro-
phana sacrificia detestemur: vt inter huius mundi
conflictionis vitia, persecutores virtutis probent esse
nos martyres. Persequamur in nos peccata, & in

" quitates nostras : expugnemus superbiam , debelle-
 " ntis iracundiam ipsi in nobis; & persecutoris partes
 " exequamur , & martyrum , per castigationem vigi-
 " liarum , per contritionem ieiuniorum , per hostiam
 " viuentein , sanctam , placentem Deo, Acquiramus
 " nobis nouum , non carnis morte , sed carnalis vitæ
 " mortificatione martirium : vt de nobis quoque,
 " etiam viuentibus, dici possit , pretiosa in conspectu
 " domini mors sanctorum eius. Ergo in quantum fieri
 " potest, extingatur in nobis quicquid peccati est,
 " mortificetur morti quod sæculi est, vt pretiosa per-
 " ficiatur in conspectu domini mors viuentium.]

Idem in fine homiliæ de SS. martyribus Lugdu-
 nensibus , Epipodio & Alexandro.] Dimicauerunt
 " patres nostri contra asperrimos dolores , nos è con-
 " trario dimicemus contra mollissimas voluptates.
 " Vicerunt illi tormenta flammarum , nos vincamus
 " ignea tela vitiorum. Illi calcato diabolo retulerunt
 " spolia de morte, nos caueamus ne Christum spolie-
 " mus in paupere. Illi per virtutem fidei expensi sunt
 " in hostiam fidei , nos obseruemus ne quis nostrum
 " spoliatur per vultus peccati , & victima efficiatur
 " inimici. Illi mortui sunt in pœna exterioribus in
 " membris , & nos habemus quod occidamus in
 " nobis. Ac sic illustrium bellatorum pugnas, priuata
 " cum passionibus nostris congressione meditemur.
 " Nam quia esse nouimus sine persecutore bellum,
 " potest dare Deus & sine cruore martirium]

9. Non multum ab Eucherij æuo aberat S. Cæsa-
 " rius Arelatenfis Episcopus , imo iuxta eos qui vni-
 " cum agnoscunt Eucherium Lugdunensem Antisti-
 " tem , *ἀντιπρεσβύτερος* fuere , vt alibi est disputatum. Is
 " homil. 45. profitetur, se quod hic virgemus , fuisse
 frequen

frequenter contestatum. [Frequenter (*inquit*) dixi-
mus, Christiani persecutionem patiuntur. mundus “
iste totus in maligno positus est, aduersarius noster “
diabolus regnat in mundum, & nos putamus, quod “
non patiamur persecutionem? Quæ enim res non “
persequitur Christianum? miramur si nos perse- “
quuntur alij? Si Christo seruire voluerimus, qui est “
omnium vita, & parentes nostri nos persequuntur: “
Quicumque dissimilis est nostri, persequitur nos, & “
odio nos habet: & miramur si alij nos persequun- “
tur, cum ipsum corpus nostrum nos persequatur? Si “
comederò paululum, & corpusculum robustum “
fuerit, sanitas corporis mei, persequitur animam. “
Quocunque me verterò, persecutio mihi est: Si “
videro mulierem, oculus meus me persequitur: cupit “
interficere caro animam meam. Si videro diuitias, si “
aurum, si argentum, si possessiones; quodcunque “
videro & desiderauero, hoc persequitur animam “
meam. Non putemus effusionem sanguinis tantum “
esse martyrium. Semper ergo martyrium est. Ad- “
lescentiam libido carnis persequitur: Vult occidere, “
& effundere sanguinem animæ. Sed quando pericli “
tatur anima tua, & in grandi periculo est constituta, “
tunc oportet ieiuniis, & orationibus in dominum “
nostrum Iesum Christum animum firmiter stare, & “
non consentiamus morti. Si ergo sunt martyria in “
pacis tempore, sunt & negationes. Nemo ergo dicat “
non esse martyrium: & martyrium est, & negatio “
est. Ego hodie, qui videor esse monachus, si ruperò “
propositum meum, Christum negaui. Et si in pace “
Christum nego, in persecutione quid facerem? Si “
dum non torqueor, nec exuror, denego, si torquerer, “
& exurerer, quid facerem? Quæ enim plaga est, quæ “
debeat

« debeat ab amore Christi separare? Quid enim dici-
 « tur tibi, hoc est, incendio ardebas, in equuleo pen-
 « debas, propter me torquebaris: & dicis non potui
 « sustinere tormenta? Quomodo sustinuit Petrus?
 « quomodo Paulus? Quomodo martyres, cæteri susti-
 « nuerunt, & habuerunt corpora sicut tu habes? ô
 « monache, qui ieiunium fugis, putas te ignē fugere?
 « qui ebrietati consentis, credis te euadere aëreum
 « serpentem? Hoc ergo vobis dico, fratres: quoniam
 « sunt omni tempore martyria, sunt & præuaricatio?
 « nes.] Hæc, totidem verbis illata sunt in sermonem
 60. Pseudo Augustini ad fratres in eremo.

10. Tradit eandem doctrinam ac insigni exem-
 plo illustrat S. Gregorius hom. 35. in Euang. quam
 in S. Mamantis martyris die natali ac templo habi-
 tam, graui ad patientiam adhortatione obsignat,
 occasione accepta ex S. Mamantis exemplo, quem
 à pueritia ad senectutem vsque, longum patientiæ
 martirium duxisse, tandēque per sanguinis pro-
 fusionem, illud fœliciter consummasse, Ecclesia-
 sticæ tabulæ produnt. Ad strenuam ergo S. Martý-
 ris imitationem, & martirij captationem, in alta
 licet Ecclesiæ pace, suos in hunc modum prouocat,
 « S. Gregorius.] Quia natalem martyris hodierna die
 « colimus, fratres mei, nequaquam nos à virtute eius
 « patientiæ existimare extraneos debemus. Si enim
 « adiuuante nos Domino virtutem patientiæ seruare
 « contendimus; & in pace Ecclesiæ viuimus, & ta-
 « men martirij palmam tenemus. Duo quippe sunt
 « martirij genera: vnum in mente, aliud in men-
 « te simul, & actione. Itaque esse martyres possu-
 « mus, etiamsi nullo percutientium ferro trucidemur.
 « Mori quippe à persequente, martirium in
 aperto

aperto opere est. Ferre verò contumelias, odien-
tem diligere, martyrium est in occulta cogitatio-
ne: Nam quia duò sunt martyrij genera; vnum in
occulto opere, aliud in publico, testatur veritas,
quæ Zebedei filios, requirit dicens: potestis bibe-
re calicem, quem ego bibiturus sum? Cui cum
protinus responderent, possumus; illico Dominus
respondit, dicens, calicem quidem meum bibetis.
Quid enim per calicem, nisi dolorem passionis ac-
cipimus? De quo aliàs dicit: pater si fieri potest,
transeat à me calix iste. Et Zebedei filij, id est Iaco-
bus, & Ioannes, non vterque per martyrium occu-
buit; & tamen quòd vterque calicem biberet, au-
diuit. Ioannes namque nequaquam per martyrium
vitam finiuit, sed tamen martyr extitit: quia pas-
sionem, quam non suscepit in corpore, seruauit
in mente. Et nos ergo hoc exemplo sine ferro esse
possumus, martyres, si patientiam veraciter in ani-
mo custodimus.]

Hæc generatim dicta, exemplum Stephani Ab-
batis à S. Gregorio mox adductum, maximè illu-
strat. Erat vt ait, sancti Abbatis lingua rustica, sed
docta vita: præsertim verò patientiæ intensissimo
amore flagrabat. Itaque in tribulationis camino diu
excoctus, tandem sanctorum Angelorum qui se
aspectabiles præbuerunt, numerosa militia stipa-
tus, purissimam animam efflauit. [Quibus hunc
credamus, (ait S. Gregorius,) nisi sanctis martyri-
bus sociatum, quem attestantibus corporeis quo-
que oculis, à beatis spiritibus constat esse susce-
ptum? Nullo iste gladio percussus occubuit, tamen
coronam patientiæ, quam in mente tenuit, in
egressione percepit. Probamus quotidie verum
esse,

" esse, quod ante nos dictum est, quia sancta Eccle-
 " sia electorum floribus plena, habet in pace lilia,
 " in bello rosas.] Dixerant id ante S. Gregorium S.
 Cyprianus epist. 9. S. Hieronymus epist. 27. S. Hila-
 rius Arelat. in D. Honorati panegyrico, S. Augustin.
 serm. 37. de Sanctis, & serm. de S. Laurentio, qui
 est 37. de diuersis. Post Gregorium verò idem usur-
 pauit Beda Prouerb. 31.

11. Vsum voluntariæ flagellationis, ac (vt passim
 loquimur,) disciplinarum, inducere in vsum mona-
 chorum satagebat Petrus Damiani, obliuente Petro
 cerebroso, nominis sui monacho. Eum Petrus Da-
 miani lib. 6. episto. 27. cum aliis ex capitibus corri-
 pit, tum nominatim ex eo quod id tormenti pro
 " Christo subire, sit martyrum sorte censer. [Dum
 " manus carnificis nunc ab infligendo, martyribus
 " verberare cessat, quid obest si sancta deuotio, ipsa sibi-
 " met vnde sanctis martyribus particeps fieri merea-
 " tur, exhibeat.] Idem optimè serm. 1. de S. Apolli-
 " nare in ipsa clausula.] Quisquis gaudes fortiter
 " egisse martyres Christi, corripe & ipse arma inter
 " milites Christi. Desunt exterius hostes? verte manus
 " in te, & multos seditiosos inuenies ciues. Doma su-
 " perbiam, iugula iracundiam, extingue libidinem,
 " reprime auaritiam, occide inuidiam: & vt breuiter
 " cum Apostolo cuncta complectar, crueifige carnem
 " tuam cum vitiis, & concupiscentiis. Hoc est fortiter
 " agere, hoc est viriliter dimicare. Nam quid iuuat si
 " circa vallum te non obsideant acies persecutium,
 " & intra vrbs mœnia grassetur barbaries vitiorum?
 " Vis autem adhuc apertius discere, qualiter in pace
 " sanctæ Ecclesiæ valeas martyrium inuenire? Audi
 " attentè, intellige diligenter. cor vigilet, oculus non
 dormi

dormitet. Quod enim dico breuissimū est. Ascende
igitur tribunal mentis, & temetipsum pertrahe ad
iudicium quæstionis: cogitatio accuset, animus
iudicet, pœnitens conscientia velut carnifex feriat,
lachrymarum riuus velut vulnus erumpat. Sic sic
per martyrij similitudinem, ad veram peruenies
martyram dignitatem.]

Tandem in calce sermonis quo S. Barbatianum
Confessorem exornauit, negat obtendendum esse
remissioni nostræ defectum tyrannorum, & perse-
cutionum, cum fas sit vnicuique, martyrij in se,
nec inanem formam exprimere. Itaque sic conclu-
dit. [Nemo ergo dicat quod illi solummodò cœle-
stibus digni præmiis habeantur, qui persecutorum
gladiis pro Christi nomine feriuntur. Concluserit
Deus omnem nostræ tergiversationis aditum, ob-
struxit omne excusationis humanæ confugium.
Ecce iam non valemus cum beato Apollinare pro
Deo mortem subire, possumus saltem cum beato
Barbatiano vitam Deo placentem ducere. Magnum
quippe est mori pro Christo, sed non est inferius
viuere Christo. Vtrumque enim in statera Paulus
æqua lance pendebat, cum diceret: Nemo enim no-
strum sibi viuit, & nemo sibi moritur; siue enim
viuimus, Domino viuimus, siue morimur, Do-
mino morimur. Siue ergo viuimus, siue morimur,
Domini sumus. Quisquis igitur amat martyrium,
exhibeat se martyrio dignum, & martyrij conse-
quetur proculdubio præmium. Non potest sangui-
nem fundere; potest semetipsum pœnitentiæ telo
percutere: & in cordis contritione mactare. Præ-
paretur ad feriendum iugulum, non deerit remune-
rator, etiam si defuerit gladius. Deest carnifex,
qui

„ qui ceruicem exteriùs feriat : adest iudex qui bonæ
 „ voluntatis præmium reddat.]

Richardus Victorinus cap. suo 20. in Cant. exponens quorsum genæ sponsæ , fragmini mali punici sint collatæ , non integro malo , ait id factum , quia nulli pij , præ Christo , plenè ac integrè passi , censendi sunt. Ideoque imperfectum suum videntes , sibi que vilescetes , pro exilitate passionum præ Christo , in adimplendis iis quæ desunt , strenuè laborare , & magno flagrare desiderio moriendi pro dilecto : Hanc esse vnicuique eorum summam votorum. [Quod si (*inquit*) non conceditur in corpore , facit sibi martyrium in mente. Mortificat carnales appetitus , propriam voluntatem , vitia cordis , prauos mores , Luctatur cum propria carne , & cum inimico indefinenter eam impugnante. Martyrium quoque abstinentiæ , inuisibiliter habet in mente , dum reprimat oblectamenta terrena cordis , & motus sensualitatis ; dum renuit omnes consolationes , quæ carnaliter delectant. Spiritualiter patitur , dum frigitur in mentis sartagine zelo animarum ; dum cruciatur de contemptu iustitiæ , de prævalente malorum iniquitate. Martyrium quoque compassionis obtinet , dum affligitur pro peccantibus , dum compatitur infirmantibus , dum condescendit quacunque necessitate laborantibus.]

Hoc *martyrium cordis* , (ita enim appellat ,) esse martyrio corporis anteponendum , tanquam præcellentiùs , egregiè docuit Gulielmus Paris. L. de legibus c. 28. *sub finem*. Cui mea quidem sententia suppar , vel eo etiam posterior fuit , qui passim Idiota nominatur , & perperam sub annum Christi octingen

octingentesimum vel nongentesimum refertur, vt à quibusdam factum, quos nostra ad integram eius editionem disquisitio, repellit. Is in libello contemplet de vera patientia c. 10. perspicuè agnoscit incruenta hæc piæ perpeffionis martyria: Ait enim. [Sine ferro & flammis, martyres esse “ possumus, si patientiam in animo veraciter con- “ feruemus.] Quæ verba apud Laurentium quoque “ Iustinianum leguntur in ligno vitæ tract. de patientia c. 2. ea tantum accessionè præmissa verbis iam relatis. *Patientia hominem martyrem facit.* Nec dissimilia in eandem sententiam prostant apud S. Gregorium homil. 35. in Euang. & apud Isidorum 7. Orig. c. 11. & apud Bernardum serm. 40. de modo benè viuendi Bonauenturam in Psal. 118. cuius verba de triplici martyrio absque sanguine, quorum vnum sit martyrium patientiæ, referam infra ex Bernardi sententiis. Quid quod in Marci Papæ decreto apud Alphonsum Pisanum l. 3. Concilij Nicæni, dissimilitudines morum supplere persecutorum sæuitiam, disertè traditur? Abstergat fastidium ex ingeminatione locorum plerunque affinium, pia cantillatio hominis piissimi, Thomæ Kempensis. Eius hæc est rythmica oratio, in spiritali cantico de patientia seruanda.

*Aduersa mundi tolera,
Pro Christi nomine:
Plur nocent sapè prospera
Cum leni flamine.
Cum à multis molestaris,
Nihil perdis, sed lucraris:
Patiendo promeris:*

“tati resistit. si cum dei adiutorio perseverare volue-
 “rit, & pro illo ipso aliquas pertulerit tribulationes,
 “omnia ei Dominus ad martyrij gloriam reputabit.]

Ibidem serm. 232. tractans offensionem, in quam
 pro illorum temporum corruptela, (heu nunc quo-
 que superstitie,) incurrere timebāt qui prouocātibus
 ad numerosam fecundorum calicum exsiccatio-
 nem, recusabant obtemperare, post multa, ita con-
 “cludit. [Nemo dicat fratres charissimi, quod in istis
 “temporibus martyrum certamina esse non possint.
 “Habet enim & pax nostra martyres suos. Nam, sicut
 “frequenter suggestimus, iracundiam mitigare, libi-
 “dinem fugere, iustitiam custodire, avaritiam con-
 “temnere, superbiam humiliare, pars magna mar-
 “tyrij est.]

Rursus serm. 32. de sanctis, qui est tertius de S.
 “Laurentio. [Martyr Græcè, Latine testis dicitur.
 “Igitur quotiescumque bonis actibus mandatum
 “Christi, facimus, toties Christo testimonium per-
 “hibemus. Vnde & crux domini, non tantum illa
 “dicitur, quæ passionis tempore, ligni affixione con-
 “struitur, sed illa quæ totius vitæ curriculo cuncta-
 “rum disciplinarum virtutibus coaptatur. de qua
 “mihi videtur saluator dicere, qui vult post me veni-
 “re, tollat crucem suam, & sequatur me. Nunquid
 “enim omnes martyres, qui secuti sunt dominum,
 “crucifixi sunt cum domino? Nunquid omnes virgi-
 “nes qui iuxta Apocalypsim sequuntur agnum Dei,
 “crucifixi sunt, ut sequantur? nunquid Paulus Apo-
 “stolus crucifixus fuerat cum dicebat, mihi autem
 “absit gloriari nisi in cruce domini nostri Iesu Chri-
 “sti, per quem mihi mundus crucifixus est, & ego
 “mundo? hoc autem dicit, ut intelligas, crucem non
 ligni

ligni esse patibulum, sed vitæ virtutisque propo-
situm. Tota igitur vita Christiani hominis, si secun-
dum euangelium viuatur, crux est atque martyrium.]

Ibidem serm. 46. [non martyrium sola effusio
sanguinis consummat, nec sola dat palmam exultio
illa flammæ. Peruenitur non solum hoc casu,
sed etiam contemptu carnis ad coronam. absque
iniuria sanctorum, in persecutionibus defunctorum,
dicere liceat, carnem afflixisse, libidinem superasse,
auaritiæ restituisse, de mundo triumphasse, pars
magna martyrij est.]

8. Eadem incruenta martyria, agnoscit, celebrat-
que non vno loco scriptor vernantissimus S. Euche-
rius. sed pulcherrimè homil. de S. Genesio, vbi
Christianos omnes exemplo martyrum illorum, qui
animas suas pro Christo abiecerunt, ad huiusmodi
saltem martyria stimulat. Ita verò concludit elegan-
tem de more expressionem, vexationum SS. marty-
ribus per Ethnicos in causa fidei irrogatarum. [Hos
ergo charissimi ita miremur, vt homines fuisse me-
minerimus: Hos inquam ita miremur, vt eos
nostri similes nouerimus, & sub eadem, qua nos
sumus carnis fragilitate vixisse; & per hoc sequamur
inquâ tum possumus fidem illorum, sectemur animi
virtutem, qua terrena, & præsentia respicientes vim
regnis cœlestibus intulerunt. Superauerunt illi cor-
porum dolores, nos superemus morum, & cordium
passiones: Vicerunt illi tormenta, nos vitia. Illi sa-
crificare dæmoniis horruerunt, nos malitiam, inui-
diam, obtrectiones, contentiones, tanquam pro-
phana sacrificia detestemur: vt inter huius mundi
conflictionis vitia, persecutores virtutis probent esse
nos martyres. Persequamur in nos peccata, & in-

" quitates nostras : expugnemus superbiam , debelle-
 " ntis iracundiam ipsi in nobis; & persecutoris partes
 " exequamur , & martyrum , per castigationem vigi-
 " liarum, per contritionem ieiuniorum , per hostiam
 " viuentein , sanctam , placentem Deo, Acquiramus
 " nobis nouum , non carnis morte , sed carnalis vitæ
 " mortificatione martirium : vt de nobis quoque,
 " etiam viuentibus, dici possit , pretiosa in conspectu
 " domini mors sanctorum eius. Ergo in quantum fieri
 " potest, extingatur in nobis quicquid peccati est,
 " mortificetur morti quod sæculi est, vt pretiosa per-
 " ficiatur in conspectu domini mors viuentium.]

Idem in fine homiliæ de SS. martyribus Lugdu-
 nensibus , Epipodio & Alexandro.] Dimicauerunt
 " patres nostri contra asperrimos dolores , nos è con-
 " trario dimicemus contra mollissimas voluptates.
 " Vicerunt illi tormenta flammarum , nos vincamus
 " ignea tela vitiorum. Illi calcato diabolo retulerunt
 " spolia de morte, nos caueamus ne Christum spolie-
 " mus in paupere. Illi per virtutem fidei expensi sunt
 " in hostiam fidei , nos obseruemus ne quis nostrum
 " spoliatur per vultus peccati , & victima efficiatur
 " inimici. Illi mortui sunt in pœna exterioribus in
 " membris , & nos habemus quod occidamus in
 " nobis. Ac sic illustrium bellatorum pugnas, priuata
 " cum passionibus nostris congressione meditemur.
 " Nam quia esse nouimus sine persecutore bellum,
 " potest dare Deus & sine cruore martirium]

9. Non multum ab Eucherij æuo aberat S. Cæsa-
 " rius Arelatenfis Episcopus , imo iuxta eos qui vni-
 " cum agnoscunt Eucherium Lugdunensem Antisti-
 " tem , οὐκ ἔργον fuere , vt alibi est disputatum. Is
 " homil. 45. profitetur, se quod hic virgemus, fuisse
 frequen

frequenter contestatum. [Frequenter (*inquit*) diximus, Christiani persecutionem patiuntur. mundus iste totus in maligno positus est, aduersarius noster diabolus regnat in mundum, & nos putamus, quod non patiamur persecutionem? Quæ enim res non persequitur Christianum? miramur si nos persequuntur alij? Si Christo seruire voluerimus, qui est omnium vita, & parentes nostri nos persequuntur: Quicumque dissimilis est nostri, persequitur nos, & odio nos habet: & miramur si alij nos persequuntur, cum ipsum corpus nostrum nos persequatur? Si comedero paululum, & corpusculum robustum fuerit, sanitas corporis mei, persequitur animam. Quocunque me vertero, persecutio mihi est: Si videro mulierem, oculus meus me persequitur: cupit interficere caro animam meam. Si videro diuitias, si aurum, si argentum, si possessiones; quodcumque videro & desiderauero, hoc persequitur animam meam. Non putemus effusionem sanguinis tantum esse martyrium. Semper ergo martyrium est. Adolescentiam libido carnis persequitur: Vult occidere, & effundere sanguinem animæ. Sed quando periclitatur anima tua, & in grandi periculo est constituta, tunc oportet ieiuniis, & orationibus in dominum nostrum Iesum Christum animum firmiter stare, & non consentiamus morti. Si ergo sunt martyria in pacis tempore, sunt & negationes. Nemo ergo dicat non esse martyrium: & martyrium est, & negatio est. Ego hodie, qui videor esse monachus, si rupero propositum meum, Christum negavi. Et si in pace Christum nego, in persecutione quid facerem? Si dum non torqueor, nec exuror, denego, si torquerer, & exorerer, quid facerem? Quæ enim plaga est, quæ debeat

« debeat ab amore Christi separare? Quid enim dici-
 « tur tibi, hoc est, incendio ardebas, in equuleo pen-
 « debas, propter me torquebaris: & dicis non potui
 « sustinere tormenta? Quomodo sustinuit Petrus?
 « quomodo Paulus? Quomodo martyres ceteri susti-
 « nuerunt, & habuerunt corpora sicut tu habes? ô
 « monache, qui ieiunium fugis, putas te igne fugere?
 « qui ebrietati consentis, credis te euadere aëreum
 « serpentem? Hoc ergo vobis dico, fratres: quoniam
 « sunt omni tempore martyria, sunt & præuaricatio-
 « nes.] Hæc, totidem verbis illata sunt in sermonem
 60. Pseudo Augustini ad fratres in eremo.

10. Tradit eandem doctrinam ac insigni exem-
 plo illustrat S. Gregorius hom. 35. in Euang. quam
 in S. Mamantis martyris die natali ac templo habi-
 tam, graui ad patientiam adhortatione obsignat,
 occasione accepta ex S. Mamantis exemplo, quem
 à pueritia ad senectutem vsque, longum patientiæ
 martyrium duxisse, tandemque per sanguinis pro-
 fusionem, illud feliciter consummasse, Ecclesia-
 sticæ tabulæ produnt. Ad strenuam ergo S. Marty-
 ris imitationem, & martyrij captationem, in alta
 licet Ecclesiæ pace, suos in hunc modum prouocat,
 « S. Gregorius.] Quia natalem martyris hodierna die
 « colimus, fratres mei, nequaquam nos à virtute eius
 « patientiæ existimare extraneos debemus. Si enim
 « adiuuante nos Domino virtutem patientiæ seruare
 « contendimus; & in pace Ecclesiæ viuimus, & ta-
 « men martyrij palmam tenemus. Duo quippe sunt
 « martyrij genera: vnum in mente, aliud in men-
 « te simul, & actione. Itaque esse martyres possu-
 « mus, etiam si nullo percutientium ferro trucidemur.
 « Mori quippe à persequente, martyrium in

aperte

aperto opere est. Ferre verò contumelias, odien-
tem diligere, martyrium est in occulta cogitatio-
ne: Nam quia duo sunt martyrij genera; vnum in
occulto opere, aliud in publico, testatur veritas,
quæ Zebedei filios, requirit dicens: potestis bibe-
re calicem, quem ego bibiturus sum? Cui cum
protinus responderent, possumus; illico Dominus
respondit, dicens, calicem quidem meum bibetis.
Quid enim per calicem, nisi dolorem passionis ac-
cipimus? De quo aliàs dicit: pater si fieri potest,
transeat à me calix iste. Et Zebedei filij, id est Iaco-
bus, & Ioannes, non vterque per martyrium occu-
buit; & tamen quòd vterque calicem biberet, au-
diuit. Ioannes namque nequaquam per martyrium
vitam finiuit, sed tamen martyr extitit: quia pas-
sionem, quam non suscepit in corpore, seruauit
in mente. Et nos ergo hoc exemplo sine ferro esse
possumus, martyres, si patientiam veraciter in ani-
mo custodimus.]

Hæc generatim dicta, exemplum Stephani Ab-
batis à S. Gregorio mox adductum, maximè illu-
strat. Erat ut ait, sancti Abbatis lingua rustica, sed
docta vita: præsertim verò patientiæ intensissimo
amore flagrabat. Itaque in tribulationis camino diu
excoctus, tandem sanctorum Angelorum qui se
aspectabiles præbuerunt, numerosa militia stipa-
tus, purissimam animam efflauit. [Quibus hunc
credamus, (ait S. Gregorius,) nisi sanctis martyri-
bus sociatum, quem attestantibus corporeis quo-
que oculis, à beatis spiritibus constat esse susce-
ptum? Nullo iste gladio percussus occubuit, tamen
coronam patientiæ, quam in mente tenuit, in
egressione percepit. Probamus quotidie verum
esse,

esse, quod ante nos dictum est, quia sancta Ecclesia electorum floribus plena, habet in pace lilia, in bello rosas.] Dixerant id ante S. Gregorium S. Cyprianus epist. 9. S. Hieronymus epist. 27. S. Hilarius Arelat. in D. Honorati panegyrico, S. Augustin. serm. 37. de Sanctis, & serm. de S. Laurentio, qui est 37. de diuersis. Post Gregorium verò idem usurpauit Beda Prouerb. 31.

11. Vsum voluntariæ flagellationis, ac (vt passim loquimur,) disciplinarum, inducere in vsum monachorum satagebat Petrus Damiani, obistente Petro cerebroso, nominis sui monacho. Eum Petrus Damiani lib. 6. episto. 27. cum aliis ex capitibus corripit, tum nominatim ex eo quod id tormenti pro Christo subire, sit martyrum sorte censer. [Dum manus carnificis nunc ab infligendo, martyribus verberare cessat, quid obest si sancta deuotio, ipsa sibi met vnde sanctis martyribus particeps fieri mereatur, exhibeat.] Idem optimè serm. 1. de S. Apollinare in ipsa clausula.] Quisquis gaudes fortiter egisse martyres Christi, corripe & ipse arma inter milites Christi. Desunt exterius hostes? verte manus in te, & multos seditiosos inuenies ciues. Doma superbiam, iugula iracundiam, extingue libidinem, reprime auaritiam, occide inuidiam: & vt breuiter cum Apostolo cuncta complectar; crueifige carnem tuam cum vitiis, & concupiscentiis. Hoc est fortiter agere, hoc est viriliter dimicare. Nam quid iuuat si circa vallum te non obsideant acies persequetium, & intra vrbs mœnia grassetur barbaries vitiorum? Vis autem adhuc apertius discere, qualiter in pace sanctæ Ecclesiæ valeas martyrium inuenire? Audi attentè, intellige diligenter. cor ygilet, oculus non dormi

dormitet. Quod enim dico breuissimū est. Ascende
igitur tribunal mentis, & temetipsum pertrahe ad
iudicium quæstionis: cogitatio accuset, animus
iudicet, pœnitens cōscientia velut carnifex feriat,
lachrymarum riuus velut vulnus erumpat. Sic sic
per martyrij similitudinem, ad veram peruenies
martyrum dignitatem.]

Tandem in calce sermonis quo S. Barbatianum
Confessorem exornauit, negat obtendendum esse
remissioni nostræ defectum tyrannorum, & perse-
cutorum, cum fas sit vnicuique, martyrij in se,
nec inanem formam exprimere. Itaque sic conclu-
dit. [Nemo ergo dicat quod illi solummodo cœle-
stibus digni præmiis habeantur, qui persecutorum
gladiis pro Christi nomine feriuntur. Conclufit
Deus omnem nostræ tergiversationis aditum, ob-
struxit omne excusationis humanæ confugium.
Ecce iam non valemus cum beato Apollinare pro
Deo mortem subire, possumus saltem cum beato
Barbatiano vitam Deo placentem ducere. Magnum
quippe est mori pro Christo, sed non est inferius
vivere Christo. Vtriusque enim in statera Paulus
æqua lance pendebat, cum diceret: Nemo enim no-
strum sibi viuit, & nemo sibi moritur; siue enim
vuiumus, Domino viuimus, siue morimur, Do-
mino morimur. Siue ergo viuimus, siue morimur,
Domini sumus. Quisquis igitur amat martyrium,
exhibeat se martyrio dignum, & martyrij conse-
quetur proculdubio præmium. Non potest sangui-
nem fundere; potest semetipsum pœnitentiæ telo
percutere: & in cordis contritione mactare. Præ-
paretur ad feriendum iugulum, non deerit remune-
rator, etiam si defuerit gladius. Deest carnifex,
qui

octingentesimum vel nongentesimum refertur, vt à quibusdam factum, quos nostra ad integram eius editionem disquisitio, repellit. Is in libello contemplet de vera patientia c. 10. perspicuè agnoscit incruenta hæc piæ perpeſſionis martyria: Ait enim. [Sine ferro & flammis, martyres esse possumus, si patientiam in animo veraciter conseruemus.] Quæ verba apud Laurentium quoque Iustinianum leguntur in ligno vitæ tract. de patientia c. 2. ea tantum accessione præmissa verbis iam relatis. *Patientia hominem martyrem facit.* Nec dissimilia in eandem sententiam prostant apud S. Gregorium homil. 35. in Euang. & apud Isidorum 7. Orig. c. 11. & apud Bernardum serm. 40. de modo benè viuendi Bonauenturam in Psal. 118. cuius verba de triplici martyrio absque sanguine, quorum vnum sit martyrium patientiæ, referam infra ex Bernardi sententiis. Quid quod in Marci Papæ decreto apud Alphonsum Pisani l. 3. Concilij Nicæni, dissimilitudines morum supplere persecutorum sæuitiam, disertè traditur? Abstergat fastidium ex ingeminatione locorum plerunque affinium, pia cantillatio hominis piissimi, Thomæ Kempensis. Eius hæc est rythmica oratio, in spiritali cantico de patientia seruanda.

*Aduersæ mundi tolera,
Pro Christi nomine:
Plus nocent sapè prospera
Cum leni flamine.
Cum à multis molestaris,
Nihil perdis, sed lucraris:
Patiendo promeris:*

ce *Multa bona consequeris;*
 ce *Nam deum honorificas,*
 ce *Et Angelos latificas:*
 ce *Coronam tuam duplicas,*
 ce *Et proximos edificas.*
 et *Labor parvus, & brevis vita;*
 es *Mercies grandis est, quies infinita;*
 ac *Torrens martyr Dei efficeris,*
 ce *Quotiens pro Deo pœnam pateris.]*

CAPVT II.

De martyrio patientia in morbo nostro, & nostrorum morbo ac funere.

I. **Q**Uæ de patientiæ martyrio hætenus proposita à nobis sunt, ad vniuersam patientiæ materiam pertinent. Nunc ad specialia quædam aspera, delabendum est, quorum perpeffionem SS. Patres, martyrij appellatione cohonestarunt. Inter quæ primatum tenere videtur patientia in morbo, quæ eo operosior est, quo sibi quisque, est coniunctior; nec difficilè pellem pro pelle, & vniuersa quæ habet, pro anima seu vita sua, eiúsque non incommodo statu confert. Vt proinde non immeritò patiens hac in parte perpeffio, præsertim in morbo grauiore aut diuturniore, ad martyrij decus referatur à Patribus

Patiens morbi perpeffio, admodum ardua, ideâque ad martyrium spectat

Agmen ducat S. Chrysostomus, qui arduita-

tem patientiæ in morbo, cum aliis locis, tum ex
instituto episto. 4. demonstrans, frequenter con-
firmat, eam ad martyrium pertinere. Quam in
rem assumere solet Iobi exemplum:quem vt per se
perspicuum statuit, omnino esse martyribus ac-
censendum: & cum maturus æui, nec gladio me-
tente, sed deficientis naturæ vitio è viuis excesserit,
non nisi patientiæ martyr fuit; eo præsertim
ex capite, quod cum scdissimo, & vniuersam
corporis habitudinem pessundante morbo confli-
ctatus, patientissimè tulerit. Quam illi fuisse dif-
ficillimam inter omnes quas subiuit, patiendi
materiam, latè ea quam dixi epistola disputat S.
Chrysostomus. Itaque intrepidè hom. 25. ad pop.
vel homil. 1. in 2. ad Cor. præfatus tantam esse
martyrum in atrocissimis suppliciis voluptatem,
quanta neque dici potest; omnesque animans ad
generosè patiendum ob Christi amorem, tacitam
obiectionem, quod nunc martyrij tempus non
sit, ac proinde deesse videatur passionum mate-
ria, ita præcludit. [Quid ais, non adest, marty-
rij tempus? Nunquam profectò hoc abest sed an-
te nostros semper est oculos, si vigilemus. Non
enim in ligno suspendi, solùm hoc, martyrem
facit: Nam si sic esset, extra tales coronatos lob-
poneretur. Nec enim ante tribunal fuit consti-
tutus, nec iudicis vocem audiuit, non vidit carni-
ficem, neque suspensus in ligno, vel sublimis po-
situs circa latera laniatus est: attamen multis mar-
tyribus grauiora passus est: & illorum succeden-
tium sibi nuntiorum voces omni plaga sæuius
percutiebant, & eum vndique pungebant, & in-
numeris tortoribus acerbis vermium illorum ora

« eum undique corrodebant. Cui non itaque dignus
 « hic sit martyri comparari? Innumeris equidem.
 « Etenim per omnia pugnabat, & per omnia coro-
 « nabatur, per pecunias, per filios, per corpus, per
 « uxorem, per amicos, per inimicos, per seruos,
 « (nam hi in ipsius faciem inspuebant) per famem,
 « per cibos, per dolores, per fœtorem, per hæc in-
 « quam, non vni, vel duobus, vel tribus, sed infi-
 « nitis erat martyribus comparabilis. Nam præterea
 « quæ dicta sunt, tempus quoque multam eius co-
 « ronæ affert accessionem, quod scilicet ante le-
 « gem, ante gratiam, hæc passus sit, & ad menses
 « quidem multos, & omnia cum excessu, & omnia
 « simul ei mala ingruerint, & hoc, cum eorum
 « quòtque per se foret intolerabile. Nam multī qui-
 « dem plagas sustinuerunt, pecuniarum verò iactu-
 « ram non tulerunt: Quin & pro eis, flagris cædi
 « maluerunt, & innumera mala pati, quàm earum
 « aliquid amittere; & maior eis est visa plaga, pecu-
 « niarum iactura. Itaque rursus & hic est alius
 « martyrij modus, harum perditionem generosè
 « ferenti.]

2. Non is sum, qui sancto viro refragari susti-
 neam: sed ipsemet eodem loco, tantum pecuniæ
 studium supra carnis curam, non nisi ex corrupto
 illorum pecuniæ discolorum sensu esse profectum;
 secundum naturam autem rem spectando, potiorē
 cuius esse bonum carnis statum, disertè contesta-
 « tur, verbis illis. [Siue quis infinitas amittat posses-
 « siones, siue filios, siue quodcunque, hoc est omnibus
 « ad doloris rationem imperiosius. Pellem enim pro
 « pelle inquit, & omnia quæ homo habet, dabit pro
 « anima sua. Et nihil potest esse doloribus grauius.]

Itaque

Itaque tantò illustrius fuit patientiæ martyrium quod ex hoc capite perpeffus est S. Iob. quantò corpus illi intimius erat, quàm res externæ quæcunque: ac proinde quanto acerbiores doloris morsum infigit corporis vexatio, quàm fortunarum aut bonorum quorumvis externorum eversio. Collaudat ex hoc capite *istam* vt vocat *adamantinam animam infractamque & aneam mentem*, idem Chrysostomus homil. 8. in ad Philipp. morbi grauitatem cum Athletæ constantia certantem egregiè describens. Cum martyribus item ex hoc capite confertur, & morbi eius grauitas præclare exprimitur apud autorem latinum homiliæ de Beato Iob, quæ eiusdem Chrysostomi homiliis de Iobi patientia, alibi subnectitur. Iobo in patientiæ huius martyrio, Lazarum adiungit idem Chrysostomus in psal. 127. confirmans hanc vnam esse ex vijs Domini, quibus insistentes qui timent Dominum, ad immarcescibilem coronam pertingunt. [In sinu Abrahæ *inquit*, receptus est, qui mortuo nihilo erat melius affectus, sed planè erat iners, & inutilis, in diuitis vestibulo proiectus: & cum patriarcha, qui tot, & tantas res præclare gesserat, coronabatur, & victor renunciabatur, & sinu illius fuebatur, qui nec eleemosynam fecerat, nec ei cui iniuriæ fiebāt manum præbuerat, non hospites exceperat, nec aliquid aliud ostendere poterat; sed tantum in omnibus Deo gratias egerat, & præclaram patientiæ coronam retulerat. Magna enim res est gratiarum actio & philosophia, quæ tot & tantis malis exercetur: idque factum est longè omnium maximum. Vnde etiam Iob coronatus est, & dicebat diabolus: pellem pro pelle, & omnia quæ

" homo habet, dabit pro anima sua, sed immitte
 " manum tuam, & tange carnem eius. Non est enim
 " parum, dolore affectam refrænare animam, ad hoc
 " ut nihil peccet. Hoc est cum martyrio conferen-
 " dum, hoc est bonorum colophon. Et tu ergo, ô di-
 " lecte, cum te sæpè vel morbus, vel febres, vel dolo-
 " res inuadunt, cogente te cruciatu dicere aliquid
 " blasphemum, si te retinueris, & deum gloria, &
 " honore affeceris, eandem mercedem accipies. &c.
 " Fer ergo forti, & generoso animo quæ accidunt.
 " Hoc enim est tibi martyrium. Non enim eum qui
 " sacrificare iubetur, non sacrificare, sed potius dila-
 " niari, & excarnificari quàm hoc facere, solum facit
 " martyrium: sed etiam cum dolor impellit ad blas-
 " phemandum, toleranter potius ferre laborem sta-
 " tuere, & nihil turpe, & inhonestum dicere, facit
 " martyrem. Iob enim non idèd fuit coronatus, quod
 " sacrificare iussus non sacrificauerit, sed quod do-
 " lores, & calamitates forti animo perpessus sit.
 " Quin etiam Paulus propterea victor renunciatus
 " est; propter flagella, propter afflictiones, propter
 " alia quæ sustinuit cum gratiarum actione.]

*Itémque ob non quæsitam malis
 artibus sanitatem.*

3. Aliam rationem stabiliendi huius in morbis
 martyrij, inquit orat. de valetudine aduersa, quæ est
 4. inter latinè primùm editas à Cromero. Ibi in
 eos conclamans, qui præ morbi impatientia cura-
 tionem à satana per incantationes; & maleficium
 magicum petunt, grauissimè tradit, non minori
 studio refugiendam esse Christiano nefariam illam
 sanitatis

sanitatis conciliationem, quàm impias victimas,
& idoli adorationem: nec minùs pretiosam esse
mortem quam quis oppetat ex morbo ne dæmo-
nis ad curationem subsidium aduocet, quàm quæ
obeatur ab homine ne simulachro accadat. Itaque
concludit [Cum igitur in grauem morbum inci-
deris, & multi adfuerint, qui cogant, alij quidem
incantationibus, alij amuletis, alij porro aliis qui-
busdam mitigare malum, tu verò propter timorem
Dei generoso, & infracto animo tuleris, & omnia
pati malueris; quàm vt eiusmodi quidquam facere
sustineas, hoc tibi martyrij coronam affert. Et ne
dubita: Quemadmodum enim ille tormentorum
cruciatus fert fortiter, vt ne adoret simulachrum;
ita & tu morbi dolores perfers, vt ne vilius rei ab
illo indigeas, neque facias ea quæ imperat. Atenim
vehementiores illi sunt. Verùm hi diuturniores:
Quocirca par exitus. Nam cum febris ardor
intus molestus est, & vrit, tu verò alijs hortanti-
bus incantationem refutas, nonne martyrij coro-
nam induisti? Cum enim incantatores magna
cum contumelia domo eiecero, omnes qui au-
dierint, laudabunt, & admirabuntur, dicentque
ad se mutò: hic ægrotans cum innumerabiles
orarent, & hortarentur quidam, & magicis qui-
busdam incantationibus vti suaderent, non est
assensus, sed dixit: præstat sic mori, quàm prodere
pietatem. Quod si hic tantæ laudes sunt, cogita
quantas illic coronas feres, cum præsentibus an-
gelis, & archangelis Christus transiens manu te
apprehensum in medium theatrum illud producet,
& omnibus audientibus dicet: hic homo febris
correptus aliquando, cum inmuneri cum horta-

10 rentur, ut è febris illa euaderet, propter nomen
 20 meum, & timorem mei, ut nulla in re offenderet,
 30 repulit ac despexit eos qui se illo modo curaturos
 40 recipiebant, maluitque morbo emori, quàm
 50 beneuolentiam erga me prodere. Nam si eos qui
 60 se potarunt, & cibarunt, & vestiuerunt in me-
 70 dium producit, multo magis eos, qui propter se
 80 febres sustinere voluerunt. Neque enim par est
 90 dare panem, & vestimentum, & morbum diutur-
 100 num sustinere; sed longè hoc illo maius est: ita &
 110 corona erit splendidior: Audiuisti quæ de Lazaro
 120 dicta sunt, quomodo cum fame, morbo, solitu-
 130 dine per omne tempus suum luctatus est, ita ut &
 140 vitam ipsam in vestibulo diuitis finiret, neglectus,
 150 esuriens, canibus esca expositus. Aded namque
 160 corpus ipsius debilitatum erat, ut ne abigere qui-
 170 dem possent canes inuadentes, & vulnera lamben-
 180 tes. sed tamen non quæsiuit incantatorem, non
 190 applicauit folia, non ad magica mouit, non præsti-
 200 giatotes ad se vocauit, non quicquam aliud veti-
 210 tum fecit: sed maluit immori inanis illis, quàm
 220 exiguam prodere pietatis partem.

230 Excurrit in adiuncta patientiæ Lazari, & quan-
 240 tum in eo Deus patientiæ exemplum statuerit in
 250 tot vniuersi corporis vexationibus, præ quibus
 260 (quod Hippocrates de vnoquoque hominum
 270 dixit,) totus morbus videri poterat, elegantissimè,
 280 & pro more exactissimè; omnibusque sagaciter
 290 exploratis & libratis exponit. Itaque de Chry-
 300 sostomi sententia, Lazarus in morbo ex hoc quo-
 310 que capite martyr fuit, quia mori maluit quàm
 320 illicita & nefaria ad curationem remedia tentare.

4. Diligentius etiam ac plenius de martyrio in
 morbi

morbi patientia incantationumque despectu philosophatur idem Chrysostomus orat. s. contra Iudæos. Quod enim per ea tempora, impius usus sanitatem à magicis subsidiis petendi, latè serperet, & pauci Christiani ex Iudæorum & ethnicorum consuetudine, qua erant carnis suæ cura, ab impura illa medicandi ratione abhorrent, passis eloquentiæ velis vir sanctus in eam corruptelam concitatur, monstratque quàm sit illud facinus Christiano tetrum atque indignum; quantam etiam conscientiæ lancinationem inferat, qua fodicatus homo peius afficiatur, quàm per febrem incensissimam aliâque quodcunque incommodum corporis. E contra verò respicienti nefaria illa malagmata, vberissimam consolationem quæ morbi acrimoniam planè diluat, martyrij decus, ac si res ferat, sanitatem à Deo spondet. Plagulam ex suauissima & piissima oratione repræsentare, dignum est. [Si perduraueris paulisper, còsque qui vel incantationem aliquam cauere voluerint, vel applicationes aliquas applicare corpori, multa etiam cum contumelia tuis ex ædibus eieceris, protinus ab ipsa conscientia refrigerationem acceperis. Etiam si millies exurat febris, anima tua quouis liquore, quouis irroratione, meliorem vtiliorémque mitigationem adducet. Quemadmodum enim postquam receperis incantationem, sanusque factus fueris, miserius affectus es iis qui febre laborant, dum tecum reputas peccati magnitudinem: sic nunc quoque, etiam si febriciteris, innumerâque patiaris mala, repulsis impiis illis, quouis sano melius eris affectus animo, gestiente præ gaudio conscientia,

«tia, ac laudante te, probantéque ac dicente,
 «euge euge, heus homo, Christi seruus, fidelis
 «vir, athleta pietatis, qui malueris molestiis im-
 «mori, quàm deserere tuam pietatem, proximo
 «secundùm martyres loco stabis in illo die. Quem-
 «admodum enim illi præoptarunt cædi flagris,
 «torquerique, vt ad honorem peruenirent, ita tu
 «quoque hodie præoptasti flagellari torquerique
 «à febrî, vulneribúsq; affici ne abiiceres pieta-
 «tem, non incantamentis, non applicaturis ac
 «spæbus istiusmodi inescatus, neque sensu pre-
 «mentium dolorum deiectus.]

«Videri poterit S. Chrysostomus, decus huius
 patientiæ detriuisse nonnihil, cum per eam ho-
 mines non simpliciter martyres, sed *proximo se-
 cundum martyres loco* statuendos dixit. Sed nihil in-
 de huius patientiæ splendori decedere, docent illa
 quæ ibidem postmodum subiungit, exagitans
 eam impietatem quæ sitæ à dæmone per magos sa-
 «nitatis. [Quàm multi frequenter optarunt martirij
 «coronam accipere? Hæc est parata martyrij coro-
 «na. Non enim is modò martyrium peragit, qui
 «iussus sacrificare, potius ducit emori: verùm et-
 «iam, seruare quod iustum, ac sponte propter
 «Deum mortem accersere, manifestum est mar-
 «tyrium. Ac vt intelligas hoc esse verum, recordare
 «quomodò Ioannes Baptista mortuus, si qua de cau-
 «sa, & quamobrem, quomodo Abel. Neuter enim
 «horum, vel altare vidit incensum, vel statuam
 «positam, vel iussus fuit immolare dæmonibus: sed
 «ille quidem, quia tantummodò reprehendit He-
 «rodem, decollatus est: hic verò quoniam Deum
 «*meliori sacrificio honorauit quàm frater, occisus
 est.

est. Num igitur priuati sunt martyrij corona? At quis hoc audeat dicere? Quandoquidem ipsum etiam mortis genus sufficit ad omnibus persuadendum, quod inter primos martyres celebrantur. Quod si etiam diuinam sententiam super his prolatam quæris, audi quod dicit Paulus. Nam quæ ille loquitur, sine dubio spiritus sunt. Puto enim, (inquit), quod spiritum Dei habeam. Quid igitur hic dicit? Exorsus est ab Abel cum dixisset, quod maiorem hostiam Abel præ Cain obtulisset Deo, & propter hanc mortuus adhuc loqueretur: deinde digressus ad Prophetas, ac decursa serie vsque ad Ioannem, dixisset, in occisione gladij mortui sunt, alij verò distenti sunt: multis & diuersis mortis generibus commemoratis, subiecit hoc modo: Itaque nos quoque tantam habentes circumdantem nos nubem martyrum, abiecta omni segnicie, & tenaciter inhærente peccato, per tolerantiam curamus. Vides quod etiam Abel appellauit martyrem, & Noe, & Abraham, & Isaac, & Iacob? Nam & isti propter Deum mortui sunt. Quemadmodum inquit Paulus, quotidie morior: Atqui non mortuus est, sed proposito tantum perpeßus est mortem. Sic & tu si repuleris incantamenta, veneficia, ac magicas artes, etiamsi morbo moriaris, martyr perfectus fueris, eo quod aliis pollicentibus verbi leuationem cum impietate, præoptaris mortem cum pietate.]

5. Verum ex Chrysostomo in hanc rem iam nimis multa, præsertim cum alij præterea suppetant grauissimi Patres quibus eadem infederit sententia, quosque Chrysostomo succincentes audire, operæpretium videatur. In primisque S. Augusti-

num qui tract. 7. in Ioannem , & optimè sermones
 de Iacob & Esau , habito in natali S. Vincentij,
 (est 44. de diuersis ,) eodem cum Chrysostomo
 spiritu actus , nefaria illa remedia potentissima
 oratione infectatur : & ita quidem , vt ex Chryso-
 stomo profecisse videri possit. Adscribo clausulam
 * sermonis allegati. [Has nobis epulas exhibuerit
 " sanctus Dominus Deus noster per natalitia marty-
 " ris sui. Vincentij nomen , victoria est ; amate au-
 " tem vt vincatis , non enim deest persecutio. Dia-
 " bolus , persecutor est , nunquam desit occasio coro-
 " næ. Tantùm miles Christi intelligat pugnam , &
 " sciat quem vincat. Nunquid quia non te vrget ho-
 " stis manifestus corporis , non vrget persecutor
 " occultus ? Illecebris carnis , quanta suggerit mala ?
 " Quanta per cupiditatem ? Quanta per timorem ?
 " Quibus illecebris persuadet vt eas ad sortilegos ,
 " ad mathematicos quando dolet caput ? Qui dimittunt
 " Deum , & eunt ad ligamenta diabolica , victi
 " sunt à diabolo. Contra si cui suggestum fuerit se-
 " cundùm corpus , fortassè efficit remedia diaboli ,
 " vnde alius sanatus esse dicitur , quia accepto ab illo
 " sacrificio suo , deserit persequi corpus quia cor obti-
 " nuit. Ergo cuiusque suggesta fuerint ista remedia
 " scelerata , & dixerit ; morior potius , quàm tali-
 " bus remedijs vtar. Si vult Deus flagellat , & liberat
 " me , si nouit quia necessarium est , liberet me : si au-
 " tem scit quia debeo exire de hac vita , siue contri-
 " ster , siue later , sequat voluntatem Domini. Ecce
 " enim post paruum tempus , qua fronte excursurus
 " sum ad Dominum ? Non enim hoc mihi præstant
 " remedia diaboli , quod præstat Deus , vitam æter-
 " nam. Quare ergo damno animam , emō paucos
 dies

dies corpori meo ? Qui hoc dicit , & non it , nec
applicat cor suum vt faciat mala remedia , vtique
vincit. Vnam rem dixi exempli gratia. Videtis cer-
tè iam quanta diabolus suggerit. Videtis illum cer-
tè lingue e, videtis anhelantem in lecto, videtis vix
mouentem linguam. Lassus iste diabolum vincit.
Multi coronati sunt in amphitheatro pugnantes ad
bestias ; multi in lecto vi-centes diabolum coro-
nantur , ac videntur non se mouere posse , & intus
in corde tantas vires habent , tantam pugnam
exercent : sed vbi est occulta pugna , ibi occulta vi-
ctoria. Quare ista diximus fratres ? Vt quando ce-
lebratis natalitia martyrum , imitemini martyres,
nec putetis ideo vobis deesse posse occasiones co-
ronæ , quia modò defunt tales persecutiones. Nec
modò enim defunt quotidie persecutiones à dia-
bolo , siue per suggestionem , siue per molestias
aliquas corporis. Tu tantùm scito te habere Impe-
ratorem , qui iam præcessit in cælum : dedit tibi
viam qua sequaris , tene te ad illum. Noli cum vi-
ceris , per superbiam tibi tribuere , quasi viribus
tuis luctatus fueris : sed præsume de eo qui dedit
vires vt vinceret , quia ipse vicit sæculum , & sic
semper coronaberis , & martyr hinc exies , si om-
nes tentationes diaboli superaueris.]

Idem Augustinus breuius , at non minùs con-
cinnè , vel appositè ad rem nostram , serm. 39. de
diuers. c.8. prolatis SS. Martyrum actis. [Ego quia
mando memoriæ , de libellis miraculorum marty-
ris , quæ in conspectu vestro leguntur , ante dies,
lectus est quidam libellus, vbi quædam agrotæ quæ
doloribus accerrimus torquebatur , cum dixisset,
ferre non possum , ait illi ipsi martyr qui sanare,
venerat,

« venerat , quid si martyrium duceres? Multi ergo
 « ducunt martyrium in lecto : Prorsus multi. Est
 « quædam persecutio Satanæ , occultior & astu-
 « tior quàm tunc fuit. Iacet fidelis in lecto ; tor-
 « quetur doloribus , orat , exauditur , imo non
 « exauditur , sed exercetur , sed vt recipiatur fi-
 « lius , flagellatur. Ergo cùm torquetur doloribus ,
 « venit linguæ tentatio , accedit ad lectum aut
 « muliercula aliqua , aut vir , (Si vir dicendus est ,)
 « & dicit ægroto : fac illam ligaturam , & sanus eris ;
 « adhibeatur illa præcantatio , & sanus eris. Ille , &
 « ille & ille , interroga vnde sani facti sunt. Non ce-
 « dit , non obtemperat , non cor inclinat : certat ta-
 « men. Vires non habet ; & Diabolum vincit. Fit mar-
 « tyr in lecto , coronante illo , qui pro illo pependit
 « in ligno.]

*Illustre exemplar martyrij patientiæ
in morbo.*

6. Placet hoc loco huius patientiæ in morbis,
 martyris exemplum , de plurimis vnum , sed planè
 eximium , quòdque magnum licet martyrij nomen
 impleat , repræsentare. Lydvvida , virgo fuit in
 Hollandiæ comitatu admodum pia , quæ anno sa-
 lutis millesimo quadringentesimo trigesimo tertio
 vivere desiit : postquàm per annos octo suprà tri-
 ginta , cum grauissimis ac vel lectu horrendis , ve-
 xationibus corporis , conflictata esset , cum retinen-
 dæ virginitatis cupida , vix duodennis à plerisque
 ad nuptias expetita , numen exorasset , vt si alia via
 auertendi quod ingerebatur cōiugij non suppeteret ,
 ita suū corpus deformaret , nullus vt esset à quo de
 coniugio

coniugio negotium ultra sustineret. Miraculum patientiæ virginis piissimæ, & numerosi exercitus morborum in vno corpusculo vastando certantis, diuturnam malignitatem, Ioannes Brugmannus Ordinis minorum diffusè admodum scriptis prodidit, exscriptus in Suriij appendice tom. 7. & contractus à Francisco Vebhaër, ex quo plagulas daro. [Lydunina annos nata plus minùs quindecim ex diuturno morbo admodum deformis effecta est. Sed & non multo post in glaciei fragmenta casu prostratæ, costa vna corporis frangitur. Accersuntur undequaque medici, cassa prece, & pretio. In pectore, & sub costis, innumeræ existerant perfections, accedebat dirissimum apostema. Iudicio medicorum fiebant semper posteriora deteriora prioribus. Ex valida deiectione, disruptum apostema est. Porro humor noxius apostematis per corporis membra se diffundens, diuersas attulit virgini ægitudines molestas valdè. Computrescebant apostemati vicina membra, marcescebant propinqua corporis intestina, vermes horridissimi è corpore emergebant tribus locis. Erant foramina illa, magnitudine fundi scutellæ communis. Vermes autem inde erumpebant quandòque centum. Nonnunquam ducenti. Vt plurimum ampliùs centum quotidie, quorum aspectus sanè horrendus, crassities instar extremæ partis fusi vilitationis; longitudo qualis est articuli in digitis. Deinde & dextrum brachium eius, ignis quem sacrum vocant, vsque ad ossa consumpsit. Caput eius, dolorum aculeis & malleolis compungebatur; frontem fissura longa, & lata atque flexuosa deformabat. Mentum quoque ad labrum vsque fissum erat, & concreto sanguine

« guine tumidum ; ita vt non darè liberè eloqui non
 « posset. Oculus alter penitus cæcatus erat , alter lu-
 « men naturale sine effusione sanguinis , nouoque
 « cruciatu ferre non potuit. Vomebat rubram aquam
 « tanta copia , vt plerunque mense vno vas inde im-
 « pleri posset quod à duobus viris portaretur. Pul-
 « monis quoque & hepatis , reiciebat particulas.
 « Quin & calculo , instar columbini oui magno , du-
 « rissimè afflictabatur ; ita vt sapissimè & sensu , &
 « loquela destitueretur. Et ne singulis immorer ; non
 « erat vllum eius in corpore membrum , quod inau-
 « ditis non esset doloribus obnoxium.] Puellam hanc
 in tanta tamque diuturna & communes patiendi
 fines tantopere transgressa valetudinis corporeæ
 clade , multos martyres tolerando superasse ac pro-
 inde martyrem patientiæ censerì posse , nemo eat
 inficias.

*Extensio antedictorum ad patientiam in suorum
 morbo ac morte.*

7. Nec in propriis duntaxat, sed & in necessariis
 rum morbis , ac morte , patientia , vsum periapto-
 rum & superstitosæ curationis deuotans , germana
 martyrij est iudice D. Chrysostomo homil. 8. in ad
 Coloss. [Non potest fieri (*inquit*) vt afflictiones
 sentiat homo ille , qui in afflictionibus gratias agit.
 Gaudet enim animus , vtpotè qui confestim illu-
 strem sibi conscientiam comparauerit ; lætatur en-
 comiis suis. Non potest autem animus illustris,
 mortuus esse: Illic verò etiam cum calamitate instat
 conscientia flagellans ; at hic & coronat , & præ-
 dicat. Nihil hac lingua sanctius est, quàm in aduersis
 Deo

Deo gratias agit. Certè non inferior est lingua
martyrum. Itaque pariter coronatur: Nam & ad-
uersus istam instat liCTOR, Deum per maledicen-
tiam negare cogens; instat Diabolus argutis cogi-
tationum quæstionibus lacerans, & animi angu-
stiis obtenebrans. Si ergo dolores pertulerit, & gra-
tias egerit, martyrij coronam sortitur. Vtpotè mor-
bo decumbit filiulus, & tamen gratias agit Deo.
Quo tortore non sæuior est animi angustia? Atta-
men verbum aliquod acerbum extorquere ne-
quit. Moritur? Rursus gratias agit. Fit filia Abra-
hæ. Nam etiam si non propria manu filiolum im-
molat, supra aram, tamen illum velut victimam
collocat. Id quod idem est. Non conqueritur obla-
to dono. Rursus in morbum incidit? Non applicat
superstitiosa remedia; pro martyrio illi imputatur.
Inmolat enim filium, animi sententia. Quid enim?
Etsi nihil prosint superstitiosa illa remedia, sed se-
ductio sint, & ludibrium, sunt tamen qui 'prodes-
se suadeant. At mauult ista mortuum videre pue-
rum, quàm idololatriæ locum dare.] Addensat
consequenter quàmplurima aduersus sacrilegas
fatuitates, appendentium collo ægrotantium pue-
rorum nomina fluuiorum, aut amuleta ex cinere,
fuligine, & sale, per vetulam deliram adhibita
spondentem puero salutem: quæ idololatriæ ad-
iuncta esse demonstrat: ac proinde mortem sibi
suïsve præligere aliquem, potiùs quàm hæc vsur-
pet, pro martyrio habendum statuit.

8. Idem homil. 3. in ad Thessalon. inter expen-
dendum illa Apostoli, *nemo moveatur in tribulationi-
bus istis, ipsi enim sciis, quod in hoc positi sumus;*
docet hoc velle Apostolum significare, iunges in

omni Christianorum vita, martyrij occasiones se
 dare. [Præclare dixit B. Paulus in hoc positi sumus.
 Non dixit simpliciter, tentamur: sed in hoc positi
 sumus, pro eo quod est, ad hoc facti sumus; hoc
 est opus nostrum; hæc nostra vita, & tu requiem
 quæris? Non instat licitor, latustum lacerans, &
 ad sacrificandum cogens? At instat vehemens pecu-
 niarum, & avaritiæ cupido, oculos nobis effo-
 diens. Nullus miles pyram nobis incendit; neque
 craticulæ nos imposuit? At corporum flamma,
 animam nostram magis incendit, quàm illa. Non
 adest Rex innumera bona promittens, & ab insti-
 tuto deflebens? At adest vasa gloria cupido,
 peius nos illo titillans. Magnum reuerà beilum,
 & admodum magnum. Si sobrij voluerimus esse,
 & vigilare, habet coronas & præsens hoc tempus.
 Audi quid Paulus dicat; reposita est mihi deinceps
 corona iustitiæ, quam reddet mihi iustus iudex:
 non solum autem mihi, sed & omnibus qui dilexe-
 runt aduentum eius.] Subiicit peculiarem illam,
 martyrij causam, ex patientia in nostrorum cala-
 mitate, & morbis, vel etiam obitu. [Si quando
 filium amittis, dilectum, vnigenitum, in multis
 delitiis enutritum, spem bonam præbentem se
 vnum hæreditatem tuam percepturum, ne inge-
 miscas, sed gratias agas Deo, eumque glorifices
 qui illum accepit; & hætenus non eris deterior
 Abrahamo. Quemadmodum enim ille filium suum
 iubenti, ac postulanti Deo dedit, ita tu accipiente
 eo, non ingemuisti. Graui morbo decumbit, &
 accedunt multi ad vanitatem vrgentes. Et ij qui-
 dem incantationibus, isti amuletis, illi verò aliis
 quibusdam superstitionibus solamen mali adferre
 conantur;

Martyr in morbo, aut morte charorum. 51

conantur: Si propter timorem Dei fortiter, & im-
motè tuleris, & omnia malueris perpeti, quàm
sustinere, vt aliquid quod idololatriam sapit, fa-
cias, hoc tibi martyrij coronam adferet. Non est
quod dubites. Et quomodò, quâue ratione? Ego
dicam: Quoniam quemadmodum martyr, dolo-
res ex tormentis acceptos generosè tolerat, ne si-
mulacrum adoret; ita tu dolores illos, qui sunt ex
filiij morbo, toleras, ita vt nihil eorum quæ ab illo
obueniunt, pusillanimiter depreceris, neque facias
quæ ille videtur præcipere. Sed vehementiores
sunt martyrij dolores? At isti diuturniores. Itaque
pari fine delinunt. Sæpenumero vehementiores
etiam sunt isti. Quid enim, dic mihi, quando in-
tus ardens fatigaris, & inflammaris, & aliis adhor-
tantibus, tu incantationem amoues, an non mar-
tyrij corona hoc pacto ornaberis?]

Iob ex hoc maximè capite martyr.

9. Hæc expendenti mihi, iure omnino videtur
idem Chrysostomus, cum varias martyrij species
in vno Iobo adunatas, & conduplicatas recenset,
inde eum supra omnes martyres martyrem prædi-
care homil. 1. in 2. ad Corinth. Ex eo quoque ca-
pite martyrem Iobum statuere, quod in filiorum
clade, & inopino simul ac immaturo exitio, inuicta
patientia steterit, deiici nescius. Nam si attentè
rem æstimamus, vix vllum fuit in paterno pecto-
re infixum acerbius telum, nec ad sanciantiam mo-
dò patientiam, sed etiam ad exscindendam mentis
sanitatem, magis idoneum. Quod ex paterna cha-
ritate, liberorum optima indole, & miserabili ob-

tritione, licet coniectare. Graphicè eam calamitatem exhibet S. Chrysostomus epist. 4. Ego tantæ tragædiæ sensum aliquem, decerptis nonnullis ex vno aut altero loco eiusdem Christianæ facundiæ primicerij, excitare satagam; quod inde, hoc in sancto viro ex suorum obitu patientiæ martyrjum, sit apertum futurum. Nam vt ipse meis verbis ad hoc aggrediar, adduci non possum: non tam quod panaceam hac parte i. exhibiturum receperim, quàm quod ipse optimus dicendi magister S. Chrysostomus, aliquid argumento dignum despondeat. Quare & instituto congruenter, & ad declinationem ruboris quo suffundenda esset calamitati impar oratio, illum adducam ex calce homiliæ i. de

“ patientia Iob. [Quomodò talem tantàmque tra-
 “ gædiam, explicauero, non satis noui; & quidem
 “ quorumcùnque præconiorum laudùmque magni-
 “ tudinem in lingua ferens. Qui enim secundùm
 “ carnem parentes sunt, cum natum vltimo spiritu
 “ laborantem habuerint, circumsedent, vltimèque
 “ eius audiunt verba, manus circumpalpant, adhor-
 “ tationes, fomentèque alia de industria adhibent,
 “ os deosculantur vltimo parentum osculo. Exinde
 “ cum reddiderit puer animam, quemadmodum de-
 “ siderant, iubent parentes officia adhibere. Manus
 “ componunt, oculos claudunt, caput directò sta-
 “ tuunt, pedes reducunt, lauant, sepulchróque con-
 “ digno dignis funeralibus condunt, atque propriam
 “ calamitatem solantur. Sed quid simile generoso
 “ huic pugili? Abiit ad domum funestam; quæ ipsis
 “ vna & eadem hora, domus, & sepulchrum; con-
 “ uiuium, & tumulus; festum, & fletus facta est.
 “ Circumsodit, & quæsiuit liberorum membra, in-
 uenitque

uenítque vinum, & sanguinem, panem, & ma-
num, & puluerem, & excepít quandóque quidem
manum, quandoque pedem, quandóque caput cum
puluerulenta materia, quam abstrahébat cum lapi-
dibus, cum lignis: Et quandóque quidem ventris,
quandóque intestinorum partem, viscera cum ma-
cerie confusa. Sedit autem cælo celsior ille luctator,
disperfa liberorum membra legens: Sedit compo-
nens membra, ad membra; manus ad brachium
aptans; caput ad humeros; genu ad femur. Neque
vna erat illius casus calamitas, sed diabolica opera-
tione, & tyrannide, omnem sermonem excedens
subuersio. Sedit itaque verus fortísque adamas, bea-
tus Iob, discernens liberorum suorum membra, ca-
uensque ne fortè in masculinis membris fæminea
coniungat. O beatam, profectóque generosam, fœli-
cémque animam, celebrem Angelorum famam su-
perantem. Quare? Quia in omnibus quæ superue-
nerunt ei, non peccauit Iob in conspectu Domini,
sed pro his omnibus perfectam gratiarum actionem
sacrificij loco obtulit, dicens: Sit nomen Domini
benedíctum.]

10. Iure itaque, spectata tam immensa mole
cruciatuum, S. Chrysostomus, Iobum plusquam
martyrem pronunciauit. Iure ex hoc maximè capite,
Isidorus Pelus. l. 3. epist. 106. Beatum Iob *uniuersam*
Diaboli potentiam concidisse, & ipsius sagittas con-
sumpsisse, pharetrámque reddidisse inanem, pronunciat.
Addítque Tertullianus l. de patient. feretrum in eo
diuinitus extructum diabolo. Cuius enim constan-
tiam non labefactet, animúmque non frangat tanta
liberorum calamitas, quam tamen vir sanctissimus
inconcusso animi robore excepít, patientiæ se in-

uictum pugilem, & supra martyrem approbans?
 Quare meritissimò S. Chrysostomus homil. 5. de
 patientia Iob parentibus orbitatem suam non su-
 stinentibus, & liberorum immaturum obitum im-
 medicabiliter lamentantibus, certissimum ac fortis-
 simum leuamen, ex Iobi tanta patientia in suorum
 obitu petit, & coronas ex ea tolerantia apud Deum
 comparatas, considerandas obijcit. [Cogita inquit
 huius iusti tormenta & videbis, atque illicò exur-
 ges, paruipendēsque propriam calamitatem. Si
 autem vis bellum a natura, vehementia multa, mul-
 tāque violentia generosò huic illatum audire, ad
 ea quæ dico, aduerte: Decem amisit liberos, decem
 repente, decem ipso in ætatis flore, decem multa
 fultos virtute non communi lege naturæ, sed nece
 violenta ac miseranda. Quisnam poterit talem cala-
 mitatem explicare? Quis vel ferreus homo? Quis
 adamas tot mala pertulerit? Est nemo: Nam si
 horum quodlibet, intolerabile per se est, cogita cum
 simul vniuersa coiuerunt, qualem excitauerunt tu-
 multum Cum filium amiseris, filiāque, refuge ad
 iustum illum, solatiūque tibi prorsus summum
 inuenies. Memento eius in miseranda illa liberorum
 calamitate, verborūque mille coronis, angustiae
 sanctum id caput ornauerunt. Cogita calamitatis
 magnitudinem nouūque id naufragium, extri-
 neāque illam inopinatam tragædiam. Tu quidem
 fortassè vnum amittes, vel secundum, vel tertium:
 Ille verò tot natos, natāsque: & qui multis abun-
 dabat liberis, repentè liberi orbatus est, neque sibi
 sensim viscera carpserunt, sed omnis repentè fructus
 arreptus est: Neque assistenti, assidentiūe quò vel
 vltima audiens verba, vllum haberet funeris tam
 acerbū

acerbi solatium, sed repenti præter spem omnem,
horum alterum lugubre, alterum horribile supera-
uit. Non enim mors importuna solum, sed & in
ætatis vigore, omnes consistere, omnes virtute præ-
stare, amabiles omnes simul, omnesque sexus vtri-
usque esse, non communi lege naturæ, post talem
tantamque aliorum bonorum iacturam: quod nul-
lius mali nec sibi nec illis erat conscius, quod eius-
modi pateretur. Horum quodque potuerat & à se-
metipso turbare. Cum verò vnâ concurrere appa-
ruerunt, cogita fluctuum altitudo quanta fuerit;
quanta hyemis procellæ illius exuberrima fluctua-
tio. Miranda quidem hæc, vel auditu solum accepta.
Si autem solerti eadem diligentique indagine per-
crutatus fueris, tunc maius admodum esse prospi-
cies. Cogita enim quod non quidem diabolus sur-
ripuit, dimidiūque reliquit, sed prorsus atque om-
nino fructum omnem legit, arborēque non de-
iecit: Omne superinduxit mare cum fluctibus, cym-
bamque nō demersit: Omnem euacuauit virtutem,
turrēque vel quater nequiuit, sed stabat assidue
ictus minimēque nutans. Multitudo telorum fere-
batur, neque territus erat: magis autem mittebantur
quidem, non autem vulnerabant. Excogita quantum
est tot liberis orbari. Quid enim? satisne fuit lachry-
mis vti? Nonne in ipso ætatis flore, nonne multa
virtute præstantes, atque modo vltionis tam acerbo
finiuerunt vitam? Nonne post tot plagas nouissima
hæc illata est? Num pietatis amore feruebat, qui
genuerat? Nonne abeuntes tot, optabiles? Cum enim
malos quis amittit liberos, passione quidem mor-
detur, sed acerbitate, vehementiaque minori: nam
decedentium malitia, acerbiores non sinit esse do-

“lorem: cum autem virtute præstiterint, permanens
“vulnus sit, non modò à natura, sed à virtutis honesto,
“desiderium faciente. Cæterùm cum partim surripi-
“untur, eadem passio aliquod solutiam facit: Nam &
“reliqui qui sunt, abeuntium tristitiam obumbrant.
“Cùm verò funditùs obierit vniuersus chorus, ad
“quemnam respicere poterit, qui in multis filiis, re-
“pentè filiis orbatus? Si enim tribus aut quinque die-
“bus quibusdam decedentibus, mulieres & proximi
“quique id maximè plorant, quòd citò repentèque
“ab illorum moriens raptus est oculis; multò magis
“hic doluerit, cui non diebus duobus, tribùsue, aut
“vno, sed hora vna sic omnes surripiuntur. Cogita-
“tum: namque tempore, malum non iam valdè
“fuerit intolerabile, expectatione id leue fortassè de-
“facili faciente: contra verò spem quid contingere, ac
“repentè fieri, intolerabile, omnémque sermonem
“superat. Non ipsos enim lectulo expirantes, animam
“reddentes vidit, sed domo contumelatos omnes.
“Cogita igitur quis erat ille maceriam effodiens, &
“nunc quidem lapidem, nunc filij membrum retra-
“hens, & manum videns adhuc phialam tenentem,
“dexterámque alteram recumbentem cyathò, &
“ipsam corpore corruptam filiam, capite dissipato,
“nasóque contrito, oculis extinctis, cerebróque dis-
“perso, vulnerúmque varietate non permittente fa-
“ciei desideratæ formam nosse. Confusi estis hæc au-
“dientes, & lachrymas funditis. Cogitate igitur, quis
“ille erat hæc videns. Si enim post tantum temporis,
“sine lacrymis nequiuimus, tragædiæ istiusmodi
“ferre auditum; idque alienam audientes calamita-
“tem; qualis ille adamas fuit, coram hæc accipiens?]
“Haud dubiè plusquàm martyr, vt S. Chrysostomi
yoces

voces iterem? Non enim habeo commodiores, quibus immanem molem doloris Iobum opprimentis, utcunque explicem. Oppressum dixi, pro usu ac more cæterorum in oneribus longè leuioribus. Nam ipse quidem illabente tanto pondere, inconcussus stetit; nec factò, nec verbo, nec signo quopiam, temeravit patientiam. Fuit ergo, fuit planè Beatus Iob patientiæ martyr, cum ob proprii corporis vexationem grauissimam patienter, exceptam; tum etiam ob constanter retentam in tam luctuosa amantissimæ sôbolis obtritione, æquanimitem, quæ in aliis ad longè leuiores casus, miserè allisa conteritur.

CAPVT III.

Religiosæ vita Martyrium.

1. **I**N hoc argumento, splendidissimè pro more versatus est sapientissimus Pater Hieronimus Platus, luculento opere de bono status religiosi, cuius singulæ paginæ, tantam in legentium pectoribus fecere sementem pietatis, ut illatam postmodum in horreum Domini messeri, nulla mensura definiat. Eius operis lib. 2. c. 12. autor qua solet sacræ eruditionis vbertate & orationis nitela, mascula & graui, religiosæ vitæ martyrium describit; ut nisi tractationis susceptæ hiatus alioqui interponendus, ad hoc denuò versandum adigeret, superuacaneum, imo inconsultum videri posset, eius vestigia relegere. Instituti tamen necessitate aliqua urgente, ausim in hoc vestibulo meam facere petitionem à Gregorio Nysseno adhibitam initio orationis aduersus fœneratores, quod argumentum Basilii magni ante

“ versarat. [Rogo omnes quicumque audituri sunt,
 “ vt me audaciæ & insipientiæ non condemnent,
 “ quod cum vir disertus & in rebus ad diuinam philo-
 “ sophiam spectantibus magni nominis, & in omni
 “ dicendi genere admodum exercitatus in hac ipsa
 “ materia præclare versatus sit, ego in eandem arenam
 “ descenderim, iunctis bouum aut asinorum paribus,
 “ quibus contendam, cum equis victoriæ coronâ redi-
 “ mitis. Semper enim cum grandioribus visuntur non-
 “ nulla humiliora. Nam onerariam nauem, quæque
 “ millenis mercibus referta hinc inde impellitur, se-
 “ quitur exigua quædam cymbula, idem secans æquor;
 “ virisque athletico more, & ritu depugnantibus,
 “ eadem lege digladiantur, & pueri. Hæc igitur nostra
 “ sit petitio.]

Religiosus status, martyrium vite totius.

2. Esse igitur religiosum statum, longum quod-
 dam & incruentum martyrium, vt grauissimi Patres
 disertè appellant, cum vniuersè & generatim, tum
 singillatim, iis expensis, quæ religiosi status veluti
 substantiam constituunt, demonstrare non erit diffi-
 cile. Quod enim vniuersa complexione exercitatio-
 num, quas religiosus status infert, accuratè obeunda,
 multæ ac aditu asperrimæ propter Deum deuoran-
 dæ sint difficultates, & æumnæ excipiendæ, meritò
 cum asperitatum communitate, nominis quoque
 participatio ad statum religiosum manauit. Agno-
 uit hoc pulcherrimè scriptor antiquissimus, & om-
 nium consensu eruditissimus, Clemens Alexandri-
 nus 4. Strom. c. 2. verbis illis. [Si quæ est apud Deum
 “ confessio, est testimonium, quæcunque anima se
 purè,

parè , & syncerè gessit cum Dei agnitione , & quæ
 præceptis paruit , & vita , & sermone est testis , quo-
 modocunque liberetur à corpore , fidem tanquam
 sanguinem , per totam vitam , & etiam in exitu pro-
 fundens . Iam dicit Dominus in Euangelio , qui reli-
 querit patrem vel matrem , vel fratres , & quæ dein-
 cept sequuntur , propter euangelium & nomen
 meum , is est beatus , non quoduis significans testi-
 monium , sed quod est ex cognitione , ut qui ex regu-
 la euangelij vitam egerit , propter dilectionem in
 dominum . Cognitionem enim significat perceptio
 nominis & intelligentia euangelij , sed non nudam
 ac simplicem appellationem ; relinquere quidem
 genus mundanum , relinquere autem facultates , &
 omnem possessionem propterea quod uiuat citra
 ullam ad ea affectionem . Dicitur quidem certè pa-
 tria mater , & nutrix allegoricè : Patres autem leges
 ciuiles . Quæ quidem grato animo sunt contem-
 nenda viro iusto , qui est magni & excelsi animi , ut
 deo fiat amicus , & consequatur dexterar partes
 sanctificationis , sicut etiam fecerunt Apostoli .]
 Vides quàm perspicuè , Clemens , vitam Apostoli-
 cam & ad Euangelicorum consiliorum amussim
 exactam , testimonij siue martyrij nomine insigniat .

Disertissimè idem habet commentarius S. Hie-
 ronymo adscriptus in Psal. 115. ad illud , *dirupisti*
domine vincula mea . Sic habet . [Catenis suorum
 peccatorum vnusquisque constringitur , sed in mar-
 tyrio meo , dirupisti vincula peccatorum meorum ,
 & de vinculis plicasti mihi coronam victoriæ . Vbi
 enim abundauit peccatum , superabundauit & gra-
 tia . Itaque tibi sacrificabo hostiam laudis . Post
 martyrium vbi sacrificat ? In regione viuorum . Sa-
 crificabo .

« crificato inquit tibi sacrificium. Quale sacrificium?
 « Numquid hircum aut vitulum? Illa Iudaïca erant
 « & transierunt. Sacrificato tibi hostiam laudis. Hæc
 « est laus martyrum. Sicut enim martyres laudant
 « Dominum purè in regione viuorum, ita & Mona-
 « chi qui die & nocte psallunt Domino, debent ean-
 « dem puritatem habere martyrum, siquidem ipsi
 « martyres sunt. Quod enim faciunt Angeli in cœ-
 « lis, hoc Monachi faciunt in terris.] Expressiùs Lau-
 « rentius Iustinianus Opusc. de contemptu mundi
 « cap. 6. hoc religiosi status martyrium, ita depingit,
 « [Solitariam ducunt vitam, cœnobiorum custo-
 « diunt regulas, martyriique spiritualis fatigantur
 « agone. Nam etsi personalis minimè persecutor ap-
 « pareat, non tamen deficiunt à Diabolo, homini-
 « bus, nec à sensualitate illatæ molestiæ. Ab his ne-
 « mo iustus liber existit, adeò vt verum esse probe-
 « tur quod ait Apostolus; Omnes qui piè viuere vo-
 « lunt in Christo Iesu, persecutiones patiuntur. Equi-
 « dem tentationibus variis insequitur Diabolus san-
 « ctos, vt eos auertat à Christo, & ad facinoris con-
 « sensum trahat. Porro ab hominibus inferuntur re-
 « rum damna, homicidia, detractiones, atque con-
 « uitia. Cupiditatibus ac voluptatibus blanditur ca-
 « ro, vt sæculi sectentur illecebras, quod est dirum
 « persecutionis genus. Omnibus quippe his pro
 « amore diuinitatis repugnare viriliter, martyrij per-
 « ducit ad palmam. Mentium namque inspector
 « Deus, non solùm laborem operis, verùm etiam
 « affectum voluntatis, in retributione compensat.
 « In membris igitur suis spiritualibus, semper trium-
 « phat Ecclesia.]

3. Astipulatur Theodorus Studita, vitæ mona-
 sticæ

aticæ insigne exemplar, & Ecclesiæ turbidissimis
nebulosissimisque temporibus lumen & columen.
Post descriptam namque inuictam SS. martyrum
constantiam, quæ ipsos quoque Tyrannos lassauerit,
& in rabiem uerterit, quoddam effectum malitiæ
suarum virus spectarent; cum posuisset causam
inditæ eis martyrum appellationis, ex eo duci, quod
per dura quæuis & aspera, Euangelicæ veritati
essent attestati; subiungit. [Ecquid ergo soli marty-
res sunt qui sanguinem profundant? Minimè verò?
quin ij quoque qui vitam obeant diuinam. Ait
enim Apostolus, circuierunt in melotis, in pelli-
bus caprinis, egentes, angustiiati, afflictii, quibus
dignus non erat mundus, in solitudinibus errantes
in montibus, & speluncis, & in cauernis terræ. Et
paulopost: Tantam habentes nubem martyrum,
deponentes omne pondus, & circumstans nos pec-
catum per patientiam decurramus propositum no-
bis certamen, aspicientes in auctorem fidei, &
consummatorem Iesum. Viden' ut vniuersè mar-
tyres vocauit omnes pietatis amantes, afflictam-
que vitam tolerantia trahentes? Quare & nos fra-
tres, numerati in hoc martyrio sumus. Nam qui
toleranter, vitæ ærumnas crucigeræ amplectamur,
qui virginale votum tueamur, nec morigeratione
detrectanda, in qua inest quiddam instar certami-
nis, Iesum testamur & Christum esse, & Dei fi-
lium, testamur iudicium, ac renumerationem fu-
turam, testamur vitæ exactæ rationem reddituros
ad terribile Christi tribunal, obsistentes Diabolo,
Christi inimico, torquenti, & assidua cogitatio-
num, ac lethalium voluptatum obiectione, ve-
lut flagris, vrgenti negare nos esse Deum. Etenim
quorum

" quorum corrupta studia sunt, cedunt atque obse-
 " quantur perduelli, rebus ipsis Deum esse negan-
 " tes, secundum sancti Davidis sententiam, dixit
 " insipiens in corde suo non est Deus.] Excurrit in
 eorum casum, qui sicut vrgentibus Ecclesiam Ty-
 rannorum persecutionibus imbecilles eneruésque
 nonnulli, ita & ipsi asceticis asperitatibus fracti, à
 martyrio religioso resiliebant, quorum tristissi-
 mam sortem deplorat. Tum conuersa ad perstantes
 oratione, hortatur vt omnis consummationis fi-
 nem videant, nec ante martyrio religiosæ vitæ,
 quàm vita ipsa defungantur. Eius hæc est ad fratres
 allocutio, omnis pietatis sapore condita, quem vti-
 nam nimia interpretis de sermonis apparatione so-
 " llicitudo, non obtudisset. [Verùm nos fratres, ceu
 " Christi martyres adhuc præclaro martyrio funga-
 " mur, adhuc illustrem confessionem obeamus. Gau-
 " deamus cum omnibus Sanctis, quòd meriti pro
 " Christo martyrium sumus, genu Baali non infle-
 " xo, quæ carnis libido est, ac reliquæ vitæ volu-
 " ptates. Ne credamus spectra suggerenti vnde obe-
 " dientiam detrectemus. Quin quotidie velut in sta-
 " dio contra luctemur, icti, neque præfracti; ani-
 " mosi, non percussi. Iam verò quod martyrij com-
 " pendium? Scitis vt martyrio in quoquam secun-
 " dùm vitam perfuncti, socij sint eorum gaudij, re-
 " rumque pro quibus martyrio sunt affecti confor-
 " tes ostendantur. Ergo huic consecrarium est, &
 " Christi martyres vt eum in cunctis martyrio testa-
 " tos, pro veròque testimonio pœnas intolerabiles
 " perpeffos, in futuro sæculo hæredes cum eo decla-
 " rando. Nam Apostoli hæc sententia est, cum Chri-
 " stus apparuerit, vita vestra, tunc & vos apparebi-
 tis

tis cum ipso in gloria: cum quibus & nos, peracto
nostro martyrio, (longum est autem per omnem
vitam) bonis frui sempiternis, in ævūque cum
Christo triumphare mereamur.]

Religio crux quotidiana.

4. En religiosum martyrium, longum & diuturnum est, ipsique vitæ commensum, iudice Theodoro: martyrium verò quod sanguinis profusione subitur, martyrij est compendium. Quod S. Hieronymus episto. 17. Eustochium sanctissimæ parentis Paulæ non degenerem prolem consolans, de eadem Paula in monasterio, communi more spoliata, & quietè fato functa, antea pronuntiabat, sic locutus. [Secura esto Eustochium, magna hæreditate ditata es. Pars tua Dominus, & quo magis gaudeas, mater tua longo martyrio coronata est. Non solum enim effuso sanguinis in confusione reputatur, sed devotæ quoque mentis servitus immaculata] **Q V O T I D I A N V M M A R T Y R V M** est. Illa corona de rosis & violis plectitur, ista de liliis: Vnde & in Cantico scribitur Canticorum, fratru mei candidus & rubicundus: & in pace & in bello eadem præmia vincen- tibus tribuens.] Alludit apertè Hieronymus ad Cyprianum episto. 9. cuius illa est exclamatio. [ô beatam Ecclesiam nostram, quam sic honor divinæ dignationis illuminat, quam temporibus nostris gloriosus martyr sanguis illustrat. Erat ante in operibus fratrum candida, nunc facta est in martyrum cruore purpurea: floribus eius nec lilia, nec rosæ defunt. Certent nunc singuli ad utriusque ho-
notis]

« noris amplissimam dignitatem, vt accipiant coro-
 « nas vel de opere candidas, vel de passione purpu-
 « reas. In cœlestibus castris & pax & acies habent
 « flores suos, quibus miles Christi ob gloriam coro-
 « netur.] Ad illud item allusit Hieronymus, quod à
 S. Athanasio in vita B. Antonij c. 23. scriptum est:
 nimirum S. Antoniū profundendi pro Christo san-
 guinis & martyrij cruenti cupidissimum, cum ali-
 quandiu ea ex causa hæssisset Alexandria, vbi tunc
 temporis Maximiani rabies in Christianos exprom-
 gebatur, ad extremum reddita Ecclesiæ pace, re-
 gressum esse ad suum monasterium, vt spe cruen-
 ti martyrij irrita facta, **Q V O T I D I A N V M**
 « (verba sunt S. Athanasij.) **F I D E I A C C O N -**
 « **S C I E N T I Æ M A R T Y R I V M** mereretur;
 « acrioribus se ieiuniis vigiliisque conficiens; vesti-
 « mento cilicino intrinsecus, desuper pelliceo vtens,
 « nunquam corpus lauans, nunquam pedibus sor-
 « des abluens.] Omne denique reliquum monasti-
 cæ vitæ martyrium; alacriter constantérque con-
 summans.

5. Eodem respexisse dixerim alios, quibus reli-
 giosam vitam, *quotidianum martyrium* nominare,
 solemne est. Sic enim S. Hilarius Arelatensis eo S.
 Honorati decessoris sui panegyrico in quem omnes
 dicendi veneres conguessisse videtur, S. illum Anti-
 stitem qui primus Lerini annos aliquot monachum
 egerat, posteaque Arelatis cum splendore infula-
 rum, probatissimi ascetæ vitam nexuerat, quoti-
 « dianio martyrio in pace perfunctum agnoscit. [Ha-
 « bet (inquit) & pax martyres suos. Christi enim tu
 « quandiu in corpore moratus es, testis fuisti. Illud
 « enim stupendum quondam adolescentiæ tuæ ro-
 bur,

bur, perpetuo abstinentiæ rigore tenuatum, & in illam quam vidimus, (aspectus licet decore seruat,) exilitatem redactum, C R V X vtiq; Q V O-
T I D I A N A consumpsit.] Nec ita multo post, sancti viri somnia de fundendo propter Christum sanguine describens, sic eum affatur. [Tuis in tantum medullis Christus infederat, ut interdum (quod expertus loquor,) membris tuis placido sopore deuinctis, illum etiam in somnis officio solito tua lingua resonaret. Sæpè dormiens sanissimæ exhortationis, sæpè orationis affectu officiosissimo verba fudisti. Agebatur quippe in lectulo corporis quies, mentis in Christo. Et quidem hæc prout quique assuimus, experti sumus: Tu verò vnica semper omnium requies, quàm alacer, quàm sæpè referebas somnia non aliquid præfagientia, neque aliqua in futurum anxietate sollicita, sed inquietis animæ desideriis excitata; martyrium scilicet, quod semper meditatione gestabas, (credo interdum alludente, & prouocante cupiditatem tuam Domino .) tanquam excitata in fidem tuam persecutione peragebas. Et verè puto, neminem diffiteri, tibi ad martyrium, tempus non animum defuisse.] Vtiq; martyrij cruenti, quod exoptabat. Nam incruento hoc & quotidiano de quo agimus, perfunctum S. Honoratum disertè dixerat. Apud Bernardum quoque serm., 1. in octaua Paschæ, huius quotidiani martyrij mentio est verbis illis. [Quia baptismum aqua, martyrium diximus sanguine designari; memento & vnicum & quotidianum esse Baptismum, similiter & martyrium. Est enim & martyrij genus, & quædam effusio sanguinis in quoti-

E diana

« diana corporis afflictione. Est & Baptismus aliquis
 « in compunctione cordis , & lacrymarum assiduita-
 « te. Sic quippe infirmis , & pusillis corde necesse
 « est , vt quem semel pro Christo ponere non suffi-
 « ciunt , saltem mitiori quodam , sed diuturniori
 « martyrio sanguinem fundant.]

Denique scriptor rei asceticæ peritissimus , &
 pietate cum antiquis conferendus , Thomas Kem-
 penfis serm. 12. ad Nouitios , quotidianum hoc re-
 ligiosæ vitæ martyrium egregie celebrat his præter
 « cætera. [Fuerunt multi nobiles ac diuites viri , qui
 « longo tempore in abstinentia carnum , in carentia
 « frumenti , vini , & olei , & aliorum delectabilium
 « ciborum , duxerunt vitam valdè religiosam & du-
 « ram , crucifigentes cum vitiis & concupiscentiis
 « suis , carnem fragilem ; non propter laudem hu-
 « manam , sed vt Deo satisfacerent pro peccatis per
 « feruentem poenitentiam. Hi contra tentationes
 « Diaboli , & mundi honores , certantes vsque ad
 « mortem , felici tandem fine , cursum vitæ suæ
 « compleuerunt. Quauis igitur isti Tyrannorum
 « gladium , aut ignem vrentem , aut morsum bestia-
 « ram , seu alia sæuissima tormenta non pertulerunt
 « in corpore ; maximum tamen bellum , & quoti-
 « dianum martyrium perfecerunt in mente , vitam
 « castam , humilem , abiectam , internam , deuo-
 « tam , benignam , patientem , sobriam , modestam ,
 « pauperem , & absconditam , præ cunctis mundi
 « opibus amplexantes ; ideoque dignè coronas me-
 « ruerunt habere perpetuas.]

6. Cur porro religiosa vita , martyriam quoti-
 dianum , & crux quotidiana vocetur , non est ob-
 scurum. Iugis enim mortificatio , & quotidiana in-
 terni

terniac externi hominis propter Deum macatio,
 quam exercitationes asceticæ adiunctam habent,
 pro morte in singulos dies itrogata computatur.
 Idque Apostolus c. 8. ad Rom. apertè confirmat,
 adducto loco Psalmi 43. quo Psaltes facer, aut po-
 tiùs ex eius ore pij quique, profitentur se propter
 Deum mortificari tota die, æstimarique sicut oues
 occisionis, & quamdiu corpore concluduntur, quo-
 tidie mori. Religio sit, verè aureum Chrysostomi
 commentarium eius loci missum facere. [Quando-
 quidem fieri minimè poterat vt qui homines essent
 ij infinitas mortes tolerarent, ostendit, ne hac
 quidem ratione præmia esse imminuta. nam vt na-
 tura sortiti id simus, semel tantum vt moriamur:
 tamen voluntate id quotidie perpeti, si id in ani-
 mum induxerimus, dedit Deus: Vnde liquet fore,
 vt cùm tot hinc coronis decedamus, quot dies hic
 vixerimus, imò verò multò pluribus: Licet enim die
 vno, & semel & bis, & sæpè mori. Qui igitur
 ad ipsum comparatus fuerit, is semper mercedem
 absolutam recipit. Hoc igitur & Propheta signifi-
 cans, dixit: Tota die. Quapropter & illum Apo-
 stolus introduxit.] Nec dissimilia ab eodem Chry-
 sostomo traduntur hom. 73. ad pop. & 11. in Ge-
 nes. in expensione illorum Pauli verborum *quotidie
 morior*. Hanc iugem mortem, & plusquàm quoti-
 dianum martyrium, bellè admodum verbis illis
 expressit Leo magnus homil. de Machab. [Non
 quia cessauit persecutor & tortor, quia iam Deo
 militant potestates, desunt Christianis quas supe-
 rent passiones. Fili (inquit) accedens ad seruitutem
 Dei, sta in iustitia & timore, & præpara animam
 tuam ad tentationem. Et Apostolus dicit. Quicun-

" que in Christo piè volunt viuere , persecutionem
 " patiantur. Qui ergo putas quicuisse persecutio-
 " nem , & nullum tibi cum hostibus esse conflictum ,
 " intimum cordis tui scrutare secretum , & omnes
 " recursus animæ tuæ diligens explorator ingredi ,
 " & vide si nulla te impugnat aduersitas , si nullus
 " tyrannus vult in mentis tuæ arce dominari. Noli
 " cum avaritia pacem firmare , & iniquorum quæ-
 " stuum incrementa contemne. Superbiæ concor-
 " diam nega , & magis time in gloriam suscipi , quàm
 " in humilitate calcari. Dissociare ab ira , nec dolo-
 " rem inflammet inuidiæ , cupido vindictæ. Renun-
 " cia voluptati , auertere ab immunditia , pelle luxu-
 " riam , fuge iniquitatem , omitte falsitatem , &
 " cum videris te multiplicem habere pugnam , tu
 " quoque imitator martyrum , numerosam quære
 " victoriam. Toties enim peccatis morimur , quoties
 " in nobis peccata moriuntur , & pretiosa in conspe-
 " ctu Domini , etiã ista mors Sanctorum eius , vbi ho-
 " mo occiditur mundo , non terminatione sensuum ,
 " sed sine vitiõrum.] Hæc mors tam multiplex , per
 " affectuum quorumvis maëtationem & sedulam
 " depulsionem peccatorum , mundi conculcationem ,
 " ac virtutum (asperam licet & arduam ,) exercita-
 " tionem , religioso qui nomen illud dignè præferat ,
 " non quotidiana tantum , sed perpetua ac cõtinua est.

7. Est igitur religiosa vita , mors quotidiana , &
 iuge martyrium ; ita vt quamuis corpore nemo
 nostrum mori possit nisi semel , nec liceat sæpius
 subite cruentum martyrium ; tamen martyrij huius
 incruenti in dies singulos copia fiat. Quod probè in-
 tellexit S. Bernardus , religiosæ vitæ & adiuncta-
 rum ei ærumnarum apprimè sciens. Latronem
 enim

enim qui ad supplicium abducebatur, permitti sibi cum postulasset, contestante Theobaldo Campaniæ Comite sancti viri obseruantissimo, hominem esse omnibus coopertum flagitiis, & multiplici morte dignissimum; reposuit, & idcirco à se deposci, vt quod vna morte sufficienter expiare non posset, pluribus ac per dies singulos inferendis, exolueret, in religioso statu. Quod & perfectum à latrone proditur, tricenario religiøsæ pœnitentiæ martyrio constanter & alacriter exacto in Cisterciensi familia, quotidie perdendo vitam & animam suam propter Christum: iuxta Christi verba de martyribus, quæ probatis ascetis æquè communia esse, idem Bernardus ser. 30. in Cant. optimè expressit tractans verba illa Pauli, contestantis intentatis suppliciis *nihil horum vereor, nec facio animam meam pretiosiores quam me*. Hanc per Paulum, animæ siue vitæ corporalis contemptionem, imitatione exprimi per Monachos suos, auebat Bernardus; & potuisse exprimi, imò verò religiøsè viuendo expressam esse, docet sic differens. [Animæ portio est, carnalis affectio eius, & vita quam administat corpori. Hanc ergo animam suam Paulus spernebat pro se, paratus pro Domino non solum alligari, sed & mori in Hierusalem, & sic perdere animam suam, iuxta consilium Domini. Tu quoque si propriam deferas voluntatem, si corporis voluptatibus perfectè renuncies, si carnem tuam crucifigas cum vitiis & concupiscentiis, sed & mortifices membra tua quæ sunt super terram, probabis te Pauli imitatore, qui non facis animam tuam pretiosiores teipso: Probabis & Christi discipulum, etiam illam perdendo salubriter.

“ Et quidem prudentius eam perdis vt custodias,
 “ quàm custodis vt perdas. Nam qui voluerit ani-
 “ mam suam saluam facere, perdet eam.]

*Quanta quotidiani huius ac iugis mar-
 tyrij acerbitas.*

8. Cuiusmodi verò sit quotidiani huius martyrij acerbitas præ cruento, sic postmodum eo ipso loco exponit idem Bernardus increpans delicatos quosdam, & molles Epicuri potius (vt ait) aut Hippocratis, quàm Christi discipulos. [Animæ in corpore vitam, Saluator monet perdere. Quid enim tibi aliud de Christi auditorio sonuit, cum paulò antè clamatum est: Qui amat animam suam perdet eam. Dixit siue ponendo vt martyr, siue affligendo vt pœnitens. Quanquam genus martyrij est, spiritu facta carnis mortificare: Illo nimirum quo membra cæduntur ferro, horrore quidem mitius, sed diuturnitate molestius.] Iterat hæc ipsa verba idem melitissimus ac piissimus Pater serm. 2. in cœna Domini. Vtrobique agnoscens, quotidianum hoc martyrium, esse sola diuturnitate molestius, horrore tamen mitius esse, ac perpeffu facilius.

At proximè laudatus Thomas Kempensis, quandam inter vtrumque hoc martyrium, æqualitatem acerbitatis statuere videtur, indistinctè æquiparans amborum vexationes & præmia, quæ constat inæqualiter vexatis inæqualia rependenda, cæteris paribus. Scitè autem cum variis forensium reorum cruciatibus, varias religiosi status ærumnas componit, in hunc modum. [Potest quilibet in ordine & in statu suo, religiosè, & deuotè viuendo, palmam

palnam martyrij obtinere, si contra vitia sua fortiter certat; si pro aduersantibus, & detrahentibus orat; si castitatem illibatam strenuè seruat; si obedientiam vsque ad mortem exemplo Christi custodit; si de omnibus terrenis, & necessariis huius vitæ, semper minus, quàm plus habere desiderat, & beneplacitum Dei in omnibus quærit, & suum velle relinquit. Sancta quippe voluntaria paupertas, pro martyrio computatur. Et idèd sicut martyribus, ita & pauperibus regnum cœlorum à domino promissum est & donatur. Cum ergo verboso & dissoluto silentium imponitur, ne extraneis, vel fratri loquatur; tunc lingua ad fabulandum prona, quasi recte ligatur, & ne noceat alteri, silentio cohibetur. Et verè multis verbosis expedit, pro pace conscientia verecundè tacere, quàm hinc inde historias de statu seculi retexere: & cum homini præcipitur in clauistro manere, aut in cella quietè residere, tunc pedes eius pia violentia, quasi in cippo locantur; & sic ad viam salutis, cor instabile redire compellitur, iuxta illud domini verbum: exi citò in vicos, & plateas ciuitatis & compelle intrare. Heu quanti foris vagando perierunt: Quanti suæ curiositati seruiendo, nil sanctitatis retulerunt. O quàm multi per rectoris virgam reducti sunt ad conscientia, & bonæ vitæ custodiam, & de necessitate fecerunt virtutem? Cum curiosus oculos suos claudit, ne seculi vanitates aspiciat, tunc mercedem cum sanctis recipiet, quorum oculi fuerunt à tyrannis excæcati. Cum piger aliquis laborare cogitur, tunc manibus, & pedibus ad locum martyrij trahitur, & si obedierit ad omnia sibi iniuncta, præmiabitur cum martyribus; quorum manus vinculis fuere

« ligatz, & pedes in equuleo suspensi. Cogitare ergo
 « debet bonus obediens frater, quia proprii corporis
 « non habet potestatem, sed prælatus; cui propter
 « Deum se resignauit liberè, vt eat, & faciat, quod ille
 « iussèrit pro animæ suæ salute. Sic enim obtinebit
 « cum martyribus patientiæ palmam, & æternæ vi-
 « tæ coronam.]

9. Quid verò si non mitius modò aut æquale, sed
 durius etiam & acerbius, cruento martyrio esse
 quotid anum hoc martyrium quis assermet? Paph-
 nutius sanè insignis martyr ex monacho, cuius res
 gestas scriptis à Metaphraste consignatas exhibet
 Surius 28. Aprilis, Ariano Ægypti præside vniuer-
 sum exprimendæ in ipsum crudelitatis apparatus,
 equuleos, sartagine, scöres, scorpiones, aliæque fe-
 ralia instrumenta ostentante, vt sancti viri animum
 emolliret, & ad impura sacrificia adduceret, intre-
 « pidè respondit in hæc verba [Putasne tua hæc tor-
 « menta adèò mihi horribilia videri, vt propterea
 « Deum verum negandum putem? Quinimo hoc
 « scito, nostras monasticas constitutiones, multo plura
 « in se tormenta continere, quoniam in multis exer-
 « citationibus assiduè tentamur. Sed saluator noster
 « ita nos corroborat, vt omnia perferre, & superare
 « possimus. Quare idem etiam nunc corroborabit ad
 « tuam hanc sæuitiam superandam.] Videtur Paph-
 nutius iisdem gratiæ suppetiis contentus, ad omne
 carnificis ingenium in tormentis lassandum, ac etiã
 frustrandum, quibus in monastico instituto ad tot
 cum eo implicitas ærumnas patienter ferendas, ro-
 boratus fuerat. Imo cum multo plura esse religiösæ
 vitæ tormenta asserat, quàm quæ ab impio Præside
 ostentabantur, ne tanta quidem cœlestia subsidia
 sibi

sibi ad sanguinis pro fide profusionem necessaria, quanta ad religiosum martyrium, videtur agnosce-
re. Et disertè (quod vnum hìc contendimus,) prodit
monasticæ vitæ tormentorum multitudinem & a-
cerbitatem, præ qua ad obiectum immanium illo-
rum instrumentorum, horreæ non deberet.

*Plenior, Religiosi martyrij illustratio,
expensione paupertatis.*

10. Sed vt liquidiùs deprehendi possit, quàm
aptè & ad veritatem consentanea, religiosè vita no-
mine martyrij quotidiani insigniatur, operæ præ-
tium est sigillatim dispicere ea quibus religiosi sta-
tus veluti substantia continetur; vota inquam tria
vulgaria, quibus veluti cultris homo à se externo-
rum quorumcunque, ac sui etiam ipsius, immo-
dicum amorem rescindit: Paupertate quidè, deside-
rium opum quibus veluti fomētis alitur in homine
ignis superbię, malè altipetæ, vt S. Paulinus scitè no-
minauit. Castitate verò, corporis immodicum stu-
dium: denique obedientiæ interuentu, quod in ani-
ma eminet, liberam statuendi de se ipso facultatem
atque iudicium. Resecantur hæc omnia, quæ iure di-
xeris sanctimonix attingendæ aheneos obices,
trium illorum quæ recensui votorum interposi-
tione. Et idcirco homo eorum emissionem non qui-
dem perfectus vt egregiè disputat S. Thomas opusc,
17. c. 6. sed ad perfectionem proximè aptus, siue
mediis ad eam consequendam quàm accommoda-
tissimis instructus, & ad diuinum cultum optimè
compositus denominatur, quod ipsum est, dici ac
esse religiosum; nec alia quærenda est religiosi sta-

tus veluti substantia. Nam ritus omnes, & externæ corporis species, peculiarisve amictus & victus ratio ac forma, quamvis apud rudes æstimatores substantiæ locum interdum teneant; re ipsa tamen non nisi ascititia sunt ornamenta, quibus vt conciliari statui de quo agimus decus aliquod ac fructum non eam inficias, longè tamen absunt à primaria illa & fundamentaria eiusdem status ratione, quam contineri votis diximus. Vt proinde cum hæc, sola, sint religiosæ vitæ adeò intima, vt statuatur his constitutis, sublatis verò evanescat, nihil sit præterea penes quod vniuersaliter de status religiosi asperitatibus pronunciare liceat. Quare videamus quæ sit paupertatis, quæ obedientiæ, quæ castimoniam voto firmatæ, difficultas & asperitas, vt status iis constitutus, rectè cum quotidiano martyrio collatus appareat. Neque verò spectari ista velim prout ab homine manant vberi diuinæ gratiæ rore delibuto. Plerumque enim tam copiosa affluit homini de cœlo benedictionum dulcedinis largitas, vt computrescat iugum à facie olei, & medium fornacis statuatur dominus quasi ventum roris flantem: Sed spectanda sunt in homine (non quidem gratiæ exsorte. quid. n. boni germinis ex tam arente ac exsucco solo existere possit, cuius fructus æternæ vitæ ac gloriæ, commodet, quæ est religiosi status meta?) Non igitur in homine per nuda naturæ præsidia operante spectanda sunt, sed in eo qui communibus duntaxat gratiæ subsidiis fulciatur. Aut (si hæc alicubi abundant) in quem diuina largitas parcius stillat, siue ita ferente hominis remissione anterioris beneficentiæ prodiga, nec eam satis æstimante: siue pro diuini consilij beneplacito, ad hominis probationem, &

fontis

fontis vnde gratia defluit, manifestationem.

II. In huiusmodi ergo homine, paupertas voluntaria voto firmata, & exactè fidelitèrque seruata, quantam putamus cruciatuum dolorisque materiam subministrat, quantam angorum & ærumnarum, ad martyrium incruentum plusquàm sufficientium? Considerandum enim est, sicut opes omnium corporis commodorum instrumenta sunt, quod Teles de comparat. diuitia. & virtutis diffuse monstrat, & Theodoretus serm. 6. de prouid. attigitque Philo libro de temul. vocans *externa bona, corporis satellites*: Ita etiam cum diuitiarum exclusionem per paupertatem, omnium incommodorum, atque aded etiam ærumnarum, infœlix (carni quidem ac sensui,) coniugium existere, quod ad martyrium, nec mite aut leue sufficiat. Nec enim cupiditi tantum, aut superfluis rebus, sed etiam necessariis carendum est. Quo ex capite optimè S. Dorotheus doctr. 7. num. 9. religiøsæ paupertati, tribuit rationem martyrij. Eum enim qui re necessaria carere cogitur, ita secum dicere iubet. [Nouit Christus melius quàm ego, quid mihi sit opus, cuiusne rei sim indigus, & ipse fiet mihi, huius rei, vel huius cibi loco.] Et mox. [Si quisquam ouum appetat, & olus accipiat, dicat cogitationibus suis: si utile mihi ouum omnino fuisset, haberem vtique illud: Nam bonitas Dei mihi prouidisset, misissetque prorsus. Verùm potens est & olera in ouum conuertere, credâtque Deo, & cedit illi hoc in martyrium.] Eadem fuit S. Francisci mens. Sic enim apud eum lego collatione 8. [Si propter inopiam & paupertatem frater corpus necessitates suas in sanitate & infirmitate habere non potest

„ potest , dum honestè petierit & humiliter à praela-
 „ to suo amore Dei , & sibi non datur, sustineat amo-
 „ re Domini patienter , qui etiam sustinuit quærens
 „ qui eum consolaretur & non inuenit. Et hæc neces-
 „ sitas sibi à Domino imputatur pro martyrio.] Non
 abhorret à Spiritus sancti sensu , hæc de paupertate
 sentiendi & loquendi forma. Sanè scriptura,
 paupertatis caninū in quo excoquantur homi-
 nes , agnoscit Isaia 48. nec dubitauit S. Chrysosto-
 mus homil. 18. in 1. ad Cor. pauperes cum pueris
 in Babylonicam fornacem coniectis conferre , non
 modò quia vt illi , Deum luteum colere renuerunt,
 sic & isti numini avaritiæ pleròsque dementantis
 accidere detrectant ; sed etiam quia fornacem &
 flammā tolerant vtrique ; & pauperes quidem mul-
 to ardentiozem , in qua si non concremantur qui
 eam voluntariè ad numinis cultum excipiunt , di-
 uinæ potentia opus est , quale circa Babylonios
 pueros est proditum , vt D. Chrysostomus philoso-
 phatur ; non autem humanæ virtutis , vel retusæ
 aut restrictæ flammæ acrimonix argumen-
 tum. Quare rectissimè cum S. Bernardo licet con-
 cludere , in calce sermonis primi in festo omnium
 SS. paupertatem religiosam , inter martyrij in-
 cruenti species , iure optimo numerari. Tractans
 enim octauam beatitudinem qua sanctis martyri-
 bus reposita felicitas proponitur , recurrens ad
 primam qua constitutum est præmium pauperi-
 „ bus. [Quid sibi vult (inquit) quod eadem promif-
 „ sio facta est pauperibus , & martyribus , nisi quia
 „ veri martyrij genus , paupertas voluntaria est ?
 „ Beatus vir , ait Propheta , qui post aurum non
 „ abiit , nec sperauit in thesauris pecuniæ : quis est
 hic,

hic , & laudabimus eum ? Fecit enim mirabilia in
vita sua. Quid mirabilius , aut quod martyrium
gravius est , quàm inter epulas esurire , inter ve-
stes multas & pretiosas algere , paupertate premi
inter diuitias , quas offert mundus , quas ostentat
malignus , quas desiderat noster iste appetitus ? An
non meritò coronabitur , qui sic certauerit , mun-
dum abiiciens promittentem , irridens inimicum
tentantem , & quod gloriosius est , de semetipso
triumphans , & crucifigens concupiscentiam pu-
rientem ? Denique propterea pauperibus pariter
& martyribus regnum cœlorum promittitur , quia
paupertate quidem emittur , sed in passione pro
Christo absque omni dilatione percipitur.] Non
dissimiliter S. Chrysostomus homil. 11. in ad Hebr.
post enumerata sacrificiorum mysticorum varia
genera abrogatis quasi agni immaculati immola-
tione pecuinis quibuscumque sacrificiis demandata,
subdit. [Sunt & aliæ oblationes quæ verè sunt ho-
locautomata , martyrum corpora : Ibi & anima &
corpus offeruntur. Illa sacrificia odorem suauitatis
habent maximum. Potes & tu si volueris , tale sa-
crificium offerre. Quid enim si non igne combu-
ratur corpus ? Sed alio igni potest : vt puta pauper-
tatis voluntariæ , & tribulationis. Cum enim li-
ceat deliciosè & optimè degere , si eligatur labo-
riosa vita & anima mortificansque corpus , nonne
holocaustoma est ? mortifica ergo corpus tuum , &
crucifige , & accipe huius martyrij coronam. Quod
enim illic gladius operatur , hoc hîc animi alacritas
faciet.]

Itémque expensione obedientiæ.

12. Iam verò obedientiæ votum, quo impositi homines super capita nostra ferendi sunt, vt asperissimum ex se atque durissimum, ita iure optimo martyrij cuiusdam nomen sibi ac decus vendicat, iudice Thoma Kempensi lib. de fidei dispensat. c. 3. §. 2. Tractans enim illud Cant. 5. *manus meæ distillauerunt myrrham, & digiti mei pleni myrrha probatissima*, & hanc myrrham interpretatus integram ac plenam voluntatis propriæ mortem per obedientiam, illud cupit esse quàm commendatissimum. [antequam huius myrrhæ speciem quis agnoscat, vt in multis sæpè grauitatibus seipsum experiatur, quàm facîle caro remurmurat, quoties trepidat, quoties subruit. In quo conflictu intelligit, quantus sit labor non facere quod concupiscit; quàm durum frangere ad omnem nutum alterius, suos conceptus animi. Si ergo hæc & his similia, latius excogitata pertransierit, tanquam veræ mortificationis probamenta, (quæ omnia fortes Christi amatores ardentissimo affectu subire festinant,) inueniet proculdubio quàm veraciter dictum sit: & digiti mei pleni myrrha probatissima. Probantur enim à minimo vsque ad maximum eorum digiti, & à summo vertice, vsque ad plantam pedis, sine tentatione nihil vacat in ipsis. Nam modò iubentur exteriora; modò compelluntur ad sui custodiam introire; nunc huc illucque discurrere, nunc etiam quieti consistere; modo paulo plus vigilare, & paulo post vigilias nequaquam protrahere, nunc quodlibet protinus abiicere;

nunc

nunc etiam quod horrent sine mora perficere. Si
est aliquod genus supplicij, quod martyres faciunt;
tunc maximè illi martyres fiant, qui toties verbo
Dei, tanquam gladio submissi plectuntur; quo-
ties sibi ipsis per obedientiam moriuntur.]

Pari pietate, nec minus appositè ad rem præ-
sentem, idem autor serm. 11. ad Nouitios quoti-
dianum religiosi status martyrium exponens, hoc
maximè ex capite rem conficit, sic fratres affatus.
[O dilecti fratres qui in religione sub obedientia
statis; si fideliter impletis quod vouistis, martyres
estis, aut adhuc quotidie patiendi fieri potestis.
Nam toties nouas coronas, & margaritas pretio-
sas pro certamine vestro accipietis, quoties singu-
la membra vestri corporis, quotidianis laboribus
pro Christo exponitis. Et si proprias voluntates re-
linquitis, & sensualitati vestræ fortiter resistitis,
magnam à Deo intus consolationem percipietis.
Omnis religiosus in obedientia viuens, paratus
suam voluntatem frangere, atque prælato suo
humiliter nitens obedire, iste veraciter in spiritu
martyr efficitur, quamuis materiali gladio in collo
non feriat. Et quicumque perfectè mortificationi,
tota die, id est per totum tempus vitæ suæ, se
tradit, simplici ex corde obediendo, exemplum
Abrahæ imitatur; qui vnicum dilectum filium
suum Isaac, in holocaustum offerre, ligare, &
occidere non recusauit. Legimus etiam de sanctis
martyribus, quod per diuersa tormentorum ge-
nera transierunt ad regna cælorum: qui non ele-
gerunt pro sua voluntate, qualem pœnam aut
mortem paterentur; sed totaliter diuinæ ordina-
tioni se commiserunt, & corpus & animam crea-

“tori suo ad omnia sustinenda constanter obtu-
 “runt. Quando igitur aliquis vestrum audit, præ-
 “ceptum sibi contrarium à prælato imponi, & ta-
 “men paratus est obedire, si tunc etiam vim sibi
 “ipsi inferre conatur, atque murmurationem insur-
 “gentem compescit & necat, tunc gratissimum
 “Deo sacrificium in ara cordis immolat, & cum
 “martyribus, de hoste victor sui ipsius factus stre-
 “nuè triumphat.]

13. Sed longè Thoma Kempensi antiquiorem
 esse hanc de religiosæ obedientiæ martyrio doctri-
 nam discimus ex Antiocho homil. 39. qui disertè
 tradit, hominem per obedientiam transire in nu-
 “merum testium Christi, additque, [voluntatem
 “propriam à te excindere, perinde est ac si proprium
 “fundas sanguinem.] Idem discimus ex Cassiano
 collat. 18. c. 7. ubi Abbas Piamon probatos Mona-
 chos cum Sarabaitis monachorum personam e-
 mentientibus componens, præter cætera notat,
 quod istos voluntatum suarum habenæ quas ipsi-
 “met tractant, vinculis omnibus exsolutos, alterius
 “vinculis mancipant. [Illos patientia atque distri-
 “ctio qua tam deuotè in hac quam semel arripue-
 “runt professione perdurant, vt nunquam suas ex-
 “pleant voluntates, crucifixos huic mundo quoti-
 “die, viuósque martyres facit.] Respexisse videtur
 ad appellationem qua Isaacum Chrysostomus t. 1.
 orat. de Abraham, cohonestat; vocat enim viuum
 martyrem & non viuum, mortuum & non mortuū,
 Et fuisse Isaacum exactissimæ obedientiæ spiratē
 imaginem, testatissimum est apud Patres Ambro-
 sium, Ephræmum, Basilium Seleuciæ, Isidorum Pe-
 lusiozem, & quotquot in destinatam eius immo-
 latam

lationem, incurrunt scribendo. Itaque sicut eum Chrysostomus à summa obedientiæ perfectione, qua iuuenis patri seni nihil cunctatus iugulum cædendum præbuit, *viuum martyrem* nominauit, ita eodem respiciens Chrysostomi alumnus, obedientes, *vinos martyres* nuncupasse videri potest. Quam usurpatum quoque alia in causa à Chrysostomo eundem titulum non me latet. Homilia. n. in SS. Iuuentinum & Maximum sub finem Christianos quosdam generosos qui cum aperto periculo immanium tormentorum & mortis per ea inferendæ, Sanctorum pro Christo cæsorū corpora raperant, vt ea decenter curarent, eo illustrissimo titulo donat: *Etiam ipsi vini martyres*. Sed & S. Paulinus episto 28. quæ est ad Victricium secunda, sanctum illum Antistitem cuius in tormentis robur graphicè exprimit, quod supremo funeri subductus esset diuinitus, *viuum martyrem* appellat. Quo eodem nomine Nazianzenus orat. 20. n. 13. insignit sanctos illos qui extremam in Christianos, Satanæ rabiem sub Maximino exceperunt, nec tamen hostili gladio sunt decessim. [Hactenus videlicet relictī, vt victoriæ suæ superstites essent, nec cum ipsis certaminibus abscederent, sed aliis virtutis aliptæ, viui martyres, spirantes columnæ, tacitæque præconia relinquerentur.] Hoc verò non exile videri debet obedientium decus, quod gloriosissimum titulum, nec fructus vacuum, sanctis illis Christi athletic qui corporibus suis (quantum ex ipsis erat,) & sanguine litant, ab his Patribus attributum, communem habeant, ita vt possint ipsi quoque illud de Catholicis Arriano furore multa passis ab eodem Nazianzeno orat. 25. n. 41.

“vſurpatum, accommodare ſibi iſſis. [Viua viuen-
 “tis Dei, templa ſumus, victimæ viuæ, holocauſta
 “ratione prædita, ſacrificia perfectæ, Dij denique,
 “Trinitatis adoratæ, beneficio.]

Reſtat caſtitas, è tribus religioſo ſtatui ſubſtan-
 tialibus vnum, cui nomen quoque & prærogatiua
 martyrij, adſcribitur non ſemel. Sed quod hæc
 martyrij ſpecies, tametſi in religioſis domibus ad
 omnes æquæ pertinens atque perpetua, iis tamen
 non coërcita finibus, ad ſæculares quoque fundat-
 tur, quos D e v s interdum in medijs ignibus in-
 demnes, in altiffimo voluntabro, (quæ gratiæ di-
 uinæ potentia eſt,) nitentes ſeruat, placet de ea
 ſeorſim dicere.

C A P V T IV.

Martyrium Caſtitatis.

1. **C**Aſtitem S. Cyprianus, non quidem mar-
 tyrium, ſed martyrio proximam ſenſiſſe
 videtur lib. de diſcipl. & habitu virg. n. 78. cum di-
 “xit compellans ſacras virgines. [Primus centena-
 “rius, martyrū fructus eſt, ſecundus ſexagenarius,
 “veſter eſt. Vt apud martyres non eſt carnis & ſecu-
 “licogitatio, nec parua & levis & delicata congreſ-
 “ſio; ſic & vobis quarum ad gloriā merces ſecun-
 “da eſt, ſit & virtus ad tolerantiam proxima.] Apud
 pleroſque tamen Patres, eoſque primæ notæ,
 martyrij nomen & decus retulit. Paucos qui occur-
 runt annoto, rationem eius appellationis poſt mo-
 dum ſubiuncturus.

*Agon seruata pudicitia, ac velut vini-
comburium.*

Illustrissimè S. Chrysostomus initio orationis de
S. Thecla, eam ante martyrium cruentum quod
perpessa est, martyrium obseruatione virginitatis
subiisse docet, prolatis quoque carnificibus & li-
ctoribus tormenta inferentibus. Sic enim loquitur.
[Virginitas illis qui rem accuratè perpendunt, "
magnum quoddam martyrium, ante martyrium "
videtur. Sunt enim crudeles quidam carnifices cor- "
poris voluptates. Imo verò carnificibus crudelio- "
res : Nam vinculis torquent, non manufactis : per "
oculos animam vulnerant : per aures mentis rigori, "
atque constantiæ, luxuriæ faces admouent : aspero "
flagello intellectum flagellant : nouis subinde præ- "
liis nos lacessunt. Quando quis oculis cæcitatem "
indixerit, ne formas spectent ; tum id quod clau- "
sum est, reserant voluptates, & lasciuis per aures "
cantilenis resoluunt : quando in aures cantibus me- "
retriciis oclusas inciderint, tum libidines cogita- "
tionibus ornatae illudunt. Quando illas per omnia, "
vt paucis complectar, vigilantes superauerimus, "
dormientes umbratili pugna diuexant. Ita nos per- "
petuis, & in orbem redeuntibus præliis vrgent, quæ "
neque cum sole excitantur, neque cum nocte so- "
piuntur. Porro si inuentutem etiam aggressæ fue- "
rint, tum verò ignis cum igne miscebitur ; stipula "
cum fornace iungetur : Facile namque voluptati- "
bus inuentus incenditur : quippe quæ pinguior "
olei in morem, & aptior sit ad inflammationem, vt "
ad temperantiæ labores delicatior : Quæ nimirum "

« omnia beatæ virginis Theclæ, longum martyrium
 « virginitatem reddebant; quæ cum voluptatibus, ut
 « cum bestiis martyr pugnabat, cum cogitationibus,
 « ut cum cruciatibus, luctabatur, cum libidinum
 « imaginationibus, quasi cum tormentis carnificum
 « congregiebatur: sed ab illo tamen multiplici ac do-
 « mestico bello victoriam reportabat: Si quidem ig-
 * ne naturali ardentior illi erat ignis animi, & sanctus.

2. Quod de Thecla Chrysostomus, pulchrè de
 Iphigenia S. Matthæi alumna Espencæus in sacris
 Heroidibus, dixit, eam inducens incruentum vir-
 ginitatis martyrium, cruento sic præferentem.

*Mors cum martyribus venit, & victoria lata,
 Ultima momento clauditur hora breui.
 Horum nostra cruces, palma: pænâsque triumphos,
 Natalésque solet gens vocitare neces.
 Sanguine sed nullo, longumque perennéque castis
 Martyrium viduis, virginibûsque suum est.
 Lucta nec est, quàm morte semel finire dolorem,
 In carnem leuior quotidiana suam.
 Et paulò inferiùs.*

*Et certamen erit virgo cum martyre magnum.
 Est ubi dissimiles, est ubi dico pares.
 Sed super humanas sunt hæc luctamina vires.
 Vincat uter magni est munus utrumque Dei,
 Cuius habet violis permixta rosisque quasillus.
 Lilia; habet flores pugnâque paxque suos.
 Martyris expleta clarescit adorea morte
 Hic quoque virginibus laus solet esse sua.*

Nimirum quia castitatis indemnnias non nisi
 perpeffione quadam & ernuçidatione extri ho-
 minis,

minis , retinetur , vt postea plenius dicam sæpèque in scripturis & Patribus proditur.

Et quasi viuicomburiam.

3. Sed quod igne naturali, hoc est cupiditatis veneræ homini cum natura consertæ , exercitam non consumptam sanctissimam puellam , dicebat Chrysostomus , illustrandum est , adiunctis iis quæ de mystico hoc viuicombutio alibi disputat idem Chrysostomus exornans S. Barlaamum , qui manum subiectis in foculo prunis admotam tenere maluit quàm thuris grana eidem supinæ immissa excutere , ne Christum abieciſſe videretur. Ad tantæ fortitudinis expressionem , adhortans concionem S. Chrysostomus , proposita tacita causatione , pace frui Ecclesiam , & persecutionis turbine non agitari , sic respondet. [Equidem id etiam scio ; persecutionis quidem tempus non est , at tē martyrij est tempus. Non persequuntur homines, at persequuntur dæmones , Non laxat tyrannus, at vexat Diabolus tyrannorum omnium sæuissimus: Non obiectas prunas conspicias , at cupiditatis conspicias flammam accensam. Illi prunas calcarunt , tu naturæ pyram calca: Illi cum bestiis pugnarunt , tu iram , immitem & indomitam belluam fræna. Illi aduersus intolerabiles dolores steterunt , tu absurdas , prauasque cogitationes, quæ in corde tuo pululant , vince. Ita martyres imitabere. Nunc enim nobis non est colluctatio aduersus carnem & sanguinem , sed aduersus principes , aduersus potestates , aduersus mundi rectores tenebrarum harum, aduersus spiritualia nequitæ. Ignis est cupiditas natura ;

F 3

turæ , ignis in extinctus , ac perennis : canis est ra-
 bidus , & insanus : licet millies eum propellas , mil-
 lies impetum facit , nec absistit. Sæua quidem pru-
 narum est flamma , verùm hæc vehementior est
 flamma cupiditatis. Nunquam inducias belli huius
 obtinemus ; nunquam pugnae cessationem conse-
 quimur dum in hac vita versamur , sed perpetuum
 est certamen , vt & splendida fiat corona. Propte-
 rea Paulus nos semper armat , quandoquidem bel-
 li est tempus , quandoquidem vigilat semper hostis.
 Visne intelligere cupiditatem non minùs quàm ig-
 nem vrere ? Audi Salomonem dicentem , ambula-
 bit quis super prunas ignis , & pedes non combu-
 ret ? Sic qui intrat ad mulierem proximi sui , & qui
 tangit eam non erit innoxius. Vides vt natura cupi-
 ditatis ; naturam ignis æmuletur ? Sicut enim fieri
 nequit , vt qui tangit ignem non vratur , ita formo-
 rum vultuum aspectus , igne celerius lasciue in-
 tuente in animam corripit , & velut accensu facilis
 quædam materies , ita corpora speciosa lasciuorum
 oculis sunt obiecta. Quamobrem aspectum exte-
 riorem , cupiditatis igni non oportet in alimentum
 offerre , sed omni ex parte cohibere illum , cogitatio-
 nibus piis extinguere , atque vlteriùs grassantem
 deflagrationem refranare , nec animi nostri con-
 stantiam sinere supplantari. Sanè quidem volup-
 tas omnis , quo tempore perturbationes præualue-
 rint , solet animum igne vehementiùs inflammare ,
 nisi quis fortiter cum tolerantia fidèque aduersus
 singulas perturbationes decertet.]

4. Habes ignem nobis domesticum quo non
 pauci conflagent. Porro hunc ignem acrioribus
 flammis exardescere in illis qui castitati addicti
 sunt,

sunt, egregiè in hunc modum demonstrat idem
Chrysost. l. de virgin. c. 3. 4. [Si quando in coniugibus
excitatur ardor libidinis, concubitu facilè sedatur.
Virgo autem non habens unde ignem restinguat,
flammam quidem excitatam & in altum sublatam
videt: sed eam extinguere non potest. Tantùm verò
relinquitur, ut igni resistens non vratur. Quid igitur
est admirabilius, quam vniuersum gestare in animo
rogum ardentem, neque comburi? Quàm flam-
mam in intimis animæ partibus versari, & inte-
gram permanere rationem? Nemo enim illi dat
hanc veniam, ut libidini parens, eiusmodi carbones
effusos extinguat. Verùm quod scriptor Prouerbio-
rum fieri non posse dicit in corpore, id ipsum ani-
mâ virgo cogitur sustinere. Quid igitur inquit ille;
numquid potest homo ambulare super prunas, ut
non comburantur plantæ eius? Ecce ambulat ipsa,
& perfert cruciatum. Numquid potest quisquam
abscondere ignem in sinu, & vestimenta eius non
ardeant? At hæc ipsa non vestibis, sed intus ignem
continens, furentem & crepitantem flammam, per-
fert & sustinet.] Est igitur hæc affectio, flamma
quædam: & eiusmodi quidem sunt omnes quoque
perturbationes, sed hæc corporum ad naturæ pro-
pagationem commiscendorû, iure præcipuo flam-
mæ sibi quouis igne acrius ac vehementius incen-
dentis, nomen vindicat, ut propterea apud Cassia-
num collat. 7. c. 2. Angelus Sereno Abbati ignitam
carnis strumam ex eius visceribus eximere visus sit,
cum concessa ei diuinitus est frænandæ carnis con-
cupiscentiæ, facultas expedita, & cuiusvis conse-
quentis ea in parte casus secuta. In diuino item
lexico, carnis concupiscentiam ignis nomine signa-

tam, frequenter legimus: vnde est illud apud S. Gregorium l. 6. in 1. Reg. c. 1. *Quid est libido, nisi ignis.* S. item Cyprianus l. de bono pudic. n. 34. perbellè describit in annis primis virentis ætatis, rudem adhuc sanguinem ætuantem, naturæ flammæ accendere, & in medullis versata cæca incendia concitare. Pulcherrimè præterea Clemēs Romanus l. 9. recog. hunc internum concupiscentiæ ignem, omnem in nobis ni provideatur, gratiæ humorem ac virorem depasci aptum, repræsentat: addens, Christum, vt hanc flammam esse doceret, baptisimi Sacramentum, quod restringendo igni illi addictum est, in aquæ elemento instituisse. Quoddam igitur veluti viui comburium propter Deum subit, qui libidinis pyram incensissimam sustinet, diuino rore superfuso conflagrationem inhibente: non minore miraculo quàm quo olim tres pueri fornacem illæsi subiere, & durauere. S. Bernardus in sententiis in hac planè est sententia, Ait enim. [Martyrium sine sanguine triplex est: Parcitas in vbertate quam habuit Dauid & Iob: largitas in paupertate, quam exercuit Tobias & vidua: castitas in iuuentute, quam vsus est Ioseph in Ægypto] Considerauit enim Iosephum incensissimæ vt S. Chrysostomus loquitur, amoris herilis pyre immissum & innoxium. Vide sis hoc diligenter librantem Chrysostomus homil. 62. in genes. & episto. 8. ad Olympiam.

*Martyrii castitatis, confirmatio ex
sensu sanctorum.*

5. Astipulatur eidem castitatis martyrio S. Hieronimus episto. 8. Inducit enim Demetriadem virginem

ginem ex Anitia familia nobilissimam, Christi uuptias cogitantem de Probæ auix & Iulianæ matris contraria voluntate sollicitam, animantem sese ad domesticum certamen, exemplo sanctæ virginis Agnetis, quæ & ætatem vicit & Tyrannum; quasi & ipsi de profutenda virginitate consilium capienti, martyrium incruentum esset subeundum. Et verò stimulos quibus seipsam vrgebat ad impigrè perficiendum opus Dei, his postremò verbis exacuit. *Habet & pudicitia seruata, martyrium suum.* Sed quod exemplo sanctissimæ virginis Agnetis, incensam ad hoc pudicitix martyrium Demetriadem prodat S. Hieronimus, iuuat annectere quod à S. Ambrosio l. 1. de virgin. scriptum est, post sanctæ virgunculæ necem iis coloribus expressam quibus apud secularis eloquentiæ propolas, vix nitidius quicquam venustiusve, sit reperire. *Habetis igitur in vna hostia duplex martyrium, pudoris & religionis: Et virgo permansit, & martyrum obtinuit.* Apertè, mellitissimus verèque Ambrosius pater, martyrium cruentum, quod sanctæ virgini ob constanter retentam fidem illatum est, secernit ab incruento pudoris & illibatæ castitatis martyrio. Nec obscuriùs paulo post Marcellinam sororem compellans, gradumque sibi ad virginitatis commendationem ex proposito B. Agnetis exemplo munitus, rationem ornandæ eo commentario virginitatis, reddit in hæc verba. *Non ideo laudibilis virginitas quia in martyribus reperitur, sed quia ipsa martyres faciat.* En virginitas propter Deum seruata, martyrem facit. Est ille quidem horum verborum non incommodus sensus, quod virginitate martyres fieri dixerit Ambrosius, quia ad martyrium pro Christi fide tolerandum aptat Chri-

stianum animum, iis abscessis retinaculis quæ quam plurimos carnali amore irretitos ab ipso cœli ut sic dicam vestibulo, & mortis pro fide subeundæ prociectu retraxerunt, quod infra tractans Christianorum martyrum fortitudinem, ex eodem Ambrosio testatum faciam. Insuper tamen & quidem ad Ambrosij mentem congruentius, dicitur virginitas martyres facere, *formaliter*, ut scholæ phrasim retineam, hoc est per seipsam: quia cum martyrium quoddam sit seruata pudicitia, ut cum Hieronimo paulo ante loquebar, martyrem constituit quemcunque exornat.

6. Eadem S. Augustino mens ser. 250. de temp. ubi de quotidiano & iugi castitatis certamine de quæ pacis nostræ martyribus, aliqua præfatus, subdit. [Christianis quotidiana martyria deesse non possunt. Si enim castitas, & veritas, & iustitia Christus est, sic & ille qui eis insidiatur persecutor est, & ille, qui hæc & in aliis defendere & in se custodire voluerit, martyr erit. Et ided qui hæc tota animi virtute, & ipse diligit, & ut alij diligant, & verbis simul, & exemplis ostendit, & ubicunque veritas, vel iustitia siue castitas laborant, quantum præualeat, se etiam ultro iugiter, & secundum quod vires habuerit, defendere contendit, non vnâ sed plures coronas à Deo remunerate percipiet.] Eadem verbatim apud eundem D. Augustinum iterantur t. 9. libello qui titulum præfert, *de honestate mulierum*, cum inscribendus potius fuerit, *de cauenda familiaritate mulierum*. Bernardus quoque martyrium hoc castigatæ carnis lasciuia per castimoniam, & sententia proximè laudata celebrauit, & serm. 1. in Octaua Paschæ, ubi hoc vocat quotidianum martyrium, & quandam sanguinis

nis effusionem. Eius verba in sententia allegata, descripsit S. Bonaventura in psal. 118. An eo etiam respexisse dixerim Leonem & Constantinum Augustos in iure Græco Rom. cum mandant Presbyteros & Diaconos assumi *ἐν παρδείᾳ μαρτυριμένους*. Quamvis enim eam vocem sonare testatam castimoniam, possit videri, æquè tamen referri potest ad castitatis martyrium, perinde ac si dixissent, *castitatis martyres*.

Scriptura quadam ad idem institutum.

7. Expressum id volunt graues scriptores ea visione qua apud Zachariam c. 1. describitur vir ascendens super equum ruffum, & stans inter myrteta quæ erant in profundo, post quem equi ruffi varij & albi sequebantur. Equitem illum Petrus Cellensis l. de panibus c. 23. latè & pulchrè, Christum martyrum principem interpretatur. Humanitati namque verbum diuinum tanquam eques equo insedit, eam regens dirigensque, vt solet equum fessor. Quorsum autem equus iste ruffus dicatur, S. Ambrosius libro acephalo de fide resurrectionis eleganter exponit, de humanitate Christi ideirco ruffa, quod esset ad martyrium destinata, & fuso sanguine quandoque rubricanda. Hunc ergo equitem ruffo equo insidentem, Christum inquam martyrum principem, sequuntur equi alij ruffi, & varij, & albi: quod S. Ambrosius ibidem de variis Sanctorum ordinibus Christo duci succenturiatis accipit. Commodissimè verò, vt comitatus Duci cui comitatur respondeat, & glorioso martyrum Regi in equo ruffo sedenti comites adiungantur martyres;

res;specie equitum rufforum,designati intelliguntur martyres,qui fuso sanguine testimonium Deo præstant.quod ad eorum alacritatem in mortis generosa aditione refert S. Hieron. circa illud Zachar. 10. *posuit eos quasi equum gloriae suae in bello.* Specie verò equitum variorum,rubeis quibusdam veluti maculis intermicantium , ij notati sunt qui variis exercitiæ ærumnis in numinis obsequio , Euangelicæ veritati per patientiam attestantur.Specie denique equitum albatorum , expressi sunt qui nitentes ac puri obseruatam pudicitiam , continuum cum seipsis bellum gerentes , lasciuiam carnis trucidant. Tametsi enim specie externa prorsus albeant;tamen hic albor pro rubore & cruore habendus est : quod in iis qui castitati student,gladius generosi propositi, adactus intra spiritus viscera,& carnis lasciuiantis confossio, spiritus diuini virtute perfecta,colorem illum concilient.

Confossio hominis per castitatem.

8. Hanc adactionem gladij spiritus , & vitalem hominis confossionem per castitatem , confirmare licet ex historia Iephthæ , cuius filiam Doctores non ignobiles censuerunt eatenus tantum in Dei honorem à Patre confossam, quatenus perpetuæ virginitati mancipata, eo lethi genere obtruncata est , quo caro repressa,lasciuix ac petulantix moritur,mysticæque mactatur.Eam quippe expositionem tametsi non omnibus probatam,non tamen prorsus esse aspernandam , ex eo liquet , quod à non paucis nec planè obscuris scriptoribus sit tradita. Deinde quod iis difficultatibus libera sit in quas induunt
se

seſe qui factum Iephthe de reali trucidatione filiae interpretantur:quem in eo facto naturæ iura reuulſurum, & immaniter peccaturum fuiſſe, dubitare non licet, cum tamen apud Apoſtolum ab inſigni fide, (vtique viua & per charitatem formata, animataque,) celebretur. Poſtremò S. Ambroſius in exhortat. ad Virgines cum deſcripſiſſet maſtationem filiae Iephthe; *hæc vobis* (inquit) *filiae ſunt communia.* Vt vt verò ſe habuerit ea filiae Iephthe maſtatio, carnis per ſpiritus machæram tranſſiſſio, verèque vitalis mors exterioris hominis inde conſequens, ſexcenties eoque ampliùs, celebratur in ſcripturis, quibus monemur mortificare membra noſtra quæ ſunt ſuper terram, & exhibere nos hoſtiam viuam. Denunciantur verò maledicti, qui abſtinent manus ſuas à ſanguine, id eſt à ſui ipſorum myſtica trucidatione vt his verbis præclare expoſuit Abbas Piſpautius apud Caſſianum collat. 20. c. 8. deſcribens varios modos abſtergendi peccatorum reliquias ſeque nitentem ac purum præſtandi. [Quia ſicut ſcriptum eſt, ſine ſanguinis effuſione non fit remiſſio: (Nec immeritò: Caro enim & ſanguis regnum Dei poſſidere non poſſunt.) Ideò quiſquis ab huius ſanguinis effuſione gladium ſpiritus quod eſt verbum Dei voluerit inhiſcere, abſque dubio illa Ieremiæ Prophetæ maledictione plectetur. Maledictus qui prohibet gladium ſuum à ſanguine. Hic namque eſt gladius, qui illum noxiū ſanguinem quo animatur in materia peccatorum, ſalubriter fundens, quidquid repererit in membris noſtris carnale, terrenūve concretum, reſecat & abſciſcit.] Pertinet ad hæc rem illud quaſi eſſatum antiqui illius patris quod celebrat

S. Dorothei doctr. 10. *da sanguinem*, id est certa, mortificare, carnem doma; & *habebis spiritum*.

9. Ex his perspicuè apparet, quæ sit ratio quamobrem pudicitia seruata martyrium suum habere dicatur. Continet enim quandam interni hominis veluti trucidationem, quæ pro eo amore quo vnusquisque carnem suam fouet, non potest absque horrore aliquo & ardua colluctatione patrari. Designabátque huiusmodi occisionem Petrus Damiani l. 6. epist. 22. laudans illud nepotis sui sancto in seipsum & carnem suam odio acti. *Caro me conatur occidere, sed ego eam potius occidam*, non materiali ferro, & agente rabie, sed cultro spiritus infixio & ordinata in seipsum charitate stimulante. Vnde existit funus illud humanæ substantiæ, quod in vertice titulorum castitatis collocat autor libri de singularit. Clericorum, siue is sit Origenes siue Ruffinus; Non est abs re, insignem tot castitatis decorum acervationem, veluti ferti fragrantissimi odorem lectori hic inhalare, quod supremam inter tot illustria ornamenta sedem, occupet illud quod dixi, funers humanæ substantiæ, atque aded incruenti martyrij, in quo illustrando laboramus. [Castitas (inquit) munimen inuictum est sanctimonix, & expugnatio fortis infamix, fortitudinis firmitas, & lasciuiæ petulantis infirmitas, probitatis præsidium, & improbitatis excidium; animæ victoria, & corporis præda; vbertas gloriarum, & sterilitas criminum; pronuba sanctitatis, & repudiium turpitudinis; sinceritatis indicium, & abolitio scandalorum; exercitium continentix, & euacuatio tota luxuriæ; pax securavirtutum, & debellatio inquieta bellorum; puritatis

tatis culmen, & libidinis carcer; honestatis por-
tus, & ignominie naufragabilis locus; virginitatis
mater, & hostis immunditie; lorica pudoris, &
spolium probroilitatis; corruptionis exitium, mu-
rus rigoris, & destructio vulgaritatis; seueritatis
gladius triumphator; & dissolutionis occisor; ar-
matura virium, & exarmatura fluxorum, integri-
tatis dignitas; & fornicationis addictio; claritatis
fastigium, & dedecoris precipitium: voluntas
bonorum operum, & afflictio vitiorum; refrige-
rium pudicitie, poena petulantie; acquisitio
triumphorum, & facinorum detrimentum; per-
ditionis exilium; vita spiritus, & carnis interitus;
status qualitatis angelice, funus humane sub-
stantie.]

*Collatio martyrij castitatis cum marty-
rio cruento.*

10. Hæc sunt quæ castitatem martyrij genus
esse, astruere videntur, & confirmare non secun-
da aut proxima à martyrio sede, vt ex S. Cypriano
initio capitis referebam, sed aliquatenus eadem
esse statuendam: siue vtriúsque dignitatem & gra-
dum in Dei Ecclesia spectes, siue rependendam in
futura vita gloriam, vitæ huius decoribus ritè con-
stitutis admensam. Verùm Beda lib. 2. de tabernac.
c. 4. non contentus castitatem martyrio adiunxisse,
vltèriùs etiam prouehit. In mystica namque operi-
mentorum Mosaici tabernaculi tractatione, quod
iubebatur Moses de pellibus arietum rubricatis ta-
bernaculum regere accommodans ad cruentam
mortem iustorum, qui aliis duces ad sanctitatem

ac omnem virtutem fuerunt : pelles iacinthynas ex quibus iussus est Moyses alterum operimentum priori superducendum conficere , interpretatur eos qui cœlestis conuersationis amore , pellem suam & carnem , castitatis cultro mortificant , eximuntque à carnis concrezione. Quos supra pelles rubricatas martyrum , statui in diuino tabernaculo tradit , eo quod summorum & difficillimorum certaminum , par sit summu[m] esse decus in Dei Ecclesia. At difficillima esse castitatis certamina , nemini est incompertum , & S. Augustinus serm. 250.

« de tempore his verbis prodidit. [Inter omnia Chri-
 « stianorum certamina , sola duriora sunt prælia ca-
 « stitatis , vbi quotidiana est pugna , & rara victoria.
 « Grauem castitas sortita est inimicum qui quotidie
 vincitur & timetur.] S. item Chrysostomus l. de vir-
 ginit. c. 27. potentissimè de more ac illustrissimè.

« Noui virginitatis vim : noui huius certaminis con-
 « tentionem. Quantum hoc habeat prælium difficul-
 « tatis , intelligo. Vehementi quodam & forti animo
 « opus est , & qui nullum habeat sensum voluptatis :
 « Quandoquidem per candentes carbones , vt non
 « aduraris ; per mucrones gladiatorum , vt non saucie-
 « ris , est incedendum. Ea est enim libidinis vis , vt
 « cum igni & ferro conferatur. Quod nisi sic anima
 « comparata fuerit , vt ne illius quidem doloribus
 « moueatur , se ipsam faciliè perdat. Quamobrem
 « adamantina quadam rationis vi , oculis nunquam
 « somno conuiuentibus , summa tolerantia , muris
 « etiam firmis ; muris inquam nobis opus est , atque
 « repagulis quibus extrinsecus muniamur ; vigilan-
 « tibus præterea fortibusque custodibus , inprimis
 « verò diuinæ gratiæ egenus adiumento.] Ex tanta

certa

certaminis arduitate, de coronæ præcellentia, & an rectè incruentum castitatis martyrium aliquatenus cum cruento committatur, pronunciandum est, salua tamen semper cruento, prærogatiua dignitatis simpliciter dicta, quam in Ecclesia esse exploratam S. Augustinus affirmat l. de sancta virginit. c. 45.

*Martyrium mortificationis, nexum cum
martyrio castitatis.*

11. Exoluit porro me hæc aliqualis illustratio martyrij castitatis, labore excurrendi in aliud item incruentum martyrij genus, quod memorat Petrus Blesensis serm. 38. carnis scilicet macerationem. Suffragaturque S. Bernardus serm. 30. in Cant. qui genus martyrij statuit, spiritu facta carnis mortificare: Et illud Christi apud Matthæum c. 16. *Qui voluerit animam suam saluam facere, perdet eam*, quod est Euangelicum veluti diploma, prærogatiuarum veri martyrij, ad hanc quoque carnis afflictionem, vult pertinere. Sed & serm. 1. in octaua Paschæ hoc esse ait quotidianum martyrium & quandam sanguinis effusionem. Hucque accomodans illud 1. Ioan. 5. *Tres sunt qui testimonium dant in terra, spiritus, aqua, & sanguis*, carnis mortificatione, testimonium sanguinis contineri interpretatur. Labore igitur excurrendi in hoc martyrium, exsolutum me video, illustratione martyrij castitatis, ad quam velut ad finem, corporis castigatio refertur: vt proinde nihil sit necesse, seorsim à fine, de hoc eius medio, non nisi finis radiis collucente, plura addere. Quanquam

G. apud

paupertate, quod Tobia & vidua adscribitur. Quasi non omnis compassio & condolentia martyrium sit appellanda, sed duntaxat quæ efficax est, & subuentionem adiunctam habet, præsertim cum aliquo condolentis incommodo exertam. Nec enim dubium esse potest, quin veluti prærogatiua quadam, martyrij nomen præ illa alia condolentia, siue sterili, siue cum nullo condolentis incommodo coniuncta, ferat hæc quæ non de superfluo, sed de necessariis impenditur: quod Tobias & vidua præstiterunt. Quia tamen omnis condolentia eiusdem est rationis, & quæ verè nomen illud præfert, cum suppetit facultas, non sistit intra inertein opitulandi voluntatem, sterilémque de alieno malo mœrorem, sed manum operi admouet, absolute in condolentia rationem alicuius martyrij agnosco, ut à Blesensi factum retuli: præsertim quia quod ad subuentionem attinet, S. Gregorius 10. moral. c. 16. & 27. ita eam cum vera condolentia nexam aptámque esse demonstrat, ut diuelli nequeant, cum subueniendi facultas suppetit: cum verò deest, pluris quandoque æstimanda sit, quam externus actus quem pareret, si potis esset.

Opes, sanguis hominis.

2. Scrutanti autem mihi, quorsum condolentia, & rerum suarum per eam cum misero communicatio, martyrium dicta sit, dux succurrunt causæ: vna ex parte opum quæ in subuentionem egen-
tium effunduntur: altera ex parte affectus, ipsiusve
condolentiæ. Prior ut perspiciatur, recolendum est,
opes non rarò sanguine signari ac etiam ipso san-
guinis

guinis nomine plerunque denotari. Priscus Comicus apud Stobæum ser. 91. disertè ita habet. [Argentum , hominibus sanguis & anima est : Id quisquis non habet, neque possidet, ille inter viuos mortuus obambulat.] Sed & Hesiodus carmine quod inscripsit, *Opera*, idem professus est, cum dixit. [Pecuniæ anima sunt miseris hominibus.] Videri etiam possit Sophocles eodem respexisse, cum ab opibus conciliari homini bonum colorem, & faciei totiùsque corporis venustatem, dixit. Ea enim venustas ex conuenienti sanguinis affluxu & temperatione existit, Præterea in Plauti Curculione, lupæ effræniū iuuenum crumenam emungentes, sanguinem eorum ebibere dicuntur. Insigniter verò in hanc rem Artemidorus l. 1. onirocrit. c. 35. [Sanguinem vomere, multum & boni coloris, & non corruptum, bonum est pauperi : acquisitionem enī significat, & abundantiam pecuniarum. Eadem enim ratio sanguinis & argenti est, velut etiam veteres prodiderunt.] Concinit quod ex Achmete habetur c. 33.] Sciendum est, quod quemadmodum capilli vires & diuitias hominis significant, sic etiam & sanguis, sed & multo magis, diuitias denotat.] Hinc illa non ignobilis Poëtæ in pragmaticos æruscatores intorta, hircudinis siue sanguisugæ comparatio, quam metro & prosa prosequitur in suo pegmate.

*Plus iusto sitiens, vitalis hircudo cruoris,
Pallentem mittit non nisi plena cutem.
Novit pragmaticus causas differre clientis,
Sanguinēque humano, non nisi passus abis.*

Præiuerat Episcoporum Magister l. 5. de prouid.
referens

referens Bagaudarum defectionem ad Gothos, in eos. [Qui exactionis publicæ nomen in quæstus proprii emolumenta verterant, & indictiones tributarias, prædas suas esse fecerant. Qui in similitudinem immanium bestiarum, non rexerant traditos sibi sed deuorant: nec spoliis tantum hominum, ut plerique latrones solent, sed laceratione etiam, & SANGVINE PASCEBANTVR.] Sed & Sidonius Apollinaris l. 2. epist. 1. agens de Seronati crudelissimi Aruernorum expilatoris rapacitatibus, sic de eo ad Ecdicium scribit. [Rediit ipse Catilina seculi nostri nuper turribus, ut sanguinem fortunâsque miserorum, quas ille ibi ex parte propinauerat, hinc ex assè misceret.]

3. Nec refugit eum loquendi modum sermo diuinus. Hoc enim est, quod Abacuc veh. denunciat ædificanti ciuitatem in sanguinibus, & præparanti urbem in iniquitate. Id est ex pauperum oppressione, quorum veluti sanguis per potentiores exsugitur. Ieremias item c. 2. refert Deum cum Israël expostulantem atque dicentem. *Malitias tuas docuisti vias tuas, & in alis tuis inuentus est sanguis animarum pauperum & innocentum*: quas scilicet facultatibus suis expoliasti. Quo eodem sensu Nahum c. 3. exclamat *Veh. ciuitas sanguinum, vniuersa mendacij dilaceratione plena, non recedet à te rapina*. Quasi diceret rapuisti, rapiens; sanguinem pauperum suxisti, indèque succi plena & benè colorata apparuisti; alij te fugent: nec fugent modò sed & lacerabunt atque discerpent, ita ut effluat vn̄uersus sanguis tuus, & ad summam pauperiem omnibus spoliata redigaris. Nolo in similibus locis congerendis hærrere. Non patior tamen premi hor-

rendum exemplum quod in huius rei illustrationem extat in S. Francisci de Paula rebus gestis lib. I §. 11. Refertur eo loco, virum sanctum Neapolim cum venisset, à Ferdinando Rege non perinde ac priuatum aliquem vel tenuis sortis hominem, (cuiusmodi externa specie erat S. Franciscus,) sed iisdem honoribus quibus magni Principes solent, exceptum esse, ipsius Regiæ vsui hospitio, negante Rege passurum se vt ad alium diuerteret vir sanctus. Munera autem eo animo & principatu digna, cum Rex offerret in bonum religiosæ familiæ recens à viro sancto tunc constitutæ, negauit se accepturum, satiùsque Regi fore contestatus est, aliena si restitueret, quàm si adedè magnificè vel etiam prodigè profunderet malè parta. Suboffenso Regi, & neganti quicquam apud se esse alienum, reposuit Beatus pater, eas ipsas pecunias quas obtruderet, pauperum sanguinem esse, quem exaggeratis tributorum pensitationibus exsuxisset. Fidémque dicto fecit, correpto nummo ex summa quæ offerebatur, & diffracto in duas partes, è quibus pluuimus illico sanguis manauit.

4. Qua verò ex causa, sanguinis nomen sit facultatibus datum, variæ causæ coniectari possunt. Nam & sanguis vitæ symbolum est, vt propterea in Scripturis anima in sanguine esse dicatur: & facultates vita ipsa quòdammòdò esse videntur, cum per eas foueatur & exigatur vita. Adhæc sanguinis nomine veniunt plerumque labores grauissimi, atque pericula adita in rei alicuius comparatione: vt propterea Dauid libans Domino aquam è Bethleemica cisterna haustam, dixerit nolle se strenuissimorum militum sanguinem bibere: & Panegyristes

stes imperatorium paludamentum idcirco rubrum esse dixerit, quod militum sanguine, id est iugibus periculis atque laboribus circumdatum esset Imperatori. At opes non sine innumeris laboribus & periculis parantur, vel etiam angoribus partus dolores superantibus pariuntur. Nam & inde dici, *partas opes*, S. Augustinus observauit. Fortassis etiam quod sanguis sit peccati symbolum, unde illæ voces, *libera me de sanguinibus*; & *sanguis sanguinem tetigit*; transfusa est sanguinis denominatio ad opes, quod ut plurimum sint partus iniustitiæ & mammona iniquitatis. *Omnis quippe diues, aut iniquus aut iniqui heres* iuxta priscum effatum. Possis denique cum Bernardo dicere in sententiis sub finem, sanguine designari summam votorum & desideriorum humanorum. [Sanguis (inquit) animæ meæ, voluntas mea. Naturæ siquidem cognatus præ cæteris humoribus sanguis dicitur, & animæ vita in voluntate est.] Quo autem aliò colimant studia mortaliū, quàm ad opes parandas, & nullo fiato fine exaggerandas? Quæcunque porro harum causarum placeat, aut quævis alia, satis superque est ad rem præsentem, quod facultates quibus erogandis aliena calamitas leuatur, & condolentia efficax expromitur, nomine sanguinis cum in scripturis tum in communi vsu atque sermone designentur.

Effusio opum, in Dei gratiam, sanguinis effusio, atque martyrium.

5. Hinc perspicuè eruitur ratio ex parte subuentionis & doni, cur à patribus quos proferebam condolentia de alieno malo, ad illud subleuandum accincta,

martyrium, nominetur. Continet enim quandam veluti sanguinis effusionem propter Deum. Neque verò plerisque mortalium charior est sanguis, quam opes; sed eadem parcitate de venis suis sanguinem profundunt, & aurum è crumena. Eodem doloris sensu, effluere sibi sanguinem, & imminui res suas ferunt. Quo laudabilior, & ut arduitis sic gloriæ plenior videri debet eorū generositas, qui alienam egestatem subleuare; rei sibi adeò pretiosæ profusione non dubitant; & præsertim cum de sua tenuitate aliquid accisum volunt in alterius solatiū: quodd à vidua Christo ipso præcone celebrata, & à Tobia per magnanimitatē deuotionis, ut loquitur Saluianus lib. 2. ad Eccles. *præcepta legis excedente, & indigentibus usque ad indigentiam suam consulente*, per tempus tenuitatis suæ factum referebam, tanquam ad martyrium pertinens iudice Bernardo. Hoc enim perinde esse videtur, ac substantiam ipsam suam in alterius gratiam perdere. Nam etiam facultates, *substantia* nomine venire liquet ex c. 15. Lucæ, ubi adolescentior filius patrem poposcit substantiæ suæ portionem: idest partem facultatum, quas ibi Euangelista substantiæ nomine, Græcè *ὕλη*, notatas voluit: quasi hæc sit hominis substantia aut essentia, ut Latinus scriptor Marius Victorinus eum locum allegat l. 1. contra Arrium. Quid quod paulo post in eadem parabola, additur in editione vulgata, & *diuisit illis substantiam*. Græca habent, καὶ διῆλθεν αὐτοῖς τὴν βίον, quod ad verbum vertas, *diuisit illis vitam*. Quasi opes sint vita ipsa, quod hæc sine opibus miserrimè transigenda esset, nec vitæ sed mortis rationem habitura, ut ex Antiphane dicere supra memini. Suam igitur substan-

tiam,

tiam, suam essentiam, & vitam, in aliorum quibus condolent bonum, impendere videntur, qui aliis efficaciter condolent, ideoque non incongrue martyrum nomen referre videri debent. Quod insinuat S. Cyprianus in calce tractatus de opere & eleemosinis, ubi elargitioni facultatum suarum qua in agone iustitiæ, Deo & Christo spectante curritur, respondere ait, sine periculo persecutionis, carmen pacis, & hunc esse operum (ita vocat eo libro eleemosinas) agonem, & operum salutarium palmam, ad quam libenter ac promptè certandum sit.

*Qui condolet, altero se cruciatu onerat,
& fit martyr.*

6. Alia ratio eiusdem denominationis, duci potest ex ipso condolentiæ affectu, cuius ea est vis, ut alienum malum refundat in condolentem, eumque in illòmet statu aliquatenus collocet, in quo est is cui condolet. Quod optimè attigit S. Gregorius 20. moral. c. 26. docens tum demum aliquem afflicto perfectè subuenire, si [cum eo quod afflicto porrigit, afflicti quoque in se animum sumit, ut priùs in se dolentis passionem transferat, & tunc contra dolorem illius per ministerium concurrat.] Hancque subueniendi & condolendi formam expressisse in se Christum Dominum, qui malum quod à nobis depellere aggrediebatur, mortem inquam & reliquos peccati frutices, in se admisit, peccato & ignorantia seclusis. Et sanè quod hominem malè afficit, per modum formæ & morsus actualis, atque adeò formaliter & in actu secundo, non est obiectum disconueniens, sed morsus ille

doloris, qui in appetitu ex perceptione obiecti disconuenientis per externos internosque sensus facta, resultat. Vnde si admoto obiecto noxio, facultas perceptiua stuperet, vel appetitus obrigeret, nec excuderet actum doloris; malum admotum perinde se haberet ac si procul abesset, nec homo malè affici vel cruciari diceretur. Habet quidem obiectum disconueniens rationem principij doloris, nec aliud est dolor quàm resultus appetitus ab eo principio & actu primo. Id tamen quod formaliter & in actu secundo cruciat, siue angor ipse & cruciatus, in morsu doloris consistit.

Qui itaque dolore alieni mali volens tangitur, transfert in se quodammodo alienum malum; quatenus sibi infert actum secundum quo alius formaliter constituitur dolens, quod est eius malo formali & ultimo communicare, & quod alteri soli inexistebat ad se transferre: præter societatem in principio mali illius formalis, siue in obiecto quod per condolentiam velut suum apprehendit, procreata per charitatem quadam inter duos coniunctione & vnitatem, & sibi attributis iis quæ alterum malè habere & cruciare videt. Inde illa subleuatio quam moerentes percipiunt cum alios condolentes expeririuntur. Exonerant enim partem moeroris in alios quos condolentes aduertunt, ut est apud Aristotelem 9 Et hic.c. 1. ubi additur eam ob causam magno & forti animo viros, non pati amicos in partem secum doloris venire; & idcirco nolle amicis mala sua aperire, aut simulare leuiora esse quàm sunt, spem vultu simulantes, & altum corde dolorem prementes, ne dum eo modo arumnarum parte se leuant, ea amicis grauent, quod est

est ab amicitiae puritate dissidentaneum. Condolere igitur alteri ærumnis presso, est eius in se ærumnas & miseriam transfundere, & ei malo vltro subiacere, quod alterum fortè reluctanter & inuitum cruciat. Vnde sicut graues ærumnæ ad martyrium latè dictum sunt satis, ita & earum per condolentiam transfusiq in alium, non incongruè martyris appellatione honestata videtur.

7. Collaudat ex hoc martyrio Apostolum S. Chrysostomus tractans illud 2. Cor. 11. *quis infirmatur, & ego non infirmor?* homil. in eam epist. 20. Ait enim. [Non dixit non communico mœstitiæ, sed quasi in ipsa passione essem, & in ipsa infirmitate; sic conturbor & commoueor. Quis offenditur, & ego non vror? Vide quanta excellentia doloris? Quomodo apparet vltionem nominans? Accendor, vror, inquit; quod certè omnium maximum est. Nam illa quidem licet sint violenta, recedunt tamen statim, & voluptatem habent immarcescibilem. Hoc autem erat quod tribulabat ipsum & angebat, ac sauciabat eius mentem, quòd in singulis infirmis hæc pateretur quicunque illi essent. Non enim de maioribus quidem dicebat, minores autem despiciebat, sed etiam abiectum inter necessarios ponebat. Idèd dicebat, quis infirmatur, quisquis fuerit: Et quasi ipse esset Ecclesia, quæ in totò orbe, sic in singulis dolebat membris.] Hoc ait fuisse *anima discerpi & mente dissociari*, ac proinde quoddam animi nec leue martyrium subire, agique in crucem. Quod S. Gregorius hom. 32. in Euang. illud Christi versans *qui vult venire post me tollat crucem suam*, optimè expressit verbis illis, [Duobus modis crux tollitur, cum aut per

« per abſtinentiam afficitur corpus, aut per compaſ-
 « ſionem proximi affligitur animus. Penſemus qua-
 « liter utrôque modo Paulus crucem ſuam tulerat,
 « qui dicebat : Caſtigo corpus meum & in ſeruitu-
 « tem redigo, ne fortè aliis prædicans, ipſe repro-
 « bus efficiar. Ecce in afflictione corporis audiui-
 « mus crucem carnis. Audiamus nunc in compaſſione
 « proximi, crucem mentis: Ait enim : quis inſirma-
 « tur, & ego non inſirmor? quis ſcandalizatur, &
 « ego non vror? Perfectus quippe prædicator vt
 « exemplum daret abſtinentiæ, crucem portabat in
 « corpore. Et quia in ſe trahebat damna inſirmitatis
 « alienæ, crucem portabat in corde.]

8. S. Martinum Seuerus Sulpitius epiſto. 2. hoc
 martyrij genere perfunctum agnoſcit. Multa enim
 præfatus de eius ad martyrium præparatione, & vo-
 luntate ſubeundi pro Deo quæcunque tormenta,
 « ſubdit. [Sed quanquam iſta non tulerit, impleuit
 « tamen etiam ſine cruore martyrium. Nam quas ille
 « pro ſpe æternitatis humanorum dolorum non per-
 « tulit paſſiones, fame, vigiliis, nuditate, ieiuniis, op-
 « probriis inuidorum, inſectationibus improborum,
 « cura pro inſirmantibus, ſollicitudine pro periclitan-
 « tibus. Quo enim ille dolente non doluit? Quo ſcan-
 « dalizante non vſtus eſt? quo pereunte non gemuit?]
 Sed & Laurentius Iuſtinianus ſerm. de S. Martino,
 varia ſancti Antiftitis recensens martyria, hoc non
 « omiſit. [Erat planè (inquit) & hoc ſingulare marty-
 « rium, vt cum inſirmantibus in fide, pariter inſirma-
 « retur, & cum ſe ſcandalizantibus ipſe quoque com-
 « paſſionis vreretur affectu. Audi ſine ferro martyrem
 « ex ſola charitate morientem: quotidie (inquit Pau-
 « lus) morior propter gloriam veſtram fratres, quæ
 eſt

est in Christo. Alibi etiam aiebat. Cupio impendi & superimpendi pro salute vestra. Meritò itaque Sancto huic, martyrij non est deneganda corona, qui ecclesiarum curam gerens, ac proximorum salutem zelans, nec mori timuit, nec vivere recusavit.] Idem perpulchrè ad calcem sermonis de S. Laurentio, duplex sanctissimi illius leuitæ martyrium distinguit: alterum quo tostus est corpore, impositus craticulæ; alterum quo resecta habendi cupiditate, eoque igne amoris terrenorum quo plerique omnes conflagent, in se restincto, effudit in pauperes liberaliter quæ concredita habebat: Vigere enim ait in nobis cupiditatis flammam quam qui non restinguunt eleemosinarum largitione, ignem à se diuinæ charitatis procul amonent, expertesque sunt illius ut vocat, insignis martyrij, quod in cohibendis vitiorum motibus, & resecandis cupiditatum pruritibus, situm est.

9. Non omitto, quæ de huius spiritualis martyrij gloria, tradit Petrus Damiani serm. de S. Eleuchadio Rauennatium Episcopo & Confessore, cui martyrij titulum hoc modo arrogat. [Neque verò credendum est fratres mei, B. Eleuchadium dum adhuc viueret, martyrij caruisse laboribus, etsi non fuerit martyrio consummatus. Videbat nimirum Gentilitatis nuper extinctæ, nonnullas adhuc superesse reliquias. Dolebat in populo sibi commisso, vel extrema superstitiosi ritus vestigia remansisse. Atque adèd licet persequentium manus, gladios non exaceret, cruciabatur anima sancta pij teli ac paternæ compassionis incendio concremata. Quid enim prodest, si quisquam Catholicè credat, & Gentiliter viuat? Aut quomodò credulitas recta, cum vita con-

cordat

* cordat hæretica? Quid enim iouat, si fides adsit
 “ Apostolica, vbi conuersatio ducitur Arriana? De iis
 “ enim qui Catholicè credunt, & hæreticè viuunt,
 “ conqueritur B. Apostolus dicens: *Consistentur se nosse*
 “ *Deum, factis autem negant*: cum siue credendo, siue
 “ viuendo, Deum negare, nihil sit aliud absque dubio
 “ quàm perire. Quapropter B. Pontifex Eleuchadius,
 “ non contemnendum pertulit in ipsa Ecclesiæ pace
 “ martyrium: Quandoquidem etsi non cum perfidè
 “ credentibus, sed peruersè viuentibus, infæderabi-
 “ lem probatur habuisse conflictum.] Et scilicet, vt
 proximè dictum est, de proximorum maximo malo,
 tanta commiseratione tactus est. Iunxi condolen-
 tiam de spiritali egestate, & eius subleuandæ vo-
 luntatem, qua Apostolus & Apostolici viri proximè
 adducti flagrabant, cum commiseratione de tem-
 porali egestate, & eius leuandæ cura de qua primo
 loco: Quia quamuis eleæmosina corporea notior
 sit atque vulgatio, illam tamen quæ spiritali sub-
 uentione continetur, longè pretiosissimam & Deo
 acceptissimam esse, demonstrat Richardus Victori-
 nus l. 2. de erudit interio. hom. cap. 38. & breuiter
 simul ac optimè S. Dorotheus doct. 15. num. 25. qui
 argumentatur ex tanto maiore animæ quàm cor-
 poris pretio, & miserabiliore egestate.

C A P V T VI.

Martyret seculi.

1. **O**pportunum videtur quando martyrij latè
 dicti ambitus de communi sensu & vulgari
 ac plebeio etiam vocis vsu ad aliquas item perpes-
 siones,

siones spirituali fructu vacuas porrigitur queis secularis Christianorum vita abundat, imo quibus nihil est in humani moris torrente frequentius, has quoque latè dicti martyrij species non omittere. Quamquam non est nunc animus de prætenso quorundam Diaboli mancipiorum martyrio cruento differere, cuiusmodi est martyrium hæreticorum, de quo infra commodiore occasione, quod illud sit veluti pressè acceptum Satanæ martyrium, cum latè dicto pietatis martyrio hætenus tractato, analogiam non habens; qualem in propositis seculi martyriis, non difficile erit agnoscere.

Deus huius seculi, martyres suos habet.

Huius rei gratia præmittendum est, quod gravissimi PP. Nazianzenus orat. 2. de Theol. Augustinus lib. 6. qq. in Iosue c. 29. Nyssenus hom. 8. in Ecclesiasten, & complures alij tradiderunt: nempe hominem à virtute in vitiorum denia abreptum, statuere sibi idolum pro eo quod non est ipse: V. G. anarus aurum & argentum, idoli loco habet. Carnis visco implicitus, venerem veneratur: Superbiæ denique addictus, honorem & gloriam habet pro numine. Pereleganter vt cæteros premam, hunc Idololatriæ multiplicis etiam num vigentis & vniversum propè orbem occupantis apparatus, exposuit S. Chrysostomus homil. 6. in ad Rom. Confirmans enim nefas esse Christiano, Idololatram dedocere errorem, quamdiu ipse deprauatos affectus, numinum loco & gradu habuerit, facileque Ethnicum, tali Christiano ad abdicandam idololatriam urgente, repositurum, ipsi priùs idola quæ colit quamuis Christianum

num ementiatur esse abijcienda; anteuertens personati Christiani causationem, subdit. [Mihi porro ne hoc dixeris, te aureum idolum non adorare: Quin potius illud mihi probato, te ea non facere, quæ ipsum aurum facienda inbet. Varij enim sunt idololatriæ modi. Et hic quidem mammonam sibi dominum, alius autem ventrem sibi; Deum facit, alius aliam concupiscentiam perniciosiorem. At non ipsis sacrificas boues, quemadmodum gentiles? sed quod multò pestilentius est, tuam ipsius animam pro victima offers. At genua non flectis, nec adoras? Sed magis audiens dicto es, si quid præceperint, & venter, & autum, & concupiscentiæ id genus alterius tyrannis: quando & gentiles hoc nomine execrabiles sunt, quòd hominum affectus. deos effecerunt; concupiscentiam, venerem: iram, martem: ebrietatem, bacchum appellantes. At non idola sculpis illorum exemplo? Verùm maiore cum animi studio te ipse iisdem illis animi morbis submittis, quæ Christi membra sunt, ea meretricis membra efficiens, cæterisque sceleribus te coinquinans.] Quæ quæ ad omnem vitiosum affectum extendenda docet: Sed tamen maximè in tribus illis veluti capitibus fontibusque cæterorum, carnis concupiscentia, immodica cupiditate externorum bonorum, & superbia vitæ, locum habere, est extra dubium. Hæc enim sunt tria primaria idola, quibus vniuersum propè orbem accidere, & sub Christiano nomine nefariam idololatriam exhibere, Apostolus est autor.

Possset verò non planè perfecta videri hæc falsorum numinum superstitio, nisi suos etiam martyres haberet, qui cruciari, & torqueri, aut etiam vitam

vitam abiicere , pro lege Dei sui gratum censerent. Itaque non est passia, desiderari hac quoque in parte studium suum , erga falsa illa numina , ve anorum mortalium supersticio idolomaniaca, sed vt sui martyres, & quidem quamplurimi & deuotissimi , cuiusque idolorum illorum extarent, accuratè perfecit.

Primus eorum ordo , in quo carnis mancipia.

2. Et carnis quidem martyrio , defunguntur in primis ij quorum Deus venter est, & gloria in confusione ipsorum : qui inquam fœdis & illicitis ignibus ardentes , impurarum flammarum consentaneum exitum & mercedem quam oportuit in semetipsis recipientes , fœda & infami lue florem ætatis depascente , imo medullas omnes & vniuersum illud humidum quod vitæ pabulum est , exedente , cum ingentibus cruciatibus , fœdis vlceribus oblitæ , diu noctûque conflantur , & superaddita dum frustra leuamen quaeritur, immitis Chirurgi carnificina , nondum aditis vitæ metis quas naturalis temperies præfigebat, præcoci obitu marcescunt , in summis angoribus , & inexplicabilibus tormentis : confirmantes experimento suo , & multo saltem suffragio , verissimè de impudicitia apud Cyprianum dictum esse lib. de bono pudic. [Ob-
scœnum ludibrium reddens ministris suis , nec cor-
poribus parcens , nec animis.] Addit alia peregre-
giæ in hanc vt vocat , [ruinam mellioris ætatis ,
blandam priùs , vt plus noceat , dum placet.] Ac
etiam vt plus cruciet : quod cum quotidiana exem-
pla quamplurima faciant testatissimum , vix est
cur ad Scriptores Medicos id iam pridem professos,

& caufastot cruciatuum diligentissime venatos,
adeamus ; vt Mercurialem & Fernelium in tracta-
tionibus de eo fœdo argumento , Fracaftorium l. 2.
de morb. contag. c. 11. & latè in opere Syphili-
dis. Paucos versus ex eius lib. 1. de his libidinis
cruciariis repræfento.

Infolito torpore granati.

Spontèque languentes animis, & munera obibant

Ægrius, & toto segnes se corpore agebant.

Ille etiam suus ex oculis vigor, & suus ore

Deiectus color haud lata de fronte cadebat.

Paulatim caries fœdis enata pudendis

Hinc atque hinc inuicta locos atque inguem edebat.

Tum manifesta magis vitij se prodere signa

Nam simul ac pura fugiens lux alma Diei.

Cesserat, & noctis tristes induxerat umbras,

Innatusque calor noctu petere intima fuerat,

Liquerat extremum corpus, nec membra fouebat

Obsita mole pigra humorum, tum vellier artus

Brachiaque scapulaque, graui, suraque dolore.

Quippe ubi per cunctas ierant contagia venas,

Humorèsque ipsos, & nutrimenta futura

Polluerant, natura malum secernere sueta,

Infectam partem pellebat corpore ab omni,

Exteriùs: verùm crasso quia corpore tarda,

Hac erat, & lentore tenax, multa inter eundum,

Harebat membris exanguibus atque lacertis.

Inde graues dabat articulis extenta dolores,

*Et mox post descriptos inforines totum per cor-
pus achores, faciémque horrendam, & fœde turpa-
ta pectora.*

Quin etiam erodens aliè & se funditis abdens,

Corpora pascebat miserè; nam sæpius ipsi,

Carne

Carne sua exutos artus, squalentiâque ossa,
 Vidimus, & fædo rosea ora dehiscere hianu, &c.
 Unde aliquis ver atatis pulchrâmq; iuventam,
 Suspirans, & membra oculis deformia toruis,
 Prospiciens, fædôsque artus, urgentiâque ora,
 Sapè Deos, sapè astra miser crudelia dixit.
 Inmerea dulces somnos noctisque soporem,
 Omnia per terras animalia fessa trahebant.
 Illis nulla quies aderat, sopor omnis in auras
 Fugerat: his oriens ingrata aurora rubebat.
 His inimica dies, inimicâque noctis imago,
 Nulla Ceres illos, Bacchi non vlla inuabant
 Munera, non dulces epule, non copia rerum;
 Non urbis, non ruris opes, non vlla voluptas,
 Quamuis sapè amies nitidos iucundâque tempo,
 Et placidas summis quasissent montibus auras.

3. Cedo, an non meritissimò S. Augustinus in
 psal. 71. ad illud, ex usuris, peccatum usuræ no-
 mine à Spiritu sancto notatum dixerit, quod supra
 sortem rependatur supplicium; & multo plus in-
 fœlix captator voluptatis torqueatur, iustum pec-
 cati quo captata est stipendium excipiens, quàm
 hauserit delectationis in scelere: Et an non iure
 Boëtius lib. 3. de consol. prosa 7. turbidas has volu-
 ptates cum appetuntur plenas anxietatis, cum ex-
 pletæ sunt, pœnitentiæ refertas appellarit, quæ in-
 tolerabiles (vt ait) dolores, quasi quendam fructum ne-
 quitia, fruuentium solent referre corporibus. Nisi iam
 Fracastorianæ musæ dulcedine delinitus, hæsisse
 paulo diutiùs in hoc spurco simul & atroci carnis
 martyrio videri possem, subiicerem luculentum
 carnificinæ huius exemplum quod eodem l. i. subii-

cit, iuuenis Cornomani, in quo naturæ, & fortunæ, & artis, munera summa, miserrimè & inter acerrimos dolores per hunc nequitie fructum absumpta. Præcido cætera.

*Paulatim ver id nitidum, flos ille iuuenta,
Disperit, vis illa animi: sum squalida tabes,
Artus (horrendum) miseros obduxit, & aliæ
Grandia turgebant fœdis abscessibus ossa.
Ulceræ (p. ob diuinum pietatem) informia, pulchros
Pascebant oculos, & diæ lucis amorem,
Pascebantque acri corrosas vulnere nares.
Quo tandem infelix fato, post tempore paruo,
Ætheris innisas auras, lucemque reliquit.*

Habet itaque maximè circa istos locum quod Ioannes Gerſo p. 4. alphab. 23. litera O, siue sermo. in dom. 4. aduentus, contra luxuriam disputans, & retundens vanam quorundam excusationem in peccato ob difficultatem frenandi carnem, sanctè contestatur; esse quidem aliquid laboris in carne domanda, & ne illicitis ardeat ignibus, temperanda, sed multo acerbiores pœnas & dolores, ac cruciatus, existerè à spurco amore quo habenæ carni laxantur; tantòsque esse agnoscit cruciatus illos, ut ad Diaboli martyrium pollint sufficere. Vnde concludit. *Mercator & stultus amator, martyres sunt Diaboli.* Verùm de mercatore auaro postea. Nunc satis sit, quoad stultum amatorem, de martyrio eius liquere ex dictis: etiam si missa facta velimus illa generalia cuiusuis amoris tormenta, de quibus alibi ex Alexandro 1. probl. q. 21. sed hæreamus (ut diximus) in annis datis crudeli & inde secuta consumptione

sumptione carniū deplorata à Sapiente proverb.
5. Nam & vorandas à lamia amasij Menippi car-
nes, retulit, huc respiciens Philostratus l. 8. vitæ
Apollonij.

4. Sed neque alij, quos eodem cœnoso gur-
gite impurorum amorum merfos, ab ea puro
ori & calamo vel nomine tenus refugienda illuue,
immunes abire contigerit, verè indemnes sunt sui-
que martyrij expertes: cum certum sit, vexatio-
num & malorum Iliadem, ex ea sui ipsius conspur-
catione, & animo & corpori aduehi. [Qui in lu-
xuria vitam ducunt ait S. Chrysostomus homil. ^{cc}
quod nemo læditur nisi à seipso, resoluta quidem ^{cc}
cōpora & omni cera molliora circumferunt, at- ^{cc}
que agmine quodam infirmitatum repleta quibūs- ^{cc}
que ad cumulum malorum, podagræ, tremor, & ^{cc}
immatura senectus accidit: & est eis vita semper ^{cc}
cum medicis & medicamentis: sensus autem ipsi, ^{cc}
tardi, graues, obtusi, & quodammodò iam sepul- ^{cc}
ti.] Hæc ille, de iis quæ in ventre & ad venerem ^{cc}
percipiuntur voluptatibus. Ex quibus vides, fœdi-
tati de qua agimus, & cruciatuum examina, & to-
tius boni corporei vastationem, & vitæ præcisio-
nem comitari: vt non iam tormenti duntaxat aut
vexationis, quæ vna ad martyrium quod quærimus
pollēt sufficere, sed cædis quoque rationem ali-
quam habere sit censenda, vitæ diutiùs prorogan-
dæ truncatione & truncatæ pessimo habitu, ac qua-
si sepu tura, quod confirmat lupanaris & cæmete-
tij analogia, de qua Attemidorus libro 1. onirocr.
c. 80. Verùm quid in tormentis atque martyrio,
horum carnis discolorum diutiùs hæream, cum
constans sit apud grauissimos Patres sententia de

diuinis hausta scripturis , hos peccantes in corpus suum , demitti in infernum viuentes , & gehennæ cuidam miseram conscientiam inexplicabiliter torquenti ad anteuertendos æternos cruciatus, & prægustanda alterius vitæ tormenta , mancipari diuinitus iam ex hac vita , quod alibi doceo , & illustro pluribus.

Coniugati , in eodem sunt ordine.

5. De illis aliis aptius quæri potest , siue dicendi carnis martyrium subire , quorum voluptates constat esse sine noxa, quosque ratum sit non lancinari fodicatione conscientiaæ aduersus impurum opus reclamantis: Qui inquam legitimo thoro contenti , nec connubialia iura transgredientes , de dolio suo inebriantur , vt ille iocabatur. Hos , tametsi honorabile esse connubium , & thorum immaculatum certa fides statuatur , annumerare tamen sæculi martyribus non dubitabit , quisquis ærumnas & angores coniugij , quantumuis optimis auspiciis initi , attentius æstimarit. Nolo in campo, Ethnicorum iuxta & Christianorum vestigiis protrito, excurrere. Nihil enim apud nostros æquè ac externos decantatius est , quàm quæ & quanta sint & quam importabilia coniugij onera. Apostolus 1. Cor. 7. negotium apud alios immensæ operæ , vno verbo executus est dicens. *Solutus es ab uxore , noli querere uxorem. Si autem acceperis uxorem , non peccasti. Et si nupserit virgo non peccauit. Tribulationem tamen carnis habebunt huiusmodi.* Planum atque apertum Apostoli verbum est. Quantumuis sanctè & licètè consociati sint coniuges , quantumuis auf-

spice

pice Deo , & non nisi suscipiendæ prolis ac perpetuandi generis nostri gratia , quantumvis honestissimè vtantur coniugio , & alter alterius onera portent , sicutque sibi inuicem quantum possunt subsidio atque solatio , *tribulationem tamen carnis habebunt huiusmodi*. Exclamat ad hæc verba auctor libri de Castitate , falsò creditus Sixtus Pontifex. *Quid boni iam nuptiis remaneat nescio , quando etiam in illa substantia tribulamur , in qua sola videbamur habere lætitiā*. Exscripsit Hieronymum qui l. 1. in Iouin. planè similiter post eum Apostoli locum prolatum , [Nos(inquit)ignari rerum putabamus nuptias saltē carnis habere lætitiā : Si autem nubentibus etiam in carne tribulatio est in qua sola videbantur habere delicias , quid erit reliquum propter quod nubant , cum & in spiritu , & in anima , & in ipsa carne tribulatio sit?]

Hanc carnis tribulationem si dispiciamus , nihil erit , quod ad verorum seculi martyrum perfectam formam desiderare liceat. Longus S. Chrysostomi de virginitate commentarius à c. 50. quanta hæc sit coniugum tribulatio , quanti angores explicatissime exhibet. Et idem latè præstat S. Hieronymus l. 1. in Iouin. exscripto aureolo Theophrasti ea de re libello , qui item epist. 22. librum suum aduersus Heluidium in eam rem laudat , nec non Tertullianum , Cyprianum , Damasum , Ambrosium l. 3. de virg. quibus ille alio loco adiungit Nazianzenum præceptorem suum. In eodem argumento multus est auctor epistolæ 49. apud eundem Hieronymum tomo 9. itémque auctor citatus libri de Castitate , Hugo Victorinus l. de nuptiis carnal. vitandis cap. 1. Ioannes Sarisberienfis l. 8.

polycrat. cap. 11. Dionys. Cartusianus t. 2. Opuscul. de laudab. vita coniug. articulo 3. & alij passim. Sed ad rem præsentem sat est glossa S. Basilij l. de vera virginit. qui tribulationem carnis habere, ait esse, *aperire sibi per coniugij copulam, dolorum officinam.* Quid hæc nisi iugis martyrij irrogatio? Hæc generatim.

• *Mulieris in coniugio martyrium.*

6. Vt verò distinctius aliquid dicam, carnis tribulatio, in vxore (à sexu enim infirmiore auspicor, cuius hac in parte ærumnas, Deus iam ab orbis crepundiis prænunciare per seipsum voluit,) in fœmina inquam, tribulatio carnis perspicua est, ex tam multis & tam grauibus connubialibus necessitatibus: cuiusmodi sunt inquit S. Chrysostomus
 « Orat. de S. Thecla. [Fornicantem sponsum tolerare, suspensiones falsas sustinere; procedendi sæpè
 « vtiliter in publicum potestate priuari; de alimentis inquirere; ornatam, zelotypiæ obnoxiam esse; despiciatui duci priusquam pepererit, quasi quæ
 « nondum vxor facta sit; vbi pepererit, ob pignora
 « in crimina incurrere. Partu edita est quæpiam fœmina: quòd natus non sit masculus, tetricum maritus vultum gerit: Adiectus est & masculus? Partu editus est fœtus, qui formosus non est. Eleganti
 « est forma uterque? Tanquam de pulchris acerbior cura incessit. Depulsi sunt à lacte? Rursus anxietas
 « educationis succedit. Cùm sani fuerint, metus ne ægrotent. Cùm ægrotauerint, formido ne moriantur: Cùm mortui fuerint, metus ne deinceps
 « tanquam prole carens contemnatur: cum mortui non

non fuerint, vt de viuentibus, grauior sollicitudo incumbit; vnde liberis ad institutionem sumptus suppeditabuntur; vnde coniugalis fœderis apparatus; vnde vestimentotū decor; vnde famulorum vnicuique distributio; quænam ex bonis maiori attribuet; quo pacto minoris inuidiam mitigabit.]

7. Hæc ad mille mortes posse sufficere, discimus ex S. Basilio, cuius aliqua verba lubet attexere: quod illis breuissimè, non vnum sed multa huius status martyria sint comprehensa, & quæ ac quanta tormenta in coniugio tanquam in dolorum officina sustineat mulier, graphicè exhibeatur. [Virgo (inquit) earum perpetuas ærumnas miserabitur, quæ temporalibus his molestiisque voluptatibus addictæ sunt. Nempe enim eius quæ nupsit multiplices (vt sic dixerim) mortes, quas illa in dies patitur, è regione considerans, sibi ipsi profectò propositoque suo gratulabitur. Nam quæ mortali connubio coniuncta est, ad suam ipsius curam, viri quoque altera adiecta, geminam in vna anima, ex coniuncto sibi corpore sollicitudinem necessariò sustinet. Nec iam vnus tantum corporis laborat gratia; sed in vna (vt dixi) anima, & ad suum, & ad viri corpus curandum, iugiter intenta, diuiditur. Vbi verò filios post cubiculi solemnia, & secreta commercia, parturire, atque in lucem edere cœperit, per vnumquémque nascentem animo scinditur: & præsentibus tristibus, nascituri cura semper adiicitur: ac siquidem virum bonum blandumque nacta fuerit, perpetuò, ne moriatur, metu viduitatis, incommoda, cruciatulque iam sustinet: diram quandam, & immitem curam, & præsentem illo, & absentem, propter in-

speratos casus , animo indefinenter excipiens. Sin
 verò contrà , duro , & immiti fuerit coniuncta,
 tota quidem vita illi cruciatus est. Et cum pudici-
 tiæ ratione neutrum queat eligere ; id est , nec viri
 mortem , propter viduitatis angustias ; nec vitam
 ob molestiam incommodumque conuietus ; an-
 piti , atque ineuitabili malo acerrimisque dolori-
 bus semper atteritur. Inde vbi filios edidit , aut ad
 bonam illi frugem euaserunt ; & maiores ex illo-
 rum absentia dolores iugiter tolerat , quàm paitu-
 rienstulerat ; aut malos euasisse considerat ; &
 maius ex ea procreatione liberorum , quàm si per-
 mansisset sterilis , opprobrium sustinet. Sæpè an-
 tequam prædicta experiatur incommoda , vnà , &
 sponsa , & vidua efficitur ; ac sine liberis in vidui-
 tatem delapsa , nec vxor iam , nec virgo , nec ma-
 ter est. Sic profectò , omnibus quæ putantur læta
 coniugij , simul amissis , breuissimo voluptatis
 sensu ; irrecuperabilem virginitatis perdidit flo-
 rem ; coniugijque tantum solummodò experta est ,
 quantum illi satis esset ad dignoscenda viduitatis
 incommoda. Quod si rélictà vidua , pupillos enu-
 triat filios ; eius , quem ex viri morte percepe-
 rat mæroris , iuge monumentum cernit , & sem-
 per in lacrymis , semper in gemitu , semper in so-
 licitudine educandorum degens , nullum præterito
 malo solatium inuenit. Præterea & propinquis , &
 famulis , & filiorum curatoribus , ipsisque postre-
 mō etiam filiis , vbi virilitatis annos attigerint ,
 cunctisque omnino se vexare volentibus , ad præ-
 dam miserabiliter exposita , doloris , luctusque
 tragœdiam , vitam suam omnium ingeret oculis.
 Et quid plura persequi necesse est ? Dominum sibi
 eum

cum dote , infœlix mulier coëmens virum , ancilla „
pro libera efficitur : brevissimâque voluptatis gra- „
tia , naturali libertate se priuans , ianuam sibi inef- „
fabiliâ dolorum , perpetuâque mœroris , per „
huiusmodi connubiûm aperit.] Tacuit consulto „
S. Basilius , conceptus , & enixus ærurnas in ma- „
tre , non despuens naturæ venerationem , quod
Tertullianus l. de carne Christi c. 4. Pontico muri
exprobrat , in Christi veram corporationem cauil-
lanti , ac perotanti [spurcitiâs genitalium in vtero
elementorum , humoris & sanguinis fœda coagula , „
carnis ex eodem cœno alendæ per nouem menses : „
vterum de die in diem infolescentem , gravem , „
anxium , nexum , totum incertum libidinibus fa- „
stidij ac gulæ.] Quas & alias ærurnosâs naturæ in „
muliere contumelias , expressit ex Tertulliano Hieronymus sub finem libri contra Heluidium , vbi
etiam de alia tribulatione carnis in coniugata , ora-
tionem & pietatis studium intercludente , nempe
de viri obseruantia , cura familiæ , aliisque matrimo-
nio adiunctis : quem locum laudat in eam rem
idem Hieronymus l. 1. in Iouinia & epist. 22. qua
Eustochium ad custodiam virginitatis informat.
Eadem quodâ tribulationem carnis in muliere
coniugata , copiosè & pereleganter Hildebertus
Ceroiman. epistol. 36. Nec pauca etiam Rupertus ,
tria (vt vocat) diuinæ sententiæ verbera , in mulie-
rem coniugatam describens l. 3. in Genes. c. 21. 22.
& 23. Optimè denique autor tractatus de Pass.
Dom. in illud *Ego sum vitis vera* , apud Bernardum
c. 30. vbi angustias & ærurnas coniugarum , vel
ex solo primo capite quod proponit , hoc est ex vi-
ri morositate enatas , tantas esse ait , vt pleræque
mulieres

mulieres suppliciis emere vellent, à tantis angoribus liberationem.

Atrocius etiam mariti.

8. Nec viri beatior est conditio, in quam rem plurima disputat Petrus Blesensis, epist. 79. ex qua
 « seligo laciniam. [Non est sine plurima incommo-
 « ditate copula coniugalis, vixque posse obtineri
 « creditur pax animi, cum vxore. Refert Valerius
 « Maximus, quòd Socrates à quodam adolescentu-
 « lo, interrogatus vtrum vxorem duceret, an à nu-
 « ptiis abstineret, respondit ei, quodcunque eorum
 « faceret, poenitere. Hinc te, inquit, solitudo, hinc
 « orbitas, hinc generis interitus, hinc hæres alie-
 « nus excipiet. Illinc perpetua sollicitudo, contextus
 « querelarum, dotis exprobratio, affinium impor-
 « tunitas, garrula socrus lingua, subsecssoria alieni
 « matrimonij, incertus liberorum euentus. Phoro-
 « næus, rex ille nominatissimus in thesauris, distri-
 « butis potius, quàm retentis; die qua decessit, le-
 « gitur dixisse fratri suo Leontio, nihil sibi defuisse
 « ad plenam fœlicitatem, si defuisset vxor. Leontio
 « autem quærenti causam, respondit: Sciunt hoc
 « omnes mariti. Teste Hieronymo Aureolus Theo-
 « phrastus in libro de nuptiis quærit, an vir sapiens
 « ducat vxorem: Et cum definiisset, si pulchra esset,
 « si benè morata, si honestis parentibus, si ipse sanus
 « ac diues, si sapiens posse ducere; statim infert,
 « hæc autem in nuptiis rarissimè concurrunt vniuer-
 « sa. Multa sunt, (inquit,) quæ matronarum vfi-
 « bus necessaria sint, vt pretiosæ vestes, aurum,
 « gemmæ, sumptus, ancillæ, supellex varia, lecti-

et, & effeda deaurata. Deinde per noctes totas
garrulæ conquestiones. Iila ornatior procedit in pu-
blicum: hæc honoratur ab omnibus, ego in con-
uentu fœminarum misella despicior. Cur aspicie-
bas vicinam? Quid cum ancillula loquebaris? De
foro veniens quid attulisti? Non amicum habere
possumus, non sodalem. Alterius amorem, suum
odium suspicatur. Pauperem alere difficile est, di-
uitem ferre, tormentum.] Hæc de tormento &
tribulatione carnis in ma- ito Blesensis, præter cæ-
tera, ex quibus, vt aiebam, perspicuum est, non
esse viri sortem potioreni sorte mulieris.

Imo verò eo infelicior habenda est mariti quàm
vitoris conditio in coniugio, quo vir maius in se
onus recipit, regendæ ac tuendæ vitoris, educan-
dæ ac promouendæ prolis, curandæ familiæ vni-
uersæ. Præclare Antiphon apud Stobæum serm. 68.
[Si mihi tale corpus alterum quale meum est, ac-
cederet, tantum negotiorum mihi exhibens pro
sanitate corporis, & victu in dies colligendo, &
pro gloria, ac temperantia, celebrisque famæ, ac
bene audiendi gratia, non possem viuere. Quid
igitur fieret, si alterum quoque tale corpus simili-
ter mihi procurandum esset? Itaque constat, quod
vixor, etli viro charissima fuerit, non minus ta-
men ei faceffit negotij circa amores, aut dolores,
quàm ipsemet sibi. Itaque pro duobus corporibus,
quod ad sanitatem, victum, temperantiam, bo-
nâque famam attinet, curam gerat oportet.
Quod si insuper liberi nascantur, iam omnia curis
plena sunt, & iuuenilis animi exultatio disperit,
& facies haud ampliùs eadem est.] Perinde ac di-
ceret, quid igitur erit in tot distrahi corpora, quot
sunt

sunt præter uxorem liberi, atque domestici? Scitè S. Basilii libro de virginitate, *sub medium*, coniuges ad vnumquémque partum aliquid de anima refecare affirmat; ob examen scilicet curarum inde enascentium, & animam aliò auertentium, distrahentiumque in nouas sollicitudines, quibus miserè laceratur atque discerpitur. Hoc verò ad maritum præsertim pertinet, in quem omnis domus inclinata recumbit.

9. Necdum fæces angorum mariti sunt exinanitæ, quamuis prolatis tam multis eius ærumnis: Quid si enim violatæ per coniugem fidei, vel tenuis suspicio, aut ex inanibus rumusculis conceptus timor, miseri mariti animum pulsarit? Hoc verò non martyrij, sed infernaliuni cruciatuum rationem habere, Spiritus sanctus auctor est, cuius afflatu, æmulatio, dura sicut infernus, nominata reperitur. Quod S. Chrysostomus orat. de SS. Bernice ac Prosdice, in hunc modum expendit. [Vxo-
 rem cernere constupratam, & adulterio pollutam
 intueri, sexcentis mortibus est intolerabilius. Quid
 dico adulterio pollutam? Si vel de ipsa suspicionis
 cogitatio mentē occupet, acerba illi vita omnis, &
 minimè vitalis redditur. Est enim ignis illi quidam,
 & indomita flamma zelotypiæ morbus: cuius tyrannicam, & ineuitabilem vim, declarans quispiam dicebat: Plenus zelo animus viri eius: nō commutabit
 vlla redēptione odium, neque parcet in die iudicij,
 neque dissoluetur multis donis. Et alibi rursus; durus
 vt infernus est zelus. Sicut enim non potest infernus, (inquit) pecuniis flecti; sic neque is qui zelotypia laborat, leniri, atque placari. Multi vtique sæpè
 vita sua, libenter redemissent, vt adulterum inuenirent.

nirent. Sanguinem ipsam viri eius, qui vxorem
 constuprarat, perlubenter degustassent, & quæuis,
 aut agere aut pati eius rei causa contenti fuissent.]
 Addit S. Chrysostomus, hunc esse, *morbum inco-*
lendum, violentum & implicabilem; Et l. 2. de pro-
 uid. agens de Abrahami ob coniugem ærumnis,
 ait hanc doloris materiam, superiorem esse omni
 oratione.

10 Sint verò hæc in coniugiis infrequentissi-
 ma, ac veluti præter communem legem, & vti-
 nam eiusmodi sint reuera. An non vel ex eo dun-
 taxat capite maritum atrocissimo asperrimoque
 martyrio addici statuemus, quod mulieri, (qua
 voce omne probri genus, omnémque hominis ca-
 lamitatem comprehensam voluit Simonides,) in-
 dissoluciabiliter astringatur, ita vt non nisi comparis
 altervtrius vel vtriúsque funere, dissolui possit
 connexio? Olim & custodiam siue noxium, & mi-
 litem custodientem, vinctos eadem catena Seneca
 epistol. 5. docet, constatque etiam ex S. Augustino
 in Psalm. 128. ad illud *prolongauerunt iniquitatem*
suam: nec obscure insinuatur verbis illis Actor. 12.
Erat Petrus dormiens inter duos milites, vinctus cate-
nis duabus. Nimirum quia etiam si vt plurimum,
 ac in vulgaribus reis, vnica catena noxi dextram,
 vt Seneca tradit l. de tranquillit. animi c. 10. custo-
 dientis verò sinistram innecteret; tamen si delicti
 aut rei grauitas securius custodiri reum ferret, plu-
 res adhibebantur custodes, vt inter eos vinctus
 asseruaretur catenæ duplici innexus, quarum alte-
 ra sinistram, altera dextram, militibus hinc inde
 alligatis, deuinciret. Hic longè arctius colligatos
 cernere est, quos non paucis duntaxat membris
 sed

sed totis corporibus connexos atque conuinctos ad mortem vsque videre licet. Vt verò vxoris vincula & compedes non refricem, viri cum muliere coniunctio quàm sit acerba & fellis plena, & quotidiano experimento, & omnium atatum scriptis est testatissimum. Nolo in Theologica scriptione Ethnicos congerere, quorum dicta non plena tantum manu sed confertis plaustris in hanc rem proferunt Stobæus serm. 73 Volaterranus l. 30. Philologia, Tiraq. ad l. 9. connub. per totam, Espenæus l. 6. de continentia c. 6. Sed & Patribus parere consilium est, quamuis in hac re sint frequentissimi, siue in c. 19. Matth. siue in 7. caput 1. ad Cor. & quibus locis virginitatem celebrant, quos inter, acerrimè in hac causa versantur Hieronymus Nysenus atque Chrysostomus. Ab his quàm asper & hispidus sit mulieris conuictus, explicatissimè traditur.

11. Pauca duntaxat Spiritus sancti oracula in rem præsentem dabo, dimissis aliis propè innumeris, quæ vbiuis prostant. Toties enim in utroque diuino instrumento, de viri angoribus ab vxore, non dico impudica aut fedifraga, sed morosa duntaxat, & muliebris ingenij (cuiusmodi quæ non sit, rara est avis,) ea verborum emphasi, & densitate sententiarum, pronunciatur, vt nesciam quod aliud cruciamentum Spiritus sanctus frequentius aut studiosius ingeminet. Sed Apostolum sanè dimittamus qui *bonum esse homini mulierem non tangere*, aliæque verborum spicula intorsit in maritos. Illud item Apostolicum apud Matthæum c. 19. prætereamus, *si ita est causa hominis cum vxore, non expedit nubere*, quod Christus non reiecit, sed

sed tacite approbavit. [Audientes cogitabant apud
se (inquit ibi Chrysostomus homil. 32. imperf.)
Mulier bona difficile inuenitur, protestante Salo-
mone : in mille, virum bonum inuenies, in omni-
bus autem his, mulherem non inuenies. Quid au-
tem est aliud mulier, nisi amicitiae inimica, inef-
fugibilis poena, necessarium malum, naturalis
tentatio, desiderabilis calamitas, domesticum pe-
riculum, delectabile detrimentum, mali natura
boni colore depicta? Ergo si dimittere illam pecca-
tum est, tenere autem, verè tormentum est; ne-
cesse est, vt aut dimittentes, adulterium alterum
faciamus; aut tenentes, quotidianas pugnas, &
amaritudines habeamus. Idèd responderunt : Si
ita est viri causa cum vxore, non expedit nubere.
Tunc Dominus non dixit, quia expedit, sed ma-
gis consentit, quia non expedit : Sed infirmitatem
carnis aspiciens dixit : Non omnes capiunt verbum
istud, sed quibus datum est.]

12. Tot ergo tantisque in rem praesentem vnde-
cunque suppetentibus, recisis, ex Salomone tan-
tùm ac Iesu Siracide pauca delibemus, vt liqueat an
iuge & ad totam vitam protensum mulieris contu-
bernium, ad martyrij tormenta possit sufficere.
[Prouerb. 11. 19. litigiosa, mulier, tecta iugiter
perstillantia 21. cum muliere rixosa & iracunda
infelicius habitare, quàm in terra deserta. 25. Si-
cut in ligno vermis, sic perdit virum suum vxor
malefica. Mulieri litigiosae cohabitare in domo
communi, difficilius quàm sedere in angulo do-
matis 27. mulier litigiosa, & tecta perstillantia in
die frigoris comparantur : qui retinet eam, quasi
qui ventum teneat, & oleum dexteræ suæ vocet.]

" Eccles. 7. iuueni amariorem morte mulierem, cuius
 " vt laqueus & fagina, cor : manus, vincula : hanc
 " qui Deo placet, effugiet : Ab eadem qui peccator
 " est, rapietur, &c. Eccles. 9. ne des mulieri pote-
 " state[m] animæ tuæ, ne ingrediatur in virtute tua,
 " & confundaris 25. non est caput nequius, super ca-
 " put colubri; non est ira super iram mulieris. Com-
 " morari mulieri nequam, difficilius, quàm leoni, &
 " draconi. Mulieris nequitia immutat faciem eius,
 " obcæcabit vultum suum tanquam vrsus, quasi sac-
 " cum ostendet in medio proximorum. Mulieris ne-
 " quam ingemuit vir, audiens suspirauit modicum, &
 " breuis omnis malicia super malitiam mulieris. Sors
 " peccatorum cadat super illam. Sicut ascensus are-
 " nosus in pedibus veterum, sic mulier linguata ho-
 " mini quieto. Mulieris ira, & irreuerentia, confusio
 " magna. Cor humile, facies tristis, plaga mortis,
 " mulier nequam. Manus debiles, genua dissoluta,
 " mulier virum suum non beatificans 26. dolor cor-
 " dis & luctus, mulier zelotypa : In muliere zeloty-
 " pa flagellum linguæ omnibus communicans. Sicut
 " bouum iugum quod mouetur, sic mulier nequam:
 " qui tenet illam, quasi qui apprehendit scorpionem.]
 Hæc & alia ex utroque sapiente in rem præsentem
 vrget S. Hieronymus l. 1. in Iouin. ostendens non
 de meretrice, nec de adultera dici, sed de vxore
 legitima : ad quam etiam illud aptat quod Ecclesia-
 stes c. 7. contestatur; inter viros bonum, vnum
 de mille abs se inuentum; mulierem inter omnes
 bonam, à se nequaquam repertam.

Qui igitur cum huiusmodi fero animali vitam
 omnem diu nocturneque exigere adigatur, in perpe-
 tuis spinis ac sentibus, quibus adeo arctè sit impli-
 citus

citus vt excutere ærumnas sola morte possit, hunc quisquis non vno, sed planè multiplici, eoque quotidiano ac perpetuo martyrio obnoxium fecerit, mea quidem sententia non aberrabit.

Commune coniugum martyrium à liberis.

13. Vt verò & vxoris & mariti peculiare est coniugio cruciatus atque tormenta ultra non vrgeam, vt iisdem perbellè consentire & omnia ab eis inuicem data acceptaque mœroris argumenta abesse ponam, quod quàm rarum vel etiam propè impossibile sit, non est quod moneam: cruciatus quos liberi iam suscepti vtrique parenti plerumque inferunt, (ordinarias enim ærumnas educationi promotionique liberorum necessariò coniunctas, tangere iam supra memini ex Basilio, cum de carnis tribulatione in vxore, rursusque cum de viro:) alij inquam non generales & omnibus communes, sed vtinam infrequentes, & inauditi parentum à liberis angores, immanis & horrendi martyrij rationem meritò habeant apud prudentem æstimatorem, qui rectè peruideat vnde à miseris parentibus baculus senectutis & mœrorum leuamen expectabatur, inde cordolia inexplicabilia, & æternarum lachrymarum segetem meti. Hoc diligenter librat autor tractatus de pass. dom. in illud, *ego sum vitis vera* c. 30. & pulcherrimè Nyssenius l. de virginit. c. 3. ex quo plagulam decerpo. [Multiplex & varia est copia malorum quæ à nuptiis existunt. Dolorem enim liberi nati, æquè importunt, ac non nati. Et rursus tam viui, quàm mortui. Hic enim liberorum multitudine gaudet, cum non satis ha-

I 2 beat

« beat unde alit. Ille verò herede caret facultatum
 « suarum, in quibus maximè elaborauit. Atque vnus
 « quidem bona fortuna alterius calamitatem efficit,
 « cum sibi utrèque illud euenire velit, quo alterum
 « cruciari videt. At huic mortuus est suauissimus
 « puer; illi verò in vita est filius perditus, utrèque sa-
 « nè commiseratione dignus: Vnus quidem filij mor-
 « tem, alter verò vitam luget.] Subdit quæ de libe-
 « rorum cædibus & vorationibus, mutua item fra-
 « trum trucidatione à tragicis iactantur, non esse in
 hanc rem ex antiquis fabulis recolenda: cum satis
 tragicorum argumentorum in eo genere quotidie
 suppetat, quibus doceamur quantæ sint nuptiarum
 calamitates, cum ex aliis capitibus, tum ex hoc
 nominatim quod prolem spectat.

14. Æui nostri exempla perillustria, quia vbi-
 uis ferè prostant similia, sciens premo. Vnum aut
 alterum non ita priscum attexo. Rem suo tempore
 vniuersa Italia notissimam, Volaterranus Cardina-
 lis l. 30. Philol. §. *ex liberis bona malaque*, consignatam
 reliquit. Franciscus Bufalus ciuis Romanus, nobilis
 ac prædiues, prolem sustulit ex vxore lectissima nu-
 merosam, masculam & fæmineam. Ex eo numero
 duos filios mutuis se vulneribus petentes vidit: duos
 ob seditionem securi percussos: alium nouercam
 interficientem: filiam verò apud virum sese vene-
 no necantem. In illa verè Thyesteæ domo (vt Vo-
 laterranus rectè appellauit,) infelicitissimum pa-
 rentem vnico functum martyrio si dixerim, nec pro
 rei atrocitate satis dixerò, nec sensum lectoris de
 tam multiplici infortunio æquauero. Calamitatis &
 horroris plenum est, exemplum infelicitatis pa-
 rentum ex liberis, quod adscribo ex Iouiano Pon-
 tano

tano l. 3. de obedientia cap. 10. [Maioricensis ciuis
abunde locuples ruri cum esset, seruūque gra-
uissimè cecidisset, tum seruus iniquius secum actum
iudicans, rationem hunc commentatus est, qua &
seruitutem finiret, & herum vlcisceretur. Hero
enim longiùs à villa profecto, domo clausa fores
munit, ac matrefamilias arctiùs vineta, heriles li-
beros in editiorem domus partem secum effert, do-
mini illic reditum expectans: qui vbi villam intra-
uit, domum clausam indignè ferens, seruo, qui se
de culmine ostendit, minitari cœpit. At inquit il-
le, qui nunc domum clausam tam ægè feras, effi-
ciam vt haud multò post, teque & lucem oderis.
Vixque hoc dicto, vnum atque alterum filium è te-
cto præcipientes iecit. Quo casu consternatus, ac pe-
nè exanimatus pater, vbi ad se rediit, tertio timens,
mutato consilio, seruum blandioribus lenire verbis
studet, nec facti solum veniam, verum etiam li-
bertatem pollicens. At Maurus: nihil inquit, tuis
istis pollicitationibus actum scito. Nares tibi exci-
das oportet, si vis tertium tibi seruari. Tum pater
duobus se liberis vno casu orbatum reputans, quo
tertium, qui vnus erat reliquus, seruaret, condi-
tione accepta, nasum mutilat. Qui vix dum ter-
ram attigerat, cum tertius cum matre simul ante
eius pedes exanimis iacuit. Eum seruus vbi clamo-
ribus atque eiulatibus implere agros videt, Deum
atque hominum fidem implorantem; atqui (in-
quit) nihil tuis istis clamoribus egeris, neque sæ-
uiendi in me tibi locum relinquam. Atque hoc di-
cto, seipsum de summa tecti parte depulit.] Vo-
luit scilicet, infelicissimum herum, eo quoque
cruciatu afficere, vt orbus, ac viduus, in superque de-

nasatus, sumptarum de triculenta fera poenarum
 dulcedine fraudaretur. Eum verò ego non semel
 tantum seculi martyrem pronunciarim; sed quod de
 matre SS. Machabæorum à S. Augustino serm. 109.
 de diuers. c. 6. ac Chrysostomo homil. de Macha-
 bæis; & de S. Felicitate acutè admodum à S. Grego-
 rio dictum est, fuisse illam in pignoribus septies
 martyrem, priusquàm proprio corpore hostilem
 gladium exciperet; hoc de infelici patre dicturus ad-
 veritatem videor: fuisse illum toties seculi marty-
 rem, quoties vnus alicuius è liberis, moxque vxoris
 tam luctuosum exitum oculis ipse suis vsurpauit.
 Exemplorum Tragicorum in hanc rem, nullibi par-
 citas est, vt non sit opus in pluribus congerendis o-
 peram ludere.

Quare fixum maneat, coniugium, martyrij secu-
 laris statum esse, & vix esse marem fœminamve
 coniugij nexibus implicatos, quos iis cruciatibus
 immunes præstare liceat, qui non sint ad plenum
 seculi martyrium satis. Imo plurimos Christi mar-
 tyres minora passos, minusque ærumnosos fuisse,
 quàm plerique sint in coniugio, exploratum duco.
 Subducendæ igitur summæ martyrum seculi, qui
 in vrbibus ac quibusuis ferè domibus reperiuntur,
 omnis Arithmetica impar videri debet.

Martyrum seculi alter ordo, in quo auari.

15. Alter seculi martyrum ordo, eorum est qui
 auaritiæ & oculorum concupiscentiæ addicti, opes
 in immensum congestas habent pro numine. Nam
 auaritiā esse simulachrorum seruitutem, Aposto-
 lus autor est. Huic ergo falso numini vt obsequium
 irreligi

irreligiosum exhibeant mortalium plerique, vitam
in arumnis & cruciatibus multis misere prodigunt.
Sanè Petrus Blesensis episto. 91. avarum quendam
plusquam martyrem describit verbis illis. [In habi-
tatione terrena, nihil est nisi labor & dolor, & qua-
dam imago miseriæ infernalis. In vita & operibus
tuis, tota ferè facies inferni depingitur. Nec enim
deest tibi vnda Tantali, Tityi iecur, rota Ixionis,
vrna Danaidum, saxum Sisyphi, dum inter diuitias
esuris, dum solitudinibus anxiaris, dum cupiditate
torqueris, dū ad illicita raperis, dum in saccum per-
tusum congregas, dum congregando diuitias labore
continuo, & superuacuo te affligis.] Sed & S. Augu-
stinus, spurium numen de quo agimus, & illi deser-
uiuntium tormenta, non tacuit, sermone 50. de san-
ctis sic scribens. [Avarus dicit in corde suo, quia
fortè non audet lingua sua, quis nos separamus à cu-
piditate auri? Tribulatio, an angustia, an persecutio?
Possunt & avari dicere auaro, propter te occidimur
tota die. Optimè ergo dicunt sancti martyres in
psalmo, Iudica me deus, & discerne causam meam
de gente non sancta. Discerne, inquit, tribulationem
meam, tribulantur & avari. Discerne angustias
meas, patiuntur angustias & avari. Discerne per-
secutiones meas, patiuntur & avari, Discerne famem
meam, pro auro acquirendo esuriunt & avari. Dis-
cerne nuditatem meam, pro auro despoliantur &
avari. Discerne mortem meam, pro auro moriuntur
& avari. Quid est discernere causam meam? propter
te mortificamur tota die, ille propter aurum, nos
propter te. Similes pœnæ, sed discreta causa.] Non
dissimilia habet serm. 100. de divers. c. 6. [Quid
(inquit) miramini fratres, si amatores Dei martyres

" martyres tanta pertulerunt, vt acquirerent Deum;
 " Amatores auri videte quanta patiantur. Hyemali-
 " bus asperitatibus se nauigando committunt: Sic
 " feruet auaritia, vt nulla formident frigora. Iactantur
 " ventis, suspenduntur & deprimuntur fluctibus. Inef-
 " fabilibus periculis vsque ad mortem agitantur. Di-
 " cant & ipsi auro; propter te mortificamur tota die.
 " Dicant martyres Christo: propter te mortificamur
 " tota die. Vox quidem est similis, sed causa est valde
 " dissimilis: Ecce vtrique dixerunt, isti Christo, illi
 " auro; propter te mortificamur tota die.] At ne diem
 " quidem totam, tormentis auaro per aurum & ha-
 " liendi cupiditatem infligendis satis esse, docet Gre-
 " gorius Nyssenus homil. 5. in Ecclesiastem ad illud
 " ex cap. 2. *cuncti dies eius, doloribus & ærumnis pleni*
 " *sunt, nec per noctem, mente requiescit.* [Reuera enim
 " (inquit Nyssenus) iis quorum animus versatur in hac
 " tentatione, vita quidem est laboriosa veluti quibus-
 " dam stimulis, plura habendi cupiditatibus cor flagel-
 " lans: dolore autem & molestia plenum est plura ha-
 " bendi studium, non tantum gaudens iis quæ habet,
 " quantum triste ob ea quæ desunt, quibus noctu &
 " interdum labor diuiditur, vt qui per vtrumque eorū
 " in se inuicem exercentur: cum dies quidem consu-
 " mantur in laboribus, nox autem somnum amandet
 " ab oculis. Somnum enim expellunt de lucro sollici-
 " tudines.]

16. Parcius hætenus de avari cruciatibus in idoli
 " sui cultu actum, præ iis quæ de eodem argumento
 " tradidit S. Gregoriū, 15. moral. c. 11. [Mens auari
 " (inquit) quæ prius ex abundantia requiem quæsierat,
 " post ad custodiam grauius laborabat. Vnde hæc quo-
 " que adhuc subditur: Æstuet, & omnis dolor irruet

in eum. Prius namque dolorem habuit in ipsa suæ
concupiscentiæ fatigatione, qualiter concupita ra-
peret, quomodo alia blandimentis, alia terroribus
auferret. At postquam acquisitis rebus peruenit ad
desiderium, alius hunc dolor fatigat, vt cum sollici-
to timore custodiat, quod cum graui labore memi-
nit acquisitum. Hinc inde insidiatores metuit, atque
se hoc perpeti quod ipse fecit aliis, pertimescit. For-
midat potentiorē alterū, ne hunc sustineat vio-
lentum: pauperem verò cum conspiciat, suspicatur
furem. Ipsa quoque quæ congesta sunt, curat ma-
gnoperè ne ex naturæ propriæ defectu per negli-
gentiam consumantur. In his itaque omnibus, quia
timor ipse pœna est, tanta infœlix patitur, quanta
pati timet. Post hoc quoque ad gehennam ducitur,
& æternis cruciatibus mancipatur. Omnis ergo do-
lor super eum irruit, quem & hîc prius pœna con-
cupiscentiæ, postmodum verò cura custodiæ, & illic
quandoque pœna ultionis cremat.]

Plus satis ad martyrium videtur esse omnis dolor,
quo idoli huius martyrem onerat S. Gregorius. Sed
adiungi ei dolorum vniuersitati, trucidationem ac
mortem quæ est de ratione consummati martyrij,
docco ex Chrysostomo qui homil. 18. in episto. ad
Ephes. hos discolas infelici expressione piorum
martyrum qui veri Dei hostiæ sunt, turpissimo
idolo hostias cadere, & quod feralius est à seipsis,
grauissimè expostulat. De adoratione namque,
auaritiæ per improvidos impenſa, præfatus multa,
demum ita concludit. [Animi affectioni teipsum
subiicis. At non mactas illi oues? Mactas verò homi-
nes, & animas rationales, illos quidem fame, istas
autem maledictis. Isto sacrificij genere, nihil est bac-
chicum

« chicum magis, nihil scilicet infanlius. Quis vidit vni-
 « quam animas mactari? Maledicta est auaritiæ ara:
 « Nam si ad simulachrorum illam accesseris aram,
 « videbis eam caprinum, & bouinum olentem sangui-
 « nem: ad istam verò auaritiæ aram si veneris, huma-
 « num sanguinem videbis miserè & crudeliter exha-
 « lantem, Hic si steteris, non contemplaberis halitum,
 « alas incensas, nec redditum nidorem & fumum, sed
 « perditum humanum corpus. Hic videbis quosdam
 « quidem, qui seipsos in præcipitia coniecerunt: alios
 « verò qui laqueum applicuerunt, nonnullos etiam
 « qui enssem per ipsum guttur transfegerunt. Vides
 « hostias crudeles & inhumanas? Vis istis etiam sequio-
 « res videre? Ostendam tibi iam non humana corpora
 « illic, sed & hominum animas mactari. Nam & ani-
 « mæ mactari possunt, mactatione quæ conueniat
 « animæ. Quemadmodum scilicet animæ mors est:
 « anima enim, (*inquit,*) quæ peccat moritur: quemad-
 « modum est ergo mors animæ, ita est & animæ ma-
 « ctatio. Quid est corporis mactatio? Mortificari
 « scilicet, & ab energia illa quæ animæ est, abrumpi.
 « Quemadmodum enim tunc corpus mortificatur,
 « quando anima illud in operatione sua desolatum ac
 « priuatum relinquit; ita & anima tum est mortua,
 « quando illam energia sua destitutam relinquit Spi-
 « ritus sanctus. Atque istæ mactationes potissimum
 « apud aram auaritiæ fiunt. Non saturatur, nec sisti-
 « tur humano fuso sanguine, nisi etiam ipsam ani-
 « mam immolaueris: Nec adimpletur auaritiæ ara,
 « nisi vtriusque & immolantis, & immolati animas
 « recipiat. Necesse est enim hîc vt qui immolat
 « alium, primum imoletur ipse, arque ita immo-
 « let, vt mortuus imolet interea viuentem. Quan-
 do

do enim maledicit, quando conuiciatur, quando indignatur; nunquid istæ animæ plagæ immedicabiles sunt? Vides iam quomodo non hyperbolicè dictum sit, quòd Paulus auarum, idolorum esse cultorem dicit.]

17. Est eiusdem sancti Doctoris tractatus, quod nemo nisi à seipso lædatur, aureus planè & parente dignissimus, Cuculi in extrema vita, inter difficillimi exilij asperitates conscriptus, vt constat ex quarta eius epistola, ac proinde verè cygnea vox. Eo tractatu, auarum innumeris mortibus ab auaritia mulctari vt ostendat, atque adeo multoties martyrem effici, auaritiam, speciem feri ac truculentissimi tyranni exhibet; apud eam cruenta omnia periculis, mortibus, præcipitiis plena esse docet. Stipari pessimo satellitio, contumeliis, opprobriis, liuore, inuidia, insidiis criminatricibus, & perniciosissimis curis, metu iugi, tremore frequenti, & mille aliis huiusmodi infauis consortibus, velut anguium corona circundari. Fructum non alium proferre, quàm interitum & perniciem, pœnamque perpetuam, subsequenter ad insanabilem rabiem, insaniam, atque furorem. Tantoperè verò fatigare animam, vt neque amicitiarum, neque propinquitatis, sæpè ne coniugij quidem aut prolis affectui det locum, sed omnia illa deiiciat atque conculcet: Et videri quidem mortalibus penè omnibus (quæ eorum summa cæcitas est, & summa miseria,) melle ac fauis dulciorem; reuera tamen scire, vt barbarum, feruere crudeliter vt tyrannum, debacchari impudenter vt feram quandam & crudelem dominam, nusquam misereri aut fleæti: adesse vbique, duram, diram, terribilem,

inle

inclementem , impiam , truculentam , lupis , & vrsis ac leonibus ferociùs sæuientem ; in sibi addictos acuere gladium , quotidie eis foueas & præcipitia parare , scopulisque eos mille , & mille naufragiis illidere , cremare igne quem ipsi studiose succenderint. Affine est quod idem Chrysostomus hom. 18. in 1. ad Cor. homines addictos aceruandis pecuniis , idipsum pati docet à ferali tyranno auaritiæ , quod tres pueri à Rege Babylonio : eo tantum discrimine , quod pueri diuinâ miseratione liberi euaserunt , & ab igne tantam virtutem reuerito , indemnes fuerunt , hi verò comburuntur. Sic enim concludit sanctorum trium puerorum certamen. [Quid hoc spectaculo esse posset illustrius ? Quid hac victoria præstantius ? Quid nouis victoriis insignius ? Hoc & in nobis inuenitur , & nunc Babylonicæ fornacis Rex est , & nunc flammam illa ardentiorē accendit. Est temporibus nostris qui iubeat eiusmodi statuam venerari : adstant ei & satrapæ , & milites , & quæ aures demulceat musica , & multi hanc statuam , variam , magnam admirantur. Tale enim quiddam est auaritia , vt statua illa non ferrum continens , sed ex illicitis rebus constituta. Auaritia enim omnia in admiratione haberi iubet , & æs , & ferrum , & his longè viliora. Sed quemadmodum hæc in præsentia sunt , ita & qui tres pueros imitantur , qui dicunt , deos tuos non colimus , & statuam tuam non adoramus , sed paupertatis fornacem , & omnes alias toleramus misérias , vt diuinis legibus parcamus. Et alij quidem hoc tempore multa habent , quemadmodum tunc illi ; & hanc sæpenumero adorant , & exuruntur.] Habes viuicomburium , his autem cultoribus,

bus, in fornace Babylonycæ gemina, à Tyranno cupiditatis irrogatum.

Quod verò inter horrendas tormentorum acerbitates quibus Ethnica olim inhumanitas in SS. martyres grassata est, ea numeretur, non nisi tempore postrema, qua in sanctorum pugilum corpora iam exanguia, iam spiritu destituta, efferabantur hostes Christi; ne hanc quidem barbariem martyribus avaritiæ deesse passa est mortalium truculentia: quod agens de diuitum sepulcris, ob simul conditum copiosum apparatus expilatis, & cadauere abiecto inhumato, aureo planè eloquentiæ profluuiò prosequitur S. Chrysostom. hom. 35. in 1 Cor. quem de more expressit eloquentissimus æquè ac eruditissimus tanti Magistri discipulus, Isidorus Pelus l. 2. epist. 146.

*Ordo tertius, in quo captatores honorum,
aulici præsertim.*

18. Tertium locum inter seculi martyres, iis dabam qui superbiam vitæ colunt, nullumque venerationis & demissionis genus refugiant, vt hoc numine vtantur propitio. Hoc martyrium in iis illusterrimè proditur, qui ad honores erepunt per densas indignitates & inhonorationes ac ineptias, quas vir magnus magno redimat, & cruciatibus non leuibus intolerabiliores ducat. Mamertinus in Iuliani panegyr. de priscijs Romanis honores captantibus agens, ita pronunciat. [Quis ignorat « multos fuisse candidatorum labores? Ediscenda « omnium nomina tribuum, homines varij, atque « etiam singuli salutandi, præhensandæ obuiorum « manus,

manus, omnibus arridendum. Non solum cum infirmis sed etiam cum ignotis familiaritatis imago simulanda, multaque alia præter honorem agenda, quæ aliàs virum honore dignum facere non deceret. Vnde illud Craffi celebre dictum, quum peteret consulatum, & fortè cum Scæuola focero per vias urbis incederet, nec præsentem grauiissimo & seuerissimo viro, blandiri populo, palpare obuios, & artes petitorias auderet exercere. Quæso, inquit, Mati, paulisper abscedas, nec comitatu tuo honestari me putes. Impedis honorem meum, te spectante ineptus esse non possum.] Tertullianus tamen l. de pœnitentia extremo, has honoris mancipiorum & gloriæ animalium vexationes, etiam neruosiùs expressit verbis illis. [Sed enim illos qui ambitu abeunt capeffendi magistratus, neque pudet, neque piget incommodis animæ & corporis; nec incommodis tantum, verum & contumeliis omnibus eniti in causa votorum suorum. Quas non ignobilitates vestium affectant? Quæ non atria nocturnis & crudis salutationibus occupant? Ad omnem occursum maioris cuiusque personæ, decrecentes, nullis conuiujs celebres, nullis comessationibus congreges, sed exules à libertatis & lætitiæ felicitate, idque totum, propter vnius anni volaticum gaudium.]

19. Sed hæc quamuis liberalibus magnisque animis admodum graua, tamen minuta, & ad martyrium imparia videri possint, præ interna carnicina, quam honorum captatoribus infert crescendo & ad altiore semper gradum progrediendi, bibula semper, vt in hydrope, & nunquam restinguenda cupiditas. Eam ærumnosissimam quorundam

dam mortalium sortem , nec de vulgi fœce hominum , aut in vmbra latentium , sed eorum qui cæteris eminent , & in aulæ sole versantur , Seneca epist. 73. sic exposuit. [Illi inquieti & in medio positi multa principibus debent , sed multa & impudent : quibus nunquam tam plenè occurrere vlla liberalitas potest , vt cupiditates illorum , quæ crescunt , dum implentur , exsatiet. Quisquis autem de accipiendo cogitat ; oblitus accepti est : nec vllum habet malum cupiditas maius , quàm quòd ingrata est. Adiice nunc quòd nemo eorum , qui in Republica versantur , quos vincat , sed à quibus vincatur , aspicit : & illis non tam iucundum est , multos post se videre ; quàm graue , aliquem ante se. Habet hoc vitium omnis ambitio : non respicit. Nec ambitio tantùm instabilis est , verùm cupiditas omnis , quia incipit semper à fine.] Experimento suo doctus , vir & eruditione , & genere , & obitis muneribus , & verò sanctitate præstans Sidonius lib. 5. epist. 7. aulam Chilperici describens , iis moribus effingit aulicos , vt nullæ sint in Lybicus arenis dipsades , nulli vsquam colubri veneno præsentiore instructiores , præ quibus in lacum leonum coniici cum Daniele , vel in anguium fossam cum S. Thecla , mite ac leue videri possit. Et tamen cum his necessariò viuendum est homini aulico , cum iis nocte , dièque versandum. Vt proinde vel ex hoc capite , martyrium aulico cuius apparatus , agnosci possit. Eosdem verò insuper aulicos describit , internis multis tortoribus miserè vexatos , & ignauia pariter conscientiaque trepidantes. Omnis porro illa morum nigerrimorum fuligo , quantum vniuersa epistola exhibet Sidonius , eo planè refertur ,

refertur, vt deiectis alijs, crescant alij, & vnius ruina gradum alij ad superiorem faciat. Quæ per fas nefasue scandendi cura, ac iustus metus, ne ijs irritantur pedicis, quas alijs nectunt, iuge & immane tormentum est. Ausonius, professores Burdegalenses exornans, in Attico Tyrone Delphidio hanc infœlicitatum eius causam aperit.

Felix quietis si maneres lueris

Opus camænarum colens:

Nec odia magnis concita litibus,

Armaret ulior impetus:

Nen inquieto temporis tyrannici

Palatio te attollerēs.

Dum spem remotam semper arcessis tibi,

Fastidiosus obuia,

Tuumque manis esse, quàm fati bonum.

Desiderasti plurima,

Vagus per omnes dignitatum formulas,

Meritisque plura, quàm gerens.

20. Suffragium quoquæ Petri Blesensis qui in aulico puluere bonam ætatis partem contriuit, non poterit inexperientiæ insimulari. Is veritati testimonium perhibens, ita scribit, carmine de lucta carnis & spiritus.

Desere palatia, nam curia,

Curis, imo crucibus, & mortibus,

Semper est obnoxia.

Idem illustriſſimè episto. 14. [Pro vaniſſima va-
nitate militant curiales, in labore, & ærumna, in vi-
giliis multis, in periculis magnis: Periculis maris,
periculis fluminum, periculis pontium, periculis
montium, periculis in falsis fratribus; In mortibus
frequentè in contractione & lassitudine corporis,
atque

atque in aliis vitæ discriminibus, in quibus gloriam
martyrij inererentur, si hæc pro Christi nomine su-
stineret. Nunc autem sunt MARTYRES SECVLI,
mundi professores, discipuli curiæ, milites Herlinini.
Per multas siquidem tribulationes, intrant iusti in
regnum cælorum: hi autem per multas tribulatio-
nes, promerentur infernum.]

Audi & alium expertum testem, Æneam Syl-
uium dico, episto. 42. [Beati qui procul à curiarum
tumultibus degunt, & contenti sunt ea quæ adest
fortuna. Nos animorum impulsu cæcæque cupi-
dine ducti, Regum atria petimus, principum in
oculis versari volumus: quibus si millies cum peri-
culo capitis seruieris; modicum verò aberraueris,
mox peristi: Nihil enim violentius est aure Tyran-
ni. Suspiciosi omnes sunt tamen curiales, inuidi,
prompti nedum si adsit, sed si absit quoque; crimi-
nari delictum. Perierunt omnia seruitia, si semel
non rectè spueris. Et sunt nonnulli qui tunc citius
seruum perdunt, cum maiora sunt obsequia. Nam
cum videant se multa illi debere, potius delictum
cupiunt, quàm obsequium præmiare.] Idem ple-
nissimè ac diffusissimè tradit epist. 166. quæ veriùs
iusta tractatio de aulæ miseriis atque tormentis,
aliàs inscribitur. Plagulam ex ea duntaxat ac gu-
stum repræsentò. [Malè iudicare non existimem,
qui summam in eis miseriam, summamque cor-
dis afflictionem posuerit. Sed stultum atque impe-
ritum vulgus, hæc tædia non animaduertit, solùm-
que suspensas auro vestes, ac sublimes respicit in-
equis milites. Et cum opes, at argentum, aurum, fa-
mulorum cateruas, & ornatum exteriorè intue-
tur, misérias interiores nequaquam considerat. At

« Seneca summa prudentia vir, isti, (inquit) quos
 « pro fœlicibus aspicitis, si non quâ cernuntur, sed
 « quâ latent videritis, miseri sunt, sordidi; turpes, ad
 « similitudinem suorum parietum extrinsecus culti:
 « quo fit, vt curialibus qui propter irritamenta gulæ
 « principibus seruiunt, ne dum ciues priuatos qui
 « cum iucunda coniuge, inter dulces liberos castè,
 « ac parcè comedunt; vel ruricolos qui medias inter
 « oues, castaneas molles, & mitia poma cum lacte
 « vorantes, nitidi fluminis vndas exhauriunt; sed ip-
 « sos quoque qui in crepidinibus petrarum, vel in
 « pontibus, vel ad Ecclesiarum valuas mendicant,
 « sine cunctatione præponam.]

21. Causam tantæ aulicorum ærumnositatis, ac
 perpetuorum martyriorum, Blesensis epistola illa
 « 14. sic aperit. [Scio quia eos qui in curia moran-
 « tur, aut potius moriuntur, spes regiæ liberalitatis
 « frequenter exhilarat, quæ quandôque in multos
 « magnificè, & munificè se effandit: Sperat autem
 « vnusquisque sibi euenturum, quod videt pluribus
 « aliis euenisse. Sub istius expectationis, dulcis, & in
 « certæ solatio, tædiosa delectant, grauiâ leuigan-
 « tur, amara dulcescunt, nostrique martyres, labores,
 « quamuis infirmi, expensas etiam, quamuis auari
 « non sentiunt.] Quia de aulicorum miseriis in vita
 vniuersa, sordibus in cibo & potu, tædiis hospitio-
 rum, imo mapalium, intra quæ admitti summa illis
 plerumque est gratia, exclusione à principis penetra-
 libus, ad quæ sola aurea clavis viam facit, aliisque
 aulæ fastidiis & ærumnis, reliqua epistola graphicè
 describit, eiusmodi sunt vt meritò concludere po-
 tuerit, tot cruciatuum, ex tam inani causa tolerato-
 rum, hac deprecatione apposita. [Domine I E S U
 Christe,

Christe, si sic viuitur, & in talibus vita spiritus eorum qui curiam sequuntur, nunquam quæso in curiam regrediar. Iactura siquidem annorum quos circa curiam in nugis consumpsi, æstimationem non recipit.] Nihil necesse est memorare, quomodò plerique in hoc ordine ludibrium fortunæ debeant, & post crepantes adulationem bullas, interdum vsque ad inimicorum dolorem deueniunt, & à rebus humanis veluti vomitu fortunæ nauseantis expuantur: vt de Aruando dixit Sidonius l. i. epist. 7.

*Etiam dignitatum apices, in hoc
martyrum ordine.*

22. Hoc ne quis ad minutiorum dignitatum & honorum captatores, non etiam ad possessores, præsertim honorum eminentissimorum pertinere arbitretur, Mamertinum audiat in Iuliani panegyric. de æumnis & cruciatibus quantumuis iusti & in speciem tranquilli principatus, sic differentem. [Non paucos eiusmodi furore vecordes, & nostra ætas tulit, qui propter cæcam imperandi cupidinem in ferrum ruerunt. Si quos Deus paulisper vitæ redditos alloquatur, heus (verbi gratia) Nepotiane, atque Siluane, per infestos gladios, præsentésque mortes imperium petiuiſtis? At nunc vltro vobis potestas regnandi datur, vt ea qua Iulianus conditione regnetis, vt pro omnium otio die noctūque vigiletis: & quum domini vocemini, libertati ciuium seruiatis, sapius prælium quàm pradium capeſſatis, nihil cuiquam auferatis, & vltro omnibus largiamini, nulli gratificemini, in neminem sæuiatis, toto in orbe terrarum nullius virginis fama vio-

« letur : Sit lectulus, etiam sine inconcessis sed legiti-
 « mis voluptatibus, Vestalium thoris purior : ætate
 « Alamanicum puluerem, hyeme pruinam Thraciæ
 « intectis verticibus perferatis. Profectò verborum
 « iporum molestiam, delicatæ aures non poterunt
 « sustinere. Tantis negotiis territi, non modò impe-
 « rium, sed etiam vitam perosi, ad inferiores aliquos
 « inferos redire properabunt. Videbunt enim iustum
 « principatum, laboribus, curis, vigiliis, inque-
 « tum : cuius il i faciem amœnam & amabilem con-
 « templantes, laborum aspera non videbant.] Hæc de
 intoleranda ærumnarum mole in capite populo-
 rum, Panegyristes.

23. S. Chrysostomus non minùs splendide.
 hom. 15. in ad Philipp. Negat enim vlli planè in
 hæc vita angorum & ærumnarum penuriam esse,
 nec quenquam ab ea vniversali regula excipi pati-
 « tur. [Quem enim inquit vis dicere? Regem? Sed nec
 « ille procul à curis vitam agit, sed multis plenam tri-
 « bulationibus & curis. Ne ná nque diadema respi-
 « cias, sed curarum tempestatem, per quam ipsi
 « corona paritur. Neque purpuram intueri, sed ani-
 « mam, & ipsa purpurâ magis nigrescentem. Non
 « ita corona caput circundat, sicut animam sollicitudo,
 « Nec in satellitum cateruam, sed in molestiarum
 « multitudinem spectes. Nec enim priuata domus
 « tot curis plena reperiri potest.] Pergit Tragicos eue-
 tus quibus mundanos apices Reipublicæ præcipiti-
 bus ac lubricis culminibus insistentes, fortunæ perfidi-
 dia euerti contigit, adhuc eo tempore propè calen-
 tes exponere cuiusmodi multa quoque constipat. S.
 Hierónimus in Nepotiani epitaphio, & Petrus Da-
 miani opusc. 56. c. 7. & vnum præterea habet insi-
 gne

gne planè ac luculentum Sidonius l. 2. epist. 73. Quæ premere omnino quàm recentioribus exemplis cominemorandis, vix obductas cicattices exasperare, satius duco. Nec plura de seculi martyribus, & vniuerso martyrij latè dicti ambitu: Si institutum spectes, satis; si materiæ vbertatem, substrictissimè atque paucissimè. Nunc ad martyrium pressè ac propriè dictum progredior.

PARS SECVNDA.

De Martyrio pressè dicto, vulgari ac indubitato.

MARTYRII latè ac pressè dicti notiones, iam supra seiunxi ex Origene tomo 5. in Ioan. ad illud *hic venit in testimonium*. Vbi ex prisco Ecclesiæ vsu tradit, tametsi ex vocis cortice & auctoritate quarundam scripturarum quas profert, quicumque testimonium Christo perhibet, possit dici martyr, tamen nomen martyris ad eos restringendum esse, qui testificati sint Christianam veritatem, excipiendo pro ea mortem. De hoc ergo martyrio pressè dicto, quod propter fidem vt cognoscentem aut operantem, prudenter profrendam subitux, disputandum sequitur.

ut dispiciamus an mors de qua mota est
quæstio, quàmque ad aliquod è martyrij
membris propositis, latè inquam aut pres-
sè dictum, pertinere non est dubium, illi
vero ac pressè dicto martyrio sit accensenda,
quod propriè est martyrium & specia-
libus prærogatiuis ex Christi Domini in-
stitutione potitur, an verò inter latè dicta
tantùm, quæ non nisi impropriè martyria
sunt, nec illis quæ dixi prærogatiuis po-
tiuntur, sit numeranda. Exemplum huius
propriè dicti martyrij indubitatum, illud
est quod simpliciter solet appellari marty-
rium, & ab eo subitur qui pro Christi fide
obtruncatur. Atque ita hac secunda parte
istius opellæ, insistam illis expendēdis quæ
ad eiusmodi martyrium spectant. Facile
enim postea erit, quæ de eo constituta fue-
rint, transferre ad aliud item pressè di-
ctum martyrium si quod est: nisi si quæ sint
extra essentialem martyrij rationem ei ad-
iuncta tanquam propria, quæ non sint ali-
bi attendenda, quod postea excutiemus.

CAPUT L

De prima in vulgari martyrio pressè accepto, persona; siue de persecutore.

1. **H**Anc statuo primam personam, quia actio & agens, passioni & passio præcurrunt. Constat autem in hoc negotio persecutorem habere rationem agentis, & ad martyrem comparari tanquam ad passum. Ideoque meritò à persecutore est auspicandum.

Persecutor, aliis necessario à martyre.

Inprimis verò statuendum est, necessarium planè esse, persecutorem alium esse à martyre. Nemo enim qui sibi per immane scelus vitam eripiat, martyr censerì potest, cum potius in tali factò horrendum in modum delinquat. Hoc est contra fœdissimum errorem quem Castro V. *Martyrium* hæret.

2. & Prateolus V. *Petilianus*, tribuunt Petiliano Donatistæ, quem D. Augustinus libris tribus confutatum dedit. Aiunt enim sensisse Petilianum, martyres esse quos male admissorū poenitentes in vitam suam sœuere ad satisfaciendum nomini, & vitionem de seipsis sumendam contigerit. Non memini tamen id vsquam apud Augustinum in Petiliano peculiariter notari, nisi in eum refundi placeat, probra fœcis Donatitarum, (hoc est circumcellionum) quos inter ille agebat Episcopum. Sæpè autem ab Augustino proditur plusquam barbara Circumcellionum truculentia, quæ

se in martyrium, (vt ipsi quidem vocabant,) ea
peruicacia inferebant, vt summa quæque minaren-
tur iis in quos incurrebant, nisi ab eis occideren-
tur: quod moraliter loquendo perinde erat ac si se
occidissent: & tamen ingloria illa cæde cadentes,
martyrum sibi titulum arrogabant. Plerūque etiam
insiliebant vtrō in ignes, vel in mare, certi & ob-
firmati perire; & cum viuerent vt latrones, mori se
iactabant vt martyres: quod absolutè de Donatistis
dixit D. Augustinus l. 2. contra lit. Petil. c. 83. Eo-
rundem Circumcellionum hac in parte rabiem, ex
petitione martyrij obductam, describit plenius
idem Augustinus hæresi 69. & optimè episto. 50.
vbi sic præter cætera loquitur de Circumcellioni-
bus. [Ad paganorum celeberrimas solemnitates
ingentia turbarum agmina veniebant, non vt idola
frangerent, sed vt interficerentur à cultoribus ido-
lorum. Nam illud si accepta legitima potestate fa-
cere vellent, si quid eis accidisset, possent habere
qualemcunque vmbra nominis martyrum: sed
ad hoc solū veniebant, vt integris idolis ipsi peri-
merentur. Nam singuli quique valentissimi iuue-
nes cultores idolorum, quis quot occideret, ipsis
idolis vouere consueuerant. Quidam etiam se tru-
cidandos armatis viatoribus ingerebant, percussu-
ros eos se, nisi ab eis perimerentur, terribiliter
comminantes. Nonnunquam & à iudicibus tran-
seuntibus extorquebant violenter, vt à carnificibus
vel ab officio ferirentur. Vnde quidam illos sic illu-
sisse perhibetur, vndeos tanquam percutiendos liga-
ri & demitti iuberet, atque ita eorum impetum in-
cruentus, & illæsus euaderet. Iam verò per abru-
pta præcipitia, per aquas, & flammæ occidere se-
ipfos

ipſos, quotidianus illis ludus fuit. Hæc enim eos tria mortis genera Diabolus docuit, vt moti volentes, quando non inueniebant quem terrerent vt eius gladio ferirentur, per ſaxa ſe mitterent, aut ignibus, gurgitibúſque donarent.]

Dignum planè iis moribus, tamque exaggerata peruerſitate exitium. Fuiſſe enim Circumcelliones, non modò in poſtremo hoc actu truces, & ſupra omnem barbariem efferos, ſed etiam in anteriore vita truculentiffimos, idem Auguſtinus cum frequentiffimè alibi tradit, tum nominatim in pſal. 10. ad illud, *in obſcuro rectos corde*; & in pſal. 54. ad illud *viri ſanguinum & doleſi*. Sed & ante D. Auguſtinum S. Optatus l. 3. contra Parmen. rabidos Circumcellionum mores, & feralia pseudomartyrij vota egregiè expreſſit. Mores quidem in hunc modum. [Cum Maxido & Faſir, ab ipſis inſanientibus ſanctorum duces appellarentur, nulli licuit ſecurum eſſe in poſſeſſionibus ſuis: debitorum chi-rographa amiſerant vires, nullus creditor illo tempore exigendi habuit libertatem. Terreabantur omnes litteris eorum, qui ſe ſanctorum duces fuiſſe iactabant: & ſi in obtemperando eorum iuſſionibus tardaretur, aduolabat ſubitò multitudo inſana, & præcedente terrore, creditores periculis valabantur: & qui pro præſtitis ſuis rogari meruerant, metu mortis humiles impellebantur in preces. Feſtinabat vnusquísque debita etiam maxima perdere, & lucrum computabatur, euaiſſe ab eorum iniuriis. Etiam itinera non poterant eſſe tutiſſima. Quot Domini de vehiculis ſuis excuſſi, ante mancipia ſua dominorum locis ſedentia, ſeruiliter concurrerunt? Illorum iudicio, & imperio inter Do-

« minos & seruos conditio mutabatur.] Mox verò de
 « larua cupiditatis martyrij in iisdem grassatoribus,
 « hæc subdit. Ex ipso genere fuerunt qui sibi percus-
 « sores sub cupiditate falsi martyrij in suam perni-
 « ciem conducebant. Inde etiam illi qui ex altorum
 « montium cacuminibus, viles animas proiicientes,
 « se præcipites dabant.] Hos rabiosos, Agonisticos
 dictos propter agones quibus certabant S. Augusti-
 nus auctor est in psal. 132. nec siluit Optatus. S.
 Hieronymus l. de hæres. Iudæo. Gorispitas refert
 nominatos, & eorum phrenesim in vana aucupa-
 tione, martyrij irrogata sibi ipsis nece, breuiter at-
 tingit. Huic immanitati speciem martyrij obtende-
 re, insanix plenum est.

2. Longè verò dispar est ratio Sanctorum quo-
 rumdam, qui impulsu interno diuini Spiritus acti,
 instantibus & mortem inferre paratis Ethnicis, vt
 Christianæ constantiæ specimen ederent, collectis
 viribus in ignes aquasve subito insiluerunt, aliterve
 mortem sibi consciscere sunt visi. Quo nomine ce-
 lebrantur trecenti martyres Carthagine in fornace
 passi, vt habent Ecclesiasticæ tabulæ 24. Au-
 gusti, dictique *Massa candida*. Exornarunt eos
 Augustinus serm. 112. de diuer. & Prudent.
 hymno 12. sub finem. Sanctæ item pleræque
 mulieres ad auertendum castitatis dedecus, quod
 meritò timebatur, eodem impellente Spiritu san-
 cto abiecerunt se in aquas vel confoderunt sese, cer-
 tæ mori vt contaminatæ non viuerent. Multa huius-
 modi exempla collegit Baron. anno Christi 309. &
 Espencæus l. 4. de contin. c. 14. & 15. Quibus an sit
 adiungenda illa, quæ Maxentij fœdationem gladij
 adactione præuenit, vt narrat Eusebius 8. histor.

c. 27. (Sophroniam ibi vocat Ruffinus ,) viderint alij. Horum alia (vt dixi) ratio fuit , quàm Circumcellionum. Liquet enim nullam ab eis propriæ cædis labem contractam ob interuenientem Dei impulsu , quo autore homo licitè sibi vim affert. Et cum alioqui mors illa moraliter loquendo irrogaretur ab iis qui occasiones illas pereundi v. g. abiiciendi sese in aquas aut ignes subministrabant, meritò ea mors , & ad martyrium sufficiens , & ab alio illata censebatur : vt proinde in eo quoque martyrio persecutorem à patiente distinctum interuenisse , non sit dubium. Sic igitur persecutoris à martyre distinctio sit constituta.

*Quæ propria notio persecutoris , perfectos
martyres facientis.*

3. Nunc persecutoris notio & veluti quidditas aperienda est ; postulat enim affundi lucem aliquam. Persecutor igitur non is tantum est , qui Christianum letho addicit, vel obtruncat eo nomine quod Christianus sit , sed quisquis Christianum exagitat , quia Christianus est ; aut quia aliquid ad Christi doctrinam pertinens profitetur , quibuscunque tandem modis ea hominis prout Christiani exagitatio perficiatur. Nam licet D. Augustinus l. 1. de ferm. Dom. in monte c. 9. tractans illud, cum maledixerint vobis homines , & persecuti vos fuerint , & dixerint omne malum , secernat diligenter tria illa , & postremum ad detractionem , alterum ad contumeliam , primum ad vexationem per vim aut insidias spectare velit : Tamen rigor vocis plus fert , omnisque vexatio, nomine persecutionis

nis comprehendi potest. Idque satis agnouit eodem loco Augustinus. Tractans enim verba illa, *ita persecuti sunt Prophetas*, sic scribit. [Nunc persecutio-
nem generaliter posuit, & in maledictis & in dilaceratione famæ.] Non dissimiliter S. Optatus l. 3. contra Parmen. persecutionem ait esse *bellum Christianorum*, quod videlicet in eos inferitur; temerariumque pronunciat, dicere martyres esse qui nulum tale bellum senserint. Hoc tamen loco, persecutorem restringere necesse est, ad eum qui vexat inferendo mortem: quandoquidem persecutio quæ ad martirium presc dictum exigitur, ea duntaxat est, qua eripitur vita vt statim dicemus.

Necesse est vt mortem inferat, saltem in necessaria eius causa.

4. In martyris persecutore sic spectato, vt martyrem censeatur efficere, duo tantum sunt attendenda: nempe & vt reipsa mortem intulerit, & vt in odium fidei. Iungo hæc duo, quia ni mors reipsa inferatur, quantavis præcesserint tormenta, inferendæ morti inidonea, non censebitur nisi affectum martyrium, ea quam nunc consecramur vocis seueritate retenta, cui antiquus vsus suffragatur. Sic enim Victor Vtic. l. 1. persec. testatur Arinogastem mandato Theodorici filij Gerserici obtruncandum, tandem post multos cruciatus à Iucundo Arriano morti subductum esse, ne martyr haberetur. Eos qui citra mortem sic cruciantur Laurentius Iustinianus serm. de Innocent. vocat *voluntate non actu martyres*. S. Augustinus l. de sancta virgine. c. 45. & lib. de bono coniugii c. 21. ait eos pati *martyrium*

tyrium in habitu animi, nō in ipsa passionis experientia.
 Quod imitatus Primasius l. 3. in Apocal. vocat *martyrium in habitu non in actu*. De ratione enim martyrij in actu & consummati, statuit mortem. Ita etiam passim reliqui. Proptereaque Deipara, quicquid male ē contra statuatur Spinellus in opere de throno Dei cap. 11. n. 2. defectu mortis à persecutore irrogatæ, non fuit formaliter martyr, nec martyrij aureolam est consecuta, vt rectè affirmant Suárez t. 2. 3. p. d. 21. f. 4. Salas 1. 2. tract. 2. d. 8. n. 75. Turrecrēm. in qq. Euang. ad festum Circunc. q. 2. quantum similitudinæ martyr dicatur, ob summos dolores filij causa toleratos. Quod vnum voluit Sophronius hōiil. de Assumpt. Richard. c. suo 26. in Cantica. Catharinus l. 3. de concept. persuas. 7. & quotquot Deiparam appellant martyrem, tamen si non ignorant commentitium esse quod de illata ei in Christi odium nece, refertur apud Isidorum lib. de vīta & obitu Sactorum: occasione, (vt videtur,) accepta, ex prophetia Simeonis, quæ admodum anspicem habet S. Paulinum epist. 43. quæ est 3. ad Augustinum.

5. Si tamen tormenta & ærumnæ ad inferendam de facto mortem naturaliter sufficissent, tantūque diuina manus miraculo hominem exmisset à morte, non deberet cēseri abesse martyrij decor; quandoquidem tūc demum perspicuē proditur, non sterisse per hominem, quominus Christo pro nobis mortem passō, mortem rependeret. Aliud autem est voluntatem in martyrio, aliud martyrij extremum exitum voluntati defuisse, vt S. Cyprianus admonuit epist. 9. & 37. & lib. de mortal. *sub finem*, & lib. de exhortat. martyr. c. 12. Con-

gestis

gestis nonnullis exemplis idipsum confirmat epist.
 58. sic scribens. [Non in tribus pueris minor fuit
 martyrij dignitas , quia morte frustrata de camino
 ignis incolumes exierunt : aut non consummatus
 Daniel exstitit in suis laudibus , quia qui in leoni-
 bus missus fuerat ad prædam , protectus à Domino
 vixit ad gloriam. In confessoribus Christi , dilata
 martyria non meritum confessionis minuunt , sed
 magnalia diuinæ protectionis ostendunt.] Eadem
 exempla adhibuerat Tertullianus c. 8. scorp. sic ex-
 clamans de tribus pueris. [ô martyrium & sine pas-
 sione perfectum. Satis passi , satis exusti sunt , quos
 propterea Deus texit , ne potestatem eius mentiti
 viderentur. Nam & Daniele , nullius præter Dei
 supplicem , & idcirco à Chaldæis delatum ac de-
 postulatum , statim utique conclusa & vñtata feri-
 tas leonum deuorasset , si Darij digna præsumptio
 de Deo falli debuisset.] In eandem sententiam per-
 pulchrè S. Chrysostomus orat. de S. Eustachio te-
 status id à se frequenter iteratum. [Sæpenumerò
 (inquit) dixi vobis , martyrem facere non mortem
 tantum , sed animi quoque propositum. Non enim
 euentu solo , sed etiam voluntate , martyrij corona
 comparatur. Et hanc non ego , sed Paulus affert
 martyrij definitionem , cum ita dicit ; quotidie mor-
 rior. Quomodo quotidie moreris ? Qui fieri potest ,
 vt vno corpore sexcentas mortes excipias ? Propo-
 sito nimirum animi , (inquit ,) quodque ad mor-
 tem sim paratus. Ita Deus etiam declarauit. Etenim
 Abraham non gladium cruentauit , non altare ru-
 befecit , non Isaac iugulauit : sed tamen sacrificium
 perfecit. Quis hoc ait ? Ille ipse qui sacrificium
 suscepit. Non pepereisti enim , (inquit ,) filio tuo
 dilecto

dilecto propter me. Atqui viuum eum recepit, & incolumen reduxit: Quomodo igitur non pepercit? Quod non ex factorum exitu, sed ex animi sententia, (inquit,) de eiusmodi sacrificiis soleam iudicare. Non mactauit manus, at voluntas mactauit; non gladium pueri iugulo immerfit; non ceruicem incidit; sed est sacrificium etiam sine sanguine.] Eadem repetit in Psalm. 95. *sub finem*, & optime in calce homiliæ quid nemo læditur nisi à seipso.

6. Aptissimum est exemplum sancti Ioannis Euangelistæ, ex quo sic in rem præsentem ratiocinatur S. Gregorius lib. 3. dialog. c. 26. [Duo sunt martyrij genera, vnum in occulto, alterum quoque in publico. Nam etsi persecutio desit exterius, martyrij meritum in occulto est, cum virtus ad passionem prompta, flagrat in animo. Quod enim esse possit & sine aperta passione martyrimum, testatur in Euangelio Dominus; qui Zebedæi filiis adhuc præ infirmitate mentis, maiora sessionis loca querentibus, dicit: potestis bibere calicem quem ego bibiturus sum? Cui videlicet cum responderent, possumus; ait vtrisque: calicem quidem meum bibetis; sedere autem ad dexteram meam vel sinistram, non est meum dare vobis. Quid autem calicis nomen, nisi passionis poculum signat? Et cum nimirum constet, quia Iacobus in passione occubuit, Ioannes verò in passione Ecclesiæ quieuit; incunctanter colligitur esse & sine aperta passione martyrimum, quando & ille calicem Domini bibere dictus est, qui ex persecutione mortuus non est.] Præclare quoque in eandem sententiam S. Augustinus serm. 106. de diuers. c. 4. Sanctum Ioan-

nem

nem conferens cum tribus pueris Babylonicis.
 “ [Non quia Ioanni Apostolo passio defuit , ideo
 “ passioni animus præparatus deesse potuit. Non est
 “ passus , sed potuit pati. Præparationem eius Deus
 “ nouerat ; quemadmodum tres pueri arsurî missi
 “ sunt , non victuri. Negabimus eos martyres quia
 “ flamma eos vrere non potuit ? Interroga ignes ,
 “ passi non sunt. Interroga voluntatem , coronati
 “ sunt. Potens est enim Dominus , (dixerunt) eruere
 “ nos de manibus tuis. Sed etsi non : Sûnt ibi certa
 “ pectora , & stabilis fides , ibi virtus inconcussa , ibi
 “ victoria secura : Sed etsi non ; notum tibi sit Rex ,
 “ quoniam statuatî quam statuisti , non adorabimus ?
 “ Aliud Deo placuit. Non arserunt , sed ignem ido-
 “ lolatriæ in animo Regis extinxerunt.] Martyres
 fuere tres sancti pueri , quia etiam si mortui re ipsa
 non sînt in igne , adnota tamen eis est naturalis
 causa mortis. Similiter martyr quoque fuit Ioannes ,
 quamuis non mortuus in persecutione. Sed nimi-
 rum feruentis olei dolium in quod pro Christo im-
 missus est , & medicatus liquor ob Christi fidem
 propinatus , vitam planè erant ereptura S. Aposto-
 lo , ni Deus dilectum suum benignè texisset supra
 naturæ ordinem.

Nec aliter senserim de plerisque quos lethali-
 bus vulneribus non affectos , causis tamen eorum
 certò illatiuis expositos , mera Dei prouidentia in-
 demnes præstitit ; cuiusmodi fuere permulti qui ab
 immixtis in eos feris nullam subiere molestiam : &
 alij quibus medium fornacis factum est in locum
 amænissimum , & quasi vento rotis perflante tem-
 peratum. Similia in actis martyrum crebrò occur-
 runt de quibusuis suppliciis , eo dempto quod gladio
 humana

humana manu vibrato infertur : Deo ea quoque in parte humanæ libertatis iura , volente integra , vt quia gladius etiam si contiguus , ex se non ageret nisi ab homine vibraretur , (contra quàm accideret contiguo igne aut fera) censeatur gladij actio , eademmet quæ liberæ voluntatis , quam Deus cum reuerentia disponens , ne cum suorum quidem vita periclitatur , vult præpedire ; vt philosophatur S. Bonau. in 4. d. 4. artic. 1. q. 3. in corp. præter alias causas quas profert Philippus Beilaymont in parad. puero. parte 3. c. 4. initio , & ante eum Mallonius ad c. 21. Palæoli de sacra sindone , & Detr. 2. Mag. q. 21. initio. Omnes igitur qui admotis naturalibus mortis causis , sunt seruati diuinitus , neque martyrio defuerunt ipsi , neque propriè ipsis defuit martyrium , quamuis mortis consecutio præter naturæ leges diuinitus fuerit impedita.

Ea persecutione seclusa , quantacunque patiendi voluntate posita , nullum martyrium.

7. Cauendum tamen est , ne quod nonnulla paulo ante prolata Patrum verba sonare videntur , censuitque reipsa Martinus de Magistris q. 1. de martyrio conclus. 3. existimemus , nullis applicatis externis causis mortem naturaliter illaturis , solam internam martyrij voluntatem , quatumuis luculentam , posse ad martyrium pressè acceptum sufficere. Id quod etiam multo euidentius est , in eo qui caterò qui à persecutore quietus est.

Fateor meritum posse esse , non dispar in eo qui mortem pro Christo desiderat , & eum cui ipsa infertur , iuxta illud S. Paulini , Natali 3. S. Felicis.

[*Cœlestem nactus sine sanguine martyr honorem.
 Nam confessor obiit, pœnas non spon te lucratus,
 Acceptante Deo fidam pro sanguine mentem;
 Qui cordis taciti scrutator, ferre paratos
 Equiparat passis: sat habens interna probasse,
 Supplicium carnis iusta pietate remitti:
 Martyrium sine caele placet; passura voluntas
 Sufficit, & summa est meriti, testatio voti.*]

Nec plus ferunt illa Laurentij Iustiniani de S. Martino, sermone de eo. [Martyrum exitit confors,
 “ cuius animam etsi gladius persecutoris non abstu-
 “ lit, palmam tamen martyrij non amisit. Quomodo
 “ martyrij gloriam ipsum non habere censendum est,
 “ qui flagrans amore martyrij, pro fidei testificatione
 “ Catholicæ, terrenorum principum nec expauit po-
 “ tentiam, neque hæreticorum sæuitiæ cessit, quin
 “ constanter veritatis propalaret regulam, eorúmque
 “ confutaret errores. Magnum prorsus est hoc marty-
 “ rij genus, vltro se pro Christi honore dare periculis,
 “ quum secedendi etiam sanctis à Domino facultas
 “ tribuatur. Contempsit sanctus hic fugam, malens
 “ glotiosè occumbere, quàm ex passionis metu huma-
 “ niter occultari. Toties igitur martyrij promeruit pal-
 “ mam, quoties se inimicis fidei disputando opposuit.
 “ Perditioni namque illorum compatiens, pietatis
 “ telo transfixus, vnitatis eos conabatur reuocare ad
 “ gremium.] Eadem de S. Martini martyrio legere
 licet apud Seuerum Sulpitiũ epist. 2. ac latè apud S.
 Odonem, tract. quod S. Martinus sit par Apostolis.

8. Hæc quamuis ita sint, sola tamen mortis irro-
 gatio, constituit persecutionem, qua martyr illorum
 fructuum qui ex opere velut operato adiunguntur
 marty.

martyrio , capax efficitur. Nos autem penes eos fructus verum martyrium metimur. Ait quidem Vasques 1. 2. d. 76. n. 12. eum qui mortem pro Christo æquè perfectè desiderat, atque qui is reipsa mortem excipit, tantumdem præmij reportaturum; (dempta aureola quæ soli perpeſſioni mortis rependitur,) ac is qui reipsa affectus est morte , in Christi causa. Tamen quo iure autor prædictus, desiderio quamvis perfectò aureolam negat; eodem nos, alia pretiosiora munera, ei à perpeſſione mortis ſeiuncto, negata volumus; portionem ſcilicet gratiæ, ei-que commenſam gloriam, quæ citra meritum operantis, atque adedò non ſub ratione præmij, ſed in ratione muneris gratuiti tribuitur martyri ob exceptam mortem; quod Vasques ſecutus ſententiam infra improbandam , malè diffitetur. Simile eſt in Eucharistiæ atque Baptiſmi Sacramentis. Nam quia eorum ſuſceptioni, adiuncta eſt gratiæ collatio ex opere operato ſupra diſpoſitionem operantis; idcirco quamvis meritum operantis, ei-que reſpondens gratia , poſſit æquè cerni in eo qui reipsa Sacramentis illis initiatur , & in eo qui tantum desiderat initiari, tamen externa Sacramenti ſuſceptio, aliquid gratiæ infert ſub ratione muneris , quod ſpirituali Sacramentorū illorum ſuſceptioni, ſive eorum ſuſcipiendorum desiderio, non rependeretur. Sola igitur mors, reipsa , vel in cauſis idoneis homini irrogata , martyrem preſſè & propriè efficit , vt rectè cenſuit Maior in 4. d. 49. q. 24. & paſſim alij , malè reclamante Martino , cuius omnia argumenta tantum probant, desiderio illi interno adiungi poſſe par meritum ex opere operantis ; & eiſdem habitus impreſſionem reſpondere poſſe, ac voluntati adiun-

Etiam habenti mortis perpeſſionem, quæ ſunt extra cauſam præſentem.

Quomodo martyres, qui ante admota tormenta, aut in fuga, mortui.

9. Videri poſſet S. Cyprianus in contraria eſſe ſententia, & velle martyrium in ſolo efficaci eius ſubeundi deſiderio poſſe conſiſtere. Sic enim diſſerit epiſto. 37. agens de illis qui nondum admotis tormentis in carcere moriuntur. [Corporibus omnium
 « qui eſſi torti non ſunt in carcere, tamen glorioſo
 « exitu mortis, excedunt, impertiatur & vigilantia, &
 « cura propenſior. Neque enim virtus eorum, aut
 « honor minor eſt, quo minus ipſi quoque inter bea-
 « tos martyres aggregentur. Quod in illis eſt, toleraue-
 « runt quicquid tolerare parati, & prompti fuerunt.
 « Qui ſe tormentis & morti ſub oculis Dei obtulit,
 « paſſus eſt quidquid pati voluit. Non enim ipſe tor-
 « mentis, ſed tormenta ipſi deſuerunt. Qui in me
 « confeſſus fuerit coram hominibus, & ego in illo
 « confitebor coram Patre meo, dicit Dominus. Con-
 « feſſi ſunt. Qui tolerauerit uſque ad finem, hic ſaluus
 « erit; dicit Dominus. Tolerauerunt, & ad finem uſque
 « incorrupta & immaculata virtutum ſuarum merita
 « pertulerunt. Et iterum ſcriptum eſt: eſto fidelis uſ-
 « que ad mortem, & dabo tibi coronam vitæ. Uſque
 « ad mortem fideles, & ſtabiles, & inexpugnabiles
 « perfeuerauerunt. Cum voluntati & confeſſioni no-
 « ſtræ in carcere & vinculis, accedit & moriendi ter-
 « minus, conſummata martyrij gloria eſt.] Videtur
 vt dicebam S. Cyprianus conſumatam martyrij
 gloriam abſque vllis tormentis inſlictis agnoſcere,
 atque

atque adeò admittere aliquos solo martyrij desiderio, constitui martyres: non enim aliud præterea occurrit quod eos possit constituere martyres.

Sed dicendum est constitui martyres per mortem ex ærumnis in carcere toleratis profectam, quamvis absque cruciatibus per tormenta. Quod proportionem extendendum est ad illa eiusdem Cypriani lib. de exhortat. martyr. c. 12. [Nec solos animaduersos & interfectos, diuinæ pollicitationis merent præmia, sed etiam si ipsa passio fidelibus desit, fides tamen integra, atque inuicta persistit, & contemptis ac relictis suis omnibus Christum se sequi Christianus ostenderit, ipse quoque à Christo inter martyras honoratur; pollicente ipso & dicente: nemo est qui relinquat domum, aut agrum, aut parentes, aut fratres, aut uxorem, aut filios, propter regnum Dei, & non recipiat septies tantum in isto tempore, in seculo autem venturo vitam æternam. Item in Apocalypsi hoc idem loquitur: Et vidi, inquit, animas occisorum propter nomen Iesu, & sermonem Dei; & cum primo in loco posuisset occisos, addidit dicens: & quicumque imaginem bestię non adorauerunt, nec acceperunt inscriptionem in fronte, aut in manu sua; quos uniuersos à se in eodem loco simul visos coniungit, & dicit: & vixerunt, & regnauerunt cum Christo. Viue- re omnes dicit, & regnare cum Christo, non tantum qui occisi fuerint, sed & quicumque in fidei suę firmitate, & Dei timore persistentes, imaginem bestię non adorauerint, neque ad funesta eius & sacrilega edicta consenserint.] Quod inquam S. Cyprianus ad istos sine cæde vita sanctos martyrium extendit, si de propriè dicto martyrio accipiat,ur,

exponendum est, ut cadat in eos tantum, qui non quidem impacto gladio, sed tamen ob ærumnas occasione Christi exceptas, emoriuntur.

10. Facilior etiam est enodatio loci in speciem implexi apud Hieronymum lib. 2. in Ioviniam. ad 4.
 “ propositionem, cum ait. [In martyre, voluntas ex
 “ qua ipsa mors nascitur, coronatur.] Hæc enim ver-
 ba, tametsi seorsim sumpta, possent utcumque sonare
 quod nunc reiicimus, vel potius utcumque trahi ad
 repobratum illum sensum; tamen si cum antecedentibus
 & consequentibus quibus apud Hieronymum nexa
 aptaque sunt, accipiantur, sensum faciunt ab eo lon-
 gè diversum. Appendo itaque integram sententiam
 qua respondet illi propositioni Ioviniani superius re-
 citatæ in farragine argumentorum eius pro æquali-
 “ tate meritorum & gratiæ in omnibus iustis. [In per-
 “ secutione qui incenditur, qui suffocatur, qui decol-
 “ latur, qui fugerit, qui in carcere inclusus obierit,
 “ varia quidem luctæ genera, sed una corona victo-
 “ rum est.] Hæc Ioviniani verba sic repellit infra S.
 “ Hieronymus. [Si in persecutione qui suffocatur, &
 “ qui decollatur, & qui fugerit, & qui in carcerem
 “ reclusus obierit, in variis luctæ generibus una co-
 “ rona victoriæ est; & hoc pro nobis facit. In marty-
 “ re enim voluntas, ex qua ipsa mors nascitur, co-
 “ ronatur. Meum est, opponere me gentilium furori,
 “ & Dominum non negare. Iam in illorum arbitrio
 “ est, aut decollare, aut vrere, aut recludere in car-
 “ cerem, aut varia adhibere genera poenarum. Quod
 “ si fugero, & in solitudine obiero, nec eadem erit
 “ corona morientis, quia non eadem causa mortis
 “ est Christus.] Vides, Hieronymi locum nullo modo
 “ incommodare sententiæ à nobis positæ: nec con-
 firmare,

firmare , veritatem martyrij pressè dicti , in nudo desiderio retineri , quod pauca illa verba prout ab aliis diuulsa referebantur , vtcumque sonabant.

Quod verò addebat S. Hieronymus ; fugientem , & in solitudine obeuntem , non esse martyrem , (contra quàm allèruerat Iouinianus ,) quomodo intelligendum sit , liquet ex postremis illis verbis , *quia non eadem causa mortis , est Christus*. Ex quibus apparet , S. Hieronymum , negare coronam martyrij ei qui inter fugiendum persecutores , alia ex causa occubuerit quam quæ persecutionem attingat. Vt puta si ex quo in locum tutum deuenit valens & incolumis , incidat postea in morbum , indeque mors sequatur , quæ certè ad martyrium satis non foret : idque apertè habet Synodica Concilij Africani ad Cornelium , quæ est apud Cyprianum epistola 54. num. 17. At si ob ærumnas , in fuga illa cum persecutione connexa toleratas , aut ob incommoda exilio & fugæ coniuncta , sequeretur mors ; tunc moriendi causa , esset Christus. Nec refragaretur S. Hieronymus , quominus qui ita occuberet , inter martyres numeraretur. Est aperta sententia S. Cypriani episto. 56. verbis illis expensione dignissimis. Vbi cunque in illis diebus vniûsque fratrum fuerit à grege interim necessitate temporis corpore non spiritu separatus , non moueatur ad fugæ illius horrorem , nec recedens & latens deserti loci solitudine terreatur. Solus non est , cui Christus in fuga comes est. Solus non est , qui templum Dei seruans , vbi cunque fuerit , sine Deo non est. Et si fugientem in solitudine ac montibus latro oppresserit , fera inuaserit , fames. aut sitis aut frigus affligerit , vel per maria præci-

"piti nauigatione properantem, tempeſtas, ac pro-
 "cella ſubmerſerit, Spectat militem ſuum Chriſtus
 "vbicunque pugnantem; & perſecutionis cauſa pro
 "nominis ſui honore morienti præmium reddit,
 "quod daturum ſe in perſecutione promiſit. Nec mi-
 "nor eſt martyrij gloria, non publicè & inter mul-
 "tos periſſe, cum pereundi cauſa ſit propter Chri-
 "ſtum perire. Sufficit ad teſtimonium martyris ſui,
 "teſtis ille qui probat martyres, & coronat.] Lucu-
 "lenter quoque S. Athanaſ. in Apol. de fuga ſua
 "poſt prolatum exemplum Apoſtoli & priſcorum in
 "perſecutione fugientium. [Non præ timore ope-
 "ram fugæ præbuit; abſit: quin potius fugam habe-
 "bat pro palæſtra & meditatione aduerſus mortem.
 "Duo hæc pariter obſeruabant, & quidem conſul-
 "tò, ne ſeſe periculis obiicerent, neque cum crimi-
 "ne ignauix quaſi ignaui timidique exilij ærumnas
 "morte grauiores exhorrent. Qui enim moritur,
 "quieſcit à miſeriis, qui autem in fugam ſe dat, cum
 "in horas inimicorum adortus expectet, mortem
 "longè leuiorem quàm fugam exiſtimat. Quapro-
 "pter qui in fuga moritur, non inglorius mori-
 "tur, nam & hi quoque adorem martyrij conſe-
 "quuntur.]

*Mors à perſecutore, inferenda in fidei odium,
 & quid illud.*

II. Alterum quod in perſecutore attenden-
 dum dicebam, eſt, vt mortem martyri inferat in
 fidei odium: quo nomine intelligitur inprimis di-
 recta & immediata fidei infectatio ad extorquen-
 dam à fidelibus veræ fidei negationem, aut diuinæ
 legis

legis violationem ; iuxta illud Optati lib. 3. [Nulli „ dictum est , nega D E V M ; nulli dictum est incen- „ de Testamentum ; nulli dictum est aut thus pone , „ aut basilicas dirue. Istæ enim res , solent martyria „ generare.] Similitérque Hippolitus orat. de con- „ summat. mundi , tractans quodnam futurum sit si- „ gillum illud aut character Antichristi, de quo Apo- „ cal. 13. sic scribit. [Dicimus fortassè scripturam „ illius sigilli esse , *ἀπὸ τοῦ νεκροῦ* , id est nego. Nam antea „ quoque hostis ille nobis aduersarius opera mini- „ strorum suorum , hoc est , idololatrarum , Christi „ martyres hortantium ; negato aiebat, Deum tuum „ crucifixum. Tale erit tempore illius honestatis om- „ nis oforis, sigillum, dicens. Nego creatorem cœli ; „ & terræ , nego baptisma , nego adorationem à me „ Deo præstari solitam : Tibi adhæresco, in te credo.] „ Præterea nomine *odij fidei* , intelligitur infectatio alicuius ob opus ex Christi doctrina necessarium. Qua ratione S. Thomas Cantuariensis habetur martyr , quamvis cæsus pro sola tuitione iurium Ecclesiæ , ad quam ex munere Episcopi astringeba- tur. Quod cum tempore cædis patrata non cense- retur ad martyrium sufficere, & Clerici Missam pro defuncto canere aggressi essent , cohibiti sunt ab obstrepentibus beatorum spirituum choris , qui missam de vno martyre cuius est initium *latabitur iustus*, &c. occinuerunt , vt refert Turrecr. in qq. Euang. ad eius festum. Denique nomine *odij fidei*, intelligitur quoque infectatio ob exercitium operis ex se boni , & aliquo tandem modo , ad fidem si- ue propagandam , siue tuendam , siue illustrandam tendentis , lege autem humana iniqua prohibiti. Qua ratione Apostoli, percussi quod non paruissent

legi qua vetabantur in Christi nomine docere, ibant gaudentes quoniam digni habiti essent pro nomine I E S V contumeliam pati: Et tamen, non fuerant verberibus multati, nisi quia transgressi erant Pontificum præceptum, quo vulsi fuerant ne docerent in Christi nomine, ut habetur Acto. 4. & 5. Cum igitur Apostoli intellexerint, se eam ob causam cæcos, verè nihilominus cæcos esse pro Christi nomine, haud dubiè etiam intellexerunt si castigatio illa ad mortem vsque inferendam pertigisset, veri martyrij decore carituram non fuisse. Enim verò supponimus legem humanam de qua agitur, iniquam esse: Vnde cruciatus irrogatus violanti legem, & mors ad cruciatum consequens, non est verè pœna illius: quia pœna supponit culpam, quæ legis iniquæ violatione non admittitur. Est igitur vexatio, non ob violatam legem, sed ob seruatam, aut propagatam, vel illustratam religionem ac fidem, qui est apertissimè idoneus ad verum martyrium titulus. Et verissimum quidem est, plerunque abstineri absque culpa posse, exercitatione operum, huiusmodi lege vetitorum, siue quia non cadunt sub aliquod Dei aut Ecclesiæ præceptum; siue quia vigor legis affirmatiuæ ex qua mandantur, molliori ac remitti solet in necessitate graui & imminetibus non vulgaribus periculis. Si tamen quis prudenter iudicet, opus illud (voluntariæ licet pietatis,) ad Dei gloriam & fidei decus, vel augmentum, aut tutelam conferens, à se honestè vsurpandum, non obstante iniqua lege, & illi exercendo incumbens occidatur, profectò cum non occidatur ut malefactor, sed ut Christianus, est quod glorificet D E V M in isto nomine, nec dubitetur esse ve-

rè martyr, qui sic confitens Christum, & pro Christi causa, est obtruncatus.

*Quotquot in Ecclesia habiti martyres, ex eo
fidei odio cæsi.*

12. Nisi igitur persecutor aliquo ex propositis Christi aut fidei odiis ad inferendam martyri mortem agatur, poterit quidem mors illata ad meriti & virtutis segetem pertinere, non tamen sufficiet ad martyrium. Falsusque est aut fallere voluit Ethnicus scriptor Ammianus Marcellinus lib. 27. cum dixit, apud Christianos, quosuis quacunque ex causa iniuste necatos, martyrum loco habitos quod Dioclis cuiusdam & Diodori, confictis aut aliò ob tortis exemplis, confirmat. Sed perperam. Nam Ecclesiæ sensus, contrarium semper tulit. Et ita ex parte significatum est vulgari illo effato, *Martyrem non facit pœna, sed causa*, quod ex S. Cypriano laudat S. Gregorius l. 2. episto. 36. ex datis indiçt. 10. Quatenus enim illud quasi effatum spectat ad inimicum, & ultorem; ad eum inquam, à quo testi Christi, mors impendit, attendere monet qua ex causa persecutor mortem inferre fixum habuerit. Et nisi ex ea quam dixi causa odij fidei, impulsus sit ad cædem, frustra cædes decorabitur martyrij nomine, quamvis possit ad magnum innocentis eam patienter excipientis, meritum pertinere. Sic S. Eduardus nouerçæ artibus cæsus, ut est apud Surium 18. Martij, quia non est trucidatus ob fidem, sed ut regnum alteri obtingeret, non habetur martyr, quicquid Angli quandoque senserint. Idem diserte quoad mortem per Vandalos non ex Christi fideive odio,

odio, sed ex sæuitia & rapacitate, fidelibus irrogatam, censuit Afer quidam Episcopus, vt refert, & quoad hoc approbat D. Augustinus epistola 180. *sub insinuum*. Eadēque ex causa, Lanfrancus de S. Elphegi Cantuarenfis Episcopi vero martyrio dubitauit, quod tantum cæsus diceretur, quia non uisisset appenso ingenti litro vitam redimere. Hoc enim ad verum martyrium non sufficere, rectè censebat Lanfrancus, vt refert Edinerus l.i. vitæ S. Anselmi *sub finem*. Qui addit, idoneam martyrij causam in S. Elphego fuisse, quod cæsus esset, quia pastoralis sollicitudine oues suas contutans, paganos ab Ecclesiæ violatione & multis sceleribus prohibere, eosque ad Christum adducere conatus esset. Optimè item nodum propositum expediuit consultus à Lantfranco S. Anselmus, vt refert Edinerus. Dixit enim idcirco verè martyrem haberi debere S. Elphegum, quia pro iustitia occubuit, quatenus idcirco negauit immoderatum illud litrum, ne ditandis latronibus, suos degluberet. At si occisus fuisset, tantum ne aurum perderet, iustissima fuisset Lantfranci dubitatio, planèque dicendum fuisset, S. Elphegum non fuisse martyrem, quamuis potuisset iniqua esse cædes eius, & homini innoxio irrogata. Interdum quidem verum martyrium censetur, mors à fidei hoste illata, dum Christianos vrgens ad redemptionem, videtur sibi non satis optimam prædam nancisci, expostulātque fraudari se absconditis opibus, quibus abundare fideles arbitratur. Tamen in eo euentu, postrema sæuitiæ radix, est odium fidei: Hostis enim ille, concitatus est in Christianos odio fidei. Tum illectus spe lucri, obtulit redemptionem: quam non nactus satis pinguem,

pinguem , & qualem expectatione deuorarat , cohibita eo veluti fræno sæuitiæ , habenas laxat , sinitque eam ex primo illo motiuo ex quo concitata erat effundi. Atque ita qui sic cæduntur , meritò inter martyres numerantur, cuiusmodi fuere pluri-
mi in Africa sub Vandalis; in quibus [dimicasse contra innocentiam , cupiditatem furoris , & auaritiam crudelitatis , vt & animas perderet & substantiam harpagaret ;] scribit Victor Vticensis lib. 3. extremo , obiter : plenè autem lib. 1. in ipso ferè principio , referens [præclaros pleròsque Pontifices , & nobiles Sacerdotes , diuersis pœnarum generibus extinctos esse , vt traderent si quid auri vel argenti proprium vel Ecclesiasticum haberent. Et dum hæc quæ erant , vrgentibus pœnis facilius proderentur , iterum crudelibus tormentis oblatores vrgebant , autumantes quandam partem non totum esse oblatum ; & quanto plus dabant , tanto amplius quenpiam habere credebant ; aliis palorum vectibus ora referantes , foetidum coenum ob confessionem pecuniæ faucibus ingerebant , non nullos in frontibus & tibiis neruis remugientibus torquendo cruciabant ; plerisque aquam marinam , aliis acetum , amurcam , liquamenque , & alia multa atque crudelia , tanquam vtribus imbutis ori impositis , sine misericordia porrigebant.] Horreo vel legere , quæ in omnem sexum & ætatem , ab iisdem corporatis dæmonibus immanissimè admissa , ex proposita causa , refert consequenter Victor. Nam & capulares senes , scedè præcipitados in mortem , & minusculam ætatem solo illisam , vel pedibus acceptam , ab ano ad caput vsque discerptam , scribit. In quibus omnibus , veritas marty-

rj.

rij, quæ nutaret si in cupiditate corradendi multam pecuniam sifteretur, ea quam proposui ratione, commodè defenditur.

13. Potrò quia fides, non tantum cognoscens est, sed etiam operans, idcirco propter fidem quoque, & in eius odium cæsi censentur, qui ob alias virtutes mordicè retentas cultasue trucidantur, dummodò in virtutes illas ferantur ut fide propositas. Sic sanctæ pleræque virgines, quæ ob amorem castitatis diuinitus commendatæ, tormentis subiectæ & vita spoliatae sunt, iure habentur martyres. Similiter Ioannes Baptista cuius caput in salticæ lucar cessit, quia adulteros & incestos arguebat, [capite truncatus est, (ait S. Gregorius ad 6. Augustini interrogat.) & sancto martyrio coronatus: Cui non est dictum ut Christum negaret, nec est pro Christi confessione occisus, sed quia idem Dominus noster I E S V S C H R I S T V S dixerat, ego sum veritas, quia pro veritate occisus est Ioannes, pro Christo sanguinem fudit.] Eodem reuoluitur, quod aiebam, fidem non modò esse cognoscentem, sed etiam operantem, præluendo aliis virtutibus ut exerantur, sustollanturque ad ordinem supernaturalem. Quia enim dictamen illud practicum, præluens operationi virtutis moralis, est actus fidei, meritò quisquis ob exercitium actus fide dictati, morte multatur, propter fidem cæsus habetur. Et ita rectè in hac re philosophatur Petrus Bergomus in concord. dictorum D. Thomæ dub. 846. colligiturque ex D. Thomæ 2.2.q.124.art.5.in corp. & in 4.d.49.q.5.art.3. quæstiunc. 2. circa 9. 11. & 12. ac in c.8. epist. ad Rom. lect.7.

*Quæsti à persecutore alij pretextus, nihil
martyrio derogant.*

14. Quocunque autem ex prædictis modis persecutor sauiat, hoc est, siue causa persequendi & furendi sit odium fidei in seipsa, siue odium exercitij virtutis per fidem dictatæ, non est curandum quod causa ex qua persecutor mortem infert, subdolè ab eo tegatur, & alia falsa obtendatur. Inde enim nihil apud Deum decedit veritati martyrij. Quo in genere hallucinati turpiter sunt plerique Tyranni, qui siue ad declinandam crudelitatis notam, siue ad emolliendos Christianorum animos, obscurato martyrij splendore à quo putabant eos maximè impelli ad subeundam tam alacriter mortem, reuera in fidei odium vexantes plebem Christi, ficta tamen crimina conquirebant, quibus eam onerarent, idque studiose annitebantur ut persuaderent, propositum sibi non esse martyres facere, vel in fidei & Christi causa, cuiquam negotium facessere: Sed aliorum criminum insimulatos sanctos Dei, insectabantur & morte afficiebant. Ita fecisse Arrianos, scribit S. Hilarius l. contra Constantium Augustum, sic eum compellans. [Vere-
rum turbator es, profanus nouorum es. Omnia
sæuissima, sine inuidia gloriosarum mortuum per-
agis. Nouo inauditóque ingenij triumpho, de dia-
bolo vincis, & sine martyrio persequeris. Plus cru-
delitati vestræ Nero, Deci, Maximiane debemus;
Diabolum enim per vos vicimus. Sanctus vbique
beatorum martyrum sanguis exceptus est, dum
in his dæmones mugiunt, dum agritudines depel-
luntur,

« luntur, dum admirationum opera cernuntur, ele-
 « uari sine laqueis corpora, & suspensis pede fœmi-
 « nis vestes non defluere in faciem, vri sine ignibus
 « spiritus, confiteri sine interrogantis incremento fi-
 « dei. At tu omnium crudelitate crudelissime, damno
 « maiore in nos, & venia minore defœuis, subrepis
 « nomine blandienti, occidis specie religionis, im-
 « pietatem peragis, Christi fidem Christi mendax
 « prædicatot extinguis.] *Et mox.* Scelstissime morta-
 « lium, omnia persecutionis mala, ita temperas, vt
 « excludas & in peccato veniam, & in confessione
 « martyrium.] Eundem Constantium Augustum, sic
 « compellat Lucifer Calarit. l. quod morien. sit pro
 « Dei filio. [Nouimus quod sis metuens ne in omni-
 « bus his pœnis tua detestabilitate inuentis, in hac
 « perseuerantia fidei moriamur; & tamen admoues
 « varios durôsque cruciatus: Sic nos quos tam infestè
 « persequeris, variè excarnificari cupis, & quidem
 « momentis omnibus; interficiendos verò non esse,
 « statuisti. Tanquam mors tantùmmodò, beatos mi-
 « lites Christi faciat, ac non etiam tormenta, quan-
 « to fuerint grauiora; tanto maiorem virtutis glo-
 « riam pariant.]

15. Proximus Constantio, patrueilis eius Iu-
 lianus Apostata, eadem calliditate Ecclesiam im-
 petiit. Sic enim de eo scribit Nazianzenus orat. 3.
 « quæ est in Iulia. 1. [Cum iam quod parturiebat,
 « continere non posset, persecutióque erumperet,
 « quiddam animaduertere cæpit, sapienti in vitio,
 « atque in impietate excellenti viro dignum: aut cer-
 « tè ab iis, qui ipsum ad eam acuebant, ac velut inun-
 « gebant edoctus est. Sic enim secum reputauit, &
 « bellum apertè susciperet, sêque impietatis ducem
 « profite

profiteretur, præterquàm quòd id nimis temera-
 rium atque imperitum futurum esset, huic insuper
 scopo, ad quem collimabat, omnino contrarium
 fore. Nos enim, si vis inferetur, acriori conten-
 tione in victoriam incubituros, ac tyrannidi obni-
 xum pietatis tuendæ studium obiecturos cogitavit.
 Solent enim fortes, & generosi animi, ei qui vim
 afferre parat, contumaciter obistere, non secus
 ac flamma, quæ à vento excitatur, quò amplius
 perflatur, eò vehementius accenditur. Idque non
 cogitatione solùm reperiēbat, sed ex pristinis quo-
 que persecutionibus cognoscere poterat, quæ
 Christianam religionem potiùs illustrant, quàm
 debilitant; anīpas nimirum ad pietatem robo-
 rantes, ac periculis, vt aqua calens, ferrum obdu-
 rantes. At si calidè & artificiosè bellum gereret, ac
 vim persuasionē, verborūque blanditiis illine-
 ret, aut tyrannidi clementiam, tanquam hamo
 escam, circumponeret, ita demùm non solùm
 prudentem, sed validam quoque sibi concertatio-
 nem fore. Etenim, vt alia, ita eum quoque, quo
 martyres affici solent, honorem athletis inuide-
 bat; ac proinde id molitur, vt ipse quidem, & vim
 afferat, & interim afferre non videatur: Nos con-
 trà, & supplicia perferamus, & eo interim hono-
 re, qui pro Christi nomine patientibus haberi so-
 let, careamus.]

Iisdem postea vestigiis institisse Valentem, do-
 cent illa eiusdem Nazianzeni orat. 32. n. 15. [Chri-
 sti nomen ferens (Valens) Pseudochristus erat,
 Christianisq; probrum ac dedecus, quibus & fa-
 cere impium, & pati inglorium erat: quod ne in-
 iuriam quidem accipere viderentur, nec illustre

« martyrij nomen cruciatibus accederet , verùm hic
 « quoque fucus veritati fieret , vt qui tanquam Chri-
 « stiani patiebantur , tanquam impij cruciatu affice-
 « rentur,] Idem cauillè Hunericum Vandalum , au-
 tor est Victor Vtic. l. 3. scribens, eum sanctos com-
 plures Episcopos vexauisse eo prætextu quod per-
 duelles essent, recusato iuramento in speciem poli-
 tico , quod præscribebat. Sed vt pateret esse præ-
 textum merum, verèque illum fidei odio agi, non-
 nullos qui iuramentum illud præstiterant , æquè
 vexauit , causatus non fuisse illis iurandum, prohi-
 bente id Euangelio. De nuperis in Anglia fidei
 persecutoribus , multa similia leguntur apud San-
 derum l. 2. & 3. de Schism. Anglic. Qui rectè de-
 monstrat aliorum criminum obtendicula , ab hæ-
 reticis prætenfa persecutioni ac cædi Catholicor-
 um, nihil obscurare eorum martyrij gloriam apud
 Deum , qui pectorum latebras peruadit , & perse-
 cutionis veram causam habet perspectam. Merito-
 que Nazianzenus orat. illa 3. singularis stultitiæ
 damnat veteratorem illam alterius causæ obdu-
 ctionem, ex inuidia gloriæ martyrum : quos reipsa
 & Deo conscio ob fidei odium cæsos , afficta per
 calumniam scelera quæ neci prætendebantur , è
 martyrum albo non expungebant : quia ad marty-
 rium satis superque est , vt homo reipsa à persecu-
 tore vexetur & morte mulctetur propter fidem.
 « [Sufficit enim ad testimonium martyris sui , testis
 « ille qui probat martyras & coronat,] ait S. Cypria-
 nus epist. 56.

*Prisci quoque cæsi in odium fidei, &
verè martyres.*

16. Quia verò nostra & antiquorum fides est una & eadem, tantùm explicatiùs vel subobscuriùs proposita, omnesque antiqui in Christum autorem & consummatorem fidei aliqua tandem ratione collimarunt credendo, ut 2.2. fuse exponitur: propterea antiqui, in veræ fidei, & vigentis tunc religionis odium perempti, aut ob reprehensa Tyrannorum in Deum scelera letho dati, inter martyres sunt numerandi. Quinetiam, cæti in odium Christianæ fidei dici possunt. Frequens enim est apud Patres, ut omnes fideles, etiam qui ante Christum vixerunt, accenseantur Christianis, & eorum fides ac religio Christiana nominetur, quia ut latè prosequitur Medina s. paræn. c. 14. in Typis & umbris id ipsum credebant, quod nos distinctè & explicite. Explicatissimè ita tradit S. Augustinus serm. 109. de diuers. occasione SS. Machabæorum. [Nec quisquam (inquit) arbitretur antequam esset Christianus, nullum fuisse populum Deo. Imo verò ut sic loquar quemadmodum se veritas habet, non nominum consuetudo, Christianus etiam ille tunc populus fuit.] Et mox. [Hoc ergo inprimis commendandum est charitati vestræ ne cum illos martyres admiramini, putetis non fuisse Christianos. Christiani fuerunt: sed nomen Christianorum, postea diuulgatum est, factis antecesserunt. &c. Non confitebantur illi aperte Christum, quia adhuc velabatur Christi mysterium. Testamentum enim vetus, velatio est noui, & testamentum nouum reuelatio est veteris Testamenti.]

menti] Denique infra c. 5. componens priscos martyres cum martyribus nouæ legis.] Mortui sunt isti
 « pro Christo in Euangelio reuelato ; mortui sunt illi
 « pro Christi nomine in lege relato. Christus habet
 « utrosque ; Christus pugnantes adiuuit utrosque ;
 « Christus coronauit. Utrosque Christus habet in
 « ministerio suo, tanquàm quidam potentissimus, in-
 « cedens cum agmine obsequentium, aliis præceden-
 « tibus, aliis sequentibus. Ipsum ergo potiùs intueri in
 « carnis vehiculo præidentem. Et qui præcedunt, illi
 « obsequuntur ; & qui sequuntur, illi deuoti sunt. Nam
 « ut noueris quia pro lege Moyfi morientes , pro
 « Christo sunt mortui, audi ipsum Christum ; si cre-
 « deretis (inquit,) Moyfi , crederetis & mihi : De me
 « enim ille scripsit. Si de Christo Moyfes scripsit , qui
 « pro lege Moyfi veraciter mortuus est , pro Christo
 « animam posuit. De me (inquit) ille scripsit. Cui serui-
 « erunt linguæ confitendo , ei seruiuit calamus vera
 « scribentis.] Vides quorsum Augustinus in superio-
 ribus dixerit martyres veteris Testamenti confessos
 esse in occulto Christum , quem nostri in manifesto
 confessi sunt. Sicut enim nos Iudæi in abscondito
 sumus, iuxta Apostolum Rom. 2. Israëlitaæ autem in
 manifesto, Iudæi erant: ita viceuersa , antiqui , erant
 Christiani in abscondito , & Iudæi in manifesto.
 Concinnè id expressit Rupertus l. 1. in Genes. c. 33.
 cum dixit antiquos priusquam baptismo per
 Christi crucem administrato eluerentur , fuisse tan-
 tum Catechumenos Christianos , & idcirco ad san-
 ctorum contuitionem non fuisse admissos , sed non
 nisi obductorum oppasso velamine mysteriorum,
 fuisse participes. Quare prisci Dei testes , qui pro
 veritatibus diuinis per Mosem propositis cecide-
 runt,

runt, videri etiam ipsi possunt cæsi vt Christiani, & in odium fidei nostræ. Et quicquid de hoc loquendi modo statuamus, ratum esse debet, plerisque fuisse, Christo anteriores veras martyres. Apertè ita docet S. Methodius ex quo verba illa refert S. Epiphan. hæc. 64. [Duo sunt chori martyrum qui pulchras victorias tulerunt: vnus Testamenti noui, alter veteris; qui resonantem hymnum concinnè ad propugnatorem Deum & vniuersorum Regem transmittunt; Probasti nos DEVS, igne examinasti nos, velut igne probatur argentum.] Et est quidem numerus martyrum anterioris testamenti definitus, cum nostri præ illis videri possint omnem numerum superare, vt ait S. Cyprianus l. de exhortat. marty. c. 11. in fine, tamen inde nullatenus oblæditur priscorum illorum martyrium. Quod item S. Basiliius homil. in Psal. 115. ait corpus cæsi olim pro ritu Iudaico fuisse abominationi, non derogat verò hominis sic cæsi martyrio, sed ruditatem illius legis ostendit. Et idem est de iustis anterioribus pro Deo trucidatis.

17. Sanè Abel iustus, à plerisque Patribus discretè agnoscitur martyr. [Initemur (ait S. Cyprianus epist. 56) Abel iustum, qui iniciavit martyria, dum propter iustitiam, primus occiditur.] Rursusque l. de orat. Domin. Abelem vocat *primum martyrem*. Tandem lib. de patien. [Abel originem martyrij & passionem iusti hominis, initians primus & dedicans.] Idem sonant illa Prosperi l. de prædict. p. 1. c. 6. post descriptam Abelis cædem. [Præclara hinc fulsere martyra, dum iusti occiduntur ab impijs] Consentiunt Auctor mirabilium sacræ script. l. 1. c. 3. Tyrannis in c. 4. Genes. Robertus de liteo concio. de S. Stephano c. 3. Fernandus in c. 4. Genes.

sect. 8. n. 7. critique planè res extra dubium, si admittamus quod admodum verisimiliter habet Thargum Hierosolymitanum; de cæso per Cainum Abele, quia neganti Caino diuinam prouidentiam, & animæ immortalitatem, obstitit Abel, utramque professus. Machabæorum item martyrium, à grauissimis Patribus celebratum est, ut propterea malè de verò eorum martyrio subdubitarit Alanus Copus Dialo. 6. c. 13. Martyres enim fuisse Machabæos, agnoscunt Nazianzenus orat. de Machab. S. Cypr. l. de exhortat. mart. c. 11. Ambros. 1. offic. c. 41. Augustinus l. 1. contra Gaudent. c. 31. alijque SS. horum fratrum præcones, quos Baro. in notis ad Martyr. Rom. 1. Aug. & Henriq. l. 2. c. 36. n. 1. appendunt. In Græcorum Horologio vocantur, *Sapientie Dei columnæ septuaginta, & diuina lucis septiluminaria lampades, pro martyrum maximi martyres.*

Annuerari item priscis martyribus posset S. Ioannes Baptista: quem quod Petrus Damiani serm. 3. de eo, in fine, ait fuisse primum martyrem, interpretor de primo martyre aliquatenus ad nouum Testamentum spectante. Fuit enim Ioannes, velut in crepusculo legis nouæ. Et quanquam absolute dici possit pertinere ad vetus Testamentum, tamen utcunque etiam attingit nouum; sed itque inter medios terminos, tanquam vtriusque testamenti mediator, ut loquitur Nazianzenus orat. 21. & 32. ac velut legis & gratiæ fibula, iuxta Chrysologum serm. 91. Itaque fuit in aliquo sensu Ioannes Baptista, primus noui testamenti martyr: ea propè ratione qua à S. Cyrillo Hierosol. catech. 10. dictus est noui testamenti Archidux. Quamuis appellatio pro-

rom. martyris, absolute tribuatur S. Stephano, quia primus fuit qui constituta perfecte per Christum lege noua, subiit martyrium, & primus, explicitè propter Christum passus est. Id enim nulli ante Stephanum, ac ne Ioanni quidem, concessum fuisse, obseruat S. Augustinus in Psal. 140. ad illud, *singulariter sum ego, donec transeam*: obseruans id à Deo ex speciali prouidentia fuisse prouisum, eo quod non deceret ullum esse qui in gloria martyrij pro Christo, ipsi Christo præcurreret. Quæ ratio demonstrat, S. Augustinum, quoad causam necis Zachariæ patris D. Ioannis Baptistæ, non astipulari Græcis plerisque PP. quos magno numero profert & sequitur. Delrio in caput 2. Threnorum ad v. 20. sed vel subscribere D. Hieronimo, qui Zachariam patrem Ioannis, longè alium statuit à Zacharia cælo inter templum & altare: vel dato quod si is ipse Zacharias, alia ex causâ trucidatum sensisset, quàm quia Deiparam, virginum loco mouendam negaret, iam matrem; & natum ex ea puerum, esse Dei verbum, carne indutum contestaretur: quam fuisse causam occisi Zachariæ, patris Baptistæ, Graeci prædicti contendunt.

Martyrem non facit pœna, sed causa.

18. Præscorum igitur quorumuis, atque nostrorum, par quoad rem præsentem, ratio fuit; & in vtrisque illud tantum attendi oportuit, vt persecutionem propter fidem, opusve virtutis à fide dictatum sustinerent. Nam cum eandem persecutionem inferre possit, Tyrannus fidei insecutor, & iudex iustus, restat vt sola causa ex qua alteruter ad

persequendum mouetur, factum discriminet, & vexatum constituat martyrem: iuxta illud, *Martyrem non facit poena sed causa*. Quod etiam ex D. Cypriano ac Gregorio supra laudauimus: habeturque etiam apud S. Chrysostomum homil. 56. in Matth. circa illud, *sollat crucem suam, & sequatur me*. Sibi enim obiiciens quo pacto posset quis crucem tollere, nisi Christum sequeretur, respondet id verò fieri posse, [si nihil videlicet propter ipsum pateretur. Quippe latrones, sepulchrorum violatores, demonum inuocatores, multa plerumque talia patiuntur. Ne igitur credas ipsius passionis naturam per se sufficere, causam eius subiecit. Quam ipsam? Vt quæ dicta sunt, vniuersa faciens atque patiens, ipsum sequaris: ut scilicet propter ipsum omnia sustineas, utque omnem virtutis numerum habeas.]

19. Frequenter idem tradit Augustinus, sed explicatissime in Psal. 34. ad illud. *Dominus meus in causam meam*. Quæ verba sic glossat. [Non in poenam, sed in causam meam, non in id quod mecum habet latro commune, sed in illud quod beati qui persecutionem patiuntur propter iustitiam. Hæc enim causa discreta est, nam poena similis est bonis & malis. Itaque martyres non facit poena, sed causa. Nam si poena martyres faceret, omnia metalla martyribus plena essent, omnes catenæ martyres traherent, omnes qui gladio feriuntur, coronarentur. Ergo discernatur causa. Nemo dicat, quia patior iustus sum, quia ipse qui primò passus est, ideò magnam exceptionem addidit. Beati qui persecutionem patiuntur propter iustitiam. Nam multi habentes bonam causam, faciunt persecutionem, &

habentes

habentes malam causam patiuntur persecutionem. Si enim persecutio non posset fieri bene, non diceretur in psalmo, detrahentem proximo suo occulte, hunc persequabar. Deinde fratres, pater bonus, & iustus, nonne persequitur filium luxuriosum? Persequitur vitia eius, non ipsum, non quod genuit, sed quod ille addidit. Medicus nempe qui ad salutem adhibetur, nonne ferro plerumque armatur? Sed contra vulnus, non contra hominem. Secat ut sanet, & tamen cum secat ægrotum, dolet ille, clamat, resistit, & si fortè febrè mentem perdiderit, etiam medicum cadit, nec tamen ille desistit, à salute ægrotantis. Quod novit, facit. Illum male dicentem & conuiciantem, non curat. Nonne excitantur cuncti lethargici ne somno graui premantur in mortem? Et hoc patiuntur à filiis suis, quos charissimos genuerunt. Et non est charus filius, nisi fuerit dormienti patri molestus. Lethargici excitantur, phrenetici ligantur, sed tamen utrique amantur. Nemo ergo dicat, persecutionem patior: non ventilet poenam, sed probet causam: ne si causam non probauerit, numeretur cum iniquis. Ideò quàm vigilanter, quàm optimè hic commendauit, domine intende iudicio meo, non poenis meis. Deus meus, & Dominus meus in causam meam.] Similia iterat serm. 50. de sanctis, & epist. 50. vbi trahit huc illud Psalmi, *Judica me DEVS & discerne causam meam.*

20. Et hanc ob causam, ridiculi & detestandi merito visi sunt Montanistæ, qui cum ob grauissima scelera neci traderentur, iactabant tamen se inde effici martyres; quod in Alexandro quodam ex ea sæce latè reprehendit Apollinæris Hierapolit. apud Eusebium 5. histor. c. 17. Similiter Patroclus Arela-

tenſis Eccleſiæ occupator, in ſcelerum pœnam iuſſione Felicis magiſtri militum interfectus, non martyr, (vt eum aliqui perperam aliquando nominarunt,) ſed miſer maſtigia habitus eſt, vt refert Card. Baronius anno 426. De hæreticis, hæreſeos titulo, aut etiam ob veritatem aliquam cæſis, ſintné martyres, dicam inſta ſuo loco.

Nec plura de perſecutore & illata per eum perſecutione quæ æquè ad eum intelligenda eſt exporrigi, qui per errorem inuincibilem arbitraretur obſequium ſe præſtare Deo morſem inferendo alicui in odium fidei quam non agnoſceret eſſe fidem Chriſti. Vt ſi aliquis probè conſcius aliquam veritatem inter fidei placita eſſe numerandam, conſtanter eam aſſereret, vel dammare detrectaret, omnino martyr eſſet ſi eam ob cauſam cæderetur & morte afficeretur, ab eo qui noller ſibi perſuadere id ad fidem ſpectare, nec peccaret in ea perſuaſione ob ignorantiam qua inculpabiliter laboraret. De vſ enim in decernenda homini ſic cæſo martyrij gloria, haberet rationem motiui ob quod pateretur : & eius quod per ſe & ex natura rei faceret perſecutor, tantum per accidens à peccato excuſatus.

C A P V T II.

*De paſſo, altera in vulgari martyrio perſona;
Ac primùm de infante.*

I. **A** Teſtatio, per mortem Deo aliquid reuelanti exhibita, cerni poteſt in duplici hominum genere; paruulis inquam & adultis: Quare de vtriſque ſeorſim agendum eſt, initio ducto à paruulis,

paruulis, quorum martyrium minoris est impendit, potestque facilius consummari, ut ex dicendis planum fiet.

Ponitur ut certum, aetatem nondum sui arbitram, esse veri martyrij capacem.

Minusculam ergo aetatem quæ rationis usu nondum potitur, veri ac pressè accepti martyrij capacem esse, referunt ab Armacano negatum l. 8. de qq. Armeno. c. 37. *in fine*, & ab Adriano in 4. q. ult. de Baptismo. Verum Adrianus simpliciter subscripsit Armacano. Hic autem non negavit paruulos posse esse verè martyres; sed tantum dixit, si in scripturis sistamus, nihil proferri quod adigat ad verum paruulorum martyrium agnoscendum. Quod non est reuera negare martyrium paruulorum, cum pleræque sint apud Catholicos rata, de quibus nihil ex Scripturis habetur. Quicquid autem senserint Armacanus & Adrianus, certum esse debet, mortem paruulis ante rationis usum in odium fidei illatam, esse formaliter ac pressè martyrium, potiri que prærogatiuis illis quas postea vero martyrio assignabimus; hoc est gratiæ collatione quasi ex opere operato, & accidentali gloriæ præmio, quod aureolam appellant. Hæc sententia firmissimè euincitur ex sensu Ecclesiæ de infantibus ab Herode in Christi odium caesis. Eos enim, Ecclesia veritatis columna, iam olim ut martyres veneratur, eosque titulo martyrij verè ac simpliciter dicti, iam ab Apostolorum aetate celebrat. Patres quoque passim, nomen & decus veri martyrij in illis agnoscunt; & absolutè nominant martyres,

martyres, siue interpretantes secundum caput Matthæi, siue in homiliis de Epiphania, aut Innocentium eade, Herodisque in Christum rabie. Nolo in protritit quibusdam locis tametsi optimis hæere. Eiusmodi est locus Origenis homil. 4. in diuer. & Autoris libri de oper. Christi Cardin. serm. de Stella & Magis. Item Augustini epist. 28. & serm. 8. de Sanctis & l. 3. de lib. arbit. c. 23. ac etiam S. Leonis serm. 1. & 2. de Epiphan.

Verum infantium Bethleemithicorum martyrium, firmatur ex Patribus.

2. Prætermiſſis his Patrum locis quæ passim proſtant apud alios huius argumenti tractatores, produco alia quædam minùs obuia, in quibus Sanctorum Innocentium verum martyrium agnoſcitur. Agmen ducat S. Eucher. homil. 1. de Epiph. cuius illa sunt, quæ Augustino malè sunt adſcripta ſer. 9. de Sanctis. [Occiduntur pro Christo paruuli; pro iuſtitia moritur innocentia. Quàm beata ætas? Necdum Christum poteſt eloqui, & iam pro Christo meretur interfici: Nondum opportuna vulnere, & iam idonea paſſioni. Quàm ſœliciter nati quibus in primo naſcendi limine, æterna vita obuiam venit? Incurrunt quidem inter ipſa principia acceptæ lucis, periculum; & finem ſalutis: ſed de ipſo protinus ſine, capiunt principia æternitatis. Immaruri quidem videntur ad mortem, ſed ſœliciter moriuntur ad vitam: Vix dum deguſtauerant præſentem, ſtatim tranſeunt ad fatutam: nondum ingreſſi infantia cunas, iam perueniunt ad coronas: rapiuntur quidem à complexibus matrum, ſed red-
duntur,

duntur gremiis Angelorum. Nihil ergo proficis ferocissimæ impietatis audacia ; potes martyres facere , Christum non potes inuenire.] Idem reipsa tradit serm. de S. Blandina. Agnoscit enim candidatam hanc plebem imbellis infantia , fructum moriendi habuisse , & sanctos infantes coronatos moriendo , perque exitum diuina benedictione ditatos. Quod est dicere , eos nactos esse prerogatiuas illas martyrij de quibus infra. Quod si ibidem componens martyres Lugdunenses adultos cum Innocentibus Bethleemiticis , ait hos non illos in premium regni sine martyrij conscientia peruenisse ; non est sensus , sanctos Innocentes non fuisse verè & formaliter martyres : sed tantum sensus est , eos non loquendo vel credendo , sed moriendo confessos , nec agnouisse moriendo bonum suum , vel adiecit se beatam illam mortem pro Christo excipere : quorum nihil ad verum martyrium est necessarium.

Accedat Eucherio Chrysologus serm. 152. qui frequenter inculcat hos paruulos esse martyres. Et post descriptam qua solet venustate infantum carnificinam ; cuius non dissimilem expressionem legere licet apud Augustinum serm. 8. de Sanctis , & perinsignem apud Origenem hom. 3. in diuersos , ac Nyssenum sub finem orationis de Christi Natiuit. subdit Chrysologus , ex hoc martyrio liquere donum martyrij sub meritum non cadere , qua de re infra commodius. Rursus serm. 153. [Coorta Regi cohors sua , magis premori , quam commori tota gestit : Christo dicati milites , ceperunt ante militare , quam viuere , ante pugnare , quam ludere ; fundere ante sanguinem , quam lactis vbera perpo

« perpotare. Ardentes animæ corporis moras non
 « tulerunt. De gremio ad furentes hostium cuneos
 « pernolantes, anticipant virtutibus blandimenta,
 « vulneribus oscula, vnguenta ferro, vt cælum possint
 « ante inhabitare, quàm terram, præmia spiritus
 « antè portare quam carnem, antè referre triumphos
 « Deo, quàm perferre hominum nutrimenta. Verè,
 « verè fratres, isti sunt gratiæ martyres: confitentur
 « tacentes, nescientes pugnant, vincunt inscij, mo-
 « riuntur inconscij, ignari tollunt palmas, coronas
 « rapiunt ignorantes. Ergo sicut virginitas corru-
 « ptionis nescia, contulit honorem matri, sic infan-
 « tia passionis ignara, martyrij palmas rapuit, & co-
 « ronas. Sed quid dicemus quod rex ipse qui stare
 « debuit, fugit solus, & fugit mouente patre? Fugere
 « istud est amoris intimi, non timoris ignaui. Si
 « stetisset Christus, haberet eos synagoga filios, quos
 « Ecclesia martyres non haberet.]

3. Martyres quoque eosdem agnoscit S. Am-
 brosius lib. 1. in Lucam, agens de censu per Augu-
 stum indicto, eúmque transferens ad censum
 « Christi, & professionem animorum. [Nullus (in-
 « quit,) ab hoc immunis est censu, quia omnis ætas
 « munifica Christo est, quem vagientes pueri marty-
 « rio confirentur, quem intra vterum positi, exulta-
 « tione testantur.] Subscribit Gregorius Nazianze-
 nus orat. 38. decernens venerandos innocentes, tan-
 quam còætanæam Christo victimam, quæ ante
 nouam victimam mactata est. Adiungo prædictis
 Bernardum, cuius illa sunt mellitissima de more,
 « ex serm. de Innoc. [De innocentium coronis, quis
 « dubitet? Ille pro Christo trucidatos infantes dubi-
 « tet inter martyres coronari, qui regeneratos in
 Christo

Christo non credit inter adoptionis filios numera-
ri : Alioquin quando cœuos sibi pueros , puer il-
le , qui natus est nobis , non contra nos , propter
se pateretur occidi ? Quod utique solo nutu pote-
rat prohibere , nisi melius aliquid eis prouideret .
Ut quemadmodum cæteris infantibus , tunc qui-
dem circumcisio , nunc verò Baptismus sine ullo
propriæ voluntaris vsu sufficit ad salutem , sic ni-
hilominus pro eo susceptum martyrium , illis suf-
ficeret ad sanctitatem .]

Luculenter Laurentius Iustinianus serm. de In-
nocent. [Erat mors hæc crudelis & pia , pœnalis
& sancta , quæ sine consensu voluntatis natura re-
nitente donabat cœlum. O Dei nostri stupenda
dignatio , quæ nolentes , plorantēque transmittit
ad requiem. Sine pugnæ consensu hi coronantur
infantes , non interrogati occiduntur , innocentes
iugulantur , auferuntur à sæculo , & consecrantur
Christo. Nec corde credebant ad iustitiam , neque
ore confitebantur ad salutem , & tamen martyrij
adepti sunt palmam. Ignorabant equidem Dei le-
gem , cœlestæ regnum , quid perferebant , & pro
quo patiebantur . & nihilominus pœna illa eisdem
computabatur ad gloriam. Vnde hoc ? Et cur hoc ?
Nunquid vlla præcellerunt merita ? Nunquid vel
matrum supplicantium interpellauere suffragia ,
ut talem infantes hi assequerentur gratiam ? pro-
fus minimè. Commendare voluit Dominus in his
pueris misericordiam suam. Gratis (ut sic dicam)
perceperunt brauium fœlicitatis æternæ. Alij labo-
rant toto vitæ suæ tempore , alij vsque ad sangui-
nem certant , nonnulli tentationibus , vigiliis , ie-
uniis , pernoctationibusque crebris seipso affli-
gent,

gunt, sicque alij; atque alij sic desudant, & patiuntur, ut regni cœlestis mereantur esse participes. Isti autem non ita. Breuissima propter Christum persecutione ingruente, iugulati pariter & coronati sunt. Absque vlla perpeſsione malorum, quorum mundus est plenus, à matrum vberibus in æternitates transiere perpetuas. Beata plane paruulorum horum conceptionis hora, qui pro Christi occasione, sine voluntatis consensu pati valuerunt.]

4. Autor Latinus homiliæ 2. Chrysostomo tributa in varia Matthæi loca, disertissimè idem tradit sic scribens. [Dum innocentes pro Christo moriuntur, primi Christi martyres extiterunt. De quibus & Dauid significare monstratur, cum dicit: Ex ore infantium & lactentium perfecisti laudem propter inimicos tuos, ut destruas inimicum & victorem. In hac enim persecutione iuſantes adhuc paruuli atque lactentes, pro Christo occiduntur, & perfectæ laudis martyrium consequuntur. Rex iniquus Herodes destruitur, qui aduersus Regem cœlorum, regnum sibi defendere vsurpabat. Vnde non immeritò infantes illi beati per omnia extiterunt, qui primi mori pro Christo meruerunt.] Ibidem homil. 3. [O beata lactentium gloria, quibus pro Christo contigit dedicare martyria. Expugnant tempore vno natiuitatem & mortem, ingressum & exitum, principium & occasum, ut ipsis posset tempore vno contingere, & nascendo ingredi mundum, & dedicare martyrio cœlum. Probat nouos exercitus Christus, rudes milites designat, legiones lactentes victoria perpetrata coronat. Fiunt pro Christo victores, qui ætate fuerunt cœquales: Fiunt inquam infantes
sine

sine certamine fortes, sine pugna victores. Norunt
vincere qui pugnare non norant, exsultant victoriæ
compotes, qui fuerant ætate imbelles: merentur
pœna martyrium, gloriam sanguine comparant;
æternam vitam temporali morte commutant. Nec
timuit ætas illa mortem, nec horruit. Timere enim
non potuit, quæ timere non novit. Transmittit in-
fantes infans Christus ad cœlum, nova xenia Pa-
tri, primitias fructuum exhibet genitori. Ostendit
futuram fecundissimam messem, dum in semine
tantam exhibet vbertatem. Derisit se, derisit ho-
stilis immanitas, quæ putauit turbare posse consi-
lium Dei, gloriam Christi, salutem necessariam
mundi: Sed contulit infantibus multis martyrium,
dum infantem quærit occidere Christum. Præstat
hostis, dum nocet beneficium. Vitam tribuit cum
occidit. Inuideret enim eorum gloriæ si amaret.
Sed aliæ sunt terrestres pugnae, aliæ cœlestes vi-
ctoriæ. In prælio Christi, moriendo vincitur, ca-
dendo surgitur, victoria per interitum compara-
tur.] Idem sensus fuit S. Leoni serm. 1. de Epiph.
[Quos Rex impius eximit mundo, Christus inse-
rit cœlo, & quibus nondum sanguinis sui impendit
redemptionem, iam martyrij tribuit dignitatem.]

*Idem de quibusuis infantibus pro Christo
caesis, concluditur.*

5. Hæc testimonia apertè ferunt sanctos Inno-
centes verè & propriè fuisse martyres, & ut rectè
addit Martinus de Magistris q. 1. de martyrio con-
clus. 6. corollar. 2. (malè tamen contrarium affin-
gens Diuo Thomæ,) Innocentes, non modò glo-

ria martyrij donatos diuinitus fuisse, vt aliqui negantes eorum verum martyrium concedebant, sed etiam verum martyrium subiisse, quod planè sonant prolata Patrum loca, habetque perspicuè sensus Ecclesiæ. Hinc verò quid sequatur pro vero quorumuis infantium in fidei odium iugulatorum martyrio, nemo non videt. Est enim omnium planè infantium, quoad rem præsentem, par ratio. Quanquam non defuerunt qui friuola quædam discrimina excogitarent, vt admissò vero Innocentum ab Herode cæsorum martyrio, quod videbant per Ecclesiam & Patrum traditionem stabiliri, aliorum tamen infantium necem, etiam si in fidei odium illatam, veris martyriis non annumerarent.

*Prior disparitas, ex præcoquo in Bethleem-
ticis rationis usu.*

6. Nonnulli ergo referente D. Thoma 2 2. q. 124. art. 1. ad. 1. affirmarunt paruulos ab Herode cæsos idcirco agnosci ab Ecclesia martyres, quia per acceleratum diuinitus rationis vsum, acceptarunt mortem pro Christo illatam, passique sunt tanquam adulti. Quod videri possent ferre illa Auctoris libri de oper. Christi Cardin. serm. de stella & " Magis sub finem. [Paruuli subito fiunt martyres, & " dum vice Christi, & pro Christo, auulsi à matrum " vberibus detruncantur, testimonium quod non- " dum poterant sermone, perhibent passione; & suf- " ficit causa testimonio, licet nondum eloquio di- " stinguatur. Illico spiritus infantilis vasculi recepta- " culum deferens, iam non tenelli corporis, ætatís-
que

que nouitiæ tempore tenetur : sed ab illis infantilibus coagululis anima expedita , adepta rationis & intellectus plenitudinem , in occursum Christi festinat , à quo militiæ suæ quærens stipendium , ad lucis & pacis æternæ præmittitur gaudia.] Quid apertius , pro pleno intellectus , & rationis vsu , in sanctis hisce infantibus ? Non improbat eam præcoquam in SS. Innocentibus rationis vsuram à quibusdam traditam , eamque ad exponendum verum eorum martyrium , non inutilem visus est censuisse Antonius Bitontinus q. 17. in Ecclesiasticas anni totius epistolâs. Idem insinuare visus est S. Chrysostomus , verbis illis homiliæ de Innocentibus (est tertia ex variis in Matthæum locis ,) quæ in hunc sensum retulit Martinus de Magistris q. 1. de martyrio , in argumento contra. 1. corollarium. [Fiunt pueri sine Magistro disertî , docti sine Doctore , periti sine eruditore. Agnoscunt Christum , prædicant Dominum , non quem persuasio humana docuerat , sed quem diuinitas inspirabat.] Cumigitur quoad alios paruulos ante rationis vsu hostili gladio in odium fidei occumbentes , nihil suppetat ad hunc rationis plenæ præcoquam vsu illis concedendum ; sed id de solis Bethleemiticis paruulis ab Herode cæsis , fateri cogamur , ob Ecclesiæ & Patrum auctoritatem , qua verum eorum martyrium ratum habetur ; (atque adeò etiam libera mortis acceptatio , quam censent esse de ratione veri cuiuscunque martyrij ;) concludebant autores prædicti , saluo vero SS. Innocentum Bethleemiticorum martyrio , alios infantes , si qui pro Christo fortè cædantur , veris martyribus adscribendos nequaquam esse.

Relicitur.

Sed hoc effugium difficile præclusu non est. Quis enim non videt gratis omnino fingi anticipationem illam vsus rationis in paruulis ab Herode cæsis, tantum ut perstetur in sententia, & quod de quorumvis infantium similiter cæsum vero martyrio inferendum vident, labefactetur? At quidni fingere similiter liceat, rationem ocys quam ætas ferat, aliis quoque paruulis illucescere, si eos in Christi odium obtuncari contingat? Qua ratione perinde constabit verum eorum martyrium, ac Innocentium Bethleemiticorum. Quod si id in aliis paruulis dicatur esse commentitium, (ut sanè est,) æquè censendum est gratis confictum quoad Bethleemiticos paruulos. Locus porro Auctoris libri de oper. Christi Cardin. aliò planè spectat. Nempè ad euigilationem rationis, sanctis Innocentibus collatam, illico à morte. Quæ auctoris mens cum ex aliis anterioribus apertè colligitur, tum manifestè ex verbis quæ immediatè subiunguntur iis quæ postremò referebantur. Sic enim habet Auctor. [Eui-
 « gilauerunt sensus quos sopor infantiae opprimebat,
 « displosisque palpebris intuiti lucem, in momento
 « assecuti sunt, quæ pacificis & mundo corde debe-
 « tur, beatitudinem: & ascendentes per omnium
 « virtutum gradus sine doctrinæ humanæ exercitio,
 « cumulatam inuenere mensuram: ita ut in ordine
 « sanctorum proto-martyres primum habeant lo-
 « cum; & secretorum conscii diuinorum, propin-
 « quitate familiarissima, clementiam Dei pro nostris
 « exorent laboribus.] Chrysostomus quoque (si ta-
 men

men Chrysostomus, & non potius Latinus auctor) contra mentem suam proferebatur. Tantum quippe intendebat asserere, Innocentes laudasse Dominum, eîsque præconium confessos fuisse non loquendo, sed moriendo, & sanguine non lingua locutos, vt inferiùs aliquoties repetit proferens exemplum sanguinis Abel. Hoc autem nihil ad rem facit. Quare facessat incôcinnum figmentum, nullo siue rationis siue auctoritatis idoneæ firmamento subnixum. Simile commentum de rationis vsu in paruulis Baptismum suscipientibus accelerato, nuper à Luthero recusum, & Vvitembergæ in conuiuio eorum pariter potantium confirmatum, derisit iam olim S. Augustinus episto. 23. & 57. & impugnarunt recentiores permulti, Ruardus art. 1. Soto lib. 2. de nat. & grat. c. 10. Canis. l. 1. de S. Ioanne c. 1. Bellarm. l. de Bapt. c. 10.

Altera disparitas, ex præuia infantum Bethleemiticorum circuncisione.

7. Aliud quoddam discrimen infantum qui nunc fortè in fidei odium cæderentur, & innocentum per Herodem trucidatorum, excogitarunt alij, vt saluo Ecclesiæ sensu de vero horum martyrio, ac beatitudine, nihil tale de aliis agnoscerent. Dixerunt ergo, Bethleemiticos infantes cum à bimatu & infra cæsi prodantur, vel omnes vel serè omnes priusquàm cæderentur, circuncisione aut piaculâri legis naturæ remedio, procuratos parentalîs culpæ illuuiem deposuisse. Quod si aliqui remediorum illorum exortes, cæsi sunt, non hos esse quos Ecclesia & Patres martyribus accensent, sed illos

duntaxat quos Tyrannicus Herodis furor, remediis illis iam ablutos & gratiæ radiis collucentes demersuit. Quare nisi qui nunc cæderentur infantes, supponerentur per Baptismum à parétali illuue mundati, æternum perirent: præsertim cum prosteret Regis & legiferi nostri edictum peremptorium de nemini pandenda via vitæ in lege gratiæ, nisi renatus fuerit ex aqua: & vel reipsa vel in voto, ad fontem domui Iacob patentem accesserit, inibique sordes posuerit. Si ergo ablutio per aquam non sit adhibita, certum exitium maneat infantem necesse est, cui rationis vsu carenti, nullus actus conciliare gratiam queat tanquam vicarius, & vt loquuntur, tanquam votum baptismi reipsa interclusi per impotentiam. Nam quod martyrium non habeat rationem voti respectu baptismi, est per se evidens. Cum enim quis dicitur gratia donari in voto baptismi quo per impotentiam carere cogitur, votum illud nihil esse aliud potest, quàm ille met actus vel pœnitentiæ perfectæ, vel charitatis, qui accedente baptismi reipsa suscipiendi facultate, vim habet, voluntatem in qua perseveraret excitandi, vt concipiat formalem voluntatem suscipiendi Baptismum: Et idcirco actus ille censetur formalem & actualem volitionem suscipiendi Baptismi continere, & esse votum receptionis illius externæ, ad quam dicit ordinem tanquam eius expeditio atque volitio. Cum igitur mortis perpeßio nudè sumpta, cuiusmodi est quam subit paruulus, nullo tali actu Baptismum respiciente sit grauida, apertè infertur eam non esse votum Baptismi.

Exploditur.

Verum neque hoc effugium, difficile præcluditur. Et inprimis, iuxta illud, passio innocentum esset prorsus infructuosa, & sterilis quoad gratiam & gloriam, contra manifestam Patrum sententiam, qui mortem paruulis illis profuisse & gratiæ ac diuinarum benedictionum feracem fuisse, contestantur, ut vidimus. At hoc falsum esset, si salus & felicitas puerorum, non ad passionem quam subierunt, sed ad remedium emundans esset referenda, ut in proposito respondendi modo fingitur: iuxta quem, idcirco paruuli remedio illo inexpiati, periisse dicuntur, nec pertinere ad lectum illum manipulum quem Ecclesia agnoscit beatum. Quorum verò Ecclesia ut martyres coleret, quibus perinde esset martyres non fuisse, cum non eo titulo salui dicantur, sed beneficio alterius expiationis? Adde quod iuxta responsum propositum, videtur planè negandum, paruulos cæcos, esse martyres. Nam verum martyrium, ut est constans Ecclesiæ doctrina inferiùs confirmanda, sufficit ad salutem conciliandam. Hoc autem non haberet nuda mors paruulorum, iuxta responsi illius auctores. Non igitur essent martyres, nec colendi essent eo nomine ab Ecclesia, in quam tamen quomodocunque incurre, ut S. Augustinus sapientissimè dixit, insolentissimæ insanix est. Quare SS. infantes ab Herodæ cæcos, siue priùs remedio aliquo purgatos ab originali macula, siue inexpurgatos, admitto vi passionis & mortis in Christi odium illatæ, gratiam & gloriam esse consecutos. Qua in parte Ecclesiæ sen-

fui adhæreo, quæ absolutè & nulla circumcisorum vel incircuncisorum distinctione apposita, infantes ab Herode cæsos, pronunciat martyres. Hoc aliter statuunt Patres supra adducti, qui indiscriminatim infantes ab Herode cæsos celebrant, nec laborant de præuia circumcisione quam paruulis Hebræis ante octiduum non adhibitam constat; cum tamen pleròsque ante illud tempus cæsos non videatur dubium S. certè Augustinus serm. 8. de sanctis apertè agnoscit; aliquos SS. martyres innocentes, cum tunc recens e maternis visceribus effusi essent, subiisse pro Christo necem. Nec improbabile est, quin aliqui Gentilium filij in Bethleem aut finibus eius nati, patuerint Herodis furori, quos liquet circumcisione non fuisse purgatos. Remedium autem legis naturæ, siue his Ethnicorum infantibus, siue Hebræis ante octiduum fuisse tunc adhibitum, nemo nisi diuinans dixerit. Iudæi enim, remedium illud extra circumcisionis adhibendè impotètiā, & pueri immaturè instantem obitū octiduo anteriorem, non usurpabāt, ideòque quoad paruulos ante octiduum à natiuitate cæsos, eo abstinuissent, cum non prælagirent calamitatē qua subitò oppressi sunt. Ethnici verò, vel ob infidelitatem nullo tali remedio paruulos suos procurabant; vel si qui eorum, Bethleēmi, & in omnibus finibus eius fideles erant, non nisi stata lustrica die, ac fortassis post octiduum, æquè ac Iudæi circumcisionem, suum illud remedium adhibebant: Ac proinde etiam ipsi ab irruente ex improviso clade præoccupati, paruulos suos sicariorum furore prius succisos viderunt, quàm possent de illis ea ceremonia expiandis cogitationem suscipere. Vtrò autem dandum est quod

quod assumebatur, rectèque confirmabatur, nempe nullum Baptismi votum in huiusmodi paruulis agnosci posse. Sed nimirum martyrio, per se & independentè à quocunque alio, in eo qui dispositionis propriæ incapax est, hoc est in paruulo, adiungitur ex certa Dei promissione gratiæ infusio, & mortis feri peccati abstersio, cuius interuentu omnes æquè paruuli ab Herode in Christi odium trucidati, quantumcunque aliis, remediis inextiati, salutem consequi valuerunt.

*Firmatur conclusio posita, de vero quorumvis
infantium pro Christo cæforum
martyrio.*

7. Est igitur (vt affirmabam,) omnium planè infantum in odium fidei interfectorum, par ratio, ac Bethleëmiticorum ab Herode cæforum; quos sensus Ecclesiæ, & Patrum autoritas, verè ac propriè martyres, & salutem per martyrium adeptos statuit. Et sanè decus martyrij in SS. Innocentibus Bethleëmiticis, non personarum, sed causæ priuilegium fuit. Quod perspicuens Ecclesia, nonnullos ante rationis vsum pro Christo trucidatos, accenset martyribus. Sic S. Quiricus puer triennis, matrem Iulittam implacabiliter lugens, ad gradus tribunalis illisus, martyribus annumeratur in Ecclesiasticis tabulis 16. Junij. Inter illos quatuor millenos qui vno turbine abrepti, & in horridam eremum abducti, martyres sub Hunerico obiere, recensentur à Victore Vticensi l. 2. infantuli complures, [quorum matres, (Victoris verba sunt, gaudebant se martyres peperisse.) Ad-

copi Zuritani, quæ nepotem infantulum robore supra mulierem exaggerato, abducebat ad martyriū. In actis S. Luciani quæ ex parte descripsit Baronius anno Christi 311. n. 15. & 16. narratur perillustre martyrium duorum puerorū Nicomediensium, fitque mentio templi in eorum honorem consecrati, cui nomen *Martyrium infanum*. In actis S. Aretæ persequente Christianos Homeritas Tyranno Dunaan, pugio quinquēnis, cum nullis Regis blanditiis, à matris propter Christum conflagentis inclamatione, abduci potuisset, ult. ò tandem in ignem insiluit, & cū ea crematus, martyr est habitus. Videlis Baronium anno 522. Tridenti anno 1475. S. Simeon 24. Martij vt habet Romanum Martyrologium, in Christi odium à Iudæis cruci confixus, martyrio est coronatus, cum menses duntaxat vnde triginta natus esset. In Hispania Ferdinando Rege S. Christophorus puer trimulus, in oppido propè Toletum, cui nomen Guardia, irrogatis per Iudæos omnibus Christi tormentis, glorioso martyrio affectus est, vulgo, Innocens à Guardia nuncupatus. In Sardinia SS. Cesellius & Camerinus pueri bimuli, martyres pro Christo produntur. Cadit in hos omnes illud S. Ambrosij l. 3. de virgin. cum demon-
 «strat teneras quoque puellas, velari posse, [Hinc
 «quid plura contexam, cū omnis ætas habilis Deo,
 «perfecta sit Christo? Denique non virtutem ætatis
 «appendicem dicimus, sed virtutis ætatem. Nec mi-
 «rere in adolescentulis professionem, cū legeris in
 «paruulis passionem. Scriptum est enim; ex ore in-
 «fantium, & lactentium perfecisti laudem. An dubi-
 «tamus, si eum vsque ad continentiam sequatur ado-
 «lescentia, quem vsque ad mortem confitetur infan-
 tia?

tia: Et quasi incredibile putamus, si puellæ nubiles
Christum sequantur ad regnum, quem etiam pueri
sequebantur in desertum? Sicut legimus, quia satu-
rata sunt de quinque panibus quatuor millia homi-
num, exceptis, inquit, pueris & mulieribus. Nolite
ergo à Christo arcere infantes, quia & ipsi pro
Christi nomine subiere martyrium.]

*Extenditur ad paruulos in aluo materna cæsos,
& Christo anteriores.*

8. Quia verò paruulus, ex quo vitam accepit,
perinde se habet ad perpeffionem cædis pro Chri-
sto irrogatæ, siue iam sit vterò fusus, siue in mater-
nis adhuc visceribus conclusus lateat; idcirco rectè
Richardus in 4. d. 4. art. 2. q. 3. Argent. ibid. d. 6. q.
vnica artic. 4. Scotus in 4. d. 4. q. 3. versic. *de secundo*
patet, approbante Sa V. *Martyrium*, existimarunt in-
fantè pro Christo intra materna viscera cum matre
occisum, esse verè martyrem. Quod admitto, etiam-
si mater ob voluntarium obicè gratiæ, non esset ve-
rè martyr: aut si mater per errorem putaretur Chri-
stiana, cum esset Ethnica. Nam etiam tunc, foetus in
odiū fidei necaretur. Item id ipsum admitto etiam si
sicarius ignoret grauiditatem matris quam in Chri-
sti odium interficit. Nihilominus enim plaga quæ
paruulo intra maternorum viscerum septa infer-
tur, in Christi odium infertur, atque aded paruulum
constituit verè martyrem. In quo baptisumus san-
guinis latè differt à Baptismo aquæ: quò prægnans
baptizatur intacto, atque aded etiam in expiato par-
uulo. At gladius persecutoris, ad paruulum vsque
peruadit cæsa matre. Itaque ambo martyrium sub-
cunt,

eunt, quia ambo pro Christo trucidantur. Neque verò, quia dico paruulum esse verè martyrem, quia pro Christo cæsus est, exclusos volo paruulos veteris legis, si qui vel iam editi, in veræ religionis odium sint cæsi, aut cum matre, eadē ex causa perierint, nondum nati. Quamuis enim paruulos ante Christum pro vera fide cæsos, verorum martyrum albo expungat Gabriel Vasques 3. p. disp. 153. *in ipso sine*: Tamen ratio proximè tacta, nempe quod hoc sit causæ, non personarum priuilegium, æquè in hac parte militat. Et sicut adulti pro vera fide obtruncari, in lege veteri, participes fuerunt eorum veri martyrij fructuum quos adulti in lege noua pro Christo morientes percipiunt, ita de paruulis, idem omnino est sentiendum: quos item pro Christo cæsos licet affirmare, quatenus omnium temporum fides, implicite fuit Christiana, vt supra tetigimus.

Quale sit paruulorum martyrium, præ martyrio adultorum.

9. Rectè itaque constitutum initio est, minusculam ætatem cui rationis plena dies nondum illuxerit, esse martyrij capacem. Non tamen idcirco contendo, martyrium paruulorum necdum libertate potentium, esse formaliter honestum, vel formaliter actum virtutis. Hoc enim falsum esse, per se notum est ex dependentia moralitatis cuiusvis formalis, à libertate actuali. Quare tantum dico, martyrium paruulorum esse formaliter ac propriè verum martyrium, quamuis non sit formaliter honestum, sed tantum obiectiue, quatenus nitet fundamen-

damentali honestate, apta terminare volitionem
& acceptationem honestissimam. Ex quo insuper
sequitur, martyrium paruulorum esse extensiuè
minùs pretiosum, quàm martyrium adultorum,
quod & martyrij & formalis honestatis decore
splendet. Egregie de more hoc expressit Eucherius
homil. de S. Blandina, Lugdunenles martyres adul-
tos cum paruulis Bethleemiticis componens, sic in-
ducta per prosopopeiam Lugdunensi ciuitate af-
fante Bethleem. [O Bethleem, in martyrum no-
strorum titulis tu numero fortassè præcedas, ego „
merito. In tuis interfectio fuit, confessio non fuit; „
in meis colluctatio passionis, in tuis sola fuit op- „
portunitas & occasio felicitatis. Te exitus ditauit „
benedictione, me virtus: Tu in sanguine paruulo „
rum potuisti videre pereuntes, non potuisti expe- „
ctare certantes. Te coronauit innocentia morien- „
tium, me gloria triumphantium, Tui, in præmium „
regni, sine conscientia peruenere martyrij, mei au- „
tem cruciatibus afflicti, suppliciis explorati, sacris „
ignibus sacrificii more decocti, quantas suscepe- „
runt in corpore pœnas, tantas in spiritu percepe- „
runt coronas: ac sic per tormentorum plagas, & „
torquentium moras, priùs consecrati sunt, quàm „
perempti. Tu obtulisti annis paruulos, ego etiam „
meritis consummatos: ego obtuli qui per tormen- „
ta sua vincerent, cùm periclitari in fide potuissent: „
tu obtulisti qui fructum moriendi habere possent, „
periculum negandi timere non possent.] „

Satis de paruulorum martyrio. Quæ enim ad
eius fructus spectant, eadem opera explicabuntur
cum fructibus martyrij adultorum. Sunt quippe
vtrobique iidem specie, etiam si ad eorum profusio-

nem ex martyrio paruulorum, sola mortis perpassio sufficiat: in adultis autem, aliquæ præterea dispositiones requirantur, quas elucidatum eo.

C A P V T III.

Passum libertatis compos, quibus positivis dispositionibus ad martyrij gloriam sit aptandum, siue de necessaria & idonea martyrij per adultum acceptatione.

1. **A**lterum passum, quod dicebam posse martyrium excipere, est homo adultus; in quo martyrium supra nudam passionem in odium Christi illatam, quæ ad paruulorum martyrium satis est, aliquas præterea ipsius adulti dispositiones postulat. Quod non est nouum, Nam etiam Baptismus qui in paruulo per meram receptionem est ferax gratiæ, in adulto postulat dispositiones aliquas quibus adultus ad Baptismum & fructus eius aptetur. Eas ergo dispositiones ad martyrium adultorum, exponere hoc loco necesse est. Possunt autem earum duæ veluti classes distingui. Quædam enim sunt positivæ, quæ scilicet positivo aliquo voluntatis actu continentur, quo directè influente, ac disponente, adultus ad fructum martyrij, siue ad gratiam sanctificantem martyrio repositum, aptatur. Aliæ verò dici possunt negativæ, quod etiam si non semper in pura negatione consistant, tamen cum exigantur ad remouendum gratiæ obicem, & ad excludenda veri martyrij impedimenta, vel sint negativium

gatum quid, vel sonent negationem. Exclusio enim obicis, negationem aliquatenus sonat.

Vt autem à positiuis dispositionibus auspicer, video duas in te præsentì statui posse, quamuis reipsa sint vnicus actus. Prima est acceptatio mortis. Secunda est delectus motiui idonei ex quo mors voluntati subeūda obiiciatur. Neque enim sufficeret ad verum martyrium, velle quacunque ex causa mortem pati, sed exigitur certus volitionis illius finis intrinsecus, siue certum motiuum. Hæc duo, vnico realiter actu perfici dixi: quia impossibile est, vt actus acceptationis, absque interuentu alicuius motiui formetur. Nam voluntas nullum actum expromere valet, nisi collimando in aliquod formale obiectum, siue motiuum. Non malè tamen vnica illa entitas, in duos actus dearticulatur, consideratis in ea duabus rationibus metaphysicè separabilibus, quarum vna generalis est, diciturque acceptatio, altera verò quæ est specialis, attenditur penes motiuum præbès speciem actui, illūque vltimò constituens talem qualis ad verum martyrium desideratur. Estque, necessaria illa duplicis perfectionis in vnico actu distinctio; quia per positionem alterius specie actus, cui alterutra illarum perfectionum decisset, euerteretur ratio martyrij. Scorsim igitur de martyrij acceptatione, & idonei ad illud motiui v'surpatione dicemus.

*Aliquam mortis acceptationem, omnino
deposci in adulto.*

2. Quoad acceptationem, dicendum est, ad verum ac fructuosum adulti martyrium, exigì volitionem

tionem mortis irrogandæ , quæ sit plusquam habitualis , aut interpretatiua tantum : atque aded quæ aliquando fuerit actualis , & verè exercita , ac in seipsa , vel aliquo semine suo præsens perstet , saltem moraliter. Hæc est perspicua D. Thomæ sententia 22. q. 124. artic. 1. & ibidem Caietani , subscribuntque Suarez t. 3. p. d. 29. l. 2. Lessius lib. de fortitud. c. 1. n. 24. aliique communiter , demptis perpauis. Videtur autem satis stabiliri ex eo veluti effato quod in tractatione de gratia & merito est vulgatissimum. Nempe quæ gratiam conferunt , atque aded ius ad salutem æternam vel tribuunt primò , vel promouent , debere esse homini adulto libera , ita vt per eius arbitrium diuinitus præuentum & adiutum , admitti liberè vel respui queant. Ita enim planè cernimus accidere in iustificatione ex opere operantis , per dispositionem vltimam in hominis actionibus constitutum. Quod Vega l. 6. in Conc. c. 37. *ad tertiam* , quoad eum qui actualiter peccauit , censet fuisse definitum ab Innocentio c. *maiores* de Baptismo. Idem contingit in iustificatione ex opere operato per Sacramenta , quæ nulli adulto sunt fructuosa , nisi per actum liberum voluerit ea sibi admoneri. Ac ne vrgeam Baptismum , circa quem aliqui tricantur , dicentes idcirco ad eum formalem baptizandi consensum deposci , quia noua in eo obligatio contrahitur , nouusque status suscipitur , quibus nexibus neminem implicari par est , nisi volentem : vt inquam Baptismum omittam , quis dixerit Eucharistiam , à iusto adulto , in somnis , nulla prorsus volitione præmissa susceptam , esso ei fructuosam ? Neque tamen in eo Sacramento vlla contrahitur noua obli-

obligatio, nouusue ullus status initur, sed idcirco acceptari debet eius susceptio per adultum, quia instrumenta & media gratiæ parandæ debent adulto esse voluntaria; ut hoc pacto, aliquo tandem modo per dispositionem propriam aptetur ad diuinum beneficium. Cum enim sit propriæ dispositionis capax, æquum est ut eam expromat, ne seignis inersque excipiat cœlestem sanctificantis gratiæ rorem: quod esset præter diuinum usum, & cum æquitate pugnaret. Ad maiorem quoque hominis dignitatem & honorificentiorum bonorum diuinorum adeptionem spectat, ut (quod de virtute dixit Nazianzenus orat. 1. valet autem in quouis huiusmodi cœlesti munere,) non sit nudum beneficium, sed hominis quoque cooperantis ingestæ diuinitus gratiæ, fructus sit, atque aded non purè doni, sed mercedis etiam ac præmij, saltem aliqualis, & congruè debiti, rationem sortiatur. Quod igitur in omnibus aliis conciliandæ vel augendæ gratiæ viis deprehendimus, meritò circa hanc quoque decretum à Deo censemus. Atque aded ut martyrium adulti sit verum, & gratiæ eorumque fructuum fertile quos martyrium profunderè idoneum est, exigitur omnino, ut martyr adultus mortem pro Christo irrogatam acceptet, aut præsentis aliquo voluntatis actu formaliter vigente, vel moraliter perstante; aut certè durante virtualiter in effectu aliquo suo ranquam in semine.

Quæ recens in contrarium tradita.

3. Contrariam sententiam tradidit Ægidius
O Conine

Coninc. 3. p. q. 66. h. 1 36. cui adhæsit Bonacina q. 1. de Baptis. p. 1. n. 5. Iuxta hos ergo autores iustus qui pro fide obruncatur, est verè martyr etiam si nullo positiuo voluntatis actu acceptarit mortem illatam. Arctant se ad iustum, quia de peccatore fatentur aliam esse rationem. Hic enim quia voluntariè auersus est à Deo fonte aquæ viuæ, necesse est vt voluntariè ad eum reueniat, ac proinde æquissimum est, vt maculæ iniustæ absterisionem non consequatur, nisi præuis aliquo voluntatis propriæ motu, qui in iusto quia ad Deum reuenire non adigitur, minimè est necessarius. In iusto itaque adulto, nullam esse necessitatem acceptionis martyrij, probat Ægidius, ex eo qui recusata defectione à fide, occideretur inter dormiendum: Itémque ex eo qui cum nihil priùs de confessione fidei cogitasset, tamen prorsus incogitans vel dormiens, ab hoste fidei opprimeretur. Simile est exemplum eius qui fugiens Tyrannum à quo vrgetur ad apostasiam, subitò in fuga configitur. Hic enim non videtur posse expungi martyr alio, præsertim si iam comprehensus in procinctu subeundorum tormentorum, data dilapsus opportunitate, aufugeret, & inter fugiendum emissò telo confoderetur. Quinetiam S. Cyprianus epist. 56. n. 14. Christianos persecutionem declinantes, si in fuga à latrone opprimantur, vel à fera discerpantur, statuit esse martyres. Quanto ergo magis idem diceret de eo qui ante comprehensus, transfigeretur inter fugiendum, emissò per fidei hostes & in fidei odium iaculo, quamuis de morte inter fugiendum inferenda, nullo modo cogitasset, atque aded eam nullatèus acceptasset, nisi interpretatiuè & habitualiter,

tualiter : qui modus acceptandi iuxta autorem cum quo agimus , ad quorundam Sacramentorum susceptionem sufficit respectu iustorum adultorum : nimirum ad susceptionem Baptismi , Confirmationis , & Extremæ vnctionis. Itaque multo magis censendus est sufficere ad fructuosam perperationem martyrii , quod à Patribus prerogatiuis potioribus donatur , quàm Baptismus. Tandem iustus qui non acceptato per politium actum martyrio , occiditur in odium fidei , verè perdit animam propter Christum. Hoc autem sufficit ad martyrium , cuius ratio , non in actione sed in perperatione sita est , vt liquet ex vero infantum martyrio. Quidni ergo similis omnino perperatio adulti , ad verum martyrium sit satis ?

Et ita ex D. Thoma colligi 3.p.q.87.art.1.ad 2.& ibidem à Caietano expressè tradi , notat autor citatus. Idem videri potest sensisse Thomas de Argentina in 4.d.6.q.vnica art.4. conclus.2. ad 1. *instantiam*. Quamuis enim primùm dicere videatur in adulto requiri actualem voluntatis consensum in mortem pro Christo illatam , tamen hoc intelligit tantùm permissiue : sensusque est , quamuis in adultis consensus ille esset necessarius , non esse tamen necessarium in paruulis , quos ibi contendit esse posse verè martyres , quamuis nequeant acceptare martyrium. Postmodùm autem disertè addit , etiam adultum , absque acceptatione posse esse verè martyrem : quod probat ex eo qui dormiens opprimeretur ab infidelibus in odium Christi , aut fidei , quem affirmat esse martyrem , quamuis incogitans atque adeò martyrium non acceptans , sit subito oppressus. Et rationem reddit , quia vt

O 2

quis

quis martyr habeatur, spectanda est causa mortis illatæ, quæ in homine non acceptante potest esse ad verum martyrium idonea, nempe odium fidei. Sed apertè necessitatem acceptationis ab adulti martyrio, excludit Goffridus Vindocinensis lib. 1. epist. 7. Agens enim de prætextu illo, quem Paschalis Papa ad quem scribit, malè concessis Henrico in sacra iuribus obtendebat, dicens timuisse se trucidationi suorum, si obfirmatè iura illa Imperatori negasset: respondet Goffridus, præstitisse negare iura illa, & trucidationem permittere quæ
 « martyrij splendore colluxisset. Addit verò. [Si obiici-
 « tur quod inuiti forsitan paterentur, & idcirco eo-
 « rum passio crederetur infructuosa, quòd sponta-
 « nea minime videretur: & iterum poena martyrem
 « non facit, sed causa: Causa utique idonea, &
 « multum idonea erat, quia causa fidei, quâ melior
 « non poterat inueniri. Pro hac etiam, si aliter non
 « possent, contra suam voluntatem mori debuissent:
 « quia nec sic martyrij palma fraudari potuissent. In-
 « nocentes etenim sancti, qui nec voce, nec volun-
 « tate martyrium quæsisse leguntur, quoniam pro
 « Domino pertulerunt, coronâ martyrij non priuan-
 « tur. Hos sancta Ecclesia non solum martyres esse,
 « verum etiam martyrum flores confitetur. Vnde fir-
 « miter credendum est, & nullatenus dubitandum,
 « quòd supplicium mortis pro fide Christi homini
 « collatum, etiam si pro carnis infirmitate noluerit,
 « & tamen non negauerit, martyris vindicat, no-
 « men & præmium.] Non videtur Gaufridus po-
 « tuisse explicatiùs aduersari necessitati acceptationis
 cui confirmandæ insistimus.

Retundunt

Retunduntur.

4. Hæc tamen sententiæ nostræ impugnatio & contrariæ stabilitio, non difficile retunditur. Ac primum, discrimen quod inter iustum & peccatorem statuebatur, quoad necessitatem acceptandi martyrij, quæ pro peccatore solo agnoscitur, est discrimen planè extra rem. Quandoquidem discrimen illud non aliter probatur, quàm quia peccator debet propriæ voluntatis motu reuenire ad Deum, vt gratiam martyrij adipiscatur. At hinc tantùm habetur necessitas pœnitentiæ ac displicentiæ peccati, quæ longè alius actus est ab acceptatione martyrij. Præterquam quod fundamentum illud, cui necessitas præuiæ ad martyrium pœnitentiæ in peccatore innititur, æquè valet, ad stabiliendam necessitatem præuiæ martyrij acceptationis, in eodem adulto peccatore. Tota namque ratio ob quam peccatori ad gratiam comparandam necessaria est pœnitentia & detestatio peccati admissi, in eo consistit, quod dignum & iustum sit hominem adultum in suæ salutis negotio cooperarium à Deo ascisci, & qui voluntariè deflexit, reuocari voluntariè in viam. Nam quamuis Deus posset hominis peccatoris sordes abstergere secluso quouis eius actu, tamen consultius visum est æternæ sapientiæ, illud saltem tenue litrum displicentiæ à peccatore exigere vt aliquatenus ad salutem suam cooperaretur, nec libertatis concessæ munus apud se iners haberet, in negotio ob quod præsertim facta est eius concessio. Hoc itaque principio per aduersarios conuulso, & negata iusti cooperatione

quacunque ad illam gratiæ sanctificantis accessionem quæ facienda est per martyrium, constare videtur, non satis cohærenter dici, necessariam esse peccatori displicentiam anteriorum culparum, ut martyrium cum fructu subeat.

5. Quicquid verò statuamus de discrimine in re præsentis proposito, inter iustum & peccatorem, argumenta adducta quibus necessitas acceptationis martyrij à iusto excludebatur, sunt planè imbellia. Negamus enim eum esse verè martyrem qui nihil priùs de cæde pro Christo subeunda suspicatus, inter dormiendum opprimeretur. Et idem statuimus de eo qui fugiens martyrium; illudque, vel nullo modo suspicans inferendum ob declinatum iam periculum; vel si inferendum suspicetur, nullatenus illationem eius approbans, casu periret, siue confixus ab hoste Christi, siue à grassatore iugulatus, siue à bestia discerptus. Id quod à S. Hieronymo traditum contra Iovinianum, & in Synodo Africana constitutum, monstraui cap. 1. num. 10. Nec refragatur S. Cyprianus, quem pro aduersariis protulimus. Agit enim de eo qui mortem acceptauit, actu virtualiter vel saltem moraliter superstitite, & terminato ad mortem in fugæ initæ variis casibus probabiliter præuisam; Nam secessio illa à suis ad vitæ securitatem, est genus persecutionis illatæ in fidei odium; nec latet fugientem, quàm facile sit ut mors quam vno itinere declinat, aliis viis obtingat inter fugiendum; & tamen mauult fugere, & vitam discriminibus illis obicere, excepturus mortem si à Deo permittatur, potiùs quàm perstans extra vitæ discrimina, fidei naufragium patiat. Igitur qui in fuga illa vel secessione mortem subit,

quam

quam si stetisset, & fidem periculo commisisset, euaderet, non caruit necessaria ad martyrium acceptatione. [Certum enim est, (inquit Origenes homil. 9. in Iudices,) quod Christum confitetur ille, qui propterea fugit, ne neget.] Æquè facile extricantur reliqua propositæ difficultatis capita. Ut quod dicebatur, in quibusdam Sacramentis susceptionem validam & fructuosam, locum habere in eo cui non cogitanti admouentur; nimirum in Baptismo, Confirmatione, & extrema Vnctione. Hoc enim non est admittendum, nisi cum anticipatus aliquis consensus præcessit, qui persistet saltem moraliter. Idem ergo est de martyrio. Negandum præterea est quod addebatur hominem à fidei hostibus confossum inter fugiendum, perdere animam suam propter Christum, etiam si nec mortem præviderit, nec vllatenus antea acceptarit: Quasi quia animæ perditio in sola passione sita est, sufficiat ad talis hominis martyrium, quod moriatur, nulla licet volitione mortis in eo præsupposita, sicut in paruulis nulla præsupponitur. Negandum inquam est, huiusmodi hominem perdere animam suam eo modo quem Christus de adulti martyrio agens intellexit, nempe cum assensu & præuia acceptatione. Sicur quamuis Christus dixerit, qui baptizatus fuerit, saluum fore, nemo tamen inde collegerit, Baptismum nudum quauis præuia acceptatione seclusa, posse ad salutem sufficere, aut esse validum Sacramentum. Nimirum quia sensus verborum Christi est, saluum fore baptizatum, si volens fuerit baptizatus. Non aliter igitur philosophandum est de martyrio, quod quamuis non sit in actione sed in perpassione situm, tamen necesse

est perpeſſionem illam volitioni alicui & acceptationi ſubſtare, vt apud Deum in laude ſit, nec mera corporis cruentatio habeatur. Quemadmodum autem in pueris quia rationis uſu deſtituuntur, priuilegium eſt quod materialis illa externa receptio ſufficiat ad Sacramenti ſuſceptionem validam, quacunque ipſorum paruulorum volitione ſecluſa, ita quod in iſdem irrogatio mortis & nuda perpeſſio, ſufficiat ad veri martyrij decora, priuilegium eſt, quod ad ætatem adultam, rationis luce potientem, & ſui arbitram, non eſt extendendum.

6. Itaque omnia argumenta quibus neceſſitas acceptationis martyrij in iuſto adulto impetebatur, pelluntur: Statuendumque eſt vt omnino verum, aliquam martyrij acceptationem in quouis adulto exigi eiſque acceptationis defectu, hominem Catholicum qui nullam martyrij ſubeundi volitionem præſecluiſſet, ſi per fidei hoſtes incogitans occidatur, non eſſe martyrem. Nec S. Thomas eo loco qui in contrarium proferebatur, reuera diſſenſit. Ibi enim non quærit an martyrium poſſit eſſe abſque acceptatione, ſed an martyrium in adulto peccatore ſic conſoſſo, abſque pœnitentia, eluat labem præiacentem. Reſpondetque eluere, dummodò voluntas, cum cædes eſt illata, nulli culpæ de factò adhæreſceret, eo quod martyrium habeat vim Baptiſmi. Quicquid autem ſit de modo quo Baptiſmus ab adulto peccatis ſordente ſuſceptus, eam fuliginem abſtergit, nobis nunc ſatis eſt, quod aliquam eius acceptationem vbiuis exigi, non neget eo loco D. Thomas, eamque proinde agnoſcat neceſſariam item eſſe ad martyrium, de quo philoſophatur eodem prorsus modo.

modo. Sancto Doctore subscribit ibidem Caietan-
nus, nihilque præterea addit quod ad præsentem
causam referat. Quare non plus pro sententia quam
impugnauius allegari potest, quàm D. Thomas,
quem malè pro ea adduci vidimus. Nec rectè etiam
adducitur Argentina, qui non nisi eam acceptatio-
nem repudiat, quam elicere oporteat cum marty-
rium actu subitur. Goffridus, qui non modo acce-
ptionem martyrij non exigit, sed etiam putat
renisum subeundi martyrij, veritati eius non offi-
cere, audiendus non est.

*Cuiusmodi esse debeat ea acceptatio: Oſten-
ditur sufficere habitualem.*

Est igitur acceptatio aliqua ad verum marty-
rium necessaria. Sed cum variè ad martyrium com-
parari possit acceptatio, (potest enim esse actua-
lis, aut habitualis; rursumque actualis in forma-
lem & virtuaalem potest subdiuidi:) controuersia
est, quænam ex eis ad martyrium sufficiat. De
vtraque actuali, nullum est dubium. Siue enim
actus acceptandi persistet formaliter in seipso, siue
in aliquo tanquam semine, quod ratione connex-
ionis acceptationem antèrius formatam exhibeat,
perspicuum est, passum rationis compos disponi
sufficienter & humano modo, ad fructum gratiæ.
Nam etiam ad sacramentorum per adultos recep-
tionem, vtraque illa acceptatio agnoscitur suffi-
ciens. Et specialiter virtuaalem intentionem optimè
explicat, & ad martyrium acceptandum sufficere,
docet Scotus in 4.d.6. q.6. littera B. Dubitari ergo
duntaxat potest de acceptatione habituali, quæ

scilicet aliquando fuit formalis & actualis, nunc autem neque in se, neque in ullo secum connexo perseverat; quia tamen retractata non est, censetur durare moraliter. Nam de illa acceptatione quæ diceretur habitualis, quia nunquam quidem actu fuit, elicitata tamen fuisset, si homo advertisset, quæ aliter dicitur acceptatio interpretatiua, iam monstratum est eam non sufficere: Quia verè nulum ponit voluntatis motum qui aliquando realis fuerit.

7. De sola ergo habituali acceptatione, eo quem proposui sensu accepta, potest esse controversia: In qua statuendum est, eum esse verè martyrem, qui ex tali aliqua intentione martyrium aliquando acceptarit. Hoc mihi sufficienter confirmari videtur exemplo Sacramentorum, quæ in adultis quia ætatem habent, & pro se loqui possunt, ut D. Augustinus l. 4. de Baptis. c. 24. ratiocinatur, sine proprio consensu & acceptatione non valens, propter generale illud principium, quoddã dedecet gratiæ fontes ulli adulto recludi, sine proprio consensu; & quemquam per ætatem sui arbitrium, ad iustificationem absque acceptatione aliqua pervenire. Cum ergo ex hoc duntaxat principio, acceptatio martyrij in adulto exigatur, ea ipsa acceptatio quæ ad validam Sacramenti per adultum suspensionem idonea erit, poterit quoque ad martyrij acceptationem censerì idonea. Atqui Sacramenta validè ab adulto suscipiuntur, dum in odò anticipatus aliquis consensus præcesserit, qui moraliter maneat, eo quod reuocatus non sit. Ita enim passim concedunt de Baptismo, Confirmatione, & Vnctione extrema. Imo ad hæc Sacramenta, implicitam

plicitam petitionem quæ aliquando præcesserit, nec reuocata sit, sufficientem esse, concedit. *Ægid.* 3. §. q. 64. n. 103. Nec fuit cur Sacramentum Pœnitentiæ illis aggregandum negaret, eo ductus fundamento, quod ad hoc Sacramentum exigatur explicita aliqua eius petitio, saltem qua pœnitens admissa à se peccata generaliter confiteatur: quandoquidem talis actus, aut alius expressior atque distinctior, est Sacramenti pœnitentiæ materia proxima, sine qua Sacramentum illud confici nequit. Hanc exceptionem non admitto, quia ea confessio, siue dolor de peccatis exterius proditus, non est reuera Sacramenti pœnitentiæ petitio. Is enim qui de peccatis dolorem concepit, potuit inter dolendum nullo modo cogitare de Sacramenti susceptione: Et tamen sufficientem habet conficiendi Sacramenti materiam, eo quod doluit, eumque dolorem exterius prodidit nec retractauit. Petitio ergo Sacramenti, seu veriùs intentio illud suscipiendi, eadem esse potest respectu Sacramenti pœnitentiæ, ac respectu reliquorum Sacramentorum enumeratorum. Vt proinde non dubitarim absoluum ægrum, quem constat signa aliqua doloris peccatorum exterius edidisse, quamuis Sacramentum pœnitentiæ non expetierit in actu signato, nec rogarit aduocari Confessarium, eo quod vi morbi subito sit oppressus, voxque ei interclusa. Talis namque suscipiens, idoneam materiam ad Sacramenti confectionem adhibuit. Intentio verò suscipiendi quæ præterea ex parte eius exigatur ad Sacramenti confectionem, sufficienter censetur interuenisse ratione alicuius præcedentis actus, quo homo voluerit Christianis Sacramētis expiari cum

æger

æger erit, & de salute periclitabitur: aut quo voluerit media ad salutem necessaria, vel admodum vtilia usurpare suo tempore. Quem actum Ecclesia, in quibusvis baptizatis de quorum malo statu non constat, solet præsumere quoad extremam unctionem: & idcirco eam impertit ægro Catholico ad extrema deducto, si sensibus destitutus, nequeat illud Sacramentum explicitè petere. Quidni verò similem actum, pro Sacramento peccatoribus non iam utili, sed planè necessario, præsumere congruum sit ad illud eis administrandum, dummodò dolorem aliquem peccatorum exterius prodiderint, qui possit esse sacramenti materia, quali contentus esset aduersarius si sacramenti petitio interuenisset? Sed hæc obiter. Neque enim similem martyrij acceptationem præsumi velim, in Catholico qui ab hostibus fidei confoderetur: quia actus acceptandi martyrij adedò sublimis est, & communem virtutem superans, ut non sit dubium quin plerique Catholici à tam carò mercanda æterna salute procul absint. Vnde nisi positivè constet, acceptationem formalem martyrij aliquando præcessisse, nec esse actu contrario reuocatam, non est censenda interuenisse. Tantùm itaque protuli hæc, de implicita acceptatione præuia, in prædictis Sacramentis per adultos suscipiendis sufficiente, ut constaret, præiacentem & dumtaxat moraliter superstitem acceptationem explicitam, multò magis ad eam suffecturam. Igitur, qui est hoc loco scopus noster, debet quoque censerì idonea ad verum adulti martyrium, ita ut dummodò aliquando illud formaliter acceptarit, nec eam acceptationem postea reuocarit per actum contrarium, censendus sit adhibuisse

hibuisse acceptationem martyrij sufficientem, nec per eam stare, quominus verus martyr habendus sit, si in odium fidei subito & incogitans confodiat, nec cætera ad veritatem martyrij requisita considerentur.

Motium ex quo fit acceptatio, maxime attendendum.

8. Venio ad delectum moti ex quo martyrium ab adulto acceptandum est. Quod quanti sit momenti in vniuerso hoc negotio, intelligitur ex illis quæ S. Chrysostomus orat. i. contra Iudæos, disputat circa Iudæorum ieiunia & corporis macerationes; æquè enim militant contra martyria, seu veriùs inanes corporum vastationes, ex illegitimo fine exceptas. [Semper apud te (inquit) potior sit ratio, quid Deus præcipiat, quàm quæ sit negotiorum natura. Quodd si quid competeris illo comprobante geri, illud solum amplectere. Atque hactentes regula, & ieiunium hoc Iudæorum expendamus. Etenim ni id fecerimus, sed actiones nudas per se tantum in medium prolatas consideremus, ingens erit confusio, magnaque iudicij perturbatio. Nam prædonibus raduntur latera, & monumentorum perfossoribus, maleficisque: Verum idem patiuntur & martyres. Facta quidem sunt eadem, cæterum animus & causa cur hæc fiant, non est eadem, eoque plurimum est discriminis inter hos & illos. Quemadmodum igitur in illis, non tormentum tantum expendimus, sed prius animum & causam ob quam cruciatus inferuntur consideramus; & ob id martyres amamus, non quod cruciantur,

« ciantur , sed quòd ob Christum cruciatus ferunt;
 « contrà, latrones detestamur , non quia puniuntur,
 « sed quod ob malefacta puniuntur: ad consimilem
 « regulam , & in hoc negotio Iudæorum , rationem
 « eorum quæ fiunt subducito.] Hinc dico perspicuè
 demonstrari, quanti sit in perpeffione martyrum,
 quod ex tali motiuo sint passi; quandoquidem nisi
 ad id attenderemus , æquè latronum, atque Iudæo-
 rum vexationes in laude ponendæ ac celebrandæ
 forent. Hanc ob causam meritò S. Augustinus lib.
 2. contra episto. Gaud.c.12. ridet Gaudentium Do-
 natistam , qui suos persecutionein patientes pro-
 pter impietatem suam ac scelera , vocabat marty-
 res , & beatos prædicabat , quod scriptum sit, *Beati*
eritis cum vos persecuti fuerint homines. Ad hæc re-
 « ponit Augustinus. [Rectè ista dicerentur à vobis
 « quærentibus martyrum gloriam , si haberetis mar-
 « tyrum causam. Non enim fœlices ait Dominus qui
 « mala ista patiuntur, sed qui propter filium hominis
 « patiuntur , qui est Christus Iesus : vos autem non
 « propter ipsum patimini: sed contra ipsum. Patimini-
 « ni quippe idèd , quia non ei creditis , & toleratis
 « idèd , ne credatis.] Est ergo maxima motiui ratio
 habenda.

Nimirum motiuum dat speciem & formam
 actui. Quale ergo fuerit motiuum , talis erit & ac-
 ceptatio. Ac proinde cum martyrium adulti non
 placeat Deo , nec veri martyrij rationem habeat, ni-
 si prout subest liberæ acceptationi , attendendum
 diligenter est ex quo motiuo quis mortem accep-
 tet; nec tam intendendum in mortem quæ est ma-
 teriale acceptationis obiectum , quàm in formale
 quod in motiuo consistit , ac penes quod definienda

da est acceptationis honestas, vel turpitudine. Cum autem motium acceptationis explicata, vel sit vitiosum, vel indifferens, vel moraliter duntaxat, ac philosophicè, aut etiam supernaturaliter bonum; dicendum est, inprimis acceptationem mortis in Christi odium illata, factam ex motiuo turpi aut moraliter indifferente, esse ineptam ad rem præsentem. Talis quippe acceptatio nullam habet proportionem cum gratia vero martyrio rependenda; estque inepta ad illud veluti formandum ex parte hominis subeuntis mortem pro Christo, qui nihili æstimat quascunque siue actiones, siue passionem, ex germine motiui vel vitiosi vel indifferents procreatas.

Mors ad aucupandam gloriam, quàm absit à martyrio.

9. Quare omnium consensu, si quis morti in fidei odium inferendæ se obiiceret, eamque fortiter exciperet, idcirco tantum, ut laudem apud homines consequeretur, eiusque memoria in tabulis Ecclesiasticis publicisque monumentis æternam perstaret, nequaquam esset martyr, quia ex malo motiuo acceptaret mortem. Malum quippe est, vitam inter humana bona pretiosissimam, pro bono longè despiciatior prodigere. Ita apertè S. Hieronymus in c. 5. ad Gal. verbis illis. [Martyrium ipsum « si idè fiat ut admirationi & laudi habeatur, frustra « sanguis effusus est. Loquatur Apostolus, loquatur « vas electionis: si tradidero corpus meum ut glorier, « charitatem autem non habeam nihil mihi prodest.] « Similitudine Græcorum verborum, vno duntaxat elemento

seque ad meliorem sedem transiissiet, charissimo
calceo, ignis æstu eiecto, proditus est : atque ita non
Deus post hominem ostensus est, verum inanis
gloriæ studiosus, philosophiæque post mortem ex-
pers, ac nec communi sensu præditus. Hi autem,
cum eodem morbo gloriæque amore affecti, in
penitissimos quosdam terræ recessus sese abdidi-
sent, deprehensa postea fraude, non plus honoris
ex huiusmodi furtivo secessu adepti sunt, quam
contumeliæ ob compertam fraudem. At Christia-
nis iucundius est pietatis causa pati, etiamsi nemo
id resciturus sit, quam aliis cum impietate florere,
atque in gloria vertari. Hominibus quippe placere,
parum admodum curamus; id vnum expetentes, ut
honorem à Deo consequamur: ino sublimius etiam
assurgimus: (de iis loquor, qui verè philosophi, ve-
ròque Dei amore præditi sunt:) quippe summo bo-
no coniungi, propter ipsum summum bonum ex-
optantes, non autem propter honores in altero æ-
no reconditos. Secundus enim hic honestorum, &
laudabilium virorum gradus est, pretio ac mercede
aliquid facere: quemadmodum in tertia classe col-
locandi sunt, qui pœnæ metu, à scelere & maleficio
deterrentur.] Præiuerat Gregorio Tertullianus, qui
ad Martyr. c. 4. & c. 5. Apolog. latè demonstrat sub-
iectis pleiisque singularibus exemplis, Ethnicos
vana cupiditate gloriæ actos, tormenta immania &
mortem excepisse: Christianos, gloria quæ ex Deo
est contentos, martyrium subiisse.

*Motuum philosophicè duntaxat bonum,
ineptum ad martyrium.*

10. Necesse igitur est, motuum martyrij acce-

P

ptandi,

prandi, neque malum esse neque indifferens. Sed neque sufficeret motium honestum, si ea honestas naturæ finibus concluderetur nec asurgeret superius. Deus enim opera merè moraliter bona, aut perpeffiones ex philosophica duntaxat honestate exceptas, non tanti aestimat, ut eis velit gratiam sanctificantem rependere; sed quæcunque aliqua ut ita dicam fidei aspergine perlita non sunt, & omni prorsus ad eam ordine ac subiectione vacant, habet pro inutilibus ad gratiæ consecutionem. Nam nemica quidem gratiæ, aliter obtingit ulli adulto, quàm per fidei interpositionem, sine qua impossibile est placere Deo. Quia ergo volitio acceptans, martyrium, accedente mortis irrogatione conciliat adulto gratiam, necesse est acceptationem illam in aliquid fide propositum collimare: quod proinde etiam pertinebit ad fidem. Neque enim proponeretur per fidem, cui omnis cum gratia connexio est illigata, nisi aliquo tandem modo ad fidem pertineret. Motium itaque, merè naturaliter ac moraliter, siue philosophicè honestum, nisi subternatur altiori motiuo quod supernaturale sit, & per fidem proponatur, inidoneum est ad veri martyrij acceptationem terminandam. Quod perspicuè tradidit Victor Vticensis lib. 3. persecut. Vandal. agens de cruciatis Serui nobilis Tuburbitani pro seruando amici secreto exceptis. Quod enim Tuburbitanus ille, sola ciuili honestate quæ in ea tenaci arcanorum amici custodia cerni potest, ductus fuisset ad cruciatus illos excipiendos, negat Victor eos ad martyrium pertinuisse: Necessarium quippe ad id fuisset, ut exciperentur ex motiuo Christiano, ita ut honestas merè naturalis in ea ad amicam fidelitate splens,

dens, affuso aliquo fidei diuinæ honestatem illam approbantis radio collustrata, non iam vt merè humana & philosophica, sed vt Christiana obiceretur. Motiuum enim acceptationis ad gratiam sanctificantem disponētis, cuiusmodi est motiuum acceptationis martyrij, necesse est esse supernaturale.

Sufficiet prælucēte fide, etiamsi minutum.

II. Sunt verò quibus visum est, non omne motiuum moraliter honestum, aptum esse quod vel prælucēte fide collustratum, ad formandam veri martyrij acceptationem adhibeatur. Imo neque omne motiuum supernaturali honestate fectum, agnoscunt ad martyrium sufficere. Nam Martinus de Magistris q. 5. de martyrio conclus. 7. & 9. & Angelus l. 2. de virtut. c. 2. docum. 9. honestates minutas, cuiusmodi sunt, vt eorum exemplis vtat, honestates affabilitatis & eutrapeliæ, negant posse ad martyrium sufficere; quamuis fide superfusas; sed eorum duntaxat operum honestatem formandæ veri martyrij acceptationi sufficere censent, quæ eiusmodi sint, vt iis prætermisiss, vel contrario opere exclusis, dissoluenda foret hominis amicitia cum Deo: siue ex se cadant sub præceptum, vt sunt abstinentia à re, fama, vel coniuge aliena; siue tantum ex consilio suggerantur, vt sunt secessio à seculi fluctibus, ac subitio religiosi portus, obseruatio perpetuæ castitatis, aliæque huiusmodi. Erit qui his Doctorebus suffragatum putet Mensurium Carthaginensem Episcopum, qui vt est apud S. Augustinum in breuiculo collationis diei tertiæ c. 13. non modò reprobauit martyrij acceptationem ex fine minus

syncero, cuiusmodi est excutiendi creditores & ponendi onerosam multis debitis vitam, vel acqui-
rendi pecuniam, & perfruendi deliciis de obsequio
fidelium durante custodia; sed etiam purgandi se à
peccatis, & quasi abluendi facinora sua. Hoc enim
postreum motuum acceptandi martyrij, non vi-
detur potuisse à Mensurio reprobari cum sit aperte
honestum, nisi quia videbatur illi honestas prædicta
minor esse quam ut ad formandam martyrij accep-
tationem satis esset. Ac proinde videri potest minu-
tam quampiam honestatem, tametsi supernatura-
lem, non censuisse idoneam ut in motuum accep-
tandi martyrij assumeretur.

12. Verum Mensurius non est illis aliis Docto-
ribus adiungendus, nec est unde affirmemus, visum
illi esse, honestatem aliquam supernaturalem eo
quod tenuior vel minutior sit, non sufficere ad ter-
minandam & formandam martyrij acceptationem.
Agebat enim Mensurius, contra eos qui temerè
ingerebant se ad martyrium: quod ne pro honestis-
simo quidem motivo faciendum est, ut infra dicam.
Eos autem qui prudenter ac ut par est, martyrium
acceptarent, ut culpas anteriores eo veluti lixiuo
abluerent, non improbasset Mensurius. Quare
sistendum est in aliorum illorum Doctorum opina-
tione, quæ certè lubrica est, nec nisi adhibito con-
venienti temperamento admittenda. Nempe sub-
scribendum erit, si tantum affirmant, stultum fore
vitam abiicere pro minuto virtutis opere cuius
exercitatio nulla tunc lege præscribatur, & absque
dispendio omitti possit, ac denique sit tale ut pru-
dentia dicat consultius esse in eo rerum statu tale
opus prætermittere. Qui enim imprudenter ac te-
merè

mere discrimen mortis ultro adiceret, ut tali operi intempestiuè daret operam, improbandus esset, nec esset martyr, si ex ea inconsulta atque adedò iam vitiosa exilis honestatis captatione moreretur. Si autem affirmant, nefas esse pro exili honestate non violanda, aut honestè captanda, mortem oppetere, & mortem pro ea honestatis indemnitate, vel honesti studio oppetitam, martyrij decore vacare, non sunt audiendi. Sanctum enim & laudabile est, imò perfectæ charitatis cumulus, malle vita excedere, quàm Deum quoquomodo violare. Et iuxta S. Anselmi doctrinam l. 1. cur Deus homo c. 21. præstaret non nostri duntaxat corporei exitij neglectu, sed permixta quoque orbis vniuersi euerfione, & mortalium omnium clade, vnius venialis labeculæ amolitionem emergari. Quo autem quis tenaciore est honestatis minutoris, ita ut vel mortem oppetere malit quàm tenuem licet honestatem violare, perspicuè demonstrat quo animo ferretur ad retinendam honestatem pretiosiore, si eam quoque periclitari contingeret. Quæ est egregia eiusdem S. Anselmi doctrina, relata ab Edinero sub finem libri primi de eius vita. Cum enim S. Elphegus Archiepiscopus Cantuariensis eo nomine ab Anglis martyr audiret, quod elegisset vitam perdere, quàm custodire persoluto immenso litro, quod non nisi exfugendis ac deglubendis suis posset persolvere; dubitavit Lanfrancus, an hoc acceptandæ mortis motiuum, esset ad formandam martyrij voluntatem idoneum: cui ea de re sententiam suam exquirenti, sic respondisse S. Anselmum refert Edinerus. [Palam est quod is qui ne leue^{te} quidem contra Deum peccatum admittat, mori^{te}

« non dubitaret , multo maximè mori non dubi-
 « taret , priusquàm aliquo graui peccato Deum exa-
 « cerbatet. Et reuera grauius peccatum videtur esse
 « Christum negare , quàm quemlibet terrenum Do-
 « minum pro redemptione vitæ suæ homines suos
 « per ablationem pecuniæ illorum ad modicum gra-
 « uare. Sed hoc quod minus est , Elsegus noluit fa-
 « cere. Multo igitur minus Christum negaret , si ve-
 « sana manus eum ad hoc mortem intendendo con-
 « stringeret. Vnde datur intelligi, miram pectus eius
 « iustitiam possedisse , quando vitam suam maluit
 « dare , quàm spreta charitate proximos suos scan-
 « dalizare. Quamobrem longè fuit ab eo illud vā,
 « quod Dominus minatur ei per quem scandalum
 « venit. Nec immeritò vt reor , inter martyres com-
 « putatur , qui pro tanta iustitia mortem sponte su-
 « stinuisse veraciter prædicatur.]

*Debet tamen esse motiuum inferendi mortem
 aequè ac excipiendi.*

13. Omnis itaque supernaturalis honestas,
 quantumuis minuta , imo quæuis honestas mora-
 lis prout supernaturali honestate conuestita, & per
 fidem proposita , si vel mors obeunda , vel hone-
 statis illius dispendium incurrendum cum vitio sit,
 potest idoneum motiuum ad veri martyrij accepta-
 tionem subministrare; & qui eam ob causam mor-
 tem excipiet , censebitur verus martyr , quantum
 est ex hoc capite. Quod addo , quia mors accepta-
 ta ex idoneo martyrij motiuo, quale proposuimus,
 posset aliunde non spectare ad martyrium. Quan-
 tumcūque enim latro in patibulo suffigendus, ve-
 lic

lit mortem acceptare propter Christum, non erit martyr: quia quamuis adsint quæ ex parte patientis interuenire debent, vt verum martyrium perficiatur, tamen ad completum martyrium interuenire præterea debet aliquid ex parte persecutoris mortem inferentis, quem necesse est Christi aut fidei odio duci in irroganda morte, quod in eo euentu non cernitur. Inno ob eandem causam, non esset verus martyr is qui damnatus ad mortem ob admissa crimina, cum posset mentiendo declinare corporis exitium, mallet tamen iustis suppliciis mulctari & vita excedere, quam ea ratione Christianis legibus interdicta euadere. Quamuis enim Tabienna v. *Martyres n. 3.* hominem sic morientem, martyrem esse contendat, tamen contrarium est omnino verum. Non enim ob euitatum mendacium morte afficitur qui eiusmodi est, sed ob perpetratum crimen: V. G. ob cædem innoxij, vel ob damnum rebus alienis illatum. Euitatio autem mendacij, est extra causam ob quam mors inferitur: tantumque est remotio obicis, quo iusta mors declinari potuisset. Quem obicem (quippe vitiosum,) apponere noluisse, laudabile est: mors tamen quæ inferitur eo non appposito, non est vexatio repensæ propter hunc laudabilem actum, sed propter scelus antecedens cui obex ille malè & cum nouo peccato obtendi potuisset: ac proinde talis mors, ad martyrium non sufficit.

*Quid de motiuo, existimato tantum
aut dubio.*

14. Duo hoc loco supersunt dubia. Alterum an

honestas sup̄naturalis falsò existimata, possit esse idoneum motiuum acceptionis martyrij: alterum an idem possit honestis dubia. Potest enim contingere, vt propositio aliqua falsò existimeretur Catholica, ac pert̄nens ad fidem, quamuis eiusmodi non sit: & tamen mors intentetur per tyrannum fidei hostem, nisi eius professio abiiciatur. Si ergo aliquis rerum Christianarum non admodum peritus, sed spiritu feruens, mori mallet quàm damnare propositionem, quam per errorem inuincibilem existimaret ad fidei sc̄ra pertinere, essetne numero martyrum eximendus, subsecuta idcirco mortis irrogatione? Item posset contingere vt propositio aliqua non esset apertè de fide: dubium tamen esset alicui, an reipsa talis propositio definita sit, quamuis definitio non sit explorata. Vel certè dubium esset, an propositio nondum definita per Ecclesiam, contineatur inter reuelata à Christo, tanúmque non numeretur inter fidei dogmata, quia defuit propositio Ecclesiæ, sine qua nihil apud Catholicos censetur vniuersaliter credendum. Qui ergo sic affectus esset circa alicuius propositionis veritatem, si subueritus in reuelationem quamuis authenticè non propositam impingere, mallet mortem idcirco intentatam excipere, quàm damnare propositionem de qua anceps est an ad fidem pertineat, essetne martyribus annumerandus? In utroque enim euentu deesse videtur idoneum motiuum acceptionis martyrij. Nam in priore mors reipsa non excipitur propter fidem, quamuis falsò ita existimeretur, ob falsam & tyranni persequentis & hominis fidelis patientis, persuasionem. At monstrauimus, acceptionem veri

ri martyrij, terminandam esse ad fidem diuinam, quæ sanè non cadit in aliquod obiectum propter existimationem nostram falsò sic persuasam, sed quia reipsa obiectum illud diuinæ reuelationi subternitur, éstque ea quasi perfusum. In posteriore autem euentu, non est exploratum quid fides ferat. Improvidè igitur certa mors pro incerta fidei veritate, videtur oppetenda, esséque proinde ad martyrij decora insufficiens.

*Cur motino existimato nixus, non sit martyr,
causa illegitima ab aliis prolata.*

15. Priori dubio satisfaciendum est, admittendo, posse aliquem inuincibiliter labi existimando propositionem aliquam spectare ad fidé, ad quam reuera non spectat: Quod negat Altissiodorensis, meritò improbatus à Maiore in 3. d. 23. q. 10. Improbandus etiam ipse, quatenus existimat, hominem posse diuina fide ferri in propositionem falsam, quæ prudenter censeatur subiacere diuinæ reuelationi: quasi sicut in humanis prudens existimatio sustollit opus ad honestatem in eo per errorem apprehensam, vt constat ex eleemosyna collata pauperi existimato, reipsa diuiti; ita ad fidem censenda sit sufficere prudens existimatio quod aliquid ad fidem spectet, qualis esset quam rusticus formaret, si à Prælato vel à cœtu Episcoporum totius regni, aliqua propositio vendicaretur tanquam articulus fidei, quæ tamen à perito Theologo reninci posset erroris. Hoc improbandum dico. Falsum enim est, esse paritatem inter fidem, & prudentiam, vel virtutes morales prudentiæ subordinatas,

natas, & per eam dirigendas. Aliæ quippe virtutes cum sint in voluntate, non debent excludere falsum, quod est malum intellectus. Item prudentia eis prælucescens debet tantum excludere errorem practicum: id est debet ita iudicare de agendis, ut spectatis adiunctis operanti notis, verum sit iudicium quod ab eo fertur: quamvis falsa inuincibiliter sit minor quæ in syllogismo prudentiali subsumitur, nec est proxima vel remota regula operandi, sed tantum est notitia speculatiua, quæ per modum conditionis admiscetur ad applicationem materiæ, de qua vniuersale dictamen synterefeos remotè, proximè autem & immediatè prudentia in syllogismi propositi conclusionem pronunciat. Ut proinde ea falsitas inuincibiliter irrepens in minorem syllogismi prudentialis, nihil incommodet veritati practicæ quam prudentia confectatur, & quam virtutes purè morales ex prudentiæ ductu sequuntur. Id quod etiam proportionem seruata locum habet in arte, quoad errorem speculatiuum de conditionibus materiæ, quas ars aliunde vestigatas & rectè constitutas, supponit. At fidei longè alia est ratio. Prout enim ad assentiendum alicui vero diuinitus reuelato fertur, est in intellectu speculatiuo qui debet prorsus falsum excludere: quia spectat verum simpliciter dictum, id est verum speculatiuum; nec pronunciat de eo quod verè faciendum est posita hac aut illa cognitione adiunctorum, sed absolutè attingit quod, re ipsa est in objecto: atque ita nisi actus objecto conformetur, elicietur assensus falsus, qui non poterit esse virtutis intellectum speculatiuum perficientis, cuiusmodi est scientia & fides diuina. Sicut ergo qui ex præmissis falsis

quas

quas veras inuincibiliter existimaret, eliceret conclusionem, non excuderet verum scientiæ assensum, vt rectè notauit Caietanus 2. 2. q. 1. art. 5. *in fine*; ita neque qui assensum falsum ex inuincibiliter falsa persuasione conciperet, circa rem quam ille spectare ad fidem censeret, liber quidem esset à culpa propter erroris inuincibilitatem; non tamen eliceret actum fidei.

16. Ac proinde aliter satisfaciendum est dubio proposito, quam supponendo fidem posse esse de re falsa, quæ vera existimeretur per errorem inuincibilem, qui erat modus quo Maior dubio prædicto respondebat & præiuerat Holkot in 1. q. 1. *littera R.* ad 5. principale, vbi disertè admittit, hominem pro eo falso articulo cæsum, verè fore martyrem. Id quod etiam ex notabili quodam Doctore refert Nider 3. p. consolatorij c. 30. *ad 2. dubium*, qui tamen sentit contrarium, nec satis enodat difficultatem cum ait, idcirco mortem pro falso articulo appetitam non fore martyrium, quia ignorantia circa illum articulum non erit inuincibilis. Fore autem vincibilem, quia habitus fidei inclinat hominem ad assensum falso illi contrarium, cumque vnctio docet de omnibus. Hoc nego satisfacere; quia inclinatio facta per habitum, non est aliquid sensibile, aut quasi depressio vel degrauiatio potentiæ ad actum suum, cum auersione à contrario, vt Nider videtur imaginari; sed tantum est potestas connaturalis efficiendi verum fidei actum: vnde nihil habetur ad astruendam vincibilitatem erroris in assensu falso intercedentis, de cuius fallitate intellectus, nulla aliunde cogitatione pulsetur.

Non item satisfaciunt quæ alij ad eandem vincibilitatem

cibilitatem in euentu proposito stabiliendam adducunt; dicentes, deesse ibi sufficientem & legitimam propositionem, eo quod priuata propositio, cuiusmodi esset qua Episcopus rustico imponeret, obtrudens illi falsum articulum, non sit censenda sufficiens, nisi certò & indubiè constare queat, eam esse conformem doctrinæ Ecclesiæ vniuersalis: itaque rusticus pro falsitate illa cadens, martyr non foret, quia culpabiliter existimaret propositionem pro qua moritur ad fidem pertinere, cum deberet assensum circa eam suspendere, quousque illi constaret, eum esse sensum vniuersalis Ecclesiæ. Ita Scotus in 3.d.25.q.1. *litera E.* Eoque planè recidunt recentiores, qui defectum legitimæ propositionis causantur, quod facit Suares disp. 3. de fide s. 13. n.9. & Lorca ibid disp. 10. à num. 10. Hæc inquam non satisfaciunt. Nec enim aliter constat rustico de sensu totius Ecclesiæ quoad articulos veros, quàm quoad falsum illum qui obtruditur: quod euidentius erit, si supponamus, Episcopum illum qui rustico imponit, falsum aliquem articulum proponendo, simul proponere aliquem articulum verum, pro quo illamet propositio sufficiat. Rustico enim, sufficientissima esse videtur propositio facta per Episcopum cui subest: non enim aliter nouit quæ sit vniuersalis Ecclesiæ doctrina, debétque ut certum habere, quod ab Episcopo suo, ut certum, & ad fidem pertinens accipit. Quod si vnus Episcopus non sufficit ad legitimè proponendum rustico res fidei, & iniiciendam ei obligationem credendi, ponamus omnes totius regni Episcopos falsum illum articulum exhibere rustico, inuincibiliter ignoranti esse alios præterea Episcopos qui
refrugen

De acceptatione martyri per adultum. 237
refragentur. An etiam tunc, rusticus cui ne tenuissima quidem in contrarium afflatur cogitatio, dicendus erit vincibiliter assensum præstitisse, ideoque martyr non esse, si moriatur pro eiusmodi articulo, quem sic propositum existimat ad fidem pertinere?

Potest esse martyr, & quare.

17. Itaque ego quidem faciliè admitto, in prædicto euentu, hominem quamuis non possit fide Diuina ferri in obiectum falsum, siue in articulum qui perperam existimatur verus, eo quod desit ratio fidei motiua; tamen quamdiu diuinum lumen liquidius & vberius non affulget, teneri eodem prorsus modo se gerere circa falsum illum articulum tam authenticè exhibitum, ac si reipsa verus esset. Proindeque prudenter iudicaturum, bonum esse credere fide diuina articulum sic propositum, & ex eiusdem iudicii ductu, voliturum credere. Tale namque iudicium, quamuis esset speculatiuè falsum, practicè tamen esset verissimum: vnde non repugnaret Deum specialiter mouere ad illud, sicut mouet specialiter ad simile iudicium prudentia infusa, de danda propter Christum eleemosina pauperi ficto, quem homo falsò egentem existimet. Consequenter verò præterea admitto, posse hominem pro articulo falso, de quo inuincibiliter prædictum iudicium tulerit, velle mortem oppetere; eamque si oppetat, fore verum martyrem, quia morietur ne mutet affectum respectu articuli quem prudenter existimat reuelatum; atque aded ne contra diuinum mandatum, aliquid aduersus conscientiam

tiam admittat: quod liquet esse honestissimum, ac prælucente fide suscipi, & sufficere ad martyrium. Nec difficile etiam est demonstrare, hominem sic morientem vero martyrio defungi, non tantum ratione virtutis in tuendo falso articulo proditæ, sed etiam ratione veræ fidei: quia regulariter qui mortem pro Christo oppetit, idcirco mortem deligit, quia fixum habet, fidem suam retinere illibatam, nec arctat se ad vnum peculiare obiectum materiale, cuiusmodi esset falsus articulus in euentu proposito, sed vno veluti impetu fertur in omnia, quia apprehendit omnia tanquam connexa & æquæ à Deo dicta; ita vt indubie sentiat, si eum articulum expungat, assensum quem reliquis præstabit, non fore ulterius veram fidem. Itaque quantum est ex parte sua, non pro solo falso articulo moritur, sed etiam pro fide vera, quæ vno secundum prudentem estimationem conuulso, circa nullum ex aliis firma perstat. Propterea enim, qui in euentu proposito, refugeret se habere eodem planè modo quo si crederet, fieret hæreticus, vt Valentia rectè vidit 2. 2. disp. 1. q. 2. p. 5. *in fine*. Cæterum quamuis Catholicus, pro veritate fidei tantum existimata cæsus, posset ad modum prædictum esse verus martyr, tamen hæreticus aliùsve infidelis, qui per errorem inuincibilem putaret se veram religionem tueri, & quæ ex causa mortem acceptaret, & oppeteret, non esset habendus verus martyr ob defectum omnimodum fidei, sine qua impossibile est placere Deo. Et ita luculenter S. Augustinus lib. 1. contra Parmen. c. 7.

Quid de motiuis non apertè idoneo, aut dubio.

18. In posteriore dubio statuendum est, vitam temerè nec absque scelere, atque adeò sine martyrij fructibus abiiciendam pro assertione alicuius propositionis, cuius veritas non sit in Ecclesia prorsus rata, ita ut non sit exploratum quod eius assensus à fide edicatur. Optimè tamen faceret, qui sanguinem profunderè decerneret potiùs, quàm in animum induceret, damnare propositionem de qua ambigeret sitne ex fide tenenda: Et mors eam ob causam acceptata, verum ac proprium martyrium censenda esset. Imo quamuis certum esset, propositionem aliquam non esse Ecclesiæ suffragio firmatam, cum tamen ego pro martyre haberem, qui renueret talem propositionem suffigere: ne vel contra conscientiam ageret, qua censeret propositionem illam veritate subniti; vel pietati quam assertionem illius propositionis promouendam arbitraretur, quoquo modo incommodaret; & sic renuens, mortem ea ex causa exciperet, malens de vita quàm de ea pietate periclitari. V. G. Ecclesia nihil liquidò edixit circa nitelam conceptionis Deiparæ; imò sæpè contestata est, nihil in eo negotio fide sanctum esse, quamuis in confesso sit, admodum piam esse sententiam, quæ nitelæ illi astipulatur: nec dubitare liceat quin sit pietati Catholica multò congruentior, quàm sententia opposita, quæ parentalem illuuiem Virgini affricat. Si igitur alicui mors intentaretur ni piam illam sententiam improbareret, isque mallet mortem potiùs acceptare eam ob causam, & reipsa eam exciperet, martyr esset

esset verè ac propriè: etiamsi tantum spectaret quod auctior pietas fert, & lex priuata conscientiæ, Christo quoque probata, mandat. Nam si spectaret legem Ecclesiasticam qua sententiæ illius suffixione interdicitur, mallétque mori quàm in legem illam delinquere, multo apertior esset martyrij veritas, morte irrogata eam ob causam.

Perspicuè igitur monstratum manet, in omni idonea causa acceptationis martyrij inuolui ordinem ad fidem; & omnem honestatem pro cuius assertionem vel indemnitate mors subeatur quæ ad martyrium sufficiat, debere per fidem proponi. Nam id in his quoque obiectis quæ proximè discussimus, eatenus cernitur, quatenus fides præscribit honestum esse occumbere, ne inpetas veritatem illam quam existimes fide certam: & honestum esse mallem mortem oppetere, quàm aduersari veritati quæ fortassis fide sancitur; aut quàm incommodare pietati auctiori. Cum ergo in his obiectis de quibus res videri poterat minùs explorata, cernatur nihilominus ea quam dixi subordinatio ad fidem, perspicuum est idem multo magis de quibusvis aliis obiectis esse affirmandum, ob quæ possit homo mortem irrogatam acceptare cum fructu & decoribus martyrij.

Martyrij acceptatio, debet supernaturalis esse.

19. Insuper verò ex dictis perspicitur, martyrij acceptationem in qua formanda versamur, supernaturalem esse oportere, & virtutis alicuius infusæ partem. De supernaturalitate res est explorata, ex eo quod acceptatio de qua agimus, subiungitur notitiæ

titia fidei. Volitio enim proportionem seruat cum notitia per quam dirigitur, ac cum motiuo quod per notitiam illam obicitur. Quia ergo in re presenti, notitia fidei prælucens, & motiuum quo fidei acceptatio nititur, naturæ fines transcendunt, necessarium est vt acceptatio quoque supra naturam attollatur. Et verò tanta est martyrii arduitas, tantæque vitæ per martyrium profligatæ cupiditas in omnibus mortalibus, vt cæcus videri possit qui non agnoscat, hominem naturæ viribus relictum, in bona quæ oculis non sunt conspicua, animo intentum, nequaquam delecturum è vita excedere per immanes cruciatus; ac proinde qui non perspiciat necessariam ei esse gratiam ad rectè & sicut oportet, expetendā, pulchram per vulnera mortem; quod est asserere supernaturalitatem acceptationis de qua agimus. Agnouit eam gratiæ necessitatem ad martyrii acceptationē, S. Augustinus hom. 14. ex 50. obseruans, esse quidem illam in psalmo martyris vocem, *paratum cor meum*, id est, *parata voluntas mea*, sed eam voluntatem martyrii acceptandi, præparari à Domino, de quo alibi in persona martyris contestatur Dauid, *quoniam ab ipso patientia mea*. Psal. 61. Subditque fortes quidem esse martyres ac firmos, tamen panem qui Christus est, & gratiam Christi quam in dies tanquam panem quotidianum mendicare cogimur, confirmare cor hominis. Pereleganter quoque in psal. 118. conc. 23. ait, testimonia Dei acquiri hæreditate; non enim parari à quoquam, & à multis quærentibus non obtineri; sed obtingere à Patre, voluntatem præparante & ad id roborante per gratiam. S. Prosper 2. p. de promiss. c. 18. huc aptat illud Apostolide the-

sauro in vasis fictilibus vt sublimitas sit virtutis Dei & non ex nobis: confertque SS. martyres cum militibus Gedeonis, quorum virtus ex Deo & gratia fuit. Affine est, quod S. Augustinus in c. 39. Iob, martyres expressos censet equo illo apud Iobum, qui prodit in prælium, & exultat ad pugnam, sed munitus virtute ex alto. Egregia est eius ecphrasis verborum Iobi. *An tu circumdedisti eqro &c.*

20. Idipsum ferunt illa Luciferi Calaritani lib. quod moriendum sit pro Dei filio, contestantis Ariano Imperatori, inde maximè animatos Catholicos quem ad supplicium orthodoxæ fidei causa raperentur, quod Deum haberent per spiritum gratiæ suæ, coadiutorem in acceptanda, & cooperarium in generosè excipienda propter Christum morte irrogata [Id nobis qui eum propter quem patimur, esse nobiscum credimus, in augmentum virtutis adsumimus, quod tu cruciatui sperasti prodesse punitor. Hinc est quod malis tuis quatientibus non frangamur, quantoque variè continua crudelitate vexamur, tantò firmiter roboremur. Est enim nobiscum ille qui adolescentes Hæbræos credentes in se, in camino ignis tutatus est, ipse firmat nostras mentes, ipse sensum regit nostrum, ipse diuino incendit amore sua nostra corda, & ad tolerantiam sanctæ passionis animat.]

Et inferius. [Sentire pœnarum cruciatus non possumus, in quibus Christus patitur, in quibus Christus æternam salutem operatur.] Rursus infra. [Possint vel gladio inuadere, vel crucifigere, vel igni torrere, vel quolibet inaudito genere pœnarum viscera nostra ac membra laniare, at stamus nunc vsque per Dominum immobiles, staturi semper.

semper. Si quidem non nos sumus, qui tuos frendores vincamus, sed ipse in nobis, cuius auxilio regimur, cuius virtute seruiamur. Quantus enim tu es, aut qualis, qui possis spoliare nos his bonis quæ sunt in nos collata diuinitus] Et infra paucas lineas. [Nouimus quod sit martyrium dominicæ fortitudinis singularis imitatio: laboris quidem & difficultatis plena satis, & ardua martyrium adedò via est, ut non quis humanis implere valeat viribus; sed nos qui auxilio diuinæ suffragationis iuuamur, calcemus te semper, ut hunc calcamus necesse est.]

Deus in martyribus pugnans, & patiens.

21. Quod aliquoties Lucifer cum locis allegatis, tum alibi, Christum in martyribus pugnare atlerit, expressit ex Tertulliano l. ad marty. c. 1. vbi martyres hortatur, caueant ne contristent Spiritum sanctum qui cum eis in carcerem introierat. [Si enim (inquit) non vobiscum nunc introisset, nec vos illhic hodie fuissetis.] Ex necessaria autem Spiritus sancti præsentia, apertè liquet de necessitate gratiæ, ad perpeffionem, atque adedò etiam ad acceptationem martyrij. Eandem Dei intra martyres præsentiam, pulchrè significauit Nyssenus orat. de S. Stephano, quærens cur in eo certamine protomartyris, Patris ac Filij in cœlo species, non item Spiritus sancti sit obiecta; respondetque, rationem fuisse quod Spiritus sanctus Stephani pectus inhabitaret, & ad agonis consummationem roboraret, ideòque in cœlo visum non fuisse. Pati item ac pugnare in martyribus Christum, iuuando scilicet & roborando

do athletas suos per supernaturalia subsidia & cœlestes suppetias, tradit S. Augustinus serm. 49. de sanctis. Imo Hilarius Diaconus apud Ambrosium in illud 2. Cor. 4. *semper mortificationem* {ESV, ait, Christum occidi in martyribus. Et Origenes hom. 11. in Ieremiam, ait Christum in singulis martyribus condemnari. Quod si Deus cum omnibus iustis est in tribulatione, ut Psaltes ait, & pulchrè expendit S. Bernardus serm. 16. in psalm. *qui habitat*, & Ambr. l. de Ioseph. c. 5. alludens ad illud de Iosepho, *descenditque cum illo in foveam, & in vinculis non dereliquit eum*: ut etiam eam ob causam dixerit David 2. Reg. 7. *redemisti tibi ex Aegypto gentem & Deum eius*, quippe cum gente quodammodo captivum: & species quarti cum pueris intra fornacem constituta, visa sit similis filio Dei: Quanto magis de SS. Martyribus, qui prœlia Domini prœliantur, & quibus rectè dicatur, *non est pugna vestra sed Domini*, existimandum est valere, quod Dominus cum illis in foveam descendat, cum illis certet per gratiam, & de satana triumphet? Fuit hic sensus Sanctæ martyris Felicitatis, cum S. Perpetua passæ in Africa, de qua lectionarium antiquum exscriptum à Baronio anno 205 num. 26. prodit, cum parturiens doleret & vociferaretur, eique insultaret commentariensis, verbis illis; [quomodo cras libens mortem suscipies, quæ pariens adèd perturbaris respondisse sapientissimè Naturæ debitas pœnas, naturali tantum virtute persoluo, supplicia autem quæ subministrat impietas, diuina gratia superabit.] S. quoque Cyprianus initio libri de laude martyrij describens martyrem pœnis suis fortiorem, hoc solum ab eo conuolui ait, quod in eo plus pro quo patitur Christus,

flus,quàm ipse,patiatur, Idque ex eo probat, quod Christo laus victoriæ & constantis perpeſſionis debeatur. Eius ergo fuit perpeſſio. Idem breuiter attigit commentarius Hyeronimo tributus in Pſal. 115 ad illud,*& nomē domini inuocabo.* Ex neceſſitate enim inuocationis diuini nominis præmiſſa acceptiōi calicis ſiue martyrio, colligit acceptationem martyrij eſſe opus gratiæ, & Ieſum eſſe qui vincit in ſuo martyre, & in eodem coronatur. S. Chryſoſtomus optimè homil.de Machab. *initio*, martyres vocat arma Chriſti quibus induitur & pugnat, pro bātque ex Paulo quem ita allegat. Si experimen- tum quæritis, præliantis, in me Chriſti.

22. Iuuat illuſtriſſimum Sancti Irenæi locum, de ſpiritus ſancti cum martyribus conſertione ad pug- nandum, non prætereire, eoque lubentiùs illum ad- ſcribo, quod tanti Patris mentem, minùs introſpe- xiſſe, qui eum exponendum ſuſceperant, deprehen- do. Sic igitur de ſpiritu ſancto martyribus ad pug- nandum & patiendum cooperario, eiſque quadan- tenus conſerto, philoſophatur S. Irenæus lib. 5. c. 9. [Tria ſunt ex quibus (quemadmodum oſtendimus) perfectus homo conſtat carne, anima, & ſpiri- tu. Et altero quidem ſaluante & figurante, qui eſt ſpiritus; altero quod vnitur, & formatur, quod eſt caro Id verò quod inter hæc eſt duo, eſt anima, quæ aliquando quidem ſubſequens ſpiritum eleua- tur ab eo, aliquando autem conſentiens carni, deci- dit in terreas concupiſcentias. Quotquot ergo id quod ſaluat, & format in vitam non habent, hi con- ſequenter erunt & vocabuntur caro & ſanguis, quippe qui non habent ſpiritum Dei in ſe. Propter hoc autem & mortui tales dicti ſunt à Domino;

« finite enim) inquit) mortuos sepelire mortuos suos:
« quoniam non habent spiritum viuificantem homi-
« nem. Quotquot autem timent Deum, & credunt
« in aduentum filij eius, & per fidem constituunt in
« cordibus suis spiritum Dei, hi tales iuste homines
« dicentur, & mundi, & spirituales, & viuentes Deo,
« quia habent spiritum patris, qui emundat homi-
« nem, & subleuat in vitam Dei. Scut enim caro in-
« firma, sic & spiritus promptus à Domino testimo-
« nium accepit. Hic est potens perficere, quæcunque
« in promptu habet. Si igitur hoc quod est promptū
« spiritus, admisceat aliquis velut stimulum infirmi-
« tati carnis, necesse est omnimodo, vt id quod est
« forte, superet infirmum, ita vt absorbeatur, infir-
« mitas carnis à fortitudine spiritus: & esse eum qui
« sit talis, non iam carnalem, sed spirituales, propter
« spiritus communionem. Sic igitur martyres testan-
« tur, & contemnunt mortem, non secundum infirmi-
« tatem carnis, sed secundum quod promptus est
« spiritus. Infirmitas enim carnis absorpta, potentem
« ostendit spiritum. Spiritus autem rursus absorbens
« infirmitatem, hæreditate possidet carnem in se, &
« ex vtrisque factus est viuens homo. Viuens quidem
« propter participationem spiritus, homo autem
« propter substantiam carnis. Igitur caro sine spiritu
« Dei mortua est, non habens vitam: regnum Dei
« possidere non potest, sanguis irrationalis, velut
« aqua effusa in terram. Et propter hoc ait, qualis ter-
« renus, tales & terreni. Vbi autem spiritus patris, ibi
« homo viuens, sanguis rationalis ad vltionem à Deo
« custoditus, caro à spiritu possessa; oblita quidem sui,
« qualitatem autem spiritus assumens, conformis
« facta est verbo Dei.]

Hæc eo loco Irenæus, qui acceptus de Spiritu S. hominem perfectum, idest spiritualem, sed maximè martyrem quasi compingente, eo quod sit ei principium supernaturalium operum, difficultatibus illis & implexitatibus vacat, quibus implicentur necesse est, qui tria illa ab Apostolo item distincta 1. Thessalo. 5. Spiritum, animam, & corpus, de triplici physico hominis constitutiuo, accipienda censuerunt: Quam expositionem non approbo, cum expeditissima & planissima sit, quæ tradita hîc est ab Irenæo, & superius c. 6. quo se ipse refert; & probata item est Chrysostomo, ac ferè Græcis, & Hyeronimo q. vltima ad Hedibiam; nempe de spiritu sancto, animæ corpus viuificante & hominem constituyente, ad modum animæ supernaturalis, & principalis spiritus facto: qui suas supernaturalis vitæ operationes, cum in aliis iustis quos ad prædictum modum omnes inhabitat, tum maximè in martyribus prodat, roborans & animans eos in pugna, & ad acceptandam excipiendamque intrepidè mortem per quosuis cruciarum horrores irrogatam, indebita naturæ virtute communiat, gratiæ plurimæ & lectissimæ, cum ad acceptandam, tum ad subeundam mortem necessariæ, affusione. Hoc S. Hilarius non negauit l. 10. de Trinit. cum dixit, naturale esse in martyribus, vt per fidei calorem, calcent tormenta. Ibi enim naturale accipit pro creato. Agit enim contra Arianos, verbo Dei ignauum timorem & dolorem ex impendente morte tribuentes. Hoc inde refellit S. Hilarius, quod martyribus, per fidei calorem, (atque aded non vi naturali de qua hic agimus, hoc est virtute naturæ finibus conclusa,) tormenta des-

puere, naturale sit, hoc est vi creata, sed diuinitus adiuta, perfectum. Sanè apud Scotum in 4.d.43.q.4 *litera. A.* & Antonium Andream q.4. de Sex principiis, inter alias *naturalis* acceptiones, vna proponitur, qua naturale dicitur quicquid non est violentum, sed prodit à principio interno, saltem adiuto.

*An martyrìum possit sub meritum cadere,
pugnantes sententia.*

23. Esse porro hanc gratiam purè ac simpliciter gratiam, in quibusuis eam nactis, neque vnquam sub hominis meritum cadere, docere videtur Petrus Chrysologus serm. 152. argumento ex
 “ Innocentibus ducto, hunc in modum. [Attendat
 “ auditor, attendat vt intelligat, martyrìum non
 “ constare per meritum; sed venire per gratiam. In
 “ paruulis quæ voluntas, quod arbitrium, vbi ca-
 “ ptiua fuit & ipsa natura? De martyrìo ergo debe-
 “ mus totum Deo, nihil nobis. Vincere diabolum,
 “ corpus tradere, contemnere viscera, tormenta ex-
 “ pendere, lassare tortorem, capere de iniuriis glo-
 “ riam, de morte vitam, non est virtutis humanæ,
 “ muneris est diuini. Ad martyrìum qui sua virtute
 “ currit non per Christum, non peruenit ad coro-
 “ nam.] Sic ille, omne vt videtur, martyrìi meritum,
 abrogans, purèque ad gratiam referens quod quis
 martyrìum subeat. E contra verò S. Cyprianus l. de
 laude martyrìi *sub finem*, agnoscit martyrìum &
 gratiam quæ ei acceptando & excipiendo confer-
 tur, quandoque esse præmium meriti antecedentis,
 per auxilia antè collata comparati. Sic enim
 ait

ait. [Deus omnium cultor velut quoddam marty-
rio remedium vitæ dedit, quando aliis illud pro
merito eorum tribuit; aliis pro misericordia sua
tradidit. Vidimus quippe ad hunc nominis titu-
lum, fide nobiles venisse pleròsque, ut deuotionis
obsequium mors honestaret. Sed & alios frequen-
ter aspeximus, interritos stetisse; ut admissa pec-
cata redimentes, cruore suo loti haberentur in san-
guine, & reuiuiscerent interempti, qui viuentes
computabantur occisi. Mors quippe integriorem
facit vitam, mors amissam inuenit gloriam. Nam
hoc spes iam amissa percipitur, hoc salus cuncta
reparatur. Sic cum arentibus campis sementa defe-
cerunt, & herbis terra morientibus æstuarit, supi-
nis è collibus fluuium iuuat elicere, & scaturienti-
bus riuis arua sitientia temperare: quo se in vberes
culmos victa agri ieiunitas funderet, & pluuiali
imbre mentito, seges densior inhorreret.] Hi ita-
que quanuis ob antecedentia peccata exsuccì, & ad
martyrij frugem fundendam inidonei viderentur,
tamen accedente labore ac veluti cultura pœniten-
tiæ, ac rigatione lacrymarum, idonei euaserunt ut
promererentur martyrium. Tandem Martinus de
Magistris q.6. de fortitudine, ait vtrumque verum
esse, & nunc martyrium cadere sub meritum,
nunc non cadere.

Resolutio.

24. Dicendum videtur, Chrysologum exclu-
dere duntaxat quodcunque meritum naturale mar-
tyrij, itémque meritum supernaturale condignum.
Nullum quippe est pactum ex quo Deus se astrin-

xerit ad siccompensanda alicuius anteriora merita,
 vt propter ea prouideat illi martyrium. Et plerique
 viri sanctissimi, martyrij cupiditate flagrantissimi,
 & ad illud se iugibus precationibus & vitæ sancti-
 tate aptantes, nunquam exorarunt vt martyres es-
 sent. Res est vulgatissima de SS. Francisco, Ro-
 mualdo, Xauerio, aliisque. S. autem Cyprianus,
 admittit duntaxat supernaturale meritum con-
 gruum, quale est in plerisque qui martyrij in-
 cruenti longo vsu, proludant cruento, iuxta illud
 S. Eucherij sub initium homiliæ de S. Romano.

« [Magnum quidem charissimi, atque laudabile est,
 « si quando sæua tempestas persecutionis ingruerit,
 « subitò quemcunque de populo pro Christo mori,
 « & in sacrificium pietatis assumi. Et idè inspirata
 « deuotione, de communis vitæ statu & conuersa-
 « tione sæculi, ad compendiosi martyrij gladio per-
 « uenire victoriam, sine bello; consummatione
 « iuncta principio, compendiosa beatitudo est. At
 « verò per diutinam seruitutem, veterinque mili-
 « tiam, & emeritam deuotionem, gratiam labori-
 « bus comitari, & cooperante retributore, munifi-
 « centiam virtutibus præuenire, ac meritis inuitare,
 « quàm ardua difficultas, tam gloriosa fœlicitas est.]

Luculenter item in eam rem S. Augustinus ser. 32.
 de Sanctis, qui est tertius de S. Laurentio, cuius
 nitentissimam ante martyrium vitam describit.

« [Sufficere (ait) nobis debent ad profectum salutis
 « nostræ, martyrum exempla Sanctorum; qui propter
 « adipiscendam cœlestem coronam omnibus se man-
 « datis dominicis subdiderunt, & ita cunctis deuin-
 « xerunt se legibus saluatoris, vt propter anteaactam
 « vitam mererentur ad hanc martyrij gloriam perue-
 nire,

nire. Non enim illo in tempore tantum, perfece-
runt præceptum Domini, quo confessionis sup-
plicium pertulerunt: sed necesse fuit illis prius se-
cundum Evangelium vixisse, ut Christi passi-
bus participarentur. Necesse est, inquam, ut ini-
tia bona fiereut, quorum finis est optimus subse-
cutus; & martyres eos non solum fuisse cum passi
sunt, sed etiam tunc martyres Christi esse, cum
viuerent.]

*Cuius virtutis infusa sit martyrij acceptatio,
varia sententia.*

25. Iam quod cum supernaturalitate hætenus
tractata; complicatum esse dicebam; esse scilicet
veri martyrij acceptationem, virtutis alicuius in-
fusæ partum, extra controuersiam est, supposita
actus illius supernaturalitate. Cuius verò infusæ
virtutis sit hæc supernaturalis acceptatio, non est
vsquequaque exploratum. Ambiguum enim esse
potest, sitne actus obedientiæ, quandoquidem po-
test aliquis mortem acceptare præ diuinæ legis
transgressione: an religionis, ut si velit mortem
subire ne gloriam suam mutet in similitudinem vi-
tuli comedentis fœnum: an Christianæ fortitudi-
nis, ut si velit mortem excipere quia consenta-
neum est Christiano non frangi difficultatibus, aut
malis cedere, sed contra audentio rem pro Deo ire:
an fidei Christianæ, quam testatam vel fuso san-
guine, & morte sua obsignatam velit: an charita-
tis in Deum, cui placere vel per extrema quæque,
fixum habeat. Possunt similia alia motiua, martyrij
acceptationi præfigi. Et idcirco Doctores hic in va-
ria

ria abierunt. Martinus de Magistris q. 3. de martyr. conclus. 3. contendit martyrrium esse actum illius virtutis cui persecutio infesta est. Quælibet enim virtus, in gradu suo idonea est, ut voluntas per eam firmata, mortem contemnat præ amore honestatis quam ea virtus consecatur alioqui non esset eiusdem honestatis atque virtutis, ferri in finem ac media ad eius consecutionem vel conseruationem necessaria: cum tamen perspicuè cõstet, omnem honestatē mediij qua medium est, ad honestatem finis esse admetiendam, nec nisi eius bonitate perfundi. Cum Martino confligit latè Caietanus 2. 2. q. 124. art. 2. contendens martyrrium esse actum elicited fortitudinis, & imperatum charitatis, eo quod is qui vitam pro Christo abiicit, ipso facto præponat Christum vitæ suæ, & multo magis omnibus bonis despiciatioribus, qui est actus charitatis & dilectionis Dei super omnia. Hanc sententiam, de martyrij acceptione elicita per fortitudinem, imperata autem per charitatem, tradidit ante Caietanum Turrecrem. in qq. Euang. ad festum S. Laurentij q. 2. & ante vtrumque D. Thomas 2. 2. q. 124. art. 2. Eandem probat Richardus in 1. d. 33. art. 4. q. 6. quia martyrrium est perpassio mortis ob testimonium iustitiæ, quæ est per fidem: cuius perpassionis volitio, à charitate imperatur, elicited autem à fortitudine, quatenus idcirco subitur perpassio illa, ne homo eam refugiens recedat à bono fortitudinis, quod est seruare bonum rationis, respectu mali omnium maximè ardui. Addit verò Richardus, interdum quoque eam volitionem mortis, non elici tantum à fortitudine, sed etiam à iustitia, cum scilicet mortis subitio ex diuinæ legis

gis obligatione mandatur, ne veritas iustitiæ quæ est per fidem, dispendium subeat. Tunc enim volitio illa elicitur quoque à iustitia, hoc est ab omni vera virtute, cuius exercitatio iustum hominem constituit prælucente fide. At Vasquez 1.2.d. 51. n. 14. omnem hunc ordinem acceptationis martyrij ad duas pluresve virtutes, quarum aliquæ eam eliciant, aliæ imperent, censet esse commentitium.

Excutiuntur.

26. Verùm vt ab hoc postremo ordiat, formatio vnius & eiusdem actus per duas virtutes, quarum vna eum imperet, alia eliciat & exequatur, alibi latè stabilita est: vt non sit necesse, de eare hoc loco extra locum cum Vasque altercari. Quare de aliis duntaxat sententiis ferendum est iudicium. Et Martinus quidem non rectè martyrij acceptationem adscribit ei virtuti quæ ob imminēs suppliciū videtur periclitari, aut cuius odio flagrat Tyrannus qui martyrium infert. Nam virtus quæ periclitatur, aut in quam ferocit Tyrannus, potest esse castitas: Hanc autem martyr poterit velle illibatam & indemnem, ductus amore honestatis alicuius sublimioris. V.G. vt placeat Deo cui nouit gratiam accidere castitatem: vel certè vt Christo virginum principi conformetur: Aut vt præmiis quæ virginibus in æterna vita reponuntur, potiri liceat. Quæ honestates, aliarum sunt virtutum quàm Castitatis; & tamen firmare possunt martyrem in proposito retinendæ castitatis, quantumlibet intentata ob eam morte. Viceuersa rationes Martini conficere mihi videntur, martyrium non semper elici à fortitudine:

titudine : cum martyr possit unicam religionis, aut
 castitatis, vel alterius alicuius virtutis honestatem
 habere propositam, eique ita adhærescere, ut ma-
 lit vita excedere, quàm honestatem illam abiicere.
 In quo euentu, acceptatio martyrij, neque est
 actus elicitus fortitudinis, neque iustitiæ. Nisi iu-
 stitiam quis sumat in ea amplitudine qua omnem
 planè virtutem designat, ut in illis Christi verbis.
Attendite ne iustitiam vestram faciatis coram homi-
nibus. Quo pacto iustitiam videretur accepisse Ri-
 chardus, cuius sententia superius relata est, nisi
 mox in responsione ad 4. suam illam iustitiam fi-
 dei, contra poneret fortitudini, atque præponeret.
 Idem porro argumentum apertè euincit accepta-
 tionem martyrij non semper imperari à charitate,
 cum non semper contingat hominem duplici illa
 honestate subordinata, moueri ad acceptandam
 mortem. Quin etiam siue ea acceptatio ex chari-
 tate, eliciatur, siue imperetur, nihil est necesse
 acceptationem illam esse supremum charitatis
 actum & super omnia, ut Caietanus comminisci-
 tur, traditque etiam Maior in 4.d.49. q.26. *ad ar-*
gumenta contra tertiam: quandoquidem acceptatio
 mortis, ne diuellaris ab aliqua honestate per Chri-
 stum approbata, aut ab aliqua per eum tradita ve-
 ritate, non est volitio in cuius homo astringat sese
 ad omnium mandatorum impletionem: quæ ta-
 men est notio dilectionis super omnia. Multi certè
 mallent sanguinem profundere, quàm Turcismum
 profiteri abiecto Christo; neque tamen vi illius vo-
 luntatis, abstrahuntur à plerisque sceleribus infide-
 litate minoribus, sed in illam vnā honestatem
 intenti, ac in ea obstinati, languent plerumque vel
 etiam

etiam pessimè afficiuntur erga aliarum virtutum honestatem: & præponunt quidem Christum negandum, retentioni vitæ cum negatione commun-ctæ; malunt siquidem è vita excedere quàm Christum eiurare: Tamen non idcirco amorì minutio- rum bonorum præponunt Christum simpliciter spectatum vt amandum, & dignum cui in omni- bus placeant, quæ est plenæ charitatis functio. Po- test enim exilium illorum bonorum amor, & ex- clusio motiui prædicti, quo in Christum ex plena & sincera beneuolentia tenditur, cum tenaci ad Christum non negandum adhæsiōe, vitam potius abiectura, cohærere.

Nōstra sententia.

27. Mihi igitur statuendum videtur, motium ex quo martyr mortem acceptat, esse illi arbitra- rium intra genus honesti supernaturalis; Ita vt ex quocunque tandem motiuo voluerit, siue charita- tis siue religionis siue fortitudinis, alteriùsve cuius- cunque virtutis, possit & elicere, & imperare, vel duntaxat elicere acceptationem martyrij. Quæ vi- detur sententia Maioris in 4. d. 49. q. 27. Et ratio suffragatur. Quis enim martyrem astrinxerit ad certi alicuius motiui honesti vsurpationem, cum neque eam Christus indixerit, neque ex natura rei, vnum potius quàm alterum exigatur? Sufficit ergo motium acceptandi martyrij esse supernaturale, & cum fide vera aliquatenus complicatum, ac proin- de pertinens ad virtutem aliquam infusam, siue Theologicam siue moralem. Solent tamen Patres & Doctores, martyrij acceptationem fortitudini adscri-

lectio; idcirco plerumque acceptatio martyrij tribuitur charitati, siue ut elicienti, siue ut imperanti. [Nihil enim est tam durum ait D. Augustinus l. de mor. Eccles. c. 22. atque ferreum, quod non amoris igne vincatur: quo cum se anima rapit in Deum, super omnem carnificinam libera & admiranda volitabit, pennis pulcherrimis & integerrimis, quibus ad Dei complexum amor castus innititur. Nisi verò amatores auri, amatores laudis, amatores foeminarum, amatoribus suis Deus sinat esse fortiores, cum ille non amor, sed congruentius cupiditas vel libido nominetur. In qua tamen apparet, quantus sit impetus animi ad ea quæ diliguntur inflexo cursu per immania quæque tendentis; argumentoque nobis est, quàm sint omnia perferenda ne deseramus Deum, si tanta illi ut deserant, perferunt.] E contrario iuxta D. Augustinum Sancti martyres, mortem alacriter perferendo testatum faciunt, quàm feruet in eis amor Dei, ex quo elici acceptationem perpeffionis illius, est propensissimum. Nec plus voluit S. Cyprianus l. de bono patientiæ num. 48. cum dixit. [Charitas fraternitatis vinculum est, fundamentum pacis, tenacitas ac firmitas vnitatis, quæ & spe & fide maior est, quæ & opera & martyria præcedit.] Hoc est, procliuius est ut præcedat, agendo de charitate actuali. Quanquam posset etiam S. Cyprianus accipi de charitate habituali: quæ utique præcedit martyrium morte consummarum, ut infra liquebit.

Hæc igitur est causa, cur apud Patres, martyrij acceptatio, fortitudini præsertim aut charitati tribuatur. Præterquàm quod Patres cum non so-

leant solliciti esse de seuerè tuenda Metaphysica virtutum distinctione , omnem planè firmitatem in bono honesto , præsertim si tanta sit vt ad vitæ præ ea contemptum pertingat , vocant fortitudinem ; & omnem incommodorum pro Deo perfectionem , donant nomine charitatis in Deum , vt videre est , cum apud alios passim , tum latè apud Augustinum , libro illo de moribus Ecclesiæ , quo functiones virtutum omnium , reuocat ad amorem & charitatem in Deum.

C A P V T IV.

Corollaria de quibusdam passis è martyrum albo expungendis, siue de falso Ethnicorum, Hæreticorum, Schismaticorumque martyrio.

I. **P**Riusquàm ad alium ordinem dispositionum passi adulti martyrium subeuntis , progrediamur , operæpretium est ex proximè tractatis eruere , quid statuendum sit de morte quibusdam personis irrogata , ob veritatis per eas assertionem , vel honestatis tenacitatem.

Nullus in Ethnismo , verus martyr.

Liquet ergo inprimis ex dictis , Ethnicum hominem qui pro veritate naturaliter duntaxat percepta , obruncetur , verum martyrium non subire. Acceptatio enim mortis ex tali motiuo , nullam habet proportionem cum gratia per martyrium confe

conferenda, cum fuerit merè naturalis, nec fide prælucente sit cusa, nullúmque cum Christo, aut vera fide nexum habuerit. Itaque Socrates, si verum est quod Iustinus martyr & alij produnt, de propinata ei cicuta ob assertam numinis vnitatem, nihilominus martyr non fuit, quia eam veritatem quæ erat materialiter veritas fidei, sola naturali ratione ac cognitione peruasit. Vnde non posuit vitam pro veritate diuinitus patefacta, ac Deo eam reuelanti testimonium perhibens, sed pro veritate tantum naturaliter percepta, ac proinde naturæ fines non transcendente, & nullam habēte ad Christum habitudinem, aut cum vera fide cōnexionem; atque adeò neque vllā proportionem cū gratia per verum martyrium obuentura. At è contra S. Iustinus Philosophus, quamuis eius per Crescentem cynicum insectatio, & mortis irrogatio, primùm manarit ex improbatione turpissimi sceleris quod naturæ lumine apparet detestandum, & quia Ethnicam mulierem ad Christum traductam, deducit fædam cum viro consuetudinem naturæ legibus aduersantem: Tamen his ipsis de causis irrogatam mortem acceptans, verè martyr fuit: quia aciem mentis, in eas naturaliter conspicuas veritates, non absque aliquo ad Christum ordine intendit: firmitérque ad mortem vsque iisdem inhæsit, non præcisè vt sunt veritates naturali lumine peruixæ, sed quatenus sunt à Christo traditæ, & approbationem nactæ in religione Christiana. Plerosque Ethnicos per tempora persecutionum, multa vt Christianis gratificarentur perpeffos, sæpè legimus, nec fortè defuerunt qui morti ea ex causa traderentur. S. Athanasius in epist. ad solitariā vitam

“ agētes, hæc scribit. [Ego è patribus audiui, & verum
 “ arbitror, cum persecutio esset nata sub Maximiano
 “ Constantij auo, Ethnicos homines, fratres nostros
 “ Christianos, cum quærentur, latebris abdidisse,
 “ eosque sæpè pecunia multatos, carcere mancipatos
 “ fuisse, non ob aliud, quam quod profugientes ad
 “ se prodere nollent, eosque eadem fide qua seipsos
 “ tuendos putarent, non veriti ob id sese periculis
 “ obicere.] Hæc quæ ad aliquod martyrij rudimen-
 tum in Christiano spectarent, & morte accedente
 consummatum martyrium constituerent, in Eth-
 nicis illis nulla ratione spectabant ad martyrium,
 quamuis ex naturali charitate, verè laudabili &
 moraliter honesta, efficerentur. Nimirum in Eth-
 nicis perpeffiones illæ acceptabantur ex motiuo
 merè naturali, atque adeò nulla inde ad gratiam
 martyrio repositam consequi poterat aptatio.

Sed neque in hæresi.

2. Indidem liquet Hæreticum non modò si pro
 hæresi sua & errore moriatur, (quod est manife-
 stissimum,) sed etiam si pro veritate aliqua ad fi-
 dem materialiter pertinente vitam profundat, mar-
 tyrem non esse: quia cum hæreticus sit, circa fi-
 dem veram, quæ vnica est, naufragauit, vnde non
 potest pro veritate per fidem percepta vitam pone-
 re: & illam materiale fidei veritatem pro qua
 tuenda occumbit, non idcirco credit, quia à Deo
 reuelatur, sed quia ita placet, ac proprio iudicio
 congruit. Accedit quod hæreticus cum sit rebellis
 lumini, & ab Ecclesiastici corporis compage ab-
 iunctus cui adhærere iuebatur, indispositus est ad
 martyrij

martyrij gratiam. Unde quantumvis laudandum sit quod renuat veritati materialiter ad fidem spectanti refragari, eamque negare, sitque illi longè satius eam ob causam occumbere, quàm ob hæresim qua sordet: Tamen spondere sibi inde martyrij gloriam non debet, quia peccans in vno, factus est omnium reus: & qui charitate conculcata putat se propter Christum ardere, cruciatur frustra, non coronatur. Iudicium est S. Augustini l. de patientia c. 26. [Si quis non habens charitatem, quæ percinet ad vnitatem spiritus, & vinculum pacis, quo Catholica Ecclesia congregata connectitur, in aliquo schismate constitutus, ne Christum neget, patitur tribulationes, angustias, famem, nuditatem, persecutionem, pericula, carceres, vincula, tormenta, gladium, vel flammam, vel bestias, vel ipsam crucem timore gehennarum & ignis æterni; nullo modo ista culpanda sunt; imo verò & hæc laudanda patientia est. Non enim dicere poterimus, melius ei fuisset, ut Christum negando nihil eorum pateretur, quæ passus est confitendo. Sed existimandum, fortassè tolerabilius ei futurum iudicium, quàm si Christum negando, cuncta illa vitaret: Ut illud quod ait Apostolus, si tradidero corpus meum ut ardeam, charitatem autem non habeam, nihil mihi prodest, nihil prodesse intelligatur ad regnum cælorum obtinendum, non ad extremi iudicii tolerabilius supplicium subeundum.] Hæc Augustinus de patiente in schismate. Quæ non de schismatico pressè dicto, cui salva sit fides sparso tantum vnitatis coagulo, (qua ratione schismaticum propriè dictum ab hæretico benè discernit S. Optatus lib. 1. non multum à principio.)

sed de hæretico propter errorem ab Ecclesia seiuncto , prolata esse ab Augustino , verba consequentia docent, quibus se, de profitente errorem, atque adeo de Schismatico qui simul sit hæreticus , egisse testatur.

3. Idque alibi frequenter confirmat , vniuersè tradens , hæreticum non posse martyrem haberi: quia si pro hæresi cadat , apertè est filius perditionis; si autem pro veritate occumbat , non occumbit tamen pro veritate per fidem proposita; cum fide vera paorsus careat , & in diuinas leges vnitatem mandantes , rebellis sit. Pulchrè in concione
 “ de gestis cum Emerito. [Putat quia magnus erit
 “ apud suos si non consenserit , & dictus fuerit mar-
 “ tyr partis Donati. Absit , tollatur in nomine Domi-
 “ ni de corde eius iste typhus. Nouit & ipse , legit &
 “ ipse , si tradidero corpus meum vt ardeam , chari-
 “ tatem autem non habeam, nihil mihi prodest. Ego
 “ non dico , si aliquas iniurias quasi iactet se passum
 “ esse pro parte Donati , aut aliqua damna terrena,
 “ nihil ei prodest : ego plus dico ; si patiatur foris in-
 “ micum Christi , non Catholicum , fratrem suum
 “ quærentem salutem eius, sed inimicum Christi ; si
 “ foris patiatur , & dicat ei foras ab Ecclesia Christi,
 “ inimicus Christi, pone òthus idolis , adora deos
 “ meos , & non adorans occidatur ab inimico Chri-
 “ sti , sanguinem fundere potest , coronam accipere
 “ non potest.] Serm. item 117. de diuers. c. 4. [Nemo
 “ se extollat & gloriatur de passione, sed priùs osten-
 “ dat linguæ suæ veritatem. Tu ostendis pœnam, ego
 “ quæro causam. Tu dicis sum passus : Ego dico, qua-
 “ re sis passus. Nam si attendamus solas passiones co-
 “ ronantur & latrones. Nunquid audeat dicere ille,
 “ tanta

tanta & tanta passus sum? Quia dicitur illi, pro-
pter facta tua mala; Idem malam habuisti pœnam,
quia prius malam habuisti causam. Si de passione
gloriandum est, potest & ipse Diabolus gloriari.
Videte quanta patitur, cuius vbique templa euer-
tuntur, cuius vbique idola franguntur, cuius vbi-
que Sacerdotes & arreptitij cœduntur. Nunquid
potest dicere, & ego martyr sum qui tanta patior.
Ergo homo Dei, prius sibi eligat causam, & secu-
rus accedat ad pœnam. Quia si in bona causa acce-
dit ad pœnam, post pœnam, accipiet & coronam.]
Et lib. 1. de serm. Domini in monte c. 9. propositis
piorum vexationibus, subdit. [Non ista perpeti
fructuosum est, sed ista pro Christi nomine, non
solum æquo animo, sed etiam cum exultatione to-
lerare. Nam multi hæretici, nomine Christiano
animas decipientes, multa talia patiuntur: sed idem
excluduntur ab ista mercede, quia non dictum est
tantum, beati qui persecutionem patiuntur: sed
additum est, propter iustitiam. Vbi autem sana fi-
des non est, non potest esse iustitia, quia iustus ex
fide vivit.] Denique optimè in Psal. 59. ad illud,
meus est Galaad, sic philosophatur. [Galaad inter-
pretatur aceruus testimonij. Quantus aceruus testi-
monij in martyribus? Meus est Galaad, meus est
aceruus testimonij, mei sunt martyres veri. Mo-
riantur mali pro vêtusta vanitate sua sine sale,
nunquid pertinent ad acervum testimonij? Quia &
si tradidero corpus meum ita ut ardeam, charita-
tem autem non habeam, nihil mihi prodest. Cum
autem quodam moneret Dominus de pace reti-
nenda, præmisit salem: Habete, inquit, in vobis
saltem, & pacem habete inter vos. Ergo meus est

« Galaad; sed Galaad, id est aceruus testimonij, in
 « magna tribulatione euidenter factus est.]

4. Constanter & vnanimiter, eandem doctrinam tradunt Patres reliqui. Paucos attexo. S.
 « Irenæus l. 4. c. 64. [Ecclesia omni in loco, ob eam
 « quam habet erga Deum dilectionem, multitudi-
 « nem martyrum in omni tempore præmittit ad pa-
 « trem: reliquis autem omnibus, non tantum non
 « habentibus hanc rem ostendere apud se, sed ne-
 « que quidem necessarium esse dicentibus tale mar-
 « tyrium esse eorum, martyrium verum secundum
 « sententiam eorum: nisi si vnus aut duo aliquando
 « per omne tempus ex quo Dominus apparuit in
 « terris, cum martyribus nostris, quasi & ipse mise-
 « ricordiam consecutus, opprobrium simul baiola-
 « uit nominis, & cum eis ductus est, velut adiectio
 « quædam donata eis. Opprobrium enim eorum qui
 « persecutionem patiuntur propter iustitiam, & om-
 « nes pœnas sustinent, & mortificantur propter eam
 « quæ est erga Deum dilectionem, & confessionem
 « filij eius, sola Ecclesia purè sustinet, sæpè debilita-
 « ta, & statim augens membra, & integra fiens.] S.
 Cyprianus epist. 52. n. 49. eo præter cætera argu-
 mento confirmat, concedendum esse lapsis regres-
 sum in Ecclesiam, quod timendum sit ne lapsus
 « [desperatione deficiat, si ab Ecclesia durè & crude-
 « liter segregatus, ad Gentiles se vias & secularia
 « opera conuertat: vel ad hæreticos; & schismaticos,
 « reiectus ab Ecclesia transeat: vbi etsi occisus pro-
 « pter nomen postmodum fuerit, extra Ecclesiam
 « constitutus, & ab vnitæte atque à charitate diuisus,
 « coronari in morte non poterit.] Et epist. 57. agens
 de Nouatianis, & quibusuis alienatis ab Ecclesia,

& extra eam patientibus, ait. [Si aliquis ex talibus fuerit apprehensus, non est quod sibi quasi in confessione nominis blandiatur, cum constet, si occisi eiusmodi extra Ecclesiam fuerint, fidei coronam non esse, sed poenam potius esse perfidia, nec in domo Dei inter vnanimes habituros esse, quos videmus de pacifica & diuina domo, furore discordiae recessisse.] Alium D. Cypriani locum in hanc rem, profert D. Augustinus l. 4. de Baptis. contra Donat. c. 17.

Subscribit S. Fulgentius l. de fide ad Petrum c. 39. [firmissimè tene, & nullatenus dubites, quemlibet hæreticum, siue schismaticum, in nomine patris & filij & Spiritus sancti baptizatum, si Ecclesie Catholicæ non fuerit aggregatus, quantascunque eleemosynas fecerit, etsi pro Christi nomine etiam sanguinem fuderit, nullatenus posse saluari: Omni enim homini, qui Ecclesie Catholicæ non tenet unitatem; neque Baptismus, neque eleemossyna quamlibet copiosa, neque mors pro nomine Christi suscepta, proficere poterit ad salutem, quandiu in eo hæretica vel schismatica prauitas perseverat, quæ ducit ad mortem.]

5. Idem tradit & quidem splendidè S. Gregorius 18. mor. c. 14. ratum habens anteriorum Patrum hætenus prolatorum hac de re placitum. [Aureus locus est in quo conflatur. Ac si apertè dicat: Vera fidelium sapientia, cui vniuersalis Ecclesia locus est, tribulationem vobis persequentibus patitur, sed à cunctis peccatorum sordibus, persecutionis vestrae igne purgatur. Vnde scriptum est; in igne probatur aurum & argentum, homines verò receptibiles in camino humiliationis. Quo in loco potest

" hoc quoque conuenienter intelligi, vt de sua hære-
 " tici increpari stulta passione videantur. Nam sæpè
 " pro Iesu Christi, Domini ac redemptoris nostri
 " nomine multa patiuntur; sesèque eisdem passio-
 " nibus, eius fieri martyres sperant. Quibus sancti
 " viri voce nunc dicitur: Auro locus est in quo con-
 " flatur. Nam iuxta hoc quod iam, & ante nos dictum
 " est, quisquis extra vnitatem Ecclesiæ patitur, pœnas
 " pati potest, martyr fieri non potest, quia auro locus
 " est in quo conflatur. Quid itaque ad hæc hæretici
 " dicitis? Conflari per afflictionem carnis, vel etiam
 " per martyrium vultis, sed locum in quo debeatis
 " conflari, nescitis. Audite quid sancti prædicatoris
 " voce dicitur; auro locus est in quo conflatur. Hunc
 " ergo conflationis locum quærite, hanc fornacem
 " qua aurum aptè purgari valeat, inuenite. Vna
 " est Ecclesia, in qua qui conflari voluerit, ab omni
 " etiam poterit peccatorum sorde purgari. Si quid
 " pro Deo amaritudinis, si quid tribulationis extra
 " hanc positi sustinetis, incendi potestis tantummodò
 " non purgari. Dicat Hieremias, dicat quomodò con-
 " flationis vestræ ignis omni virtute sit vacuus: frustra
 " conflauit conflator, malitiæ enim eorum non sunt
 " consumptæ. Ecce ignis exterius conflans, & duræ
 " passionis admouet pœnam, & tamè erroris non ex-
 " coquit culpam: & tormenta crudelium dat pœnarum,
 " & bonorum non facit incrementa meritorum.]
 " Alia in hanc rem Patrum testimonia annotauit
 " Pameliſ ad Epistolam § 2. S. Cypriani num. § 0.

*Stupor Sectariorum, in suorum pseudomartyrum
 recensione.*

6. Possunt igitur hæretici cruciari, & ardere;
 purgari,

purgari, & martyres esse non possunt. Ac proinde stultè sectarij nostrates spissos indices suorum martyrum emiserunt. Quod item ab Anglicanis & Germanis nouatoribus præstitum, latè refert Alanus Copus dialo. 5. à c. 22. & toto propè dialo. 6. præsertim c. 16. Videndus præterea Molanus tract. de Martyrol. c. 10. & 11. & Baronius in prælud. ad Rom. Martyrol. c. 10. Vanam hanc & insanam falsi martyrij iactationem, hausere huius æui sectarij à proavis suis. Vix enim fuit hæresis vlla, quantumvis spurca & infamis, quæ suos aliquos martyres non proferret, & inde veritatis à se stantis argumentum non peteret. Manichæos sanè id iactasse, refert S. Augustinus l. 5. contra Faustum c. 8. idem de Donatistis scribens epistol. 50. & in breuiculo collat. diei tertiæ, post S. Optatum lib. 3. contra Armenia. Sed & antiùs Marcionitæ, in hac inanitate gloriæ, strenui fuerunt: vt discimus ex hoc fragmento libri tertij aduersus eos conscripti ab Apollinare, Episcopo Hierapolitano, quod exscripsit Eusebius l. 5. histor. c. 15. Ait enim Apollinaris. [Ad martyres confugiunt, séque affirmant complures habere martyres, atque hoc certum argumentum esse virtutis & potentia quæ est in prophetia illorum spiritu audita. Cæterum istud, vt videtur, omnino à veritate alienissimum est. Etenim non pauci aliarum hæresum propugnatores, permultos venditant se habere martyres, non tamen propterea cum illis consentiemus, neque illos veritatem penes se tenere fatebimur. Qui primi ex Marcionis hæresi Marcionistæ vocati sunt, permultis se Christi martyribus abundare prædicant: sed tamen Christum ipsum (vti veritas postulat) minimè confitentur.]

tentur.] Nominatim quosdam hæreticos in magnis flagitiis ob quæ comprehensi erant, pœnæ addictos, martyrium pro Christo suum impudenter iactasse, autor est idem Apollinaris libro Eusebij citato c. 17.

Stuporatum hanc gloriam, eo quo D E V s ipse loco, habuit Ecclesia, dedignans illustrissimum & sanctissimum martyrij nomen his hominum emissitiis committere, siue ob alia scelera, siue ob infidelitatem quam profitebantur, plexos constaret. Quinetiam qui ab Ethnicis ob aliquam materialem fidei veritatem trucidati essent, si in hæresi ad obitum vsque perstitissent, nunquam Catholica Ecclesia agnouit martyres. Sic Euphemitæ Messalianorum ramus, & ab iisdem martyres habiti, quod à Luppiciano prætore cæsi essent, ob decantatas vni Deo laudes in suis adoratoriis, apud Catholicos æstimati sunt argentum reprobum, in tribulationis fornace non excoctum & purgatum, sed consumptum. Nouatianus, iuxta Socratem eius partiarium l. 4. c. 23. ac Nicephorum ea item labe sordentem, martyr à suis iactatus est, ob irrogatam ab Ethnicis mortem, pro cultu vnus numinis. Idque etiam magnificat Simpronianus Nouatianus apud Pacianum epist. 2. de Cathol. nom. A Catholicis tamen omni semper detestatione proscissa est eius memoria: & martyrem habendum fuisse, etiam si reuera sic cæsus fuisset, negat Pacianus: qui tamen latè suffragante S. Eulogio lib. 6. contra Nouatianos apud Photium Codice 280. addit, commentitium esse quod de eo per Christianæ fidei hostes cæso, iactatum fuerat. Præterea Metrodorus presbyter Marcionita, Smyrnæ quo tempore S. Polycarpus

lycarpus pallus est, & ipse quoque ignibus addictus ut est apud Eusebium lib. 4. hist. c. 14. in album martyrum non est relatus. Ad hæc Patrophilum Scythopolitanum, sub Iuliano Apostata cæsum, quod ad extremum vsque spiritum Arrianismo forduisset, martyrem non agnouit, sed tanquam in peccatis suis mortuum, abominata est Ecclesia, ut scribit Nicepho. l. 10. c. 13. Eodem loco Marcum Episcopum Arethusium, item Arrianum, horrendis suppliciis sub eodem Iuliano excarnificatum, habuit Baronius ad Rom. martyrol. 29. martij. Verum longè magis placet quod anno Christi 362. affirmat: Nempe cum aliquando quidem fuisse Arrianum; priusquàm tamen è vita excederet, hæresim detestatum, prodidisse se Catholicum: ideoque & à Græcis menologio adscriptum fuisse, & iam vita functum, fuisse insigniter celebratum à Gregorio Nazianzeno orat. 1. in Iulia. & à Theodoro 3. hist. c. 7. Quare secernendus est Marcus, ab illa infelicium colluie, qui quamvis ob materialem fidei veritatem obtruncati, quod tamen extra Ecclesiam essent, cruciari tantum, non coronari potuerunt.

An patientia hæretici pro vero articulo, sit donum Dei, & ex gratia.

7. Quærit porro S. Augustinus l. de patientia c. 27. an hæc patientia hæretici pro articulo ad fidem materialiter spectante morientis, sit donum Dei, & ex gratia, vel ex naturæ viribus proficiscatur; respondetque esse ex gratiæ auxilio: quamvis quia non perducit ad salutem, dicat hoc esse vnum

ex muneribus quod filiis concubinarum donatur à parte Abraham; *ne relinquerentur omnino inanes, non ut tenerentur heredes.* Quam hæreticorum cum filiis Ceturæ comparationem, plenius prosequitur in c. 4. ad Galat. *in fine.* Nimirum quod vidit etiam Suares l. 1. de grat. c. 24. n. 40. & c. 27. n. 26. nihil est quod vetet asserere, etiam infideli stillam aliquam supernaturalis rosis affundi, ex qua supra naturæ vires aliquid efficiat infra condignitatem iustificationis. Quanquam nihil etiam est quod adigat, ad agnoscendum aliquid in eo euentu patratum, supra vires nudæ naturæ: cum interdum contigerit, personas nequissimas, ex vitioso aut inani motivo, perstitisse indomabiles admotis immanissimis tormentis. Gratia autem, est tantum necessaria ad fortem sustentiam quæ sit partus virtutis. Itaque facile dici potest, idem his pro materiali fidei veritate laborantibus & morientibus contigisse, quod plerisque latronibus ex nuda duritie indomabilibus, iuxta illud S. Augustini serm. 15. de verb.

« Apost. [Nonne inueniuntur torti latrones in tanta
 « fortitudine corporum, ut quidam eorum non solum
 « conscios prodere noluerint, sed nec omnia sua con-
 « fiteri dignati sint? Inter cruciatus, inter tormenta
 « effosis lateribus, & penè perditis membris, man-
 « serit animus in obstinatione nequissima? Vide ergo
 « quid amabant. Facere tamen ista sine magno amore
 « non poterant. Sed non sic amator Dei. Deus non
 « amatur nisi de Deo. Amauit ille nescio quid aliud
 « de carne, sicut homo: quodlibet amauit, socios
 « suos amauerit, conscientiam scelerum ama-
 « uerit, gloriam in facinoribus amauerit, quod-
 « libet amauerit, multum amauit, qui torqueri
 potuit.

potuit, deficere non potuit.] Ostendit consequenter, non fuisse ex charitate amorem illum: atque aded non tam fuisse patientiam quæ in illa perpessione prodita est, quam duritiam. Id quod pulcherrimè tradit idem August. serm. 42. de diuers. c. 5.

8 Et ita planè philosophandum est, de multorum obfirmatione in exquisitissimis suppliciis, iustè repensis pro scelere, quæ resipiscentes declinare, vel lenire potuissent: Itémque de saxea multorum patientiæ vi, ob vanitatem aut peruersos fines: eiusmodi nonnullos profert Tertullianus l. ad martyres c. 4. & 5. & pulchrè idem tradit S Chrysostomus hom. 4. in 1. ad Cor. componens Christianos martyres cum Ethnicis atrocità passis. Habemus etiam hæreticorum multorum pro suis erroribus patientium obfirmationem, quam nemo ad gratiam referre queat, tametsi fuerit plerunque in patiendi eumentita specie planè mirabilis, iuxta rudium sensum. S. Bernardus ser. 66. in Cant. agens de quibusdam *perfidia* vt vocat *martyribus*, populi subito impetu trucidatis, ad dæmonem eiusmodi animos possidentem, refert eam tolerantiam. Sic enim differit. [Mirabantur aliqui, quod non modò patienter, sed & læti, vt videbantur, ducerentur ad mortem. Sed qui minùs aduertunt quanta sit potestas Diaboli non modò in corpora hominum, sed etiam in corda quæ semel petinissus possederit. Nónne plus est sibimet hominem iniicere manus, quàm id libenter ab alio sustinere? Hoc autem in multis potuisse Diabolum, frequenter experti sumus, qui seipsos aut submerserunt, aut suspenderunt. Denique Iudas suspendit seipsum, Diabolo sine dubio immittente. Ego tamen maius existimo,

« existimo , magisq̃ue admiror , quòd potuit immisiss-
 « se in cor eius vt traderet Dominum , quàm vt se-
 « ipsum suspenderet. Nihil ergo simile habent , con-
 « stantia martyrum , & pertinacia horum , quia mor-
 « tis contemptum in illis pietas , in istis cordis duri-
 « tia operatur. Et ideò Propheta martyris forsitan vo-
 « ce dicebat : coagulatum est sicut lac cor meum , ego
 « verò legem tuam meditatus sum : pro eo videlicet
 « quòd etsi pœna eadem videretur , longè diuersa
 « esset intentio ; illo utriq̃ue durante cor contra Do-
 « minum , isto in lege Domini meditante.] Quod de
 gaudio & exultatione erronum illorum in misera
 morte scribit Bernardus , posteriora quoque plerâ-
 que exempla comprobant. Inter alia verò Satanæ
 mancipia in ignibus exultantia , saltem in speciem ;
 Adamitæ vt scribit Æneas Syluius in histor. Bohe-
 mo. c. 41. cantantes ac alactes cum vxoribus rogi
 subibant. Spurcus item hæreticus Hieronymus de
 Praga , qua frontis serenitate & constantiæ larua ,
 horrendam ex viuicomburio mortem , palinodiæ
 tot errorum prælegerit , latè suspicit qui aderat ,
 & rem totam descripsit Poggius. Est 425. inter Pij
 secundi epistolas. Scatent similibus narrationibus
 pseudomartyrologia Nouatorum. Vnde discimus ,
 quid de hæreticorum , pro materiali veræ fidei ar-
 ticulo morientium , patientia statuere liceat , cum
 quæritur an fuerit ex gratiæ auxilio.

*Passio martyris , quantum vera fidei
 argumentum.*

9. Potest verò hinc præterea diiudicari , quod à
 Michaële Medina tractatum video l. 5. paræn. c. 6.

an

an patiens perpassio tormentorum pro veritate quapiam, sit certum eius à Deo traditæ argumentum. Hoc meritò negat Medina, & perspicuum est ex proximè dictis: cum monstratum sit, posse hæreticos, & pro vero articulo, & pro suis falsitatibus gravissima tormenta patienter excipere; nec tamen inde possit idoneum argumentum peti, vel pro veritate falsorum dogmatum, vel pro credibilitate veritatis fidei materialis, per hæreticum confirmatæ. Quinetiam patiens Catholici perpassio pro veritatibus fidei, non est adedò ineluctabile argumentum quod eæ veritates sint à Deo reuelatæ, quin adhuc posset effugium patere; cum ea perpassio quantumcunque exterius patientissima, posset ad concumaciam & obfirmationem in proposito semel inito reuocari: vel certè ad gloriam ex ea perpassione captationem: quo pacto non esset ex gratiæ munere, nec suppeditaret argumentum validum traditæ diuinitus veritatis. Vnde cum exploratum vsquequaque non sit, quo fine quis patiatur, suffringitur vis argumenti pro fide Catholica ducti ex alicuius perpassione ad fidei confirmationem. Præclare huc facit quod à S. Augustino scriptum est in Psal. 43. ad illud. *Ipse enim nouit abscondita cordis*, vel vt ipse legit, *occulta*. Sic autem scribit. [Quid est nouit occulta? Quæ occulta? Quoniam propter te mortificamur tota die, deputati sumus velut oues occisionis. Potes enim videre mortificari hominem, quare mortificetur nescis. Deus hoc nouit, res in occulto est. Sed dicit mihi aliquis Ecce pro nomine Christi detinetur, nomen Christi confitetur. Quare hæretici nomen Christi confitentur, & non tamen iam propter ipsum moriuntur.

« tur? Prorsus in ipsa Ecclesia dicam Catholica, puta-
 « tis Catholicos defuisse, aut deesse posse qui causa
 « humanæ gloriæ paterentur. Si non essent huiusmo-
 « di homines non diceret Apostolus. Si tradidero cor-
 « pus meum ut ardeam, charitatem autem non ha-
 « beam, nihil mihi prodest. Sciebat ergo esse posse
 « quosdam qui hoc iactatione facerent, non dile-
 « ctione. Ideò obscurum est. Deus hoc solus videt,
 « nos non possumus. Ipse solus potest iudicare, qui
 « nouit occulta cordis. }

Non nego tamen, quin argumentum pro fide
 Catholica, ex tot martyrum constantia ductum, sit
 admodum potens, si pensentur tam multi cuiusvis
 sexus & ætatis tam variis locis & temporibus, tam
 æquanimiter ac iucundè nullo alio (quantum huma-
 næ diligentiae liquere potuit,) proposito fine, passi,
 quàm non recedendi à tradita diuinitus veritate.
 Hoc enim argumentum, adiunctis præsertim aliis
 veræ fidei motivis extrinsecis quæ Catholica mar-
 tyria assectabantur, fuisse semper habitum ad-
 modum efficax, discimus ex Tertulliano in Apo-
 log. & l. ad Scapulam, utrobique in ipsa meta; ubi
 docet, constantiam martyrum fuisse Ethnicis ille-
 cebram sectæ nostræ. Idem de seipso profitetur S.
 Iustinus, paulo ante finem primæ Apologiæ, & de
 plerisque Ethnicis Philosophis S. Ephrem sub fi-
 nem encomii SS. Martyrum; Vrgent optimè illud
 pro veritate Christianæ fidei argumentum, S. Hie-
 ronymus q. 11. ad Hedebiam, & Lactantius l. 4. in-
 stit. c. 13. & 23. cum quo præsertim pensari velim,
 auctam semper & amplificatam, penitiùsque infi-
 xam per suorum ruinas Ecclesiam Catholicam; cum
 è contra quod optimè & frequenter expendit S.
 Chryso

Chrysostomus, & nominatim orat. de S. Eustachio
& t. 6. serm. in illud, *sufficit tibi, gratia mea*, hæreses
& falsæ quævis sectæ, vel applaudentibus & itabi-
lire eas tentantibus omnibus humanis viribus, quia
Dei opera non sunt, breui dissoluantur. Expendit
quoque S. Cyprianus infractam martyrum vim ad-
uersus arietem pietatis in suos. Idque se de Ethnicis
stupentibus comperisse profitetur l. de laude mar-
tyrij n. 40. verbis illis. [Sensi equidem, nec me
veritas fallit, cum sæuè incumbentium manus,
membra diuellerent, artúsque laniatos tortor sæ-
uiens exararet, nec tamen vinceret; circumstantium
verbis, magnum istud est dici profectò, non dolo-
ribus subigi, non pœnis argentibus frangi. Sed
erant aliæ dicentium voces, & puto liberos habet.
Nam est illi socia in penatibus coniux, & tamen
nec vinculo pignorum cedit, nec obsequio pieta-
tis abductus, à proposito suo deficit. Noscenda res
est, & virtus penitus scrutanda visceribus. Nec enim
leuis est ista quæcunque confessio propter quam
homo patitur, & mori potest. Etenim charissimi
fratres, virtus est tanta martyrij, vt per illam cre-
dere etiam ille cogatur, qui te voluit occidere.] Sic
igitur pensatis variis adiunctis constantiæ marty-
rum, vnâque aliis fidei motiuis extrinsecis quæ in
eis splendebant, seriò perspectis, admitto argu-
mentum inde petitum pro veritate fidei quam san-
guine suo obsignarunt, esse fortissimum: quamuis
argumentum ex vnius aut alterius passione petitum,
præsertim nude spectando patientem exterius per-
persionem, non sit indeclinabile, aut ineluctabile.
Quod de aliis quoque plerisque motiuis fidei ex-
trinsecis, solitarie acceptis, non grauate concedi-

tur, in tractatione de fidei credibilitate, & manu-
ductionibus ad assensum firmum, Dei reuelantis
autoritati commensum.

Schismatici martyrium, vanum.

10. Hæresi affine est schisma. Imo inueteratum
quoduis schisma, in hæresim degenerat, vt autor
est S. Hieronymus in c. 3. ad Titum, & S. Augusti-
nus l. 2. contra Crescon. c. 7. & episto. 164. eî quæ
in Græcia & Anglia, experimento firmatum. Ita-
que quamuis absolute loquendo, hæresis a schif-
mate differat, vt notat S. Augustinus l. de fide &
symbo. cap. 10. atque aded quamuis an puri schif-
matici, seu schismate adnata hæresi nondum cor-
rupto, laborantes, possint verum martyrium subi-
re, pendeat ex illis quæ infra dicemus de plena ob-
seruatione mandatorum curanda martyri: quia ta-
men rarò schismaticus in hoc hæreseos præludio si-
stet, nihilque præcluius est, quàm vt ab ea inclina-
tione parietis, & macerix depulsione, prostratio
omnimoda consequatur, commodè hoc loco post
hæreticos de schismaticis pronuntiabimus.

Passim ergo SS. Patres, e martyrum serie exclu-
dunt schismaticos, quantumuis mortem à fidei ho-
stibus & in fidei odium dicantur perpeffi. Egregiè
& crebriò hoc tradit Optatus l. 3. contra Parmen.
Ait enim, in pace cum fratribus, esse prima fun-
damenta in martyrij, & sine pace quam schisma dis-
cindit, nec esse, nec nominari posse martyrium.
Quod probat ex Apostolo 1. Cor. 13. & inde sub-
iungit Donatistas qui sua in schismate martyria ia-
ctabant. Consentit S. Augustinus l. 1. de serm. dom.

in monte c. 9. vbi cum affirmasset, hæreticos occidi posse, martyres esse non posse, isdem adiungens schismaticos, addit; [Neque schismatici aliquid si-
bi ex ista mercede promittant, quia similiter vbi
charitas non est, non potest esse iustitia: Dilectio
enim proximi, malum non operatur: quam si ha-
berent, non dilaniarent corpus Christi, quod est
Ecclesia.]

Sed nemo de cassis schismaticorum martyriis, lu-
culentiùs Cypriano, qui magnus vbique vnitatis
buccinator, & schismatis insectator videri voluit.
Libro igitur de vnit. Ecclesiæ, impugnans schisma
Novatiani tunc enatum; [An (inquit) sicum esse
Christum cum collecti fuerint, opinantur; qui ex-
tra Ecclesiam Christi colliguntur? Tales, etiamsi
occisi in confessione nominis fuerint; macula ista
nec sanguine abluitur. Inexpiabilis & grauis culpa
discordiæ, nec passione purgatur. Esse martyr non
potest, qui in Ecclesia non est: ad regnum perue-
nire non poterit, qui eam, quæ regnatura est, de-
relinquit. Pacem nobis Christus dedit: concordēs
atque vnanimes esse præcepit: dilectionis & chari-
tatis fœdera, incorrupta atque inuiolata mandauit
seruari: Exhibere se non potest martyrem, qui fra-
ternam non tenuit charitatem. Docet hoc & con-
testatur Paulus Apostolus dicens: & si habuero fi-
dem ita vt montes transferam, charitatem autem
non habeam; nihil sum. Et si in cibos pauperum,
distribuero omnia mea, & si tradidero corpus
meum vt ardeam, charitatem autem non habeam,
nihil proficio.] Et paulo post. [Cum Deo manere
non possunt, quia esse in Ecclesia Dei vnanimes
noluerunt; ardeant licet flammis, & ignibus tradi-

« ti, vel obiecti bestiis, animas suas ponant, non erit
 « illa fidei corona, sed pœna perfidiæ; nec religiosæ
 « virtutis exitus gloriosus, sed desperationis interi-
 « tus. Occidi talis potest, coronari non potest. Sic
 « se Christianum esse profitetur, quomodo & Chri-
 « stum Diabolus sepe mentitur, ipso Domino præ-
 « monente & dicente: multi venient in nomine meo
 « dicentes; ego sum Christus, & multos fallent. Si-
 « cut ille Christus non est, quamvis fallat in nomine
 « illius; ita nec Christianus videri potest, qui non
 « permanet in Evangelij eius & fidei veritate.]

II. Priorem locum ex Cypriano prolatum, al-
 legavit & egregiè pro more amplificavit S. Chry-
 sostomus homil. II. in ad Ephes. in morali parte,
 « his præter cætera. [Nihil ita Deum irritat, sicut
 « Ecclesiæ diuisio, & si innumera bona operati fue-
 « rimus, non minores tamen pœnas dabimus, quàm
 « qui corpus ipsius proseiderunt, si plenitudinem &
 « integritatem Ecclesiasticam disceperimus. Illud
 « enim lucro quidem factum est totius orbis, tamen-
 « si non eo animo, si reprobos illos respexeris: Istud
 « verò, nihil vsquam commodi habet, sed plurimum
 « nocuenti. Ista mihi non ad Ecclesiæ primores
 « duntaxat dicuntur, sed & ad subditos. Vir quidam
 « Sanctus quidpiam dixit, quod audaciam sapere vi-
 « detur, at tamen dixit. Quid est autem istud? Pecca-
 « tum videlicet istud, ne martyrij quidem sanguine
 « deleri. Dic enim quæso, quam ob causam marty-
 « rium subis? An non propter Christi gloriam? Quo
 « itaque pacto, qui animam pro Christo exponis,
 « Ecclesiam oppugnas, pro qua animam suam tradi-
 « dit Christus?] Subdit, schismaticorum plagam in
 Ecclesia, hæresi damnosiore, & Catholicis mul-

to magis deustandam esse: nec minus pro conseruanda Ecclesiæ concordia & subiectione ad legitimum præfulem, quam pro fide Christi pugnandum, ac si res ferat moriendum esse. Id quod etiam grauissimè confirmat Dyonisius Alexandrinus apud Euseb. 6. histor. c. 37.

12. Laudato denique Cypriani dicto, de inani hæreticorum martyrio, S. Gregorius 18. mor. cap. 14. subdit quoad schismaticos. | Huius etiam conflationis ignis qui extra Catholicam toleratur Ecclesiam, quam nullius omninò virtutis sit, Paulus Apostolus insinuat dicens. Si tradidero corpus meum, ita ut ardeam, charitatem autem non habeam, nihil mihi prodest. Alij quippe praua de Deo sentiunt, alij recta de auctore tenent; sed vnitatem cum fratribus non tenent. Illi errore fidei, isti verò schismaticis perpetratione diuisi sunt. Vnde & in ipsa prima parte decalogi, vtrarumque partium culpæ reprimuntur, cum diuina voce dicitur: Diliges Dominum Deum tuum ex toto corde tuo, & ex tota anima tua, & ex tota virtute tua. Atque mox subditur: diliges proximum tuum sicut teipsum. Qui enim de Deo peruersa sentit, liquet profectò, quia Deum non diligit. Qui verò de Deo recta sentiens, à sanctæ Ecclesiæ vnitatem diuisus est, constat quia proximum non amat, quem habere socium recusat. Quisquis ergo ab hac vnitatem matris Ecclesiæ, siue per hæresim, de Deo peruersa sentiendo, seu errore schismatis proximum non diligendo, diuiditur; charitatis huius gratia priuatur de qua hoc quod præmisimus, Paulus dicit: Si tradidero corpus meum ita ut ardeam, charitatem autem non habeam, nihil mihi prodest. Ac si aperta voce dice-

" ret. Extra locum suū, conflatio nis mihi ignis adhibi-
 " tus, tormento me cruciat, mundatione non purgat.]
 " Et mox concludit. [Quia ergo non nisi in catholi-
 " ca Ecclesia veri martyres fiunt, dicitur recte: Au-
 " ro locus est in quo conflatur: Quia non clar scet
 " anima in fulgore æternæ pulchritudinis, nisi, ut ita
 " dicam, prius hic arserit in officina charitatis.] Sic
 pulchrè nominat Ecclesiam. Plenè de vano schisma-
 ticorum martyrio, Giouanus lib. de schismate c. 9.

CAPVT V.

*Alia passi adulti ad martyrium aptatio, per
 impedimentorum remotionem, & de-
 fectuum gratiæ dissentaneorum
 exclusionem.*

I. SEquitur agendum de illis dispositionibus ad
 martyrium adulti, quas initio capitis tertij,
 aiebam vocari posse negatitas: quod etsi non sint
 semper negationes, se tamen habeant ad modum
 negationum, & eas aliquatenus sonent, quatenus
 sunt remotiones obicium gratiæ martyrij, vel impe-
 dimentorum acceptationis de qua hæctenus. Itaque
 pertinet huc inprimis non repugnantia adulti cum
 propter Christum occiditur, siue exclusio contrani-
 tentiæ & pugnæ aduersus fidei hostem, mortem
 propter fidem quam in martyre odit, inferre para-
 tum. Item spectat ad hunc locum, remotio viola-
 tionis cuiusuis mandati tunc vrgentis. Quo redu-
 cenda est applicatio cuiusuis ex necessitate mediij
 ad salutem adhibendi: Cuiusmodi est pœnitentia
 aliqua

aliqua in peccatore, quam non modò ex præcepto plerunque non obligante ob ignorantiam inuincibilem, sed etiam citra omne præceptum, & ex ipsa rei natura, interuenire necesse est, vt macula per adultum contracta obliteretur. Remotio igitur repugnantiae tanquam impedimenti acceptationis, & exclusio violationis mandatorum quorumcunque tunc vigentium, itémque negligentiae in admotione mediocrium absolutè necessariorum, conficit illud alium ordinem dispositionum nunc explicandarum, quibus adultus ad verum martyrium est aptandus.

Contrapugnatio, martyrio aduersatur.

2. Non esse martyri nitendum aduersus eum à quo patitur, & abstinendum ei esse recruciacione cruciantis, ea ratio apertè conficit, quod martyrium acceptari debeat ab eo cui infertur. Quomodò enim mortem imminentem acceptare, & patienter propter Deum excipere vellet, si conaretur repellere eum qui mortem infert, & malum pro malo reponere? Itaque S. Bonaventura in Psal. 33. *ad finem*, è tribus quæ ad verum martyrium deposcit, nempe sine idoneo, perseuerentia ad mortem usque, & voluntaria perpeffione: hoc tertium, ait esse veluti formale in martyrio: sicque interpretatur voluntariam illam perpeffionem, vt martyr non modò non recalcitret aduersus imminentem vitæ suæ, sed ne murmuret quidem: *Ne sit martyr sicut rota carri, quæ fœnum gestat, sed murmurando.* Quod non obstat, quominus fas sit martyri salua martyrii veritate, remurmurantem inferiorem partem sen-

tire: aut etiam deliberatè dolere de posita per ipsum mortis causa, quam declinare fortè potuerat. Nihilominus enim dummodo malit vita excedere, quàm ob imminensem eadem à veritatis Christianæ testificatione resilire, martyr est habendus; quandoquidem verè perdit animam suam propter Christum: nec propriè murmurare dicendus est, quia simpliciter loquendo, mortem patienter acceptat, tantùmque ita affectus est, ut si integrum foret non præbere mortis causam quam præbuit, non esset eam præbiturus. Hoc tamen rerum statu, libere mauult irrogatam mortem excipere, quàm Deo & fidei terga vertere. Quare longè differret ab eo qui excussa planè patientia mortem exciperet, eamque si posset peremptis autoribus vlcisceretur, tantùmque inultus cadit, quia facultas deest. Ac etiam ab eo, qui reipsa expromit quantum potest virium, ut dolorem de morte imminente, damno prout vires ferent, eadè aut truncatione hostium leniat. Hic verè contranicitur, & murmurat, estque ineptus ad martyrium, quia illud non acceptat.

Non ita Christus Rex martyrum gloriosus, cui omnes verè martyres tanquam archetypo sunt conformandi. Cum enim pateretur, non comminabatur: tradebat autem iudicanti se iniuste. Omnes item Dei pugiles qui Christo succèturati, & ei traditæ fidei supercertantes, fortitudinem suam & vegetam fidem fortiter moriendo probarunt, cruciatu ac necem patientissime exceperunt, non obistentes. Testatur id de æui sui martyribus S. Cyprianus, fortem eorum cum satana congressum sic describens episto. 57. [Intellexit milites Christi vigilare iam sobrios; & armatos ad prælium stare, vinci
non

non posse, mori posse; & hoc ipso inunctos esse, quia mori non timent. Nec repugnare contra impugnantes, cum occidere innocentibus nec nocentem liceat; sed promptè & animas, & sanguinem tradere: ut cum tanta in seculo malitia & sæuitia grassetur, à malis & sæuis velociùs recedatur.]

3. Hac ex causa SS. martyres Zach. 9. *oues* dici, obseruat Terullianus l. 4. contra Marcio. c. 39. Ait enim oues dictos, quia nemo oues appellat eos qui in bello armati & ipsi ex eadè feritate certantes cadunt, sed qui in sua proprietate atque patientia, dedentes potius semetipsos, quam vindicantes trucidantur.] Similiterque ea ipsa ex causa SS. martyres apud Psaltem interprete Apostolo, dicuntur oues occisionis, quia coram tondente, imò deglubente se, non aperiebant os suum, memores diuini hac in parte consilij quod aperio verbis S. Augustini 22. contra Faustum c. 76. [Martyres appellantur qui latinè testes interpretantur: quorum numerus tantus effloruit, ut si eos Christus, qui de cælo Saulum vocauit, & factum ouem ex lupo, in medium luporum milit, congregatos vellet armare, atque adiuuare pugnantes, sicut Hæbræos patres adiuuit, quæ gentes resisterent? quæ regna non cederent? sed ut præclarissimum testimonium veritati perhiberetur, qua iam docendum erat, non propter temporalem in hac vita, sed propter æternam, post hanc vitam, fœlicitatem Deo esse seruendum, ea quæ vulgo infelicitas dicitur, pro illa fœlicitate subeunda fuerat & ferenda. Itaque in plenitudine temporum filius Dei factus ex muliere, factus sub lege, ut eos qui sub lege erant redimeret, factus ex semine Dauid secundum carnem: mittit discipu

« discipulos velut oves in medium luporum , & mo-
 « net ne timeant eos qui corpus occidunt , animam
 « autem non possunt occidere.] Vides Sanctorum in
 excipienda propter Christum nece omniam placiditatem.

Quomodo vitæ tutela, martyri abiicienda.

Quam tamen nolim ita accipi, ut cum cuique commissa vitæ suæ custodia pugnet. Non enim si aggrediatur me Turca , aut Hæreticus , cui non sum viribus impar , & mortem intentet nisi fidem eiecem, debeo nullo modo obistere , & collum lamij illius culro subijcere. Hanc quis non videt fore indebitam vitæ prodigalitatē , pugnantem cum ea moderata vitæ cura, cuius unicuique , iure naturæ obligatio iniecta est ? Planè itaque in eiusmodi euentu obistendum esset secluso scandalo & aliis , quæ per accidens possent obistentia illa interdicere. Obistendum inquam ex obligatione esset: Tamen si non omnibus modis licitis , V. G. importunum illum fidei interpellatorem , vitæ nostræ imminentem , obtruncando , vel mutilando ; sed alio leniore modo ad nostram tutelam sufficiente , aduersario illaeso. Nec placet quod Victor. relect. de homic. n. 24. & Aragon 22. q. 64. artic. 5. ad 3. tanquam certum , & à nemine negandum statuant, Christianum à Pagano , in solitudine inuasum, quamvis licitè & sine scandalo fidei , posset se tue-ri , posse tamen mortem excipere nullatenus eam declinando , idque ei ad martirium satis esse. Hoc ego non video , quomodo cum necessaria culus vitæ tutela cohæreat , nullo nouo affulgente fru-ctu

ctu vitæ ſic prodigendæ. Quare in eo euentu , exiſti narem , per ſe loquendo , & peculiari inſpiratione ſeclufa, cam ſui abiectiõnem à vero martyrio abeſſe , & declinandam eſſe mortem, obſiſtendo leni illo modo quem proponebam. Tunc igitur negatur obſiſtendum eſſe hoſti , vt verum ſit martyrium , cum moriendi neceſſitas certa eſt , nec licet vitam retinere , niſi vel fide violata , quæ eſt iniquitas maxima , & negatio contra Deum altiſſimum , vel vi per vim repulſa , & hoſte vel mutilato , vel cæſo ; ita vt quamuis certa oppreſſio non dubitetur conſecutura , tamen vltio aliqua præcedat , quæ imminente cladem nonnullo hoſtis danno ac violatione leniat. Hic eſt patientia & fides Sanctorum. Hic inquam tolerantia & non obſiſtentia opus eſt, exemplo S. Martyrũ Thebæorum, qui quamuis ob multitudinem & bellicam peritiã potuiſſent non inulti peire , nec danno modico afficere eos à quibus trucidabantur, tamen vt martyres occumberent , arma abiecerunt , & veluti agni lanienam non obſiſtentes exceperunt. Nec ita multo poſt anno Chriſti 301. S. Andreas in bello Perſico ducem agens , cum multis ſuorum , non reſiſtens , nec contra pugnans cæſus eſt pro Chriſto, vt habent eius Acta , & tabulæ Eccleſiaſtica 19. Auguſti.

*Senſus Eccleſiæ , de neceſſaria martyri
non obſiſtentia.*

4. Nolo morti in iuſto prælio fortiter pugnando obire , quicquam decedere de ea gloria quam alibi in huiusmodi tractu celebro. Multo minus derogatum

rogatum velim honori eorum ac meritis, qui in pugna contra fidei hostes occumbunt, & mortem nostrorum ac effusionem Christiani sanguinis, caro vendunt hostibus fidei. Horum ego decora prorsus non minuta volo. Aio tamen, martyrium Christianum eam mali repensionem excludere. Et idcirco non placet quod S. Antoninus 3. p. summavit. 30. cap. 8. §. 1. *in fine*, cruce signatos qui in bellum sacrum dederunt nomina, acceduntque aduersus hostes pugnaturi, si in huiusmodi expeditionibus moriantur, annumerat martyribus. Quod item apud S. Bernardum serm. ad milites templi c. 1. iidem in bello pro fide cæsi, martyres nominantur, in rigore loquendo probari non debet, quamuis possit de martyrio late dicto accipi. Sane iam olim Polyeuctus Constantinopolitanus Patriarcha, aliique Græci Antistites, Nicephoro Imperatori Constantinopolitano sunt oblectati, qui legem tulerat ut milites in bello cæsi, martyres haberentur, ut scribit Zonaras t. 3. Curopalates, Glycas, & alij apud Baronium anno Christi 964. Qui idem à Phoca Mauritij successore tentatum scribit anno 620. allegato Balsamone in Canonem 13. epistolæ S. Basilij ad Amphilochium. Verùm Balsamon tantum ait tentanti Phocæ martyrum honores militibus impertiri, oblectatos esse Græcos Antistites autoritate canonis illius S. Basilij. Quod facile accipitur de Nicephoro qui Phocas cognominatus est, & felicior plerumque quàm infior ad cætera infamiae capita quibus apud historicos flagrat, hoc quoque adiecit, ut sacros honores profanatos vellet; æmulatus non antiquum in Christiana Ecclesia usum, sed priscos Ethnicos,

ornandorum militum qui fortiter in pugna cecidissent, studiosissimos, ut est apud Theodoretum l. 9. aduersus Græcos; nominatimque Traianum, qui aris constitutis & decretis annuis parentalibus, celebrari sallowit omnes qui in prælio aduersus Dicebalum occubuissent.

Que in contrarium non ita pridem opposita.

5. Hæc cum iam pridem rata sint in Ecclesia, mirandum est contrarium annis superioribus excidisse Iodoco Damboudetio in Christianis Parænesibus, admonitione 7. n. 16. ubi late contendit, attentis tot militum laboribus, quotquot pro fide & Ecclesia certant, verè ac propriè martyres esse habendos. At hoc planè futile est, eaque doctrina non vna ex parte rimas agit. Nam quamuis labores militum sint longè asperrimi & eorum vita longè sit durior quacunque asperitate monastica, ut late traditur apud S. Brigittam l. 3. reuelat. c. 27. tamen hoc ad martyrium pressè dictum non sufficit: Non enim certare, & pati labores, sed morte defungi martyrem facit. Nec mortem bellando, oppetere, sed patienter excipere necesse est, eum qui martyr renunciat. Argumentum sibi addit idem autor planè enerue. Ait enim martyrium esse actum fidei ut finis, charitatis ut imperantis; fortitudinis ut principaliter elicientis; patientiæ denique ut elicientis consequenter. Hæc autem elucere in militum pro fide pugnantium militia atque laboribus. Esse igitur vere martyres. Sed & consecutio nulla est, & antecedens multipliciter nutat. Male enim fides statuitur finis martyrij; malè fortitudo a patientia

seru

seuungitur; nec benè imperium martyrij, assignatur soli charitati. Itaque omnis ea argumentatio labat, negandumque est, militem siue pro fide bellantem, siue etiam bellando morientem, esse verè martyrem. Nulla certè iustior fuisset martyrij occasio quàm ea qua in summis Ecclesiæ temporibus aduersus Turcam Europæ vniuersæ, nominatimque Italiæ imminentem, pugna à Pio I I. denunciata est Christianis omnibus, ea verborum & rationum vi, vt quantumuis durum lectorem, planè emolliat, & tamen nusquam mentio sit in ea Bulla, subeundi sic pugnando martyrij, quod maximè fuisset virgendum.

Martyrium non exsoluit obligatione multorum præceptorum.

6. Alius martyrij obex excludendus à martyre adulto, est violatio præcepti cuiusuis tunc vigentis cum subeundum est martyrium. Siue enim martyrium, vt pletunque accidit, sit opus duntaxat supererogationis, siue subeatur ex morali necessitate, quod aliquando vsu venit, non est vnde homo se exsolutum putet obseruatione præcepti quod tunc quoque perstare & vigere supponatur. Itaque eius violatio charitatem & gratiam extruderet: sermo enim est de graui præcepto, cuius violatio lethali noxa hominem contaminet. At sine charitate habituali, quæ gratiæ satellitium est, eique insociabiliter adhæret, etiam si tradiderit quis corpus suum ita vt ardeat, nihil ei prodest vt fert Apostolicum oraculum. S. Chrysostomus hom. 36. in Matth. hanc necessitatem obseruandi præceptum in
marty

martyribus quoque locum habere, probat ex illis Christi verbis. *Tollat crucem suam, & sequatur me*. Ait enim hoc esse sequi Christum, (quod supra crucis sublationem & passionem à martyre exposcitur,) omnes virtutis numeros perfectè adimplere; nec duntaxat adhibere fortitudinem, sed omne virtutis genus omnisque iustæ legis observationem complecti. [Id enim est rectè Dominum sequi, vt & propter ipsum cuncta sufferas, & aliquas virtutes non negligas.] Latè idem confirmat autor libri de singularit. Clericorum apud Cyprianum, nominatimque num. 124. ait. [Credamus super illos martyrium iam iamque pendere; interim priusquam martyres fiant, legibus subiacent.] Indubitatus item Cyprianus epist. 25. Moysen & Maximum Presbyteros, ceterosque Confessores, celebrat quod de Christianæ disciplinæ tenore solliciti, datis literis hortati essent collegas, [vt Evangelij sancta præcepta, & tradita nobis semel mandata vitalia, forti & stabili observatione tenerent.] Id quod S. Cyprianus optimè factum confirmat, cum ex c. 28. Matthæi vbi Apostoli iubentur docere baptizatos vt seruent mandata; Tum ex 1. Ioan. 2. vbi dicitur [in hoc intelligimus quia cognouimus eum, si præcepta eius custodiamus. Qui dicit quoniam cognouit eum, & mandata eius non seruat, mendax est, & veritas in illo non est. Hæc præcepta cum custodienda suggeritis, diuina & cœlestia mandata seruatis. Hoc est esse confessorum Domini; hoc est esse martyrem Christi, seruare vocis suæ inuiolatam circa omnia & solidam firmitatem; nec propter Dominum martyrem fieri, & præcepta Domini, destruere conari; vti ad-

« uersus illum dignatione , quam tibi dederit ; armis
 « ab illo acceptis , rebellem quodammodo fieri ;
 « Christum confiteri uelle , & Euangelium Christi
 « negare.] Eandem ob causam epist. 21. martyres
 « designatos grauissimè admonet , ut [à quibus tam
 « deuotè & fortiter seruatur fides Domino , ab iis-
 « dem lex quoque & disciplina Domini referuetur.
 « Nam cum omnes milites Christi custodire oporteat
 « præcepta Imperatoris sui , tum vos magis præ-
 « ceptis eius obtemperare plus conuenit , qui exem-
 « plum cæteris facti estis , & uirtutis , & timoris
 « Dei.] Apertè eandem obseruantia præceptorum
 necessitatem , martyri iniicit , scribens ad Corne-
 lium epist. 5. n. 16. tamen eius ibi mentem Scho-
 liastes aliò detorquet. Ut autem quod alios mone-
 bat hoc ipse præstaret , probarétque se non esse ex
 eorum numero qui dicunt & non faciunt , quo ex
 capite laudatur ab Augustino serm. 116. de diuers.
 c. 6. cum esset in procinctu ad martyrium , fategit
 omnia ad quæ ex Episcopi munere tenebatur omni-
 bus numeris implere , & omnibus legibus qui-
 bus tunc urgebatur , exolui : ut testatur S. Augu-
 stinus serm. 12. in append. Paris. [Sic enim (inquit
 « Augustinus) se meminerat fore martyrem , ut se
 « esse non obliuisceretur Episcopum.] Similiter ergo
 Christiano cuicunque , mortem pro causa Christi
 subituro memoria repetendum est , sic mox se
 fore martyrem , ut nunc meminerit se esse Chri-
 stianum : ac proinde statuât necesse est , omni sibi
 Christiano munere ritè esse defungendum. Idque
 peruidentes SS. Martyres Nicomedienses , Maxi-
 miani edicto intra templum comburendi 25. De-
 cemb. tamen baptismus cruentus instabat , & qui-
 dem

dem perfectissimus; tamen non idcirco baptismi aquæ suscipiendi lege exsolutos qui aderant catechumenos censuerunt. Itaque confessum eos iustrarunt expiatrix aquis, ut eorum acta quæ Baronius t. 2. exhibet, testatum faciunt.

Colligitur necessitas Confessionis Sacramentalis, respectu peccatoris ante martyrium.

7. Hæc generatim de necessaria in martyri observatione præceptorum tunc vigentium. Ut autem in particulari, adhibito vno aut altero exemplo doctrinam propositam illustrem, ex ea aperte concluditur, peccatorem cui sit confessarij copia, si peccata confiteri renuat, non esse verum martyrem, quamvis mortem pro Christo excipiat: quia Deus non habet acceptum testimonium peccatoris, consultò violantis legem divinam de gravium peccatorum confessione, quam supponitur obire posse in eo articulo. Posset tamen bona fides peccatori suffragari. Nam si invincibiliter existimaret se confessionis lege exsolutum, posset nihilominus martyrij fructibus gaudere: quia ratione bonæ fidei qua duceretur, existimans se non teneri lege, non violaret legem. Itaque, dummodò vel contritione perfecta, vel qualicumque dolore, adiuncto passioni pro Christo, ad gratiæ susceptionem disponderetur, posset mors illius, cum eo saltem, alias diminutæ dispositionis rudimento coniuncta ad martyrium satis esse, ut infra dicam, & exemplo Sacramentorum bona fide susceptorum confirmabo. Nunc enim duntaxat attendo exsolutionem à præcepto & lege; qualis est lex de

confessione grauium peccatorum ante mortem præmittenda, cum facultas suppetit. Ea igitur lex accedente bona fide, poterit non esse fraudi violata, dummodò nullum medium ad salutem absolutè necessarium desideretur, cuiusmodi esse respectu peccatoris aliquem dolorem, infra monstrabo.

Item quàm sit pronocatione hostium abstinendum, extra grauem causam.

8. Præterea ex doctrina proposita inferitur, pronocationem infidelis ad mortem inferendam, seclusa idonea & graui causa, continere graue peccatum, ac proinde vero martyrio ob stare. Sanchez lib. 2. in decalog. c. 34. num. 15. affirmat, culpam huiusmodi prouocatoris, esse tentationem Dei: nempe interpretatiuam, quæ præter alios modos tunc accidere censetur, cum quis absque necessitate in apertum vitæ discrimen se coniecit. Plerique sanè Patres, prouocationem de qua agimus, tentationem Dei appellant, vt mox videbimus prolatis eorum locis. Et quanquam in aliis plerisque materiis ægrè ostendatur, quomodo modus ille Deum interpretatiuè tantum, tentandi, aduersetur religioni: Tamen in præsentī negotio, non est obscurum qua ratione qui sic se exponunt cordis periculo, peccent in religionem. Blasphematur enim per eos nomen Dei inter infideles: & religio, cum ab iis qui mortem irrogant, tum ab astantibus, aliisque ad quos fama manat, laceratur atque proscinditur. Insuper verò ea sui inconsulta coniectio in discrimen, & Ethnicī prouocatio ad mortem inferendam,

rendam, non vna alia labe sordet. Nam & malitiam temeritatis continet contra fortitudinem, & malitiam iniustitiæ ad quam prouocator inducitur, suggerendo illi causam qua iustitiam violet. Quamuis enim ipse homo non possit sibi esse vere iniurius, & cum directe alium hortatur ad crimen ex quo videt inferendam iuri suo plagam, censeatur ex parte sua iuri illi nuncium remittere: Tamen quia vniuersa Respublica iniuriam patitur in eade iniusta hominis annuentis, quam amoliri interest communis humanæ; idcirco illi ad eadem propriam prouocationi, labe iniustitiæ inexpurgabiliter admiscetur. Sicut cum maritus uxori suæ lenocinatur, quamuis in eum non admittatur iniuria, vt hæc persona est, ob interpositam iuris sui cessionem per lenocinium, tamen qui eam fœdat, in statum conjugalem iniurius est, verèque adulter. Denique perspicua etiam est in ea prouocatione, labe contra charitatem propriam, & legitimum illum amorem quo quisque carnem suam nutrire & fouere debet.

Tot igitur maculis & turpitudinibus sordentem, temerariam prouocationem, mirum non est veri martyrij decora præcludere. Et idcirco à grauitissimis Patribus improbatur, quorum aliquos iuuerit audire. Clemens Romanus 5. Constitut. c. item 5, grauiter admonet, ne prompti simus ad obiiiciendum nos periculis, eo quod iussi simus orare ne intremus in tentationem. Si tamen tentatio inciderit, perstandum esse animosè atque constanter.

9. Clemens Alexandrinus 4. Strom. c. 2. expendens sophismata hæreticorum, (puto Marcionitarum,) contra martyrij honestatem, sic scribit. [Di-

« cimus nos quoque, eos qui de industria mortem
« quærunt (sunt enim quidam non nostri, sed tantum
« nominis participes, qui quidem seipsos magno
« studio contendunt tradere, propter odium in crea-
« torem miseri, mortem cupientes:) eos, inquam,
« dicimus seipsos producere absque villo martyrio ac
« testificatione, etiam publicè puniantur. Fidelis enim
« testimonij non seruant characterem, qui eum, qui
« verè Deus est, non cognouere. Vanæ autem morti
« seipsos tradunt, sicut se temere in ignem coniiciunt
« Indorum Gymnosophistæ.] Et infra cap. 5. tractans
« Christi de capessenda fuga oraculum. [Non suadet
« fugere, tanquam malum sit pati persecutionem: nec
« vt mortē extimescētes, iubet nos eam fuga declina-
« re. Vult autem nos nulli esse auctores, neque alicuius
« mali causæ adiutores, nec nobis ipsis, nec ei qui per-
« sequitur, nec ei qui interimit. Denunciat enim quo-
« dammodò vt caueat. Qui autem non obedit, est
« audax, & temerarius, & inconsultè se in manife-
« sta pericula coniiciens. Si autem qui hominem Dei
« interimit, in Deum peccat, is quoque eius cæcis
« reus, tenetur, qui se offert iudicio. Is autem fuerit
« qui non vitat persecutionem, se capiendum præ-
« bens per audaciam. Is est, qui quantum in se est,
« adiuuat improbitatem eius qui persequitur. Quod
« si ipse etiam causam præbens, feram planè irritet,
« similiter etiam si præbeat aliquam pugnæ causam,
« vel damni, vel iudicij, vel inimicitiarum, is occa-
« sionem peperit persecutionis. Et ideo iussi sumus
« nihil retinere ex iis quæ ad hanc vitam pertinent:
« sed ei qui tollit pallium, præterea etiam dare tuni-
« cam: non solum vt perimamur obnoxij nullis
« animi perturbationibus, sed ne ea vendicantes, eos
qui

qui in iudicio contendunt, in nos reddantur effera-
 rios, & per nos eos commoueamus, ut nomen ma-
 ledictis appetant.]

10. Creber ac diligens in hanc rem est, Clemen-
 tis olim auditor Origenes. Sed perpulchrè tomo
 31. in Ioan. ad illud *¶ E S V S ergo iam non palam*
ambulabat apud Iudeos. Eius enim secessionis cau-
 sam reddens, sic scribit. [Hæc & his similia scripta
 fuisse centeo, volente Iesu nos advertere ne ira-
 cundiùs ac inconsideratiùs infiliamus in certamen
 mortis, pro veritate testimonium præbituri. Ete-
 nim honestum quidem est, si inciderit certamen
 pro confitendo Iesum, confessionem non differre,
 neque tardare mortem pro veritate oppetere. At
 non minùs quàm hoc honestum est, tã tantæque
 tentationi occasionem non dare, sed omnimodo vi-
 tare eam: non solum quia tantæ rei exitus incertus
 sit nobis, verùm etiam ne nos occasio simus, ut
 magis peccatores, magisque impij euadant Illi, qui
 nondum sanguinem nostrum reipsa effudissè, rei
 sunt facti, si quæ in nobis sunt facientes, declina-
 uerimus eos, qui insidias nobis vel ad mortem vti-
 que moliantur; sed puniendi alioqui maiori, gra-
 uiorique pœna nostri causa, si nostri amantes rebus
 illorum post habitis, exposuerimus nos ipsos inter-
 ficiendos, nulla nos necessitate urgente. Nam si
 etiam qui alicui occasio peccati factus fuerit, is pœ-
 nas dabit ob ea quæ sui causa peccauerint aliqui
 homines, quomodò non etiam pœnas daturus est,
 qui cum declinandi facultatem habeat, ne prodi-
 tor ille Christiani sit hominis, & insidiator cultus
 diuini erga Iesum, non declinauerit; imo potius
 concitauerit? Etiam si quoddam p̄somp̄titudinem at-

“ tinet , fortitudinēque , hac in re honore ac lau-
 “ de sit dignus , apud Deum , quem piē colit , apud-
 “ que ſeuatoreū quem confellus fuerit.]

De Gregorio Neocæſarienſi , Origenis quondam
 diſcipulo , ſic ſcribit S. Gregorius Nyſſenus in eius
 vita , poſt deſcriptam horrendam perſecutionem
 “ in Chriſtianos. [Tunc magnus ille vir , conſidera-
 “ ta imbecillitate ac fragilitate humanæ naturæ , vt
 “ potè quod multi non poſſent vſque ad mortem pro
 “ pietate decertare , conſuluit Eccleſiæ vt parumper
 “ horribilem illum impetum , atque irruptionem de-
 “ clinaret , ſatius eſſe ducens per fugam animas ipſo-
 “ rum ſeruari , quàm in acie certaminum ſtantes , fi-
 “ dei fieri deſertores. Et vt maximè hominibus per-
 “ ſuaderetur , nullum animæ periculum aſſerre ſi vel
 “ fuga fidem ſeruarent , ſuo exemplo auctor ipſis ſe-
 “ cedendi ſit , ipſe ante alios ſecedendo , periculi im-
 “ petum deuittans.] Tantum ergo abeſt , vt S. Gre-
 gorius prouocationem hoſtium fidei approbaret ,
 vt potiùs fugæ auctor & magiſter efficeretur , veri-
 tus ſuorum imbecillitatem , & quia ſatis agnoſce-
 bat ſeceſſionem ſuam non fore Eccleſiæ inutilem ,
 imo maximè commodaturam ſi ſe ad meliora tem-
 pora ſeruatum vellet : id quod euentum poſtea
 comprobaffe , obſeruat Nyſſenus.

11. Menſurſus Carthagenſis Epiſcopus , gra-
 uiſſimè idem tradidit , vt eſt apud S. Auguſtinum in
 breuic. collat. diei tertiæ cap. 13. Refert enim D. Au-
 guſtinus , in prolatis per Donatiſtas Menſurij literis
 “ lectum fuiſſe , [eos qui ſe offerrent perſecutionibus ,
 “ non comprehenſi ; & vltro dicerent ſe habere ſcrip-
 “ turas quas non traderent. à quibus hoc nemo quæ-
 “ ſerat , diſplicuiſſe Menſurio , & ab eis honorandis ,

cum

eum prohibuisse Christianos.] Id est veuisse, ne martyrem albo adscriberentur, quod pro potestate summi in vniuersa Africa sub Romano Pontifice Primatis, prohibere faciliè poterat.

S. Petrus Alexandrinus, in Canonibus de restitutione lapsorum, cum ad eos denenit qui martyrio se obtruserant, sic sanxit [Li quoque qui tanquam ex somno, ad certamen, quod est consideratione parturiendum, & maturo consilio differendum, profiliunt, pugnaeque maritimæ & multæ fluxuum inundationis tentationem attrahunt, vel potiùs fratribus peccatorum carbones accendunt; ipsis quoque communicandum est, vt qui in nomine Christi ad id veniant: Et si verba eius non animaduertebant, qui docet, non esse ingrediendum in tentationem, & eum rursus in oratione Patri dicere: & ne nos inducas in tentationem, sed libera nos à malo. Fortalsè autem etiam ignorant nostrum patrem familiars, & Dominum nostrum, sæpè abiis, qui illi insidiari volebant, secessisse: Et quandoque etiam liberè apud eos non incedebat: Et quodd etiam, quando passionis tempus appropinquauit, non seipsum tradidit, sed expectauit donec ad eum venissent gladiis & fustibus. Dicit ergo eis: Tanquam ad latronem existis cum gladiis & fustibus comprehendere me. Qui etiam tradiderunt ipsum Pilato. Ad eius quoque similitudinem iis accidit, qui eius scopum sibi proponentes incedunt, nec diuinorum eius verborum recordati, per quæ nos confirmans, de persecutoribus dicit: videte autem vos metipsos: tradent enim vos in conciliis, & in synagogis vapulabitis. (Tradent enim, dixit; non vos ipsos tradetis.) Et ad principes & Reges ducemini propter nomen

« meum; (non vos ipsos ducetis.) Nam nos quoque
 « vult à loco in locum transire, dum sunt qui nos
 « persequuntur propter nomen eius. Sicut eum rur-
 « sum dicentem audiuius: cum vos persecuti fue-
 « rint in vna ciuitate, fugite in aliam, Non enim vult
 « ad Diaboli stipatores satellitèſque confugere, ne
 « ipsis queque multifariæ mortis causa simus, vt qui
 « ipsos & asperiores esse cogamus, & opera morti-
 « fera peragere; sed expectare & nobis cauere, vigila-
 « réque & orare ne intremus in tentationem.]

12. Ex S. Athanaſio, eiusdem cum Petro, Alexan-
 drinæ sedis Antistite, plurima suppeterent, si res
 ferret, cum iusta extet apud eum de hoc argumento
 tractatio, qua secessum suum excusat, & iustitiæ ac
 æquitatis plenissimam, prudentem fugam; scaten-
 tem autem multipli ci forde, hostium fidei prouoca-
 tionem, aperit eadem opera. Breuiter itaque vnum
 « aut alterum Apologiæ illius locum delibo. [Non
 « formidine mortis me in fugam dedi, ne quis me ti-
 « miditatis accuset, sed vt Saluatoris præcepto ob-
 « temperarem, cuius mandatum est, vt contra perse-
 « cutores fuga, contra indagatores latebris vtamur, ne
 « si nos in apertum periculum offeramus, acrius pro-
 « uocemus persequentium furorem. Siquidem in
 « æquilibrio est, & seipsum occidere, & se inimicis ad
 « occidendum propinare. Qui autem fugit vt Domi-
 « nus præcepit, is temporum articulos nouit, & verè
 « suis persecutoribus cauet ne vsque ad sanguinem
 « fundendum euecti, rei fiant eius præcepti quod ho-
 « micidium vetat:] Et inferius sub Apologiæ finem.
 « [In vniuersum omnibus, ea lex proposita est, vt fu-
 « giant dum in persecutionibus appetuntur, & occul-
 « rent sese dum quærentur: neque præcipientes temera-
 riique

riique sint in tentando Domino, sed expectent donec definitum moriendi tempus aduenerit, aut iudex ille aliquid ex iis quod sibi rectum videatur constituerit. Sed tamen nos semper paratos esse voluit, ut vel vocante tempore, vel apprehensi pro Ecclesia, usque ad mortem dimicemus. Hæc & beati martyres temporibus persecutionum, obseruauerunt, iidemque quadiu in latebris erant, sese occultabant. Vbi autem inuenti essent, martyrium obibant. Quod si quidam ex iis, se persecutoribus dedidere, non temeritate ed rapiebantur, sed passim apud omnes profitebantur à Spiritu sancto hæc promptitudinem sui que oblationem, profectam esse.] Tandem ferè in fine Apologiæ. [Neque Dauid in spelunca exhibuit se Saùli, neque filij prophetarum ingesserunt se Achabo. Id enim erat facere contra Dei præceptum, cum in scripturis habeatur non tentabis Dominum Deum tuum.] Non est omittenda praxis ipsius Christi quam urget paulo ante, & nonnulla disparitas inter eum & sanctos alios hac in parte. Monstrat enim diligenter Christum, priusquam aduenisset hora eius, occultasse sese & subduxisse multoties. Tempore autem præfinito, adueniente, ultro se obtulisse. Quod sancti seclusa diuina peculiari inspiratione, nunquam faciunt, quia nunquam sciunt aduenisse horam suam. Comprehensi tamen, generose perstant in fide, nec vel cruciatibus, vel promissis caducis ab ea se abduci patiuntur.

Vno aut altero Nazianzeni loco prolato, receptui cano. Orat. 10. quæ est Cæsarij fratris laudatio [Malis temporibus cedit, (*Cæsarius*) in eoque legi nostræ obtemperat, quæ hoc sancit, ut vigente quidem tempore, pro veritate periculum adeamus, nec

“ nec pietatem per ignauiam prodamus : Quandiu
 “ autem licet, pericula ipsa ne prouocemus : siue ani-
 “ marum nostrarum metu, siue ut iis consulatur, qui
 “ periculum nobis inferunt.] Metum animarum no-
 “strarum, vocat timorem pereundi in periculo ada-
 “mato. Et orat. 20. qua S. Basilium celebrat, num. 13.
 “ agens de secessione maiorum. S. Basilij. [Illi qui-
 “ dem animo ita constituti & comparati erant, ut ea
 “ omnia facile perpassuri, ob quæ Christus eos, qui
 “ ipsius certamen nostra causa susceptum imitantur,
 “ coronam donat. Verum quoniam certamen quoque
 “ legitimum ipsis esse oportebat, (lex autem marty-
 “ rij hæc est, ut nec nos vltro ad certamen acceda-
 “ mus, hac nimirum ratione tum persecutoribus, tum
 “ imbecillioribus athletis consulentes: nec, cum præ-
 “ sentes sumus, certamen detrectemus; Illud quippe
 “ temerarij ac præcipitis est animi, hoc timidi &
 “ ignaui: in hac quoque re legislatorem honore affi-
 “ cientes.] &c. Pergit eorum secessionem descri-
 “ bere, quam astruens, simul ut vidisti prouocatio-
 “ nem damnat, & veri martyrij legibus aduersantem
 “ statuit, quod in Concilio quodam Cordubensi
 “ constitutum esse, refert S. Eulogius lib. 2. memo-
 “ rialis SS. cap. 15.

Facta quadam Sanctorum in contrarium.

13. Videbimur, nonnullos, imo nationem filio-
 rum Dei reprobasse, prouocationem persecuto-
 rum damnantes. Innumeri enim SS. Martyres, ho-
 stes fidei lacefferunt, & sopitorum (ut ita dicam,)

canum auriculas vellentes, non extimuerunt martyrij gloria excidere. Paucos qui nunc occurrunt an-

noto. Apud Tertullianum, l. ad Scapulam c. 5. omnes cuiusdam Asianæ ciuitatis Christiani Arrio Antonino præfidi se obtulerunt, morituri pro Christo, & aliqui facti sunt voti compotes. S. Gordium celebrat S. Basilus luculenta de eo oratione, sed præsertim ex summa fortitudine quam prodidit descendens vtrò in arenam, ac è solitudine in quam secesserat fugiens vrbanos tumultus, & ea pietatis interturbamenta, quæ magna & multa vrbes tanquam magnæ naues alligatas puppibus cymbas per æquora trahunt; prosiliens in stadium, fidem ibi suam professus prouocauit in se hostem. Nam in stadio, tunc temporis, turba confertissima Ethnicorum, ipsèque cum toto satellitio præses equestri spectaculo pascebatur. [Plenum erat stadium, (inquit S. Basilus) & omnis iam turba confederat, equestre certamen videre intenta. Tunc magnanimus ac fortis heros per montis clium in theatrum properans, non populum horruit, non quàm hostilibus se manibus traderet, pensitauit, sed corde intrepido & animo excelsso quasi quædam continua saxa, aut arbores multas, eos qui circa stadium sedebant prætercurrentes, in medio constitit stadio, complens dictum illud, iustus vt leo confidenter agit. Quid plura? Adeò intrepido excelsoque animo fuit, vt cum in eminentiore theatri parte staret, ingenti voce, quam qui audierunt extant adhuc aliqui, exclamauerit, & clarè illud Apostoli ad Romanos dixerit. Ecce inuentus sum ab iis qui me non quærun: his qui me non interrogabant, palam apparui. Quibus sanè verbis se in eum venisse locum significauit, minimè coactum, sed vtrò se ad certamen exhibuisse, seruatoris exemplum secutum,

"tum, qui cū per atram noctem minimè videre-
 "tur, se Iudæis manifestauit.] Et mox post descri-
 "tam eius intrepiditatem cōfām Præsīde. [Tantum
 "abest, vt intentas horreret pœnas, vt eas vltro in
 "se prouocaret, supplicijque morās vehementer
 "increparet. Quid, inquit, tardatis? Quid statis? cor-
 "ripite corpus, membra frustatim cādantur; deni-
 "que quodcunque de me supplicium volueritis, su-
 "mite. Nolite mihi beatam spem inuidere. Quanto
 "enim mihi plus tormētōrum accesserit, tantō plus
 "referam prēmiorum.]

14. Apud Eusebium 8. histor. c. 19. tres SS. ath-
 letæ, Antonius Præsbyter, Zebinas Eleuthèropo-
 litanus, & Germanus, excitata dirā persecutione
 per Maximinum, quam ipsi etiā Gentiles nimīā
 crudelitatis & inhumanitatis damnabant, alacres
 prodierunt in arēnam, hostem fidei prouocantes.
 " Sic enim ait Eusebius. [Diuina seruatoris nostri vir-
 "tus, his athletis tantam denuō animi iniecit fiden-
 "tiam, & quasi cœlitus inspirauit, vt cū nemo il-
 "los vi impelleret, raperētque ad fidei suæ confes-
 "sionem, vltro offerrent sese, & omnes eiusmodi
 "terrores ac minas, strenuē protererent, & tan-
 "quam pedibus conculcarent. Idcirco tres ex fide-
 "bus simul, vno animorum consensu; contra præsi-
 "dem immolantem insiliunt, & alta voce, tali errore
 "atque amentia desistere hortantur. Nam non alium
 "esse Deum, præter eum qui omnium rerum effe-
 "ctor, & architectus est, asserūt. Rogati ergo, quinam
 "essent, Christianos se audacter confitentur. Qua de
 "causa Firmilianus acrius & vehementius concita-
 "tus, absque vllō alio supplicij genere, capite mul-
 "tandos tradidit.] S. Abibus Diaconus Edessenus, vt
 est

est in eius Actis quæ exhibet Metaphraites 15. No-
uembriſ, mota per licinium perſecutione, alacer
aduolauit; & volenti eum dimittere tribuno Theo-
terone, negauit ſe abſceſſurum, ſed obſirmatè voluit
præſidem adire, & apud eum fidei conſeſſionem ex-
promere, eamque maximè ob cauſam diuiffimè
tortus eſt, Præſide eam generoſitatem contem-
ptum legum & publicæ poteſtatis interpretato.
S. Paphnutius Monachus, non ille cuius apud Caſ-
ſianum frequens cum laude mentio, ſed alius ſub
Diocletiano martyr, cuius acta ex Metaphraſte ex-
hibuit Surius 28. Aprilis, vltro ſe iudici ſcitit, non
quæſitus. Apud Euſebium 6. hiſtor. c. 34. S. Beſas
non diſſimiliter Chriſtianam fidem nemine vrgen-
te profeſſus, ſuppliciorum atrocitatem in caput
ſuum deuocauit. Martyres Cordubenſes qui vltro
ad prouocandos Mahumetanos accurrerant, ſum-
mis laudibus effert S. Eulogius l. 1. memor. Sanctor.
& alios præterea profert cap. 16. vt S. Sebastianum,
S. Babylam, S. Eulaliam. Quid igitur his aliſque
permultis faciendum, ſi procuratione hoſtium fi-
dei interdicitur, indeque martyrij gloria non ob-
ſcuratur modò, ſed etiam extinguitur?

Pura prorsus & ſancta, demonſtrantur.

15. Hanc difficultatem vt eliderem, non dam-
nauim abſolutè ac ſimpliciter prouocationem, ſed
tantùm ſi deſit grauis & proportionata cauſa. Poſſe
enim per eam honeſtari coniectionem vitæ in diſ-
crimen ex prouocatione, dubitare non licet. Eiuf-
modi cauſa eſt iuxta S. Eulogium l. 1. memor. San-
ctor. n. 20. periclitans ex ſilentio fides, eiufque de-
preſſio

pectio consecutura, ni veritatis testes vltro accu-
 rant, & fidei suæ professionem, hostibus vel no-
 lentibus ingerant. in quo euentu necessarium esse
 vltro procedere, & hostes generosa confessione
 prouocare, confirmat S. Eulogius eo loco; cum
 prolatis variis Sanctorum exemplis, tum etiam
 nonnullis scripturis adductis: cuiusmodi est locus
 ille de Christo apud S. Lucam c. 9. *obfirmavit faciem
 suam ut iret in Hierusalem*: quod de exemplo spon-
 te properandi ad martyrium interpretatur alle-
 gato B. Hieronymo; ex quo etiam illa in hanc rem
 illustria verba profert, quæ in prædicto euentu lo-
 cum habent. [Non est delicata in Deum & secura
 confessio; qui in me credit, debet suum sanguinem
 fundere.] Quasi diceret, ut Eulogius interpretatur,
 non esse semper umbratili & secura fidei confes-
 sione vtendum; sed aliquando, etiam si sanguis
 fundendus sit, intrepide ac generosè laceffendam
 esse perfidiam, vltro aditis propter Deum discri-
 minibus mortis: ut factum est ab Apostolo, quem
 consequenter allegat S. Eulogius; Nam prænun-
 ciante Agabo, vincula & tribulationes, & precan-
 tibus enixè fidelibus, ne ascenderet Hierosolymam,
 seque Iudæorum rabiei exponeret, digna Paulo
 voce respondit: *Ego non tantum alligari, sed & mo-
 ri in Hierusalem paratus sum, propter nomen Domi-
 ni IESU*. Tandem prolatis variis SS. exemplis
 qui vltro prodiderant in certamen, concludit S.
 Eulogius. [Multi alij sponte se obtulerunt, & co-
 ronati sunt. Et idcirco, ut quidam sapientium me-
 minit, inter primas dignitates regnorum cœlestium
 sunt ponendi, qui ad passionem venerunt non
 quæriti: & excellentis voti est, inter tormenta
 proli

profilire, vbi nō est criminis latuisse. Sed in veritate «
crimen esse fatendum est, latitare, si virtus excellētis «
meriti est, vltro procedere; quando fidei nostræ con- «
fessio prædicationē exigit, & testimonium postulat.] «

16. En quam ille duxerit causam idoneam, imo «
& necessariam, prouocandi aduersarios, nec tam «
excipiendi patienter illatum, quàm ex se ruendi «
animosè in martyrium vltro quæsitum. Quod cum «
præstitissent SS. Martyres Cordubenses, Eme- «
terius & Celedonius, quia per Mahumetanam inibi po- «
tentiam obsolescere Christianitatem videbant, hoc «
eos elogio exornat ibi sanctus Eulogius n. 14. præ- «
ter ferta perpetuarum laudationum in alios simi- «
lia ausos, toto operi intermistarum. [Cum trade- «
re pro Domino animas anhelarent, tali sese ad «
passionem astantes hortatu impellunt: Feriat vbi- «
que hostem missilibus suis vibrata confessio, & la- «
tentem fidei inimicum, vbi- «
cumque fuerit, inqui- «
ramus. O incomparabilis magnanimitas, & forti- «
tudo admitanda, laudanda, atque imitanda San- «
ctorum. Qua etiam si torpeat inimicus, ac perse- «
qui Ecclesiam Dei desinat, irrumpere tamen late- «
bram eius, & incitare ipsum ad bellum iubemur, «
vt hostem frigidum strenuus agonothe- «
ta accendat, «
proferat latentem, erigatque ad conferenda certa- «
mina desidem. Et quanquam effuso cruore conste- «
natis membris succumbat, fieret tamen ad sedem «
patris captum ex hoste triumphum, spiritus belli- «
ger victoriæ laurea potiturus: quia in eo vires mi- «
litis comprobantur egregiæ, quod non requisitus, «
vltro se obtulerit pal- «
lustræ martyrij, sancta scriptu- «
ra testante: qui propria voluntate obtulistis vos «
discrimini, benedicite Dominum. Si ergo qui zelo «

"charitatis nostræ aduersariis nostris fidelis expugna-
 "tor, occurreret, arma sumeret, ensibus desæui-
 "ret, animam ponere contenderet, nequaquam
 "eum immunem condignis pateremur donariis,
 "eiûsque liberalitatem largo munificendam benefi-
 "cio censeremus. Quanto potioris gloriæ honore
 "ferendi sunt, qui obtentu capessendi gratiam Re-
 "gis æterni, vigore aucti iustitiæ, ad obitum quoque
 "resistentes infensis, crudeli morte perempti sunt.]

Quæ in laudem Marci Episcopi Arethusij *athle-
 ta* ut vocat *voluntarij*, scripta sunt à Nazianze-
 no orat. 3. dignissima sunt quæ hîc attexantur. Mi-
 "rificè quippe ad rem faciunt. [Cum populum,
 "aduersum se incitatum, nec moderati quicquam
 "vel cogitantem vel comminantem cerneret; pri-
 "mum consciscendæ fugæ consilium init: non tam
 "ignauia fractus, quàm præcepto illo permotus, quo
 "è ciuitate fugere, & persecutoribus cedere iube-
 "mur. Neque enim Christianos quantumuis fortès
 "ac singulari tolerantia præditos, sui tantum ratio-
 "nem habere oportet, sed persecutoribus quoque
 "consulere, ut ne quantum in ipsis est, ad hostile
 "periculum ex seipsis aliquid conferant. At post-
 "quàm multos sua causa duci atque abstrahi, multos
 "etiàm ob persequentium crudelitatem in animæ
 "periculo versari intellexit, tum verò alios ob cau-
 "tionem suam periclitantes, negligere minimè su-
 "stinuit. Ac proinde præstantissimum, maximèque
 "philosophicum consilium capit. Ex fuga enim redit,
 "se seque vltro plebis arbitrio tradit, atque aduersus
 "temporis difficultatem, velut aciem instruit.] Subii-
 "cit quàm is reditus Arethufios exacerbarit, inter-
 "pretantes regressum illum non fortitudinis esse sed

contemptus. Itaque conceptam pridem in eum
rabie Christianorum Imperatorum autoritate ve-
luti frenatam, ruptis per Iuliani defectionem
obicibus, omnem in eum exprompserunt, sancto
athleta, incredibili hilaritate ac robore, ad imma-
nissimos cruciatus durante, quamvis ætatis fæces
hauriret. Quem voluntarium in arenam descen-
sum, ex caulis propositis susceptum, summopere
celebrat Nazianzenus.

17. Dignè planè exornandi similiter sunt, quot-
quot tantæ virtutis decora æmulati, simili causa
idonea postulante, non extimescentes hostium fi-
dei immanitatem, vltro apparuerunt iis qui illos
non interrogabant; & iisdem generosa fidei profes-
sione prouocatis, corporum sibi exitium accersue-
runt. Et quamvis plerumque ingens ille prouentus
diuinæ gloriæ, spicula mortalium lumina & hebe-
tes obtutus effugiat, tamen cum constat de Spiri-
tu sancto ad huiusmodi facinora impellente, non
est quod de ea aliave quapiam idonea causa prouo-
cationem honestante, ambigatur. Atque ita quia
Ecclesia, omnes quos recensuimus hostium fidei
prouocatores, agnoscit pro Sanctis, ac proinde
Spiritu sancto actos in certamine extremo profi-
tetur, dubitandum non est, quin legitima prouo-
candi causa interuenerit: cuius defectu, prouoca-
tio in ruinam persecutoris & Dei offensam cedens,
omnis boni sterilis, & malorum feracissima, *pro-
fanum martyrium* non verum & Deo gratum in-
fert, vt loquuntur aliqui apud S. Eulogium lib. il-
lo 1. num. 9. improbantes martyrium eorum
[quos nulla violentia præsidalis fidem suam nega-
re compulit, nec à cultu sanctæ piæque religionis

" amouit : sed propria se voluntate discrimini se of-
 " ferentes , ob superbiam suam) , ita dicebant ,)
 " suarum patricidæ effecti erant animarum.] Hoc
 tamen illos malè intorssisse in SS. illos martyres de
 quibus eo opere disputatur , rectè in consequētibus
 demonstrat S. Eulogius , quod impellente Spiritu
 Sācto , & ob eam quam ex ipso retulimus idoneam
 causam , Mahumeti probra coram Saracenis pro-
 tulissent , & compositam Mahumetismo , Chri-
 stianæ fidei sanctitatem frendentibus Dei hosti-
 bus professi essent. Id enim multis terrenam dun-
 taxat pacem in diebus suis pro more quærenti-
 bus displicuisse , non dissimulat Sanctus Pontifex ,
 illa se quoque exprobratione tactum referens ,
 quod sanctos hosce prouocatores approbaret , tan-
 quam christianè , & dignè Deo , ac fide nostra ope-
 ratos : *Videat Dominus & iudicet , quoniam fateri
 fecistis nomen nostrum coram hoc tyranno , & seruis
 eius , & prabuisistis eis gladium ut occiderent nos.*
 Quod sicut interpellante Mose exarserat Pharaonis
 in Dei populū furor , ita ex quo sancti illi fidem
 suam vltro professi , & Mahumetem abominati
 essent , grandis procella super vniuersum Christia-
 num nomen increuisset. Quam sopitam volens
 Rex ipse Cordubensis , Saracenus , & persecutor
 Christianorum Habbarrahgman , conuocatis Cor-
 dubam Christianis regni sui Præsulibus , edici cu-
 rauit , *illicitum esse ad palestram professionis discur-
 rere.* In quæ verba conceptum fuisse ab Episcopis
 decretum , obseruat S. Eulogius l. 2. c. 15. vt Ty-
 ranno vtunque satisfaceret , nec veritas læderetur.
 Reuera enim , in bono sensu , id est seclusa causa
 idonea & peculiari impulsu Spiritus sancti , illicitū
 tum

tum est hostes fidei sic prouocare , & vitam frustra prodigere.

*Profanorum Templorum, ararum, idolorum deie-
ctio, aut destructio ferè improbata.*

18. In eundem cum prædictis damnatis prouo-
catoribus ordinem , relati olim in Ecclesia legun-
tur , idolorum deiectores aut confractores , iisque
affines templorum euerfores , & ararum , si eos ob
talem causam morte mulctari contingeret. Sic enim
in Concilio Eliberitato canon his verbis est editus.
[Non referatur in numerum martyrum , qui in-
uentus frangens idola , ibi occiditur.] Quamquam
autem inconsulta idolorum confractio à quocun-
que facta , cum turbanda inde esset Ecclesia , &
malorum seges nullo fructu adiuocanda , meritò
damnaretur : Tamen multo magis damnanda fuit
plena rabiei Circumcellionum audacia , in quam
intortum fuisse Eliberitanum illum canonem de-
monstrat Ferdinandus Mendoza l. 3. pro eo Conci-
lio à c. 45. Testatur certè S. Augustinus serm. 6. de
verb. Apost. Circumcelliones concitasse Ethnicos
in suum exitium , frangendo eorum idola , arasque
euertendo , vt per exceptam ea occasione , nullo iu-
re aut fructu cadem , martyres haberentur. Nec
repugnat alibi idem Augustinus cum ait de Cir-
cumcellionibus. [Quando adhuc cultus fuerat ido-
lorum , ad paganorum celeberrimas solemnitates
ingentia uirbarum agmina veniebant , non vt ido-
la frangerent , sed vt interficerentur à cultoribus
idolorum. Nam illud si accepta legitima potestate
facere vellent , si quid eis accidisset , possent habere.]

* re qualemunque umbram nominis martyrum; sed
 * ad hoc solam veniebant, ut integris idolis ipsi per-
 * rimerentur.] Ita Augustinus epistol. 50. non ne-
 gans venisse plerumque Circumcelliones ad con-
 fringenda idola, & captandam inde mortem, ac
 gloriam ementiti martyrij; sed rem ex fine pensans,
 illos cædis suæ, non confractionis idolorum reos
 egit, eo quod in idolorum confractione cladem
 suam quærent, & ad idolorum confractionem
 ultra progredi non uiterentur, dummodò optata
 mala morte defungi daretur. Seposita verò ea ma-
 niaca & tabiosa mortis propriæ captatione in eo
 opere, tamen inconsulta illa & temeraria idolorum
 alienorum confractio, nullo iure subnixa, fuisset
 improbanda. Et quilibet prudens æstimator non
 difficile perspexisset, Ethnicis tunc rerum potien-
 tibus, insilire in eorum simulachra eaque contere-
 re, nihil esse aliud quàm sibi certam mortem ascis-
 cere, & vniuersæ Christianæ rei, periculum crea-
 re nullo fructu aut eommodo, siue alieno siue pro-
 prio. Iure igitur tale scandalorum & malorum gra-
 uissimorum seminarium, infertile fuisse bonorum
 martyrij, sanxit Concilium Eliberitanum, agno-
 uitque locis allegatis S. Augustinus.

Quando labis sit expers.

19. Verùm hîc quoque, temperatio aliqua est
 necessaria. Martyr enim reuera esset, qui iubente
 Christiano Principe, iis in locis quæ imperio eius
 sunt obnoxia, confringens idola, vel templum aut
 aram euertens, aliudve quidpiam profani illius
 cultus instrumentum vastans, trucidaretur eo no-
 mine

mine à fidei hostibus ; quia hic iustè operans caderet , in odium fidei cæsus. Nec refragatur D. Augustinus epistol. illa 50. vbi qualemunque duntaxat martyrij ymbra in ea morte videtur agnosce-re. Non enim ad extenuandam martyrij illius glo-riam locutus est eo modo S. Augustinus : sed cum Circumcellionum furorem redargueret , ea laudis paritate persecutus est factum utcunque affine materialiter , sed forma ac modo longè dispar , quod tunc non intererat discutere. Item martyr quoque reuera esset , qui trucidaretur ob confectionem vel euerfionem prædictam , sub Ethnicis , ex peculia-ri diuina inspiratione & numinis afflatu patrata. Sic S. Euppsychius quod sub Iuliano Apostata fa-num euertisset , martyrij gloria celebratur in tabu-lis Ecclesiasticis 9. Aprilis , & apud Sozomenum 5. histor. c. 10. & Nicephorum l. 10. c. 10. Alium (si tamen alium) sub eodem Iuliano martyrem ob aram deiectam , & turbatum sacrificium , memo-rat S. Ambrosius epistol. 29. aliàs 17. quæ est ad Theodosium Imperatorem in causa succensæ Iu-dæorum Synagogæ. Et quanquam aliqui inde S. Euppsychio patrocinentur , quod ex præscripto le-gum Constantini magni , atque Constantij Impe-ratorum , templum illud euerterit , ac proinde iux-ta D. Augustini doctrinam proximè propositam , legitima potestate fultus diruerit officinam impie-tatis ; ac idcirco cæsus inter martyres sit numeran-dus : Tamen quod posteriores Iuliani leges obsta-rent , satius est ad diuinum spiritus æstum sancto in pectore concitatum confugere. Id quod etiam sta-tuendum est circa S. Valentinam virginem Cæsa-riensem , apud Eusebium 8. hist. cap. 18. & S. Eula-

liam à Prudentio celebratam hymno 3. peristeph. aliásque non paucas sacras vírgines, quæ cum ad idola adducerentur vt venerationem eis impenderent, calcibus illis, contracta abiiciebant. Generatim confractores Idolorum SS. martyres, celebrat magnificentissimè S. Ephrem in priore SS. martyrum laudatione, eodem modo accipiendus.

20. Erit cui idem statuendum videatur de S. Theodoro, quem Ecclesia 9. Nouembris martyrem agnoscit: cum tamen eam irrogatæ illi necis causam prodat S. Gregorius Nyssenus in eiusdem Theodori encomio, quod ignes immisisset in fanum quoddam Amasenum. Itémque de S. Audæ vel Abda, Episcopo Persa, cuius martyrium tabulæ Ecclesiasticæ consignant 16. Maij: Nam Theodoretus l. 5. histor. c. 39. cæsum scribit S. Audam ob subuersum Pyræum, quod erat apud Persas ignis templum. Verùm quamuis causæ trucidatorum prædictorum sanctorum, remotæ ac mediata, fuerint quæ propositæ sunt, tamen si proximas & immediatas causas attendamus, non erit quod ad diuini spiritus impetum confugiamus, vt salua sit veritas martyrij eorum, quasi ceciderint ob causam alioqui ambiguam, & audaces ausus quos sola diuini afflatus occupatio honestare possit. Nam Theodorus quidem idcirco occubuit, quod non admitteret impiam illam incensi fani expiationem quæ ab Ethnicis indicebatur; nempe fidei Christianæ eurationem. Audas verò, eam ob causam Isdegerdis in se furorem deuocauit, quod dirutum Pyræum nollet suis sumptibus excitare, sicque idololatriæ velificari rexdificato fano. Quod facinus Theodoretus meritò vocat *admirabile ac coronis dignum*.

gnum. Et à S. Ambrosio in laudata ad Theodosium epistola, proponitur tanquam idoneum martyrij Christiani argumētum. Nazianzenus quoque orat. 3. quæ est 1. in Iulia. ea ex causa passum immania Marcum Arethesium, splendidissimo ornat elogio.

Quatenus non fugere, sit prouocare, & culpam contineat, eâve vacet.

21. Tandem in eundem ordinem cum damnatis martyrij prouocatoribus, S. Petrus Chrysologus referre videtur, omnes illos, qui præscij securæ (si perstent) comprehensionis, non dant se in fugam priusquàm ab ingruente aduersario opprimantur. Sic enim disserit serm. 151. [Christus fugit vt nostras fugas in persecutionibus temperaret. Martyr comprehensus debet tenere constantiam, non comprehensus debet fugere persequentem: vt & persecutori indulgeat resipiscendi tempus, & si bi tempus non auferat supplicandi, dicente Domino: si vos persecuti fuerint in hac ciuitate, fugite in aliam. Persecutorem qui prouocat, facit; corrigit qui declinat. Fugere debemus ergo, prouocare non debemus, si saluari persecutores nostros volumus, pro quibus præceptum est nos orare. Orate, inquit, pro persequentibus vos. Orandum est, sciendum est, vt & ille qui per ignorantiam furit, sanetur, & ille qui patitur, de patientia palman subeat, non subeat de temeritate discrimen. Fratres, si Paulum martyres non fugissent, Paulum non fecissent. Hoc faciendum docuit Christus: hoc nobis reliquit exemplum, vt fugiente Domino, fugere indignum non putet seruus.]

Hoc tamen accipiendum est cum ea temperatione quam verba illa innuunt, *non subeat de temeritate discrimen*. Reuera enim velle inconsultè perstare, & fugam semper auersari, ad temerariam prouocationem vitio vertendam pertinere potest. Cœteró qui enim sicut improbatur Tertulianus iam hæreticus, omnem in persecutione fugam damnans, (nam Catholicus eam admiserat l. de patient. c. 13.) ita etiam improbantur, qui omnem recessum à turbine, damnant ignauia, aliterue vitio vertunt; siue capitibus populorum & animarum præfectis, siue reliquis, vt S. Athanasius in Apologia de fuga sua latè confirmat. Præfectis tamen animarum, præsertim si non ipsi soli, & personaliter vt sic dicam impetantur, laudabilissimum est, perstare, & vt permanendi necessitas eis iniiciatur facilius est; hósque potissimum impetit Tertulianus vt paradoxo 20. notauit Pamelius: Est item facile vt laudetur perseuerantia in cœteris, qui cum non sint personæ, quas seruari plurimum intersit Reipublicæ, nec nominatim, & quasi personaliter impetantur, bene interim animati, & constantia in se responsum habentes à spiritu; incendi se ac impelli ad gloriosam perseuerantiam sentiunt.

22. Qua ratione S. Caius Papa vt in S. Sebastiani & sociorum actis proditur, duos Christianis gradus constitutos affirmauit, ea concione quam recrudescente persecutione habuit; vnum martyrij, alterum confessionis siue secessionis ob fidei confessionem. Sic enim accipiendam eo loco *confessionis* vocem, scopus Pontificis declarat, & ex orationis contextu, est perspicuum. Ait enim S. Caius. [Dominus noster I E S V S C H R I S T V S, præsciús

præscius fragilitatis humanæ, duos credentium in se gradus constituit; confessionis scilicet & martyrij: ut qui martyrij pondus se non posse ferre viderent, confessionis gratiam teneant, & concedentes laudem bellaturis Christi militibus, & pro eius nomine pugnaturis, illorum sollicitè curam gerant. Pergant itaque qui volunt, unà cum filiis nostris Chromatio, & Tiburtio; & mecum in hac urbe, qui voluerint, remaneant.] *En qui voluerint remaneant.* Hoc est, quos ritè subductis rationibus suis, & non fallaciter æstimato interno censu, bene à constantia & firmitate, in tanta procèlla excipienda, constitutos esse Spiritus sanctus docuerit, iis perstare liberum est: cæteris liberum esto secedere, & nec istis vitio fuga, nec illis perseverantia vertatur. Noluere sanè nonnulli, quibus generoso incocta honesto pectora, datam secedendi facultatem, apud se locum habere: quos inter Tiburtius, licet neophytus, & genere ac opibus clarissimus, ætate autem iuuenis, quo esset fidei vigore testatum fecit, ea exclamatione quam consequenter referunt acta. Pergunt enim. [Hæc & his similia dicente Papa Caio; exclamavit Tiburtius (filius hic erat Chromatij, nuper cum patre factus Christianus,) voce magna dicens: Obsecro te pater & Episcoporum Episcopo, ne me patiaris terga persequentibus dare. Mihi enim valdè iucundum est & optabile, pro Deo vero, millies, si possim, occidi: Tantùm ut illius vitæ dignitatem apprehendam, quam nullus mihi successor eripiat, & cui nulla tempora finem imponant.]

24. Similiter S. Antonius ut in eius vita scriptum est à S. Athanasio c. 23, quamvis animo iam martyr,

martyr, tamen *quod se tradere ultrò non valeret*, ait S. Athanasius, id est quod per Christianam martyrij legem nefas esset persecutorem prouocare, seclusa causa extraordinaria & afflatu peculiari Spiritus sancti; firmitatem animi sui probabat in Itabliendis iis qui comprehensi erant: & edicente iudice vt monachi omnes vrbe excederent, hæsit nihilominus. [Et alia die stans in quodam eminenti loco, candente præinctus veste, procedentem iudicem suo prouocabat aspectu.] Non voce aut professione inconsulta, sed *aspectu* duntaxat & obiectu sui, neglecta secessione, quod prouentura non vulgarem diuinæ gloriæ & boni proximorum, secuturum præciperet, si perstaret, in magno licet discrimine. Itaque martyrij perpeßio ex se sancta, potest interdum sine labe temerariæ prouocationis, imo cum laude captari, persistendo: siue ob fidem periclitaturam si abscedas, siue ob affulgentem spem luculentam promouendæ diuinæ gloriæ, si persistas.

Quando necessarium perstare.

24. Imo interdum ob has similisue causas, non modò laudabile est perstare, sed etiam necessarium, quamuis mors non dabitetur inferenda, & consummandum martyrium. Et plerumque quidem martyrium non proponitur vt ex obligatione subeundum, sed tanquam oblatio gratuita operæ & voluntariæ: vnde tunc culpa vacat, vel subducere se martyrio per secessionem, vel si lex affirmatiua indicens opus ob quod inferenda est mors, in tanti damni discrimine euigescat, tali opere abstinere

nere & martyrium declinare : quamvis posset etiam honestè captari excipique martyrium, ob spem fructus ostentatam, quod pertinet ad voluntarium sacrificium. Aliquando tamen martyrium cadit sub præceptum; siue quia præcepti affirmatiui vigor, non obstante damni grauissimi intentatione, non laxatur : ita enim interdum contingit. Siue quia intentatur mors nisi violetur præceptum negatiuum, cuius firmitas est tanta, vt conuelli aut siccenti nequeat per circumstantiarum mutationem. Tunc siquidem, etiam si præceptum seruanti mors intentetur, parèdum est nihilominus, & mors oppetenda : nec fas est fugiendo, aut (quod Hugo Victorinus epistola ad Præsulem Apostatam fusè exagitat,) implexè ac vafriè negotiando, subducere se martyrio, si aperta præcepti executio deposcatur, sitque ad eam necessarium perstare, nec gradu moueri. Ita rectè de necessitate martyrij statuit Turrecremata q. 2. Euangelica ad festum S. Barnabæ; & Martinus de Magistris q. vltima de martyrio dubio 1. annexo. Specialiter autem de fugæ necessitate aut libertate, videndus S. Augustinus epist. 180. Maior in 4. d. 49. q. 25. conclus. 7. Suarez disp. 14. de fide sect. 3. à 11. 8. & Malderus 2. 2. q. 3. art. 2. membro 2. Ipse quidem Dominus nunc secedendo, nunc perstando, exemplum præbuit & intrepiditatis cum res fert, & prudentis subductionis cum est operæpretium ad maiorem Dei gloriam. Et ita prouocat ad Christum in hac parte S. Cyprianus l. delapsis, sic scribens. [Dominus in persecutione secedere & fugere mandauit, atque vt id fieret, & docuit & fecit. Nam cum corona de Dei dignatione descēdat, nec possit accipi nisi fuerit

hora

« hora sumēdi, quisquis in Christo manēs interim ce-
 « dit, nō fidem denegat sed tempus expectat. Qui au-
 « tem cum nō secederet, cecidit, negaturus remansit.]

Quod autem eiusmodi subductio nihil fortitu-
 dini deroget, monstratum est cum de fortitudine,
 & rectē asseritur ab Origene lib 1, contra Celsū,
 retundente cauillos Epicuræi illius blateronis con-
 « tra Christum secedentem. *Non est ingenerosum* (ait
 « è contra Origenes) *pro tempore* cauisse pericula,
 « non mortis metu, sed vt vitæ esset utilis, degendo
 « inter homines, & iuuando alios dum tempus op-
 « portunum veniat, quo mortem subiret homini-
 « bus vtilem, qui humanam naturam sumpserat.]
 « Et non ita multo post. [Huic I e s v discipulorūm-
 « que calumniosæ insectationi simile est quod refer-
 « tur de Aristotele. Is enim cum intellexisset parari
 « sibi iudicium, vt impio, propter quædam dogma-
 « ta ipsius suspecta impietatis Atheniēsis, digressus
 « Athenis apud Chalcidem scholam habuit, sic ratio-
 « nē reddens familiaribus: Abeamus Athenis, ne præ-
 « beamus Atheniensibus secundam occasionem sce-
 « leris quale prius perpetraverunt in Socratem, néue
 « iterum per impietatem violent philosophiam.]
 Non est difficile in hoc responso Philosophi reco-
 gnoscere germanam causam superius assignatam,
 cur prouocatio hostium fidei, & inconsulta fugæ
 auersio, siue temeraria persistētia, vitio vertatur.

*Nullum salutis medium martyri futuro di-
 mittendum; atque adeò neque pæniten-
 tia peccatori.*

25. Tertium martyrij obicem adulto exclu-
 dendum,

dandum, preponebam, prætermiſſionem omnimodam mediæ absolute neceſſarij, etiam ſi innoxiam, & ratione ignorantia inuincibilis, ſiue bonæ fidei contrariæ culpa vacantem. Hoc pacto, fructu vacua & veri martyrij prærogatiuis deſtituta, habenda eſſet cædes adulti peccatoris, qui lethifera ſibi noxæ conſcius, omnem de ea dolorem ſciens ac volens bona fide miſſum faceret, ratus eam eſſe fructuum martyrij vbertatem, eamque tam heroici operis prærogatiuam, vt nulla pœnitentiæ amaritudine ſit inſpergenda eius ſuauiſſas. Nec aliter ſtatuendum eſſet de adulto, qui nullius quidem grauis culpæ ſibi conſcius eſſet; reiſſa tamen aliquâ in peccatore abditam & inextinguibilem retineret, ac bona fide ob omnimodam perſiſtentiæ maculæ ignorantem, omnem de anteaſſe ſcelere dolorem omitteret. Hi adulti eſſent ad verum martyrium inidonei, nec excepta ad eum modum nece in fidei odium, denominandi eſſent veri martyres. Omnibus enim qui propria voluntate à Deo reſceſſerunt, pœnitentia aliqua ei uſque votum, eſt medium ad ſalutem absolute neceſſarium, ita vt eo ſecluſo pereundum ſit peccatori, non ob violationem alicuius præcepti, quam bona fides excuſare poſſet, ſed ob talem diuinam inſtitutionem, quæ à ſalute peccatorem impœnitentem excludit, quæcunque demum conditiones ex parte eius ſupponantur: id eſt ſiue aduertat, ſiue inculpabiliter non aduertat.

Poſſet tamen pœnitentia imperfecta ſufficere aliquando.

Dixi autem, hanc tantam neceſſitatem cadere duntaxat in pœnitentiam aliquam vel votum eius,
quia

quia pœnitentia formalis multiplex est, nempe contritio & attritio. Et quamvis contritio sit indubitatus ac certius salutis medium, tamen attritionem iunctam martyrio & externæ perpeſſioni mortis, accedente bonâ fide, æquè exiſtimo ſufficere ad expiandum peccatorem, ac Sacramentum in ſimili ſtatu & pari diſpoſitione ſuſceptum à peccatore; quem fructibus ſacramenti exquisitiorem caterò qui diſpoſitionem exigentis, non cariturum, probabiliffima ſententia fert cui ſuo loco ſubſcripſimus. Parem enim eſſe, martyrij hac in parte, & Sacramenti efficaciam, atque aded vtrique ſuppoſita bonâ fide, idem diſpoſitionis aliàs diminutæ rudimentum ſufficere poſſe, ex infra dicendis perſpicuum euadet. Itaque quamvis peccator qui negata Confefſarij copia, perfectam contritionem (quæ confefſioni in eo euentu ſufficienda eſt,) concipere nollet, habendus eſſet ad martyrium indiſpoſitus per ſe loquendo; poſſet tamen martyrij decore & fructibus gaudere, ſi bonâ fide perſuaderetur, ſe peccatorum quæ confiteri non poſſit, perfectam contritionem aut elicuiſſe, aut non teneri elicere, ſed poſſe attritione cognita eſſe contentum. Quia ratione bonæ fidei qua duceretur, exiſtimans ſe ad hoc tantum teneri, non violaret præceptum de adhibenda contritione perfecta, cum Confefſionis facultas non ſuppetit. Aliunde verò qualiſcunque dolor quem adhibet, martyrio adiunctus, poteſt ad conciliationem gratiæ valere, vt oſtendi ex proportionem ad Sacramentum viuorum: V. G. Euchariſtiam in ſimili ſtatu & pari diſpoſitione ſuſceptam à peccatore. Et poteſt dolor ille martyrio concomitans, neceſſitati mediij qua peccator ad pœnitendum

dum adigitur, satisfacere. Quare non malè ageretur cum tali peccatore, nec fructibus martyrij excluderetur, vt rectè censuit Soto in 4. d. 15. q. 2. art. 1. dub. 2. ad 2. Less. 3. de virt. c. 1. n. 45. Suar. t. 3. 3. p. d. 29. f. 3.

26. Contrarium habet Canus relect. de pœnit. p. 3. quatenus affirmat, martyrium debere esse à charitate. Idem tradit Bannès 22. q. 24. art. 6. dub. 5. ad 7. vbi contendit hanc esse expressam D. Thomæ sententiam 2. 2. q. 124. art. 2. ad 2. vbi ait, quod martyrium nisi à charitate existat, non valet ad culpæ mortalis remissionem. Et 3. p. q. 66. art. 12. ad 2. ait, quod effusio sanguinis, non habet rationem baptismi, si sit sine charitate. Confirmatur ex 1. Cor. 13. vbi Apostolus disertè contestatur, sine charitate, ne viuicomburium quidem pro Deo exceptum, esse fructuosum. At charitas non remittit mortale peccatum, nisi interueniat plusquam attritio, vt ait D. Thomas 1. p. q. 84. art. 5. ad 2. Ergo neque martyrium. Addit Bannès rationem, quia ex opposita sententia, sequeretur aliquem ad mortem vsque labe mortali oblitum, saluari, etiam absque purgatorio. Petrus enim peccator, si cum sola attritione martyrium subéat, erit in malo statu quamdiu vita durabit, & tamen saluus erit, nec quasi perignem.

Verùm hæc me de sententia non dimouent. Et inprimis D. Thomas primo loco prolato, tantum ait, martyrium sine charitate nihil valere: quod est longè diuersum ab eo quod ex S. Doctore referebatur, & inferebatur. Verè enim dicitur, martyrium nihil valere sine charitate, quamuis id valeat tantum de charitate habituali, subsequente gra-

tiam per martyrium collatam. Quo eodem modo accipiendus est locus adductus ex Apostolo. In alio autem testimonio quod ex D. Thoma opponebatur, considerandus est scopus S. Doctoris; qui erat conferre baptismum flaminis, cum baptismo sanguinis: Affirmat autem baptismum sanguinis esse perfectiorem, quia includit baptismum flaminis, & non viceversa. Hæc autem quamvis sonare videatur, quod martyrium semper adiunctum habeat perfectum actum charitatis, tamen sufficienter veritatem retinent, dummodò ut plurimum verum sit, includi in martyrio charitatem actualem imperantem; quamvis extra martyrium, charitas perfecta quæ est baptismus flaminis, nunquam includat effusionem sanguinis. Id enim sufficit ad præponendum baptismum sanguinis, baptismo flaminis: quia præcellentia maior sufficienter desumitur ex iis quæ ut plurimum ac ferè semper accidunt: etiam si spectando baptismum sanguinis, prout absolute potest elici absque baptismo flaminis, seu charitate perfecta antecedente, quod rarò videtur contingere, deficeret argumentum illud præcellentie baptismi sanguinis supra baptismum flaminis, ob huius in illo inclusionem, & non viceversa. Quod si D. Thomas non accipiat eo modo quo diximus, collidetur planè cum seipso: quandoquidem alibi tam disertè agnoscit, martyrium purgare à peccato quocunque, & esse gratiæ fertile supra meritum operantis, ut videre est in 4.d.4.q.3. art. 3. quæstiunc. 2. & 3. & d. 16. q. 2. art. 2. quæstiunc. 2. ad 3. & 3.p.q.87. art. 1. ad 2. quæ planè pugnant cum necessaria illa charitatis perfectæ antecessione ad martyrium. Ratio denique à Banne adhibita

hibita, est manifestè nulla iuxta sententiam infra ponendam de tempore quo datur gratia martyrij: Dicemus enim gratiam martyrij, dari aliquo breui tempore ante mortem: atque ita falsum est, iuxta nos hominem ad mortem vsque peccato mortali sordentem saluari, & quidem sine Purgatorio. Quid quod vt aduersarius etiam falsus est, ea ratio, dato etiam quod gratia martyrij daretur in sola morte, esset tamen inanis, quandoquidem innocentes antea non expiati, salui facti sunt per martyrium, & iuxta suppositionem prædictam, fuerunt in peccato vsque ad mortem.

Itémque pœnitentia æquiualens.

27. Ratum ergo sit pœnitentiam quidem martyri futuro esse necessariam si sit peccator, sufficere tamen imperfectam; siue attritionem, cum is est status rerum quem proposuimus. Quin etiam admitterem martyrium fore peccatori fructuosum, si is nulla concepta formali pœnitentia, eius tamen voto non careret: quo nomine intelligitur alia ipsius hominis operatio quæ meritò iudicari possit facta actu formalis pœnitentiæ: Nempe plena & perfecta Dei dilectio, quæ dici potest pœnitentia æquiualens: quandoquidem huiusmodi actus supposita peccatoris bona fide, censetur posse pœnitentiæ cuiusvis formalis defectum supplere extra martyrium. Muko ergo magis idem poterit in pari statu, accedente martyrio: ac proinde peccator qui sic affectus trucidaretur in odium fidei, esset verè martyr: Quod negabam affirmari posse de peccatore, mortè in odium fidei illatam excipiente, si nul-

lam prorsus siue formalem siue æquiualem pœnitentiam, supra mortis perpeffionem adhiberet, quia destitueretur absolute necessario medio salutis, quod nulla bona fides supplere potest.

Qui peccatorem prorsus pœnitentiæ exsortem, fructuum martyrij participem voluerint.

Non me latet, graues recentiores liberiùs hac in parte philosophatos. Nam Sotus lib. 2. de nat: & grat. c. 16. (aliter tamen sentiens in 4. d. 15. q. 2. art. 1. ad 2.) & Vega lib. 6. in Trid. c. 36. & alij quos refert & latè impugnat Canus relect. de pœnit. p. 3. peccatorem in procinctu excipiendæ pro Christo mortis constitutum, exoluunt omni cura recogitandi peccata, & dolorem de eis concipiendi; & quamuis non ignoret se peccatum graue inexpressum habere, quod possit, per confessionem, aut ea negata per contritionem eluere, aiunt tamen heroicum actum acceptandæ pro Christo mortis, abundè illi esse ad peccatorum absterfionem & gratiæ conciliationem. Alij verò saltem cum graue peccatum omnino latet, & interuenit bona fides excusans à præcepti violatione, salutem adulto peccatori (pondent accessu mortis pro Christo, quamuis excludatur quæuis à peccato inuincibiliter latente retrocessio, per formalem aut æquiualem pœnitentiam explicatam. Ita Suarez t. 3. p. d. 29. f. 3. conclus. 3. Henriq. l. 2. c. 26. n. 2. Bonac. q. 1. de baptis. p. 1. n. 9. Insuper alij in eo euentu contenti sunt ea martyrij acceptatione, quæ sit virtualiter dolor de peccato, cuiusmodi aiunt esse eam, quæ peccator ita afficitur, vt si peccata occurre-

rent,

rent, ea detestaretur. Sic Lessius lib. de fortitud. c. 1. num. 50. Tandem alij eam pœnitentiam in tali euentu sufficere censuerunt, quæ intacto prorsus peccato latente, attingat aliud aliquod peccatum: sed ob particularem eius fœditatem, & ob motium quod ad peccatum latens non porrigatur.

Reiiciuntur.

28. Nullum tamen horum placet. Nam qui peccatorem, conspicuo vel abdito peccato sordentem, propter bonam fidem, liberant necessitate cuiusvis pœnitentiæ, apertè elidunt necessitatem mediij, ex cuius institutione, pœnitentia est peccatori ad salutem necessaria insupplebiliter. Si enim pœnitentia, neque in se neque in actu aliquo vicario interuenit, quomodò est medium necessarium ad salutem? Neque enim bona fides necessitatem mediij supplere potest, quamuis vsum suum habeat ad laxandam necessitatem præcepti, quam nunc non attendimus. Æquè inane est, quod addebatur de duplici acceptatione. Nulla quippe acceptatio, præcisè ex eo quod sit acceptatio, aliud est quàm acceptatio: ac proinde perperam dicitur aliquam acceptationem esse virtualement peccatorum detestationem. Quod si acceptatio non sumatur est mortis inferendæ volitio, (qua vna ratione fungitur acceptationis munere,) sed vt volitio mortis concepta ex motiuo perfectæ charitatis, aut contritionis, sic mutatur controuersię status, tolliturque obex martyrij in quo versamur, quia adhibetur medium ad salutem necessarium. Postremum placitum, eodem modo euertitur quo primum. Æquè enim ex-

cindit

cindit necessitatem medijs quæ peccatorem premere supponitur ad pœnitentiam adhibendam, quæ à bono finito quod malè concupiscens à Deo errauerat, saniori mente suscepta, auertatur, & regrediatur ad D E V M. At quamuis posito recessu ab vno peccato contracto, potest persistere adhæsiō ad aliud, cum motuum recessus est peculiare illi vni à quo receditur. Tunc ergo, respectu alterius maculæ superstitis, perinde res se habet, ac si nulla fuisset adhibita pœnitentia: atque adeò vel pœnitentia non est peccatori medium ad salutem necessarium, vel neganda est peccatori salus in eo euentu.

29. Itaque statuendum est, vt adultus peccator possit vero martyrio defungi, excludendum ei esse obicem in quo versamur: hoc est, reueniendum illi esse ad D E V M, detestando peccatum commissum, seque ab eo auertendo: vel recessu formali, in omnia aut singula peccata cadente, vel recessu virtuali, quo perfectus in D E V M amor fortis est, & per accidens potest sufficere absque formali pœnitentia, iuxta probabile placitum alibi stabilitum. Horum alterutrum si desit, quancumque cruciatus pro Christo irrogati, & mors patientissimè excepta, ad martyrium satis non erunt. Quanquam nulla ratione dubitandum est, quin is qui per actum adeò sperantem naturæ fines, vitæ amore conculcato, ad mortem pro Christo se accingit, & tanto diuinæ erga se beneficentiæ munere fruitur, cœlesti impulsu ad concipiendum de peccatis idoneum dolorem percellatur. Ideoque Ecclesia, dummodò constet, Catholicum hominem, morte pro Christo irrogata esse consummatum, non solet esse

se sollicita de statu eius anteriore, & an concepto peccatorum dolore è vita excesserit. Re tamen ad eum quem diximus statum deducta, & metaphysicè agendo, statuendum foret vt fecimus.

C A P V T VI.

De pretiosissimis martyrij fructibus in via, & in patria: hoc est de gratia, & subita gloria veris martyribus constituta.

1. **M**Ortem, passis de quibus hactenus irrogatam, iis adhibitis quæ præscripsimus, verus martyrij titulus, eiusque fructus consequuntur. Fructus illos, possumus in duos ordines tribuere: aliqui enim ad gratiam, alij ad gloriam pertinent; priores in via, posteriores in patria conceduntur. Vtri autem ordini inferenda sit, plena reatus fortè præiacentis absterfio, quàm certum est martyri conferri, (vt insinuaui, gloriam eius vocans *subitam*, quia nullus eam reatus flammis expiatrixibus abstergendus remoratur;) ad rem præsentem parum refert; & mox discutietur. Alios præterea effectus non agnosco. Hallucinatus enim est Aureolus in 4. d. 4. q. 2. artic. 1. qui censuit, imprimendum vi martyrij characterem, si martyr nondum baptizatus obiret. Fundamentum est, quia martyrium est baptismus sanguinis: debet ergo, sicut alios baptismi aquæ effectus, ita & characterem supplere. Verùm vt rectè notat Durandus in 4. d. 4. q. 8. num. 11. martyrium non dicitur baptismus, quod omnes bap-

tissimi effectus conferat, eúmve quoad omnia suppleat, sed ex eo tantum quod peccati maculam & reatum extergat, vt facit baptismus: alioqui contritio quæ æquè dicitur baptismus, deberet catechumenum nondum expiatum, & cum sola contritione obeuntem, charactere consignare, quod est contra communem sensum, qui fert, characteris impressionem, sacramenti solius propriam esse, non supplementorum eius quoad gratiam, atque adeò neque martyrij. Rectè itaque Guido Brianſonis in 4.q.4.conclus.3.document.1.litera N. & Soto 2. de natura & gratia cap. 16.affirman, si homo nondum Ecclesiæ per baptismum illatus martyrio afficeretur, móxque diuina vi reuocaretur ad vitam, baptizandum omnino fore; quod non liceret, si per martyrium character fuisset impressus. Eo igitur spurio martyrij effectum dimisso, in prioribus qui legitimi sunt, hæreamus.

*In martyrio, confertur sanctitas & plena
reatus absterſio.*

2. Gratiam sanctificantem conferri in martyrio, ac proinde & peccatum originis in infante martyre obliterari, & omnia planè peccata, in adulto ad modum supra propositum disposito, extergi, clara videtur Patrum sententia. Agnoscunt enim, martyrium vice baptismi fungi posse; & qui martyr excesserit, illico certum gloriæ ac æternæ salutis habendum, nec nocere martyribus quæcunque peccata præterita: Quæ omnia valent ob gratiam in martyrio collatam, qua omnis peccati rubigo quoad maculam eraditur, vniuersusque reatus fortè
super

superstes, aboletur per diuinam condonationem, ac indulgentiam verè plenariam, collationi gratiæ adiunctam: siue martyr diu cruciatus ac tortus sit, siue breui fuerit consummatus: contra friuolam & planè falsam distinctionem nonnullorum, qui vt refert & latè refellit S. Eulogius in Apologetico, aiebant, martyribus breui consummatis, sola anteriora peccata remitti, reliquas verò martyrij prærogatiuas iis tantùm obuenire, qui longiore martyrio essent perfuncti. Quasi verò promissiones Christi quibus prærogatiuarum illarum collatio nititur, arctentur ad longam carnificinam, nec ad quamcunque vitæ pro Christo abiectionem, porrigantur. Hoc igitur commento exploso, tria illa quæ apud Patres rata esse diximus, excutiamus.

*Suffragia Patrum, quibus martyrium est
baptismus quidam.*

3. Inprimis, posse martyrium fungi vicè baptismi, & esse baptismum quendam, tradit S. Basilus orat. in SS. 40. martyres, agens de carcerario adaucto. Astipulanturque acta S. Agnetis apud Ambrosium serm. 90. cum de B. Emerentiana, itémque Clemens Romanus l. 5. constit. c. item 5. cum de martyre catechumeno, pro quo fide iubet aureis illis verbis. [Qui martyrio habitus est dignus, is lætitiæ animo percipiat quod tantam coronam adeptus sit, & quod propter confessionem, ex hac vita exeat. Et si catechumenus sit, recedat ad Deum lætus. Cruciatu enim quo est propter Deum affectus, erit ei verior baptismus, quod is quidem experientia ipsa mortis commoritur Christo, reliqui

« verò mystica representatione.] S. Hieronimus in
 « Psal. 115. [Verè magnæ fœlicitatis est ire ad Domi-
 « num , vt non habeat conscientiam inquinatam.
 « Quicumque sanctus moritur sua morte , licet sit
 « sanctus qui misericordias operatus sit, fecerit signa,
 « dæmones eiecerit, non vadit ad Dominum securus;
 « horrescit eius conscientia quando videt Dominum.
 « Martyr autem si & post baptismum peccauerit,
 « tamen secundo baptisinate martyrij ablutus , secu-
 « rus vadit ad Dominum.]

Non dissimiliter S. Augustinus l. 13. ciuit. c. 7.
 « verbis illis. [Quicumque , etiam non percepto re-
 « generationis lauacro , pro Christi confessione mo-
 « riuntur ; tantum eis valet ad dimittenda peccata,
 « quantum si abluerentur sacro fonte baptismatis.
 « Qui enim dixit ; nisi quis renatus fuerit ex aqua &
 « spiritu sancto , non intrabit in regnum cœlorum ;
 « alia sententia istos fecit exceptos ; vbi non minùs
 « generaliter dixit : Qui me confessus fuerit coram
 « hominibus , confitebor & ego eum coram patre
 « meo qui in cœlis est. Et alio loco : qui perdiderit
 « animam suam propter me , inueniet eam. Hinc
 « est quod scriptum est : preciosa in conspectu domi-
 « ni mors sanctorum eius. Quid enim preciosius
 « quàm mors , per quam fit, vt etiam delicta omnia
 « dimittantur , & merita cumulatiùs augeantur ?]
 Adhæsit de more Augustino Prosper epigram. 87.

[Si mundo moritur diuino fonte renascens,
 Fitque nouus vita, qui sepelitur aqua.
 Fraudati non sunt sacro baptisinate Christi,
 Fons quibus, ipsa sui sanguinis vnda fuit.
 Et quicquid sacri fert mystica forma lauacri,
 Id totum impleuit gloria martyrij.]

4. S. Patiens, aut vt alij malunt, S. Paulinus, in martyrio S. Genesij, luculenter idem tradit; imo supra quàm exposcimus, affirmare videri poterit, nisi temperatio debita accedat. Ait enim de S. Genesio adhuc catechumeno. [Diuerfa latendi loca, vt exitus docet, non infirmitate spiritus, sed carnis trepidatione, mutauit. Atque interim, licet superfluo, de præsumptæ fidei confirmatione sollicitus, quoniam nondum erat ex aqua & spiritu sancto renatus, per fidos internuncios, à Catholicæ religionis antistite donum baptismatis postulauit. Sed ille vel temporis angustiiis impeditus, vel inuenili ætati diffidens, ardentia vota distulit; ac fideliter indicauit, quod plenam consummationem etiam huius muneris, daret prompta pro Christo cruoris effusio. Et hæc quidem cunctatio sacerdotis, diuino, vt æstimo, prompta nutu, atque iudicio, procurata dispositaque est: vt circa eius solemnem consecrationem, officia humana cessarent, cui vnus baptismatis duplex gratia, ex utroque scilicet Christi latere, & aqua & sanguis, parabatur.]

Quod dixit, S. Genesium, superfluo baptismum aquæ petiisse, non ita accipiendum est, quasi catechumenus nondum baptismo expiatus, liber sit ad non suscipiendum baptismum aquæ, si eius reipsa suscipiendi facultas superpetat. Hoc enim falso assereretur; quandoquidem mortis pro Christo perpassio vt supra monstrauius, non exoluit hominem aliis diuinis legibus tunc vrgentibus, quarum vna quoad Catechumenum est susceptio baptismi aquæ, si per circumstantias liceat. Id quod etiam supra confirmatum est exemplo SS. Martyrum Nicomedien-
sium, qui subito intercepti, moxque omnes

bere calicem, quem ego bibam, & Baptismo, quo ego baptizor, baptizari?] Rursus catechesi 13. post propositas alias causas fusi ex eodem Christi latere sanguinis cum aqua; [Assignarunt enarratores patres nostri, & aliam quoque eius rei causam. Cum enim duplex sit Baptismi salutaris virtus, ut est in Euangelis; una quidem, quæ baptizatis donatur per aquam; altera verò sanctorum martyrum in persecutionibus, per proprium sanguinem: exiit de altari salutari sanguis & aqua, propter eam quæ esset futura Christi confessio- nem, & in Baptismo; & in temporibus martyrii confirmans gratiam.]

6. Sed ea duplicis baptismi ex Christi latere fluentis expressione dimissa, pauca adhuc testimonia in rem propositam proferamus. Ruperti locus ex l. 7. de diuin. offic. c. 5. planè insignis est, & ad- scriptione dignissimus. [Multi persecutionis articulo præoccupati, sine aquæ baptismo supplicis affecti, pro Christo consummati sunt. Quid ergo? Nunquid hi baptizati sunt? Imò tanto maiorem gratiam præ illis, qui in pace Ecclesiæ moriuntur, affecuti sunt, quanto grauiori dispendio morti, & Sanguini Christi communicauerunt? Nam in baptismo communi, tantum similitudo mortis est, sicut ait Apostolus: Si enim complantati facti sumus similitudini mortis eius, simul & resurrectionis erimus. In martyrio autem ipsa mors. Quod si martyrium Baptismus non esset, nunquam Dominus de passione sua dixisset, quod iam supra commemoratum est: baptismo habeo baptizari, & quomodo coarctor, usque, dum perficiatur? Verum exceptis his quos eiusmodi articulus non intercipit,

« tercipit , nulli Spiritus sanctus extra fontem occur-
 « rit , totamque remissionem peccatorum intra
 « aquas continet , nec vltra extendit.] Addo & Ori-
 « geneum tract. 12. in Matthæum , vbi & veritatem
 « propositam tradit disertissimè , & rationem appel-
 « lationis in qua versamur , confert cum alia marty-
 « rij appellatione , quam aliò ipse trahit. Vocatur
 « enim martyrium , & baptismus , & calix. Vtra-
 « que ergo appellatio quo pertineat sic aperit. [Quæ-
 « rare oportet in loco quid est calix , & quid est ba-
 « ptismum. Quasi distent enim ab inuicem , sic
 « vtrumque est nominatum. Multi enim vtrumque
 « dicunt ad passionem martyrij pertinere : non atten-
 « dentes quoniam nisi duos & diuersos intellectus
 « ostenderet calix & baptismum , nunquam vtrum-
 « que nominaretur. Nos autem & istam quidem tra-
 « ditionem non reprobamus, alteram autè statuimus:
 « quoniam calix quidem ipsa passio intelligitur esse
 « dolorum. Quod confirmatur non solùm exemplo
 « quod dicit : pater si possibile est transfer calicem
 « hūc à me: quia cum doloribus bibitur ab eo qui sus-
 « cepit certamen martyrij, donec biberit eum , susti-
 « nēs in tentatione martyrij vniuersa quæ inferuntur.
 « Sed etiam eo quòd in alio loco dicitur. Quid retri-
 « buam Domino pro omnibus quæ retribuit mihi ?
 « Calicem salutaris accipiam , & nomen Domini in-
 « uocabo. Vota mea Domino reddam in conspectu
 « omnis populi eius : Pretiosa in conspectu Domini
 « mors Sanctorum eius. Nihil enim dignum reddere
 « possumus Deo pro omnibus bonis quæ fecit in no-
 « bis , nisi vt calicem salutarem promptè accipia-
 « mus , & nomen Domini inuocemus , vt possimus
 « magnanimitè bibere eum : in quo bibendo vota
 nostra

nostra reddimus Domino in conspectu omnis populi eius. Manifestè autem ostendit in his, quoniam calix martyrium est, ex eo quod statim propter bibitum calicem addidit, sic: Pretiosa in conspectu Domini, mors Sanctorum eius. Intellectu autem omne martyrium duplex est, quorum vnum vocatur calix salutaris, reliquum autem baptisma. Et hoc quidem, quo quis perfert dolores, calix est; quem bibit omnis qui sustinet omnia sibi illata, nec reiicit, nec euomit aliquid eorum. Quod autem quis in passione remissionem accipit peccatorum, baptismum est. Si enim baptismum indulgentiam peccatorum promittit, sicut accepimus de baptismo aquæ & spiritus; remissionem autem accipit peccatorum, & qui martyrij suscipit baptismum: sine dubio ipsum martyrium rationabiliter baptismum appellatur. Quoniam autem remissio sit peccatorum omni martyrium sustinenti, manifestum est ex eo quod ait: omnis qui confusus fuerit in me coram hominibus, & ego confitebor in illo coram patre meo qui est in cælis. Confitetur ergo coram patre suo Saluator omnem hominem qui confusus fuerit eum coram hominibus, etsi fuit ante confessionem aliqua habens peccata. Si enim eos qui aliqua habentes peccata confessi sunt, non confitetur & Christus coram patre suo; iam non erit verum quod dixit: omnis qui me confusus fuerit, &c. Aliàs autem peccatorem nescio si confitetur Christus coram patre suo. Confessio enim filij, est gloriantis in conspectu paterno, super eo quem confitetur, quasi digno confessione Christi ad Patrem.] Vocem calicis martyrio aptatam in Scripturis, quam vides ab Origene aliorum flexam,

xam, quàm quo pertinere dixit vocem *baptismi* martyrio tributam; S. Maximus homil. 1. de S. Cypriano, ita interpretatus est, vt eundem sensum faciat quem appellatio baptismi. Verba eius sunt.
 " [Rectè calix martyrio comparatur, quia sicut calix
 " cum bibitur, omnis humor noxius vini calore decoquitur; ita & martyrij poculum cum hauritur,
 " omnes peccatoris fæces passionis gloria temperantur. Vinum ergo quoddam salutare martyrij est;
 " quod cordi lætitiā præstat, calorem fidei, animæ puritatem.] Mysticè easdem voces exponit & ad tribulationis ac mortificationis martyrium aptat alter S. Maximus centur. 1. ex variis c. 98. 99. 100. & centur. 2. c. 1.

7. Religio sit missum facere illustrem locum S. Cypriani in epist. ad Iubaianum quæ est 73. à n. 71. vbi & hanc veritatem perspicuè tradit & difficultatem quæ ex Christi verbis moueri in contrarium poterat, rectè elidit. Sic igitur ait post adductum generale Christi edictum de baptismo *nisi quis renatus*, &c. vt habetur Ioan. 3. [Quidam quasi
 " euacuare possint humana argummentatione, prædicationis Euangelicæ veritatem, catechumenos non
 " bis opponunt, si quis ex his antequam in Ecclesia baptizetur, in confessione nominis apprehensus
 " fuerit & occisus, an spem salutis & præmium confessionis amittat, eo quod ex aqua prius non sit
 " renatus. Sciant igitur huiusmodi homines suffragatores & fautores hæreticorum, catechumenos illos primò integram fidem & Ecclesiæ vnitatem tenere, & ad debellandum diabolum de diuinis castis cum plena & sincera Dei Patris, & Christi, & Spiritus sancti cognitione procedere: Deinde
 nec

nec priuari baptisimi Sacramento: vtpotè qui baptizentur gloriosissimo & maximo sanguinis baptisimo, de quo & Dominus dicebat, habere se aliud baptisma, quo deberet baptizari. Sanguine autem suo baptizatos, & passione sanctificatos consuminari, & diuinæ pollicitationis gratiam consequi; declarat in Euangelio idem Dominus, quando ad latronem in ipsa passione credentem & confitentem loquitur, & quod secum futurus sit in paradiso, pollicetur.] Significat latronem Christo confixum & hora vndecima conuersum, martyrio excessisse. Quo eodem modo loquuntur nonnulli alij Patres, adducti & expensi in tractatione nostra de S. Latrone cap. 11. vbi plenius quomodo hæc Cypriani verba à D. Augustino variis locis ibidem signatis approbata, sint ad verum sensum trahenda, negato, (vt verè negandum est,) martyrio S. Latronis. Tandem martyrium esse baptismum quendam, & idcirco posse martyrem, negata baptismi copia, saluum esse, appetita ob Christum morte, latè confirmat Petrus Cluniacensis epist. contra Petrobusianos, & idem tradit S. Bernardus epist. 77. quæ est ad Hugonem Victorinum.

Virius baptismi gratia vberior.

8. Est itaque martyrium baptismus quidam: quod sicut Baptismus animam baptizati à peccati sordibus emundat, & omnem reatum in adultio præiacentem ex peccatis actualibus, perfectè abstergit; sic etiam martyrium. Imo vberiores gratias sanctificantem, concedi per martyrium, quàm per baptismum aquæ, eadem ratio quæ martyrium gratiam conferre confirmant Scholastici, apertè con-

ficat. Sic enim argumentantur, ut probent baptismo sanguinis conferri gratiam. Non minus operatur Christi passio ad salutem eius qui Christo passio conformatur secundum realem perpeffionem passionis, quam is qui Christo tantum conformatur quoad typicam perpeffionem. Atqui martyr Christo passio conformatur quoad realem passionis susceptionem: qui verò baptizatur non conformatur Christo nisi in adumbratione quadam & typo sacramenti, quo Christo intra aquas commoritur & cosepeliatur, ut Apostolus sæpè loquitur. Ergo martyrium non minus conducit ad salutem martyris baptismo non tincti, quam baptismus aquæ ad salutem eius cui admouetur. Hanc rationem adhibet ad rem propositam Durandus in 4. d. 4. q. 8. n. 6. eaque passim vtuntur Scholastici, & in superioribus relata est ex Clemente Romano, atque superto. Non est autem obscurum; quomodo ea ipsa ratio rectè applicata confirmet etiam maiorem gratiam tribui per martyrium quam per baptismum aquæ. Nam vt se habet simpliciter ad simpliciter, ita magis ad magis. Sicut ergo martyrium & baptismus aquæ, quia sunt expressiones mortis Christi, acceperunt vt in eis conferretur gratia; ita martyrium quia est luculentior expressio, maioris gratiæ ferax esse, est consentaneum. Et ita agnoscit supra Durandus num. 10. & 14. Sed ratione ductus quæ ad rem non facit. Eam enim maiorem gratiæ vbertatem in martyrio quam in baptismo aquæ, ex eo probat, quod Deus non deficiat in necessariis: vberior autem gratia sit necessaria ad actum difficiliorem, cuiusmodi perspicuè est martyrij exceptio præ baptismi susceptione. Hanc rationem aio esse extra rem, quia à gratia

tia sanctificante de qua agimus, salit ad gratiam actualem, quæ sola prærequiritur ad operandum, & vberior maiorque affundi debet, pro difficiliore actu.

9. Itaque sistendum est in ratione proposita, qua non incongruè stabilitur quod S. Cyprianus episto. 73. quæ est ad Iubaianum num. 68. tradit: nempe vim potiore agnoscendam esse baptismi sanguinis, quàm baptismi aquæ. Et magnificentius, in præfatione ad librum de exhortat. martyrij. [Nos qui Domino permittente primum baptisma cre-
dentibus dedimus, ad aliud quoque singulos præ-
paremus, insinuantes & docentes, hoc esse baptis-
ma in gratia maius, in potestate sublimius, in honore
pretiosius. Baptisma in quo angeli baptizant; bap-
tisma in quo Deus, & Christus eius, exultant; bap-
tisma post quod nemo iam peccat; baptismum quod
fidei nostræ incrementa consummat; baptismum
quod nos de mundo recedentes statim Deo copu-
lat. In aquæ baptismum accipitur peccatorum re-
missa; in sanguinis, corona virtutum. Amplectenda
res est, & optanda, & omnibus postulationum no-
strarum precibus expetenda, ut qui serui Dei sumus
simus & amici.] Firmat hic locus Barthij coniectu-
ram, aduersariorum libro 45. cap. 21. notantis, mar-
tyres, sigillatim dictos, *amicos Dei*, in quam senten-
tiam laudat Eucherium homil. de S. Romano, &
Martiali adscriptarum epistolarum loca quædam.
Nempe per baptismum aquæ facti domestici Dei,
ac serui, in eius familiam transcribimur: per bap-
tismum verò sanguinis, multo sumus apud DEVM
gratiosiores, ita ut etiam amici nominemur & si-
mus. Itaque eadem opera, & baptismi nomen ac

prærogatiuas quoad gratiæ infusionem , & reatus absterlionem in utroque , confirmatas dedimus, & veluti superpondium quoddam , adiecimus , quo vberiozem esse martyrij quàm baptismi gratiam monstratum est. Æquè autem in paruulis , ac in adultis , vberiozem esse martyrij quàm baptismi gratiam , suadetur ex vniuersalibus Patrum locutionibus de maiore martyrij quàm baptismi fructu. Ut propterea non placeat quod Gabriel in 4.d.4. q. 2. *Litæra* l. in dubium reuocat, an prædictum gratiæ superpondium, paruulis ex martyrio accedat, supra id quod ex baptismo aquæ essent accepturi.

*Martyrium statim à morte cælo infert ; confer-
tur igitur in eo gratia & plena nitela.*

10. Quod secundo loco affirmabam , nempe martyrem à piacularibus flammis planè securum, cælo inferri illico à morte, insinuatur à S. Irenæo l. 1. c. 2. agnoscente aliquos ex perseverantia dilectionis cum Deo , à primo è vita excessu , cælo inferri, quod in martyres maximè cadere , non videtur dubium , cum nemo maiorem habeat charitatem, quàm qui pro amico animam ponit. Clariùs idem docuit Tertulianus lib. de resurr. carnis c. 43. cum
 „ dixit [Nemo peregrinatus à corpore , statim im-
 „ moratur penes Dominum nisi ex martyrij præro-
 „ gatiua , scilicet paradiso non inferis deuersurus. Et
 „ idcirco lib. de patient. c. 13. martyrium vocat, se-
 „ cundam intinctionem , ipsum diuinæ sedis ascen-
 „ sum.] Nam quamvis aliorum SS. animas statim à
 „ morte cælo inferri, negare videatur Tertullianus,
 „ sed etiamsi culpæ macula & reatu liberas, solum in
 „ A brahæ

Abrahæ sinum induci dicat ; vt videre est apud Parmelium parado. 9. Tamen animas martyrum admitti in cœlum illico à morte, aliis mundi finem in sinu Abrahæ præstolantibus , disertè habet lib. de anima c. ss. Item in calce Apologetici , inde laudat martyrium , quod omnia huic operi delicta donentur , quod totam Dei gratiam redimat , quod omnem veniam ab eo , compensatione sanguinis sui, homo expediat per martyrium. Quod perinde esse videtur, ac si martyrem illico à morte, ad cœlum deduci, diceret. sic enim verè tota Dei gratia redimitur, & tota venia expeditur.

Sed magnificè, vt omnia alia ad martyrium spectantia, ita hoc quoque non postremum inter martyrij decora, expressit S. Cyprianus lib. de laude martyrij verbis illis , quæ vt alia pleraque ex eo imitatus est Lucifer Calarita. lib. quod moriendum sit pro Dei filio. *Sanguini nostro patet cœlum ; sanguini , gehenne cedit habitaculum.* Eundem sensum faciunt illa ex eiusdem libri principio. [Considerare vtique debetis quantæ sit gloriæ , vitæ quamlibet maculam, & sordes polluti corporis , & longa vitiorum tabe concreta contagia , tantoque temporis tractu mundi crimen exceptum , vnus ictus remediis expiare: quo & augeri merces, & crimen possit excludi. Vnde omnis consummatio & status vitæ, in martyrio est collocatus. Hoc fundamentum vitæ & fidei; hoc præsidium salutis; hoc vinculum libertatis & honoris. Et quamuis sint & alia per quæ adipisci lux possit, tamen ad proximitatem muneris repositi , pœnis melius patrocinantibus peruenitur.] Aliam perlegantem locum ex præfatione libri de exhortat. martyrij, non ita multo ante retuli , vbi

disertè proficitur, martyrem è mundo recedentem,
 statim Deo copulari. Explicatissimè episto. § 2. quæ
 " est ad Antonianum num. § 9. [Aliud est ad veniam
 " stare, aliud ad gloriam peruenire, Aliud missum in
 " carcerem, non exire inde, donec soluat nouissimum
 " quadrantem; aliud statim fidei & virtutis accipere
 " mercedem. Aliud pro peccatis longo dolore cru-
 " ciatum emundari, & purgari diu igne; aliud peccata
 " omnia passione purgasse: Aliud denique pendere
 " in die iudicij ad sententiam Domini, aliud statim à
 " Domino coronari.] Omnino eam martyris expur-
 " gationem plenam, & subitam gloriam, ferunt illa S.
 " Basilij in psal. 115. ad illud. *pretiosa in conspectu Do-*
 " *mini*, [lapilli quidam, floridis interspersi, & sublu-
 " centes coloribus, nominari solent pretiosi ab istis
 " diuitiarum helluonibus; Re autem vera, pretiosa
 " est mors sanctorum eius, cum videlicet anima per
 " vitæ istius curriculum expurgata ab omni eluuiè &
 " inquinamento carnis, emancipata & libertati red-
 " dita, nullam in se retinens maculam aut rugam,
 " duris pro pietate agonibus iam exantlatis probata,
 " insignita corona iustitiæ, perque hæc omnia admi-
 " rabili decore virtutis interlucens, Domino, suo at-
 " que omnium iudici se præsentarit, lapide omni pre-
 " tioso longè rutilantior, Dei munere eam indepta
 " claritatem.] At ea ad iudicem præsentatio priuata,
 sit in ipso mortis puncto.

*Idem colligitur, ex eo quod nulla peccata
 martyri noceant.*

11. Non nocere martyri, (quod tertio loco ad-
 debam,) anteriora quæcunque peccata, tradit An-
 toninus

Iohannes Episcopus in protrept. ad Arcadium pro
 fide exulem, in fine. (Habetur t. 5. Bibl. Colon. p. 3.)
 Præiuerat Tertullianus locis ex eo paulo ante nota-
 tis, quibus martyrio donati omnia delicta, omnem-
 quæ per illud veniam expediri dixit, esseque marty-
 rium, intinctionem secundam. At baptizati pecca-
 ta omnia, ita merguntur, ut ei ultra nocere neque-
 ant quod repetens l. de patient. c. 13. vocat insuper
 martyrium, *ipsum diuinæ sedis ascensum*. Quia illico
 à martyrio, Deus aditur. Ad eundem sensum, ac-
 commodandum est egregium martyrii elogium,
 quod ei pangunt idem Tertullianus in scorpiano
 c. 5. & qui ex Tertulliano aperte profecit Luci-
 fer Calarit. l. quod moriendum sit pro Dei filio. Inde
 enim martyrium celebrant hi Patres, quod sit ve-
 lut quædam Dei medicina, qua Deus hominem
 suis vlceribus ac morbis perfectè eximit, sed adhi-
 bito passionis cauterio, gladio, potionibus ama-
 rissimis. Itaque cum Gnosticus martyrii osor, Deum
 crudelitatis in suos insimularet, quos martyriis de-
 meti sineret. [Est planè quasi sæuitia, (inquit Ter-
 tullianus,) medicina de scalpello, deque cauterio
 de sinapis incendio: non tamen secari, inuri, &
 extendi, morderique idcirco malum, quia dolores
 utiles adfert. Nec quia tantum modò contristat, re-
 cusabitur, sed quia necessariò contristat, adhibebi-
 tur. Horrorem operis, fructus excusat. Ululans de-
 nique ille, & gemens & mugiens inter manus me-
 dici, postmodum easdem mercede cumulabit, &
 artifices optimas prædicabit, & sæuas iam negabit.
 Et si martyria desæuiunt, sed in salutem. Licebit &
 Deo in vitam æternam per ignes & gladios & acer-
 ba quæque curare. Sed medicum quoque mirabe-

"ris etiam in illo , quod fermè pates adhibet quali-
 "tates medelarum , aduersus qualitates querelarum,
 "quum quasi de peruerso auxiliatur , per ea subue-
 "niens per quæ laboratur. Nam & calores caloribus
 "amplius onerando compescit, & ardores siti potiùs
 "macerando restinguit, & fellis excessus amaris qui-
 "bùsque potionibus colligit , & sanguinis fluxus de-
 "fusa insuper venula reuocat. Deum verò (& quidem
 "zelotem) culpandum existimabis , si voluit certasse
 "cum causa , & iniuriæ æmulando prodesse , mor-
 "tem morte dissoluere, occisionem occisione disper-
 "gere , tormentis tormenta discutere , supplicia sup-
 "pliciis euaporare. Vitam auferendo conferre , car-
 "nem lædendo iuuare , animam eripiendo seruare.
 "Peruersitas quam putas , ratio est; quod sæuitiam
 "existimas , gratia est.] Vides perfectam vulnerum
 "spiritualium martyris obductionem , per exceptio-
 "nem mortis pro Christo. Quare martyrium , tan-
 "quam nouacula , vt Augustinus quoque est inter-
 "pretatus , in psalm. 51. & serm. 6. de verb. dom.
 "sola superflua capillorum , vel putredines vlcerum
 "tollit ; & perfectæ sanitatis beneficio impenso , ne
 "ultra nocere queant, efficit.

12. Hanc ob causam Clemens Alexandrinus 4.
 Strom. c. 5. reprehendit Heracleonem Valentinia-
 num , qui dixisse videbatur confessionem vocis à
 martyre coram iudicibus , fidei hostibus editam,
 inanem esse , nisi confessio , per vitæ confessionem
 Christiano dignam , antecessisset. Negat Clemens,
 eum satis perpexisse, id falsitatis redargui ex pleris-
 "que antea impiis , & subitò per martyrium Deo ac-
 "ceptis. [Quod etsi non actione aliqua & vita con-
 "fessi sunt Christum coram hominibus , eo tamen
 quod

quod voce confiteantur in iudiciis , & usque ad mortem cruciati non negent , ex affectione credidisse cernuntur. Confitens autem affectio , & maxime quæ ne morte quidem mutatur , omnia vitia , quæ gignebantur per cupiditatem corporis , omnino rescindit. Est enim , (vt semel dicam , repente accumulata per actionem pœnitentia , & vera in Christum confessio , voce testificante.] Nec sanè negari potest , plerunque martyrij gratiam , hominibus illuc usque oblatae , nec adedò exquisitæ virtutis fuisse concessam , quales aliquos sibi notos fuisse , testatur S. Epiphan. hæresi 70. Imo auctor libri de singularit. clerico. apud Cyprianum num. 117. pleròsque multis flagitiis coopertos , per martyrium coronatos , & subito honestatos fatetur. [Sæpius & mæchi (inquit,) & sanguinarij, & ebriosi , & omnium scelerum rei , reperta pugnae occasione conuersi , meruerunt ad martyrij veniam peruenire. Idedò enim martyrium , appellatur tam corona , quàm baptisma ; quia baptizat pariter & coronat.] S. item Hieronymus epistol. 65. agens de Pamphilo martyre , Origenis laudatore , ait id ab eo factum , (si verè factum,) priusquam martyr esset [Et quomodò inquires , martyrio dignus fuit? Scilicet vt martyrio deleter errorem , vt vnam culpam sanguinis sui effusione purgaret. Quanti in toto orbe martyres , antequam caderentur , variis subiacuere peccatis?]

Verùm inquit S. Eulogius in Apolog. SS. Martyrum Cordubensium , [etsi culpis obnoxij manent, & ex qualibet sorde vitiorum infecti ad martyrium veniant , nihil impedit, cum omnibus martyriali trophæo deletis , ad Christum coronandi accedant.]

cedant.] Pulchrè in documentis ad SS. Virgines
 carcere conclusas. [Qui sectando iustitiam, pro iu-
 stitia mori eligit, celerem instantibus bellis defe-
 ctum imponit, æternumque indubius ad regnum
 ascendit. Sit qualis vult & ex quibuscumque vitiis
 laqueis seu peccatorum sordibus venerit, etiam si
 illotus baptisinate ad martirium conuolauerit, ni-
 hilominus coronatur.]

*Infertur non esse pro martyre orandum, aut
 sacrificandum.*

13. Ex hæcenus constitutis, perspicuè sequitur,
 non esse pro martyre orandum, ut rectè tradidit S.
 Augustinus serm. 17. de verb. Apost. verbis illis,
 [Perfectio in hac vita nonnulla est, ad quam sancti
 martyres peruenerunt. Ideoque habet Ecclesiastica
 disciplina quod fideles nouerunt, cum martyres eo
 loco recitantur ad altare Dei, ubi non pro ipsis ore-
 tur, pro cæteris autem commemoratis defunctis
 oretur. Iniuria est enim martyris, pro martyre ora-
 re, cuius nos debemus orationibus commendari:
 certauit enim contra peccatum usque ad sangui-
 nem.] Idem serm. 107. de diuer. c. 2. [Vnde mar-
 tyres magni, vnde excelsi, vnde cæteris homini-
 bus multò florentiùs coronati? Vnde quod norunt
 fideles, distincti à defunctis loco suo martyres re-
 citantur, nec pro eis oratur, sed eorum orationibus
 Ecclesia commendatur? Vnde hoc nisi quia mors
 quam pro Dominica confessione elegerunt susci-
 pere, quàm Christum negare, utique amara est?]
 Vsurpauit hoc de martyre suffragiorum incapace,
 Innocentius 3. cap. cum Marthe de celebr. Missa.
 Sed

Sed quod hoc quasi effatum, *Iniuriam facit martyrij qui orat pro martyre*, ex Scriptura petatum dicit; non est accipiendum de illorum verborum cortice: (Nullibi enim in Scriptura comparent voces illæ:) sed accipiendum est de sensu quo voces illæ grauidantur, qui verè continetur iis scripturis quibus martyrij priuilegia astrauntur. Quo ferè modo plerique, allegatum ex scripturis interpretantur illud Christi Ioan. 7. *Sicut dicit Scriptura, flumina de ventre eius fluent.* Quorum verborum cortex in nulla Scriptura reperitur.

Prior nodus ex Patrum locis in contrarium.

14. Hoc tamen confectarium, non vnus auctoritatis machina, & firmæ rationis impetu quati videtur. Nam imprimis erit qui censeat S. Cyprianum, laudum martyrij cæteróqui prodigum, orationem pro martyribus iam cæsis approbasse, cum scribat epistol. 34. num. 11. [Veri & spirituales Dei milites; dum Diabolum Christi confessione prosternunt, palmas à Domino & coronas illustri passione meruerunt. Sacrificia pro eis semper, vt meministis, offerimus, quoties martyrum passiones, & dies anniuersaria commemoratione celebramus.] S. item Chrysostomus hom. 21. in Acta, sacrificium Missæ pro martyribus offerri, in hunc modum docet. [Quid dicis? In manibus est hostia, & omnia proposita, sunt benè ordinata; ad sunt angeli, adsunt archangeli; adest filius Dei, cum tanto horrore astant omnes, astant illi clamantes omnibus silentibus, & putas temerè hæc fieri? Igitur & alia temerè, & quæ pro Ecclesia, & quæ pro

„ pro sacerdotibus offeruntur , & quæ pro plenitudi-
 „ ne ac vniuersalitate? Absit. Sed omnia cum fide sunt.
 * Quid tibi videtur , quod pro martyribus offertur?
 Tandem Clemens Romanus 6. constit. cap. ultimo
 „ [Conuenite in cœmeteriis ad legendum sacros li-
 „ bros , & canendum Psalmos pro mortuis martyri-
 „ bus , & Sanctis omnibus , qui sunt à sæculo defun-
 „ cti ; ac pro fratribus vestris , qui in Domino mor-
 „ tui sunt ; & Eucharistiam Deo acceptam antity-
 „ pon , id est , Sacramentum regalis Corporis Chri-
 „ sti , offerte in Ecclesiis vestris , & in cœmeteriis ,
 „ atque etiam cùm excedunt è vita prosequimini
 „ cantu Psalmorum , si fuerint fideles ; pretiosa enim
 „ in conspectu Domini mors Sanctorum eius.]

Explicantur.

15. Cæterum longè alia prædictis Patribus
 mens fuit. Quod enim ex S. Cypriani epistola 37.
 aperte habetur , hæc apud eum oblatio sacrificio-
 rum pro martyribus , aliud non fuit quàm marty-
 rum commemoratio super sacrificium ; vt pluribus
 * cum Rhenano expendit Pamelius ad librum Ter-
 tulliani ad martyr. n. 22. Idipsum duntaxat voluit
 S. Chrysostomus loco allegato , vbi egregiè tradit
 quàm sit SS. martyribus honorificum , nominari
 super sacrificium , & satis innuit sic accipiendum
 esse quod dixit de oblatione pro martyribus. Ait
 „ enim. [Licet martyres sint , etiam pro martyribus
 „ offertur. Magnus honor nominari Domino præsen-
 „ te dum mors illa celebratur , & horrendum sacri-
 „ cium , & ineffabilia sacramenta. Sicut enim seden-
 „ te rege quæcunque quis voluerit perficit ; ybi au-

rem surrexerit, quæcunque dicit, frustra dicit: ita
& tunc quandiu proposita fuerint myſteria, omni-
bus honor maximus in memoria haberi. Vnde
enim annuntiatur tunc ſacramentum horrendum,
quod pro mundo dedit ſeipſum Deus, cum illo mi-
raculo tempeſtiue memor eſt ille eorum qui pec-
carunt. Sicut enim quando regum trophæa ſtatuun-
tur, tunc celebrantur quidem & quicunque victo-
riæ ſocij fuerunt; dimittuntur autem qui ſunt in
vinculis per illud tempus; vbi autem tranſierit hoc
tempus, qui nihil aſſecutus eſt, nihil obtinet, ita ſanè
& hic.] Subdit & alteram cauſam illius, martyrum
memoriæ in ſacrificij oblatione. Nempe vt conte-
ſtemur Chriſtum viuere, deuicta & per eius mor-
tem mortua morte, quæ cauſa longè alia eſt à fru-
ctu martyribus quæſito per ſacrificium, aut preces
noſtras. Quod æquè dicendum eſt de alia eiſdem
memoriæ cauſa, adducta à S. Cyrillo catech. 5.
myſtago. dicente uſurpari eam martyrum com-
memorationem in Miſſa. *Ut Deus orationibus illorum
& deprecationibus ſuſcipiat preces noſtras.* Ac etiam
de ea quam proponit Simeon Theſſalo. c. *de miſſa
fidelium*; nempe quod Sancti in ſacrificio memo-
rentur, vt conteſtemur noſtram cum eis ſocieta-
tem. Itaque cum hæ cauſæ ſint alieniſſimæ ab ea
quæ inter obſciendum aſſumitur, & tamen pri-
mo loco adhibenda fuiſſet ſi verè locum haberet,
ſatendum eſt nullum fructum martyribus parari,
ex eorum memoria in incruento ſacrificio, & qui-
busuis noſtris precibus. Et diſertè ita tradit Euge-
nius IV. in Bulla Canonizationis S. Nicolai To-
lentinatis initio, & iam olim S. Auguſt. tract. 84.
in Ioan. vbi ſic loquitur de martyribus. [Ided ad
ipſam

« ipsam mensam , non sic eos commemoratnus,
 « quemadmodum alios qui in pace requiescunt , vt
 « etiam pro eis oremus , sed magis vt orent ipsi pro
 « nobis , vt eorum vestigiis adhæreamus , quia im-
 « pleuerunt ipsi charitatem, qua Dominus dixit non
 « posse esse maiorem.]

16. Non desunt tamen aliquales fructus extrinseci , quos dicere liceat SS. martyribus per orationem nostram aut sacrificij oblationem præstari. Cedit enim in aliquod eorum bonum , quod Deum rogemus vt eos honorari in dies magis , ac illustrari velit. Quæ interpretatione Innoc. 3. cap. *cum Martha* de celebr. Missæ. molliori vult petitiones quasdam sacris collectis insertas , quibus Deum rogamus , vt velit oblationem sancto prodesse. Approbatque hanc sententiam Bellarm. l. 2. de purgat. c. 18. & Suarez lib. 1. de orat. c. 14. à num. 4. Nec etiam iisdem martyribus inutile est , quod per sacrificium agamus Deo gratias propter beneficia illis concessa , & quadantenus iuuenus illos in dissoluendis nominibus quibus Deo pro tot donis indissolubiliter astringuntur. Ita nodum propositum extricant Carolus Bouius ad l. 8. constit. Clemen. c. 18. & Simeon Thessalon. l. de mysterio Missæ c. 45. ac Cabasilas in expositione liturgiæ c. 48. Est etiam qui existimet orationes & sacrificia nostra posse SS. martyribus prodesse , ad accelerandam resurrectionis gloriam. Ita Henriquez l. 9. c. 14. n. 2. Nec Innocentius III. reprobatur quorundam sententiam quam refert , quod accessio quædam ad SS. gloriam facienda sit , donec finiantur lux & tenebræ: proindeque non improbaretur qui diceret eam gloriæ accessionem SS. martyribus per orationes

orationes nostras & sacrificia postulari: præsertimque si id acciperet de augmento illo gloriæ accidentalis quod enasci diceret ex fructu mortaliū, proficientium exemplo Ss. martyrum, & illustres eorum actus imitatione exprimentium. Ex tam multiplici interpretatione, quam prolatis contra veritatem propositam testimoniis dedimus, liquet nihil ei ab autoritate incommodari.

Nodus alter ex ratione, extricatur.

17. Sed neque à ratione, quæ admoventi aduersus eandem videtur polle, ex eo quod nihil vetet martyrem à vita excedere cum affectu ad veniale peccatum; ac proinde reatum aliquem hinc exportare fidelium suffragiis obliterandum. Certè S. Ambrosius non obscure id insinuat epist. 27. agens de Episcopo qui Iudæorum synagogam incenderat, & à Theodosio ad excitationem synagogæ de sua pecunia, adigebatur. Urget ergo imperatorem S. Ambrosius; videat etiam atque etiam, ne cogat Episcopum mentiri leuiter, & sibi falsò impingere factum, ob quod si morte plectatur, martyr euadat. Vbi apertè supponitur ab Ambrosio, eiusmodi Episcopum posse martyrium subire, contracta, nec ante mortem expiata, levis mendacij labe. Præterea non videtur dubium, quin lenicula aliqua culpa ex usu saltem semipleno libertatis, sufficiente ad tenuem maculam, possit obrepere homini dum ad martyrium abripitur, & perstare in eo ad instans vsque excedentis à corpore animæ: si nimirum prætermittatur quiuis bonus actus, cuius perseverantia illius culpæ impossibilitatem habens.

bens. Igitur reatus ex huiusmodi culparum minutis reliduus in martyre, poterit viuorum suffragiis, præsertimque incruenti sacrificij applicatione eradi.

His rationibus nego conuelli sententiam propositam, qua suffragiorum fructus vllus existere à nobis in martyres negatur. Et non video quidem, quàm commodè negari possit, ea leuis culpæ per martyrem admissæ, exportatio ex hac vita in euentibus propositis. Perperam tamen inde concluditur, martyrem bonorum nostrorum egere, & posse per orationes ac suffragia nostra, semoueri remoras, quas reatus ex labeculis illis exportatus martyris beatitudini iniiceret. Quod enim de cuiuscunque iusti lenibus culpis hinc exportatis passim traditur quoad maculam; nempe eam in excessu è vita confestim tolli interueniente flagrantissimo actu charitatis in quem anima abiecto carnis ostreo propensissimè fertur; superstitem autem durare solum reatum, ignibus expurgatoriis consumendum: hoc ipsum de macula simul & vniuerso reatu ei respondente, dicendum est in re proposita. Nimirum in excessu è vita, omnem hanc minutiarum peccati rubiginem, incensissimo charitatis camino in anima martyris nunc flagrante, excoqui omnino; Deo per condonationem extrinsecam martyri suo citra quodcunque eius meritum, (quippe iam extra viam positi,) nostraque suffragia id concedente, per priuilegium martyrio annexum. Quod videri possit expressum à Saluiano

“ l. 3. cum de martyribus ait. [Ad cœlestis regię ianuam, gradibus pœnarum suarum ascendentes,

“ scalas sibi quodammodò de equuleis catastisquē
fecer

fecerunt.] Non igitur egent suffragiorum nostrorum scandulis.

Martyrium esse gratia ferax supra opus operantis, qui negarint.

18. Superest exponendus modus quo datur gratia, quam conferri martyri diximus, & modus item quo confertur reatus fortè præiacentis absterfio, qua martyrem cumulari ostensum est: Tempus item collationis beneficiorum illorum, non est exploratum. Quare de utroque illo puncto agendum sequitur. Et quoad modum quidem quo gratia confertur martyri, non pauci negarunt quicquam gratiæ martyri adulto conferri supra id quod emeretur vi dispositionum quatenus meritoriarum, ita ut nihil accipiat ex opere quasi operato, sed tantum ex opere operantis. Ita Sotus in 4.d. 3. q. unica, concl. 4. Martinus Ledesma 1. p. quarti q. 7. artic. 11. dub. 4. Bannes 22. q. 24. artic. 6. dub. 5. ad 7. Vasq. 3. p. d. 13. c. 3. quibus non obscure fauet Petrus Cluniac. episto. contra Petrobusianos, sæpè inculcans, martyrem salutem suam in martyrio consequi per fidem quam adhibet; utique viam, hoc est per eximium illum charitatis actum, ex quo cernicem gladio metendam pro Deo obiiicit. Quo eodem modo loquitur Petri æqualis S. Bernardus episto. 77, & aperte ad modum prædictum interpretatur fidem ex qua salus martyri accidit. Ait enim præter cætera. [Etsi martyrium vicem baptismi implere posse conceditur, non planè hoc facit poena, sed ipsa fides. Nam absque ipsa, quid est martyrium, nisi poena?] Fidem autem ait esse, perfe

Z

" ris etiam in illo , quod fermè patet adhibet quali-
 " tates medelarum , aduersus qualitates querelarum ,
 " quum quasi de peruerso auxiliatur , per ea subue-
 " niens per quæ laboratur. Nam & calores caloribus
 " ampliùs onerando compescit , & ardores siti potiùs
 " macerandò restinguit , & fellis excessus amaris qui-
 " búsq̃ue potionibus colligit , & sanguinis fluxus de-
 " fusa insuper venula reuocat. Deum verò (& quidem
 " zelotem) culpandum existimabis , si voluit certasse
 " cum causa , & iniuriæ amulando prodesse , mor-
 " tem morte dissoluere , occisionem occisione disper-
 " gere , tormentis tormenta discutere , supplicia sup-
 " pliciis euaporare. Vitam auferendo conferre , car-
 " nem lædendo iuuare , animam eripiendo seruare.
 " Peruersitas quam putas , ratio est ; quod sæuitiam
 " existimas , gratia est.] Vides perfectam vulnerum
 " spiritualium martyris obductionem , per exceptio-
 " nem mortis pro Christo. Quare martyrium , tan-
 " quam nouacula , vt Augustinus quoque est inter-
 " pretatus , in psalm. 51. & serm. 6. de verb. dom.
 " sola superflua capillorum , vel putredines vlcerum
 " tollit ; & perfectæ sanitatis beneficio impenso , ne
 " ultra nocere queant , efficit.

12. Hanc ob causam Clemens Alexandrinus 4.
 Strom. c. 5. reprehendit Heracleonem Valentinia-
 num , qui dixisse videbatur confessionem vocis à
 martyre coram iudicibus , fidei hostibus editam ,
 inanem esse , nisi confessio , per vitæ confessionem
 Christiano dignam , antecessisset. Negat Clemens ,
 eum satis perpexisse , id falsitatis redargui ex pleris-
 " que antea impiis , & subitò per martyrium Deo ac-
 " ceptis. [Quod etsi non actione aliqua & vita con-
 " fessi sunt Christum coram hominibus , eo tamen
 " quod

quod voce confiteantur in iudiciis , & vsque ad mortem cruciatu non negent , ex affectione credidisse cernuntur. Consistens autem affectio , & maxime quæ ne morte quidem mutatur , omnia vitia , quæ gignebantur per cupiditatem corporis , omnino rescindit. Est enim , (vt semel dicam , repente accumulata per actionem poenitentia , & vera in Christum confessio , voce testificante.] Nec sanè negari potest , plerunque martyrij gratiam , hominibus illuc vsque oblata , nec adeo exquisita virtutis fuisse concessam , quales aliquos sibi notos fuisse , testatur S. Epiphan. hæresi 70. Imo auctor libri de singularit. clerico. apud Cyprianum num. 117. pleròque multis flagitiis coopertos , per martyrium coronatos , & subito honestatos fatetur. [Sapienter & mœchi (inquit,) & sanguinarij, & ebriosi , & omnium scelerum rei , reperta pugna occasione conuersi , meruerunt ad martyrij veniam peruenire. Idem enim martyrium , appellatur tam corona , quàm baptisma ; quia baptizat pariter & coronat.] S. item Hieronymus epistol. 65. agens de Pamphylo martyre , Origenis laudatore , ait id ab eo factum , (si verè factum ,) priusquam martyr esset [Et quomodo inquires , martyrio dignus fuit ? Scilicet vt martyrio deleteret errorem , vt vnâ culpam sanguinis sui effusione purgaret. Quanti in toto orbe martyres , antequam caderentur , variis subiacerentur peccatis ?]

Verum inquit S. Eulogius in Apolog. SS. Martyrum Cordubensium , [etsi culpis obnoxij manent , & ex qualibet sorde vitiorum infecti ad martyrium veniant , nihil impedit , cum omnibus martyriali trophæo deletis , ad Christum coronandi accedant.]

cedant.] Pulchrè in documentis ad SS. Virgines
 carcere conclusas. [Qui sectando iustitiam, pro ius-
 titia mori eligit, celerem instantibus bellis defe-
 ctum imponit, æternūque indubius ad regnum
 ascendit. Sit qualis vult & ex quibuscumque vitiorum
 laqueis seu peccatorum sordibus venerit, etiam si
 illotus baptismate ad martyrium conuolauerit, ni-
 hilominus coronatur.]

*Inferatur non esse pro martyre orandum, aut
 sacrificandum.*

13. Ex hætenus constitutis, perspicuè sequitur,
 non esse pro martyre orandum, vt rectè tradidit S.
 Augustinus serm. 17. de verb. Apost. verbis illis,
 [Perfectio in hac vita nonnulla est, ad quam sancti
 martyres peruenerunt. Ideoque habet Ecclesiastica
 disciplina quod fideles nouerunt, cum martyres eo
 loco recitantur ad altare Dei, vbi non pro ipsis ore-
 tur, pro cæteris autem commemoratis defunctis
 oretur. Iniuria est enim martyris, pro martyre ora-
 re, cuius nos debemus orationibus commendari:
 certauit enim contra peccatum vsque ad sangui-
 nem.] Idem serm. 107. de diuer. c. 2. [Vnde mar-
 tyres magni, vnde excelsi, vnde cæteris homini-
 bus multò florentius coronati? Vnde quod norunt
 fideles, distincti à defunctis loco suo martyres re-
 citantur, nec pro eis oratur, sed eorum orationibus
 Ecclesia commendatur? Vnde hoc nisi quia mors
 quam pro Dominica confessione elegerunt susci-
 pere, quàm Christum negare, utique amara est?]
 Vsurpauit hoc de martyre suffragiorum incapace,
 Innocentius 3. cap. cum *Martha* de celebr. Missa.

Sed

Sed quod hoc quasi effatum, *Iniuriam facit martyrij qui orat pro martyre*, ex Scriptura petatum dicit; non est accipiendum de illorum verborum cortice: (Nullibi enim in Scriptura comparent voces illæ:) sed accipiendum est de sensu quo voces illæ grauidantur, qui verè continetur iis scripturis quibus martyrij priuilegia astruuntur. Quo ferè modo plerique, allegatum ex scripturis interpretantur illud Christi Ioan. 7. *Sicut dicit Scriptura, flumina de ventre eius fluent.* Quorum verborum cortex in nulla Scriptura reperitur.

Prior nodus ex Patrum locis in contrarium.

14. Hoc tamen confectarium, non vnus auctoritatis machina, & firmæ rationis impetu quati videtur. Nam imprimis erit qui censeat S. Cyprianum, laudum martyrij cæteróqui prodigum, orationem pro martyribus iam cæsis approbasse, cum scribat epistol. 34. num. 11. [Veri & spirituales Dei milites; dum Diabolum Christi confessione prosternunt, palmas à Domino & coronas illustri passione meruerunt. Sacrificia pro eis semper, ut meministis, offerimus, quoties martyrum passiones, & dies anniuersaria commemoratione celebramus.] S. item Chrysostomus hom. 21. in Acta, sacrificium Missæ pro martyribus offerri, in hunc modum docet. [Quid dicis? In manibus est hostia, & omnia proposita, sunt benè ordinata; ad sunt angeli, adsunt archangeli; adest filius Dei, cum tanto horrore astant omnes, astant illi clamantes omnibus silentibus, & putas temerè hæc fieri? Igitur & alia temerè, & quæ pro Ecclesia, & quæ pro

„ pro sacerdotibus offeruntur , & quæ pro plenitudi-
 „ ne ac vniuersalitate? Absit. Sed omnia cum fide sunt.
 * Quid tibi videtur , quod pro martyribus offertur?
 Tandem Clemens Romanus 6. constit. cap. vltimo
 „ [Conuenite in cœmeteriis ad legendum sacros li-
 „ bros , & canendum Psalmos pro mortuis martyri-
 „ bus , & Sanctis omnibus , qui sunt à sæculo defun-
 „ cti; ac pro fratribus vestris , qui in Domino mor-
 „ tui sunt; & Eucharistiam Deo acceptam antity-
 „ pon , id est , Sacramentum regalis Corporis Chri-
 „ sti , offerte in Ecclesiis vestris , & in cœmeteriis,
 „ atque etiam cum excedunt è vita prosequimini
 „ cantu Psalmorum , si fuerint fideles; pretiosa enim
 „ in conspectu Domini mors Sanctorum eius.]

Explicantur.

15. Cæterum longè alia prædictis Patribus
 mens fuit. Quod enim ex S. Cypriani epistola 37.
 aperte habetur , hæc apud eum oblatio sacrificio-
 rum pro martyribus , aliud non fuit quàm marty-
 rum commemoratio super sacrificium; vt pluribus
 * cum Rhenano expendit Pamelius ad librum Ter-
 tulliani ad martyr. n. 22. Idipsum duntaxat voluit
 S. Chrysostomus loco allegato , vbi egregiè tradit
 quàm sit SS. martyribus honorificum , nominari
 super sacrificium , & satis innuit sic accipiendum
 esse quod dixit de oblatione pro martyribus. Ait
 * enim. [Licet martyres sint , etiam pro martyribus
 * offertur. Magnus honor nominari Domino præsen-
 * te dum mors illa celebratur , & horrendum sacri-
 * cium , & ineffabilia sacramenta. Sicut enim seden-
 * te rege quæcunque quis voluerit perficit; ybi au-
 tem

rem surrexerit, quæcunque dicit, frustra dicit: ita
 & tunc quandiu proposita fuerint mysteria, omni-
 bus honor maximus in memoria haberi. Vnde
 enim annuntiatur tunc sacramentum horrendum,
 quod pro mundo dedit seipsum Deus, cum illo mi-
 raculo tempestiuè memor est ille eorum qui pec-
 carunt. Sicut enim quando regum trophæa statuun-
 tur, tunc celebrantur quidem & quicunque victo-
 riæ socij fuerunt; dimittuntur autem qui sunt in
 vinculis per illud tempus; vbi autem transierit hoc
 tempus, qui nihil affecutus est, nihil obrinet, ita sanè
 & hic.] Subdit & alteram causam illius, martyrum
 memoriæ in sacrificij oblatione. Nempe vt contes-
 temur Christum viuere, deuicta & per eius mor-
 tem mortua morte, quæ causa longè alia est à fru-
 ctu martyribus quæsito per sacrificium, aut preces
 nostras. Quod æquè dicendum est de alia eiusdem
 memoriæ causa, adducta à S. Cyrillo catech. 5.
 mystago. dicente usurpari eam martyrum commemo-
 rationem in Missa. *Ut Deus orationibus illorum*
& deprecationibus, suscipiat preces nostras. Ac etiam
 de ea quam proponit Simeon Thessalo. c. *de missa*
fidelium; nempe quod Sancti in sacrificio memo-
 rentur, vt contestemur nostram cum eis societa-
 tem. Itaque cum hæ causæ sint alienissimæ ab ea
 quæ inter obiciendum assumitur, & tamen pri-
 mo loco adhibenda fuisset si verè locum haberet,
 fatendum est nullum fructum martyribus parari,
 ex eorum memoria in incruento sacrificio, & qui-
 busuis nostris precibus. Et disertè ita tradit Euge-
 nius IV. in Bulla Canonizationis S. Nicolai To-
 lentinatis initio, & iam olim S. August. tract. 84.
 in Ioan. vbi sic loquitur de martyribus. [Ided ad
 ipsam

« ipsam mensam , non sic eos commemoramus,
 « quemadmodum alios qui in pace requiescunt , vt
 « etiam pro eis oremus , sed magis vt orent ipsi pro
 « nobis , vt eorum vestigijs adhæreamus , quia im-
 « pleuerunt ipsi charitatem, qua Dominus dixit non
 « posse esse maiorem.]

16. Non desunt tamen aliquales fructus extrin-
 seci , quos dicere liceat SS. martyribus per oratio-
 nem nostram aut sacrificij oblationem præstari. Ce-
 dit enim in aliquod eorum bonum , quod Deum
 rogemus vt eos honorari in dies magis , ac illustra-
 ri velit. *Quæ* interpretatione Innoc. 3. cap. *cum*
Martha de celebr. Missæ. moliri vult petitiones
 quasdam sacris collectis insertas , quibus Deum
 rogamus, vt velit oblationem sancto prodesse. Ap-
 probâtque hanc sententiam Bellarm. l. 2. de purgat.
 c. 18. & Suarez lib. 1. de orat. c. 14. à num. 4. Nec
 etiam iisdem martyribus inutile est , quod per sa-
 crificium agamus Deo gratias propter beneficia il-
 lis concessa , & quadantenus iuuenus illos in dis-
 soluendis nominibus quibus Deo pro tot donis in-
 dissolubiliter astringuntur. Ita nodum propositum
 extricant Carolus Bouius ad l. 8. constit. Clemen.
 c. 18. & Simeon Thessalon. l. de mysterio Missæ
 c. 45. ac Cabasilas in expositione liturgiæ c. 48. Est
 etiam qui existimet orationes & sacrificia nostra
 posse SS. martyribus prodesse , ad accelerandam
 resurrectionis gloriam. Ita Henriquez l. 9. c. 14.
 n. 2. Nec Innocentius III. reprobât quorundam
 sententiam quam refert , quod accessio quædam
 ad SS. gloriam facienda sit , donec sniantur lux &
 tenebræ: proindeque non improbaretur qui dice-
 ret eam gloriæ accessionem SS. martyribus per
 orationes

orationes nostras & sacrificia postulari: præsertimque si id acciperet de augmento illo gloriæ accidentalis quod enasci diceret ex fructu mortaliū, proficientium exemplo SS. martyrum, & illustres eorum actus imitatione exprimentium. Ex tam multiplici interpretatione, quam prolatis contra veritatem propositam testimoniis dedimus, liquet nihil ei ab autoritate incommodari.

Nodus alter ex ratione, extricatur.

17. Sed neque à ratione, quæ admoventi aduersus eandem videtur posse, ex eo quod nihil vetet martyrem à vita excedere cum affectu ad veniale peccatum; ac proinde reatum aliquem hinc exportare fidelium suffragiis obliterandum. Certè S. Ambrosius non obscure id insinuat epist. 27. agens de Episcopo qui Iudæorum synagogam incenderat, & à Theodosio ad excitationem synagogæ de sua pecunia, adigebatur. Urget ergo imperatorem S. Ambrosius; videat etiam atque etiam, ne cogat Episcopum mentiri leuiter, & sibi falsò impingere factum, ob quod si morte plectatur, martyr euadat. Vbi apertè supponitur ab Ambrosio, eiusmodi Episcopum posse martyrium subire, contracta, nec ante mortem expiata, leuis mendacij labe. Præterea non videtur dubium, quin lenicula aliqua culpa ex usu saltem semipleno libertatis, sufficiente ad tenuem maculam, possit obrepere homini dum ad martyrium abripitur, & perstare in eo ad instans vsque excedentis à corpore animæ: si nimirum prætermittatur quiuis bonus actus, cuius perseverantia illius culpæ impossibilitatem habens.

fecerunt.] Non igitur egent suffragiorum nostro-
rum scandalis.

*Martyrium esse gratia ferax supra opus operan-
tis, qui negarint.*

18. Superest exponendus modus quo datur gra-
tia, quam conferri martyri diximus, & modus item
quo confertur reatus fortè præiacentis absterfio,
qua martyrem cumulari ostensum est: Tempus item
collationis beneficiorum illorum, non est explora-
tum. Quare de utroque illo puncto agendum se-
quitur. Et quoad modum quidem quo gratia con-
fertur martyri, non pauci negarunt quicquam gra-
tiæ martyri adulto conferri supra id quod emerca-
tur vi dispositionum quatenus meritorium, ita ut
nihil accipiat ex opere quasi operato, sed tantum ex
opere operantis. Ita Sotus in 4. d. 3. q. vnica, concl. 4.
Martinus Ledesma 1. p. quarti q. 7. artic. 11. dub.
4. Bannes 22. q. 24. artic. 6. dub. 5. ad 7. Vasq. 3.
p. d. 153. c. 3. quibus non obscurè fauet Petrus
Cluniac. episto. contra Petrobusianos, sæpè incul-
cans, martyrem salutem suam in martyrio con-
sequi per fidem quam adhibet; utique viuam, hoc
est per eximium illum charitatis actum, ex quo
cernicem gladio metendam pro Deo obiicit. Quo
eodem modo loquitur Petri æqualis S. Bernardus
episto. 77, & apertè ad modum prædictum inter-
pretatur fidem ex qua salus martyri accidit. Ait
enim præter cætera. [Etsi martyrium vicem bap-
tismi implere posse conceditur, non planè hoc facit
pœna, sed ipsa fides. Nam absque ipsa; quid est
martyrium, nisi pœna?] Fidem autem ait esse,
Z perse

perfectam cordis conuersionem ad DEVM, vniuersis præceptis seruandis intentam. Annuere videtur Tertullianus c. 6. Scorpiaci. Nam præfatus *nihil iam martyribus imputari posse quibus in lauacro* (nimis cruento, siue baptismo sanguinis,) *vita ipsa deponitur*; subdit: *sic dilectio operis multitudinem peccatorum.* Quæ verba sonare videntur, fructum gratiæ & remissionis peccatorum, ac reatus absterisionem, debere ad opus operantis, ad martyris inquam dilectionem reuocari. Et sanè actus humilitatis est apud Deum longè potior, primisque honoribus dignior quàm martyrium vt S. Chrysostomus homil. de petit. filiorum Zebed. quæ est 33. tomi primi Græc. infert ex Christi responso ad fratres supremum sibi locum interpositu matris deposcentes, seque ea ex causa promptos exhibentes ad bibendum martyrij calicem. Reposuit enim nihilominus Christus quàmuis bibituri essent calicem, locum tamè regni supremum, à Patre humilibus non aliis fuisse additum. Quod est dicere, ait S. Chrysostomus, plus humilitati quam martyrio deberi.

Contrarium placet.

19. Hæc sententia mihi non probatur nec probata sanè est Sancto Thomæ in 4. d. 4. q. 3. art. 3. ad. 1. & tota q. 4. quem secuti sunt Bellarm. l. de baptis. c. 6. Henriq. l. de baptis. c. 36. Less. l. de fortitud. c. 1. à n. 45. Valent. t. 3. d. 8. q. 2. p. 2. Suares t. 3. 3. p. d. 29. s. 2. aliiq̃ue non pauci cum quibus planè sentio, per martyrium, aliquam gratiæ mensuram supra eam quæ operi operantis rependitur, siue supra meritum dispositionum, conferri. In
quam

quam rem vrgeri inprimis solet exemplum infantium, qui non sunt capaces operis operantis, & tamen gratiam in martyrio recipiunt, cum possint per illud salutem consequi, vt supra est demonstratum. Inde ergo perspicuum videtur aliquem gratiæ fructum martyrio adultorum respondere, supra opus operantis, cum vel iam iusti sunt, vel ex actu admodum perfecto, & aliàs gratiæ conciliatio, martyrium subeunt. Neque enim adiunctio operis operantis in adulto, hebetare potest vim quam ex se habet martyrium, vt ex infantibus est perspicuum. Hanc rationem non aliter conuellit Sotus, quàm admittendo quod de infantibus assumitur, negando autem quod de adultis infertur. Hæc tamen est aperta argumenti elusio. Si enim ea est martyrij efficacia erga infantes, quidni par sit erga adultos, qui longè perfectiùs Deo attestantur? Omnia item Scripturæ loca quæ ad priuilegium de quo agimus, martyribus infantibus arrogandum, proferri possunt, æquè pro adultis militant, aut etiam in eos clariùs cadunt; & densa æquè ac luculenta suppetunt Patrum testimonia, quibus hæc martyrij prærogatiua firmatur, indistinctè, & quoad omnes martyrium subeuntes. Itaque adultorum & infantum martyrum analogia, videtur explorata: & quandoquidem aduersarij, negare nec audent nec possunt, quin infantibus martyribus gratia sanctificans per martyrium tribuatur: necesse etiam est vt concedant, martyri adulto concedi gratiam per martyrium; hoc est supra id quod dispositiones liberæ, ab eo ad martyrium adhibitæ ferūt. Quia verò de gratia infantibus per martyrium concessa non est controuersia, idem seorsim euincamus de gratia adultis

martyribus per ipsummet martyrium ritè obitum concedenda.

20. Imprimis Patres quos supra longo agmine adduximus, martyrium baptismo non æquant modò, sed & præferunt, quoad vim conferendi salutem primam. At hoc falsò assereretur, si adultus peccator non posset vi solius martyrij recipere gratiam, nisi ex parte hominis dispositio accommodata proliciendæ gratiæ adhiberetur. Constat enim baptismum adulti non exigere nisi imperfectam illam pœnitentiam actualium peccatorum ante admissorum, quæ ad gratiam ex opere operantis inferendam, esset inidonea. Igitur si martyrium, ut Patres supra adducti confirmant, plus aliquid virium à Deo hac in parte accepit quam sacramentum baptismi, necesse est fateamur, adultos per martyrium accipere portionem gratiæ aliquam, supra mensuram quæ operi operantis respondere potest; quæ mensura nulla est si dispositio per martyrem illhuc vsque peccatorem adhibita, talis sit bona fide, ut ad conciliandam ex se gratiam sit inepta. V. G. si sit tantùm attritio, & martyr peccator bona fide censeat se ob martyrium exolui necessitate vltioris ac perfectioris conversionis adhibendæ, vel inuincibiliter putet esse contritionem perfectam quæ reuera non est nisi attritio.

Potiri etiam videmur Ecclesiæ suffragio. Nam Ecclesiæ sensus planè fert, aboleri in martyrio vniuersum reatum peccatorum ante admissorum, quantacunque demum essent, & quantumlibet lenis minimèque acerba mors irrogetur. Idcirco enim Ecclesia interdicit oratione & oblatione sacrificij pro compertis martyribus. Constat autem huiusmodi

iufmodi plenariam indulgentiam à fupremo Pontifice conceffam, non rependi martyris perfeffionibus, quæ fæpè etiam adiuncta morte, non æquarent reatum tot tantorúmque peccatorum. Non rarò namque, ad martyrium rapti fubitò funt nonnulli omnibus flagitiis cooperti, quibus fatis remiffè difpofitis, demellà vno ictu ceruix, nequaquam fufficeret ad expiationem, & tanti reatus quanto obstringuntur expunffionem. Plerifque fanè longè auctiore charitate in Deum, & aduerfus leuiora peccata admiffa animatis, nec pauciora perfeffis, reatus aliqua reliquiæ poft mortem fupersunt, quia martyres non exceffèunt. Non enim Purgatorij expertes euadunt iufti omnes, qui patienter confliffati funt cum diuturno morbo, cuius acerbitas multorum martyrum dolores fuperaret. [Dabo tibi multos, (ait Lucifer Calaritanus lib. quod moriendum fit pro Dei filio,) qui in leffulis crudeliùs pereant, quos interior aliqua fuppuratio inflauit, & neruorum fecum luffantium dolore contraxit.] Et tamen vt præmittebam, non omnibus eo modo morientibus, Purgatorij indemnitas præftatur. Igitur vt D. Thomas rectè intulit, necelfè eft fateamur Ecclefiam à Spiritu fanffo dofftam, perfpexiffè, eam reatus abolitionem martyri indultam, non refpondere operi operantis, fed effè priuilegium martyrio repenffum fuprà quamcunque difpofitionum martyris exigentiam.

Quod fi remiffio pœnæ debitæ, confertur martyri per martyrium, quanto magis remiffio culpæ, quam conffat oportere priùs fuccidi & exarefcere; cum fit radix ex qua reatus progerminat; nec vllæ fcripturæ, vel vlla Patrum teffimonia emundatio-

nem reatus confirmant, quibus non multo magis stabilietur culpæ ablatio? Nam scripturæ quidem quibus martyrij prærogatiuæ firmari possunt & solent, illæ sunt præcipuæ præter alias minutiones à S. Cypriano accumulatas l. de exhortatione martyrij. Matth. 10. & 16. *Qui perdidit animam suam propter me, inueniet eam.* Marci 8. & Lucæ. 9. *Qui perdidit animam suam propter me, saluam faciet eam.* Matth. 10. *Qui me confessus fuerit coram hominibus confitebor & ego eum coram Patre meo.* Hæc loca, constat æquè in gratiæ collationem ac in reatus absterfionem cadere; Imò principalius sonare emundationem à peccato, & gratiæ infusionem. Eodem modo vrgeri possunt loca Patrum, quibus apertè traditur salutem & peccata omnia per martyrium donari, qualia quàm plurima in superioribus protulimus.

Pauci verò illi Patres quos initio huius puncti pro contraria sententia adduximus, ita accipi benignè possunt, vt non dicant, fidem viuam vel conuersionem aut dilectionem quam martyr martyrio adiungit, esse solam causam fructuum martyrij; sed tantùm dicant, ex eo quoque capite aliquid gratiæ ex opere operantis conueniri martyri, & illud ipsum opus operantis ex se gratiæ fertile, aptare hominem vt ex eius perpeffione aliud gratiæ superpondium extundatur, quod dispositioni illi non respondeat vt causæ, sed ad eam vt ad meram dispositionem consequatur: sicut etiam consequi posset ad aliam leuiorem dispositionem, gratiæ ex se sterilem, si bona fide à martyre peccatore adhiberetur. Quæ omnia perspicua erunt, attendenti ad Sacramentorum nouæ legis & martyrij proportionem.

S. Denique Chrysostomus, longè abest à deneganda martyrio prærogatiua conferendæ gratiæ ultra meritum martyris. Tantùm quippe negat, martyrium absque humilitate, sufficere ad consequendos in regno Dei primos honores; idque acutè infert ex Christi Domini ad duos fratres responso. Aliud autem est, martyrium humilitate destitutum non sufficere ad summam gloriam: aliud, non posse per martyrium, gratiam conferri ultra mensuram patientis merito debitam. Potest enim alicuius perfectionis exclusio, & oppositi defectus immissio, plus obesse, quàm prodesset perfectionis illius nuda positio. Sic minimum peccatum mortale, prorsus excludit à gloria & mediocri & summa; quamvis actus virtutis ei peccato contrarius, non is necessariò sit, cui summa gloria sit reponenda. Cæterum quicumque tandem statuendus sit humilitatis fructus, hoc nihil ad rem præsentem refert. Quia gratiæ collatio ultra meritum operantis, non desumitur ex operationis nobilitate: quasi si actio aliqua annexam habet eam prærogatiuam, necesse sit eandem concedere actioni nobiliori, aut maiore merito præditæ. Hoc enim falsum esse, patet ex attritione, quæ longè ignobilior est amore Dei super omnia: Et tamen attritio in sacramento pœnitentiæ, est ferax gratiæ supra meritum operantis, quod non habet dilectio perfecta. Igitur ad prærogatiuam illam de qua agimus, actioni alicui aut perpeffioni vendicandam, attendenda duntaxat est Christi voluntas, qui gratiam nexuit cum actione aut passione aliqua. De ea autem Christi voluntate pro martyrio, constat ex Scripturis propositis.

*Quantitas gratiæ, martyrio respondens supra eam
quæ operi operanti respondet.*

22. Itaque ratum est, martyrium cuius martyri, atque adeò non infanti tantum, sed etiam adulto debite disposito, primam gratiam sanctificantem conferre; eiusve, si iam in homine præiacebat, augmentum aliquod conciliare, ultra mensuram dispositioni & actibus martyris debitam. Quæ porro & qualis sit ea gratiæ mensura martyrio re-pensa, statuere definite non possumus. Esse tamen admodum insignem, est extra dubium. Sanctus certè Augustinus l. de sancta virginit. c. 45. agens de fructu quinquageno, sexageno, atque centeno, quibus gradibus Christus Dominus gratiarum portiones distinxit; summam, hoc est centenam mensuram, martyri à quibusdam anterioribus sacris tractatoribus, adscriptam docet.

Illud item ex proportionem ad Sacramenta constitui generatim potest, pro meliori dispositione passivi, eiusque per meliores actus meliori aptatione, vberiore martyri gratiam tribui, non tantum ex opere operantis, sed etiam vi solius martyrij, quod æquè ac Sacramenta agit per modum causæ naturalis: ac proinde posita meliori dispositione subiecti, plus agit, ut circa Sacramentorum causalitatem tractatum est; & ex ibi dictis, (quæ hinc æquè locum habent,) ut ratum pono. Quare adultus martyr, maiorem gratiam ex martyrio ferè semper percipit quàm infans: Quod hic nulla actuali dispositione ad martyrij fructus aptetur, sicut adultus. Quem tamen non semper, sed ferè semper, parua-

lo antepono hac in parte , quia aliquando adultus quoque nulla actuali dispositione interueniente martyrium subit. Vt cum præmissa iampridem acceptatione , dormiens obtruncatur in odium fidei. Nulla enim ibi actualis dispositio adhibetur. Aliquando item , habitualis dispositio infantis , sita in gratia ante parta per baptismum , potest censi melior & dignior actuali dispositione per adultum adhibita. Vt si adultus peccator inuincibiliter subeat martyrium cum sola attritione. Talis namque dispositio actualis , non æquat habitualement dispositionem paruuli antea baptizati , qui ab hoste fidei interficitur , & propter digniorem illam dispositionem , vberiori gratia ex martyrio potiri debet. Extra hos infrequentes euentus , sicut adultus qui sui compos ad mortem rapitur , pretiosissimis dispositionibus actualibus ad martyrij fructus aptatur , ita eosdem legit vberiores , vt affirmabam. Portio igitur gratiæ per martyrium obtingens paruulis , per se loquendo ac cæteris paribus , minima est ; & quoad omnes paruulos æqualis. Nam si martyrem infantem ante baptizatum , atque adeò habitualiter dispositum , cum non baptizato solam non repugnantiam ad gratiam afferente , componas ; non statues omnia paria : ideóque mirum non erit , inæqualem gratiã paruulis ex martyrio obueneri. Gratia verò adultis ex martyrio parta , quamuis per se loquendo , id est seculis infrequentibus euentibus paulo ante tactis , sit maior quàm gratia paruulis martyribus reppensa , tamen pro meliori dispositione per martyrem adultum adhibita , auctior efficitur. Vnde quo pertingat gratiæ quantitas siue in paruulis siue in adultis martyribus , definire certò

non possumus : quia in paruulis mensura illa quæ ut plurimum ubique æqualis est , quamuis sit stata , soli tamen Deo est comperta. In adultis autem tanta est dispositionum inæqualitas , ut necesse omnino sit quantitatem fructuum martyrij , respectu eorum , multo nobis esse incertiores. Quare in præsentia satis est , si illud fixum habeatur , ex martyrio insignem fructum gratiæ percipi , distinctum ab eo qui bonæ dispositioni actuali rependitur tanquam præmium eius , prout actio quædam est præmio & laude digna.

Conferatne martyrium gratiam ex opere operato ; lis de nomine.

23. An verò modus hic gratiam aduocandi , quem liquet non esse ex opere operantis , dicendus sit ex opere operato , lis est de vocibus. Affinis certe est ei modo gratiam conferendi , quem in Sacramentis vocamus ex opere operato : id est ex vi ipsius actionis sacramentalis à Deo institutæ , & per ministrum operatæ siue exercitæ : ita ut eo ipso quod actio illa operatur , (passiuè , ut apud Apostolum , *fides quæ per dilectionem operatur* , id est *exercetur* , Græcè ἐνεργουμένη :) eo ipso inquam quod talis operatio elicitur , fiat per eam gratia : etiamsi ea actio spectetur ratione sui tantum , neglecto operantis vel recipientis statu proportionato , iustam proportionem habente cum effectu qui procreatur ; non tamen exclusis dispositionibus subiecti ratione utentis , quæ interueniunt ut remotiones obicis , & passi aptationes. Similiter ergo martyrium , merito videri posset ex opere operato conferre gratiam , quia

quia quamuis non sit Sacramentum, vt contra Maiorem id insinuantem in 4. d. 4. q. 3. sub finem, latè probat Soto in 4. d. 3. q. vnica art. 11. concl. 4. tamen infert aliquam gratiæ quantitatem, vltra mensuram actui ad illud disponenti rependendam, ac plerunque etiam nullatenus debitam. In eo tamen discrepat martyrium à Sacramento; in hac vī gratiam causandi citra opus subiecti, quodd sacramentum actio sancta est, Christi meritis veluti facta, & ad gratiæ significationem diuinitus deputata. At martyrium est aliquid abominandum, cum grauissimam iniustitiam in proximum, & tetram numinis violationem contineat. Vt idcirco Ægidius quodl. 2. q. 15. ex Hugone contendat Ecclesiam in qua martyr cæsus est, esse reconciliandam tanquam pollutam. Imo quod iidem negant, locus quoque cædis immediatus, expiandus est. Non enim propter asperisionem sanguinis innoxij & sancti quæ Ecclesiam pollueri admittitur, locus ipse qui atrocitatem iniuriæ in sanctum admittæ excepit, negandus est inquinari: quamuis verissimum sit, eidem loco venerationem peculiarem esse exhibendam, non ratione actionis in illo patratæ, quæ expiationem deposcit, sed ratione virtutum heroicarum, quas martyr ibidem elicit patiendo, & ratione contactus, ac insperisionis sacri sanguinis. An ergo propter materialem illam & concomitantem discrepantiam, sacramenti & martyrij, in eodem modo causandi gratiam, vtrunque dicendum non sit causare gratiam ex opere operato, lis est de vocibus, circa quas tricarī non libet.

*Quando conferatur martyri gratia, & reatus
absterfio, aliorum placita.*

24. Iam quoad tempus collatæ martyri gratiæ, & absterfionis reatus fortè præiacentis, de quo agendum consequenter receperam; reiiciendus imprimis est Salas 1. 2. tract. 2. d. 2. n. 14. affirmans effectus illos conferri martyri, tantum post obitum. At hoc quoad gratiam, est planè alienum à statu comprehensoris. Nam ex quo arbor cecidit, ibi stat ubi cadens inuenitur. Id est, nulla in hominis sanctitate mutatio efficitur post mortem, sed eam solum gratiam retinet, quam hinc exportat: & idcirco semper in eodem statu permanet, nisi si occasione reatus alicuius abstergendi, necessaria sit brevis remora in ignibus emendatoriis. Quoad absterfionem verò reatus, quamvis posset martyri post obitum concedi; Tamen æquum fuit illam simul cum gratia tribui: quandoquidem & gratia, & condonatio reatus, rependuntur generosæ illi mortis contemptioni, quam martyr superstes prodit.

Ea igitur opinione abiecta, visum est non paucis, prædictos effectus tunc conferri martyri, cum primùm deuenit ad statum in quo vi eorum quæ passus est, indeclinabiliter morti subiacet. Ita Vega lib. 6. in Trident. c. 37. & l. 9 c. 43. Suarez t. 3. 3. p. d. 29. l. 3. *sub finem*; & Lessius l. 3. de virtut. n. 59. Sed neque hoc placet. Sic enim frequenter, effectus propositi longè ante mortem conferrentur. Nam vulnera lethalia, aut propinatio veneni lethiferi & immedicabilis, multis plerunque mensibus morti præcurrunt: quo tempore interlabente,
facile.

facile pollet contingere, vt martyr gratia excideret, ac proinde damnaretur. Multos enim pro Christo grauissima passos, postea scdissimè lapsos S. Cyprianus epist. 7. admodum flebiliter deplorat. Et Cappadocem illum Apostatam, cui carcerarius Sebastenus suffectus est, post lethalia vulnera defecisse à fide, mox consecutus infaustus obitus monstrauit. At hominem verè ac plenè martyrio perfunctum, eoque titulo gratia martyrij iam potentem, tot Christi promissiones securum faciunt beatitudinis, vt dixerit Maior in 4. d. 49. q. 24. à placito dubitante de talis hominis æterna salute, a què recedendum esse, *ac recedimus repemè, inopinatò pede prementes colubrum.* Deinde tempus illud censerì debet maximè idoneum ad collationem effectuum prædictorum, quòd quàm maximè accedit ad vitæ finem: Nam tempus consequens excessum martyris è vita, iam exclusum est tanquam dissentaneum à diuinis legibus circa gratiæ concessionem. Initium verò martyrij, quamuis morte certò secutura, non est accommodatum exprompioni diuinæ huius largitatis, ne merces tribuatur per solutionem nimium anticipatam, & quo tempore ob superstitem libertatis vsus, adhuc potest resilire, & impendentem mortem auersari. Quærendum ergo est tempus aut momentum aliquod, quo homo & adhuc sit viator, ideòque notæ gratiæ capax, & minimum absit à morte, quæ ultimò martyrium consummat: ita vt ad eam videri possit deuèctum, eo quod homo ita sit affectus, vt nequeat ultra resilire, & martyrium voluntate defugere. At nihil horum cadit in tempus quo lethale vulnus homini infligitur, sed plerumque multò posterius.

Quid

Quid probabilius videatur.

25. Longè itaque commodius videtur, tempus illud adscribere collationi prædictorum martyrij effectuum, quo vi vulnorum illatorum eo devenitur, ut excisa temperie quæ ad usum sensuum internorum necessaria est, vsûque libertatis iam intercluso, homo obstipus planè iaceat, videaturque præmortuus: quod contingit per tempus aliquod ante mortem, saltem brevissimum & imperceptibile. Sicut enim anima rationalis quoad omnes gradus suos simul inducta, expromit primum functiones gradui imperfectiori respondentes, sicque pro meliori in dies aptatione materiæ, progreditur ad gradus altioris operationis, quod ex nutritione quæ partialis quædam generatio est, videtur perspicuum: Ita in recessu animæ rationalis à corpore, ob contrariam causam proportionalem, contrarium accidit. Hoc est quamvis anima rationalis quoad omnes gradus suos substantialiter spectatos, simul ac semel ab una aliqua corporis parte abiungatur, tamen priusquam functiones vitæ omnes, in ea parte cesset elicere, inepta primum euadit ad operationes sublimiores, (nempe rationales,) ibi formandas; tum ad despicatiores siue sensitivas, tandemque ad vegetatiuas, atque adeò ad omnes. Tamen si aliquando perexiguum vixque perceptibile interuallum decurrit, inter abiectionem aptitudinis ad altiores functiones, & aptitudinis ad viliores, utprehenditur in iis qui differentes subito exanimantur, aut quibus ceruix præproprio ictu demetitur. Hoc igitur tempus,

pus, quo homo vi inflictorum vulnerum, & abactæ temperiei necessariæ ad rationis ac libertatis vsum, humanæ vitæ quasi præmoritur; aio esse tempus illud, quo homo breui ante mortem, iam sui impotens, non ultra de mutatione periclitatur, ob libertatis vertiginem intercluso rationis vfu prohibitam. In illius inquam temporis primo momento, quo verum est hominem tunc primùm incipere esse sui impotentem; vel si datur instans vltimum quo est sui compos, (iuxta varias philosophicas sententias quas huc non moror,) immediatè post illud momentum, atque aded extrinsecè in eo momento, incipit gratiæ infusio & reatus absterfio. Id quod locum etiam habiturum existimo circa eum, qui ad prædictum iam deductus statum, eximeretur à morte per miraculum, quicquid è contra statuatur Maior in 4.d.49. q.24. Neque enim verisimile duco, diuinam largitatem; propter temporalem benignitatem, & aliquorum dierum vltiorem vsuram, quàm supra naturæ ordinem vult concedere, parcam esse velle meliorum charismatum, quibus pugilem suum exornatura fuisset, si cursum naturæ fuisset sibi, nec miraculo inhibendam vulnerum efficientiam decreuisset. Probabilissimum item censeo, benignam Dei manum affuturam, ne qui iam Cœlum propè prehédens, inde diuinitùs reductus est, ab ea spe auertatur: & curaturam vt dilata fœlicitate tandem aliquando potiatur.

*Catharini argumentum pro certitudine gratiæ,
ex dictis disscitur.*

26. Porrò ex constitutis de tempore quo gratia
confertur

confertur martyri, evertitur longa & frequens apud Catharinum argumentatio pro certitudine gratiæ iustorum, ex eo ducta, quod martyres certò agnoscant se gratia Dei sanctificante potiri: unde idem de cæteris iustis colligi videtur, cum loca quæ aduersus gratiæ certitudinem in communibus iustis vrgentur, sint vniuersalia, ac proinde æquè circa martyres valitura, si reuera valerent circa alios. Ita habet Catharinus disceptatione 1. contra Sotum, & latè in assertionione 12. articuli de certitudine gratiæ. Sed rectè Catharino obstitit Sotus, cum aliis locis quæ Catharinus disceptatione illa 1. annotauit, tum l. 3. de nat. & gratia, in ipsa meta libri. Obstitit item Vega lib. 9. in Trident. c. 43. Præter communia verò argumenta quibus omnium viatorum incerta fors & gratia stabilitur, illud occurrit in hac materia peculiare & proprium, quod peti dicebam ex tempore quo gratia martyri confertur. Hanc enim gratiam, Catharinus martyri certam & indubitatam esse contendit, quod ex diuina promissione infallibili debeat morienti pro causa fidei. Atqui tempus quo gratia ex ea promissione martyri rependitur, tale est, vt per illud martyr rationis vsu non potiatur, & vt ita dicam, non nisi vitæ fœces hauriat: hoc est idoneus tantùm perstet, despiciatissimis vitalibus functionibus exercendis: quoad functiones autem intellectus ac voluntatis, perinde se habeat ac truncus aut stipes. Tunc ergo martyr, non potest de gratia vi martyrij accepta certum iudicium efformare. In tempore autè anteriore, cum martyr adhuc est sui compos, nondum adest gratia martyrio repêsa, nec quod rependenda sit, potest certò statui: quia fortassis

tassis deerit perseuerantia, quæ in quibusdam mol-
lito animi robore deficit post lethalia vulnera, vt
in illo Cappadoce qui cum Sanctis vndequadra-
ginta martyribus fuisset annumeratus, & cum eis
passus dirissima, in portu naufragauit. Itaque con-
cidit vniuersa illa Catharini substructio, ad firman-
dam gratiæ certitudinem in communibus iustis, ex
ea certitudine gratiæ qua potiri martyres conten-
debat. Quanquam si sermo esset de sola morali cer-
titudine, actualem formidinem, præsertimque
anxietatem excludente, vt sanè ferunt nonnulla
quæ Catharinus disceptatione illa 1. pag. 22. ex
Vega refert & approbat, non refragarer. Nihil
quippe est quod obstat, quominus martyr an-
te moraliter consummatum martyrium, & acce-
ptam ex opere quasi operato gratiam, certitudine
moralis, de sua gratia ac etiam de salute æterna, per-
suadeatur. Idque vnum confirmant quæcunque à
Catharino proferuntur; ac præsertim illa tanta ala-
critis, & sancta in tormentis expetendis & cal-
canda morte generositas.

Gloria martyris in cælo multiplex.

27. Gratiā finalem, & plenam reatus pœnæ
absterisionem, pretiosissimos fructus martyrij in
via de quibus hætenus, excipit confestim gloria
quæ duplex in martyre distinguenda est; nempe
essentialis, & accidentalis. Accidentalem hîc in-
telligo, stabile adiunctum gloriæ primariæ, quod
non raptim disfluat, vt quædam transitoria
gaudia per modum accidentis communis adue-
nientia, quale Christus ex peccatoris conuersione

concupi in cœlo testatur; sed perenne perstet, ac ex sublimis alicuius actionis vel passionis prerogatiua debeatur, & in quibusdam subiectis velut proprietatis beatitudinem primariam assecleretur. Hanc beatitudinis primariæ accessionem, tribus hominum generibus vendicant, pro numero operum heroicorum & victoriarum ab eis reportatarum de hostibus inaspeclabilibus & eorundem partiaris cum quibus est nobis hic colluctatio. Nempe Martyribus, Virginibus, Doctolibus, quorum primi de fidei hostibus, alteri de carne, postremi de errore & ignorantia triumpharunt. Passim aureola vocatur, denominatione ducta à coronula ex auro quæ erat supremus arcæ limbus, superstabátque alteri coronæ item ex auro, quæ quod grandior esset, simpliciter dicebatur corona aurea, vt habetur Exodi 25. Inde enim quod Ribera obseruauit l. 2. de templo c. 3. n. 5. veteres scholastici, gloriam essentialem simpliciter dixere *auream*; eam verò accessionem de qua agimus, vocarunt *aureolam*. Vtramque circa martyrem attingo,

*Essentialis aliqua, gratia per merita parte
respondet.*

28. *Aurea* nomine, vniuersa gloria essentialis SS. martyrum intelligitur: nempe & quæ meritis rependenda est, & quæ speciali titulo supra sortem meritis debitam tribuetur. Prior est extra controuersiam. Nec dubium est quin sit futura eximia, pro tot tamque luculentis martyrum meritis. Est de hac gloria locus illustris apud Augustinum in psal. 67. ad illud *Principes Iuda* &c. Prolata enim priore illius

lius versiculi expositione ab hoc loco aliena, secundam in hæc verba subiicit. [Plus me delectat quod ex istorum nominum interpretatione clarescit. Hebraea quippe sunt nomina, quorum Iuda confessio interpretari dicitur: Zabulon habitaculum fortitudinis: Nephtalim dilatatio mea. Quæ omnia verissimos nobis insinuant principes Ecclesiarum, dignos ducatu, dignos imitatione, dignos honoribus. Martyres namque in Ecclesiis locum summum tenent, atque apice sanctæ dignitatis excellunt. Iam verò in martyrio, primò confessio est, & pro illa quicquid acciderit tolerandi, sequens assumitur fortitudo: Deinde post omnia tolerata, finitis angustiis, latitudo consequitur in præmio.]

Eodem retulerim illud Prudentij hymno 1.
peristeph.

[Nil suis bonus negavit
Christus unquam testibus;
Testibus quos nec catena,
Dura nec mors terruit.
Unicum Deum fateri,
Sanguinis dispendio.
Sanguinis sed tale damnum
Lux rependit longior.
Hoc genus mortis decorum est;
Hoc probis dignum viris.
Membra morbis exedenda
Texta venis languidis.
Hostie donare ferro,
Morte & hostem vincere.
Pulchra res ictum sub ense
Persecutoris pati.
Nobilis per vulnus amplum

*Porta iustis panditur.
 Lota mens in fonte rubro
 Sede cordis exilit,
 Nec rudem crudi laboris
 Ante viam duxerant,
 Milites quos ad perenne
 Cingulum Christus vocat.
 Suesa virtutis bello & armis
 Militat sacrariis.]*

Pergit labores eorum castrenses, cum laboribus
 in spiritu ali militia exantlatis, componere: atque
 adeò agit de eorum meritis martyriis anterioribus,
 & gloria eis respondente, ad quam per nobilem il-
 lam meritorum portam pertigerint.

*Aliqua, gratia debita martyrio ultra opus
 operantis.*

29. Præter hanc gloriam essentialem meritis re-
 pensam, alia in martyribus agnoscenda est, item
 essentialis, sed diuerso titulo debita. Cum enim
 gloria sit fructus gratiæ veluti seminis, & gratia
 sanctificans debeat martyri ex opere operato
 martyrij, supra mensuram operibus martyris tan-
 quam causis meritoriis rependendam, vt supra de-
 monstratum est; perspicue infertur, vltra gloriam
 essentialem meritis martyris assignandam in præ-
 mium, aliam gloriæ essentialis portionem, mar-
 tyri obuenturam, quæ gratiæ illi ex opere operato
 datæ respondeat.

Videri posset hanc specialem martyrum gloriam
 signasse S. Cyprianus l. de laude martyrij, exhibens
 primum, communem beatorum omnium gloriam
 illo

illo picturatæ dictionis vere. [Quibus inquisitus
fuit semper D e v s , aut notus , nunquam excidit
Christi locus : vbi iacet gratia, vbi virentibus cam-
pis terra luxurians alumno se induit gramine, & re-
dolente pascitur flore; vbi altum nemora tolluntur
in verticem:& vbi arbor densiore coma vestit, quid-
quid curuantibus ramis scena deiacens inumbrarit.
Omnia illic non frigoris , nec ardoris : nec vt in au-
tumno arua requiescant , aut vt iterum vere nouo
tellus fecunda parturiant. Vnius coniuncta sunt tem-
poris : vnus poma feruntur æstatis. Quippe cum
nec mensibus suis tunc luna deseruiat , nec per ho-
rarum Sol momenta decurrat , aut in noctem lux
fugata concedat. Habet populos quies læta , sedes
tenet placida, vbi fons scaturiens medius , sinu aluci
prorumpentis emergit , & rauco per intervalia cir-
cuitu , sinuosis flexibus labitur , vt in ora nascenti-
um sibi fluminum diuidatur.] Hæc, florulenta de
more amœnitate dictionis Cyprianus de communi
beatorum quorumcunque sede , ac gloria. Tunc
subdit. [Hinc ergo magna laus martyrum, hinc no-
bilis corona victorum, quibus maiora his repromis-
sa sunt , quibus auctiora sunt præmia.] Videri in-
quam his postremis verbis pollet S. Cyprianus, tra-
didisse speciale gloriæ auctarium pro martyribus,
cum in prioribus verbis prolatis , communem om-
nibus beatis gloriam expressisset.

Facile tamen possunt postrema illa S. Cypriani
verba aliter accipi; nempe ita vt non contineant
comparationem gloriæ martyrum cum gloria reli-
quorum beatorum, quæ dicatur auctior cæteris pa-
ribus , ac positis iisdem martyris & non martyris
operibus meritoriis ; sed contineant tantum com-

parationem gloriæ, prout descriptæ verbis priore loco allegatis, cum gloria qualis reipsa erit. Vt sensus sit; multa dixisse videor, sed non allequuntur, mea siue verba, siue cogitata, futuram gloriæ illius perfectionem, eximiamque dignitatem. Multo reipsa erunt præclariora quæ Deus martyribus reponet, quàm qualia descripsi. Sic acceptus locus ille S. Cypriani, (vt sanè accipi potest, aut etiam debet,) nihil continet quod sententiæ positæ suffragetur. Quam proinde satis est confirmatam dedisse optimam ratione, ducta ex seminio gratiæ, factæ vi martyrij, prout ex privilegio potitur vi gratiæ causatiua, distincta ab ea quam martyris merita obtinent, prout bonæ sunt & meritoria actiones. Inde enim liquidò sequitur, ea gloriæ specialis repensio, speciali gratiæ necessario respondens.

Aurea martyrum, ex utraque illa gloria.

30. Ex utraque porro gloria essentiali, vel veriùs vnius & eiusdem, diuersis titulis respondente duplici portione, existit corona illa aurea, qua martyrem à Deo coronari de comuni scholasticorum loquendi vsu præmisimus. Imo effici ipsummet Deum martyrum coronam, quod non semel apud Patres legimus, Scriptura non obscure insinuat, vocans gloriam essentialem beatorum martyrum, *coronam vite*. De SS. enim martyribus accipit Ioachim Abbas illud Apocal. 2. *Esio fidelis vsque ad mortem, & dabo tibi coronam vite*. Verba Ioachimi sunt elegantissima. [Corona vitæ promittitur, quia
 " ij qui donant vitam Deo cum triumpho pretiosæ
 " mortis, perueniunt ad veram vitam: quoniam ut
 eam]

eam seruire possent in regno, eam in exilio perderunt, iuxta illud Ioannis 12. Qui amat animam suam perdet eam, & qui odit animam suam in hoc mundo, in vitam æternam custodit eam.] Perspicua est Dei nostri munificentia planè diuina, quando iis qui fragilem & luteam vitam in eius gratiam prodegerunt, substantialem & increatam vitam, seipsum inquam, in mercedem magnam nimis, liberalissimè donat. Vt possit iam martyr verus Christi miles, multo potiore iure de Deo suo profiteri, quod ille martyris mimus, de falso numine. De Deo inquam suo Mithræ miles, [qui cum initiatur, (ait Tertullianus l. de corona militis c. 15.) in spelæo, in castris verè tenebrarum, coronam interposito gladio sibi oblatam, quasi mimum martyris, dehinc capiti suo accommodatam, monetur obuia manu capite depellere, & in humerum si fortè transferre, dicens, mithram esse coronam suam. Atque exinde nunquam coronatur : Id quod in signum habet, ad probationem sui, sicubi tentatus fuerit de sacramento : statimque creditur Mithræ miles, si deiecerit coronam, si eam in Deo suo esse dixerit.] Multo inquam potiori iure miles Christi, coronam suam in Deo suo esse, imo Deum suum esse, possit profiteri, quæ ab eodem : et Agonotheta Deo viuo, post omnem imbonitatem rependitur, ut idem ad martyres præclare disserit. c. 3.

*Accidentalīs gloria martyrum stabilis,
siue aureola.*

31. Gloriæ essentialis corollarium, erit aureola, siue speciale illud decus SS. Martyrum quod supra

attigi, nec est omiffum à S. Cypriano l. de laude
 “ martyrij, vt i la eius verba docent. [Beneficiorum
 “ diuinorum, vltra rerum ordinem tanta est merces,
 “ quantum in dicendo humana mediocritas vix
 “ poffit implere. Sanguini noltro patet cœlum; fan-
 “ guini, gehennæ cedit habitaculum. Et inferiorum
 “ omnium gloria pulchrior fanguinis titulus, & inte-
 “ grior corona figuratur. Sic quotiens de hoſte trium-
 “ phalibus ſpoliis onuſtus miles ingreditur, vulneri-
 “ bus ſuis gaudet. Sic quotiens tempeſtatibus diu
 “ nauta fatigatus, littora tuta contigerit, fœlicitatẽ
 “ ſuam de perpeſſo periculo ducit. Eſt enim profectò,
 “ niſi fallor, labor lætus, per quem ſecuritas inue-
 “ nitur.] Et non ita multo poſt. [Adhuc accedunt ad
 “ gloriæ cumulum ornamenta virtutum: Ait enim:
 “ Fulgebunt iuſti, tanquam ſcintillæ in arundineto
 “ diſcurrentes: iudicabunt nationes, & dominabun-
 “ tur populis. Magna eſt enim, fratres chariſſimi, cla-
 “ ritas, vitam ſalutis æternæ honeſtate paſſionis orna-
 “ re.] Exprefſit apertè hunc Cypriani locum Lucifer
 Calaritanus l. quod moriendum ſit pro Dei filio.
 Iuſtos porrò in loco allegato ex Sap. 3. intelligi mar-
 tyres, notauit etiam in eum locum S. Bonauentura,
 rationem reddens illius appellationis, quod marty-
 res damnum ſuum negligant propter Deum, quæ
 eſt ſumma iuſtitia: quippe conſona ſummo illi iuri,
 quod penes D E V M eſt in omnia. Præuiſſe videtur
 S. Eulogius Alexandrinus lib. 5. contra Nouatianos
 apud Photium Cod. 280. vbi illud Pſal. 30. *muta
 fiant labia dolofa qua loquuntur aduerſus iuſtum.* ex-
 ponit de Nouatianis blaterantibus contra Chriſti
 martyres, quos iuſtorum appellatione ait exprefſos.
 Nec incommodè in præmij de quo agimus designa-
 tionem,

tionem, acceperit quis varias Scripturas de peculiari martyrum præmio, quas cōgessit Tertullianus in Scorpiā. c. 12. cum cum ait. [Victori cuique pro-
mittit nunc arborem vitæ, & mortis veniam secun-
dā: nunc latens manna cum calculo candido, & no-
mine ignoto: nunc ferreæ virgæ potestatem, &
stellæ matutinæ claritatem; nunc albam vestiri, nec
deleri de libro vitæ, & columnam fieri in Dei tem-
plo, in nomine Dei & Domini, & Hierusalem cœ-
lestis inscriptam; nunc residere cum Domino in
throno eius, quod aliquando Zebedæi filiis negaba-
tur. Quinam isti tam beati victores, nisi propriè
martyres: Illorum etenim victoriæ, quorum & pu-
gnæ: eorum verò pugnæ, quorum & sanguis.]

32. Sunt qui eodem referant specialia illa martyrum gaudia, quæ illis pro anteriore mœrore reponenda, toties contestatur Spiritus sanctus. Nam Turrecremata q. 2. Euangel. ad festum S. Vincentij, pro se adducens S. Thomam & Espencæus in 2. ad Timoth. digress. 23. vbi latè de aureola agit, martyrum aureolam censent esse singulare illud gaudium quo potentur ob partam victoriā, & inconcusam in cruciatibus firmitatem. Ego tamen aliter de aureola sentio. Nam gaudium de huiusmodi constantia & victoriā, erit appendix ita connexa cum beatitudine inde comparata, vt nō sit habiturum rationem præmij specialis, quale est aureola, quæ proinde aliter exponenda est: vno scilicet duorum modorum quos à diuersis initos video. Prior est, vt aureola explicetur per æstimationem moralem absque physicæ vllius formæ impressione, eo modo quo dignitas & Iurisdictio, perseuerare & specialiter honestare intelligitur, eum, qui ad munus

aliquod delectus est, vel grande aliquod & illustre opus exercuit. Quæ videtur admodum probabilis sententia quoad animam martyris. Posterior est, ut aureola explicetur per impressionem formæ physicæ, eo modo quo fides, docet consignari Christi milites, in Baptismo, Confirmatione, & Ordine. Vel etiam eo modo quo in humanis, torquis à Principe tributus, est nota certorum meritorum, gloriæque ac dignitatis eis repositæ. Similem enim physicam notam, cuius significatio neminem beatum latebit, Doctores non ignobiles, arbitrantur martyribus, æquè ac virginibus, & Doctoribus communicandam, ad internotionem illustrium operum, & autorum à quibus prodierint. Et idcirco aureolam virginum appellari nomen, Isaïæ 56. observavit S. Augustinus lib. de sancta virginitat. cap. 25. Quia verò aureola respondet operibus idcirco sicut parvuli imminutè obeuntes non habent aureolam virginitatis, quia integritas carnis in eis non fuit illustre opus, & ex virtute, ut rectè statuit Viguerius c. 14. §. 3. v. 1. ita martyribus innocentibus, quia eorum martyrium non est nisi obiectivè martyrium, nec est opus virtutis, non rependetur aureola, ut notat Pelbartus in rosario 4. sent. V. Aureola §. 6.

32. Ut verò res se habeat, quoad martyris animam, eiusque spirituales facultates, & siue per moralem solam æstimationem, siue per physicæ formæ impressionem, speciale martyrij decus ei reponendum explicemus, quoad corpora tamen martyrum, multo magis propendo in sententiam Carthusiani in 4. d. 49. q. 8. quæ fert, corpora martyrum post resurrectionem, peculiari aliquo decore & insigni ex-
 terno

terno collustranda : easque præsertim partes in
quas grassatus fuerit Tyranni furor, micaturas supra
pyropos, & quasuis gemmas, extra dubium pono:
& idem satis apertè docet S. Augustinus 2. 2. Civit.
c. 20. verbis illis. [Nescio quo modo sic afficimur
amore martyrum beatorum, ut velimus in illo
regno in eorum corporibus videre vulnerum cic-
trices, quæ pro Christi nomine pertulerunt: & for-
tassè videbimus. Non enim deformitas in eis, sed di-
gnitas erit, & quædam quamvis in corpore, non cor-
poris, sed virtutis pulchritudo fulgebit: Nec ided-
tamen si aliqua martyribus amputata & ablata sunt
membra, sine ipsis membris erunt in resurrectione
mortuorum. quibus dictum est; capillus capitis ve-
stri non peribit, Sed si hoc decebit in illo nouo sæ-
culo, ut indicia glorioforum vulnerum in illa immor-
tali carne carne cernantur, ubi membra, ut præci-
derentur, percussa vel secta, ibi cicatrices, sed tamen
eiusdem membris redditis non perditis, apparebunt.
Quamvis itaque omnia quæ acciderunt corpori
vitia, tunc non erunt, non sunt tamen deputanda
vel appellanda vitia, virtutis indicia.] Pulchrè serm. 103. de diuer. c. 5. agens de gloria corporum. [An-
gelis æquabitur resurgentium multitudo fidelium,
in qua gloriosissima, martyres præcipua sui honoris
luce fulgebunt, ipsaque corpora in quibus indigna
tormenta perpassi sunt, eis digna in ornamenta ver-
tentur.] Rursusque serm. 116. in fine. [Martyres
corpora ipsa sua habebunt magna ornamenta, in
quibus passi sunt magna tormenta.]

Quinetiam ita restituendas esse partes principa-
les abscissas, ut tamen cum duntaxat forata sunt,
maneat hiatus & vacuitas ex perfossione vel vul-
neratione,

neratione, non improbabile argumentum ducitur ex Christi vulneribus in quibus verè perstare foramina & fixuras, communis sententia fert, latè stabilita à Suare t. 2. 3. p. d. 53. s. 2. Qui contrarium quoad martyres tribuit Dominico Soto in 4. d. 44. q. unica art. 3. Sed reuera Sotus, non satis aperit se in ea esse sententia. Tantùm enim ait reddenda martyribus mēbra præcisa, V. G. caput aut brachia, & eo loco quo gladius membrum truncans immisus fuerit, micaturum insignem splendorem. An verò vacuitas aliqua in vulnerum loco sit futura, non discutit Soto. Futuram autem, dico esse non improbabile, argumento ducto ex Christi vulneribus. Quanquam Euthymius Lucæ 24. ait nullum Sanctorum præter Christum, post resurrectionem habiturum in corpore vulnerum cicatrices, id est vulnera perfossa, qualia in Christo perstiterunt. Sed nihil profert ad persuadendum, peculiare Christo esse oportere, ut in eius sacro corpore rediuncto, vulnerum hiatus permaneant. Nec videtur dubitandum, quin proportionē debita semper seruata, Christi Domini & eorum qui similitudini mortis eius sunt complantati, par sit ratio, quoad statum corporis, & animæ decora: ut propterea non placeant qui Christo martyrum primicerio aureolam martyrij abrogant. Quamuis rectè Richardus quodl. 1. art. 1. q. 6. admoneat, Christum in modo accipiendi aureolam martyrij ab aliis martyribus discipulare, quod alij martyres iaciant coronas suas sicut thronum agni; hoc est à Christo saltem moraliter & meritorie sua illa ornamenta accipiant; adhibita confessione eorum coram patre, hoc est luculento præconio in certu totius

totius cœlestis aulæ vt S. Chrysostomus interpretatur, magnificentiam commendationis illius meritò extollens: Christus autem non ab alio exornetur, quàm à seipso prout Deo.

Martyres ad certamen animati, vtriusque gloria proposita, obiecta.

34. Vtriusque propositæ æternæ gloriæ ostentatione, martyres designatos ad constantiam & cruciatuum despectionem inuitare, familiare ac propè perpetuum est Patribus, qui turbidis Ecclesiæ temporibus & feruentibus persecutionibus scripserunt. Præter cœteros, S. Cyprianus, in hoc argumento exultat, cum alibi non semel, tum optimè l. de exhortat. martyrij c. 12. vbi longam confirmationem gloriæ martyribus repositæ, obsignat hac clausula. [Quis ergo non omnibus viribus elaboret, ad tantam claritatem peruenire, vt amicus Dei fiat, vt cum Christo statim gaudeat? vt post tormenta & supplicia terrena, præmia diuina percipiat? Si militibus sæcularibus gloriosum est, vt hoste deuicto redeant in patriam triumphantes; quanto potior & maior est gloria, victo diabolo ad paradysum triumphantem redire, & vnde Adam peccator eiectus est, illuc prostrato eo qui ante deiecerat, trophæa victricia reportare? Offerre Deo acceptissimum munus, incorruptam fidem, & virtutem mentis incolumem, laudem deuotionis illustrem? Comitari eum, cùm venire cœperit, vinctam de inimicis recepturus; lateri eius assistere, cùm sederit iudicaturus? cohæredem Christi fieri? Angelis adæquari? cum Patriarchis, cum Apostolis,

« lis, cum Prophetis, cœlestis regni possessione læ-
 « tari? Has cogitationes quæ persecutio potest vin-
 « cere, quæ possunt tormenta superare? Durat for-
 « tis & stabilis religionis meditationibus fundata
 « mens; & aduersus omnes Diaboli terrores & mi-
 « nas mundi, animus immobilis perstat, quem fu-
 « turorum fides certa & solida corroborat. Claudun-
 « tur oculi in persecutionibus terræ, sed patet cœlum:
 « Minatur Antichristus, sed Christus tuetur: mors
 « inferitur, sed immortalitas sequitur: occiso mun-
 « dus eripitur, sed restituto paradisu exhibetur: vi-
 « ta temporalis extinguatur, sed æterna reparatur.
 « Quanta est dignitas, & quanta securitas, exire
 « hinc lætum, exire inter pressuras & angustias glo-
 « riosum, claudere in momento oculos, quibus ho-
 « mines videbantur & mundus, & aperire eosdem
 « statim, ut Deus videatur & Christus? Tam felici-
 « ter migrandi, quanta velocitas? Terris repente
 « subtraheris, ut in regnis cœlestibus reponaris.]

35. Hoc item incentiuo SS. Martyres in tot
 ærumnis & cruciatibus, seipsos ad constantiam &
 generosam mortem animabant. Res est vbiuis
 obuia. Sed insigne est exemplum S. Gordij, quem
 Basilii ostentatis à Præsidente horrendis suppliciis ni-
 « à fide deficeret, inducit sic respondentem. [Corri-
 « pite corpus, membra frustrati cædantur. Denique
 « quodcunque de me supplicium volueritis, sumite.
 « Nolite mihi beatam spem inuidere. Quanto enim
 « mihi plus tormentorum accesserit, tanto plus refe-
 « ram præmiorum. Res enim in hac vita aduersæ,
 « nobis apud Deum perpetuam pariunt voluptatem.
 « Si vulnera mille ac cicatrices patimur, in resurre-
 « ctione splendido induemur amictu. Pro contume-
 lia,

lia, atque ignominia, palmas atque coronas alle-
quemur. Pro vinculis & carcere, per ampla paradisi
spatia læti vagabimur. Pro accusatione demum, at-
que iniqua cōdeinnatione, gloriam ex Deo & An-
gelis referemus. Minæ vestræ, semina mihi sunt di-
uina, vnde immortalitatē, perperuāque gaudia me-
tam.] Illustre item præter cæteros est, exemplum
SS. Confessorum & martyrum designatorum, quos
Hunerici crudelitas in Africa immaniter vexauit.
Quatuor millia, insupérque nongenti sexaginta sex,
è clero Africano, præter laicos, captiui tenebantur fi-
dei causa. Sanctus hic exercitus, quāta in ea captiui-
tate pateretur, & quo munimine pectus roboraret,
ex his paucis verbis Victoris Vticensis testis oculati
l. 2. persecut. Vandal. audire licet. [Grauius affli-
guntur, iactantur Confessores Christi superinui-
cem angustia coarctante vnus super alium vt agni-
na locustarum, & vt propriè dicatur, vt grana pre-
tiosissima frumentorum. In qua constipatione, se-
cedendi ad naturale officium, nulla ratio sinebat
loci, sed stercora & vrinam urgente necessitate ibi-
dem faciebant, vt ille tunc fœtor & horror, vni-
uersa pœnarum genera superaret. Ad quos ali-
quando dantes ingenria munera Mauris, dormien-
tibus Vandalis, vix clām admissi sumus intrare. Qui
introeuntes veluti in gurgite luti, vsque ad genua
cœpimus mergi, illud tunc Hieremiæ videntes fuis-
se completum, qui nutriti sunt in croceis, amplexati
sūt stercora sua. Quid multa? præcepti sunt vndique
perstreptentibus Mauris, ad iter vbi destinati sunt
præparari. Exeuntes itaque die Dominica. linita ha-
bentes stercoribus vestimenta, facies simul & capi-
tæ, à Mauris tamen crudeliter minabantur, hym-
num

num cum exultatione Domino decantantes, hæc est gloria omnibus sanctis eius.] Quod erat dicere, se libenter pædorem illum ac putorem, vel potius mephitim teterrimā, sustinere; quod probè nossent illac iri ad astra, illhac incessisse anteriores omnes martyres, & Christum ipsum. Eum callem per hoc leue ac momentaneum tribulationis nostræ, ad æterna & immensa gloriæ pondera fœlicissimè obtinenda deducere. Itaque procul esse oportere mœrorem omnem, ab iis quos post tantulam turbationem, tanta apud Deum gloria maneat; Quibus quod de S. Stephano Arator Diaconus iam olim cecinit,

[gloria pœna est,
Et cadere est ortus, iugulisque parentibus, æuum
Nascitur, æterna complectens munera vita.]

P A R S T E R T I A.

*Sitne aliquod præterea martyrium præse dictum
Siue utri ex duobus martyriis hætenus expo-
sitis, latè inquam an præse dicto, accensenda
sit mors, in aditione discriminis ad proxi-
mum ex charitate subleuandum appetita, con-
cluditurque esse præse dicto adiungendam.*

1.



Vc spectauit omnis ante-
rior de martyrio tractatio,
ut in argumento proposui.
Ex principiis enim quæ in
duabus partibus prioribus sūt iacta, cruen-
dum

Status controuersie & in ea pars negans. 385
dum erit , quid in præsentī controuer-
sia sit statuendum , si prius ipsum contro-
uersiæ statum , & qui , ac quorsum in di-
uersa abierint , exposuero.

C A P V T I.

*Status controuersie de martyrio in causa propo-
sita. Statuitur esse saltem latè dictum. Non
esse pressè acceptum , quæ suadere
videantur.*

PErceptis illis quæ hætenus de duplici marty-
rio sunt tradita , liquidò constabit , non posse
hoc loco esse dubium de martyrio latè accepto.
Multo enim potiore iure, ambitu illius coercēda est
aditio hæc voluntaria sūmi discriminis, & mortis in
eo appetitio, quàm plerāque alia, minoris vt ita di-
cam impensæ longēque leuiora, ac etiam infructuo-
siora opera, quibus martyrij laxiùs sumpti nomen à,
grauissimis Patribus adscriptum vidimus parte 1.
Itaque hoc ratum & fixum esto. Sed difficultas est
de martyrio pressè accepto , quod proximè parte
2. in vulgari & indubitato exemplo descripsimus:
& vidimus consummari voluntaria & honesta mor-
tis perpeffione , ad veritatis reuelatæ testificatio-
nem firmandam : vnde gratiæ sanctificantis infusio,
supra mēsuram operi operantis rependendam exi-
stit: itēque specialis gloriæ essentialis , gratiæ san-
ctificanti speciali , respondentis , ac aureolæ com-
municatio. Hanc enim martyrij pressè accepti no-
tionem , non cadere in opus de quo agimus, multa
sunt quæ euincere videntur.

Mortem ex proximi charitate appetitam, non esse martyrium, argumenta ab auctoritate.

2. In primis vt iuxta D. Augustini sententiam rationi aperiat auctoritas ianūam, nemo Theologus Scholasticus ante hoc tempus, inter tam multos qui de martyrio disseruerunt; siue exponentes supernaturalem virtutem fortitudinis, siue baptismum, eamque analogiam cum martyrio ex qua ducta fuit appellatio baptismi sanguinis; nemo item moralium Theologorum, siue summiistarum, quorum de martyrio sententiæ prostant; SS. denique Patrum nemo, aliud verè ac propriè dictum martyrium agnouit, quàm quod proximè exposuimus parte 1. nempe quod ab alio irrogatur in fidei odium: siue fidem spectemus vt cognoscentem, quæ est eius functio primaria, siue vt operantem: A qua martyrij notione, & ratione, mors quæ ex aditione voluntaria propositi discriminis incurritur, abest quàm longissimè. Hoc porro argumentandi genus, tametsi quia à silentio duntaxat Scriptorum dicitur, non sit plerunque magnæ efficacitatis; tamen in materia tam multorum tantorumque studiis ac scriptis protrita, non poterit non mouere prudentem æstimatorem; qui exploratam habuerit, Scriptorum, præsertim recentiorum diligentiam. Hæc enim, cum modos omnes quibus subiri ab aliquo potest martyrium, tam accuratè digesserit, nusquam tamen istius meminit: haud dubiè quia nec agnouit.

Fortiùs etiam ac validiùs sententiam propositam quatit, quod disertè aliqui, opus de quo controuersia

uersia mouetur attingentes , tametsi à charitate plurimum commendant , ab hoc tamen martyrij decore non laudant , quod tamen minimè omnium dimittendum fuisset , aliis eius prærogatiuis tam studiosè digestis : vt videre est apud Ioannem Briært quodlib. 3. *sub finem* & apud Gabrielem Biel in q. de fuga per pestis tempus , conclus. 9. (habetur inter Gabrielis sermones , post sermonem Domin. 24. post Pentec.) itémque apud Claudium Espen-cæum l. 3. digressionum cap. 19. Apertiùs Gabriel Vasques 3. p. d. 153. cap. 3. conceptis verbis docet [si quis ex charitate se offerat morti , vt liberet à morte aliquem , vel ab ægitudine , non erit martyr , quamuis ex charitate moriatur , sed debet pati propter Christum à Tyranno.]

3. Quid quod S. Cyprianus l. de mortalit. quo pauefactos , lue in omnes æquè grassante , fidelium quorundam eneruium molles animos firmat ; cum inter alia quibus nonnulli meticulositati suæ in eo discrimine abblandiebantur , illud esset , quod martyrij spem præripi sibi ea morte viderent ; S. Antistes non eò recurrit quod fuisset expeditissimum , maximam martyrij segetem per tempus pestis præberi , opitulando ex charitate , iis qui subuentione egerent , vt semper egent in huiusmodi calamitatibus quàm plurimi : sed respondet , martyrij decus quod homini Deo decernente obtingit , æternæ prouidentiae scitis permittendum esse , & quodcunque illa tulerint , patienter & æquanimiter esse excipendum. [Fortasse (inquit) aliquis opponet & dicat , hoc me ergo in præsentī mortalitate contristat , quod quod qui paratus ad confessionem fueram , & ad tolerantiam passionis toto me corde & plena vir-

tute deuoueram , martyrio meo priuor , dum morte præuenior.]

Hoc segnitiei , & iusto auctioris erga vitam amoris munimentum , ita disiclit S. Cyprianus. [Primo loco , non est in tua potestate , sed in Dei dignatione martyrium : nec potes te dicere perdidisse , quod nescis an merearis accipere. Tunc deinde Deus scrutator renis & cordis , & occultorum contemplator & cognitor , videt te , & laudat , & comprobatur : & qui perspicit apud te paratam fuisse virtutem , reddet pro virtute mercedem. Nunquid Cain , cum Deo munus offerret , iam peremerat fratrem ? Et tamen patricidium mente conceptum , Deus prouidus ante damnauit. Vt illic cogitatio mala , & perniciofa conceptio , Deo prouidente prospecta est ; ita & in Dei seruis , apud quos confessio cogitatur , & martyrium mente concipitur , animus ad bonum deditus Deo iudice coronatur. Aliud est enim martyrio animum deesse , aliud animo defuisse se martyriũ.] Et post nonnulla quibus hoc illustrat , addit. *Meminisse debemus* , voluntatem nos , non nostram , sed Dei facere debere ; secundum quod nos Dominus quotidie iussit orare. Quod monitum diffusè ac potenter vrget. At liquet , responsionem hanc vniuersam , ad difficultatem motam , tametsi idonea sit ; tamen præ illa alia quæ duci potest ex sententia quam excutimus , vix quadrare. Ideoque hac prætermisssa , proferendam omnino à S. Cypriano fuisse illam aliam , si eam niti veritate existimasset.

4. Idem S. Cyprianus , grassantis pestilentie commodum ingens , ad meticulosorum gustum , profert immunitatem à martyriis , quibus infirmi plerique concutio

concutiebantur. Itaque eos qui diuinam in suos benignitatē concessio illo molliore excessus genere nō agnoscebant, acriter his verbis castigat. [Improuidi & ingrati sumus, fratres dilectissimi, ad diuina beneficia, nec quid nobis conferatur agnoscimus. Excedunt ecce in pace tuta, cum gloria sua virgines, venientis Antichristi minas, & corruptelas, & lupanaria non timentes. Pueri periculum lubricæ ætatis euadunt, ad continentiæ atque innocentæ præmium, feliciter perueniunt. Tormenta iam non timet delicata matrona, metum persecutionis & manus, cruciatūsque carnificis, moriendi celeritate lucrata.] Hinc quis non videt plurimum momenti accessurum ad S. Cypriani ratiocinationem, si adderet, huiusmodi tranquillum excessum, & incruentum ad cælos abitum, non idcirco obsolescere apud eos oportere, quod sit etiam verum absque Tyranno martyrium, cui emergendo, generosa calamitatis aditio viam sternat? Nihil huiusmodi vrget S. Cyprianus: sed mollitiei infirmorum attemperans orationem, ait in lucro eos ponere debere, quod hoc diuino flagello correpti, immunes futuri sint à cruciatibus pro fide inferendis, quorum plerōsque, tantus non metus modò, sed & horror percellerat, vt nullum satis remotum latibulum, nullum recessum satis celerem arbitrarentur.

Tandem recensens idem S. Pater, fructus, quibus diuina charitas de spinis vuas & de tribulis ficus colligens, pestilentiae immisione fecundatum agrum Ecclesiæ conuestit, multos magnosque recenset: cæterum omnes ab eo quem excutimus fructu alienissimos. Adscribo hanc quoque ex scriptore ornatissimo plagulam, quod & ad institutum

maximè faciat, & videam quæ nuper hîc experimēto ac sensu nostro discere licuit, perbellè expressa tanto ante. [Pauore mortalitatis & temporis, accenduntur tepidi, constringuntur remissi, excitantur ignaui: desertores compelluntur, vt tedeant: gentiles coguntur, vt credant. Verus fidelium populus ad quietem vocatur; ad aciem recens & copiosus exercitus robore fortiore colligitur: pugnaturus sine metu mortis, cum prælium venerit, qui ad militiam tempore mortalitatis accedit. Quid deinde illud fratres dilectissimi, quale est, quàm pertinens, quàm necessarium, quod pestis ista & lues, quæ horribilis & feralis videtur, explorat iustitiam singulorum; & mentes humani generis examinat? An infirmis seruiant sani; an propinqui cognatos piè diligant; an misereantur seruorum languentium domini; an deprecantes ægros non deserant medici; an feroces violentiam suam comprimant; an rapaces, auaritiæ furentis, insatiabilem semper ardorem, vel metu mortis extinguant; an ceruicem flectant superbi; an audaciam leniant improbi; an pereuntibus charis, vel sic aliquid diuites largiantur, & donent, sine hærede morituri. Vt nihil aliud mortalitas ista contulerit, hoc Christianis & Dei seruis plurimum præstitit, quod martirium cœpimus libenter appetere, dum mortem discimus non timere. Exercitia sunt nobis ista, non funera, dant animo fortitudinis gloriam, contemptu mortis præparant ad coronam.] Expendenda præsertim in rem nostram hæc clausula, qua S. Cyprianus summum pestilentie decus statuit, quodd hominem in rebus terrenis auulsum, & imminentis in horas singulas mortis horrorem, dedoctum, martyrio cruento appetet:

tet: non quod etiam martyrem faciat, si tempore
vſus benè, calamitatem alienam in heroicæ chari-
tatis exercitium vertat.

Eiusdem partis negantis, rationes.

5. Accedunt rationum firmamenta, quæ videri
iure poſſint ineluctabilia. Primum eſto, debere mar-
tyrium alienæ violentiæ opus eſſe, nec cuiuſcunque,
ſed illatæ in odium fidei, aut veritatis reuelatæ, vt
fert conſtans doctrina Scholaſticorum, firmata a-
bundè parte 2. Et apertè S. Optatus l. 3. temerarium
eſſe ait, martyrem exiſtimare, eum qui extra bellum
Chriſtianum ceciderit. Bellum autem Chriſtianum
interpretatur, perſecutionem à Tyranno fidei ho-
ſte. At me etiam tacente, nemo non perſpicit, eos
qui voluntariè discrimini ad proximum ex charita-
te ſubleuandum ſe committunt, ſi pio illi operi im-
morianſur, aliena vi non cadere: & multo minùs in
veritatis alicuius reuelatæ odium ſubire mortem.
Non eſt igitur in morte, opus illud, (ſanctum cæte-
rò qui ac pium) conſequente, prærogatiua martyrij.

Deinde iuxta principia quibus neceſſe eſt niti ſen-
tentiam quam excutiſmus, fatendum erit mortem
in cuiuſcunque boni operis exercitatione obitam,
ad martyrium ſufficere. V. G. religioſus qui ex præ-
fecti ſui præſcripto, ſuſcipit iter aliquod, benè gna-
rus imminentis in eo itinere periculi vitæ, ſiue ab
æſtu, aliisſque incommodis tempeſtatis ad iter ca-
peſſendum inidoneæ, ſiue à feris, vel ſerpentibus,
ſiue ab aliqua eiufmodi cauſa naturali, aut etiam à
cauſa libera, puta prædone, nihil tamen niſi de au-
ferendo cum vita viatico, ſi quod viator habet, co-

gitante; dummodò prudenter daret se itineri, & mandati executio temeritate vacans & prudens esset, deberet inter martyres numerari, si contingeret in ea obedientiæ executione mortem occumbere. At hoc pacto innumeri statuendi essent martyres, præter eos quos hæcenus Ecclesiæ sensus martyrij dignitate exornatos agnouit. Idem esset de aliis plerisque exemplis passim obuiis statuendum. VG. de eo qui conspiciatus hominem intra aquas periclitari de vita, ac fortassis etiam de animæ salute si inexpectatus excederet, sciens demittit se in aquas, ut certo suo periculo eximat hominem, corpore alioqui & animo periturum. Qui enim in eo charitatis opere vitam poneret absorptus aquis, iuxta principia sententiæ in quam inquirimus, habendus esset martyr, contra quàm ferat communis omnium existimatio, atque recepta doctrina.

6. Non debeo missum facere exemplū in hac ipsa materia peste contactorum, quod rem sub oculos ponit quàm apertissimè. Benè multi lucellum aliquod captantes, in proximorum peste laborantium subsidium locare operam solent, pretio constituto. Hos Ioannes Briacēt quodlib. 3. *circa ultimam partem secundæ propositionis*, maximæ stultitiæ, & grauis peccati damnat, allegato Hieronymo cap. *vide* 1. q. 1. eo quod vitam, rem utique omnium humanarum pretiosissimam, pro pecuniola prodigant. Tamen certum est, citra noxam imò cum laude & merito, posse aliquem in illam ægrorum subuentionem locare operam, & frui cupere pretio constituto, in quod principaliter non intendat, sed duntaxat tanquam in iustum periculosi operis stipendium. Non enim propterea vitam postponit pecuniæ,

nix, sed subuentioni proximi, iusto illo stipendio compensata: Itémque vitam suam lautius postmodum & commodius exigendā, præponit vitæ, quam nunc per rei familiaris angustias miserè tenuitèrque traducit. In qua vitæ propriæ, & charitatis proximo impensæ; vel eiusdem vitæ, miseræ primùm, tum lautè ac commodè exigendæ contentione, nihil est præposterum, quódque stultitiæ, vel grauis peccati damnatum oportuerit per se loquendo. Hieronymus autem ineptè allegatur, cum tantùm damnet eos qui ad captandam gloriam inanem, & populi ruinusculos, mortè oppetunt: quos negat, etiāsi in bona alioqui causa sic mortè oppetant, esse verè martyres, quod quid ad rem præsentem? Cum igitur hæc ægrorum subuentio, ex locata ad id opera, possit sanctè & prudenter suscipi, admittendum consequenter esset, quoquot huiusmodi ministerio immoriuntur, esse strictè ac propriè martyres. Quod quis non videt ridiculum esse, adeoque ab Ecclesiæ sensu abhorrens, vt ne impugnari quidem debeat?

7. Saltem verò iuxta principia sententiæ quam examinamus, non erit neganda martyrij laurea, iis qui ne se polluerent, mori maluerunt. Quibusdam enim morbis opportunum esse vsum Veneris, nonnulli Medici tradiderunt apud S. Ambrosium epist. 66. quibus recentiores nonnulli adhæserunt vt Cagnatus. 1. variar. cap. 1. & Septalius sect. 4. probl. q. 17. Et quamuis id rectè explodat Scalliger exercit. 269. & alij quos profero in tractatione de Temperantia, num. 170. tamen certum est, nonnullis visum esse quod dixi: imò censuisse, ex obfirmata Veneris auersatione, posse aliquando mortem ingruere. Qua in sententia manifestè fue-

runt qui valetudinem curabant Thomæ Archiepiscopi Eboracensis in Angliæ, æqualis S. Anselmi. Refert enim Rogerius in Annalibus Anglicanis, medicos de eius morbo consultos negasse nisi vsu Veneris cufari posse. Quod deuotæ Dei castitatis excidium execratus Præsul, respondit. [Væ ægritudini cui talis competit medicina.] Notum & illud Politiani de Michaële Verino iuvene Hispano.

Sola Venus potuit lento succurrere morbo,

Ne se pollueret, maluit ille mori.

De Iacobo Rossa Cardinali & Archiepiscopo Vlyssiponensi è regio sanguine Lusitano, scribit Alphonsus Ciaconus in opere de gestis Pontificum, eum anno 1419. Florentiæ mortuum, quod spondentibus salutem Medicis si coitu vteretur, auscultare contra Deum, renuisset. Denique Guido Montisfortis, vt est apud Fazellam in Sicula histor. dec. poster. l. 9. ne in captiuitate, adúlterio commacularetur, morbo extingui maluit, quem Veneris vsu leuandum, aiebant Medici. Eius ergo sententiæ quisquã, Sacerdotio aut religiosa professione illigatus, vel castitatis illibatæ Christi præconiis celebratæ, amore flagrans, si necessarium ad mortem deuitandam remedium aspernetur, indéque gliscat morbus & mors consequatur, martyribus erit annumerandus. Mortem quippe oppetit, ob virtutem cuius splendor æquè reuelatus est, ac charitatis in proximum. Nemo tamen non videt, alium fuisse hactenus Doctorum sensum, & Ecclesiæ persuasionem.

8. Alia ratio aduersus sententiam propositam, ex eo ducenda est, quod contrapugnatio, gloriã martyrij non obscuret modò, sed etiam prorsus euertat. Atqui quotquot subuentionem proximorum cum vitæ

vitæ periculo arripiunt charitate ducti, & reipsa contra nituntur, & niti obstringuntur. V. G. qui lue contactos iuant, tenentur quibus possunt alexipharmacis & antidotis se à lue indemnes præstare, & mortem à se, quanto studio licet, auertere. Non sunt igitur veri martyres, quos velut agnos coram tondente se stare, & mortem patientissimè excipere, exclusa contrapugnatione ac renisu necesse est, vt parte 2. monstrauimus. Quid quod vel ipse vocis cortex, excindere nouitium hoc placitum videtur? Martyr enim à testificando dicitur. At qui inter Christianos & in alta Ecclesiæ pace, mortem in charitatis exercitatione appetit, nulli per Christum reuelatæ veritati testimonium præbet. Vel ex ipso igitur nomine liquere potest, martyrem non esse, quem attestari Christo debere, vocis cortex, & extima notio docet.

Denique sensus communis videtur planè ferre non esse martyres, qui in ministerio hoc charitatis animam ponunt. Constat enim, suffragia precum & sacrificiorum, aliis Catholicè obeuntibus impendi solita, his quoque exhiberi; non vulgo tantum, aut apud rudes duntaxat, sed etiam apud peritos; quos tamen non potest latere, illud pronunciatum, ex Augustino supra tractatum, & ab Innocentio adductum, tanquam erutum è Scripturis; nempe quoad sensum, tamen si non quoad verborum corticem; [Iniuriam facit martyri qui orat pro martyre.] liquere igitur videtur eos non agnosci martyres propriè & presè; quales esse oportet eos qui suffragiorum nostrorum exhibitione, non sunt per superstities adiuvandi, quia illico à morte pro Deo appetita, puri planè ac nitentes, inferuntur cælo, ignibus emenda

emendatoriis nequaquam aditis, cum omnis in eis peccati rubigo, exceptione mortis exactè sit deterfa.

C A P V T II.

Contraria & vera sententia quæ aditionem voluntariam periculi ad proximi salutem curandam, morte consecuta, pressè dicti martyrij decore exornat, Patrum auctoritate communitur.

1. **I**N contrariam sententiã, quæ opus de quo agimus veri martyrij titulo honestat, lubens eo. Ut autem solidè ac distinctè confirmetur, ordiendum est à Patrum suffragio: cui probationi, sensum Ecclesiæ, quæ columna est ac firmamentum veritatis, subnectum: aliãque insuper probationem, quæ ex mutis sanctorum vocibus, hoc est ex eorum in hoc genere illustribus factis, & generosa discriminum aditione ducitur. Non enim minùs auidè ac strenuè in hanc arenam descenderunt, nec minùs certi diuinæ mercedis, huic veritatis reuelatæ testimonio rependendæ, quàm si in causâ fidei sanguinem profusuri, in Tyranni alicuius conspectum venissent. Tandem rationes ex Scripturæ locis depromptas proponam, ex quibus facili negotio enodabo, quæ in contrarium sunt adducta.

Suffragium Clementis Alexandrini.

2. In prima acie quæ Patres complectitur, agmen ducet Clemens Alexandrinus, scriptor omnium

um consensu vt antiquissimus, ita & doctissimus. Is libro 4. stroma. quem propè totum martyrio impendit, cum de grauitate sceleris quo fides abnegatur, & generosæ confessionis nobilitate, verique pro fide martyrij gloria disputasset, subdit. [Fidelis dictus est, & seruus, & amicus. Quare si quis se ipsum diligit, diligit dominum, & confitetur salutem, vt suam seruet animam. Atqui si vel pro proximo moriaris, propter charitatem, existimes seruatorem nostrum esse propinquum. Deus enim appropinquans dictus est, is qui seruat, & qui seruatur, mortem eligens propter vitam, & propter te ipsum potius quàm propter illum patiens. Et nunquid propterea dictus est frater, qui passus propter suam in Deum dilectionem, passus propter propriam salutem, & qui rursus moritur propter propriam salutem, sustinet propter dilectionem domini? Etenim ipse cum esset vita propter nos pati voluit, vt eius passione viueremus.] Apertè Clemens, martyrum numero accenset eum, qui propter charitatem proximo impensam, mortem obit, quem Seruatoris Christi, imaginem quandam esse vult: quod quantum seruatus est, utique à Christo, vtcunque tamen proportionale beneficium ei impendit, cuius per charitatem fit seruator, tanto suo lucro, & diuinæ remunerationis immensitate, vt propter seipsum potius, quàm propter proximum passus dici posse videatur. Quod est de hac ipse re intra naturalis amicitiae fines spectata, iudicium Philosphi 9. Ethic c. 8. Addit Clemens, hunc propterea *fratrem* communi illius temporis Christianorum appellatione nominandum, quod Christi frater verè sit, cuius profusam in nos charitatem, mors ex charitate

tate pro nobis oppetita facit testatam. Sed hanc Christi, & huiusmodi servatorum analogiam, infra in utriusque pressè dicti martyrij contentione, diligentius ac distinctius prosequar. Nunc quod Clemens tradit, hoc arripio; eadem nimirum sorte cum martyribus pro fide cæsis, censerì ab eo illos qui ex proximi charitate mortem oppetunt.

Item S. Dyonisij Alexandrini, atque Ruffini.

3. Fuit in eadem sententia S. Dionysius Alexandrinus in epistola Paschali, cuius fragmentum extat apud Eusebium l. 7. c. 17. aliàs 20. Descripta enim immani lue quæ orbem Romanum depasta est, in Christiani sanguinis immaniter effusi ultionem, extollit flagrantissimam multorum cuiusvis ordinis fidelium in ægris iuvandis charitatem, quam
 “ plurimum ab omnibus collaudatam testatur: [adeò
 “ ut (inquit) istud mortis genus quod propter incre-
 “ dibilem pietatem & robustam fidem suscipiebatur,
 “ nihil à martyrij splendore abesse videretur.] Ita habet Christophorsoni interpretatio, Græcum Eusebij contextum fideliter reddens, in quo sic habetur.
 Ὡς καὶ τῇ θανάτῃ τῆτο τὸ εἶδος διὰ πολλὴν εὐσί-
 βειαν, καὶ πρὶν ἰσχυρὰν γινόμενον, μηδὲν ἀποδῆν
 μωστέρῳ δοκεῖν. Nihil planè distare visa est, promiss illis Ecclesiæ temporibus hæc mors, à splendore vulgaris martyrij quod in causa fidei subitur. Qui tunc communis in Ecclesia, Dyonisij quoque viri doctissimi & sanctissimi sensus fuit, quando illum non refert modò, sed etiam in confirmationem præconij quod ibi sanctis illis pugilibus pangit adductum voluit.

Possum

Possum Ruffinum quoque huic sententiæ astipulatum dicere. Nam in hystoriæ Eusebij interpretatione, longè aliter Dyonisium expressit, paraphrastem de more, & interpolatorem agens, non interpretem. Quanquam ad præsens institutum, non minùs commodè habet quod est apud Ruffinum. Sic enim refert adductam Dyonisij sententiam. [Constantissima & ardentissima fide, tanquam si martyrij tempus instaret, miserando infirmos, semetipsos huiusmodi mortibus inferebant, misericordiæ ex hoc martyrium capere præsumentes.] Hæc ut vides, non Eusebij, vel Dyonisij ab Eusebio adducti, interpretatio, sed Ruffini sententia est: ut liceat proinde, Ruffinum tanquam ex sua mente locutum, allegare seorsim in rem nostram. Er norunt sanè qui hominem norunt, quàm hoc illi in alienis operibus vertendis frequens imo iuge fuerit, ut non aliorum quos interpretabatur dicta proferret, sed sua conderet. Verba sunt S. Hieronymi l. 2. apologiæ aduersus eum, hoc improbantis in Latina Origenis per eundem Ruffinum interpretatione. Idem latè quoad interpretationem Eusebij hystoriæ factam à Ruffino, demonstrat Christophorus, præfatione ad suam eiusdem hystoriæ interpretationem. Nec dubito quin Clementis recognitionum editio auctior à Ruffino facta, eiusdem sit genij: Ut taceam de opere Sixti Pythagoræi, de quo sæpè quæritur S. Hieronymus. Equè igitur in propositi ex Dionysio loci interpretatione, Ruffinum habemus, non tam interpretem, quàm autorem ac proinde meritò seorsim proferri potuit.

Quadam ex Origene.

4. Ausim in hanc quoque sententiam laudare Origenem tract. 9. in Ioan. à quo Clemens Romanus profertur. Et quamvis neuter directè statuatur quod intendimus, facile tamen erit ex argumentatione quam conficit Origenes, institutum concludere. Statuerat Origenes, Christum esse illum Agnum Dei qui tollit peccatum mundi: Illum inquam agnum qui ad cædem ductus est, & coram tondente se, mutus fuit; victima factus omnium nostrum piacularis: quam eius pro nobis immolationem verumque martyrium, cæteri quotquot consecuti sunt SS. martyres studiosè sunt æmulati, iuxta Origenem. His ita circa literæ corticem constitutis, ut est ingenium hominis allegoricum, & captandis semper mysticis sensibus intentum, excurrit Origenes in laudationem virtutis eorum, qui Christi imitatione pro aliis purgandis iuvandisque, sibi non parcunt, quos æquè ac SS. martyres, esse ait victimas cognatas primariæ illi victimæ quæ Christus est, & purgantes eos pro quibus offeruntur. Exemplum eorum proponit filiam Iephte, & eos qui per tempus pestis, saluti communi deovent suam. Idque ex Gentilium etiam sensu confirmat. Ait enim. [Notum autem atque testatum cum sit apud Gentiles, multos cædi pro communi hominum salute seipso tradidisse, cum pestilentes morbi suam patriam inuasissent: Et hæc evenisse admittit non sine causa scripturis credens, Clemens ille fidelis, de quo hunc in modum testificatur Paulus, dicens: Cum Clemente, & reliquis coadiuto

coadiutoribus meis, quorum nomina sunt in libro
 vitæ: Similem habent dissimilitudinem apud eum
 qui velit mysteria quæ multos latent, incusare,
 quæ de martyribus traduntur, Deo magis appro-
 bante, ut vel asperissima supplicia suscipiamus, dum
 confitemur illius diuinitatem, quam à tot rebus,
 quæ malæ existimantur, liberari ad breue tempus,
 sermone nostro ubique sequentes voluntatem ini-
 micorum veritatis.] Tum post aliquam circa SS.
 martyres in fidei causa occumbentes excursionem,
 ad Christum verum agnum Dei, tollentem pecca-
 tum mundi, ita regreditur. [Cæterum multum
 immorati sumus de martyribus verba facientes, at-
 que enarrantes de his qui perierunt ob pestilentes
 constitutiones, ut videremus excellentiam illius qui
 ductus est velut ovis ad cædem, quique sicut
 agnus coram tondente fuit mutus. Namque si ali-
 qua à gentibus non falsò historiis mandata sunt, ali-
 qua verò tum de martyribus sunt dicta, qui fue-
 runt mundi purgamenta, tum de Apostolis, qui
 omnium reiectamenta ob hanc causam dicuntur,
 quid & quantum sentiendum est de agno illo
 Dei, qui ob hanc causam sacrificatur, ut tollat
 peccatum mundi, pro quo & pallus est.]

Hic Origenis locus eatenus ad rem facit, quate-
 nus SS. Martyres antonomastice dictos, hoc est
 vulgares seu pro fide morientes, cognatas Chri-
 sti victimas statuens, similes iisdem facit, (quam-
 uis in dissimili materia, & ex fine dissimili, ut pro-
 pterea similem hanc esse dissimilitudinem dicat;) eos qui apud Ethnicos tempore pestis fiebant pur-
 gamentum, aut ut S. Ambrosius ser. 8. in Psal. 118.
 appellat, *lustramentum* ciuitatis: Idque in diuina

causa præstitisse ait SS. martyres, quod illi ciuitatum periculo suo redemptores, in mala. Neque enim bonum esse potuit, mortem oppetere, ad salutem publicam, misanthropi Satanæ placatione curandam. Iuxta sensum tamen Ethnicorum, quem Origenes ea ex parte non improbat, imò ratum habet, annuitque S. Ambrosius l. 7. in Lucam *in ipso fine*, seruatores illi, sanctissimè & simili cum Christianis martyribus consilio ac laude, alienæ saluti suam impenderunt, vtrique idipsum præstantes quod Christus ad vniuersorum salutem præstitit.

5. Non obscurè igitur Origenes eo loco, martyrij decus in illis agnoscit, qui non ad Satanæ nequitiam maleficio nouo auertendam, sed prælucente fide, ex Christiana charitate, æmulati eum qui animam suam pro nobis posuit, certo se exitij periculo alacres committunt: optabiliore quàm Ethnici illi sorte ac euentu, facti aliorum peripsema, vt etiam Ruffinus allegatum Eusebij locum expressit, prolatis illis Apostoli verbis 1. Cor. 4. *Tanquam purgamenta huius mundi facti sumus, omnium peripsema 2sq; adhuc.* Vbi non placent qui Apostolum verbis illis fimo se ac exuerris cõtulisse existimant, quod purgamenta sint, quæ loco aliquo emundato colliguntur: peripsema autem sit, quicquid deterendo decidendoue deiicitur, scobs, puluisculi, & huiusmodi alia. Tametsi enim Apostolus, non inscitè, iuxta præclaram D. Augustini de martyribus ratiocinationem de qua infra, fimo se ac sordibus quæ scopendo aggeruntur, conferre potuerit: Tamen Græcæ voces quibus vtitur *καθάρματα* & *πρίσβηματα* apertè alludunt ad exitiales illos

ac piaculares homines, quos ex Origene retuli; homines inquam sacros, qui per tempus pestilentiae, alteriusve publicae calamitatis, deuouebant sese saluti cœterorum. Quales Typhonij illi quos Plutarchus in Iside ex Manethone refert, in Mithyis viuicomburio affectos, vt essent ciuitatis piaculum, ac pharmaci, vt nominat qui enim ritum describit Tzezes chiliade 3. c. 24. Tales item illi quos Seruius ad 3. Æneid. Masilia de publico per annum lautissimè pactos, tandem exacto anno vestibus sacris ornatos, in orbem cum execrationibus circumductos, & proiectos in mare, ad publicae calamitatis exorationem testatur. Nec dissimilia insinuantur apud Libanium declamat. 43. *in ipso sine.* Chalcia item filia Aetoli vt est apud S. Hieronymum l. 1. in Iouinia. vel vt est apud Suidam, tres Leo filiae virgines, spontanea morte, patriae pestilentiam soluerunt. Ad has personas alludit Apostolus, vt Gagneius ibi rectè vidit.

Insignis D. Augustini locus in rem nostram.

6. Locus S. Augustini ex epistol. 180. huc rectè cadit, itaque prætermittendus non est. Tractat enim eo loco S. P. euentum qui ambitu quæstionis propositæ generaliter spectatæ comprehenditur, & ad mortem in lucem ex charitate appetitam, nullo negotio aptari potest. Quærit ergo S. Doctor quæ sint partes Ecclesiastici pastoris in publica calamitate, ex qua ipsi quoque pastori, possit exitium creari. Quod enim per Vandalorum eluionem in Africam, omnia cœdibus rapinisque complentium, multi animarum rectores, desertis iis populis quibus

præerant, salutis suæ fuga prospicerent; consultus ab Honorato & Quodvult Deo Episcopis S. Augustinus; respondit, cum periculum non est Præsulis aut vnius alicuius à Clero peculiare, quale Diuo Athanasio à Constantio Imperatore Ariano olim impendit, sed est omnium æquè commune, nullo modo esse permittendum [vt qui aliis indigent, deserantur ab iis quibus indigent, Aut igitur ad loca munita omnes transeant, aut qui habent remanendi necessitatem, non relinquuntur ab eis, per quos illorum est ecclésiastica supplenda necessitas; vt aut pariter viuant, aut pariter sufferant, quod eos patrum familias volet perpeti. Quod si contigerit vt siue alij maius, alij minus, siue omnes æqualiter patiantur, qui eorum sint qui aliis patiuntur apparet: illi scilicet qui cum se possent talibus malis eripere fugiendo, ne aliorum necessitatem desererent, manere maluerunt: hinc maxime probatur illa charitas, quam Ioannes Apostolus commendat, dicens: Sicut Christus animam suam pro nobis posuit, sic & nos debemus animas pro fratribus ponere. Nam qui fugiunt, vel suis deuincti necessitatibus fugere non possunt, si comprehensi patiuntur, pro seipsis, non pro fratribus utique patiuntur. Qui verò propterea patiuntur, quia fratres qui eis ad Christianam salutem indigebant, deserere noluerunt, sine dubio suas animas pro fratribus ponunt.] Et mox hanc animæ pro fratribus abiectionem, antefert ei martyrio quod subitur ab eo, qui fugiens persecutorem comprehenditur, ac ne Christum perdat, perdit vitam. [Qui clades (inquit) hostiles ideò non fugit, cum possit effugere, ne deserat ministerium Christi, si ne quo non possunt homines vel fieri vel viuere

Christiani

Christiani maiorem charitatis inuenit fructum, quam qui non propter fratres, sed propter seipsum fugiens atque comprehensus, non negat Christum, suscipitque martyrium.]

Bellè item in hunc locum cadunt, & apertè D. Augustini testimonio astipulantur illa Laurentij Iustiniani de S. Martino, qui noluit periculum ab iratis principibus declinare fugiendo, sed perstitit, cum periculum quod Ecclesiæ ab hæresi imminabat, Sancti Antistitis præsentiam deposceret. [Quomodò martyrij gloriam ipsum non habere censendum est, qui flagrans amore martyrij, pro fidei testificatione Catholicæ, terrenorum principum nec expauit potentiam, neque hæreticorum sæuitiæ cessit, quin constanter veritatis propalaret regulam, eorumque confutaret errores. Magnum prorsus est hoc martyrij genus, vtrò se pro Christi honore dare periculis, quum secedendi etiam Sanctis à Domino facultas tribuatur. Contempsit Sanctus hic fugam, malens gloriosè occumbere, quàm ex passionis metu, humaniter occultari.]

7. Hæc & D. Augustini & Laurentij Iustiniani dicta, æquè vt vides cadunt in rem præsentem. Quod enim de morte consequente expositionem ad pericula pro fide, dixit Iustinianus, eodem iure de morte consecuta discrimen aditum pro quauis virtute per Christum approbata, dici potest. Quod item de hostili incursu & periclitantibus per eum animabus, tradidit Augustinus, agnoscens subuentionem in eo euentu præstitam fidelibus, ad verum martyrium consecuta morte pertinere, eamque Christi testis fidelis expressionem, qua pro nobis ex charitate Deo digna animam posuit; hoc toti-

dem verbis , de alio quouis communi incommodo
quod charitas depellendum aut subleuandum sua-
deat , & nominatim de strage pestilentie dici po-
test , immutatis paucis voculis : eamque paritatem
recte admittit Elpencæus lib. 3. digress. cap. 19 Ma-
ximè sanè per tempus pestis vrgent rationes illæ,
quas ad fugam in propolito euentu improbandam,
vsurpat S. Augustinus eadem epistola. Si hostilem
incursum quod est Augustini eo loco institutum,
commutes in pestilentie cladem de qua agimus,
dixeris factas fictasque in rem præsentem. [Cum
plebs manet & ministri fugiunt , ministeriûmque
subtrahitur , quid erit mercenariorû illa fuga dam-
nabilis , quibus non est cura de ouibus? Venit enim
lupus, nō homo sed diabolus, qui plerunque fideles
apostatas esse persuasit, quibus quotidianum mini-
steriûm Dominici corporis defuit : & peribit infir-
mus in tua non scientia, sed ignorantia frater , pro-
pter quem Christus mortuus est.] Et non ita multo
post. [Magis timeamus, ne membra corporis Chri-
sti destituta spiritali victu necentur, quàm ne mem-
bra corporis nostri , oppressa hostili impetu tor-
queantur. Non quia ista non sunt vitanda cum pos-
sunt, sed quia potius ferenda sunt, quando vitari si-
ne impietate non possunt. Nisi fortè quisquam con-
tenderit non esse ministrum impium, qui tunc sub-
trahit ministerium pietati necessarium , quando
magis est necessarium. An non cogitamus, cum ad
istorum periculorum peruenitur extrema , nec est
potestas vlla fugiendi , quantus in Ecclesia fieri so-
leat ab vtroque sexu, atque ab omni ætate concur-
sus; aliis baptismum flagitantibus , aliis reconcilia-
tionem , aliis etiam pœnitentie ipsius actionem,
omnibus

omnibus consolationem & Sacramentorum con-
fectionem & erogationem? ubi si ministri desint,
quantum exitium sequitur eos, qui de isto seculo
vel non regenerati exeunt, vel ligati? quantus est
etiam luctus fidelium seruorum, qui eos secum in
vitæ æternæ requie non habebunt? quantus deni-
que gemitus omnium, & quorundam quanta blas-
phemia de absentia ministeriorum & ministrorum?
Vide quid faciat malorum temporalium timor, &
quanta in eo sit acquisitio malorum æternorum. Si
autem ministri adsint pro viribus, quas eis Dominus
subministrat, omnibus subuenitur: Alij baptizan-
tur, alij reconciliantur, nulli dominici corporis
communione fraudantur, omnes consolantur, ædi-
ficantur, exhortantur, ut Deum rogent, qui potens
est omnia quæ timentur auertere, parati ad utrum-
que & si non potest ab eis calix iste transire, fiat vo-
luntas eius qui mali aliquid non potest velle. Certè
iam vides quod te scripseras non videre, quantum
boni consequantur populi Christiani, si in præsen-
tibus malis non eis desit præsentia ministrorum
Christi: Quorum vides etiam quantum obsit absen-
tia, dum sua quærunt non quæ Iesu Christi, nec ha-
bent illam de qua dictum est, non quærunt quæ sua
sunt, nec imitantur eum qui dixit; non quæro quod
mihi utile, sed quod multis ut salui fiant.] Hæ ratio-
nes, cominutatis paucis oculis, quàm non oblique
aut indirectè, sed rectè cadant in rem de qua agi-
mus, vel lippus perspiciat. Quare cum D. Augusti-
nus, veri martyrij splendorem in ea proximi sub-
uentione prudenti & sancta agnoscat; ita in qua-
cunque simili planè causa, atque aded in ea quoque
qua iuuantur peste contacti, idem assereret.

*Effugium ad declinandam D. Augustini
autoritatem.*

8. Video tamen elidi in speciem , vel eludi potius posse vim huius testimonij,declinarique D. Augustini autoritatem,vt in re nostra non vrgeat , dicendo ; S. Augustinum non videri admittere Ecclesiasticum ministrum donari martyrij laureā , si manens ad iuuandum populum , ingruente barbarico incurso,cædatur. Refert enim hoc meticulosi Episcopi dictum. [Si Dominus nobis imperauit fugam, in eis persecutionibus vbi potest fructus esse martyrij , quanto magis debemus fugere steriles passionēs , quando est barbaricus & hostilis incursus?] Steriles passionēs vocabat hic filius Ephrem, quæ martyrij decore careant , eo quod barbarum hostem , non in Christi odium sæuire , sed ex innata tantum sæuitia & insaturabili rapacitate, grassari supponeret. Hoc igitur Episcopi illius dictum referens Diuus Augustinus , non insinuat illud falsitatis , nec reponit huiusmodi passionem non fore sterilem : quæ fuisset plana & expedita via respondendi , si niteretur veritate : Sed admissio meticulosi illius Episcopi dicto , vrget Ecclesiastici officij vincula : id est obligationem suscepti per pastores muneris, cui vel morte proposita sit satisfaciendum. Idque exequentem Ecclesiæ ministrum , maiore charitatis suæ, (*non ait, martyri*) fructu donandum docet , quàm si martyrium subiisset,comprehensus in fuga. Si igitur S. Augustinus, ministrum Ecclesiasticum in hostili incurso perstantem, ac cæsum, non agnoscit martyrem , quamuis

uis ad suos in spiritu & quoquo modo poterit, iu-
uandos perstiterit, non est quod eiusmodi decus, ex
tanti Patris mente arrogetur alteri, qui in alia mate-
ria eodem planè modo se gerit. Et vt daretur, S. Au-
gustinum in re proposita martyrij decus agnoscere;
tamen est inter eum euentum de quo agebat, &
rem præsentem, discrimen patentissimum. Siqui-
dem in eo incurfu, infertur mors à persecutore in
odium fidei, sin minus vt credentis, at saltem vt
operantis. Nam sacer minister, plebi hostiliter im-
petitæ sanctam operam nauans, interimitur à per-
secutore Christianitati infenso. At in exemplo mo-
rientium iuuando peste contactos, nihil tale cerni-
tur. Non enim à persecutore, neque in fidei odium
mortem subeunt, sed ex morbo per causam verè
naturalem immisso. Itaque autoritas D. Augustini
extranea planè videtur huic causæ.

Præcluditur.

9. Non erit tamen difficile hoc effugium præ-
cludere, ac demonstrare germanam D. Augustini
mentem esse quam dixi. Nam quod Ecclesiasticum
ministerium, in hostili incurfu fugere renuentem,
& iuandæ Christianæ plebi intentum, si cædatur,
martyrem agnoscat D. Augustinus; ex eo liquet,
quod docet illum aliis pati, qui cum se posset tali-
bus malis eripere fugiendo, manere maluit, ne alios
in tanta necessitate, subsidio solatiòque priuaret.
quam esse ait animæ positionem pro fratribus, &
expressissimam imitationem Christi testis fidelis,
qui animam incensissima charitate pro nobis po-
suit. At hoc satis superque esse ad martyrium præse-

acceptum, cum ex dictis parte 2. constare potest, tum infra martyrum cum Christo analogiam exponens, manifestius efficiam. Quid quod S. Augustinus, in antithesi illa, qua componit vnū, perstantem vt iuuet proximos, ideóque cadentem; & alium comprehensum in fuga, & idcirco cæsum, quod deficere à Christo detrectaret, agnoscit priorem splendidiùs ac fructuosius occumbere, quàm posteriorem? At hunc, disertè appellat martyrem. Igitur martyrem quoque statuit priorem, cui præ heroica charitate, nobiliorem & fructuosionem assignat obitum; nequaquam id facturus, si martyrij exsors esset. Nam ex S. Augustini sententia, martyres in Ecclesia verticem tenent sanctitatis & dignitatis, vt videre est lib. de sancta virginit. c. 45. & patentiùs in Psal 67. ad illud *Principes Juda.* vbi martyres vocat [verissimos principes Ecclesiarum, dignos ducatu, dignos imitatione, dignos honoribus. Martyres namque in Ecclesijs locum summum tenent, atque apice sanctæ dignitatis excellunt.] Quare quod de meticulosi illius Episcopi dicto, cædem pastoris in hostili incurso, *sterilem passionem* appellante, ita pronunciat, *verum est quidem & acceptabile*; accipiendum est in sensu quem consequentia verba ferunt. Addit enim. *sed iis quos Ecclesiastici officij non tenent vincula.* vt nimirum sensus sit, cædem à barbaro illatam nullo modo in odium fidei, sed vt etiam supposebat ille Episcopus, ex mera sæuitia, nequaquã spectare ad martyrium. Illatam tamen ei qui perstat, vt ex officij vinculo, aut (quod æquè laudabile, vel etiam laudabilius foret,) ex mera charitate iuuet proximos in tanto discrimine constitutos, non esse spoliandam martyrij gloria,

ria, nec esse vocandam sterilem passionem: qualis esset (ex opere quidem operato,) cædes cuiusvis de plebe, in barbarico incurso trucidati, ex mera aduersarij sæuitia.

Quod verò concessa tali cædi ministri Ecclesiastici gloria martyrij, addebatur, disparitatem esse inter euentum illum, & eum in quo versamur; eo quod Ecclesiastico illi ministro, mors ab alio inferatur, non item ei qui iuuat peste contactos; id quidem exigui momenti esse liquebit, cum atq; uerba capite, i. proposita enodabimus. Ibi enim perspicuum fiet, in hoc quoque euentu, mortem ab alio inferri. Nego autem in euentu de quo D. Augustinus agebat, mortem fuisse irrogatam in odium fidei. Alioqui enim D. Augustinus, non admisisset homini libero & nullis ad perstandum causis idoneis impulsio, & tamen subita hostium irruptione oppresso, aut absque graui noxa saltem ob errorem inuincibilem non abscedenti, mortem illam esse sterilem passionem. Nam in odium fidei irrogata, & patienter excepta, fuisset verum martyrium.

C A P V T III.

Sensus Ecclesie pro eadem sententia.

1. **Q**uanti apud Catholicum hominem sint, Ecclesiæ non dico pronunciata & scita, sed nuntus, non est quod exponam. Est enim Ecclesia, columna & firmamentum veritatis, ut proinde qualiscunque significatio Ecclesiastici pro aliquo placito suffragij, omnibus aliis creatis suffragationibus, longè sit anteponenda. Quare prolatis Patrum gra-
uissimo

uissimorum testimoniis, firmiorem Ecclesiasticum sermonem tanquam lucernam lucentem in caliginoso loco, subicio ad propositæ sententiæ illustrationem, & confirmationem plenior.

Quid de SS. Alexandrinis, lue contactos inuuantibus, Romana tabula.

In Romano Martyrologio Ecclesiæ autoritate probato, hæc verba habentur pridie Cal. Martij.
 “ [Alexandria commemoratio SS. Presbyterorum,
 “ Diaconorum, & aliorum plurimorum, qui tempore
 “ Valeriani Imperatoris, cum pestis sæuissima grassa-
 “ retur, morbo laborantibus ministrantes, libentissimè
 “ mortem oppetiere: quos velut martyres, religiosa
 “ piorum fides venerari consuevit.] Testimonium
 hoc verum est, & luculentum. Vt autem fides eius
 sit omnino inconcussa, verba proposita sunt dili-
 genter expendenda. Neque enim lucem eis aliunde
 affundere possumus, cum in nullo (quod aduerte-
 rim,) alio martyrologio, non Bedæ, non Vvandel-
 berti, non Adonis, non Vsuardi, non prisco Roma-
 no Rosuedij opera nuper refosso, horum Sancto-
 rum Alexandrinorum memoria, consignata ea die
 habeatur. Sed & in Græcorum fastis a Genebrardo
 editis, altum de eis silentium. Apud Eusebium verò
 7. histor. c. 17. describitur quidem horum Sancto-
 rum Christi pugilum gloriosum certamen, ex epi-
 stola S. Dyonisij Alexandrini ad Hieracem Episco-
 pum: sed neque dies obitus vlla, neque addictæ eo-
 rum agonibus festiuitatis, annotatur. Vt proinde
 necesse sit, certam diem, Sanctorum horum athle-
 tarum memoriz, apud Alexandrinos iam olim ad-
 dictam,

dictam, ex veteribus aliquibus scriptis in Romanos factos translata, cum martyrij titulo iisdem adscripto iam olim Alexandria, quem Romana Ecclesia in tabulis suis ratum habuit. Sed insistamus expansioni tabularum prolatarum.

2. Sanctos Presbyteros quorum in eis fit mentio, spirituales præsertim subuentionem, ægris quibus ministrasse produntur, impendisse, confessionis Sacramento administrando, extergendisque peccatis, res ipsa loquitur. Diaconos autem operam suam nauasse porrigendæ Eucharistiæ, & subleuandis qua ratione intra gradum suum possent, cum ægris, tum Sacerdotibus quorum sunt administri, nemo inficias iuerit. Qui autem, in verbis quæ ex tabulis recitauimus, dicuntur *alii plurimi*, eos Dionysij epistola, è populo fuisse docet: quos in corporum maximè curam incubuisse, non est dubium: ita ut quamuis solari quoque, & ad bonum exitum animare morientes conarètur, tamè ea prouincia sacris præcipuè ministris relicta, ipsi in corpora leuanda; atque cadauera curanda, maximè intenderet: Quod nauiter à fidelibus in ea calamitate præstitum, diligenter annotat Dionysius. Non minuo sacrorum ministrorum hac in parte gloriam, quasi laborare in corporibus cadaueribusque curandis, sint dedignati. Sed cum utrique in corporibus communiter animisque Christiana charitate cumulandis, strenui essent, graduum tamen munerumque suorum memores, ita partiebantur pietatis officia, ut in spiritali ministerio & animarum procuratione, potiores partes essent ministrorum sacrorum; qui etiam sacramentis, non quod laici, pijs tantum alloquiis, ægros iuuare poterant. In corporum

corporum autem subsidio, laici tanquam in suo præcipuo munere distinerentur: vtrisque autem ob appetitam in sancto illo ministerio mortem, tabulæ Ecclesiasticæ martyrum titulum concedunt, eoque nomine, fidelium religione frequentatos testantur. Hoc ipsum est, quod sententia cui astipulamur affirmat. Itaque habemus pro ea, manifestum & ineluctabile Ecclesiæ iudicium, quo interposito omnis ad aliud tribunal prouocatio, homini Catholico intercluditur.

Effugium præcluditur.

3. Erit cui videatur relictus cauillandi locus, ob appositam similitudinis particulam, quæ spectato vocis cortice, non nisi analogiam sonat. Itaque illud, *veluti martyres*, pertinere dicet ad constitutam ab Ecclesia proportionem aliquam huiusmodi sanctorum pugilum, cum veris martyribus. Qua ratione homo, fugere dicitur velut umbra: & voluptarij dicuntur velut irrationabilia pecora abiici ad pastum, & continentem ingluuiei turpitudinem. Hinc tamen non eneruatur argumentum pro sententia nostra, ductum ex Ecclesiæ auctoritate. Non enim si quis dixerit, cœliti cuiuspiam vindicato, cultum deferri *velut sancto*, sensus est, cultum illum analogiam duntaxat aliquam habere cum veneratione quæ sanctis impenditur: sed sensus est, illum ipsum cultum qui sanctis tribuitur, ei quoque cœliti post interpositam vindicationem deferri. Non dispar, imo planè eadem ratio est eius locutionis, qua S. Ioannes gloriam verbi carne amicti, dixit esse *gloriam quasi unigeniti*. Ibi namque dictio *quasi*,
quæ

quæ gemina planè est particulæ *velut*, cuius notio-
nem in propositis sacrarum tabularum verbis ex-
pendimus, non sonat similitudinem, sed identita-
tem, vt pulchrè exposuit S. Chrysostomus homil.
11. in Ioan. obseruans, idem planè fuisse dicere glo-
riam Christi apparuisse *quasi gloriam Vnigeniti*, ac si
dictum esset; *Vidimus eius gloriam, qualem deceat
& credibile sit, habere vnigenitum.* Idque illustrat
ex communi vsu loquendi. [Quonam pacto qui
Regem aliquando preciosissimo cultu ornatum, pre-
ciosisque vndique fulgentem lapidibus conspicati,
aliis speciem illam ac maiestatem enarrare volunt,
purpureum florem, gemmarum magnitudinem,
albas mulas, auratos currus, solium adstantium ocu-
los nimio fulgore perstringens, pro viribus enar-
rant. Cum verò & his & aliis collectis cultum illum
omnem maiestatemque verbis comprehendisse si-
bi non videantur, continuò addunt: *Quid multis
opus est. Vno verbo dicam, Quasi Rex.* Cum ex
hoc verbo, *quasi*, non Regi similem, sed ipsum
Regem velint significare. Ita hoc in loco Euangeli-
sta, *quasi*, inquit, ad gloriæ maiestatem & incom-
parabilem excellentiam significandam. Reliqui
namque omnes, & Angeli, & Prophetæ, iussi om-
nia operabantur; ipse autem ea potestate quæ &
Regem deceret & Dominum.] Breuiter in eandem
rem S. Gregorius 18. moral. cap. 4. tractans illud
capitis 27. Iob, *sicut impius inimicus meus, & ad-
uersarius meus, quasi iniquus*: [In sacro eloquio (*in-*
quit) sicut, & quasi, aliquando non pro similitudi-
ne ponitur, sed pro veritate. Vnde est illud: Vidi-
mus gloriam eius, gloriam quasi vnigeniti à Patre.
Vnde & hîc quoque, sicut & quasi, pro affirma-
tione,

tionem potius, quàm pro similitudine, dictum videtur.

Ad eum itaque modum in re præsentì, sancti agrorum ministri, immortui pio illi ministerio, dicuntur coli *veluti martyres*, aut *quasi martyres*, quia re ipsa habentur eo loco in Ecclesia, eumque inter cœlites gradum occupare censentur. Et quamvis particula *velut*, alibi sit nota similitudinis, hîc tamen non potest eum sensum facere. Cum enim Ecclesia, varios cœlitum ordines fidelibus proponat; & hos martyribus, illos Confessoribus accenseat, utrisque autem suum in cultu externum ritum peculiarem ac distinctum exhibeat: contra eum perfectò exactissimum & accuratissimum ordinem, quem ubiuis aliàs seruat, fecissè hoc loco, & confusionem inuexisse, dicenda esset, obtrudens *veluti martyres*, qui reuera martyres non essent, sed similitudine tantùm aliqua ad martyres accederent. De mente igitur Ecclesiæ, & sensu verborum quibus in tabulis sacris vsa est, liquere videtur.

Labecula quadam sacrarum tabularum.

4. Auctoritatem verò Ecclesiasticarum huiusmodi tabularum, non est quod hoc loco, extra locum confirmare satagam; cum eo ipso quod Ecclesiasticæ sunt, hoc est communiter in Ecclesia usurpatæ atque receptæ, ipsa Ecclesiæ auctoritate, quæ homini Catholico summa est, perfundantur. Nolo eas cuiusvis omnino mendii immunes præstare. Quis enim adèò rerum sacrarum rudis est, ut ignoret, quoad loca vel mortis obitæ annum, aut eos per quos mors fuit irrogata, peccari interdum quædam

dam in sacris tabulis , & salua Ecclesiæ auctoritate corrigi in eis nonnulla in dies ? Vnum aut alterum exemplum quod nunc occurrit , adscribo. Eusebius Papa in antiquioribus Romani martyrologij editionibus 26. Septemb. ad annos sex & menses aliquot sedisse perhibebatur. Hoc falsum esse euincit Card. Baronius anno Christi 311. num. 40. demonstrans multis annis decurtandum esse tempus sedis Eusebij , ideoque temporis illius nota , in posterioribus martyrologij Romani editionibus erasa est. S. Proculus 1. Iunij in iisdem tabulis Romanis , adscriptus habetur titulo Episcopi Bononienis : quem titulum per errorem irreplisse , docet idem Cardina. anno Christi 305. num. 122. Martyrem enim duntaxat , non etiam Episcopum fuisse confirmat. In iisdem sacris tabulis 9. Decemb. S. Restitutus Episcopus Carthagenensis , addito martyris titulo habetur insertus : quem tamen non fuisse martyrem , argumento est , tum quod Possidius memorans sermonem in eius festo à D. Augustino habitum , si leat de martyris titulo : Tum quod disertè Pontius Diaconus in vita S. Cypriani , inter Carthagenenses Episcopos , neminem ante Cyprianum subiisse martyrium scribat. At Cypriano anteriorem fuisse Restitutum , ex eo liquet , quod antecesserit annum Christi trecentimum , ad quod vsque tempus , post Cyprianum , non nisi Lucianus & Mensurius Episcopi Carthagenenses fuisse produntur. Ibidem 2. Iunij , SS. Martyres Lugdunenses , Pothinus & socij , sub Antonino , & Lucio Vero Collega , cæsi referuntur : quod cum historica veritate non cohærere , eo quod iam pridem ante turbinem illum Lugdunensem obisset Lucius.

monuimus in nostro SS. Lugdunensium indiculo,
prolegom. 3.

Substantia undecunque Sana.

§. Has, & si quæ sunt aliæ consimiles, sacrarum
tabularum labeculas de quibus Maurolycus in sua
ad martyrologium præfatione, ita non inficior irre-
pere potuisse; ut tamen quod ad earum dē tabularum
veluti substantiam attinet, itē inque quoad doctrinam
iisdem quandoque admistam; nec factum, (ut sic
dicam,) sed ius spectantem, non patiat earum
certitudinem & omnimodam puritatem, in du-
bium verti quoquomodo; ne vnā autoritas Eccle-
siæ conuellatur. Substantiam voco, quod in adscri-
pta tabulis narratione præcipuum est, ac veluti
fundamentarium. V.G. quod verè is qui tabulis in-
feritur, vixerit aliquando. Sic enim cum subdubi-
tatum quandoque à nonnullis fuisset, an SS. Bar-
laam & Iosaphat, de quorum gestis historiam te-
xuit S. Damascenus, verè ac reipsa extitissent qui
produntur; an verò S. Damascenus, ingeniosè hu-
iusmodi narrationem molitus esset, ad intermiscen-
das pleràsque dissertationes sacras, ac veluti for-
mam Christianè erudiendi magnatum liberos con-
scribendam, Xenophontis imitatione; qui specie
Cyrum describendi, generosi Principis Ideam ex-
pressit: Cum inquam suspicio illa nonnullos pul-
sasset quoad Barlaamum & Iosaphatum, compres-
si illico ab omnibus sunt, autoritate Ecclesiastica-
rum tabularum: quas fabulositatis atque menda-
cij damnare necesse esset, si chimeras atque fig-
menta pro veris personis obtruderent. Quo item
argumen

argumento passim repelluntur deliria Nouatorum, cœlites pleròsque è symbolicis typis impletè effictos criminantium : vt SS. Georgium, Hyppolitum, Christophorum , Diuamque Catharinam. Cum quibus Serarius libro 2. litaneutico à q. 19. confligit. Vt & Molanus l. 2. de imag. c. 61. vbi insuper refellit Calvinianum cauponem SS. Sapientiam, & eius tres filias, Fidem, Spem, & Charitatem, quarum memoria Cal. Augusti recolitur, schemata esse virtutum in Sanctarum larnas transformata, blaterantem. Hos omnes vno illo potentissimo telo impetunt Catholici; hæc nomina tot retro seculis in Ecclesiasticis tabulis consignata, non posse ad mysticos sensus & emblemata detorqueri; sed nisi omnia conuulsa, & quod vel cogitare horreat Catholicus, excisam Ecclesiæ autoritatem, vnâque religionem omnem velimus, esse in eius assertione horum cœlitum, sacris tabulis testata, acquiescendum.

6. Ad substantiam item earundem tabularum pertinere censendum est, quod qui in eis sanctus proditur, sit cœlo illatus: ita vt hæc in sacris tabulis insertio, non aliter se habeat ad faciendam beatitudinis fidem, quàm vindictio solemnis, & vt passim loquimur, canonizatio. Tametsi autem inter scholasticos, salua Catholica fide disceptatur, ecqua certitudine cœlites vindicati habendi sint cœlo illati; quibusdam id ad fidei scita pertinere contendentibus; aliis non nisi secundæ notæ certitudinem, & ea qua indubitatis fidei placitis assentimur, inferiorem, tribuentibus propositioni quæ cœlitem vindicatum cœlo illatum enunciat; quam item nunc diiudicare, altervtriue in ea parti præ-

iudicare, consilium non est. Tamen omnium consensione firmatum est, dementissimæ fore temeritatis, in dubium vertere, quod Ecclesiæ Præsides tanta accuratone, & modum propè superante diligentia discultum proponunt. Itaque cum tabulæ Ecclesiasticæ Romanæ, eodem planè loco sint quo diplomata, quæ aliqui renunciantur cælo illati; non potest apud quemquam cordatum nutare eorum autoritas, quoad hominis iisdem inserti beatitatem. Ago de solis Romanis tabulis: quia reliquas Latinas bene multas, quas Ioannes Molanus tractatione de Martyrologiis latè excutit ut Bedæ, Vandelberti, Adonis, Vsfuardi, aliásque, non est animus, indemnes & omni labe puras, etiam quoad substantialia, præstare, quatenus à Romanis discrepant, eisve sunt auctiores. Græcorum item tabulas labe non vacare in substantialibus, argumento esse potest, quod insignis hypocrita S. Gregorio magno damnatus Ioannes ieiunator, (is cuius est homilia, quæ inter homilias Chrysostomi ad populum numerabatur olim 2. 1. & nunc est ultima tomi primi Græcolatini) in iisdem tabulis 2. Sept. adscriptus habetur cum insigni elogio, quod testatur etiam Nicephor. l. 18. c. 34. Et tamen ih peccatis suis obiisse, mandata S. Gregorij ad Sabinianum Apocrisarium post mortem Ioannis data, & contentio cum Cyriaco Ioannis successore ad prophani tituli à Ioanne usurpati abrogationem, videtur insinuare, & ita sentit Baronnius anno 596.

Denique ad doctrinam pertinet, quod interdum per occasionem sancti alicuius, admiscetur extra rei gestæ ac facti seriem. Ut quod occasione S. Gallicani,

licani, hospitalitas & ministerium ægris impensum commendetur. Quod narrando quotidianam S. Cassij litationem, usus quotidiani sacrificij comprobetur. Eiusdem generis est, quod quis idcirco prodatur martyr, quia Ecclesie iura tutans pro viribus, gladiis impiorum occubuerit. Aut quod Christianorum infantes, cæsi in odium fidei quamvis nondum baptismo initiati, sint verè martyres, potianturque beatitate. Hæc obiter inserta sacris tabulis, de eis quotidie Christianæ plebi insonant: ut quod S. Cyprianus lib. de exhortat. martyr. c. 11. admonebat, supra iustorum antiqua & sancta vestigia, iter faciat. Hoc pacto Deus, iuxta S. Gregorij doctrinam 9. moral. c. 43. testes suos contra nos instaurat: quia bona quæ facere ipsi negligimus, dum ab aliis facta audimus, qui præceptis non accendimur, saltem exemplis excitamur. Hac ipsa ratione ut idem S. P. philosophatur l. 24. moral. c. 8. & 9. peccator præmonstrante Ecclesia, *respicit homines, & dicit peccavi*; & ex libris vitæ iustorum apertis, fertur iudicium de iis, qui secus vixerunt, quàm illi vixerint agentes in terris. Est igitur huiusmodi doctrina, obiter plerumque sacris tabulis inserta lectissimum animarum pabulum, quo per occasionem exornandi memoriam Sancti de quo agitur, fideles ad similia audenda & perficienda animantur. Atque adeò intolerabile esset, admittere, posse ab Ecclesia, pro pabulo idoneo, venenatum porrigi: id est pro doctrina vera, obrudi quippiam falsum, ad cuius imitationem fideles perperam ab Ecclesia incendantur, publica eius lectione quotannis repetita de sacris tabulis.

Titulus martyrum datus SS. Alexandrinis, spectat ad substantialia sacris tabulis.

7. Quare ratum ac fixum esto ; quæ iisdem tabulis sunt substantialia , & quæ ad sanam doctrinam , & bonos mores pertinentia in eis obiter quandoque inferuntur , usquequaque incorrupta haberi oportere. Reliqua , minoris sunt momenti : & in ea posse mendum irrepere , non exclusis Romanis tabulis , multiplici experimento est deprehensum. Quod autem titulus martyris , vel confessoris , sancto cuius in tabulis appositus , inter ea sit quæ ad substantialia non pertinent ; videbimur in præsentia , causæ quam tractamus , minus commodasse : nec validè posse concludere , pios illos viros qui se contactorum obsequio addixerunt , & illi curæ sunt immortui , verè martyres habendos esse , cum eo titulo honestentur in sacris tabulis. Infirma enim habenda erit hæc illatio , cum tabulas sacras , in delatione alicuius tituli mendosas esse posse , admissum sit : quandoquidem appositio tituli quo Sanctus aliquis in eis honestatur , non pertinet ad substantialia , quæ sola diximus non esse vitio obnoxia. Nam præter exempla superius adducta , S. Desiderius Viennensis Episcopus , mutato Confessoris titulo quo hætenus notatus in tabulis fuerat , martyr agnominatus est , correcto errore , qui perperam in Lugdunensi Calendario perseverat. Quidni ergo dicere liceat , fallacem quoque esse posse denominationem martyrum , qua SS. Alexandrinos , honorant tabulæ ? Quominus tamen in re præsentia , immineat idem periculum,

lum, facit ratio tituli quæ ei adiungitur. Habent enim sacræ tabulæ, sanctos in pio illo iuuandorum ægrorum obsequio mortuos, idcirco à fidelibus coli ut martyres, quod in sancto illo opere vitam posuerint. Vbi præter rem gestam quæ refertur, & nudam tituli martyrum appositionem quæ ad substantialia non pertineret, vnum additur spectans ad doctrinam: nempe quod mors in eo ministerio appetita, sufficiat ad martyrium. At quæ ad doctrinam spectant, negauimus esse errori obnoxia; aut talia, ut de eis, lis Ecclesiæ, salua sponsæ Christi dignitate, intendi possit. Et sanè si in re prædicta, & ratione propositi tituli quæ in tabulis redditur, vacillare posset earum fides, concedendum similiter esset, labare quoad alia superius memorata, & similia plerâque sacræ doctrinæ capita quæ attinguntur in tabulis: quod ego ut admittam nunquam adducar; nec adducetur, ut puto, quisquis Catholicus audire, & esse volet.

C A P V T IV.

Historia Sanctorum Alexandrinorum ad contactorum subsidium, tanquam ad martyrium accurrentium, eoque nomine inter martyres ab Ecclesia relatorum, explicatiùs proponitur, at textis similibus, eiusdem, ac posterioris, nostri que etiam aui, piorum praxibus, ad idem institutum.

1. **N**on erit modica & leuis confirmatio ac illustratio sententiæ nostræ, ea quæ ducitur ex
D d 4 frequen

frequenti in Ecclesia piorum praxi in re proposita. Quod enim hæc ut scitè dixit Tertullianus, *insolefcentis generis humani tonsura*, à Deo rationibus, rebusque nostris optimè consulente, identidem adhibeatur; flagrans charitas, per hanc occasionem, benè de Deo id acceptissimum habente; optimè autem de proximo his subsidiis egente, sollicita mereri, frequentissimè ministerium adiuncto præsentissimo mortis periculo obseptum, intrepida arripuit: certa si in eo mors consequeretur ad ingentem diuinæ bonitatis cumulum, & martyrij decus, spectaturâ. Hoc Sanctis Alexandrinis de quibus proximè, fuisse persuasum, Ruffinus autor est. Et idcirco eorum historiam ex Ecclesiasticis. tabulis obiter tactam, explicatiùs proponere operæ pretium videtur, at textis similibus quibusdam exemplis illustrioribus. Et quamuis plerisque quæ subiiciam, non tradatur verbis conceptis, & in actu, (ut ita dicam,) signato, hanc fuisse Sanctorum virorum existimationem, cum se pio illi ministerio addicerent, si in eo vitam ponerent, martyrij fructibus potituros: Tamen eandem omnibus stetisse sententiam, facile adducor ut credam. Nam antiquiora exempla quæ primo loco dabo, eorum sunt, qui eodem vixerunt ævo quo Sancti Alexandrini, quos ob huiusmodi mortem martyres audiuisse, vidimus. Vnde communiter tunc in Ecclesia eam existimationem viguisse, quod mors sic appetita ad martyrium sufficiat, magna cum ratione asseri posse videtur. Posteriores autem, multo apertiùs idem sensisse videri debent. Omnes enim, exemplo maximè Sanctorum Alexandrinorum, tam illustribus Ecclesiæ monumentis vbique notissimo, incensi sunt ad pium illud ministe

ministerium, in quo oppetitam mortem, titulo martyrij honestatam in sacris tabulis, agnoscebant. Præterquam quod in epistola Dyonisij Alexandrini apud Eusebium, ex Rufini interpretatione quæ ante Christophorsonum, hoc est ante superioris seculi deuectam ætatem, vulgatissima erat, omniumque Latinorum manibus sola terebatur, sancti Alexandrini, disertè & perspicuè nominantur martyres; traditurque eos ad tam sanctum opus alacres accurrisse, perinde ac si martyrij tempus instaret: quod parem omnino gloriam, mortis in Christi causa oppetitæ, siue fidem asserendo, siue charitatē expromendo, esse censerent. Eadem itaque, qui eorum exemplo ad tam sanctum opus animati sunt, hoc est omnibus posterioribus ministerio illo perfunctis, sententia sedit, de verò martyrio quo perfungerentur, æquè ac primi illi quorum exprimebant exemplum, si tam sancto ministerio immori contingeret. Itaque præmissa ex Dyonisij literis, descriptione alacritatis, & fortitudinis Sanctorum illorū quos huius palestræ primos athletas cōpertos ex sacris historiis habemus; quosque ad huiusmodi opus, martyrij eidē conferti cupiditate animatos prodidit Ruffinus, alios quosdam selectiores quos annotare meminerim in idem sanctū ministerium incubuisse, tanquā eodem interno studio ductos, nec dispare consequendi martyrij sensu operatos, attexā.

Sacri ministri ad iuuandos lue contactos tanquam ad martyrium accurrentes: Ac primum Alexandrini, anno Christi. 255.

2. De peste ergo Alexandrina, ita habet fragmen

mentum epistolæ Dyonisij ad Hieracem Episcopum quod Eusebius historiæ Ecclesiasticæ l. 7. c. 17.
 “ aliàs 20. inseruit. [Lamentationum plena sunt om-
 “ nia, iam lugent omnes : iam mœrores, iam querelæ
 “ vniuersam Urbem propter multitudinem cum illo-
 “ rum qui modo mortui sunt, tum horum qui quoti-
 “ die moriuntur, occupant. Nam sicut de primogenitis
 “ Ægyptiorum scriptum est, sic & nunc ingens clamor
 “ editur, non enim est domus in qua non sit mortuus.]
 Addit quàm meritò Deus in tanta Gentilium aduer-
 sus Christianos immanitate, vicē illis iustam, famis
 “ bellique repēderit. Tum pergit. [Cæterum vix tunc
 “ nos, tum illi breuissima ad respirandum sumus inter-
 “ capedine potiti, cum pestis ista subito grassari cœpit:
 “ Res planè illis ad terrendum omni metu formido-
 “ losior, ad excruciandum quauis calamitate miserior
 “ acerbiôrque, & vt proprius illorum scriptor me-
 “ morat, ad cogitandum solùm, omnium opinione
 “ maior. Verùm nobis non eius generis putabatur;
 “ Sed à Deo, cum ad fidem nostram exercendam,
 “ tum ad tolerantiam animi probandam, nihilo mi-
 “ nus, quàm aliarum rerum incommodarum genera
 “ quæ aliquando obtigissent, cælitus inflictam. Et
 “ sicut alicubi à nobis minimè abstinuit, sic in Gen-
 “ tiles longè latèque oberrauit.]

3. Hactenus calamitatis descriptio, in qua quan-
 toperè sancti viri, & numinis & proximorum amo-
 re flagrant, sibi ipsis non pepercerint, subiungit
 “ in hunc modum Dionysius. [Quàm plurimi è fra-
 “ tribus nostris, adedò immenso quodam charitatis, &
 “ fraternæ beneuolentiæ ardore erant inflammati, vt
 “ minimè suæ parcentes vitæ, sed ipsi sibi inter se fir-
 “ mæ adhærescentes, eos qui morbo opprimebantur,
 nulla

nulla sui cura aut cautione adhibita, sedulò inuise-
rent, illis inseruirent assiduè, pro viribus ob Christi
amorem curarent, vnâ cum illis decederent è vita,
lubentissimè contagione aliorû infecti: Etiam mor-
bum à proximis quodammodò ad se attraherent,
suâque sponte aliorum mœrores beneuolè mitiga-
rent. Multi item dum aliis ægrotantibus curam ad-
hibent, illisq; vires restituunt, ipsi aliorû mortem
in se deriuantes, vitam amittunt. Et verbum illud,
quod vulgo semper dicitur, quòdque veræ beneuo-
lentiæ solum videtur conuenire; nimirum vt singu-
li pro amicis abeant à vita, séque eorum caussa, vt
ita dicam, reiectamentum efficiant, re ipsa expleue-
runt. Ex fratribus igitur, qui virtute facilè erant
præstantissimi, ad hunc modum mortem oppetiue-
runt. Quorum nonnulli erant presbyteri, alij diaco-
ni, quidam è populo virtutis ergo multum laudati:
adeò vt istud mortis genus, quod propter incredi-
bilem pietatem & robustam fidem suscipiebatur,
nihil à martyrij splendore abesse videretur. Quin
etiam sanctotum corpora manibus erectis supinîs-
que excipere, gremio suo reponere, occludere ocu-
los, ora obturare, gestare humeris cadauera, decen-
ter ornare, illis adhærescere, amicè complecti, laua-
re accuratè, & linteo funebri inuoluere non grauati
sunt: Ipsique qui supererant, paulo post similia offi-
cia in se collata propterea adepti, quod eadem mor-
tis via instarent, quam qui præiuerant, institissent.
Gentiles autem his omnia facere contraria. Eos
enim qui ægrotare incipiebant, ab ædibus extru-
dere, deferere amicissimos, in plateis seminiuos
proiicere, cadauera insepulta canibus exponere di-
lanianda, mortis participationem & quasi commu-
nionem

nionem auertere; quam planè vel infinita diuerticula quærentes, nullo modo poterant euitare.]

*S. Gregorius Thaumaturgus, Neocæsareæ
anno 255.*

4. Per idem tempus, grassante lue Neocæsareæ in Ponto, S. Gregorius Thaumaturgus in subuentione Gentilium peste contactorum, strenuam nauauit operam, nihil moratus præsentissimum vitæ discrimen quod adibat, ea cum morbidis commoratione, ac ægrorum subsidio. In feriis quibusdam Gentiles confertissimo theatro astantes, cum inclamassent, *Jupiter fac nobis locum*, exauditam eorum petitionem, renunciari iussit Gregorius, & mox laxitatem ipsis datum iri maiorem quàm optarent.

“ [Confestim verò (inquit Nyssenus in sancti viri pa-
 “ negyr.) pestilentia frequentem illum ferias agen-
 “ tium & lydos celebrantium conuentum excipit, ac
 “ statim tripudiantium choris lamentatio misceba-
 “ tur, adedò vt in luctus & calamitates eis voluptates
 “ conuerterentur, cum pro plausibus & cantu tibia-
 “ rum, aliæ super alias nenix, cantusque lugubres
 “ urbem passim inuasissent. Cum enim semel mor-
 “ bus homines inuasisset, opinione citiùs propaga-
 “ batur, atque serpebat, ignis in modum domos de-
 “ pascens: adedò vt ædes quidem sacræ, quò spe sana-
 “ tionis atque remedij confugiebant, iis qui morbo
 “ peribant, repletæ, fontes verò, aquæ ductus sca-
 “ turiginésque ac putei, eorum quos atrocitate mor-
 “ bi sitis exurebat, referti essent: & in quibus aqua
 “ morbi incendium restinguere non valebat, qui se-
 “ mel morbo correpti essent, perinde post aquam
 sumptam,

sumptam, atque antequàm eam sumplissent affe-
ctis: Multi itē vltro transirent ad sepulchra, eo quod
superstitēs sepeliendis mortuis non ampliùs suffice-
rent: nec inopinato malum homines inuaderet: sed
si spectrum quoddam ad eas ædeis quibus perniciēs
imminebat, accederet, ita certum exitium subse-
queretur.] Tametsi quod scriptis sit proditum, con-
tingendum se non fore eo Dei flagello iam natura-
liter oberrante, minimè certus erat sanctus Anti-
stes, cum solemne Deo sit, calamitates quas in-
fert, cursui naturæ permissas, in suos & alios indis-
criminatim grassari sinere; tamen locum suum non
dimisit. Cùmque miseri Neocæsarienses, ad tantæ
calamitatis depulsionem, nihil quod Ethnica super-
stitio suggereret, missum fecissent: oracula adis-
sent, sacrificia piacularia, & commorationem in
simulachrorum delubris, eodem teste Nylsēno, ad-
hibuissent, incendium tamen in dies glisceret; so-
la magni Gregorij præsentia, saluti fuit. Quocun-
que enim ille pedem intulisset, certa simul salus
inferebatur. Vnum id experti sunt idoneum alexi-
pharmacum. Hoc pio sancti Antistitis studio, etiam
in eos qui foris erant, ingens illorum accessio ad
Christi caulas facta est. Nec dubitabant, quin ea ex
parte alluceret Sol veritatis, ex qua tantus charita-
tis splendor, tantæque in summis temporibus, etiam
alienorum, cura micaret.

S. Cyprianus Carthagine anno 255.

5. Eadem tempestate in Africa, S. Cypria-
nus grassante teterrima lue, optimi Pastoris partes
omnes studiosè nauiterque impleuit. Rem accura-
tè

tè hunc in modum descripsit Pontius diaconus,
“ oculatus testis , in S. Præfulis vita. [Erupit lues di-
“ ra , & detestabilis morbi vastitas nimia ; innume-
“ ros per diem populos à sua quemque sede abrupto
“ impetu rapiens ; continuatas per ordinem domos
“ vulgi trementis inuasit. Horrere omnes , fugere , vi-
“ tate contagium , exponere suos impiè ; quasi cum
“ illo peste morituro , etiam mortem ipsam aliquis
“ posset excludere. Iacebant interim tota ciuitate , non
“ iam corpora , sed cadauera plurimorum , & mise-
“ ricordiam in se transeuntium , contemplatione sor-
“ tis mutuæ , flagitabant. Nemo respexit aliud , præ-
“ terquàm lucra crudelia , nemo similis euentus re-
“ cordatione trepidauit ; nemo fecit alteri quod sibi
“ fieri voluit. Quid inter hæc egerit Christi & Dei
“ pontifex , qui pontifices mundi huius tanto plus
“ pietate , quanto religionis veritate precesserat , sce-
“ lus est præterire. Aggregatam primò , in loco vno
“ plebem de misericordiæ bonis instruit ; docens di-
“ uinæ lectionis exemplis , quantum ad promeren-
“ dum Deum prosint officia pietatis. Tunc deinde
“ subiungit , non esse mirabile , si nostros tantum , de-
“ bito charitatis obsequio foueremus ; Eum perfe-
“ ctum posse fieri , qui plus aliquid publicano , vel
“ ethnico fecerit : qui malum bono vincens , & diui-
“ næ clementiæ instar exercens ; inimicos quoque di-
“ lexit ; qui pro persequentium se salute , sicuti Do-
“ minus monet , & hortatur , orarit. Oriri facit Deus
“ iugiter Solem suum , & pluuias subinde nutrien-
“ dis seminibus impertit ; exhibens cuncta ista non
“ suis tantum , sed etiam alienis. Et qui se Dei etiam
“ filium esse profitetur , cur non exemplum patris
“ imitatur ? Respondere nos decet natalibus nostris ,
“ &

& quos renatos per Deum constat, degeneres esse
non congruit: sed probare potius in sobole tradu-
cem boni patris, æmulatione bonitatis. Multa alia
& quidem magna prætereo, quæ temperandi vo-
luminis ratio, non patitur prolixiore sermone re-
plicari. De quibus hoc tantum dixisse satis est, quod
si illa gentiles pro rostris audire potuissent, forsitan
statim crederent. Quid Christiana plebs faceret,
cui de fide nomen est? Distributa sunt ergo conti-
nuò pro qualitate hominum atque ordinum mini-
steria. Multi qui angustia paupertatis, beneficia sum-
ptus exhibere non poterant, plus sumptibus exhi-
bebant; compensantes proprio labore mercedem
diuitiis omnibus cariorem. Et quis non sub tanto
doctore properaret inueniri in parte aliqua talis mi-
nistriæ, per quam placeret & Deo patri, & iudici
Christo, & tam bono interim sacerdoti? Fiebat ita-
que exuberantium operum largitate, quod bonum
est ad omnes, non ad solos domesticos fidei.] Quod
disertè scribat Pontius, orationem S. Cypriani ad
suos animandos, ut sanctum ægrotos iuuandi mini-
sterium impigrè arriperent, a se exhiberi trunca-
tam & accisam: coniectare licet, S. Cyprianum
sublimitatem & eminentiam sancti huius ministe-
rij commendasse, & quod per hanc ipsam pestem
Alexandriæ vulgatum prodidit Dionysius Alexan-
drinus, demonstrasse, mortem in eo obitam, nihil
à martyrij splendore abesse. Vnde illa tanta totius
Christianæ plebis, etiam in iuratos hostes charitas,
quam ingrátissimi de more Ethnici, cum primum
discussa est calamitas, reposito sancto præfuli exi-
lio compensarunt.

*Christiani Orientales, sub Maximino,
anno 312.*

6. Sub Maximino, non dissimilis anterioribus,
Christianorum ardor in iuuandis ægris lue affectis,
hunc in modum proditur ab Eusebio l. 9. hist. c. 7.
 „ post descriptam horrendam famem. [Pestis omnes
 „ domos integras, & familias penitus depascebatur:
 „ Et eos vel maximè, quos fames propter alimento-
 „ rum affluentiam, qua fruebantur, consumere &
 „ conficere non poterat. Magistratus & præfecti, ali-
 „ que propè infiniti qui cum potestate & imperio
 „ erant, omniumque rerum copia circumfluebant,
 „ perinde ac si fames quasi de industria eos missos
 „ fecisset, ut peste interirent, acerbissimam mortem
 „ & maxime repentinam sustinuerunt. Omnia igitur
 „ loca, angiportus, forum, plateæ, lachrymis, mœnore,
 „ & planctu redundabant. Neque aliud quidquam
 „ spectare licebat, quàm miserabiles fletus quos pro
 „ tibiæ cantu & strepitu ipsis in more posito, edi-
 „ derunt. Quocirca mors his duobus telis (quæ supra
 „ dixi,) peste videlicet & fame, hoc modo bellum
 „ gerens, vniuersas familias breui temporis spatio ab-
 „ sumpsit, & depasta est: Aded ut iam planè conspi-
 „ cere licuisset, duo aut tria mortuorum corpora ex
 „ vniis ædibus pariter ad sepulturam elata. Arro-
 „ gantis tyranni Maximini ostentationis, & decreto-
 „ rum per singulas ciuitates contra nos sancitorum,
 „ tale præmium ac merces fuit. Quo quidem tem-
 „ pore, clara singularis Christianorum erga quem-
 „ que & studij & pij animi indicia, apud omnes in-
 „ crebuerunt. Nam hi soli in tanto malorum cumu-
 lo,

lo, suis rectè factis, & piis officiis, misericordiam
declarabant & benignitatem. Quorum alij in dies
singulos mortuorum funeribus & sepulturæ (infini-
ti enim erant quibus sepeliendis nemo curam ad-
hibuit,) diligentem nauarunt operam: alij multitu-
dine eorum qui per totam ciuitatem fame vrgeban-
tur, in vnum coacta, omnibus panes dispertierunt:
vsque adeò vti hoc præclarum facinus, per omnes
homines, constanti fama & magna celebritate per-
uaderet, & singuli, Christianorum Deum, gloriâ &
laude prædicarent, eosque solos pios, & veros Dei
cultores, re & factis comprobatos, faterentur.] Des-
cripsit eandem calamitatem, nonnullis adiunctis di-
stinctius expressis, Nicephorus l. 7. histor. c. 28. Qui
etiam de alia longè horribilissima lue, ad annos
quingenta duos prorogata, vniuersumque ter-
rarum orbem fœdè depasta, latè agit l. 17. cap. 18.
descripto magna ex parte Euagrio, qui tunc viue-
bat, & suas per eam pestem orbitates, ac etiam oc-
cupationem à morbo, exponit flebiliter admodum
lib. 4. histor. c. 28. sed quod nulla apud alterutrum
mentio fiat subsidij per sanctos Christi pugiles
ægris impensi, nuda recensione calamitatum lubens
abstineo.

S. Gregorius Magnus, Romæ, anno 590.

7. S. Gregorij magni, ante initium Pontificatum,
ardens studium in iuuandis Romanis lue contactis,
vulgatissimum est. Spectaculum erat luctuosissi-
mum, quod ipse ea concione quam per illud tem-
pus habuit, flebiliter admodum describit. Habetur
ea concio præpostero & loco & ordine inter S.

E e

Ponti

1771

1771

1771

Pontificis epistolas, datas indictione 6. lib. xj. registri c. 2. Refertur etiam à Gregorio Turonensi l. 10. hist. Franc. c. 1. ex relatione Diaconi sui, qui concionantem S. Gregorium audierat, & à Ioanne Diacono in S. Pontificis vita lib. 1. cap. 41. Quod enim percusso Pelagio Pontifice, Ecclesia vidua in tot cladibus idonei capitis solatio & subsidio egeret, consilio planè diuino, clerus ac populus in S. Gregorij electionem consenserunt: qui quamuis infirmam ab Imperatore electionem, vt annis erat, speraret: tamen interea dum negotium conficitur, omni ope ac studio afflictissimam ciuitatem recreare, quâ verbis, quâ factis allaborauit; & absolutissimi Pastoris partes omnes, non nisi designatus, & animo ab eo munere alienus, compleuit. Quanta verò in spirituale ægrorum subsidium perfecit, præter indictionem septiformis Litanix, à citatis autoribus, & in laudato eius sermone descriptam, coniectura duci potest, ex studio quo Theodorum pestilentia illa correptum, nondum designatus Pontifex iuuuit, non absteritus periculo luis contrahendæ, & oppetendæ mortis. Rem ecclesiæ prodigio firmatam, descripsit supra Ioannes Diaconus c. 38. Mihi autem dubitare non licet quin viro sanctissimo, cum munere, spiritus eo pectore digni creuerint; & crescente calamitate, auctus ipse dignitate, & officio cuius partes omnes pro necessitate publicæ calamitatis ad tempus obibat, flagrantiore charitate, maioreque sui contemptione quàm prius, in ægrorum leuamen ac subsidium incubuerit. Non enim intorqueri in eum potuit propheticum illud fulmen, quo tangi liquet per tempus calamitatis populorum, pleròque Pastorum. *O Pastor & Idolum.*

*Benedictus & Aspertus, Præsules,
Mediolani.*

8. Ab eadem in contactos charitate, & flagrantissimo eos iuuandi studio, ac periculorum in tam sancto ministerio subeundorum contemptione, perinde ac instante agone martyrii pro fide, commendantur duo egregij Mediolanenses Præsules, Benedictus & Aspertus, vt videre est in Concilio S. Mediolanensi, sub S. Carolo. p. 2. constit. §. officia. versic. *Sed ne longè.* Quod mihi de optimorum Præsulum facto aliunde non liqueat, adscribam quod citato Concilij loco, de eorum in contactos charitate, breuiter attingitur. [Domi sunt, quorum docu-
mentis homines Ecclesiastici ordinis, ad omne cha-
ritatis officiorum genus in pestifera labe exequen-
dum instruuntur. Atque ij quidem sunt, Metropoli-
tanæ Ecclesiæ Mediolanensis, Archiepiscopi duo,
omni laude florentes, Benedictus, & Aspertus. Hic
in teterrima peste, quæ suo tempore omnem Ita-
liam, populúmque Mediolanensem præcipuè, in-
uaserat, pestilenti lue tabescentes, perpetuo studio
visitasse, eisque sacramenta omnia ministrasse fer-
tur. Idque ipsum officium, eius exemplo, & iussu,
parochi etiam accuratè præstitisse dicuntur: Il-
le omni Europa, Italia, & Vrbe, ditioneque Me-
diolanensi præsertim, pestilentiae morbo vexa-
ta, atque afflicta, cum ea ipsa officia præstitis-
set, tum cibum etiam, ac victum, tabe languenti-
bus, manu sua ministrasse commemoratur.]
Idem Concilium non ita multo ante, versic. *si ver-
sus*, monet Sacerdotes, hoc statuunt, nihil opta-

« bilius aut ad charitatis meritum præstantius acci-
 « dere posse , quam si pro salute proximorum , mor-
 « te defungantur : idque iuxta viros sanctissimos , à
 « martyrij gloria non longè admodum abesse.] Alludi-
 tur ad Dyonisij epistolam , qua communis ille tunc
 inter viros sanctissimos sensus proditur. Itaque ex-
 pungenda est temperatio illa , non longè admo-
 dum. Nam Dyonisij epistola , sine temperamento
 vlllo aut restrictione , ait , mortem sic appetitam,
 nihil à martyrio abesse.

S. Bernardinus , Senis , anno 1400.

9. Insignem planè S. Bernardini Senensis cha-
 ritatem , erga ægros lue attactos , descripsit lucu-
 lenter eius æqualis , in eiusdem sancti rebus gestis:
 quem tunc adolescentem, nec vicenariò maiorem,
 Spiritus Sanctus per multos menses , per horren-
 dorum discriminum contemtionem in ægrorum
 subsidio & cura , ingentibus donorum suorum ac-
 cessionibus cumulavit. Rem gestam ex actis illis
 « repræsentò. [Sæviente illa peste terribili & gene-
 « rali , anno salutis millesimo quadringentesimo , in-
 « quem incidit iubilæus, innumeri peregrini Romam
 « euntes , atque inde redeuntes , ad celebrissimam il-
 « lam toto orbe Christiano, domum hospitalem bea-
 « tissimæ Mariæ virginis , quæ Senis est, & de la sca-
 « la dicitur , confluxere , augebatúrque valdè ægro-
 « torum numerus , è quibus plurimi moriebantur; ita
 « ut tribus mensibus & dimidio , quotidie amplius
 « duodecim , tredecim , quatuordecim, quindecim,
 « interdum octodecim vel etiam viginti , è vita dece-
 « derent; præter quos ex eius domus familiâ, obierunt
 fratres

fratres viginti duo, octodecim fœminæ pauperibus
mulieribus inferuientes, nouem sacerdotes, quin-
que clerici, septem pharmacopolæ, qui morbidis
medicamenta parabant, pueri triginta sex in ea do-
mo enutriti, & famuli sexaginta ægrorum ministe-
riis deputati. Cum autem tam multi illic, & mor-
bo coriepti iacerent, & è vita abirent, locus ille
propter fœtorem intolerabilem, omnibus in spe-
ctantibus horrore erat: nec quisquam reperiri po-
tuit, qui quamuis magna proposita mercede, ægro-
tantibus illic inferuire vellet. Ita fiebat, vt tum vel
maximè locus ille, necessariâ ministrorum operâ
destitutus esset, cùm maior incumberet necessitas.
Magister quidem & gubernator domus illius, Ioan-
nes Laudaronus erat vir optimus, multa beneuo-
lentiâ & charitate præditus, & quem nemo dubi-
taret virginem esse: Et licet senio grauaretur, non
cessabat tamen pro viribus præstare quicquid pos-
set. Sed cùm ignem pestiferum iam omnia vastan-
tem cerneret, valdè affligebatur; metuens idoneos
ministros, neque pecunia, licet largâ esset manu,
posse comparari, quod nemo non pestis contagio-
nem reformidaret. Rogabat ergo Deum & beatissi-
mam Virginem, domus eius conseruatricem, vt
pauperibus ministri mitterentur. Itaque piissimus
Deus excitat Bernardini animum, qui iam ferè vi-
cesimum agebat ætatis annum, vt in illa piissima
domo, ægrorum & pauperum ministerium susci-
piat. Vt vidit enim summam necessitatem, maximo
incitatus zelo, pestiferam contagionem nihil me-
tuens, imò verò etiam vtrò morti se offerre cu-
piens, modò posset Christo gratum exhibere, in
eius pauperibus seruitium; multis hebdomadibus

« ægris illis accuratissimè , & officiosissimè ministra-
« uit. Cernens autem ad tantam morbidorum multi-
« tudinem, sufficere non posse tam paucos ministros,
« duodecim religiosos & pios adolescentes ad se vo-
« cat : Hortatur illos velint vnà cum ipso curare
« pauperes Christi ; dicit , eos qui pauperi seruiant
« ipsi Christo seruire ; & si tali occasione decedant è
« vita , pro Christo eos mori. Nihil verò homini Chri-
« stiano debere esse antiquiùs & optatius , quàm
« Christi causa vitam suam profundere , cùm ille
« suam nostra causa profuderit. Deinde addit ; simus
« omnes fratres ; Deus sua ope aderit nobis. Videtis
« fratres , ignem accensum esse : iam penè orbis illo
« conflamat , securis arbori admota est , falx messim
« sollicitat. Quid nobis de vitæ nostræ prorogatione
« polliceri possumus , cùm & alios quotidie videamus
« mori , & pleròsque etiam intimos sodales,
« propemodum ante exire è corpore , quàm morbo
« correpti videantur ? Nos si in his charitatis officiis
« obierimus , ad Dominum euolabimus. Sin autem
« superstites manserimus ; quoad victuri sumus , sem-
« pèr lætabimur , nos Deo nostro in eius pauperibus ,
« hæc officia præstitisse , memores sententiæ illius ;
« nullum opus bonum , apud Deum sua carere mer-
« cede , vel irremuneratum abire. Siue igitur viuamus ,
« siue moriamur , non possumus Deo seruien-
« do non lucrari. His Bernardini persuasionibus alle-
« cti adolescentes , in eius mox sententiam iere. E quibus
« sanè , hodièque nonnulli supersunt. Cùmque
« essent confessi sua peccata , & sacram Eucharistiam
« sumplissent , ita Bernardino consulente , iucundis
« animis & magno seruire , curam ægrotorum cum
« Bernardino , ipsorum magistro & capite , suscipiunt.

10. Porro hospitalis domus moderator, statim totius penè domus clauēs tradidit Bernardino, commisitque ei munus, morbidos & peregrinos aduentantes curandi, & omnes ferè eleemosynas distribuendi: adeò vt propemodum pro sua voluntate omnia disponderet ac dispenseret, perinde ac si ipse eius domus Dominus esset. Eius autem & sociorum feruor & charitas, suo exemplo permultos alios ciues & adolescentes inuitauit ac permouit, ad seruiendum morbidis illis, licet non pauci ex illis è vita decederent. Itaque Bernardinus charitate feruens, domum illam ita moderatus est, vt officia, ministeria, exercitia, laborum vices, pro ratione loci, temporis, & personarum opportunè & congruenter distribuerit. Dabat verò operam, vt quoad eius fieri posset, ipse semper omnibus coram adesset. Adstabat diu noctuque ægrotantibus, pharmaca parabat, cibos pro singulorum qualitate porrigebat, sordes omnes in illis necessariò ferendas, ipse ante omnes, sua voluntate amouendas suscipiebat: Non labore, non vigiliis, non intolerandis fœtoribus, non incommodis vllis frangebatur: sed ea semper alacritate, & spiritus viuacitate illis seruiēbat, ac si vel parentes, vel fratres, aut filij eius essent. Neque id sanè mirum. Cùm enim Dei amor, horum omnium faciendorum ac perpetiendorum, præcipua ei esset ratio; Deo vtique seruiēbat, qui patre, fratre, liberis omnibus, potior nobis esse debet: ægrotis ex animo condolebat: adeò vt etiam cum illis vnà ploraret. Interdum verò etiam ridebat, canebat, blâdiebatur: talēque se illis exhibebat, quemadmodum pro illorum consolatione expedire putabat. Nihil autem ferè illius charitati satis ad

« vota, ab aliis curatum videbatur, nisi omnia ipse vi-
 « disset, & contrectasset. Cum erant ex hac vita mi-
 « graturi, sacramenta ut illis porrigerentur, effecit:
 « vita sanctos, vesperi sepulturæ mandabat. Peregri-
 « nis ferè innumeris ad vesperam aduentantibus, ci-
 « bos & lectos apparabat. Si lecti, alioqui multi, non
 « sufficerent, sternebat humi pannos, ita ut nulli de-
 « esset commodus captandæ quieti locus. Crebros
 « quoque excitabat ignes, & suffitus grati odoris
 « spargebat. Multum aceti in tota ferè domo, ut cor-
 « ruptus aër, saltē aliqua ex parte corrigeretur, liben-
 « tiusque ministri, suam operam ægrè affectis naua-
 « rent. Non est autem passus benignus Deus, ut inter
 « tot labores, vigilias, incommoda infinita, Bernardi-
 « nus vnquam aduersa laboraret valetudine: sed sem-
 « per promptus, alacer, vigil, & indefessus, dictis &
 « factis confirmabat tum ægros, tum illorum mi-
 « nistros.]

Nostri, in Hispania citeriore, anno 1558.

II. In nostræ Societatis commentariis, frequens
 est mentio, alacritatis ac heroicæ magnanimitatis,
 qua socij, ingruente pestilentia, variis locis in mor-
 tis certum discrimen coniecerunt sese, uon parci
 vitæ suæ, ut alienæ, præsertim spiritali consule-
 rent. Vnum duntaxat & alterum exemplum profe-
 ram; alterum quod accidit in Hispania citeriore
 anno 1558. alterum quod hic Lugduni anno 1564.
 Primū his verbis describitur in hist. p. 2. l. 2. n. 145.
 « [Multis in urbibus citerioris præsertim Hispaniæ,
 « desæuiens pestilentia, animos ad pietatem emollie-
 « bat, ut non tam facienda sementis, quàm fruges le-
 gendæ

gendæ essent. Arripuere occasionem fortiter Patres, æ
gnari laborum id genus, in martyrio comparari: Nec æ
caritatem esse maiorem, quàm animam pro amicis æ
morti offerre. Valentia primùm, Mironis Rectoris æ
industria, inopum turba, quæ præter vulgò gliscen- æ
tem inopiam, dilapsis locupletibus, cessantibusque æ
opificiis destituta, in vrbe, conficiebatur fame, præ- æ
sentissima ope consultum est. Eius monitu pius æ
Antistes, octo Theologos viatico ac diplomatis at- æ
tributis, ad nobiles, qui salubria in loca secesserant, æ
circummisit stipem vrbanae plebi corrogatum: Et æ
ipsi Mironi, qui item ad eam conquisitionem excur- æ
rit, ampliùs mille minimùm aureorum, distribu- æ
dum dedit. Cùm primùm de pestilentia constitit, æ
nemo omnium domi erat, qui non aueret, flagita- æ
rétque, iuuandis se faucis consecrare; Tamen Miro, æ
ne simul vniuersos in discrimen coniceret, imbe- æ
cillioribus Gandiam amandatis, sacerdotes tres ex æ
omnium numero legit; Martinum Albertum, Al- æ
fonsum Lozauum, Petrũ Parram, votique compo- æ
tes fecit. Erga eos, cùm assiduè contagiosos adirent, æ
audirent, alloquerentur, quouis officij genere sola- æ
rentur, singularis Dei tutela emicuit. Nemo vnquã, æ
quandiu pestilentia tenuit, leui capitis dolore ten- æ
tatus est: Duos laicos, qui nunquam domo prodi- æ
bant, domesticis ministeriis occupati, etsi non sustu- æ
lit, tamen corripuit malum.] Subditur ibidem paulo æ
post, quàm generosè Barchinonenses & Murcien- æ
ses socij, pernagata ad eas oras calamitate, illis quo- æ
rum intererat fuga dilapsis, rem Christianam cura- æ
uerint; corporibus animisque subsidio & solatio æ
fuerint; nonnulli hausta lue, ad percipienda tantæ æ
charitati ac fortitudini repõsita præmia, emigrarint.

Emundus Augerius ex Societate I E S V, Lugduni, 1564. & 1581.

12. Emundi Augerij, Christianorum sui temporis Oratorum in Gallia facile principis, ardor animi ac fortitudo, in subleuanda Lugdunensi ciuitate per tempus pestis, à non paucis qui viderunt, etiamnum celebratur. Reddo breuiter quod in eam rem scriptum reperio à Petro Ribadeneyra in Iacobi Laynij rebus gestis l. 3. c. 3. [Hæretici, illorum
 « iain diminutis copiis, ad Sathanæ artes de more
 « confugiunt, extremâque tentanda, vel Reipublicæ
 « totius interitu censent. Pestis Gebennam popula-
 « batur: inde vnguenta allata, ea arte effecta, dæmo-
 « num credo inuento, vt (heu scelus,) seras portarum
 « Lugduni, limina & postes, salui ipsi perduelles vn-
 « gerent, inficerentur verò qui attingerent, domosque
 « frequentarent. Sic Catholicorum ædes potissimum
 « inunxerant: At re cognita, gliscentéque malo, fuga
 « salutem plerique inuenerunt, opulentiores. Trigin-
 « ta tamen millia, pestilentia extincta memorantur.
 « Verùm Dei benignitate factum, quod est ad æterni-
 « tatem memorandum, vt in autores pestilens ma-
 « lum recideret: Plures enim Sectarios, peste periisse
 « compertum est. Hic non minus in corporibus, quàm
 « in animis antea curandis, Emundi fides, vigilantia-
 « que enituit. Aures enim dare ritè confitentibus, Eu-
 « charistiam item impertiri non destitit, imbecillio-
 « res ciues in rebus acerbis, piis alloquiis erigere, ad
 « patientiam excitare, pharimaca, & alimenta egenti-
 « bus ne deessent, & cadauera ne insepulta iacerent,
 « curare. Nimirum summo in reipublicæ discrimine,
 opinione

opinione maiores illi Deus vires, vt solet, sufficere
yisus: gratèsq; illi publicè actæ vitæ auctori, cui
placitum socios opportuno maximè tempore ciui-
tati ad interitum ruenti submittere: Emundum vt
patriæ patrem, animorúmque parentem, prædicare,
& tantum non in cælum laudibus Lugdunenses
efferre.] Est apud nos codex manu optimi Patris
exaratus, quo Latinæ quædam & vernaculæ scrip-
tiones continentur, quibus interdum, vt ad graui-
ores curas vegetior rediret, animum remittebat. In-
ter ea carmina vnum est, versuum amplius centum
quingenta, quo eam calamitatem, & à se impen-
sa ægris, corporum animorúmque subsidia, elegan-
ter descripsit. Cumque rursus anno 1581. ciuita-
tem Lugdunensem lues inuasisset, eo alacrius & ge-
nerosius in ægrorum leuamen ac subsidium incu-
bit optimus Pater, quo testatiorem ex superiori
calamitate diuinam erga se prouidentiam habebat.
Narratio est spiritualis sensus plenissima, quæ eo-
dem volumine expressa habetur, altero carmine
superius illud æquante, & concreditam publico no-
mine eidem Patri, legationem ad sacram ædem
Lauretanam describente: quo etiam memorat, se
priori tempestate sedata, Anicium, ad celebre inibi
Deiparæ templum, publicis item votis oneratum
cōcessisse, & pro exorata vrbis Lugdunensi sanitate,
ciuium omnium nomine, gratias acturum stetisse.

*S. Carolus Borromæus Cardinalis, Mediolani
anno 1576.*

13. Non ita multis post annis, Mediolanensem
ciuitatem lues corripuit: in qua S. Caroli Borromæi,
heroicus

heroicus & ad miraculum accedens in iuuandis ægris ardor, enituit, anno superioris Seculi 76. Quod per immensam rerum sylvam, non liceat singula vel plurima sigillatim persequi, attingam per summum verticem præcipua quædam: reliqua permittam apud eos legenda, qui his tradendis diligenter incubuere. Illata in ciuitatem populosissimâ peste, cum Roma ad S. Cardinalem datæ literæ, per varios qui saluti eius timebant, liquidò testarentur, de grauium & eruditione insignium Doctorum sententia, nullo illum vinculo iuuandis per seipsum ægris astringi, ac ne iuaret multis nominibus prohiberi: Theologis item compluribus, piisque & multa prudentia viris, in hanc rem Mediolani collectis, & consultis, omnem illi hac in parte scrupulum eximere tentantibus, & auocantibus à periculosa cura pro viribus; negauit S. Antistes, vt omnes contra sentirent mortales, fas sibi fore, Spiritui sancto contraria suadenti obluertari, & tot anterioribus Patribus ac Theologis, qui animarum bono & miserorum subleuationi commodiorem sententiam tulerant, non auscultare. Itaque illis pronunciantibus, curam huiuscemodi in Præsule, ad consilia & perfectionem Euangelicam pertinere, non ad legis alicuius nexum: respōdit, sibi verò certum esse, cum Pastor esset gregis Christi, omni studio perfectiora quæque capessere. Nec mora, vt non præsentia tantum, (quanquam & ipsa plurimam recreabat calamitosissimâ plebem;) sed & operibus subleuaret egenos, quorum multitudo copiosa dilapsis præ metu diuitibus urbem complebat, & auctior existebat in dies, supellectilis bonam partem domo extractam, inter pauperes diuidi iussit: nec ipsi lecto
in

in quo somnum exiguum capere solitus erat, parci-
tum voluit. Argenti verò infecti ac vasorum, quic-
quid erat domi, ad monetalem officinam perferri,
indèque nummos cudi ad ægrorum vsum manda-
uit. Pendentium item aulæorum seriem omnem,
per hyemis initia detendi curauit, vt haberet vnde
pauperum nuditati consuleret: præsensque aderat
ipse detendentibus, & operi inuigilabat, ne quid
profusam charitatem effugeret, ministrorum siue
parsimonia, siue inconsulta prospectione. Et fuit
non Angelis modò, ipsique numini, sed homini-
bus quoque iucundissimum spectaculum, contuen-
tium omnium pectora ad lachrymas & pietatis
sensum emolliens, quod trecentorum eoque am-
plius egenorum varia agmina exhibebant: his pur-
pureo amictu procedentibus, illis violaceo, aliis
viridi; quot erant colores aulæorum Sancti Ponti-
ficis. Diceres principis alicuius lectas turmas mili-
tares, vestiariam eius tesseram præferre.

14. Sed quia pellem pro pelle, & vniuersa quæ
habet, dabit homo pro anima sua, exiguum visum
est sancto Antistiti, effudisse in pauperes quacun-
que domi suppetebant; & multo etiam contracto
ære alieno, præsentis eorum periculo, quod pote-
rat subsidium præbuisse. Itaque ratus huiusmodi
calamitates ferè esse immissa ab irato numine fla-
gella, eidem propitiando corpus suum macerare,
& stare in confractioe, non priuatis modò quæ
propè iuges erant, sed publicis quoque precibus in-
stitit. Nam quamuis (vti assolet,) reclamantibus
meticulosorum è primario ordine nonnullis, tamen
S. Gregorij magni exemplo, indicta supplicatione
Cleri vniuersi ac populi, attratus ipse agmen clan-
sit,

fit, nudipésque & funem collo applicitum, patibulariorum in morem præferens, processit, collachrymantibus omnibus ad tam luctuosum spectaculum; & clamorem, imo mugitum horrificum, placando Deo tollentibus in cælum. Quidni verò insolita pietatis species lachrymas proliceret ex oculis quibus obuersabatur, cum vix ipsi hæc tanto post, in emortuis apicibus contuentes, temperemus à lachrymis; nec possimus tantum charitatis sanctissimi præfulis ingenium, tenerrimo sensu atque affectu non prosequi? Et accidit res ad comiserationem excitandam, & venerationem tantæ pietatis adaugendam, peropportuna. Cum nudipes procederet, defixis luminibus in pendentis è cruce Christi ligneam imaginem, quam manu præferabat, cogitatione illa absorptus, nec satis attendens ubi gressum poneret, nudum pedem ferreæ crati sudibus ferreis præcutis armatæ, qua vinario hypogæo lux affundebatur, quasi animo abalienatus, inmisit, inque cuspidēs quibus crates præferrata surrigebatur, induit dextri pedis pollicem; eo impetu, vt excusso vngue, plurimus cruor manaret, & lutosos pedes ac pavimentum tingeret. Neque tamen vel procedentium agmen remorari tantisper, vel vngvine aliquo adhibito lenire dolorem sustinuit, quamuis esset acerbissimus. Sed neque binis supplicationibus, quas in reliquos dies indixerat, subduxit sese, alióve quàm in prima processerat habitu, & pedum dispositione affuit, falsis qui non affuturum, aut nudipedem certè non processurum sanctum Antistitem, hariolati fuerant. ex suo sensu ac tepore, incensissimam eius charitatem ac patiendi desiderium, metientes.

Iam in ægrorum cura , & studio iisdem animorum ac corporum subsidia per se & alios adhibendi , incredibilia viderentur quæ ab eo perfecta legimus , nisi Spiritui sancto qui illum ad huiusmodi opera impellebat , solemne esset , per homines quos intus agit , tanta perficere , ut humana sapientia præ admiratione defixa hæreat , inexperta diuinæ potestatis , & ad suæ tenuitatis modulum ardua quæque admetiri solita. Visere contactos , blandèque sacris alloquiis recreare atque iuuare , perpetuum sancto Antistiti fuit. Et Sacramentis communire è vita excedentes , panémque ipse cœlestem moribundis porrigere , quódque ob maius à contagio periculum & minorem necessitatem mirabilius est , ritu Catholico ad extremam luctum illos inungere , non refugiebat. Illud verò quibus verbis exponam , quod lætantis infantuli miseratione commotus , cui inter utrumque parentem lue iam extinctum iacenti , certum exitium supererat , casam intrepidus subiit , & correptum manu sua infantulum , vlnis excepit , nec iam ciuica sed cœlesti laurea dignus , extraxit , stupentibus qui spectabant , & iurati postea id prodiderunt? Denique ut intra paucorum verborum ambitum immanem rerum syluam cogam , nihil quod ingeniosa charitas , & immensum succensus Zelus diuini honoris bonique proximorum , machinari in tali calamitate queat , prætermissum ab eo est: ut non expleſſe modò optimi Præſulis partes omnes , sed etiam infinitis accessionibus cumulasse videatur.

15. Feruebant sancti Antistitis exemplo , & ad munus suum strenuè obeundum animabantur è sacro ordine plurimi. Nonnulli etiam è plebe , qui se
ad

ad sancti viri iussa quibuscumque agris subleuandis præsto fore voto receperant, nullis periculis absterrebantur à sancto ministerio: ut nunquam aliàs liquidius perspectum sit, quanta vi probatus & nauus Præsul, intermediis animarum curatoribus incensor fiat ad bonum, si non casto duntaxat verborum strepitu, sed operibus prægrediatur, factisque testetur fieri posse, quod faciendum admonet. Vnius heroica charitas, æternitati consecrari digna esset, atque utinam æquare posset, tam rarum Christianæ fortitudinis specimen, oratio. Is in contactorum nosodochio curionem agebat, & inde sacram Eucharistiam ad ægros in discessu à vita firmandos ac reficiendos proferebat. Erat qua transibat, strues cadaverum simul congestorum, quæ anterioris diei vespere, feralibus carrucis ibi exoneratis, operiebantur sepulturam cum primùm vespillonibus ea humi mandare commodum foret. Aduectus inter mortuos fuerat vnus semianimis, qui cumulo illi corporum exanimatorum, (horrendum visu dictumque,) tanquam strato insidens, mirabili numinis prouidentia prohiberi morte videbatur, ne diuino cibo impastus excederet. Itaque ubi è suo illo thoro, Sacerdotem conspicatus est, cum sacra pyxide ad ægros cibo cœlesti reficiendos progredientem; quo potuit connisu sublatus in genua, ad sacram cibationem inibi composuit sese, & flebilibus modis, ac quibus expirabunda anima licuit vocibus, Sacerdotem obtestatus est, ne se fraudatum diuina illa esca vellet, qua refici ardentissimè cuperet. Res erat, non periculi modò, sed & horroris plenissima. Verùm charitati benè animatæ, nihil horrendum, aut etiam extimescendum videtur. Sacerdos

in interna schola, magistro Spiritu sancto, hypodidascalo sancto Antistite vsus, nihil cunctatus, nec vel suo periculo absteritus, vel cadauerum foetore abalienatus, alacer inuolat in struem illam; & miserum, Angelorum pane refectum, animauit ad piam mortem, quæ illico est consecuta. Dignus qui Sanctum præfulem celebratorem Christiani facinoris nancisceretur, eo libello quem placato Deo, & lue restincta, edidit ad insignendam plebi suæ, diuini beneficii gratam recordationem. Hoc sit veluti specimen multiplicis operæ, quam Sanctissimi Cardinalis adhortationes & maximè exempla, in plerisque sacris ministris per eam calamitatem ediderunt, vt totus liber quartus vitæ Sancti Præfulis, à Ioanne Petro Giussano Italicè conscriptus, plurimis in eam rem prolatis Christianæ charitatis miraculis, testatum facit. Omnia verò quæ idem S. Præsul, siue per seipsum obiuit pia munera, siue per eos quibus præinit, & sanctorum laborum auctor fuit, ad animarum & corporum subsidium, præstitit eo tempore; immensæ operæ arbitror exequi.

*Nostri, & alij, in proxima calamitate
Lugdunensi.*

16. Verbum est S. Dorothei doctr. 12. [Est de afflictione & periculo, post afflictionem ipsam atque periculum, periucunda narratio. Etenim in mari, cum exorta fuerit tempestas, omnes quotquot naui vehuntur, timore & anxietate torquentur. Cum verò tempestatis procella transierit, summa iucunditate & lætitia, narrant pericula quæ

contigerunt. Hæc quo pertineant, sagax lector non
 difficile præfagit. Proximè exacti anni principio &
 anterioris 1628. extremis mensibus, quantam stra-
 gem in his oris ediderit lues, Lugduni præsertim,
 vel commemoratu acerbum est. Visa mihi, non au-
 dita referam; Ea erat calamitosissimæ ciuitatis fa-
 cies, cui liceret illud Petri Cluniacensis lib.4.epist.
 39. citra auxesim aptare. [Manus Domini tetigit
 te, flagellum inundans per te transitum habuit,
 concidunt velut ex magna arbore, vehementi ven-
 to impulsæ, maturi pariter & immaturi fructus; iam-
 que penè totam subiectam terram, lapsu continuò
 operuerunt. Ruunt super mortuos viui, & supra
 sepultum, sepultor ipse procumbit. Nulla in qua-
 libet ætate vitæ fiducia. Mixti senibus iuuenes, de-
 crepiti adolescentes corruunt; ipsique penè pueri,
 centenarios moriendo præueniunt. Dies Domini
 verè, sicut ipse ait, vt fur nocte veniens, sollicitos
 quosque & improuidos simul furatur: vixque mo-
 riens se mori aduertit; quia priùs à morte quisque
 rapitur, quàm plenè ad seipsum morientis animus
 conuertatur.] Hic planè erat afflictissimæ ciuitatis
 status, per tempus illud.

[*Alter in alterius labens quo fata ruebant;
 Nec locus artiis erat medica, nec vota valebant:
 Cesserat officium morbis, & funera deerant
 Moribus, & lachryma.*]

Non addo quod ille de æui sui lue querebatur,

[*fessus defecerat ignis,*

Et coaceruatis ardebant corpora membris.]

Fossæ tamen immanes non vno loco excitatæ, de-
 fecerunt. Quare vinaria hypogæa, & cellaria quæ-
 uis domestica, inæ officinæ, horti continentes, vici
 ipsi

ipsi ac plateæ, disiecta stratura, in sepulchrales areas concellerunt.

[*Ac tanto quondam populo, vix contigit heres.*]

Vespillonones magno licet numero, pinguibûsque stipendiis ad corpora efferenda allecti, impares erant cadauerum multitudini; quæ proinde temerè passim strata per vicos & compita, luctuosissimo spectaculo, vrbs faciem inestabant. Pleraque non nisi multos post dies efferebantur, temerè aceruatimque condenda: vt ea corporum tumultuaria elatio, ægris plerisque, acerbior morte ipsa accideret: constetque, non paucos lecti lintea queis incubabant, vtrunque commissis oris, & supra pectora reiectis, manu ipsos sua consuisse, ad fauces vsque: illud sibi extremum officium, ne nudi efferrentur, tristi sorte persoluentes. Fuit in vicinia capularis senex, annos natus 94. sed viridis crudæque senectæ, qui ad illas ætatis fæces, geminæ iam pestilentia superstes venerat. Nunc genero præmortuo, veritus sepulturæ defectum, aut nimiam remoram, cum primum se contactum agnouit, fossam ipse suam excauauit, nec priùs tristi opere perfunctus est, quàm ad extrema deduceretur. Itaque cum è fossa erupisset, compositis in eius margine ad crucis speciem ligone & pala fossoria, ita compositus vt moriens fossæ illabi posset, inter commendandam Deo animam inibi cecidit, nouo exemplo vespillonis simul, & curandi cadaueris partes sustinens. Illudque de se comprobans, *Lacum aperuit, & effodit eum, incidit in foueam quam fecit.* Quod visum sibi in Treuirensi lue luctuosissimum prodit Saluianus lib. 6. de prouid. [Lues erat viuentium, factor funereus mortuorum; mors de morte exhalabatur.] Hoc experti

sumus. Tres è popina non malè aduersus luem , vt rebantur, muniti, vix prodierant in publicam aream, quæ Vincentiano ad Ararim peribolo adiacet, fabulantes; cùm vnus concidit exanimis. Qui propior erat, vertigine tentatum socium ratus, aut viribus defectum, animo concidisse, manum porrigit: & subito ipse quoque, exanimis super exanime cadauer corruit. Tertius, risu primùm rē excipere, & scommata de minus firmitate capite quod largiorem compositionem non ferret, intorquere. Mox sublato grandi cachinno, vtraque manu extenta, vtrumque socium cumprehendisset, & ad surgendum vrgeret, virulento afflatu præcordia occupante, illico ipse quoque iacentibus adiunctus est. Nec ita multo post, ferali carricæ simul omnes impositi, indecoro funere sunt elati. Retraho horrentem calamum, quod non atrocissimæ calamitatis acerbiterem refricare memorando, plenæve narratione exhibendo, præsens institutum ferat: sed gustum duntaxat eius aliquem, ad aperiendam nauatæ per Christi pugiles operæ necessitatem, proferre consilium fuerit. Et nonnulla rursus planè tragica, attingenda erunt parte sequenti cap. 3. num. 9.

17. Vt est recepti apud Deum moris, dicere de tenebris lumen splendere; è magnis inquam claudibus, magna bona eruere, quod infinitæ cuiusdam virtutis atque potentie esse, Clemens Alexandrinus 1. Strom. c. 8. optimèque Theodoretus l. 6. contra Græcos, & D. Augustinus variis locis confirmât: tanta Lugdunensium calamitas, qua mortalium ad 50. millia demessa sunt, aspirante numine, in magnum animarum bonum vertit: vt inter expiandos per illud tempus poenitentes, dubitatio sæpè incessit,

ferit , ad eum finem quem in orbis molitione & conseruatione propositum habet Deus, an procellæ illius lûisq; prorogatio , congruentior & optabilior esset , quàm publica malacia , & sanitatis pristinæ restitutio. Quamuis enim ad humanam libellam tempus illud exigenti , horrorem incutiat & auersationem moueat , exitum corporum , negotiationis & ferè politici conuictus iustitium , luctus vbique , pauôrque , & plurima mortis imago: Tamen diuinum iudiciû , veri cuiuscunque iudicij metrum , cui animarum æterna salus , præcipuè proposita est , quôdque illa alia mortalium vota , non nisi tanquam media spectat ad finem illum aptanda : meritò pretiosissimum , & humano generi commodissimum ducit tempus illud quod feracius est meritorum , & ad condendas in vsum æternitatis mysticas fruges , accommodatius. Possum affirmare , nunquam mihi perspectiora fuisse , quæ S. Cyprianus lib. de mortalitate , de ingentibus lucris spiritualibus pestiferæ tempestatis proponit , quàm cum ea per huius calamitatis occasionem quasi palpare , & contrectare licuit, in his vt breuiter & verè dicam , spiritualibus nundinis. Vix fuit copiosorum qui erogandis largiûs facultatibus , magnam benè de aliis merendo , mellein non fecerit. Etiam tenuiores , in partem venere meritorum , nec vno modo. Sed factum quod subtexo , mulieris è plebe, præ innumeris quæ accumulari possent , micat velut inter ignes Luna minores. I O A N N A M A V-
R I S vidua honesta & testatæ pietatis, audita coniugum morte , quibus intra domum lue consumptis , proles lactens viua supererat, eodem cum parentibus fato concessura , imo fame consumenda,

ni abiectam animulam Christiana charitas exciperet, sortem miserata innocentis ætatulæ, tametsi non ignorabat quàm caro ei venire posset hæc subleuatio alienæ summæ necessitatis, consulto numine, vltro insiluit in contactam domum, vbi iacebat inter mortuos parentes infelix proles, sola calamitatis suæ ignorance secura: quæ abducta, & caprino lactatu aliquandiu pasta, beneficentissimæ altrici, & verè piæ parenti, bonorum memoria dignæ, luem affudit, quam non ita multo post mors vtriusque est consecuta. Mulierem fortem inueni, cuius pretium procul est, & de vltimis finibus: Hoc cogitasse, hoc perfecisse, mulierem? Alia (nomen non comperi,) simili sorte puerum, biduo iam mortuæ matris lateri in lecto hærentem, & vbera exsucca trahentem; omnibus intra domum lue extinctis, cum per fores diligenter obseratas, aditus ad vagientem infantulum non pateret, admotis scalis irrupit per fenestras, correptoque surgenda vbera porrigit, & vitali pabulo ad tempus aliquod refouet. Sed prolixior inedia, & quod à matre combiberat venenum, alumno perniciem creauere. Hunc animum si muliebre dixero, num decus eius, vocis inuidia detriuero? Næ illi leuiter grammaticantur, qui huic sexui, mollitiei calumniam de frigida vocabuli notatione nectunt. Hanc tu à mollitie dicas mulierem, ausam quod in sanctissimo ac in fortibus factis exercitatissimo Præsule, vt ante retuli, superius seculum tanquam fortitudinis miraculum suspexit? Mulier, truculentum hostem stratis innumeris copiis ferocem, vinci ac etiam lædi nescium, (pestem dico,) in ipsa veluti arce sua, inuadit intrepida: cum ij qui se vi-

ros dicunt, ad nudam pestis commemorationem animo linquuntur, nullumque quantumvis auium aut remotum locum, aduersus eiusmodi hostis impetus satis tutum habent. Sapienter planè S. Chrysostomus homil. de Machabæis, externorum & nostrorum certaminum, discrimen illud expendit, quod in nostris, qui videtur sexus infirmior, potiori adiungatur, imo eum quandoque antegrediatur, ut sublimitas sit virtutis Dei, & non ex nobis. [Secundum interiorem hominem, (ait S. August. ser. 103. de diu.) nec mas nec fœmina inueniuntur: ut etiam in his quæ sunt fœminæ corpore, virtus mentis sexum carnis abscondat, & in membris pigeat cogitare, quod in factis non potuit apparere.] Refero pedem, quod plenam tam heroici facti commendationem despondeam. Quæ enim oratio, masculum illud fœminæ pectus, & in tam arduo opere spiritus plusquam viriles, æquarit? Non piget, pretiosissimum & coram Deo acceptissimum, pronunciasse tempus illud, quo tam luculenta facinora per vulgares personas edita, audire licuit.

Addo, nec usque adeò auersandum videri posse tēpus illud quo cadentibus licet corporibus, animæ fœlicitatis portum subeūt maiore numero, meliusque per verā peccatorum detestationem cōpositæ, quod Lugduni, oberiante diuino hoc flagello factū, vsus nos docuit. Ea enim sollicitudine quærebatur interni hominis mundities frequentatis sæpius intra hebdomadem pœnitentiæ & Eucharistiæ sacramentis; Tanta demissione & subiectione animorum, agnitioneque iustorum Dei iudiciorum, tempestas illa detonabat; Tam studiosè peccatis deuitandis, omnique pietatis exercitationi, infistebatur;

Ea rerum caducarum vigeat contemptio; vt non alios prima nascentis origine Christiani mundi, illuxisse dies crediderim, cum populus quem fecit Dominus, multo de crucis torculari recens expresso ebrius, flocci factis fluxis ac terrenis omnibus, ad cœlestia duntaxat & æterna anhelabat. Et ne fidelium pia studia, sacrorum ministrorum penuria, calla redderet, prouidit Deus strenuos plerosque Christianæ rei curatores, quibus allaborantibus, optata in tanto discrimine spiritualia subsidia non deessent. Ea verò plerunque tam oportune suppeditata constat, vt aliqui in digressu à peracta exomologesi, & percepta absolutione, animas efflarent. Diceres, Deum, quem Pythagoræi apud Proclum, ipsam opportunitatem nominabant, in æternam eorum salutem intentum, extremam illam de eis optimè merendi opportunitatem studiosè captasse, retusa ad tempus illud tetræ luis virulentia, & prouiso Sacerdote, qui insidentem primoribus propè labris animam, ritu Christiano expjaret; quamuis non absque præsentissimo discrimine. Mulier sanè,) vt alia pleraque non absimilia taceam,) in sacello à sacerdote de peccatis audita, cum digrederetur, in ipso sacelli ostio mortua concidit, obsepum intrò relinquens sacerdotem, quâ euaderet non habentem; donec aduocati libitinarij cadauer efferrent, & aliquid Arabiæ ad tutum exitum incenderetur. Quantum quisque sacrorum hominum, & secularium, & ex omnibus propè institutis regularibus quibus ciuitas abundat, in publicum commodum contulerit, prolixum sit enarrare: nec ego eam suscepi prouinciam; præsertim cum res sit, ab alijs splendidè diligentèrque consignata.

signata. De Collegis quorum mihi res perspectiores, hoc possum profiteri, nullum eos in hac calamitate, strenuæ charitatis, & Christianæ fortitudinis munus, abs se desiderari passos esse, cum domi, tum foris.

19. Nam domi quidem, Confessarij, quibus converteri in die belli, & locum suum dimittere turpe fuit, festis profestisque diebus, præsto perpetuo fuere accurrentibus indecunque benè multis, in magna alibi plerisque locis solitudine: siue dilapsis, Sacerdotibus; (Nam non pauci, quod amarulento ioco virum grauem expostulare tunc memini; hircundines egerunt, quarum est commodo quidem tempore perstare, aspero autem secedere, nec nisi hyberno rigore discusso, regredi) siue intra domestica septa, contagij metu, se continentibus; siue vita functis, quorum fuit numerus sanè non exiguus. Nam seculares personas sacras, in vicina S. Nice-tij parœcia, supra viginti, lues absumpsit. Plerisque, Medicorum infida chirographa, ac ex eorum fide, concessam mortuis quasi lue non afflatis, solemni apparatu sepulturam; nonnullis pecuniolam à pœnitentibus collatam, exitio fuisse, comper-tum est. Quare in ea sacrorum ministrorum ple-risque locis paucitate, frequentia sacro confessio-nis operantium in æde nostra, atque adeò laborum & discriminum sementis, multis partibus auctior fuit. Inibi sacrificiorum continua de more series, nunquam intermissa, magno ciuium solatio, quibus ex raritate, bonum cæteróqui pretiosissimum, com-mendabilius videbatur. Et erant semper qui ad sin-gula sacra, cœlesti pane reficerentur. Concio sacra, ad frequentissimam semper plebeculam de more

habita, tempori illi accommodata, & aptior sensum pietatis, & aliquod in diuino beneplacito leuamen, quàm admirationem vel vanum plausum mouere. claudébantque concionem litanenticæ ad Deiparam preces, & aliæ à nobis in eum finem concinnatæ, ad cœlites indigenas triplici ordine distinctos; martyres scilicet, Confessores, & sanctas mulieres. Hæc domi in proximorum bonum, per plures menses quibus urbem calamitas vexauit, perfecta sunt, magna cum alacritate & charitate: quæ quamuis pacatis temporibus quotidiana sint, atque adeò minuta videri possint, æquus tamen æstimator facillè dabit, non esse rem modicam, ministeria adeò periculosa, tenuisse in tanta perturbatione cursum suum; ægris præsertim non paucis, (quod neminem latebat,) & tam multis ex ægrorum commercio sordentibus, ad confessionis sacramentum, & diuinorum ministeriorum participationem confluentibus. Urbis enim per tempus non exiguum is status fuit, ut ægrorum & eorum qui illis consueuissent, secretio frustra expeteretur. Itaque permixti accurrebant ad sacra tribunalia, & diuinam mensam, illud vnum solliciti, ne inexpectati aut impasti excederent. Et quanquam aperto discrimine vacare non videbatur ea Christianorum subsidiorum impensio & exceptio; Tamen quæ Dei fuit benignitas, è tot externis vix notatus est, cui illud curandæ salutis, calcato periculi metu desiderium, fraudi fuisse suspicio fuerit: quantumuis in id anxie inquirentibus meticulous quibusdam. E nostris verò, nemo vquam eorum qui in sacris sellis iuges erant, aduentantium morbidorum halitibus perpetuò expositi, vel leuiter tentatus est.

Vnus & alter, qui in ea ministeria rariùs aut nunquam veniebant, & liberiores à lue futuri putabantur, contacti sunt, & fato concesserunt: vt disceremus, non esse in recessu à discriminibus repouendam incolumitatis spem, ni Deus annuat: Eo autem miserante, etiam in medio vmbrae mortis non timenda mala; ac per illabentis orbis ruinas, incolumitatem non sperari modò posse, sed etiam retineri. Tantùm de domesticis in proximos officiis. Nam quæ ad profusas in paupertinam plebem eleæmosinas, suppeditata pharmaca, aliæque corporum subsidia, in aliqua domesticæ rei tenuitate, inexhausta præsidis nostri in eo genere nunquam fatigandi, charitate, perfecta sunt, tamen si intermicuerunt aliquando, & insignia planè ac supra vires fuisse, in confesso est; Tamen magnam partem, de Christi consilio, nesciente sinistra quid dextera faceret, clam sunt peracta, reddenda in manifesto à Patre luminum, qui videt in abscondito, & vel calicem aquæ frigida, digna remuneratione pensabit.

20. Nec domesticis septis contineri potuit ardor charitatis, sed foràs erupit non vno modo. In primis enim distributa quatuor in partes, vniuersa cis & trans Ararim ciuitate, & quatuor religiosarum familiarum sacerdotibus Christianæ rei curatoribus per eas distributis, vt ægris intra domos sacramenta administrarent; quæ populosior, & egenis, atque adeò ægris abundantior erat, (à ponte scilicet Ararico; & templo Nicetiano, ac nostro, ad Araris vsque & Rhodani confluentum,) obtigit nostris. Et excurrendum non rarò fuit in aliorum fines, ægris per suos aduocantibus. Subeun-

dum

dum autem erat plerunque in editissimas contignationes, per inferiores exhedras sanè fœtentissimas, nec rarò, abiectis temerè cadaueribus, paulò ante stratas: & quæ non minima erat laboris pars, in tam frequenti ad ægros aditione, & tam excelsa Lugdunensium ædificiorum structura, multi graduum ordines, sæpiùs intra eandem diem superandi. Subeunda cubicula, & situ & pestilenti ægrorum halitu teterrima; ægri cominùs audiendi, & pendente de collo sacra pyxide, vti sacras reliquiarum thecas gestare moris est, sine apparatu & pompa, diuino ferculo cibandi, non sine lethiferi afflatus exceptione. Nec semel, per strata iam in eodem cubiculo, corpora, ad alios inibi animam agentes iuuandos, fuit erependum. In hanc operam qui incubuerunt, eos ego vt S. Chrysostomi homil. in SS. Iuuentinum & Maximum verba vsurpem, *vinos martyres* si dixero, superasse eorum merita & alacritatem in Christi causa, videri nequaquam poterò; cum constet animam eis semper fuisse in manibus, & mortem in singulas horas, imo momenta expectandam. Nec pleròsque eorum, diuina prouidentia, spe & optatis frustrata est, morte ab iisdem, vti expetierant, in sancto ministerio oppetita. Recensui eos ex nomine, in mantissa ad Sanctorum Lugdunensium indiculum. Felices animæ, nullisque vnquam nostris encomiis satis exornandæ; sed plenè ac dignè à Deo in synagoga Deorum; in confessu inquam beatorum spirituum ac cœlitum omnium, vbi laudes pugilum suorum, cœlestis ipse agonothes celebrabit; & signata apud se in sacculo, ac condita in thesauris suis piorum merita explicans, mercede supra pretium & æstimationem

omnem sepenſa, potiri dabit, per vniuerſam quanta quanta erit, æternitatem.

21. Aliæ foris iuuandi proximos rationes, per ſocios non ſegreges, initæ ſunt, minùs quidem cum diſcrimine coniunctæ, non tamen proſus immunes. Auditæ multorum de peccatis confeſſiones, ſiue in vicis iacentium, ſiue ad contactorum noſodochium abeuntium, qui vno veluti flumine decurrebant, & ad Athanacenſem portam cogeabantur, vbi non nemo tranſuectionem operiens, animam efflabat: proſus vt de æterna ſalute, periclitaturi fuiſſent quàm plurimi, niſi Sacerdotis noſtri, qui vt auctoritate ac munere, ſic alacritate, & indefeſſo iuuandorum & animorum & corporum ſtudio, noſtris omnibus præibat, frequens eò comæatio, ritè confeſſos Chriſtiana abſolutione impertiſſet. Sacra in Athanacenſi pomœrio, qua patebat ad ægros in gurguſtiis continentis iſthmi proſpectus, crebrò facta: itémque in turricula Laurentiana, ad confertam iacentium infernè ægrorum multitudinem, eo ſolatio leuandam. Parthenones quinque, dilapſis ſacerdotibus à quibus comunodo tempore iuuabantur, omnibus ritè ſacris functionibus, inibi per noſtros affiduè obitis, adiuti in ſpiritu & recreati; cibariis quoque & pharmacis, cum res tulit, ſuppeditatis. Ternis quaterniſve in compitis, habitæ feſtis diebus, nec rarò etiam profeſtis, adhortationes ad populum; non quæ voluptate & plauſu audientium definirentur, eſſentque *aris ſonus magno ſtrepitu aures ſolus perſonans*, vt ſcitè dixit, qui huiusmodi ſpumarum, aut fumi verborum in ſacris pulpitis ſtudioſos, meritò inſectatur Iſidorus Peluſiota lib. 1. epistol. 62. & 108. Sed
quæ

quæ essent reuera quod dicuntur : & concionem non tam mulcerent , quàm sensu pietatis , & perfecta peccatorum detestatione complerent. Et incredibile est , quanta auiditate , rudes illi , & impoliti , solóque spiritu diuites de Christianis officiis sermones exciperentur : prorsus vt defluentem imbrem , aut decedentes niuis floccos , non refugeret hærens media in platea dentus auditor , & vno loco abeuntem Christianæ pœnitentiæ buccinatorem , aliò viri fœminæque consequerentur , nec vidisse & audisse semel , faceret eorum piæ cupiditati , & pietati satis. Etiam vicini pagi , & villæ , quæ in vicino agro plurimæ sunt , agrisque scatebant , cum per purioris aëris hauriendi occasionem , interdum prodibamus , cum fructu obitæ , expiatis inter excurrendum , Christiano ritu non paucis , quæ agris , quæ ægrorum consuetudine sordentibus. In summa , nullum domi aut foris , Christianæ charitatis officium , nullum iuuando aut leuando proximo munus , quantum humana diligentia aspirante Deo conniti valuit , aliquando prætermisum.

22. Excursum præterea eram , in ea quæ Christiani pugiles , hoc ipso tempore , spiritibus martyrij mensuram implentibus , Viennæ , Gratianopoli , Montilij , Carpentoracti , Auenione , Aquis Sextiis , Vesontinno , Salinis , & aliis plerisque in urbibus lue vexatis , dignè Deo , & ad Christianam charitatem ac fortitudinem accommodatè perfece-
runt. Verùm quod omnia Lugdunensibus rebus sint gemina , defugio non necessariam huic instituto operam. Tametsi nonnulla religione ducor , pressæ silentio incensissimæ charitatis , & Catholicum Præsulem decentissimæ sollicitudinis , quam

vt certis nunciis , & disseminante vbique fama comperimus , Illustrissimus , ac Reuerendissimus D. Franciscus de Sales , Episcopus ac Princeps Gebennensis , magni illius , & omni eucomio superioris , Francisci de Sales , verè successor , verè germanus , in suos Annessienses lue contactos , per hæc luctuosa tempora prodidit , nec facultatibus quas exhaustit , nec vitæ ipse suæ parcens , vt afflictissimam urbem pro potestate , imo supra potestatem ac vires , iuuandis animabus atque corporibus subleuaret : Cuius heroicæ magnanimitatis & charitatis expromptio , exemplo esse potest maioribus simul ac minoribus animarum præfectis , vt ouibus quas tondere & mulgere valentes , graue non habent , vexatis alacres adsint , & ponendæ si res ferat pro eis animæ ingestam diuinitus opportunitatem , auidè arripiant , principis Pastorum imitatione , qui salutis ouium vitam impendit : certi æternam apud Deum & homines gloriâ , manere eos , qui idoneorum Pastorum partes omnes , summis præsertim temporibus , infracti ac intrepidi , strenuè nauitèrque obiuerint.

CAPVT V.

*Rationes ex nonnullis Scripturis depromptæ
pro eadem vera sententia.*

1. **I**N re quæ non ex natura operis vel perpeffionis , sed ex Christi Domini decreto & institutione tota pendet , rationum locum tenent , ea Scripturæ loca , quibus de Christi voluntate & institutione , certi reddimur . Cum ergo gratia de qua quaeritur , an adiungatur ex opere quasi operato , perpeffioni

fioni mortis ad subleuandum ex charitate proximum appetitæ; (hoc enim est quærere an hæc mors spectet ad verum martyrium;) cum inquam ea gratia non respondeat perpessione mortis, eiusque oppositioni prout est aliquid patienti meritorium iuxta communes canones de merito sanctorum operum; sed eidem oppositioni rependatur ex meritis Christi meritis, sola passi adulti aptatione, hoc est eius acceptatione, & impedimentorum exclusione præsupposita: Idcirco in postremo agmine probationum veræ sententiæ, in quam confirmandam incumbo, nonnullas Scripturas ei astipulantes collocabo, tanquam fœtas Christi Domini suffragatione, quæ in hoc negotio, (vt præmissi,) tenet vicem rationum, quibus post tractatam hæctenus auctoritatem, locus iste debebatur.

Prima ratio, ex variis Christi dictis de martyrio,
Matth. 10. & 16. Lucæ 9. & 17. ac
Ioan. 12. hæc æquè valentibus.

Ex ea igitur Christi voce, Patres & præfati DD. persuasum habuerunt, morti in fidei odium illatæ, & ex idoneo motiuo acceptatæ, rependi salutem, qua dixit Matth. 10. *Qui non accipit crucem suam, & sequitur me, non est me dignus. Qui inuenit animam suam perdet illam, & qui perdidit animam suam propter me, inueniet eam.* Et cap. 16. *si quis vult venire post me, abneget semetipsum, & tollat crucem suam, & sequatur me. Qui enim voluerit animam suam saluam facere, perdet eam: Qui autem perdidit animam suam propter me, inueniet eam.* Simile illud oraculum Lucæ 9. *si quis vult post me venire, abneget semetipsum,*

ipsum, & tollat crucem suam, quotidie, & sequatur me. Qui enim voluerit animam suam saluam facere, perdet illam; nam qui perdiderit animam suam propter me, saluam faciet illam. Nec non illud ex cap. 17. Quicumque quaesierit animam suam saluam facere, perdet illam, & quicumque perdiderit illam, viuificabit eam. Et illud denique Ioannis 12. Qui amat animam suam perdet eam, & qui odit animam suam in hoc mundo in vitam aeternam custodit eam. His testimoniis, martyriorum incentores aut laudatores, uti solent, cum Christianos ostentatis martyrij fructibus, ad illud alacriter subeundum excitant, vel ob illud iam exceptum, encomia pangunt athletis Christi. Et ita nominatim S. Cyprianus episto. 56. & 81. ac lib. 3. testimo. ad Quiri. c. 16. & lib. de exhort. martyr c. 5. & 6. ac 12. Origenes homil. 26. in Lucam. Lucifer Calarit. lib. quod moriendum sit pro Dei filio. Tertullianus in Scorpiaco c. 11. & lib. de corona militis, cap. item 11. S. Augustinus homil. 37. ex 50. & l. 13. Ciuit. c. 7. & serm. 100. de diuers. S. Eulogius lib. 1. memor. sancto. & in Apolog. passim. S. Bern. serm. 30. in Cant. Valerianus Cemeliensis homil. 15. & 18.

2. Hæc loca æquè in rem præsentem cadere, ac in mortem ex odio fidei illatam & exceptam, adeò perspicuum videtur, ut non sit illustratione opus. Nam crux dominica non alia significatur in locis priuùm adductis, quàm tolerantia propter Christum. Obesa etenim & crassa nimium fuit Monachorum illorum intelligentia, quos Abbas Serenus apud Cassianum collat. 8. c. 3. tradit his Christi dictis adductos esse, ut cruces sibi ligneas conficerent quas humeris iugiter circumferrent, risum spectato-

toribus inferentes, non ædificationem. Vt igitur
 latè apud S. Anselmum disputatur opusc. de crucis
 mensurat. & apud quàmplurimos quos Gretserus
 postremo de cruce libro descripsit, estque per se
 perspicuum, nomine crucis in eo effato, Christus
 Dominus patientem in asperis dispositionem vo-
 luntatis, & ad ductoris Dei frænum non refracta-
 riam aut indocilem intellexit. Firmam item, nec in
 discriminibus resilientem, vt interpretatur S. Chry-
 sostomus Orat. de crucis adorat. verbis illis, ad hoc
 « negotium appositissimis. [Quid sibi vult dictum
 « illud: Tollat crucem suam, & sequatur me. Num vt
 « quouis portemus lignum? Nequaquam. Quæ enim
 « hæc virtus? Sed vt ad pericula simus prompti, san-
 « guinem nostrum in animis nostris circumferentes,
 « parati in singulos dies ad eadem subeundam &
 « mortem, ita omnia agentes, quasi nunquam vita
 « nostra vsque ad vesperam duratura; sed certissi-
 « mè nos morituros arbitremur. Quod & Aposto-
 « lus Paulus dicebat: quotidie morior. Nonne tibi à
 « natura mors semel decreta est? Licet tibi, si velis,
 « millies pro Domino mori. Hic enim gratiæ mos est,
 « egestatem amicorum ad magnas euehere diuitias,
 « propter liberalitatem Domini, qui non modò re-
 « rum euentu, sed & voluntate propositoque certan-
 « tium, coronas metitur. Quid verò est, tollat? Aded
 « sit promptus ad eadem & crucem subeundam; vt
 « qui eam portat: Tam paratus, vt ille, qui crucem
 « iam fert humeris; Tam vicinum morti se esse exi-
 « stimet. Talem omnes obstupescunt. Neque enim
 « sic suspicimus homines mille armis tectos, vt eos,
 « qui hac tanta fortitudine muniti sunt.]

3. Operam lusero, si docere velim, tales maxi-
 mè

mè esse qui vsque ad vitæ abiectionem, patientiam probant : ac vel si mors obeunda sit, perstant constantes, & bono quod Magistro Christoprehendum didicerunt, tenaciter adhærescunt. Et faciunt hoc quidem ij, qui Tyranno Christianam fidem euertere student, intrepide obfistunt, nullâque se tormentorum immanitate, diuelli à Christianis institutis patiuntur. Tamen non minus seriò idem faciunt, qui animas suas in manibus suis ponentes inter præsentissimos diræ mortis horrores, perstant inconculsi : & vt Christo in membris suis opem ferant, amorem vitæ à natra ipsa conserutum conculcant. Hoc planè est, abnegare seipsum. Audi Chrysostomum laudata proximè oratione, quem propè verbatim exscripserunt Ioannes Xiphilinus, & Philotheus Constantinopolitani Antistites, orationibus de crucis adorat. [Quid est ab-
negare seipsum. Discamus, quid sit negare alterum, & intelligemus quid sit negare seipsum. Quid igitur est negare alterum? Qui alterum negat, filium vel fratrem, vel amicum, vel vicinum, vel alium quemcunque; hunc licet videat flagellis caedi, seu vinciri, seu quiduis aliud perpeti, non accurrit, non fert opem, non flectitur, non erga illum commouetur. Totus enim ab eo abalienatus est. Sic ergo vult Deus nos à corpore nostro auersos esse, vt licet ipsius causa aliqui nos flagellis cadant, licet puniant, licet expe'lant, licet aliud quid agant, corpori non parcamus. Hoc enim est negare; hoc est, nihil secum commune habeat, sed exponat seipsum periculis, & certaminibus; & ita sit affectus, quasi hæc alius quispiam subeat. Nec dixit, neget seipsum, sed abneget, exigua hac appositione, non exiguam exsu-

peratiam significans.] Tollunt igitur crucem suam quotidie, ex proposito Christi oraculo, seque ipsos abnegant, & quotidie moriuntur, qui in quotidianis, imo iugibus mortis periculis, alacres ad proximorum subsidium accurrunt; & suimet ipsorum obliti, vitæque negligentes, alienam salutem omni studio & diligentia curant.

Idem verè, quantum in ipsis est, animas suas perdunt, & sancto maximèque laudabili odio inuisas habent in hoc mundo, in quo non quærunt vitam saluam facere, quam propter Christum non refugiunt perdere. Vt enim philosophatur Auctor qq. ad Antiochum in 68. saluas in hoc mundo animas suas facere propositum habent, seque ipsos itidem inueniunt in hoc mundo, qui seipsos mortis periculis subducunt; & vt à malis imminenti-
bus indemnes se præstent, posthabent sibi Christum, & quæ ei chara agnoscunt; solliciti de salute sua corporea, eiusque tutela ab ingruentibus malis. Non ita qui periculorum conscij, vt tamen proximis ægris in Dei gratiam opitulentur, alacres in pericula induunt sese; nec eorum obiectu à sancto opere absterrentur; verè in seipsis exhibentes sanctum illud sui odium, reuera perfectissimum amorem, ex quo veros martyres celebrat S. Augustinus homil. 37. ex 50. Quem præterea audire iuuat serm. 103. de diuersi. cap. 3. & 4. egregiè demonstrantem fundamentum constitutæ à Christo martyribus mercedis tam luculentæ, non aliud esse quàm vitæ contemptum. Æquum enim esse videtur vt qui tam generosè & alacriter vitæ amorem pro Deo abiecerunt, hinc quidem gratiam æternæ vitæ pignus, post mortem autem, æternam ipsam vitam

vitam bonorum omnium inconcussa vbertate af-
 fluentissimam consequerentur. [Præmia martyrum
 (inquit Augustinus,) maxima credimus, & re-
 ctissimè credimus. Sed si certamina diligenter in-
 tueamur, nequaquam illa tam magna esse mirabi-
 mur. Nam vitæ huius quamuis laboriosa ac tempo-
 ralis, tamen tanta dulcedo est, vt cum homines
 non possint efficere ne moriantur, tamen multis
 & magnis conatibus agant, ne citò moriantur. Pro
 morte auferenda, nihil fieri potest, & pro ea disse-
 renda, sit quicquid potest. Certè omni animæ la-
 borare molestum est. Et tamen etiam ab his à qui-
 bus nihil ferè boni seu mali post hanc vitam spera-
 tur, omnibus laboribus agitur; ne labor omnis mor-
 te finiatur. Quid illi qui vel errore post mortem fu-
 turas falsas & carnales delicias suspicantur; vel re-
 cta fide, quietem quandam ineffabiliter tranquil-
 lissimam & beatissimam sperant, nōne etiam ipsi
 satagunt, & magnis curis agunt, ne citò morian-
 tur? Quid sibi enim aliud volunt pro victu necessa-
 rio tot labores, tanta seruitus siue medicinæ, siue
 aliorum obsequiorum, quam vel exigunt ægroti,
 vel exhibetur ægtotis, nisi ne ad terminum mortis
 citò veniatur? &c. Tanta quippe est etiam huius
 ærumnosæ vitæ nescio quæ suauitas; tantusque in
 natura vtcunque viuentium, horror mortis, vt nec
 illi mori velint, qui per mortem ad vitam tran-
 seunt, in qua mori non possint. Hinc igitur viuen-
 ti tantam iucunditatem, metumque moriendi, cha-
 ritate sincera, spe certa, fide non ficta, martyres
 Christi præcipua virtute contemnunt.] Hoc est vt
 S. Augustinus videtur; fundamentum maximorum
 illorum præmiortum, quæ martyribus in fidei cau-

sa cadentibus constituta esse, Christiani credimus. At perspicuum est, amorem vitæ æquè abiici ab eo qui se accingit ad periculosum ministerium de quo agimus, ac abiiciatur ab iis qui obtruncantur à Tyranno, Christianæ fidei infensissimo. Nam quicquid sit, an interdum aliquis à morbi virulentia indemnus abeat, (id quod æquè circa Tyranni scruitiam potest contingere, mollita aut mutata in meliùs, post damnatum & necdum casum martyrem, Tyranni mente, vel Deo, quod frequentius contigit, supra naturam hebetante vires inimicas, quæ morti inferendæ adinouentur;) ipsum tamen Christianum athletam, ad charitatis ministerium se accingentem, oportet ita esse comparatum animo, ac si mori certus esset; quod est sanè per quàm probabile. Itaque contemptio vitæ huius, quod est totum præmiorum martyrij fundamentum, iuxta D. Augustinum, æquè locum habet circa eos de quibus agimus: ac proinde iisdem digni sunt præmiis, & æquè sunt martyres.

4. Quare si tollentibus crucem suam, si abnegantibus seipsum, Christumque sequentibus, si animas suas perdentibus, & odio in hac vita habentibus, reposita est spes optima; indèque DD. ac PP. non iniuria colligunt certam salutem hominis in causa fidei mortem obeuntis, statutamque morti illi mensuram gratiæ ultra passum meritum rependendæ; quidni idem quoque colligere liceat, aut etiam oporteat, de his aliis æquè crucem suam quotidie tollentibus, æquè seipsum abnegantibus, æquè perdentibus & æquè odio habentibus animas suas? Mihi sanè nulla ex parte subluceat discrimen. Imo cum hi de quibus agimus, maximè propriè crucem suam quotidie

quotidie tollant ex Christi apud Lucam præscripto, & quamdiu periculoso ministerio insistent, quotidie mori dici queant, iuxta superius adductam verborum Apostoli ex Chrysostomo interpretationem; nec id ita propriè in eos cadere videatur qui in causa fidei vna morte defunguntur; & sæpè, crucem suam ad summum excipiant, quia aliter salua fide non licet, auersaturi si liceret: Ausim contendere, in his maximè quorum vero martyrio firmando allaboro, valere citata Scripturæ locæ; ac vel non vrgerè pro iis qui fidem profitentes animam ponunt, (quod nemo dixerit, cum expressè aduersetur Patribus ante prolatis;) vel quod Christi verborum cortex æquè fert, æquè aut etiam non nihil potiore iure, his suffragari.

Alteratio, ex mercede ministro Christi constituta, Ioan. 12.

5. In eundem sensum Cardin. Turrecremata in qq. Euangelicis circa Euangelium quod in festo S. Thomæ Cantuariensi propositum refert, (nunc enim aliud legitur;) vsurpat verba illa Christi quæ Ioannis 12. verbis ex eo capite idem propositis subnectuntur. *Si quis mihi ministrat, me sequatur, & ubi ego sum, illhic & minister meus erit. Si quis mihi ministrauerit, honorificabit eum Pater meus.* Hæc de martyrum morte ac præmio à Christo prolata, censet Cardinalis Turrecremata, vitè planè doctus ut in Concilio Florentino abundè prodidit. Hic enim est Ioannes ille Theologus, qui in prædicto Concilio, Latinorum Theologus, sanam doctrinam aduersus Græcos tam nauiter solidèque tutatus, ad

infulas & purpuram, meritissimò euectus est. Eide-
 dem interpretationi apertè suffragatur, (tamen si
 paulo etiam latius verborum illorum sensum ex
 Christi mente diffundit,) S. Augustinus tract. 51.
 in Ioan. vbi negat eum in verbis propositis dici mi-
 nistrare Christo, & grandi illa mercede per Chri-
 stum proposita donari, qui necessaria ad Christi
 etiamnum superstitis vitam mortalem, præpara-
 runt; cibum coquentes, vel apponentes, aut dan-
 tes poculum, potumve miscentes. In huiusmodi
 namque operibus, ministravit Christo etiam Iu-
 das, cui pars non erat in Christi sermone, nec ill-
 hic futurus erat vbi Christus. Inde ergo S. Augusti-
 nus rectè infert, ministerium illud Christi aliò per-
 tinere: ad eos nimirum, qui non quæ sua sunt,
 quærunt, sed quæ Ie s v Christi: cum aliis qui-
 busuis piis operibus propter Christum exercendis,
 tum maximè Christum sequèdo qui animam suam
 „ pro nobis posuit. Itaque subdit. [Minister est Chri-
 „ sti, vsque ad illud opus magnæ charitatis, quod est
 „ animam suam pro fratribus ponere. Hoc est enim
 „ & pro Christo ponere, quia & hoc propter sua
 „ membra dicturus est, cum pro istis fecistis, pro me
 „ fecistis. De tali quippe operè, etiam se ministrum
 „ facere & appellare dignatus est, vbi ait, sicut filius
 „ hominis non venit ministrari, sed ministrare, &
 „ animam suam ponere pro multis. Hinc est ergo
 „ vnusquisque minister Christi, vnde est, & mini-
 „ ster Christus. Sic ministrantem Christo honorifica-
 „ bit pater eius, honore illo magno, vt sit cum filio
 „ eius, nec vnquam deficiat fœlicitas eius.] Et mox
 laicos hortatur, ne ministrationem huiuscemodi à
 „ se alienam putent. [Nam & illam maximam pas-
 sionis

sionis ministrationem, multi ex vestro numero ministrorum, multi non Episcopi, neque clerici, iuvenes & virgines, senes cum iunioribus, multi coniugati & coniugatae, multi patres matresque familias Christo ministrantes, etiam animas suas in eius martyrio posuerunt, & honorificante patre, coronas gloriosissimas receperunt.]

Hæc cum ita sint, quis non videat, eos de quibus agimus, retenta quadam maiore & rigidior vocum proprietate, ministrare Christo? quandoquidem non tantum in Christi gratiam subeunt mala in quæ incurrunt ad mortem usque, sed etiam Christo in membris eius inseruientes, illo ipso ministerio pro fratribus defunguntur, quo Christus animam pro nobis ex charitate ponens, perfunctus est. Moriuntur enim pro fratribus, & ut eis periclitantibus, corporum & animorum subsidia non desint, vitæ suæ periculum volentes adeunt, & in eo animas ponunt. Itaque haud dubie, ubi Christus erat cum funderet oraculum quod expendimus, erunt etiam ipsi: nempe in æterna felicitàte, quæ Christo quoad animam à vitæ diluculo perpetua fuit. Eos quoque tanquam fideles ministros honorificabit Pater, ut ut nunc inglorij videantur, & obscuri in vita, in morte etiam obsoleuisse videantur. Igitur quo iure, ex loco allegato infertur ea martyrum pro fide cæsorum prærogativa, qua statuuntur pressè martyres, nempe gratiæ ultra meritum operantis certus prouentus, & gloriæ ei gratiæ respondentis aureolæque accessio, eodem iure statuendum est, his item Christi ministris, cum illi sancto ministerio immoriuntur, & exemplo Christi animas pro fratribus ponunt, concedi præ-

rogatiuas prædictas, ellèque proinde præse martyres.

*Ratio tertia, ex facto S. Desiderij, ac similium
Pastorum, in Scripturis collaudato.*

6. Potest quoque huc aptari ministerium illud in variis scripturis commendatum, nominatimque Ioan. 10. quo boni quidam pastores, posuerunt animas suas pro ouibus suis, & eo præcisè nomine inter martyres recensentur. Sic enim S. Desiderius Episcopus Lingonensis, in Romano, & Vsuardi, ac Bedæ, & Adonis martyrologiis, agnoscitur martyr: Et tamen ea vna irrogatæ illi mortis causa proferitur, quod cum plebem suam ab exercitu Vandalorum & adiunctarum gentium vastati videret, bonus pastor, deploratam ouium conditionem miseratus, Ducem Vandalorum, cui nomen Crasco, miseris pacem exoraturus adierit, & in eo charitatis officio, Ducis barbari mandato, sit trucidatus. Crascom porro eiúsque Satellites, in sanctum virum non exarsisse odio fidei, constare videtur ex eo quod S. Hieronymus epist. ad Ageruchiam quæ est 11. & Prosper Tyro in Chronico, cum describunt illam Vandalorum & foederatarum nationum eluuiem in Gallias, non aiunt, eam hominum colluuiem in odium Christianæ fidei grassatam; sed furore barbarico irrupentem, omnia cædibus, incendiis, rapinisque miscuisse. Et disertè quidam Episcopus, quem refert, & quoad hoc approbat S. Augustinus epistol. 180. incursum Vandalorum, ait duntaxat fuisse furorem barbaricum, non fidei sed opibus infestum; ideóque eum vocat *sterilem passionum,*

passionum, id est inidoneum ad martyrium, quoad eos qui vi muneris perire non tenebantur, ut sanctus Augustinus, dictum meticulose illius Episcopi, recte restrinxit. Mors igitur eo impetu ac sæuitia per Vandalos irrogata, non esset ad verum S. Desiderij martyrium satis. Neque enim cædes eius, innoxie licet, & dignissimi aliter excipi; posset ad martyrium sufficere. Vnde cum obscurum saltem sit, an sanctus hic Præsul, occisus sit odio Christianæ fidei, obscurum item esse deberet, fueritne verus martyr, qualem eum statuunt omnia martyrologia. Ne igitur vel inidoneam, vel ancipitem, dicamus esse causam martyrij S. Desiderij, statuendum est, illum idcirco martyrem esse censendum, quia tentans cladem suorum auertere, & barbarorum ducem mollire, tanquam importunus interpellator barbaricæ rapacitatis & sæuitiæ, in eo charitatis opère trucidatus est, absque alio ad Christum respectu, quam imitationis positæ ab eo animæ pro ouibus, & exercitij charitatis per Christum commendatæ, cui incumbens S. Antistes, truci ac barbaro duci importunus visus est. Eademque ex causa Vincentius S. Desiderij Archidiaconus, referente Sigeberto anno 408. quo ea clades illata est, & nonnulli eodem perfuncti charitatis officio, ac sanctum Præsulem comitati, per barbarum Ducem æquè obtruncati, censentur inter martyres. Quominus enim eos qui cum illo martyrium passi produntur, ad plebem promiscuè tunc cæsam pertinere existinem; facit, quod mors à victore, etiamsi barbarè & iniuste irrogata, non sufficeret ad martyrium. Et alioqui oporteret fatigi, innumerabilem vim martyrum cœlis illatam à

Vandalis,

Vandalis, eaque Hyperborearum gentium, colluue
 quæ Vandalis adiuncta irrupit in Gallias. Nam
 quanta tunc strages & clades sit edita, docent illa S.
 Hieronimi epist. 11. [Præsentium miseriarum pauca
 percurram. Quod rari hucusque residemus, non
 nostri meriti, sed Domini misericordiæ est. Innu-
 merabiles, & ferocissimæ nationes, vniuersas
 Gallias occuparunt. Quidquid inter Alpes & Py-
 renæum est, quod Oceanus & Rheno includitur,
 Quadus, Vuandalus, Sarmata, Alani, Gipedes,
 Heruli, Saxones, Burgundiones, Alemanni, &
 (ô lugenda Respublica,) hostes Paunonij vasta-
 runt. Etenim Allur venit cum illis. Maguntiacum,
 nobilis quondam ciuitas, capta atque subuersa est,
 & in Ecclesia multa hominum millia trucidata.
 Vangiones, longa osidione deleti. Remorum vrbs
 præpotens, Ambiani, Attrebatæ, extremique
 hominum Morini, Tornacus, Nemete, Argen-
 toratus, translati in Germaniam. Aquitaniam, No-
 uemque populorum, Lugdunensis, & Narbonen-
 sis prouinciæ, præter paucas vrbes, populatæ sunt
 cunctæ: quas & ipsas, foris gladius, intus vastat
 fames.] Hæc de ea eluuione S. Hieronymus. Ex
 quibus quanta internecio per Vandalos sit illata,
 perspicue liquet. Et tamen si S. Desiderium & pau-
 cos socios excipias, de aliis tanquam de martyri-
 bus, nulla vsquam mentio: quod etiam si barbarè
 & citra culpam suam, vexati, ac cæsi; tamen ne-
 que in Christianorum dogmatum odium id essent
 passi: neque ad Christianæ charitatis exercitatio-
 nem, discrimen mortis adissent, & in eo cecidis-
 sent, vt S. Desiderius cum sociis fecit. Quare ob-
 truncari in opere charitatis, cuius exercendi gra-
 tia,

tia, prudenter & consulto numine indueris te in apertum discrimen mortis oppetendæ, est ad verum & pressè dictum martyrium omnino satis.

7. Quid hinc in rem præsentem inferatur, non est obscurum. Nimirum apertè haberi videtur, æquè deferendum esse veri martyrij decus, cuicunque in aliquo charitatis ministerio, & propter illud ut à Christo commendatum, aut mandatum, animam ponenti. Siue autem ministerium illud sit consilij, siue præcepti, perinde erit. Vtroque enim modo, perditur anima propter Christum: ad quem respectus aliquis in ea perpessione mortis continetur, quatenus subleuatio proximi, adiunctam habens mortem, est Christi doctrinæ consona, & in Euangelio commendata. Itaque siue qui iuuant contactos, id faciant ex muneris sui obligatione, & ex iustitia, ut Parochi; siue ex mera charitate ad consilia spectante, aut certè (quod in huiusmodi calamitatibus non est infrequens,) necessaria ex præcepto; perinde est ad honestandam talem mortem nomine ac decore martyrij, si in periculoso illo ministerio vitam exuant. Nihil verò præterea referre, quod hi contactorum curatores, ab alio non obruncantur, nec ex eo infringi posse argumentum pro illorum vero martyrio petatum ex clade S. Desiderij, qui ab alio est interfectus, demonstrepo cap. sequenti, enodans quæ pro contrario placito adducta sunt cap. 1. Nunc sufficit, euictum hoc argumento videri, nihil deesse quominus qui sancto inuandorum lue contactorum ministerio immoriuntur, sint verè ac pressè martyres, si non stet per defectum irrogatæ ab alio mortis. At hunc defectum non obesse, mox liquebit,

*Quarta ratio, ex commendata per Apostolum,
positione animæ pro fratribus.*

8. Non incommode, testimonio ex Euangelio Ioannis, & exemplo S. Desiderij proximè expensis, subnectam locum ex 1. Ioan. 3. quem S. Prosper in opere de promiss. p. 2 c. 34. annumerat aliis scripturis, quas profert ut spectantes ad verum martyrium. *In hoc* (inquit dilectus Apostolus,) *cognovimus charitatem Dei, quoniam ille animam suam pro nobis posuit, & nos debemus pro fratribus animas ponere.* Quod enim S. Prosper, eum locum cum cæteris ad verum martyrium pertinentibus recensuerit, apertè significat, primùm quidem Christum Dominum agnosci à Prospero verum martyrem, eo nomine quod animam suam pro nobis ex charitate posuerit, de quo plura parte 4. tractando martyrum conformationem cum Christo Domino. Deinde nos quoque veri martyrij lauream consequi, si ex charitate vitam pro fratribus abiicere, & sancto cuiusdam ministerio immori contingat. Nam quamvis martyres pro fidei dogmatibus occumbentes, aliquo tandem modo dici possint pro fratribus quos exemplo suo incendunt, animas ponere, tamen longè luculentiùs & directiùs id facere qui in ministerio charitatis mortem oppetunt, & per se patere videtur, & infra p. 4. distinctiùs tradetur. Vbi etiam liquebit, quæcunque in martyrio pro fide excepto micant; fidem, spem, charitatem, fortitudinem, testificationem Christianæ veritatis, expressissimam mortis Christi imitationem, plenissimum hominis holocaustum in

in obsequium numinis , & quæcunque alia ad decus martyrij in causa fidei adduci possunt , & quibus Deus videtur permotus ad certam gratiæ ac gloriæ mensuram ultra martyris merita rependendam ; (quæ est martyrij pressè accepti veluti characteristica :) omnia inquam huiusmodi , æquè splendere in martyrio charitatis , siue misericordiæ , vt Ruffinus appellauit. Quæ erit non modica , nostræ sententiæ hætenus propositæ & stabilitæ , confirmatio , ultra proximè adductas. Nunc ad dissoluenda quæ in contrarium cap. i. adducta sunt , veniamus.

C A P V T VI.

Firmamenta contraria sententiæ , & machine quibus nostram impetit , disiciuntur.

1. **S**tabilita veritate, superest vt argumenta contra eam superiùs intorta , post constitutum controuersiæ statum , repellamus , & aduersus ea quæ hætenus asseruimus , nullius esse efficacitatis demonstramus.

Ad argumenta in contrarium ex Patrum & Doctorum auctoritate.

Obtendebatur in primis in contrarium , auctoritas omnium retrò Doctorum Scholasticorum , atque Moralium ; itémque SS. Patrum , à quibus hoc martyrij pressè dicti exemplum pro quo pugnamus , nusquam profertur : Verùm hæc argumentatio nullius est momenti. Ratum quippe apud omnes

nes est, argumentum ex silentio siue ab auctoritate negatiua petatum, esse inefficax, non modò si sermo sit de Doctoribus sacris aut quibusuis hominibus, sed etiam si sermo sit de ipso Deo. V.G. si quis contenderet aliquid falsum esse, quia nihil tale proditum est; friuolum esset argumentum, nisi si quæreret, an aliquid diuinæ fidei subiiciatur. Fides enim reuelatione diuina nititur, & idcirco nisi quod ei subiiciendum est, fuerit à Deo reuelatum, non spectabit ad fidei dogmata. Extra hunc euentum, probatio ex auctoritate negatiua, etiam diuina, leuis omnino est momenti. Cum ergo argumentum propositum sit huius farinae, liquet quàm sit inefficax: & quàm casto impetu, in sententiam propositam intentetur. Præterquàm quod perperam in eo argumento assumitur, omnes retrò Doctores & Patres, de sententia nostra tacuisse, cum non vnum protulerimus ex optimæ notæ Patribus, qui in eam concesserunt: & ipsam Ecclesiam, quæ veritatis columna est, eidem sententiæ suffragatam esse monstrauerimus.

2. Non est operosius elidere quod continenter subdebatur. Nempe aliquos DD. & PP. non modò hoc quod stabilire nitimur martyrij genus, pressisse silentio, sed etiam disertè esse inficiatos. Quamquam enim quideam in parte vni vel alteri recentiori qui adducebatur, visum sit in contrarium, non est curandum: Tamen de sancto Cypriano, qui inter Patres nominatim proferebatur aduersarius, dicendum est, nihil ex eo proferri, quod vel in speciem, constitutæ à nobis sententiæ refragetur. Nam quod iis quibus lues timorem faciebat, & ei timorì dolorem ob præclusam martyrij gloriam obten

obtendebant, respondit sanctus Cyprianus, martyrij decus Deo esse permittendum, nihil præfenti causæ officit. Hic enim agimus de illis qui contactis iuuandis immoriuntur, eosque aggregandos pressè dictis martyribus affirmamus, non autem eos qui quomodocunque lue contacti excedunt, de quibus S. Cypriano sermo erat. Quo eodem modo, infringitur quod addebatur ex ea S. Cypriani oratione, qua clauum clauo trudens, meticulosos in mortalitate, solatur ex immunitate à subeundo martyrio, si per eam calamitatem caderent. Nam hac quoque S. Cyprianus in eos intorquet molles Christianos, & delicatos cœli candidatos, qui iuxta Angelicam vocem quam profert, pati timentes, exire quoque metuebant. Qui inquam, & martyrio perfungi pro Christo detrectabant cum eius se dabat occasio; (et se dabat tunc frequentissimè,) & à martyrio excipiendo alieni, pestem quoque grauatè admittebant. Eos verò qui Christiana generositate, in præsentissimis mortis discriminibus non torpent, sed propter Christum ne vitæ quidem suæ parcunt, ut subsidium proximis ex charitate impendant, S. Cyprianus, aduersus metum grassantis contagij non roboraret proposita immunitate à martyrio in causa fidei, & à morte per Ethnicos ob Christianam professionem inferenda. Tandem quod S. Cyprianus, affirmabat mortalitatem aptare homines ad martyrium fidei causa excipiendum, abstracto ad Deum à rebus hisce fluxis, illorum affectu, nihil refert ad rem præsentem. Non enim idcirco falsum est, quod dicimus eos qui pestis tempore ex charitate vitam suam alacres impendunt proximis, veri martyrij titulo insigniendos.

Itaque omnia argumenta, quæ in sententiam nostram intentantur ab autoritate, admodum frigent. Eo enim reducuntur omnia, quod autores (saltem prisca, & quorum autoritas sit ineluctabilis,) huiusce martyrij non meminerint, sed eius duntaxat quod ex doctrinæ reuelatæ odio inferitur. Quod argumentandi genus, cum sola negatiua autoritate nitatur, futile est. Neque verò mirum debet accidere, quod autores ferè non meminerint alterius martyrij, quàm eius quod pro fidei doctrina & testificatione subitur. Hoc enim est martyrium frequentissimum, & quo tempore Patrum plerique scribebant, quotidianum. Eàmque ob causam, videtur antonomastice dictum esse martyrium. Cum è contra, hoc martyrium pro quo pugnamus, sit admodum infrequens, & interdum vix in pluribus seculis alicubi locum habeat. De rarè autem contingentibus, vt logici proloquuntur, non est scientia. Plerique etiam egisse videntur de martyrio, tantum quoad vocis corticem spectato. Quia enim martyr, iuxta vocis notionem, idem est quod testis; & ij formalissimè Deo attestantur, qui minante licet inortem Tyranno, perstant in fidei confessione inconcussi; inde factum videtur, vt receptissimus vsus, martyrum nomen solis fidei professoribus adscriberet: non exclusa tamen sortis paritate apud DEVM, quoad eos qui æquè morte propter Christum defunguntur. in aliis negotiis, etiamsi minus explicitè, minusque formaliter, testes esse videantur.

Ad rationem ex defectu alienæ violentiæ, Christum, aut fidem persequentis.

3. Sic disiectis argumentis ab autoritate petitis, non difficile erit rationes quoque euertere. Prima ex eo petebatur, quod mors martyrium pressè dictum constituens, debeat esse opus alienæ violentiæ, in fidei odium sæuientis: quod in iis qui aliis ex charitate iuuandis immoriuntur, non apparet. Verùm alienam violentiam de ratione martyrij esse, negat disertè Abulensis in.c. 13. Matth. q. 20. Estque certum si agatur de aliena violentia physicè illata. Constat enim SS. plerosque martyres, ad generosam fidei suæ professionem edendam, & luculentum Christianæ fortitudinis specimen exhibendum, insiluisse vltro in fornaces Quod de trecentis, quibus ex euentu, *massa candida* nomen inditum, itémque de S. Apollonia, & aliis, referunt Ecclesiasticæ tabulæ. Non paucas etiam SS. mulieres, salua martyrij gloria vltro è locis præaltis in subiectum solum, vel in fluuios ruisse præcipites, ad tuendam castitatem, vulgatissimum est, & nonnulla exempla habet S. Ambrosius in opere de virginibus. Quis ergo his Christi pugilibus, martyrij decus abroget, idcirco quod nulla ab extrinseco physicè illata violentia occubuerint pro Christo? Illatio autem violentiæ ab externa causa morali, tum demum est ad martyrium necessaria, cum mortis appetitio non esset alioqui honesta. Nam si quis, citra noxam, imo cum laude posset in mortem pro Christo ruere, ex eo ipso motiuo ex quo alienam violentiam excipit cum fructu martyrij, esset haud du-

hic martyr habendus, quamvis violentiæ externæ
exors omni modo: quia illa ultro nea mortis adi-
tionem honesta & sancta, abunde suppleret defectum alienæ
violentiæ, ne moraliter quidem adhibita. D E V S
enim ad coronandum martyrem, eam violentiam
non attendit, nisi quatenus mors ab ipsomet homi-
ne, in honestè quæreretur, ac cum scelere. Si autem
mors ab ipso homine aliquando absque culpa adiri
possit; vel ut castius loquamur, si homine discrim-
inatum apertum mortis honestè adeunte, contingat
mortem consequi, quamvis absque extrinsecus
illata violentia, nihil erit, cur ad veritatem mar-
tyrij ei morti vendicandam, desideretur vis exter-
na mortem inferens: quia satis est quod ex parte
passi, omnia laudem & coronam promerentia in
quæ Deus intendit, & scilicet mors honestam illam
discriminis aditionem consequens, interueniat. At
in præsentī negotio, & discrimen honestè aditur,
& mors consequitur, quam acceptatam supponi-
mus ex germanissimo martyrij pressè sumpti mo-
tuo, cuiusmodi est charitas Christi, vrgens mini-
strum discrimini se committentem; conformatio
cum Christo, & suffragium doctrinæ per Christum
revelatæ exhibitum. Nihil igitur est, quorsum alie-
na violentia, etiam quæ tantum moralis est, neces-
saria esse dicatur, ad verum martyrium in hac
morte agnoscendum. Quid verò refert, quod mors,
non modò ut oportet excepta, sed etiam ultro
adita, committendo se eius discrimini, in quod se
conicere, illatæ violentiæ æquivalet, absque
alieno scelere inferatur? Non enim D E V S, ad
coronandos athletas suos in malignitatem hostium
intendit, sed in servorum suorum affectum, &
motuum

motiuum ex quo in mortis discrimen lubentes irruunt : quod in istis, supposita honesta additione discriminis supplente illationem violentiæ, est legitimum martyrij motiuum. Imo in maioris alacritatis & generositatis argumentum cedit, quod vtrò quantum in ipsis est, mortem lacestant, nec præstolentur aliunde irrupturam.

4. Bellè verò in contrarium proferebatur Optatus l. 3. eo quod Donatistas increpans dicat, [deberis attendere ne temerarium sit, eos martyres appellare, qui Christianorum nullum senserunt bellum.] Et statim addit : [quod bellum, persecutio dicitur.] Hoc dico, ineptè intorqueri in sententiam nostram. Nam ibi Optatus agit contra rabiem Circumcellionum, qui incentoribus Marculo & Donato factiosorum signiferis, à submissis per Imperatorem Constantem copiis, repressi sunt, quibusdam letho datis, quos Donatistæ iactabant martyres; sed planè temerè & ridiculè, iuxta Optatum; cum mors illis per publicos ministros, illata non fuisset in odium fidei sue per Christianum bellum, sed ad iustam scelerum castigationem. Vbi cum ageretur de morte næxiis illata à vero martyrio secernenda, ad idque sufficeret illam conferre cum vulgari martyrio quod per alienam violentiam infertur, non erat cur S. Optatus, alterius præterea veri martyrij, si quod erat, mentionem faceret, ab instituto illius planè alienam.

Ex dictis insuper, excisum manet quod addebatur, necessarium esse ad martyrium, vt mors ob Christi odium inferatur. Id enim verum est, cum mors infertur per violentiam, physicè aut moraliter ab alio illatam. At cum mors subicit nulla interue-

niente causa externa violentiam inferente, sed ipse sibi homo quodammodò vim infert, honestè & sanctè, nempe adeundo discrimen, sicque dando in se locum causæ virulentæ & lethiferæ ad quam mors consequitur; tunc quamuis homo teneat persecutoris locum, non exigitur tamen vt agat ex motiuo illo detestabili, quod formalis persecutor propositum habet: sed satis est, si operetur ex illo sanctissimo motiuo, ex quo conuenit passum mortem excipere cum martyr & persecutor secernuntur. Hoc autem motiuum, est, pati propter *DEVM* & doctrinam reuelatam. Id enim esse germanum martyrij motiuum ex parte passi, supposita aliunde formali vel æquiualente illatione violentiæ; abundè monstratum est p. 2. Igitur cum hîc habeamus violentiam æquiualentem, & ex parte passi nihil desit ad verum martyrium; non est quod timeamus absolutioni & perfectioni huius martyrij, ex eo quod mors non inferatur per odium doctrinæ reuelatæ, aut Christi, aut Dei. Fingamus porrò, quod citra figmentum accidisse quandoque videtur: Nimirum aliquos ex iis qui occidendis SS. Apostolis & Christianæ doctrinæ præconibus, arbitrabantur obsequium se præstare Deo, per ignorantiam inculpabilem sic se gessisse, & ex motiuo per inuincibilem errorem honesto, mortem Sanctis Dei testibus irrogasse. Nemo sanè idcirco negauerit, Sanctos sic cæcos ex honesto motiuo, & per accidens absque scelere, & odio Dei; imo ex virtute & zelo diuini honoris obtruncatos, verè martyres extitisse. Igitur quod in re nostra deficiat turpe motiuum ex parte eius qui æquiualeenter infert violentiam, hoc est ex parte passi vltro incur-

rentis

rentis in discrimen, nihil derogat perfectioni huius martyrij. Imo insignis quædam eius præcellentia agnoscenda est, ex eo capite quod peragatur absque offensa Dei, sitque vndecunque innocentissimum.

Expensio exemplorum, ex quorum paritate, impetebatur præterea nostra sententia.

§. In argumento quod continenter addebatur, conglobabatur exempla eorum quos clarum videtur non esse præse ac propriè martyres, quamvis videantur eodem esse loco, quo illi qui immoriuntur ministerio proximos subleuandi ex charitate. Dicendum verò est, aliquos in exemplis illis prolatos, esse planè eodem loco, quo istos quibus veri martyrij prærogatiuam vendicamus: alios autem longè diuersa esse conditione, & idcirco mirum non esse, quod in martyrum album non sint referendi. In primo ordine, colloco illos qui conscij discriminis subeundæ mortis in exercitio operis supernaturaliter honesti, ad quod prudenter & sanctè aggrediuntur, nihilominus non resiliunt, sed alacriter propter Christum, & vt doctrinæ reuelatæ approbationem opere exhibeant, irruunt in periculum cui etiam succumbunt. Vt religiosus ille, qui in obedientiæ Christianæ, imo religiosæ executione, vitam poneret, non casu ac non præcognito mortis discrimine, atque adeò neque acceptato, sed vtrò, & vt honestatem supernaturalem iis licet asperitatibus circumspectam, captaret. Itēque is, qui ad opitulandum proximo de submersione periclitanti, desilit prudenter in aquas, probè conscius discriminis quod adit; tantum vt eo Chri-

stianæ charitatis officio defungatur, & proximum morti subducatur, iuxta Christi doctrinam. Hos ego ac similes, eodem planè loco habeo, quo illos de quibus hìc agitur. Est enim perspicuè eadem ratio: atque adeò omnes æquè martyrij prærogatiua insigniendos, contendo. Nec timendum idcirco est nimix martyrum multitudinì. Non enim adeò multi sunt, qui prudenter summa huiusmodi discrimina adeant, tantùm vt exerceant opus Christianæ in alios charitatis, alteriúsue honestatis reuelatæ. Et vt innumeri essent, ac super arenam multiplicarentur, non esset abbreviata manus Domini, in cuius domo abundè esset gloriæ & diuitiarum, vnde omnibus idonea præmia rependantur.

6. At qui ad lucellum aliquod captandum, in proposita discrimina irruerent; vel reciperent hìc mercedem suam, si ea lucri captatio esset inordinata, vt non difficile potest contingere: essetque ea pretij ob actum virtutis malè elicitem captatio, multo vituperabilior quàm ea in cuius insectatione multus est Plato in Protagora: & ob quam Socrates apud Xenophontem l. i. memorab. Sophistas *ἀόγους*, scorta & catamitos nominabat, quia virtutis doctrinam, mercede prostituebant: nundinantes iuventutis institutionem, & inde sibi deponentes salaria. Vel certè quamuis qui lucrum captarent ex ministerio de quo agimus, prudenter & honestè agerent, vt potest etiam contingere, tamen ita acciperent à Deo meriti sui compensationem operi operantis debitam, vt nihil sibi ex opere operato rependendum, facerent reliquum: quandoquidem non purè ac simpliciter propter Deum, vt exigunt omnes diuinæ promissiones

martyri

martyribus propositæ, sed affusa aqua vino charitatis, id est proposita mercedis humanæ spe, operarentur. Deus autem, morti ob vnam suam gloriam appetitæ, decora martyrij voluit reposita. Nec dissimiliter philosophandum est, de iis qui ex naturali amore, ægris lue contactis assident, eisque cum laude ministrant, vt liberi parentibus, vel parentes liberis, & coniuges inuicem. Quamuis in huiusmodi personis, tale ministerium laude dignissimum sit, possitque etiam ingens supernaturalis meritum procreare, si ex regulis operationis supernaturaliter meritoria exerceatur, & vt dixit Saluianus l. 3. ad Eccles. *in natura vinculo, Deum cogitent naturarum patrem: & amoris munera, in sacrificia conuertant.* Tamen mixtura illa humanæ necessitudinis, ex qua præsertim impelli videntur qui ministerium illud erga sanguine iunctos obcunt, multum remittit de supernaturali operis præcellentia: Et vt illud esse sinat dignum præmio, ratione operis operantis, eam tamen efficit inidoneam ad fructum operis operati: qui fructus, soli mortis perpeffioni ex supernaturali motiuo, fecibus humanorum motiuorum non admixto, est alligatus. Nam Christus martyrum præmia spondens, & ostentans, dixit, *si quis perdidit animam suam propter me; Ego propter me*, atque adeo non ob motiuum turpe aut indifferens: sed neque ob qualecunque motiuum bonum, cuiuscunque demum sit ordinis; sed ob motiuum naturale, idque non impurum sed inferioris honestatis admixtæ concreione liberum; alioqui non foret tale, vt posset Christus de homine moriente ex eo, dicere, *hic propter me mortuus est.* Cum tamen iis tan-

tum qui eiusmodi erunt , constituti à Christo sine fructus martyrij, vt liquebit attendenti ad Euangelica oracula in quibus eos fundauimus , rectèque à D. Augustino expensum est , serm. 100. de diuers. c. 2. prolato enim eo Christi dicto , Qui perdiderit animam suam propter me , ait Augustinus. [Qui perdiderit (*inquit*) propter me. Tota causa est. Qui perdiderit non quomodocunque, non qualibet causa , sed propter me. Illi enim in prophetia iam dixerunt martyres : Propter te mortificamur tota die. Propterea martyrem non facit pœna , sed causa. Quando Dominus passus est , tres cruces causa discreuit. Inter duos latrones , crucifixus erat. Hinc & inde facinorosi confixi , in medio ipse. Et tanquam illud tribunal esset , insultantem damnauit , confitentem coronauit. Quid faciet iudicaturus , si hoc potuit iudicatus ? Iam ergo discernebat cruces. Iam si pœna interrogaretur , similis erat Christus latronibus ; sed si interroget quis crucem , quare crucifixus est Christus , respondet nobis , propter nos. Dicant ergo illi , & martyres : Et nos mortui sumus propter te.] Quotquot igitur per verum martyrium Christo configuntur cruci , nullo planè alio , tametsi non malo , aut naturaliter honesto motiuo , duci debent. Si tamen cognati non aliter in sanctum illud ministerium incumberent , quàm laici illi Alexandrini de quibus cap. 4. aut quàm sacri ministri , de quibus frè ad extraneos comparatis , hætenus egimus , planè ipsi quoque accenserentur veris martyribus , si in illo pio cognatorum subsidio , mortem oppeterent.

Denique de morientibus quia iniquationem corporis refugerunt ; (si qui sunt qui idcirco moriantur,

riantur, quod putō falsum,) dicendum est non esse martyres. Eadem quippe eorum ratio est quæ noxiorum, qui cum possent mentiendo defugere iusta supplicia, malunt eis subiacere quàm mentiri, & idcirco moriuntur: quos tamen martyres non esse supra ostendimus, quia non moriuntur ob mortuum legitimum martyrij, sed ob crimen admissum. Ita & hic non propter castitatem, sed ob talem temperationem depravatam, excedunt é vita. Castitas autem obstat tantùm, ne causa illa obitus cum scelere auferatur: sicut veritatis amor obstat, ne reus cum peccato causam mortis obtegat, & veluti subducatur mentiendo. Itaque neuter est martyr sic moriens,

Dissolvitur argumentum ex contrapugnatione.

7. Argumentum quod postea subiiciebatur ex contrapugnatione, imbellè est, si rectè instituaturs proportio, inter martyrium in causa fidei, & martyrium misericordiæ de quo agimus. Vtrinque enim exulare debet similis contrapugnatio. Sicut ergo contrapugnatio aduersus causam liberam à qua mors irrogetur in odium doctrinæ reuelatæ, pugnaret cum veritate martyrij, vt supra ostensum est, par. 2. Ita contrapugnatio aduersus causam liberam, à qua homo precibus, consilio, imperio, aut quomodolibet aliter, ad pium ministeriū applicaretur, itémque contrapugnatio aduersus ipsummet hominem, qui hic est sibi æquiuallenter persecutor, id est renisus contra sanctum propositum liberé ab ipso homine susceptum, impédendi se in hoc opus; pugnaret cum martyrio misericordiæ, quia
excin

excinderet acceptationem, quæ omnino intima est cuius martyrio adulatorum pressè dicto. At contrapugnatio aduersus proximam mortis causam merè necessariam, non obscurat huius martyrij decus. Sicut neque similis contrapugnatio aduersus proximam mortis causam necessariam, pugnaret cum vero fidei martyrio. Non enim si quis à Tyranno, iurato hoste Christianorum, in odium fidei multis plagis afficeretur, isque postmodum, adhibita curatione tentaret vim vulnerum retundere, ac obistere ne mortem inferrent, censendum idcirco esset, martyrij gloriam in eo euanuisse, morte consecuta. Similiter ergo in re præsentī, fas est salua martyrij gloria, & aduersus panos pestilentis luis ex pio ministerio contractos, omni ope conniti, ac ne vitam eripiant impedire; & aduersus contrahendos communiri, adhibitis alexipharmacis. Nimirum ratio propter quam contrapugnatio aduersus causam liberam excindit martyrij rationem, ea est vt attingebam, quod contrapugnatio illa excludat mortis acceptationem, ad martirium omnino necessariam, & remoueat conformitatem cum Christo, qui cum pateretur non comminabatur. Quomodo enim mortem acceptat, qui omni studio auerit? Quomodo item Christo agno, atrocissimè absque voce in lanios suos iugulato, assimilaretur, qui insectantibus aduersatur, aut etiam pro malis reponit mala? Cum verò contrapugnatio est duntaxat aduersus causam necessariam, cessant omnia hæc incommoda, nec ambiguum est quomodo mors liberrimè acceptata sit in sua causa: nempe in voluntaria discriminis præcogniti

aditione,

aditione, & applicatione ad tale ministerium, ex quo consecutura prænoscatur.

Item quod ex fidei testificatione, martyrio necessaria, petebatur.

8. Aliud argumentum in contrarium, ducebatur ex notione vocis. Quia enim martyr idem est quod testis, testificatio autem non videtur locum habere nisi corā hoste fidei; inde inferebatur eos de quibus agimus, ut nomine, ita & notione martyrū nomini subiecta, destitutos esse. Verū cōpetere his quoque testificationē Christianæ doctrinæ, & quidem luculentā & eximiā, proximè monstrabo. Vnde liquebit, hos quoque testimonio fidei probari, nec hoc martyrium ita appellari *charitatis*, quasi excludatur fidei per illud testificatio, aut quasi non æquē pro fidei doctrina subeatur, ac cum quis pro castitate retinenda occiditur: Sed tantū appellari *charitatis*, quia opus in cuius exercitatione discrimen mortis aditur, pertinet suapte natura ad charitatem. Est ergo in huiusmodi morte, testificatio fidei, & veritatis alicuius reuelatæ. Quod si quis mallet negare in huiusmodi ministerio ullam cerni testificationem veritatis reuelatæ, addendum ei esset, talem testificationem non esse vniuersè de ratione martyrij secundū quidditatem suam spectati: quamuis in ea morte propter Christum, quæ frequentissima olim fuit, emineat talis testificatio, indèque martyrij nomen extensum sit ad omnem mortem similis conditionis, & feracem gratiæ quasi ex opere operato. Qua ratione videmus, in aliis plerisque rebus nomina ultra quàm vocis cortex ferat,

ferat, sæpè exporrigi. V.G. nomen *Eunuchi*, quod ex primæua notione semiuirum denotat; quia olim huiusmodi entibus diminutis, excubiæ in principum aulis demandabantur, extensum postea est ad alios designandos, in quos procedente tempore translata est ea functio: ita vt ab vsu antiquo, qui postea muneribus illis distenti fuere, dicerentur Eunuchi, quamuis coniugio illigarentur, vt patet ex Genes. 39. *Excelsa* item à primo & frequentiore vsu dicta sunt, quæ postea etiam in vallibus sunt constituta. Nomen quoque martyrologij quod olim sonabat duntaxat indiculum SS. Martyrum, vt liquet ex S. Gregorio 7. registri indiçt. 1. epist. 29. nunc extensum est ad syllabum plurimorum aliorum Sanctorum, Confessorum, ac SS. Virginum. Similiter ergo quia primo & frequentius, mors gratiæ ferax quasi ex opere operato, nomen martyrij tulit, ob confertam ei testificationem veritatis, factum est vt omnis eiusmodi mors quamuis carens talis testificationis adiunctione, nomine martyrij donaretur, quod spectato vocis cortice non fuisset ita diffundendum.

Cur oretur pro immortalis ministerio charitatis, si verè sunt martyres.

Postremum argumentum petebatur ex vsu orandi, & sacrificia offerendi, pro iis qui immoriuntur ministerio iuuandi lue contactos, cum tamen extra controuerſiam sit iniuriam facere martyri, qui orat pro martyre. Hoc argumentum, nego esse idoneum, ac satis firmum. Et inprimis, mihi non satis constat, quis vsus hac in parte vniuersaliter vigeat.

Supposita

Supposita autem vniuersalitate, vel etiam frequentia maiore, & communiori vsurpatione vsus illius; erit qui illud reponat ex Concilio Carthaginensi, apud Augustinum lib. 6. de baptis. c. 37. [In Euangelio Dominus dicit, Ego sum veritas, non ego sum consuetudo; itaque veritate manifestata, cedat consuetudo veritati.] Quod est ex Tertulliano depromptum l. de veland. virg. cap. 1. & firmatur in Concilio Turon. sub Alexandro 3. sanciente, veritati, nullam quantumuis inolitam consuetudinem præscribere; nec inualescere errorem longo temporum ductu, sed augescere. Breuiter & concinnè idem tradit S. Cyprianus epist. 74. cum ait, [consuetudo sine veritate, vetustas erroris est.] Pulchrè item in eandem sententiam differit inter externos Dio Chrysostomus orat. 31. Erit inquam qui contra statuatur, vsus illum ad abusum pertinere: & ex non satis explorata veritate sententiæ cui subscripsimus, inductum probabiliter atque retentum fuisse, ab iis qui aliter opinabantur. Ego verò ea suppositione facta, (siue posito quod generalis vel etiam communior vsus ferat, vt Christiana suffragia personis de quibus agimus impendantur;) illud inprimis statuo, nihil esse hac in parte absque Ecclesiæ præscripto nouandum; neque priuato alicuius sensu aut iudicio, mouendos esse terminos quos posuerunt Patres nostri. Cum enim sententia cui adhæreo, à me non venditetur vt indubitata, & adedò certa, vt negem posse ei subesse falsum; planè consultius est, donec plenior lux affulgeat, & interposita maiorum auctoritas aliter pronunciet, trito itineri insistere. Si enim sententia cui adhæssi, destituatur veritate, malè omnino personæ de aliis
tam

cripta de quibuscū cultu martyribus solemnī prosequendis, expunctis aliis. Atqui affici cœlestibus martyrum honoribus, & suffragiis Christianis nō egere, tam nexa sunt, ut disiungi nequeant & vel simul alicui competant, vel simul negētur. Igitur quandoquidem personæ de quibus agimus, ante interpositam Ecclesiasticam vindicationem, absque iniuria non coluntur cultu martyrum; absque iniuria quoque, iisdem suffragiis quibus alij piē in Christo mortui, donabuntur. Quare ex usu illo, orandi & suffragia impendendi, personis de quibus egimus, etiam si dicatur esse vniuersaliter atque vbiuis probatus, tantū sequitur quod vltro dedimus; nempe sententiam nostram vsquequaque certam non esse, aut talem, ut ex ea priuato tantum cuiusque arbitrio fas sit, ante Ecclesiasticum decretum, nouare aliquid circa defunctos de quibus actum est. Quod tamen Theologis, in quibus per Ecclesiam licet, solenne est; sensum meum, non Ecclesiæ tantū, aduersus quam hiscere scelus fuerit, verū etiam peritorum iudicio permittens, quid ex dictis tota superiori disputatione sequatur, ostendo. Nimirum si Ecclesiastica vindicatio, (quæ æquē personis in causa fidei mortuis, ut martyres habeantur, necessaria est,) intercedat; hos quoque quos verē martyres esse monstratum est, non suffragia mortalium, sed honores exposcere: nec fundendas pro eis preces, aut offerenda sacrificia, tanquam pro non plenē nitentibus, sed tanquam per mortem cœlo illatos, & æternæ salutis citra omnem expiaticum flammarum perpeffionem planē certos habendos videri.

P A R S Q V A R T A.

*Contentio decorum utriusque Martyrii
proprie dicti.*



AB E M V S , mortem in discrimine propter Christum adito consecutam, iisdem apud Deum honestari specialis gratiae ac gloriae fructibus, quibus exornatur mors illata ob redditum divinae fidei testimonium, quod est vulgare & indubitatum martyrium pressè dictum. Sequitur, ut utriusque huius martyrii, fidei unum; alterum charitatis, vel misericordiae dicere cum Ruffino liceat:) huius inquam utriusque martyrii ornamenta comparemus, & utrum alteri praestet discutiamus. Quamvis enim mortis perpassio quae est utriusque velut formale, & ultimum constitutum, sit utrobique eiusdem rationis; tamen quae morti in utroque praecurrunt, & ad fructuum augmentum etiam ex opere operato causandum, plurimum conferunt, possunt dissimilia & inaequaliter perfecta adhiberi. Et penes ea quoque, tanquam adiuncta & intima, perfectio totius complexi, ex morte & illis dispositionibus constituti,

turi, quod martyrij nomen implet, attendi debet. Quare eorum comparatio, instituenda meritò videtur. Sunt autem hæc, quorum facienda occurrit contentio. Splendor virtutum Theologicarum fidei, spei, & charitatis: itémque moralium infusarum, fortitudinis præsertim; cui adiungitur configuratio cum Christo teste fidei, & martyrum primicerio fortissimo, cui omnes alij succenturiantur Martyres: ac denique religionis, qua homo Deo litat; rationabilis hostiæ, hoc est sui ipsius immolatione. Quibus vtrinque collatis & ritè libratis, non difficilè erit, de statuenda externarum vtriusque martyrij prærogatiuarum, atque honorum nostrorum, non dissimili mensura pronunciare.

C A P V T I.

*Insignis vtriusque martyrij pressè dicti, fides.
Utrobique item expressissimum martyrium;
sive doctrina reuelata testificatio
luculenta.*

1. **P**Ræmitto virtutes Theologicas, non modò quia moralibus quibusvis præcellunt, sed etiam quia fides, quæ inter Theologicas naturæ & generationis ordine prima est, morales virtutes infusas dirigit, eisque prælucet. Quod enim Pru-

dentia acquisita & merè naturalis, virtutibus purè moralibus præstat, hoc fides ad certam materiam restricta, facit in supernaturali serie actuum humanorum, primam fidei conversionem subsequens, ut suo loco monstratum est. Quia verò quod corde creditur ad iustitiam, ore confitendum est ad salutem, iis quæ de interna fide dicam, adiungam quæ spectant ad externam eius expressionem, & testificationem, per vtrumque hoc martyrium.

Fides martyrum, à Tyranno Christianitatis hoste caforum, quàm luculenta.

Fides ergo tantoperè micat in iis qui ob Christi fidem mortem appetunt, ut S. Augustinus serm. 14. de verb. Apost. dicere non dubitarit, *ideò martyres quia fideles*. Et in Psalm. 127. martyres hîc, inter tormenta & horrorem crudelitatis, eximio spiritualis visus acumine quod in fide situm est, viguisse, ita demonstrat. [Quanta mala passi sunt martyres, quanta exitia quanta tormenta? squallores carcerum, strictiones catenarum, sæuitias ferarum, ardorem flammarum, aculeos contumeliarum. Ista omnia, passi essent, nisi nescio quid viderent, quod tenderent, quod ad huius seculi felicitatem non pertinet?] Quasi dicat, non usque adeò desipiebant, ut nisi obuersata fuissent fidei oculis æterna bona, fuissent præsentia quæ tenebant despecturi. Magna itaque in eis fides iuxta Augustinum. Pulchrè item præcellentiam fidei, in martyrio pro religione ac fide inito, attigit Lucif. Calarit. l. quod moriendum sit pro Dei filio, vocans mortem quam martyr appetit, non iacturam, sed fœnerationem fidei.

dei. Quia enim mors illa, coram Deo pretiosissima, fructibus supra vitæ sortem immensis aliquando rependendis cumulatur, iure dicitur *fæneratio*. Dicitur autem esse *fæneratio fidei*, quia fidem esse oportet in martyre omnino præcellentem, qua, intentus in ea quæ oculis corporis non obiciuntur, præsentia calcet.

2. Ad eandem mentem S. Ambrosius, vel quisquis alius, ex variis plagulis homiliarum Eucherij Lugdunensis vnam contexuit de SS. Nazario & Celso, (est apud Ambrosium serm. 93. & in miscellaneis Vossij sermone de martyribus qui S. Augustini nomine circumfertur, aliter interpolatus habetur) Sanctos illos martyres quos ibi exornat, vocat *fidei principes*, ab eximia fide, patiendo & moriendo prædita, quæ omnibus æquè martyribus est communis. Idem *matrem martyrij* vocat fidem, quam in eis singulari veneratione prosequendam statuit, [quod ab istis dum mortis tolerantia indubitanter excipitur, spes immortalitatis euidenter asseritur. Nunquam enim hanc vitam suam tam constanter expenderent, nisi esse alteram incomparabiliter beatiorē, perfectā definitione sentirent.] Diuinè S. Eulogius in Apolog. [Sanè omnium virtutum radix ac fundamentum, fides est, quæ certantes adiuvat, vincentes coronat, & celesti dono quosdam, effectu signorum remunerat. Nihil est enim quod synceræ fidei denegetur, quia nec aliud à nobis Deus, quam fidem exigit. Hanc diligit, hanc requirit, huic cuncta promittit & tribuit. Fides (inquit) tua te saluū fecit. Et; esto fidelis vsque ad mortem, & dabo tibi coronam vitæ. Nihil ergo fidei subtrahit, nihil ei impossibile esse depromit.]

3. Similia præclare Laurentius Iustinianus in ligno vitæ tract. de fide cap. 5. & illustrissimè initio sermonis de S. Laurentio, vbi sic disserit. Martyres
 “ [nouimus homines fuisse, vt nos de eadem massa
 “ conditos, pari conditione formatos, conceptos &
 “ genitos. Naturam non alteram carnis habuere
 “ quam nos. Senferunt vtique carnis aculeos, innatas
 “ concupiscentias, corruptibilitatem corporis,
 “ Diaboli tentamenta, oblectamenta seculi, inordinatos
 “ motus, impudicitæ ardorem, & huiusmodi millia, quæ de fomitis pullulatione proueniunt.
 “ Vnde autem illis tam gloriosa victoria, magnanimitas
 “ tanta, atque inexpugnabile robur? Non vtique
 “ dixerim aliunde, quàm ex illuminatione fidei,
 “ ac veritatis agnitæ scientia certa. Fidei siquidem
 “ irradiatione edocti, vicerunt seculum, spreuerunt
 “ regna, tormenta calcarunt, superauerunt hostes,
 “ non exhorruerunt carceres, non ignem, non gladium,
 “ non pœnam, non mortem. Poterant in fidei lumine,
 “ futuris metiri præsentia, atque in æternorum
 “ concupiscentia flagrare vehementer. Quis
 “ rationis compos, non commutaret lutum pro auro,
 “ pro gemmis petras, pro ornatis ædibus tentoria
 “ vilia? Quis inquam, vt immortale acquireret
 “ regnum, momentaneam potestatem non fugeret?
 “ Quis vt spirituales delicias possideret, voluptuofas
 “ carnis non abhorreret illecebras? Deum planè
 “ quisquis agnosceret, amori illius, vniuersa post-
 “ poneret: parui penderet visibilia, laudabiliterque
 “ odiret se; Quamobrem vt ex ignorantia summi boni,
 “ terrenà delectant: ita ex cognitione vilescunt.]
 Hæc autem summi boni nostri quod supernaturale
 est vera cognitio, in huius vitæ scaminate, non
 est

est alia quàm fides, quæ proinde fuit in martyribus illustrissima. Sed quid testimonia Doctõrum emendicamus, cum ipse Apostolus, in luculento illo fidei encomio quod pangit cap. 11. ad Hebr. fidei tribuat, quod sancti martyres regna vicerint, fortes facti sint in bello, ludibria & verbera experti, insuper & vincula, & carceres, lapidati sint, secti sint, tentati sint, in occisione gladij mortui sint, omnem denique Satanæ pharetram in se vacuatam, illæsi exceperint?

*Ei fidei splendori, quàm bellè respondeat fides
inuandis peste contactis immorientium.*

4. Hæc & alia magnificè, ac splendidè, nec supra verum, de fide Sanctorum in causâ fidei vitam ponentium, dici non diffiteor. Sed posse non minus gloriosè celebrari fidem eorum qui in ministerio charitatis occumbunt, ex eo liquet, quod æquè isti, quæ videntur conculcantes, & dulcem vitam nihili ducentes præ Christo, suspiciunt sola æterna, quæ fides exhibet. Imo cum martyr in causâ fidei, plerunque excedat molli admodum exitu, (certè breui, nec moræ longioris quàm machæræ exsertio & impactio deponat,) sicque ærumnas suas abrumpens, illico educatur, ad eorum fructum quæ fide percepit, vsu ipso colligendum: E contra, in hoc ministerio, per longum sæpè ac diuturnum tempus hærendum est, quotidie moriendo, imo in horas singulas, ac etiam singulis horis multoties. Quod si iuxta S. Gregorij Nazianzeni insigne pronuntiatus orat. 2. in Iulia. [Quod quisque pati extimescit, id passus est, etiamsi non patiatur:"]

„ grauiusque à se fortassis quam ab iis qui suppli-
 „ cium inferunt, torquetur :] Euidentiſſimum pro-
 ſectò eſt, in iugi, nec intermiſſo plerunque ad
 longum tempus mortis metu, quis fidei vigor,
 quæ eius perfectio longè ſupra vulgarem ſit neces-
 ſaria, vt oſtentione æternorum bonorum, &
 præmonſtratione ſanctitatis nunquam temerandæ,
 iis à Chriſto repositæ, qui veſtigia ab illo impreſſa
 relegentes, poſuerint pro fratribus animas, fir-
 mentur in concepto per fidem ſancto odio ſui
 ipſorum, & illis à quibus ingratiffimè plerunque
 excipiuntur, ſemper alacres & vegeti ſuperimpen-
 dantur, hebetato aut etiam diſcuſſo, mortis metu.
Qui enim timet, adhuc non credit, vt eſt apud Au-
 guſtinum l. 2. de conſolat. pro mortuis c. 4. Clariùs
 verò & apertiùs proderet is quem in iſtis celebri
 fidei vigor, quod fidei martyres, cum periclitante
 fide ad martyrium ſubeundum obfirmant animum,
 in eo ſunt rerum articulo, vt nequaquam ſit eis li-
 berum reſilire, ſaltem maxima ex parte, & frequen-
 tiſſimè. Vel enim moriendum eſt fortiter, ad fidei
 indemnitate retinendam, vel ruendum in vo-
 raginem defectionis. Et quanquam ea fortiter agen-
 di neceſſitas, laudem ſuam ac meritum generoſæ
 voluntati non tollat, tamen multò apertius eſt,
 quo loco ac gradu ſit apud hominem, fides, ſi in
 diſcrimen certum mortis inuolare non vereatur,
 nulla adactus periclitantis fidei & alioqui euerten-
 dæ neceſſitate, ſed tantum vt prodat quanti apud
 eum ſint, quæ fide prælucente, amplectenda co-
 gnoſcit. Qui operandi modus, in maxima eorum
 parte qui ad iuuandos ex charitate egros accurrunt,
 locum habet: cum ſcilicet ſecluſa iuſtitie, & cha-
 ritatis,

ritatis, & alterius cuiuscunque virtutis indeclinabili citra culpam obligatione, per fidem præfagentes æterna bona tantæ virtuti reposita, vtrò incurrunt in discrimina longè grauissima, & mortis metum conculcant. Constat igitur quàm vtrunque præse dictum martyrium, sit nobile fidei virtute, quæ vt est apud Saluianum epist. 1. *omnibus semper orna.ibus, ornamento est, quia sine hac nihil tam ornatum est quod ornare possit.*

Fidei expromptio & testificatio utrobique.

5. Neutrobique porro ita interiùs abditur fides, vt ad externam professionem, & contestationem non prodeat. Quin potius vtrunque martyrium quod componimus, luculentam continet doctrinæ reuelatæ testificationem. Et martyrium quidem in causa fidei, non est dubium quin fidei attesteretur. Modum verò attestandi S. Cyprianus sub initium libri de laude martyrij his verbis exposuit, agens de martyrio. [Per hoc & testimo-
nium nomini redditur, & maiestas nominis redam-
pliatur. Non quod per seipsa minui possit, vel de
scelere tractantis, magnitudo eius infringi; sed
quod redundet ad gloriæ cumulum, dum circum-
strepentis populi terror, impavidos animos dat do-
lori, & minis frendentis inuidiæ addit ad titulum,
quod tantum sibi mens crescat in pugna, quantum
se ille putauerit vincere, per quem Christus ho-
minem voluerit coronare. Tunc ergo omne fidei
robur expanditur, tunc credulitas comprobatur.]
Pleniùs item Clemens Alexandrinus 4. Strom. c. 2.
sic scribens de homine rectè ad martyrium compa-

rato , per philosophicam , imo Christianam corporis ab anima separationem , quæ est prolusio & præexercitatio ad contēptionem exsolutionis physicæ à vinculis corporis. [Is verè feret testimonium , si tibi quidem quod si in Deum sincerus & germanus fidelis ; Tentatori autem , quod frustra sit æmulatione percitus in eum qui est fidelis per dilectionem ; Domino autem quod à Deo sit inspirata doctrinæ persuasio , à qua non deficiet metu mortis. *Quin* etiam facto confirmat veritatem prædicationis , potentem eum esse ostendens ad quem contendit. Mireris eius dilectionem , quam docet euidenter , ei quod est cognatum & vnius generis , grato animo vnitus : qui etiam pretioso sanguine , infideles pudore afficiens.]

6. Hæc omnis attestatio fidei & doctrinæ reuelatæ , æquè proditur in martyrio charitatis. Nam eos qui foris sunt pudore afficit , in quibus tanta charitas non flagrat , vt vitam post quam nihil habent in spe repositum , pro aliis prodigant. Eos tamen defixos admiratione , in sanctum quendam stuporem vertit , cum considerant quàm aliter pij Christiani erga afflictos se gerant , quàm faciant qui ab eis sunt alieni. Id quod in Alexadrina peste , & aliis notatum ab Eusebio est l. 7. histor. cap. 17. & lib. 9. cap. 7. Obseruat enim , cum Ethnici vel in coniunctissimos quosque essent inhumanissimi ; è contra Christianos erga quoslibet , etiam si à fide extraneos , omnem charitatem exprompsisse , idque illis in maxima laude positum etiam ab inimicis fuisse. Idem charitatis martyr , sibi testimonium fert , quod Deum syncerè quærat eiusque gloriam. Quæ enim alia esca , horrendæ mortis illex esse possit :

possit : Insuper Deo testimonium fert , quòd sit vera eius doctrina de fluxis mundi rebus , de æternorum bonorum veritate ac magnitudine , de non quærendis quæ sua sunt , sed quæ I E S U Christi , de committendis Deo sortibus nostris , & vitæ temporibus : quod non faciunt pretiosæ in oculis suis animæ ; quæ ingruente peste , in fuga ac pedibus salutem locant : intuto sanè perfugio ni Deus faueat , vt disputat Anastasius Sinaita quæst. 114. & Athanasius q. 102. & 103. ad Antiochum , & latè Gabriel Biel. in q. de fuga pestis , De aliis denique permultis eiusdem rationis , testificationem Deo exhibet martyr de quo agimus : & quidem luculentam & eximiam , quandoquidem vel in aperto mortis periculo , non exhorret testificari. Tandem tentatori quoque , siue extrinseco , hoc est Satanae , siue intrinseco , hoc est suggestionibus affectuum reimmurmurantium , & à Deo , ac destinata charitate auocare tentantium , testimonium perhibet , quod frustra sudet annitens quatere firmitatem animi Deo desponsam.

Perhibet verò hoc testimonium , factis potiùs & in actu exercito , quàm verbis & in actu signato : qui est sanè potentior & expressior testificandi modus , ad quem omnes æquè pro Christo obstringi , egregiè exponit S. Chrysostomus hom. 47. in acta *in morali* , agens de martyribus , omnesque adhortans vt dignos se præbeant , qui similiter sint idonei testes Christi. Igitur (*inquit*) testificabimur Christo ; Etenim non illi soli , martyres , sed etiam nos. Ea propter illi dicuntur martyres , quia quum iubentur confiteri , omnia sustinuerunt vt veritatem dicerent : Et nos quando affectiones nostræ iubent
confi

« confiteri , succumbimus. Aurum dicit ; dic quod
 « Christus non est Deus. Ne igitur audi tu , quasi
 « Deum , sed contemne illius præcepta. Concupif-
 « centiæ malæ idem dicunt , sed tu ne persuadere.
 « Sta fortiter , ne etiam de nobis dicatur ; Deum con-
 « fitentur scire , operibus autem negant. Hoc enim
 « non est testium , sed aduersariorum.] Qui igitur ad
 Satanæ , & domesticæ factionis sibilos obsurdescit ,
 perstatque in concepta obsequendi Deo , & proxi-
 mo subueniendi voluntate ; hic diuinæ doctrinæ ,
 potenter , id est factis attestatur , eiûsque veritatem
 luculento testimonio confirmat. Quod enim benè
 observauit Turrecremata in qq. Euang. q. 1. ad fe-
 stum decollat. S. Ioannis , protestatio veritatum fi-
 dei , non fit solùm per verba , quibus quis fidem
 confitetur , sed etiam per facta , quibus fides interna
 proditur , iuxta illud , *Et ego ostendam tibi ex operibus
 fidem meam.* Et illud Pauli *factis autem negant.* Et
 idcirco omnium virtutum opera prout in Deum re-
 feruntur , sunt contestationes & testificationes quæ-
 dam , quibus innotescit , D E V M illa à nobis de-
 poscere , & repositurum pro illis iustam merce-
 dem. Hausit Turrecremata eam doctrinam ex S.
 Thoma 2. 2. q. 124. artic. 3. & suffragatur Marti-
 nus de Magistris q. 5. de martyrio *ad argumenta
 contra primam.*

C A P V T II.

Spes firmissima & charitas flagrantissima, mortem in proximi subsidio ex charitate obitam, æquè ac pro fide exceptam, efficiunt in conspectu Dei pretiosissimam.

1. **O**Rdior Antiochi verbis, homil. 2. [A fide ^{cc} digressi, ad eam progrediamur quæ secun- ^{cc} das obtinet, spem : quæ sanè fidei roscida aspergi- ^{cc} ne perfusa, fructum affert vnum quidem trigesi- ^{cc} mum, alterum sexagesimum, alium rursus cen- ^{cc} tesimum. Spe enim constabilita, vix vlla alia virtus, ^{cc} æquè sublimis. De charitate autem, quæ tertiam ^{cc} sortitur in classe virtutum nomenclaturam, primi- ^{cc} ceria licet sit, cæteras omnes anteuertens, digni- ^{cc} tate, posteriore loco disseremus.] ^{cc}

Decora spei, in martyribus pro fide cadentibus.

Spes martyrum in fidei causa excedentium, tanta est, vt S. Augustinus in Psal. 127. fidenter scribat, martyres ratione spei qua pollebant, & hic æterna gaudia prægustasse, & ad plena bona quæ hic sperauerant pertigisse : sicque à gaudiis ad gaudia, à felicitàte ad felicitatem translatos esse. [Seculi homines (*inquit,*) infelicitè felices sunt; martyres autem feliciter infelices erant. Erant enim ad tempus infelices, sed in æternum felices, & in eo ipso quod erant ad tempus infelices, putabantur magis

« magis infelices quàm erant: Quid enim dicit Apo-
 « stolus? quasi tristes semper autem gaudentes. Qua-
 « re semper? Et hic, & ibi. Prorsus & hic, & ibi. Hic
 « enim vnde gaudemus? De spe. Ibi vnde gaudemus?
 « De re. Magnum gaudium habet spes gaudentis. Et
 « si spe gaudentes, videte quid sequitur: in tribulatio-
 « ne patientes. Martyres ergo ideo in tribulatione pa-
 « tientes erant, quia spe gaudebant. Sed quia non-
 « dum erat illud quod promittitur, quod dicit Apo-
 « stolus, spes enim quæ videtur, non est spes: si au-
 « tem quod non videmus, speramus, per patientiam
 « expectamus. Ecce quare omnia martyres pertule-
 « runt, quia quod non videbant, per patientiam ex-
 « pectabant. Illi qui eos occidebant, quæ videbant
 « amabant. Illi qui occidebantur, ad ea quæ non vi-
 « debant suspirabant, & ea quæ non videbant appre-
 « hendere festinabant, & quod tardiùs occideban-
 « tur, moras sibi fieri arbitrabantur.]

2. Non dissimiliter differit serm. de S. Lauren-
 tio, inter sermones de diuersis aptans SS. martyri-
 bus illud Salomonis. *Spes illorum immortalitate ple-
 na est*, atque demonstrans, magnam planè fuisse
 oportere spem illam, quæ inter tormenta & crucia-
 tus despectione superborum cñmulatos, surrigere-
 tur ad fœlicitatem ac posteriores glorias: nomina-
 tîmque ad corporis tam miserè & atrociter habiti
 plenam quandòque instaurarionem, & rediuuiam
 incolumitatem. Vt possit sanè de quouis martyre
 in fidei causa mortem oppetente, pronunciari,
 quod de vnus S. Georgij spe à Petro Damiani di-
 ctum est sermone de eo, postquàm egregiè osten-
 dit Deum martyribus secreuissè mare ab arida: id
 est temperasse procellas impiorum, ne exeresce-
 rent

rent ultra quam ferebat opportunitas fructificandi; quo consilio arida à mari secreta est, in prima mundi molitione. Subdit ergo Damiani, cum hoc diuino moderamine sœuissè fluctus in martyres, sed spe fundatos, atque adeò irritò nisu. [Etsi (inquit) usque ad littus carnis, persecutionis fluctus efferebuit, solidissimam tamen animæ eius terram, procella tempestuosi turbinis non inuoluit: nec eum vorago pelagi furentis absorbit; qui spei suæ anchoram non in putris arenæ subsiciuo, sed in soliditate petræ, quæ Christus est, fixit. Hinc est profectò, quòd veritas ait: qui audit verba mea, & facit ea, similabo eum viro prudenti, qui ædificauit domum suam supra petram. Venerunt flumina, flauerunt venti, & impegerunt in domum illam, & non cecidit: fundata enim erat supra petram. Verè insignis hic miles Christi supra petram fidei suæ fundamenta constituit, qui præmij cœlestis intuitu, minas principum spreuit, malè blandientium promissiones irrisit, carnificum tormenta contempsit, ferrum, ignes, gladios, ac diuersa suppliciorum genera inuictæ patientiæ maiestate calcauit.]

Απόδοσις ad nostros pugiles.

3. Laborare battologia videar, si hæc & alia quæ circa spem martyrum pro religione ac fide obeuntium, proposui, circa misericordiæ martyres iterem, doceámue iterari posse, cum perspicuè eadem se prodat utrobique spei alacritas & firmitas. Vnde verò his Christi athleticis, in diuturna ista agonia, inconcussus animi vigor, nisi ex spe
firmis

firmissima, qua prægustant rependendam laboribus in cœlo quietem? Inde is existit delibutæ gaudii voluntatis suauissimus sensus, præ quo bona quæcunque sensibilia, & quæ in eis primas facile ferunt, sanitas, ac vita ipsa, quibus nihil carnalium hominum palato dulcius sapit, non desipiunt modò, sed etiam amarescunt: nec tantum absque dolore, verùm etiam cum gaudio conculcantur. Mentior si non homines noui ac charos habui, qui dum sanctum hoc ministerium ambirent, verè candidati æternitatis, cuius stipendiis tandem per hanc militiam ditati sunt, dilatam sibi certas ob causas occasionem, vitæ pro Christo & proximorum bono, expendendæ discrimini, ferebant ægerimè, & quantum per virtutem, & rectè compositam voluntatem licebat, impatientissimè: Nul- lum enim sibi bonum occurrere profitebantur, dignius in quod inuolarent vniuerso voluntatis impetu, quàm quod cum diuinæ gloriæ tanto fructu, & cum æternorum bonorum certa consecutione, nexum complicatùmque statuebant. Hoc erectissimæ in illis spei argumentum locuples, vel indicasse, celebrasse est.

Charitas in Deum, quàm succensa in morientibus pro fide.

4. Iam de charitate SS. Martyrum, cruore suo confessionem fidei obsignantium, tam multa vbi- que apud Patres prostant, vt ferè superflua videri possit eius expressio. Itaque delibabo duntaxat non- nulla, magno adhibito delectu; & quo affectu in Deum, quo in proximum fuerint, (hi enim duo
rami,

Spes & charitas utrorumque martyrum. 505

rami, ex vno charitatis veluti trunco progerminant,) breuiter edocebo. S. Gregorius in c. 8. Cantic. ad illud *aquæ multæ*, &c. locum illum aptans ad SS. Martyrum charitatem, ita scribit. [Charitate martyres sancti viuaciter ardebant, quia in Dei & proximi dilectione mirabiliter flagrabant. Hanc charitatem, aquæ multæ extinguere non poterant, quia quantæcunque tribulationes eis fierent, ad odium eos transmutare non valebant. Hoc nimirum foret charitatem extinguere, si in tribulationibus quas inferebant, ad Dei aut proximi odium eos humiliare potuissent. Sed cum aquæ dictæ sint, quid rursum per flumina, nisi aquarum ipsarum incrementa, & viuacitas intelligitur? flumina quippe, viuas aquas solere dici cognoscimus. Flumina ergo, maximas tribulationes accipimus: quæ dum per totum orbem super martyres ebullierunt, ad extinguendum charitatis ignem, grandi impetu confluxerunt. Sed quia inter flumina, adedò charitatis vigor vixit, vt potius flumina consumeret, quàm se ab illis extinguere permetteret, idedò multi etiam persecutorum, ad eandem charitatem se conuertebant, ita vt dimitterent quicquid in mundo possidebant, & seipsos morti darent, quam prius patientibus crudeliter inferebant.] En fructum, infractæ ad tantam horrendorum malorum molem, SS. martyrum charitatis.

Ex eodem capite, superati timoris cruciatuum, & ingruentium tribulationum, charitatem SS. martyrum petit S. Ambrosius serm. 9. in Psal. 118. in præludio ad illum octonarium, expendens mysticum sensum litteræ Teth, eidem præfixæ. Nam præfatus, Teth Latinè dici *exclusionem*, subdit.

« [Generaliter quidem charitas excludit timorem.
 « Vt miles qui Imperatorem diligit, bella pro Im-
 « peratore suscepta non metuit. Vt seruus amans
 « Dominum, quamuis per dubia, & prærupta mit-
 « tatur, tamen omnia pericula Domini amore con-
 « temnit; ac si quis Dominum petat, seipsum offer-
 « re non trepidat: Vt qui trans mare positos filios vi-
 « dere desiderat, non metuit naufragia, liberorum
 « charitate: ingreditur maris fluctus, subit incerta
 « nauigij: sed metum discriminis leuant desideria
 « filiorum. Quam pulchrè etiam de martyribus dici-
 « tur, qui vere militant Christo, qui persecutiones,
 « ungulas, gladios, incendia non timentes, infestis
 « se Regibus obtulerunt? Timorem etenim quem
 « poterant habere pœnarum, excluderunt amore
 « martyrij.]

5. Quanto autem maiores sunt turbines affe-
 ctuum, & fluctus per hæc flabra concitati in anima
 incompressa, tanto potentior & fortior proditur
 vis charitatis eos comprimentis: vt præ tanta affe-
 ctuum ferocia in eo genere, ob æstum quo quisque
 naturaliter in vitæ suæ custodiam & prorogatio-
 nem fertur; ausit dicere Clemens Alexand. 4. Strom.
 cap. 2. hanc esse charitatis consummationem. Sic
 « enim scribit de martyre. [Propter suam in Domi-
 « num dilectionem, lubentissime ab hac vita libe-
 « ratur, habens fortassè gratiam, & ei qui causam
 « præbuit vt hinc exiret, & ei qui molitus est insi-
 « dias: honesta accepta occasione, quam ipse non
 « præbuit, seipsum ostendendi quisnam sit, illi qui-
 « dem per tolerantiam; Domino verò, per charitatem
 « per quam ostendebatur Domino, qui etiam ante-
 « quam nascatur, nouit institutum & liberam ani-
 mi

mi voluntatem eius qui tulit testimonium. Bono
itaque animo venit ad amicum Dominum, pro
quo & corpus, atque etiam animam, ut iudices
expectabant, tradidit: & à servatore nostro, ô frater
dilecte, (ut dicam poëtice,) compellatur. Iam
consummationem vocamus martyrimum, non quod
vitæ finem homo acceperit, ut reliqui, sed quod
perfectum opus ostenderit charitatis.]

7. Quod Clemens charitatis consummationem, hoc Tertullianus c. 6. Scorpiaci, plenitudinem charitatis ex totis animæ viribus profusæ, nominasse videtur, cum dixit. [Proprie martyrimum, nihil iam reputari potest, quibus in lauacro ipsa vita deponitur. Sic dilectio operit multitudinem delictorum, quæ Deum scilicet diligens ex totis viribus suis quibus in martyrio decertat, ex tota anima sua quam pro Deo ponit, hominem martyrem excudit.] Totam animam ex totis suis viribus conniti in dilectionem, martyrimum veluti formantem asserit: Indèque plenam illam & summam nitelam martyrimum cruento baptismo abluti existere docet. Et quanquam nitelæ illius originem, superius ex vero fonte suo repetuerimus, tamen plena & consummata dilectio, qua Tertullianus hominem martyrem excudi dicit, indubitata videtur. Nam etiam S. Bernardus tract. de dilig. Deo, describens eminentissimum illum diuini amoris gradum, quo asserit hominem *deificari*, & voluntatis motu defœcatissimo in eundem cum Deo affectum transire, [ut quomodo Deus omnia esse voluit propter semetipsum, sic nos quoque, nec nos ipsos, nec aliud aliquid, fuisse vel esse velimus nisi æquè propter ipsum, ob solam videlicet ipsius vo-

a luntatem, non nostram voluptatem.] Hunc in-
 quam sublimissimum amoris gradum describens
 Bernardus, ita eum mortalibus abiudicat, quam-
 diu peregrinantur à Domino, vt tamen SS. mar-
 tyres [in illis adhuc victoriosis corporibus consti-
 tutos, eam gratiam vel ex parte assecutos] non
 dubitet. [Magna enim (vt ait) vis prorsus amoris,
 illas animas introrsum rapuerat, quæ ita sua cor-
 pora foris exponere, & tormenta contemne-
 re valuerunt.] Idem, vel quisquis alius apud eum
 autor tractatus de passione Domini, ex Christi cum
 vite analogia, cap. 3. sancti cuiusdam stuporis, quo
 martyres non ad minas tantum, sed & ad cruciatus
 & horrorem immanium tormentorum, sine sensu
 visi perstare, refert in amorem, quo intus mortui à
 corde, & à seipsis abalienati, soli Christo viuebant.
 Esse enim charitatis proprium, spirituales huius-
 modi mortem conferre, tradit eleganter S. Paulinus
 episto 44.

8. Idem fons despectionis cruciatuum quantum-
 libet immanium, ipsiusque mortis per martyrium
 flocci factæ, assignatur à S. Ephrem orat. in SS. 40.
 Martyres. Sic enim differit. [Martyres toto se corde
 ac animo tradiderunt Deo, vt deinceps & ipsam
 mortem, & cunctas inimicas Tyrannorum insi-
 dias contemnerent: parati ad perferenda verbera,
 & tormentorum necessitates, diuersosque totius
 corporis cruciatus. Terga in locorum dederunt
 sectiones, & in varias fibrarum, atque medulla-
 rum concisiones, Ideoque impij Tyrannorum mi-
 nistri, quod sanguinarij & parricidæ essent, arreptos
 sanctos flagris diuellebant, vnguibus autem latera
 acriter dilacerabant. Postea plumbatis dorso ipso-
 rum

rum atroci animo crudeliter contundebant: pecto-
ris verò iuncturam, acutis verunculis, infrementes
atque rugientes trulentarum ferarum instar, dis-
findebant, & eorum axillis globos ignitos admo-
uentes, magna eas crudelitate adurebant: crura ac fe-
mora, cum neruis, ensibus præcidebant: venarum
autem fistulas, cultris discindebant; & membrum
vel vnum sine tormento atque supplicio non relin-
quebant, Quin & ossa ipsorum immaniter confrin-
gebant. Atque ideò virtutem à Deo accipiebant, vt
cunctas fortiter passiones sustinerent; & quasi sen-
sus doloris expertes, sese ad quascunque insidias ge-
rebant; & tanquam in alienis corporibus pateren-
tur: imo & principibus ipsis atque iudicibus auda-
citer insultabant, & ad maiorem eos iram excita-
bant, dicentes; si grauiora habetis tormenta, admo-
uete nobis: hæc enim nullius momenti sunt. Quare
etiam illi magis incensi, itaque efferuescentes, velut
immanissimæ feræ aduersus ipsos rugiebant; voca-
tisque lictoribus, vehementius sancta fortium pu-
gilum corpora cædenda, dilacerandaque curabant.
Illi verò vicissim ad præfectos, ac iudices; vbi sunt
(inquebant) suppliciorum vestrorum minæ? Nam
ignis vester frigidus apparet, ac tormenta ineffica-
cia, percussores imbecilles; & gladij vestri, ligna
marcida. Nihil quod nostræ respondeat prompti-
tudini atque alacritati, habetis: Ad plura & maiora
toleranda, parati consistimus.] Addit postmodum S.
Ephrem, luculentam frigoris nostri, imo rigoris,
castigationem, præ tanto sanctorum martyrum
æstu atque ardore, ab igne charitatis quo sunt
corrupti.

9. Suspexit denique eundem charitatis in mar-

tyribus ignem, & eundem illi ortum assignat Laurentius Iustinia. lib. de instit. & regim. prælato. c. 18. tractans illud Pauli, *omnia possum in eo qui me confortat*. Quod dictum Apostoli sic elucidat, prolato
 " martyrum charitate succensorum, exemplo. [Valet
 " profectò ille, in quo est charitas, sine qua non est
 " Deus, ignem, ferrum, vincula, carceres, feras supera-
 " re, & mortem. Vnde quæso sanctis martyribus
 " tanta virtus, tantæque constantia? Nunquid ex se?
 " Prorsus minimè. Inhabitantem sibi habebant
 " Deum; profusa erat in eorum præcordiis charitas,
 " diuinóque erant amore succensi. Propterea tam
 " dira, tam diuturna, tamque intolerabilia humanæ
 " fragilitati, potuerunt perferre supplicia. Defecis-
 " sent procul dubio in passionis agone, si absque Dei
 " amore certassent. Maxima siquidem est charitatis
 " vis, quæ in martyribus dimicando, naturam vincit.
 " Fortis (inquit sapiens,) ut mors dilectio, dura ut
 " infernus æmulatio; lampades eius, lampades
 " ignis, atque flammarum: aquæ multæ, non po-
 " tuerunt extinguere charitatem, nec flumina obru-
 " ènt illam: Fortis quippe ut mors, esse charitas, dici-
 " tur, quia quem perfectè absorbuerit, facit vitam di-
 " ligendo perpetuam, corporalem mortem nullate-
 " nus formidare: Ignis atque flammarum, illius lam-
 " pades perhibentur esse, quia ignitas, quibus infun-
 " ditur, efficit mentes. In quo utique salutari igne de-
 " coctæ, sonoræ sunt & solidæ, adeo ut nullius tribu-
 " lationis impetu, nulliusque persequentis impulsione
 " frangantur. Ut si impingant homines, hominem
 " flamma charitatis adustum, blasphemias, irrisioni-
 " bus, persecutionibus, terroribus, minis, damnis, &
 " morte, illius mentis habitaculum super petram cha-
 " ritatis

ritatis fundatum, nequaquam euertere, neque à Dei amore diuellere queant. Audi strenuissimum bellatorem virgis cæsum, lapidibus percussum, naufragium passum, maris profundo immersum, attenuatum fame, frigore afflictum, nuditate dehonestatum, persecutionibus attritum, sed vehementissimo charitatis ardore accensum, quid dicat? Quis nos, inquit, separabit à charitate Christi? Tribulatio? an angustia? an persecutio? an fames? an nuditas? an periculum? an gladius? Certus sum, quia neque mors, neque vita, neque Angeli, neque principatus, neque potestates, neque virtutes, neque instantia, neque futura, neque altitudo, neque fortitudo, neque profundum, neque creatura alia, poterit nos separare à charitate Dei, quæ est in Christo Iesu Domino nostro. O charitas sancta, quanta sunt præconià tua, quàm præclara tua sunt testimonià, quanta laus, quanta gloria, quantæ diuitiæ, quanta dulcedo, quanta virtus, quantaque est potestas in te?]

10. Sed vnde hæc tam succensa charitatis fornax in martyre, ignem suum ac flammam deuocet, pulcherrimè exposuit Origenes in c. 5. ad Rom. quamuis ad Apostoli literam minùs appositè. *Christus* (ait Apostolus) *secundùm tempus pro impiis mortuus est. Vix enim pro iusto quis moritur; Nam pro bono forsitan, quis audeat mori.* In ea verba Origenes, multa præfatus de summa Christi in nos charitate, subdit, martyres hanc tantam erga se boni mediatoris charitatem contemplatos, pro hoc bono, pro Deo inquam in carne passo, audere mori, ut vicem ei aliquam tanti amoris rependant: cum tamen tanta, adeoque altè impressa cuius sit vitæ dilectio, ut vix iustum illud debitum moriendi, quo naturæ

omnes obstringimur, dissolvere quis lubens ac volens deprehendatur. Ipsum Origenem, quod in rem præsentem concinnissimè simul & doctissimè disputet, audire operæ pretium est. [Cum vix aliquis pro iusto moriatur, & dubitet unusquisque mortem subire, etiam si mortis iusta sit causa, quantus est hic, & charitas eius erga nos quanta penlanda est, qui secundum illud tempus quo passus est, pro impiis & iniustis mortem perpeti non refugit: In quo utique summæ illius diuinæ bonitatis indicium est. Nisi enim esset hic ex illa veniens substantia, & illius Patris filius, de quo dictum est quia nemo bonus, nisi vnus Deus Pater, tantam utique erga nos bonitatem non potuisset ostendere. Vnde quia ex hoc tantæ bonitatis indicio, ipse esse hic agnoscitur bonus, pro hoc bono forsitan quis & audeat mori. Cum enim cognouerit unusquisque tantam erga se bonitatem Christi, charitatēque eius habuerit in corde diffusam, non solum mori pro hoc bono, sed & audacter mori desiderabit. Quod rebus ipsis & operibus, sæpè videmus impleri, cum hi in quorum cordibus abundanter diffusa est charitas Christi, sponte etiam & cum omni audacitate semetipsos persecutoribus offerunt, & nomen Christi audiente mundo coram angelis & hominibus confitentur: ut non solum iniuriam pati pro nomine eius, sed & mortem pro hoc bono subire audeant, quam vix pro iusto quis perfert: Est enim amor vitæ huius tantus, ut etiam cum iusta causa mortis aduenerit, vix unusquisque mortem patienter accipiat. Iusta autem causa mortis videtur, cum naturæ legi defertur. Et quamuis iustum sit conditioni mortalitatis, vix tamen amplectitur animus

mus naturæ legibus cedere. Vix ergo pro iusto quis
moritur. Nam pro bono audet quis mori, & au-
dacter occumbit, præcipuè si intellexit, quia cùm
adhuc secundùm tempus impij essemus & infirmi,
ipse prior pro nobis mortuus est. Et quomoddò non
qui hæc sibi ab illo præstita priùs esse cognoscit,
mortem quam ille malis impendit, huic bono
reddet?]

*Martyrum fidei, charitatem in Deum, quàm
amulentur ij quorum causam agimus.*

11. Hæc & alia, vt verè de martyribus qui pro
Christi fide gloriosam mortem oppetunt, affirma-
ri non diffitear, ita non posse quoque de martyri-
bus charitatis pronunciari, constanter nego; quan-
doquidem ministerium cui immoriuntur, non est
minùs Deo acceptum, quàm fidei professio: atque
adeò in eo propter Deum occumbere, non est te-
pentioris in Deum dilectionis argumentum. Theo-
doretus certè, ea illustrissima oratione de charita-
te in Deum, qua religiosam suam historiam obfig-
navit, securè ac intrepidè sanctis illis anachoretis
quorum res gestas descripserat, non aliqua tantùm
vulgaria scripturarum loca de diligentibus Deum
accommodat, sed & insignia quædam, ac marty-
rum propria: vt illud ex Rom. 8. *Quis nos separa-
bit à charitate Christi? Tribulatio? an angustia? an
fames? an nuditas? an periculum? an persecutio? an
gladius? Sicut scriptum est: quia propter te mortifica-
mur tota die, estimati sumus sicut oves occisionis. Sed
in his omnibus superamus propter eum qui dilexit nos.*
Et illud ex 2. Cor. 5. *Charitas Christi urget nos, esti-*

mantes hoc quoniam si unus pro omnibus mortuus est, ergo omnes mortui sunt, & pro omnibus mortuus est Christus ut & qui viuunt iam non sibi uiuant, sed ei qui pro ipsis mortuus est. Vtcunque ista martyrum præcipuo iure propria, ad ascetas illos quos Theodoretus descripserat, verè transferantur, indubiè tamen multo veriùs in eos cadunt, qui æstimati sicut oues occisionis, non vnius mortis præsentissimo periculo in dies singulos defunguntur, & viuentes, iam non sibi, sed Deo viuunt, tot tantæque discrimina, à quibus plerique, cætera fortissimi & audacissimi, promptissimè refugiunt, superantes propter eum à quo se dilectos & æterna charitate præuentos recognoscunt. Quis enim Casualus inhospitalis, Ascetis illis frequentatus, adeò horret, quæue resqua adeo auia, & tot ærumnarum paliuris, ac dumetis incommodorum scatentia, vt non de specie horrida atque molestiis, citra controuersiam concedant, vrbi præsertim populosa, lue laboranti, in qua vñbra mortis vbique, & nullus ordo, sed iugis & quaquauersum diffusus horror inhabitat? Eo igitur subire, & ad virulentissima vsque penetralia, verèque luis cubilia peruadere, & superare in his omnibus propter Deum, quale est syncerissimæ in Deum dilectionis argumentum?

12. Egregiè verò Richardus Victorinus, & ad rem nostram accommodatissimè, eo commentario quo quatuor violentæ charitatis gradus distinxit, & formam ac exemplar ardentissimæ in Deum charitatis exhibuit, primum charitatis gradum statuit, quo voluntas sua in Deum ætui ac desiderio obistere non potest. Secundum quo illi nequit excide-

re Dei desiderium. Tertium deinceps quo nihil
præterea voluntati sapere aut dulcescere potest. Po-
stremò quartum ac supremum, quo nec ipse Dei
amor, quantumcunque efferuescens, voluntati facit
satis. Addit verò expendens vim & eminentiam
singulorum. [In primo gradu, amor est insupera-
bilis, in secundo inseparabilis, in tertio singularis,
in quarto iasatiabilis. Insuperabilis est, qui alij affe-
ctui non cedit; inseparabilis qui à memoria nun-
quam recedit; singularis qui socium non recipit; in-
satiabilis cùm ei satis fieri non possit. Et quamvis
per singulos gradus possint notari singula, specia-
lius tamen in primo gradu notatur amoris excellen-
tia, in secundo eius vehementia, in tertio eius vio-
lencia, in quarto eius supereminencia. Quanta enim
excellencia amoris quæ omnem alium affectum
excedit? Quanta quæso vehementia dilectionis,
quæ mentem quiescere non sinit? Quanta obsecro
violencia charitatis, quæ omnem alium affectum
violenter expellit? Quanta supereminencia æmu-
lationis, cui omnino nihil sufficit? ô excellencia
amoris, ô vehementia dilectionis, ô charitatis vio-
lencia, ô æmulationis supereminencia.] Nihil vi-
detur ad tantam charitatis perfectionem adiici pos-
se, quandoquidem ut postea subdit, [anima eo di-
uini ardoris rogo, intimique amoris incendio ab-
sorpta, æternorumque desideriorum globis vindi-
que circumsepta, non incalescit modò aut incan-
descit, sed etiam tandem tota liquescit, & à priori
statu penitus deficit.]

Hunc consummatæ in Deum charitatis verti-
cem, & absolutissimæ virtutis supremum apicem,
ab illis attingi, ait Richardus, qui propter Deum

ea in proximos charitate flagrant, ut si res ferat, vitam illis suam addicere, & Christi imitatione, animam suam pro illis ponere, alacres velint. [Maiorem siquidem *(inquit)* charitatem nemo habet, quam ut animam suam ponat quis pro amicis suis. Ad summum itaque charitatis culmen profecerunt, & iam in quarto charitatis gradu positi sunt, qui pro amicis animam suam ponere, & illud Apostolicum implere iam possunt. Estote imitatores Dei sicut filij charissimi; & ambulate in dilectione, sicut & Christus dilexit nos, & tradidit semetipsum pro nobis oblationem, & hostiam Deo, in odorem suavitatis.] Non habeo, quo misericordiae martyrum, charitatem, in Deum, altius proueham.

Quomodo de charitate in proximos non concedant.

13. Eadem porro opera, expressus est præcellens eorum amor in proximos, iuxta illud Laurentij Iustiniani in ligno vitæ tract. de charit. cap. 14. [Quanto quis magis atigerit ad perfectionem charitatis, tanto magis per compassionem, proximi pro salute se deserit. Nam qui amare proximum negligit, profecto diligere Deum nescit, & tunc plenius in Dei dilectione proficimus, cum in eius dilectionis gremio, proximi prius charitate latamur. Amor Dei, amorem proximi generat, & amorem proximi calefacit amor Dei. Tunc enim ad summam perfectionem charitas mirabiliter surgit, quum ad ima proximorum se misericorditer attrahit; & quo benignius descendit ad ima, eo perfectius recurrit ad summa. Quod paucis verbis notifi

notificat Dominus, dicens: maiorem hac dilectionem nemo habet, ut animam suam ponat quis pro amicis suis.] Itaque quoad hanc in proximos charitatem, liquet, his quorum causam agimus, verè animam suam proximo impendentibus, non esse superiores, eos qui pro fide martyres occumbunt.

Ino verò esse non paucis partibus inferiores, quantum est ex vi martyrij fidei, collati cum martyrio charitatis, videtur per se perspicuum. Præcellentia enim amoris, quo isti charitatis pugiles in proximum effervescent, citra omnem expensionem se prodit. Celebrat quidem D. Augustinus tract. 84. in Ioan. martyrum fidei in proximos charitatem, quod sedentes ad mensam potentis, consideratis iis quæ à rectore apposita erant, corpore inquam & sanguine Domini pro nobis fuso, elegerint Christi imitatione pro fratribus animas ponere. Hoc verò quomodò perfecerint martyres, quando [in fraternorum peccatorum remissionem nullius sanguis martyris funditur,] ut D. Augustinus rectè statuit, non est ad intelligendum facile: nisi si cum Clemente Alexandrino 4. Strom. cap. 2. dicamus, martyrium esse *exemplar conuersationis*: Et idcirco censerì martyres fidei pro aliis animas ponere, quia illis exempla fortiter agendi, Deoque inseparabiliter adhærescendi, subministrant, ac magisterij genere efficacissimo, mundum docent, ut est apud Ambrosium serm. 76. Docent inquam, plus Deum amare quàm seculum, & plus Deum timere quam gladium, ut mellitissimè describit Eucher. homil. de SS. Martyribus Epipodio & Alexandro. Docent quod Saluianus egregiè urget

get l. 3. de prouid. vt quod illi in bello præstiterunt,
 « nos in Ecclesiæ pace non refugiamus, [& qui ad
 « probandam fidem experimentis durioribus non
 « compellimur, inferioribus saltem officiis Domino
 « plus placere debeamus.] Nam vt addit in præfatio-
 « ne operis ad Eccles. [& hoc ipso à nobis plus debet
 « diligi, quia nos à malis non patitur affligi.] Docent
 denique martyres, nihili ducere quæ verbo aut fa-
 cto leuiora patimur; iuxta illud Augustini serm. 6.
 « de verb. Dom. [laniatus membrorum, martyres
 « pertulerunt, & timent Christiani iniurias tempo-
 « rum Christianorum?] Hæc vt discerent Christiani,
 prouidit Deus omni seculo martyres: ne (quod de
 prouiso diuinitus Demetrio, dixit Seneca) virtuti
 eo seculo testis deesset. Priora sanè Ecclesiæ secula
 martyribus abundasse, neminem latet. De poste-
 rioribus, exempla distinctè digessit Thomas Bosius
 l. 7. de signis c. 3. & lib. 12. c. 22.

*Martyrum fidei fructus in proximos ferè uni-
 cus, exemplum bonum.*

14. Negare non possumus, ex hoc capite mar-
 tyrium in causa fidei toleratum, esse proximo fru-
 ctuosissimum. Quod luculenter verbis illis expres-
 sit S. Maximus homil. de SS. Martyribus Taurinen-
 « sibus. [licet vniuersi sancti, vbique sint, & omni-
 « bus profint, specialiter illi tamen pro nobis inter-
 « ueniunt, qui & supplicia pertulere pro nobis. Mar-
 « tyr enim cum patitur, non sibi tantum patitur, sed
 « & ciuibus. Sibi enim patitur ad præmium, ciuibus
 « ad exemplum. Sibi patitur ad requiem, ciuibus ad
 « salutem. Exemplo enim eorum, didicimus Chri-
 sto

sto credere, didicimus contumeliis vitam æternam
querere, mortem didicimus non timere. Videte
ergo quid martyribus debeamus, in quo alter tor-
tus est, ut alius saluaretur: alter carnificem pertu-
lit, ut Christum alter agnosceret: alter morti ad-
dictus est, ut alius vita potiretur æterna: & ad po-
stremum Sanctus occisus est, ut peccator euaderet.
Beati igitur martyres nec sibi vixerunt, nec sibi
sunt mortui. Exemplum enim nobis reliquerunt
benè viuendo conuersationis; tolerando fortiter,
passionis. Nam idè Dominus per totum mundum
diuersis in locis pati martyres voluit, ut tanquam
idonei testes, nos præsentis quodam fidei exemplo
sue confessionis virgerent: Ut humana fragilitas
quæ prædicationi Dominicæ auditu longiore vix
credit, vel præsentis oculorum testimonio martyrio
crederet beatorum.] Hac ipsa ex causa Origenes
tomo 9. in Ioan. dixit, martyres pro Christi fide
morti dados, mortem interfecisse, eiusque in cæ-
teros aculeum infregisse, ac hebetasse: id quod per-
elegantè hac similitudine exponit. [Qui interficit,
aut catmine sopit animal venenatum, aut ipsum vi-
quapiam, vacuum reddit à veneno, is in multos
beneficia confert, qui in posterum aliquid passuri
erant, nisi interfectum illud, vel sopitum fuisset,
vel veneno euacuatum. Atque etiam si alicui morso
manifestum fiat, & liberatus ille à nocumento per
morsum contracto, defigat oculos in mortuum,
qui læsit, vel inscendat mortuum, vel attingat
mortuum, vel gustet huius partem, fiet sanè antè
passo medicina, & beneficium ab eo qui interfe-
cisset id quod lædebat. Simile quiddam fieri morte
piissimorum martyrum existimandum est, multis

« ex ipsorum morte, indicibili quadam vi , adiumen-
 « tum fumentibus.]

16. Expendens item hunc martyrij fructum
 Clemens Rom. 5. constit. c. 5. è contrariò , eos qui
 in martyrio deficiebant , vocat interfectores fide-
 lium , quos prauo exemplo nutare faciunt , cum
 firmare eosdem , ac alios etiam adiungere potuis-
 sent , perstantes in bono. Nihil enim ad ampli-
 candam , & latius diffundendam religionem aptius ,
 martyrio generosè excepto , propter insignem vim
 tam ardui operis ad bonum prælucentis. Ea ex cau-
 sa Tertullianus cap. vlt. Apolog. sanguinem marty-
 rum , vocauit *semen Christianorum* , insultatque
 Ethnicis , quod Christiani plures efficerentur , quo
 plures ab eis meterentur. Similiâque tradit S. Au-
 gustinus in præfat. ad Psal. 40. & l. de catechiz. rud.
 cap. 24. Sed pulcherrimè serm. 151. de temp. & in
 Psalm. 140. ad illud *sicut crassitudo terræ* , vbi tradit,
 martyres esse simum , quo ingesto fecundatus est
 ager Ecclesiæ. Sed quia id diffusè versat Augusti-
 nus , fati huic loco erunt , quæ ex eo in illum ver-
 sum contraxit Prosper, [Audient verba mea quo-
 « niam præualuerunt. Euangelium veritatis , nulla
 « persecutione superabitur : cedent impij , cedent
 « loquaces , & ingenia aduersantium discipulos
 « Christi facient Doctores. Non eos exilia , non
 « damna , non mortes , non crux ipsa terrebbeit ; quo-
 « niam præualebunt verba mea , & passionibus mar-
 « tyrum multiplicabitur gloria triumphorum. Sicut
 « crassitudo terræ , disrupta est super terram , disper-
 « sa sunt ossa nostra secus infernum. Mortibus mar-
 « tyrum , & sanguine occisorum Sanctorum , quo-
 « rum ossa dispersa sunt , increassata est terra : & sicut
 agri

agri de cinere, ac de stercore, ac de vilissimis excrementis, vires ubertatis accipiunt, ita cruore caesorum testium. Christi, totus fecundatus est mundus, ut ubique seges martyrum cresceret, & infererentur caelo, qui deputabantur inferno.]

16. Hoc est, quod nudè, & omnibus reiectis inuolucris dixit S. Ambrosius lib. de fide resurrexerunt. [Morte martyrum, religio defensa, cummlata fides, Ecclesia roborata est. Vicerunt mortui, victi persecutores sunt. Itaque quorum vitam nescimus, horum mortem celebramus. Vnde & David propheticè gloriatus in suæ mentis excessu, preciosa, (inquit,) in conspectu Domini, mors sanctorum eius. Mortem maluit præferre quàm vitam. Ipsa mors martyrum, præmium vitæ est.] Nec dissimiliter S. Leo serm. 1. in natali Apost. Petri & Pauli. [Non minuitur persecutiombus Ecclesia; sed augetur, & semper Dominicus ager segete uberiore vestitur, dum grana quæ singula cadunt, multiplicata nascuntur.] Cuius rei rationem, illam ipsam quam hinc virgemus, explicatissimè tradit initio sermonis de S. Laurentio, verbis illis. [Cum omnium dilectissimi summa virtutum, & totius plenitudo iustitiæ, de illo amore nascatur, quo Deus proximusque diligitur, in nullis profectò hic amor sublimius excellere clariùsque fulgere, quàm in beatissimis martyribus inuenitur: qui Domino nostro Iesu Christo pro omnibus hominibus mortuo, tam propinqui sunt imitatione charitatis, quàm similitudine passionis. Quamuis enim illi dilectioni, qua Dominus nos redemit, nulla cuiusquam benignitas possit æquari, quia aliud est pro iusto mori, hominem sua necessitate moriturum; aliud pro impiis occumbere à de-

« bito mortis alienum : multum tamen vniuersis ho-
 « minibus etiam martyres contulerunt, quorum for-
 « titudine, ita eius largitor vsus est Dominus, vt pœ-
 « nam mortis & atrocitatem crucis, nulli suorum vel-
 « let esse terribilem, sed multis faceret imitabilem. Si
 « ergo nullus bonus, sibi soli est bonus, nec cuius-
 « quam sapientis, sibi tantum sapientia est amica, &
 « hæc verarum natura virtutum est, vt multos à te-
 « nebroso abducant errore, qui earum clarus est lu-
 « mine, ad erudiendum Dei populum, nullorum est
 « vtilior forma, quam martyrum eloquentia. Facilis
 « ad exhortandum sit ratio, efficax ad suadendum: va-
 « lidiora tamen sunt exempla, quam verba; & plenius
 « est opere docere, quam voce.]

17. Concinit elegantissime S. Ephrem in poste-
 riori SS. Martyrum encomio, sic præter cœtera mar-
 « tyres alloquens. [Mors ista vestra, vitam nobis pe-
 « perit sempiternam. Intuiti sunt sapientes huius se-
 « culi, immensam stragem vestram, & in stuporem
 « tota sapientia illorum conuersa est; attoniti que ad
 « se inuicem aiebant. Verè magnus & potens est
 « Deus Christianorum, in quem ipsius discipuli ita
 « firmiter crediderunt, vt nullis minis, nullisque tor-
 « mentis, ab eius fide diuelli, amouerique potuerint.]

S. item Chrysostomus, mutam hanc cohortatio-
 nem quæ sit à martyre, si vel tantum spectetur, insi-
 gnis omnino fructus esse demonstrat, tomo s. Græ-
 col. hom. 67. quæ est de S. Droside. Id quod etiam
 attigit Eucherius homil. de S. Blandina. Et eodem S.
 Hyeronimus q. 11. ad Hedibiam illud Apostoli re-
 tulit 2. Cor. 2. *Deo autem gratia qui semper triumphat*
nos in Christo IESU & adorem notitia sua spargit in
omni loco. Id enim per martyres, si vel conspiciantur,
 « præstari, ita tradit ibi Hieronimus. [Triumphus Dei
 est,

Spes & charitas utrorumque martyrum. 523

est passio martyrum, pro Christi nomine cruoris effusio, & inter tormenta lætitia. Cum enim quis viderit, tanta perseverantia stare martyres, atque torqueri, & in suis cruciatibus, gloriari; odor notitiæ Dei, disseminatur in gentes; & subit tacita cogitatio, quod, nisi verum esset Evangelium, nunquam sanguine defenderetur. Neque enim delicata, & diutius studens ac secunda, confessio est; sed in carceribus, in plagis, in persecutionibus, in fame, in nuditate, & siti. hic triumpus est Dei, Apostolorumque victoria.]

Tandem Nazianzenus or. 18. n. 6. fructum qui ex martyrum exemplo ritè perpenso existit, fidelibus, nulli postponit aliorum mediocum quæ ad virtutem sunt subministrata, plurima & efficacissima. [Cum multa nos ad melioris vitæ studium ducant, atque ad virtutem erudiant, ratio, lex, prophetæ, Apostoli; ipsique aded Christi, primi martyris, cruciatus, qui crucem conscendit, meque secum duxit, ut peccatum meum affigeret, & de serpente triumpharet, & sanctitatem ligno afferret, & voluptatem vinceret, & Adamum salute afficeret, ac prolapsam imagine m erigeret, atque instauraret: cum tot, inquam, tantæque habeamus, non minùs tamen ad vitam rectè instituendam nobis utilitatis afferunt martyres, holocausta ratione prædita, victimæ perfectæ, oblationes Deo gratæ & acceptæ, veritatis præconia, mendacij proscissiones, legis quæ spirituali modo intelligitur, expletio, erroris oppressio, vitij infectatio, peccati diluvium, mundi lustratio.]

*Nostri pugiles, quàm directius iuvent
proximos.*

18. Martyres igitur in fidei causa excedentes,

proximis prodellē moriendo, & eatenus charitatem in alios expromere exemplis prouocando ad bonū, non reuoco in dubium. Verū quis non videt, hæc quā indirecta sit iuuandorum proximorum ratio, quāque non semper martyrio pro fide excepto adiungatur; cum plurimorum Sanctorum martyrum, non nomina duntaxat, sed & cædes ipsa lateat mortales; qui proinde per eos, ne exemplo quidem iuari queunt, solo Deo compertis illorum facinoribus. At martyres misericordiæ, directissimē, nec exemplo tantum, sed impensa quoque opera, imo vita, adiuuant proximos. Vt proinde nulla possit subellē dubitatio, quin charitate in proximos martyribus pro fide occumbentibus antecellant: sitque proinde eorum martyrium ex hoc capite longē illustrius, & apud Deum hominēsque commendabilius. Id quod confirmare licet luculento Dyonisijs Alexandrini testimonio, quod ex eius epistola ad

“ Nouatum descripsit Euseb. 6. histor. c. 47. [Opor-

“ tuerat (inquit,) omnia incommoda potius subiisse,

“ quā Ecclesiæ Dei discidisse concordiam: atque

“ illud martyrium, quod quis perpetitur, ne dirimatur

“ Ecclesię consensio, non minus certē, sed multò plus,

“ in eo quidem iudicio, habet commendationis. quā

“ illud quod suscipitur, ne idolis omnino immole-

“ tur. Nam in hoc pro vna quisque anima suffert mar-

“ tyrium, in illo autem pro tota Ecclesia.] Martyrem

in causa fidei pro vna anima pati ait, idest vt suam ipsius animam à peccato infidelitatis præstet indemnem. Eum verò qui ad auertendam conscissionem tunicæ Christi, & fraternæ charitatis abruptionem, moriatur, ait pati pro Ecclesia vniuersa: quod multo præcellentius est, quā pro se vno, siue

sibi

Spes & charitas utrorumque martyrum. 525
 sibi vni proficiendo, animam ponere. Similiter ergo
 qui ministerio charitatis in proximum Dei causa
 immoritur, quia non sibi vni moriens proficit, sed
 aliis quibus vitam impendit suam, meritò à glorio-
 siore martyrio commendandus venit, estque chari-
 tas eius celebranda tanquam perfecta, cum in Deu,
 tum in proximum: iuxta illud ex Augustino prola-
 tum à Thoma Anglico. 1. Ioan. 3. [si quis tantam
 habuerit charitatem, vt paratus sit pro fratribus
 mori, perfecta est in illo charitas.] Vnde quod apud
 D. Thomam quodlib. 4. artic. 19. queritur, possitne
 quis absque perfecta charitate subire martyrium,
 quamuis in martyrio pro causa fidei vocetur in con-
 trouersiam, tamen in re præsenti, videtur difficul-
 tate vacare, si pro alio morientis charitas, eo ipso
 perfecta est. Quàm benè verò hæc perfecta chari-
 tas, quæ Tertulliano l. de patien. c. 12. *summum fidei*
sacramentum, & Christiani nominis thesaurus, dicitur,
 in nostris pugilibus cum patientia neccatur, eiusque
 disciplina erudiatur, vt idem Tertullianus loquitur,
 de ea connexionione plenius agens; peripicuum erit ex
 illis quæ proximè subijciam de fortitudine, cuius
 præcipua functio, est patientia.

C A P V T III.

*Honestas supernaturalis fortitudinis qua mor-
 tem pro fide irrogatam, maximè illustrem
 facit, quantopere in martyrio
 misericordie splendeat.*

1. **S**ECUNDUM virtutes Theologicas, de quarum
 Sin veroque pressè dicto martyrio compara-
 LL 3 tione.

tione hæcenus actum , proferenda imprimis fuisset religio , quæ cæterarum virtutum infusarum , hoc est moralium , primas sibi sine controuersia vendicat , eiusque est actus sacrificij , quem martyribus mox arrogabimus. Sed quod fortitudo , tametsi gradu excellentiæ inferior religione , illustrissimè omnino in martyrio splendeat , placet ab ea auspicari , & vbinam liquidius ac vberius fulgeat , considerare. De aliis verò moralibus virtutibus , nihil necesse erit addere , ad ea quæ nunc de fortitudine trademus : quod posita alicubi vna virtute moralis in gradu perfectio , reliquæ cum ea connectantur , & faciliè ex vna fortitudine , apud æquum æstimatorum possit de reliquis liquere. [Martyribus (ait Theodoretus l. 8. contra Græcos ,) res actæ in vita , non solum fortitudinis , sed iustitiæ , temperantiæ , ac prudentiæ fidem conciliant ? Quid enim esse illis temperantius possit , qui noluerunt ab inceptis illis dogmatibusque discedere , quæ olim bona esse crediderint ? Quid verò sit illis etiam iustius , qui diuina munera sibi ex cæto iugulo compararunt , suæque ipsi corpora pro eo tormentis omnibus obiectarunt , qui cruci corpus suum pro nobis tradidit ? Quid verò prudentius , quid sapientius dici queat , iis qui hoc consilij captauerunt , ut quæcunque sunt in hoc terrarum orbe contemnerent , velut ea quæ nihil habent stabile ac mansurum ; illa autem toto pectore adamarent , quæ sermone vlllo exprimi non possunt.] Quare de fortitudine agamus , & in vtro martyrio præcellat , disquiramus.

Fortitudo martyrum fidei , quanta.

2. Martyrum in causa fidei morientium , fortitudinem ,

tudinem, Nazianzenus lambico, 8. num. 79. docet, superiorem sine controuersia fuisse fortitudine quorumuis apud Ethnicos illustrium fortitudinis nomine. Anaxarchi inquam, qui utrem suum tundi iubebat: Epicteti, cui crus ante fractum est, quam doloris vi in verbum aliquod absonum eiūperet. Clembroti, qui magno captus mortis amore, ex perfecto Platonis Phædone, præcipitio vitam finiuit. Menæcæi, qui ut salutem Thebanæ vrbi conciliaret, non pigro pede abiit ad mortem. Filiarum Leæ, quæ morte sua, ut oraculi responsum tulerat, cecropiæ gentis mala redeimerunt. Tandem Socratis, qui lethiferum poculum impigrè exhausit, & per insolitam philotesiam, Critiæ propinauit. His omnibus, & si qui fuere alij, quos profana gentilitas fortitudinis laude celebrauit, Theologus, Christianos martyres longè anteponebat: quod illi vel in malis quæ declinare non poterant constantes essent; vel temerè & cum scelere, euentitiam illam fortitudinem expromerent, sui ipsorum carnifices. Christiani verò pugiles, non sic: sed oblata licet impunitate, ac temporaria salute, effusam in se aliorum crudelitatem patienter exceperunt; & quantilibet excitatis decumanis, immoti stabilesque durarunt. Itaque ex eorum persona, iactatorem fortitudinis Ethnicæ, sic repellit.

[Sapissimè cum lior in nos plurimos
Hostes furentes persequentes & fidem,
Trucibusque similes belluis commonerit,
Non turbulento tempori unquam cessimus.
Quin pax habebat languidi si quidpiam,
Aut si quis aliàs moribus prauis erat,
Hic cuncti ad unum pectus obfirmauimus,

Atque solidavi flammeo zelo, hostium
 Tulimus furorem, splendide & victi sumus.
 Nemo salutem nam capere lubemius,
 Pericla, quam nos, vera laus quibus comes.
 Quis igne, & enses, barathra, quis crucem, famem,
 Sanisque, luxu instar, excepit feras,
 Tormenta, & artus sedibus vulsos suis,
 Oculosque ruptos, membra laniata undique,
 Frigoraque, tenebras, corpora in praeceps data,
 Longique variam, quo nihil (gnaris loquor,)
 Est gravius animo, temporis tragoediam.

Idem orat. 3. Christianorum martyrum fortitudinem, & praedictis, & aliis quibusdam antepont,
 “ [quia cum igni, & ferro, & belluis, & tyrannis,
 “ & praesentibus malis, & denunciatis, alacri animo
 “ velut in alienis corporibus imo quasi corporum ex-
 “ pertes dimicarunt, ne pietatem vel verbo tenus
 “ proderent.] Et mirabile sane divinae virtutis specimen fuit, vasa testea, opus manuum figuli, in tam potenti collisione non fuisse contracta. Horrendum enim vel lectu est, quae & quam dira sancti martyres, molliter plerunque enutriti, imo puellae interdum ac virgunculæ, sustinuerint, ne fidei puritatem quoquo modo temerarent. [Quæ poenarum genera non novimus, (ait S. Gregorius 33. moral. c. 13.) quæ non iam vires martyrum exercuisse gaudemus? Alios namque improniso ictu immer- sus iugulo gladius stravit; alios crucis patibulum afflixit: in quo & mors prouocata repellitur, & repulsa prouocatur, alios hirsutis serra dentibus attriuit; alios armato ferro insuleans ungula carpsit, alios belluina rabies moribus detruncando comminuit; alios ab intimis viscerum per cutem pressa vis verberum

verberum rupit; alios effossa terra viuentes operuit; alios in altum demersos, in mortem præcipitium fregit; alios in se proiectos, aqua replendo absor-
buit; alios edax flamma vsque ad cineres depasta consumpsit.] Subiectis exemplis, omnem illam multiplicis mortis varietatem, expressam distinctè & sigillatim habes apud Ludouicium de la Cerda aduersar. sacro. c. 128. longissimo. Diligenter item de vniuerso illo ex promptæ in martyres crudelitatis apparatus, tum quoad instrumenta, tum quoad supplicia, Card. Baronius in notat. ad Rom. Martyrologium sparsim, ex quo Gallonius opus de eo argumento concinnauit.

3. Ad tantæ autem carnificinæ, non ostentationem modò, sed etiam irrogationem, steterè in magna constantia sancti martyres: ex quo capite, iure eorum fortitudinem præcellentem, celebrat in hunc modum S. Ephrem in secunda SS. martyrum laudatione. [Stabant in magna constantia tempore certaminis, validissimi pugiles Dèi, prænas quas-
cunque ingenti alacritate animi, pro nomine vni-
geniti filij Dei, ac Saluatoris nostri Iesu Christi, perferentes. Quàm autem in pugna strenui, quantæ-
que laude fortitudinis præditi illi fuerint, vel hinc
constare vnicuique potest, quòd subiecta oculis
expauescenda tormenta aduersum se parata, non
solum nihil reformidarunt, sed & maiori constan-
tia decertantes, omnia perferendo, fortiter supe-
rarunt. Aspiebant ardentem rogam, ignitas sat-
tagines, & ollas efferuescentes. Quæ ardore atque
feruore nimio guttas picis & adipis longius à se eia-
culabantur. Intuebantur quoque ferratas & aculeatas
rotas, inter ignium globos, nimia velocitate versari,“

ac circumuolui. Cernebant vngulas ferreas, & lami-
nas candētes, fustes, vectes, aculeos, terebra, vincula,
compedes, atque catenas, omnēque planē ar-
tem ac machinam, quam veritatis inimicus contra
Martyres & Confessores Domini Saluatoris, adin-
uenire potuit. Omnia quippe tormentorum gene-
ra, martyribus in conspectum callidus ac impro-
bus hostis adduxit, vt terrorem eis incuteret, &
in formidinem Sanctos verteret, aspectūque ipso,
ac suppliciorum perterrefactione, lingua eorum
non ampliùs confiteri Dominum Iesum, metu
præpedita tentaret, atque præsumeret. Quid por-
rò fidelissimi illi, promptissimi que athletæ Chri-
sti, inter eiusmodi ante oculos proposita, horribi-
lia, inauditāque tormentorum genera? Fortiores
atque alacriores effecti maiore fiducia atque con-
stantia animi, citra vllam hæitationem intrepidè
coram iudicum ac præfectorum tribunalibus, Chri-
stum Dominum, Saluatorem confitebantur. Non
enim rogos ardens, non stridens flamma, non
ignitæ sartagine, non ollæ feruentes atque ebul-
lientes, non expauescendæ aculeatarum rotarum
vertigines, non candentes laminæ, non ferratarum
vngularum dentes, non reliqua supplicia, non
vincula, non compedes, non immensa catena-
rum pondera, non Tyrannorum minæ, non prin-
cipum fremitus, non omnia machinamenta Dia-
boli, ministrorūque eius, deterruerunt animo-
sissimos ac fortissimos Christi milites; non pieta-
tem abnegare impulerunt, neque à charitate Dei
& Saluatoris nostri eos abduxerunt: At contra; hi
clypeo fidei muniti, vniuersas inimici machinas
euerterunt, & proculcauerunt, nihilque omnino
ipfos

ipſos à ſancto firmoque propoſito deterrere, atque
auellere potuit. Perſpexiſti bonorum & fidelium
ſeruorum fortitudinem? Perſpexiſti pugilum Chri-
ſti conſtantiã ac gloriã?] Hæc eo admirabilio-
ra videri debent, quo plerunque deſcendunt in
hunc agoneſ inſirmiores perſonæ, vt infantes &
mulieres. Quo ex capite præter Chryſoſtomum
homil. de Machab. micantem in Chriſtiani martyrij
fortitudine, vim cœleſtem, celebrat Petrus Damia-
ni de SS. Virginibus Fløra & Lucilla ſcribens hi-
ſtoriam *initio*, & optimè S. Auguſt. ſerm. 103. de
diuerſ. c.1.

Parum eſt quod conſtantes ac fortes in excipien-
dis quantumuis inmanibus tormentis prædicen-
tur beati martyres. Ipſum fortitudinis florem, gau-
dium inquam de perpeſſionibus, & earum aucu-
pationem, conſiderat in martyribus S. Hilarius
l.10. de Trinit. cum monſtrare contendit, Chri-
ſtum Dominum non ex ignauiã, vel ex impotentia
vitandi mortem, extimuiſſe ſub eius tempus. [Nam
pueri quidem Babylone coniecti in fornacem, nec
vri potuerunt, nec timere. Daniel Prophetæ pran-
dio alendus leonum lacum non timer. Apoſtoli
cædi ſe pro Chriſti nomine, & pati gaudent. Paulo.
libatio ſua, corona iuſtitie eſt. Deſecanda colla
ſua percuſſoribus, cum hymnis martyres tendunt,
& ædificatos ſibi congerie lignorum ignes, cum
canticis ſcandunt. Uſque eò ſenſus fidei, perempto
in corporibus naturalis infidelitatis metu, corpora
ipſa ad ſenſum non ſentiendi doloris emutat, vt
per animæ propoſitum firmitas corpori inuehatur;
animatumque corpus, in id ſe tantum ſentiat, in
quod animæ ſtudio commouetur, vt quod pati
animus

animus gloriæ cupiditate contemnit, id se pati cor-
 pus, anima vegetante non sentiat. Hæc in homini-
 bus naturalia sunt, per animæ ad gloriæ ardentis
 calorem, ut passiones suas nesciant, & vulnera
 ignorent, & mortes non intelligant.] Quo sensu
 naturale dicat esse in martyribus, tormenta despue-
 re, expositum superius est p. 2. c. 3. num. 22. Ean-
 dem martyrum in sustinendo alacritatem, pulcher-
 rimè expressit idem S. Hilarius in Psal. 65. his præ-
 ter cætera. [Tentationum genera, & diuersas mar-
 tyrum victorias contuentes, scimus quibus modis
 anima ponatur in vitam, cuius contemptu desæ-
 nientibus pœnarum ingeniis, à fidei gressu & re-
 stimonio non mouentur. Alij enim in vinculis car-
 cerum gloriantur; alij cæsi, in verberibus gratulan-
 tur; alij potestati irreligiosorum, defecanda colla
 submittunt; plures in extructos rogos currunt, &
 trepidantibus pœnæ ministris, ignem saltu deuotæ
 festinationis insiliunt; alij in profundum demer-
 gendi, non in aquas necaturas, sed in refrigerium
 æternæ beatitudinis decidunt, toto ipso se corpore,
 pro hostiam tanquam holocausta præbentes. Per-
 currit ergo per hæc passionum genera ex persona
 Apostolorum, Euangelistarum, Martyrum, pro-
 pheticus sermo, dicens: Igne nos examinasti. In-
 duxisti nos in laqueum; id est, in custodiarum ca-
 tenas. Posuisti tribulationes in dorsum nostrum:
 pœnas scilicet verberum, in quibus cum Apostolis
 Petrus gaudet, & Paulus exultat.] Hoc esse forti-
 tudinis summum culmen, de perpeffionibus gau-
 dere, tradit optimè Theodoretus, serm. 10. de
 prouid. agens de his (ut vocat) pietatis turribus &
 veritatis columnis, de quibus nunc S. Hilarius. Vni-
 uersè

uerse autem idem statuit S. Chrysostomus homil. 1. in 1. ad Thessal.

4 Quod si horrificus tormentorum apparatus, ad terrorem incutiendum ostentatus; & multo magis atrocitas tormentorum, succutiunculam quandoque aliquam inferebat SS. Martyribus; aduersus illam tamen carnis non æneæ turbationem, firmabantur robore illo & ære triplici, quod pectoribus circumdatum cœlitus erat: Sanctissimæ inquam Triadis in eis pugnantis, & scuto diuinæ veritatis illos communientis, aduersus timores nocturnos. [Pone martyrem (inquit S. Ambrosius serm. 21. in Psal. 118. v. 1.) pone inquam martyrem inter pericula constitutum. cum inde immanitas bestiarum, ad incutiendum terrorem infremat, aliunde stridor candentium laminarum, & flamma fornacis ardentis exæstuet; ex parte alia personent tractus grauium catenarum. Hinc carnifex cruentus assistat. Pone, inquam, circumspectantem omnia plena suppliciiis. Deinde cogitantem mandata diuina; Illum ignem perpetuum, illud sine fine incendium perditorum, illam pœnæ recrudescentis ærumnam, trepidare corde, ne dum præsentibus cedat, perpetuis se dedat exitiis; perturbari animo, dum futuri iudicii romphæam illam terribilem, quadam conspectus specie contueretur. Nonne ad hanc trepidationem, fiducia viri constantis, æqualis in eundem concurrit effectum, confidentia cupientis æterna, & diuina trepidantis? Itaque ex, carnis infirmitate, trepidarunt quandoque martyres, & subito veluti horrore tantisper correpti sunt, non tamen ignauè cesserunt, sed ab ipso ferro opem animûmque ducentes, firmati divini-

tus steterunt immobiles pœnisque suis fortiores,
 ut S. Cyprianus egregiè dixit initio libri de laude
 martyrij, vsurpauitque ex eo Lucifer Calarit. l.
 quod moriendum sit pro Dei filio. Qui illud item
 ex Cypriano vsurpatum, inferiùs audacter enun-
 ciat. [Torquentibus stamus fortiores; inanima-
 mur, ut tuam vngulam artus nostri pulsati ac la-
 niati superent. Quomodo etenim inexpugnabilem
 fidem superare poterit sapiens diu plaga repetita,
 cum omnis miles Christi, sciat ipsum pro quo pa-
 titur, secum esse præsentem, gaudentemque de
 suorum tolerantia seruorum? Stamus utique famu-
 li Christi, eius maiestate firmati, voce libera,
 mente incorrupta.]

Firmari sanctos martyres, Dei maiestate affir-
 mat, quia a stare Deum agonibus martyrum, eoque
 veluti spectaculo tantæ virtutis, quodammodò re-
 creari & oblectari, suosque pugiles firmare, & ex
 scripturis, & ex Patrum frequenti testificatione,
 compertum est. Minutij verba sunt, nu. 67. [Quàm
 pulchrum spectaculum Deo, cum Christianus
 cum dolore congreditur: cum aduersus minas, &
 supplicia, & tormenta componitur: cum strepitum
 mortis, & horrorem carnificis irridens inculcat:
 cum libertatem suam aduersus Reges, & Princi-
 pes erigit; soli Deo cuius est, cedit: cum trium-
 phator & victor, ipsi qui aduersum se sententiam
 dixit, insultat. Vicit enim, qui quod contendit,
 obtinuit. Quis non miles sub oculis Imperatoris,
 audaciùs periculum prouocet?] Expressit apertè
 Senecam lib. de prouid. Sed profanum hominem,
 à sacro hoc spectaculo arcens, aduoco Cyprianum
 epist. 56. [Ad agonem (*inquit*,) secularem, exer-
 centur

centur homines , & parantur , & magnam gloriam
computant honoris sui , si illis spectante populo , &
Imperatore præsente , contigerit coronari. Ecce
agon sublimis & magnus , & coronæ cœlestis præ-
mio gloriosus , ut spectet nos certantes Deus , &
super eos quos filios facere dignatus est , oculos
suos pandens , certaminis nostri spectaculo per-
fruitur. Præliantes nos & fidei congressione pu-
gnantes , spectat Deus , spectant Angeli eius , spe-
ctat & Christus. Quanta est gloriæ dignitas , quan-
ta felicitas , præsente Deo congregari , & Christo
iudice coronari ?] S. irem Augustinus de hoc spe-
taculo egregiè disserit serm. 63. de divers. c. 1. do-
cens prouidisse Deum suis , ne oblectationibus con-
uenientibus fraudarentur , spectacula varia ; ipsum
in primis Christum , quem in spectaculum esse pro-
positum monstrat ex nonnullis scripturis. Deinde
sanctos martyres quos & Deo & Angelis & homi-
nibus spectaculum factos exhibet ; ipsosque spe-
ctatores bonos producit mirantes fidei integritate-
tem. Nam ut ait , [magnum spectaculum præbet
oculis cordis integer animus , corpore dissipato.]
Hæc spectacula , piis Christianis fuisse loco profa-
norum , quorum aliqui erant tunc appetentissimi ,
docet ibidem Augustinus , & idem attingunt Ter-
rullianus ac Cyprianus , uterque in calce operis de
spectaculis , & Valerianus Cemelienfis homil. 10.
Non esse autem , hæc & hominum , & Dei ipsius
spectacula , respectu Dei contuitionem nudam ,
sed cum cœlestium suppetiarum subministrati-
one , obseruat frequenter D. Augustinus , & nominatim
in Psalm. 39. & serm. 105. de temp.

*Lapforum quorundam ruina, nihil fortium
robori derogat.*

5. Non inficior aliquos interdum Christianos, tormentis fractos, emollita animi firmitate, æterno Dei consilio & iusto iudicio sibi permisos, cessisse immanitati cruciatuum diuturniorum, & viuos fuisse absorptos, vt ait D. Augustinus in Ps. 63. Argumentum id potius fuit humanæ humanæ fragilitatis, & pertinacis insecutorum sæuitiæ, quàm fucatæ initio fortitudinis, vt S. Cyprianus egregiè
 “ docuit lib. de lapsis num. 50. verbis illis. [Queri
 “ de tormentis potest, qui per tormenta superatus
 “ est: excusationem doloris obtendere, qui victus
 “ est in dolore. Potest rogare talis & dicere: certare
 “ quidem fortiter volui, & sacramenti mei memor,
 “ deuotionis ac fidei arma suscepi: sed me in con-
 “ gressione pugnantem, cruciamenta varia & sup-
 “ plicia longa vicerunt. Stetit mens stabilis, & fides
 “ fortis, & cum torquentibus pœnis, immobilis diu
 “ anima luctata est. Sed cum durissimi iudices recru-
 “ descente sæuitia, iam fatigatum; iam lassum cor-
 “ pus; nunc flagella scinderent, nunc contunderent
 “ fustes, nunc equuleus extenderet, nunc ungula
 “ effoderet, nunc flamma torreret; caro me in col-
 “ luctatione deseruit, infirmitas viscerum cessit;
 “ nec animus, sed corpus in dolore defecit. Potest
 “ citò proficere ad veniam, causa talis: potest eius-
 “ modi excusatio, esse miserabilis.]

Hæc mihi de lapsis illis Cypriani doctrina magis arridet, quàm quæ habetur apud S. Basilium hom. 29. quæ est de pœnitentia, vbi de martyribus designa

designatis retro aspicientibus, ita philosophatur, ut aliquos dicat, lingua tantum deficere, & idem postmodum redire ad cor, Deo tormenta ex parte iam excepta, obseruante & remunerante: alios autem qui in peccato suo moriuntur, non lingua tantum, sed & animo abieciſſe fidem. Et in bello (inquit) victor quoque vulneratur, nec ob id non coronatur, quod vulneratus est: sed vulneratus est plurimum, dum operi bellico incumberet. Vnumne malum reputat Deus, multa verò bona non reputat? Quot martyres primum quidem Christum abnegarunt, post verò ad pugnam redierunt, sed qui lingua tantum, non animo abnegarant. Caro enim infirma est. Qui negat, excidit, qui rursus confiteretur, pugnam repetit. Nō enim ita Deus quæ mala sunt obseruat, ut quæ bona sunt reprobet. Et fit plerumq; ut in tortura cōstitutus aliquis, non ferendo cedat, non animi proposito, sed dolore superatus: is vbi demissus ab equuleo, ac respirationem nactus fuerit, ad pugnam redit. Modicum ne dictum obseruabitur à Deo, tormenta verò non recensentur? Verum Deus iudicabit, non hominum audacia, Audes Deo leges præscribere, qui & infirmitatem humanam nouit, & auxilium suppeditat, & victoriam largietur? Hæc Basilij doctrina, neque vniuersaliter vera videtur quoad redeuntes ad cor, neque quoad cadentes absque spe. Quare magis arridet, quod de lapsis prædictis ex Cypriano referebam: humanam scilicet fragilitatem, & tormentorum atrocitatem, non satis coheruisse, & idcirco à cognoscentibus figmentum nostrum, commiserationem exigere.

6. Nec aliter de iis statuendum, quos cum for-

midolosa carnificum pompa non terruisset, nec diuisi lateris sulcus infregisset, nec ardentes laminæ à triumphalis fortitudinis rigore abducere potuissent *diaboli tamen illecebræ. & via ad Deum ferentis impedimenta*, vt loquitur Nazianzenus orat. 18. num.

22. emolliuerunt: Quos inquam vis amoris in suos, inflexit, & molli quadam ac conciliatricula vxoriæ sedulitatis affectione traduxit; vel teneræ sobolis grâtiâ, vt dulci ad amorem, ita facili ad lapsum, auocauit à recto. Dedi ferè S. Ambrosij verba serm. 15. in Psal. 118. ad v. 1. mollitiem illam deplorantis: Cui arieti pietatis declinando S. Hilarius in Psal. 118. ad literam Samech, annotat indictum à Domino odium parentum & sanguine iunctorum. [Scit enim (inquit) esse Dominus plures tam inconsulti amoris, vt si persistere in martyrij gloria filios suos videant, vt tempori cedant, rogent; vt sententiam mutant, precentur; & pietatis impiæ erga eos vtantur affectu; cum anus mater, & pater senex miserabiles canos filiis in ipso martyrij certamine cum inuidia præduræ voluntatis eorum, ostendant. Hinc & vxor adsit, filiorum ambitiosa comitatu, oret vt potius sibi illisque viuât: Hinc fratres & sorores blandis nominum suorum familiaritatibus deprecantur. Ipsa quoque anima, illecebris iam pridem capta viuendi, tacitis quibusdam consiliis, ad conuiuentiam deflectendæ voluntatis irrepat. Hoc igitur in tempore odisse nos patrem, matrem, vxorem, filios, fratres, sorores, & ipsam quoque animam Dominus præcepit. Nam hunc eundem sermonem ita clausit, post odium vniuersorum dicens; & si quis non portat crucem suam, & venit post me, non poterit meus discipulus esse. Ergo tunc odio habendi sunt,

sunt, cum portare nos martyrij crucem nolint; cum sequi Deum, exemplo passionis dehortentur. Hone-
stum hoc odium & utile est, eos qui ab amore Christi abducere conantur, odissē.] Qui autem amore suorum emolliri se sinerēt, damnati merito sunt ignauia & elumbis mollietie: quam nego asser-
tæ hætenus martyrum consummatorum fortitudini, quicquam derogare: cum potius in eorum decus cedat, eorumque extollat robur, quos nulla inimica vis dimouere, nullus contrarius impetus extrudere à recto valuit, siue validus & ferox hostium, siue mollis & blandus domesticorum atque charorum.

Potest verò ad vtrumque caput reuocari, illud in quo exerendam vniuersam martyrum fortitudinem censuit S. Cyprianus l. de laude martyrij, nempe insultus verborum. Nam & verba quædam sunt perpeßu aspera, vt sannæ, & maledicta, ac contumelia; & quædam super oleum mollita, quamuis & ipsa sint iacula: & in utrisque retundendis, non parū emicuit Christiana fortitudo. S. Cypriani sententia est lib. illo de laude martyrij num. 10. [Tunc omne fidei rubur expanditur, tunc credulitas comprobatur, cum in sermones vulgi atque in opprobrium veneris: cumque te contra illas populares insanias religiosa mente firmaueris, conuineens scilicet ac repugnans, quidquid super persona tua in iniuriam Christi profanus sermo iactauerit: vt cum aduerso mari moles opposita reluctatur, feriant licet fluctus, & reuolutum æquor idemtidem pulset; tamen hæret immobilis virtus, nec vndis circumspumantibus adoperta succumbit, donec per scopulos vis digesta se supprimat, & superiacens saxis, in aperta littoris

spatia victum æquor cuadat. Quid enim est in illis
aliud,quàm sermo vacuus,& inane colloquium, &
inanium voluptas praua verborum?]

*Excitatio ignauia mollium Christianorum, ex
tanta martyrum fortitudine.*

7. De martyrum fidei, summa fortitudine, aper-
tè liquet. Eam sanè D. Augustinus cum alibi tum
pulcherrimè serm. 168. de tempore obiicit delicatis
Christianis, vt eos scitè nominat Tertullianus c. 28.
de spectac. iis inquam qui voluptates captant, cum
eas à SS. martyribus tam generosè abiectas audiant;
qui ob inane conuicium, aut miseri cuiuspiam ob-
loquium, à charitate Dei separantur, cum tamen
non ignorent SS. Martyres nec atrocissimis tor-
mentis potuisse à charitate Dei, atque adeò etiam
proximi, diuelli; contestante Apostolo inter marty-
res eminentissimo, ac in omnium martyrum, quip-
pe eodem spiritu actorum, persona: Quis nos sepa-
rabit à charitate Dei? & negante vllam id posse cre-
aturam. Expressisse autem. B. Pauli in iis verbis spi-
ritum, omnes martyres, S. Ephrem autor est in calce
prioris encomij SS. Martyrum. Qui etiam in poste-
riore eorundem laudatione, proposita martyrum
heroica fortitudine, egregiè & fortissimè castigat
segnitiem mollium Christianorum. Eandem mar-
tyrum fidei summam fortitudinem ad discuten-
dum Christianorum torporem, & roborandam im-
becillitatem, ab Ecclesia perpetuò ingeri, tanquam
ad id accommodatissimam, optimè obseruauit
Laurentius Iustin. l. de casto connubio verbi & ani-
mæ c. 8. verbis illis. [Quid est aliud sanctorum vita
quàm

quàm infirmorum exhortatio, & pugnantium vi-
gor? In theatro quippe Christianæ militiæ, omnes
constituti sunt. Singuli sua quæque proponunt for-
tia gesta. In ipso pueri, puellæ, iuvenes, virgines, viri,
senes, & decrepiti. Omnes fidei oculo inspiciendi
sunt, & quanta virtute certauerint considerandi.
Præ cæteris tamen, agones martyrum multùm fide-
les quosque ædificant ad certandum. Vnde ipsa Dei
sapientia, vt eorundem gloriosissimum exercitum
profferret in exemplum pusillis, voluit in ecclesia
passiones illorum iugiter recitari, inter quos ex-
titere nonnulli vtriusque sexus, qui vltra hominis
naturam pugnaverunt acerrimè. Quis etenim non
confundetur tepore dormitans? Aut quem non ac-
cendet pugnatem pro Christo & tribulationibus
laborantem ad tolerantiam, si audierit, qualiter
beata Agatha lætissimè & glorianter ibat ad carce-
rem, & quasi ad epulas inuitata, suum agonem pre-
cibus Domino commendabat, ipsa quæ quàm fortis
in mammillarum tortura, in mortis perpeffione ex-
titerit? Cæciliam quoque quum carnem cilicio do-
muisse, quum organis cantantibus, ipsam in corde
Domino; vt corpus ipsius fieret immaculatum de-
cantasse, quum plurima tormentorum genera supe-
rassè cognitum fuerit, nōne & ipsa suo multùm
prouocabit exemplo? Cuncta beatissimorum mar-
tyrum vulnera, vincula, carceres, aculeorum crucia-
tus, lampadum adustiones, membrorum sectiones,
excoriationes, persecutiones, verbera, opprobria,
exquisita & auditu horrenda tormenta, suis vocibus
clamant, vt fortiter dimicetur.]

*Ἀλλυξία fortitudinis, pugilum charitatis
& fidei.*

8. Salvis omnino, & nullatenus imminutis tantæ fortitudinis iuribus, in fidei martyribus, pergo ad declarandam insignem fortitudinem, quam in alta Ecclesiæ pace, produnt charitatis martyres. Quod ut perspiciatur, operæpretium est, atrocitati tormentorum & cruciamentorum circa quæ martyrum fidei strenuitas proditur, aliam nihilo mitiorem, plerunque etiam horribiliorem carnificinam componere. Eorum inquam symptomatum, & pessimorum corporis affectuum, quorum lues ferax est. Expatiatu in eo argumento est Lucretius extremo libro 6. quem ex parte expressit Maro 3. Georg. à v. 480. & Naso. 7. metamorph. fabu. 2. à v. 80. & apud Tragicum chorus 1. Oedipi, qui pressum funere funus, longuinque ad manes ordinem agminis mœsti, cum descripsisset, exclamat.

[O dira noui facies lethi,
Gravior letho! Piger ignauos
Alligat artus languor, & ager
Rubor in vultu, maculaque caput
Sparcere leues. Tum vapor ipsam
Corporis arcem flammæ urit,
Multoque genas sanguine tingit,
Oculique rigent; & sacer ignis
Pascitur artus: resonant aures,
Stillatque niger naris adunca
Cruor, & venas rumpit hiantes.
Intima creber viscera, quassat
Geni:us stridens. Jamque amplexu

Frigida presso saxa fatigant.

Quos liberior domus elaso

Custode finit, petitis fontes,

Aliturque sitis latice ingesto.

Prostrata iacet turba per aras,

Oratique mori.]

9. Verum quàm miserè ac diuersimodè, per pestem afficiatur corpus contactum, & quomoddò prout virulentia morbi grauior, & aptius ad sensum est corporis temperamentum, acerbior ex ea existat dolor, non tam ex Poëticiis descriptionibus, vel lectione librorum de lue, qui plurimi extant à Medicis conscripti, quàm experimento contactorum nuper didicimus: quorum aliqui vi morbi planè acti in rabiem, vt nili validissimè constricti fuissent, edituri stragem non modicam viderentur: Alij emota mente per fenestras acti præcipites, solo allisi egerunt animas: Quidâ quod ille olim cecinit,

[Ardebant, ipsique suos iam morte sub agra

(Dij meliora piis, errorémque hostibus illum,)

Discissos nudis laniabant dentibus artus.]

Nuper hîc pistor præ luis virulentia in furorem actus, vxorem buxo oblongo ac tereti quo malla farinaria subigitur, cum aliquandiu contudisset, & pene exanimasset, per vespillones constrictus in contactorum diuersorium cum abduceretur, flammæ queis ardebat temperaturus desiluit in flumen quod præteruehendus erat, & mersus est. Quæ fors aliis quàm plurimis sui item præ interno ardore impotentibus fuit communis. Faber ferrarius firmissimo & præualido corporis habitu, sui item factus impos, vxorem strangulare diu connisus, cum illa post aliquam colluctationem subduxisset sese, &

subtus lectum se abdidisset puerum tenellum penè interemit. Corruptum enim infœlix pater, de secundæ contignationis fenestra præcipitem egit; illico & ipse consecutus: cùmque non noua fatuis fœlicitate euasisset indemnus, in fluuium non ita procul positum concito cursu desiluit, & mergus est. In Patris Emondi Augerij carmine de Lugdunensi lue anni 1564. lego mulierem de summo tecto filiam deiecidisse, moxque ipsam quoque subsecutam, ambas eidem pauimento illisas sanguinem suum miscuisse, & miserrimè extinctas esse. Tantum in matre, vis morbi potuerat. Hæreo in proxima calamitate. Permulti, constante mentis sanitate, intolerabilibus se doloribus vexari, professi, queis nunquam acerbiores persensissent; & quod plerisque castitatis amatoribus accidebat longè molestissimum, iis ad venerem motibus prurire, quamuis ingruere mortem, ac si lasciuiæ habenas permitterent, æternum impendere exitium non dubitarent, vt desperanda in eo cœstro repressio videretur: quod plerisque de æterna sua salute & peccati fuga sollicitis, supra vim morbi cæteróqui importabilis acerbissimum fuisse, non semel comperi per tempus calamitatis proximæ. Accepi certis nunciis rem ruboris plenissimam. Apud Cauates, ad eò cum lue exarsit impuri amoris incendium, vt media in vrbe sexus infirmior viros vltro raperet. E nostris duo, Iosephi exemplo renouato, dimissis palliis mobiles illas petulantiz pyras, ægrè euaserunt. Heu pudoris cladem, omni per pestem corporum clade atrocio rem.

Ilias malorum , cui misericordia martyres , fortiter se exponunt.

10. Ex hac rudi adumbratione pessimi status corporum , totiùsque hominis per pestem , æstimari debet fortitudo martyrum misericordiæ. Hominem enim sano corpore & animo , propter Deum, & ad proximi commodum , vtrò , imo alacriter in eam dolorum immanitatem, & mentis emotionem miserabilem immittere sese , quantæ quàmque eximæ fortitudinis specimen videri debet ? At hoc probabilissimè in charitatis suæ stipendia sibi obuenturum, sperare non debet quisquis ad lue contactorum ministerium accingitur : quod quanquam aliqui diuina benignitate illæsi abeant , tamen id & infrequens admodum sit , & nemo inueniatur, qui illam sibi indemnitate spondere certò , vel etiam vix similiter queat. Itaque comparatum esse animo oportet , ad omnem illam malorum iliadem , corpore suo excipiendam : Eamque oculis aut animo obuersantem, despiciat necesse est, quisquis ad hoc ægtorum subsidium aggreditur. Quæ quanta sit fortitudinis excellentia , non habeo quomodò pro dignitate exponam, nisi si illa vsurpem ex S. Cypriano libro de mortalit. num. 24. Christianos confirmante aduersus pestis horrorem. [Hoc quod nunc corporis vires , solutus in fluxum venter euiscerat, quod in faucium vulnera conceptus medullitus ignis exæstuat, quod assiduo vomitu intestina quatiuntur ; quod oculi vi sanguinis inardescunt, quod quorundam vel pedes, vel aliquæ membrorum partes contagio morbidæ putredinis amputantur; quod

“ per iacturas & damna corporum prorumpente lan-
 “ guore, vel debilitatur incellus, vel auditus obstrui-
 “ tur, vel cæcatur aspectus, ad documentum proficit
 “ fidei. Contra tot impetus vastationis & mortis, in-
 “ concussis animi virtutibus congrédi, quanta pecto-
 “ ris magnitudo est? Et quanta sublimitas, inter rui-
 “ nas generis humani, stare erectum; nec cum eis
 “ quibus spes in Deum nulla est, iacere prostratum?] ”

11. Hoc verò, ut de Iobo, & quibusvis SS. Martyribus, propter eorum fortitudinem dicit S. Maximus centur. 4. ex variis cap. 78. hoc inquam, est, exhibere se *lucernas prapotentis*; quæ reslantibus ventis validissimis, & tentationum flabris vehementissimis, ex tanto incommodorum cumulo, inextinctum tamen seruent lumen salutis, nec animis cadant. Et differtur quidem interdum pij ministri à morbo correptio. Reuera tamen ea ad aliquod tempus à contagio immunitas, longiorem exercendæ fortitudinis materiam subministrat, & plerunque maioris perfectionis indigam, quàm deposceret prompta vitæ abreptio per immanem cruciatum. Quod egregiè expressit Nazianzenus Iambico 18. num. 81. supra ignes, enses, barathra, cruces, feras, famem, luxatos & pedibus suis vulsos artus, oculos ruptos, frigus, tenebras, corpora in præceps data, supra omne denique carnificis in tormentis ingenium, extollens tormentum quo animus, per aliquod temporis interuallum, non vano timore ingruentium grauium malorum percellitur. Huic acerbitati, nullum esse æquale tormentum affirmat.

[*Ardor doloris, nam metum mox eximit.*

Timere verò semper, est semper pati:

Mor

Cum ergo luis contrahendæ, & incommodorum omnium quæ luem consequuntur, mortisque etiam ipsius, iustus & plus quàm probabilis metus, hominem lue contactorum ministerio addictum occupet, quo plus ab ea labe nitens ac purus perseverat, eò diutiùs animi pendeat, & immanem illam animi lanienam diutiùs perferat, necesse est.

Utro auelluntur à charis, & aduersus verborum iacula obfirmantur.

12. Nec desideratur hoc loco illud fortitudinis argumentum, in quo pleròsque à martyrio fidei iam inito emollitos, ex S. Ambrosio obseruabam: nempe diuulsio à dulci charorum consuetudine. Ex quo enim homo charitate faucius, huic se sancto operi addixit, æquè per vniuersum ministerij tempus refugitur, ac lethifer morbus, quem iure in alios transfusus timetur. Quare adhuc sanus & incolumis, horrorem sui, iustumque timorem aliis ingenerat; vt etiamnum viuentem, præmori quodammodò suis, & à ciuili societate extraneum fieri oporteat, quæ non est exigua fortitudinis materia: & ratione eius pugiles Christi, quod S. Maximus centur. 5. ex variis cap. 75. egregiè expendit, Melchisedechum quodammodò referunt, facti sine patre, sine matre, sine genealogia, non habentes quo pacto à carne & natura teneri possint, propter comparatam affinitatem cum spiritu robustorum. Et cernitur hîc quoque sancta illa ebrietas, quam in fidei martyribus suos despicientibus, celebrat S. Augustinus in psal. 35. & 74.

Ad extremum, habet quoque hîc locum, fortitudo aduersus verborum iacula, quam in fidei martyribus exposcebat S. Cyprianus. Eius enim fortitudinis, nusquam vsus non est Christiano, viuenti & agenti Christianè, cui nunquam desunt qui obstrepant, & intortis maledicentiæ iaculis, sint infestî. Neque igitur in tam sancto tamque Christiano ministerio, cos pietatis, & proba germanissimæ humilitatis, ex ore filiorum huius seculi; qui quandoque per errorem crassum, aliquando per malitiam meram, & ex libidine in alienam famam grassandi, piam mentem sanctorum Christi athletarum, sinistrè interpretantur, & aliorum auertunt, atque distorquent dicta eorum, factaque. Sunt etiam qui summæ charitatis opus, à gratuita operæ ministris, tanquam debitum exigant. Nec desunt qui per summam ingratitude[m] causas sibi fingentes querelarum à fannis non temperent, aut eos conuitiis pròscindant, quorum gressibus accidere, & exosculari demississimè vestigia, si mens non læua fuisset, consentaneum foret. Vt taceam vltiorem malorum pro bonis repensionem, quæ in hoc genere noua non est. Nam S. Cyprianus, vt in eius vita scribit Pontius, nullo in Ethnicos lue contactos officij genere prætermisso, postmodum absterfa lue, exilio multatus est. Quæ omnia expromendæ Christianæ fortitudinis materiam supeditant, nec exiguam, nec infrequentem.

Eorum eminentissima fortitudo, concluditur.

13. Ratum igitur esto, fortitudinem in misericordiæ martyrio requisitam, æmulari robur animi
necessa

necessarium martyrio in causa fidei: & ad hos quoque in Ecclesiæ pace martyres, accommodari iure posse, quæ de fortitudine martyrum sub typo militum Gedeonis, lagenas confractas educantium in præliū, pulcherrimè tradunt S. Augustinus q. 49: in iudices S. Prosper 2. p. de promill. c. 18. S. Gregorius 30. moral. c. 33. & 34. & Rupertus l. 1. in Iudic. c. 11. Bellè quoque in eisdem cadit, quod de fortitudine Christianorum pugilum Ethnicis agonisticis collatorum, traditur à Tertulliano c. 6. Scorpiaci, refellente Gnosticos Deum crudelitatis incusantes, ob approbatum martyrium. At è contra Tertullianus, maximè decuisse demonstrat, hanc fortitudinis exercendæ materiam suis præbere, qua & clariores efficiantur, & ad immarcescibilem coronam ius comparent: cum sine probro agonethetes, ad ictus & vulnera quæ ipsi pyctes non refugiant, aduocet certaturos. [Ab æuo (inquit Tertullianus,) « dignissimum creditum est, studiorum experimen- « tum, committere artes, corporum & vocum præ- « stantiam expendere, præmio indice, spectaculo « iudice, sententia voluptate; qua nulla sunt prælia, « nulla sunt vulnera, pugni quatiant, calces arietant, « cæstus dilaniant, flagella dilacerant: nemo tamen « agonis præsidem suggillauerit, quod homines vio- « lentia obiectet. Iniuriarum actiones extra stadium: « sed quantum liuores illi, & cruores, & vibices « negotiantur intendis, coronas scilicet, & gloriam, « & dotem, præiulia publica, stipendia ciuica, « imagines, statuas, & qualem potest præstare scri- « culum de fama æternitatem, de memoria resurre- « ctionem. Pyctes ipse non queritur; dolere se non « vult, corona premit vulnera, palma sanguinem « obscuro

« obscurat , plus victoriarum est quàm iniuriarum.
 « Hunc tu læsum existimabis , quem vides lætum ?
 « Sed nec victus ipse , de agonothea casum suum ex-
 « probrabit. Deum dedecebit artes & disciplinas suas
 « educere in medium , in hoc sæculi spatium , in spe-
 « ctaculum hominibus , & Angelis , & vniuersis
 « potestatibus ? Carnem atque animam probare de
 « constantia , atque tolerantia ? Dare huic palmam ,
 « huic honorem , illi ciuitatem , illi stipendium ?]

Hæc in nostros quoque charitatis agonísticos ,
 quàm rectè cadant , cum tanta generositate , &
 suorum incommodorum contemptione certent
 cum compare inuulnerabili , (pestem dico ,) &
 læti , contractæ vt plurimum virulentix , mortem
 inferenti insultent , nemo non videt. Itaque extra
 dubium est , congruentissimè , certè aptius in hos
 cadere , quæ S. Cyprianus l. de opere & eleemosi-
 nis , de erogantibus eleæmosinam in hunc modum
 disputat , quandoquidem hæc quoque summa est
 eleæmosina , ac subuentio , qua cogitari non possit
 « maior , aut fructuosior ei cui impenditur. [Munus
 « bonum est eleæmosina , omnibus qñ faciunt eam
 « coram summo Deo. Quale munus est , fratres cha-
 « rissimi , cuius editio Deo spectante celebratur ? Si
 « in Gentilium munere , grande & gloriosum vide-
 « tur , proconsules vel Imperatores habere præsen-
 « tes , & apparatus ac sumptus apud munerarios ma-
 « ior est , vt possint placere maioribus : quanto illu-
 « strior muneris & maior est gloria , Deum & Chri-
 « stum spectatores habere ? Quanto isthic & appara-
 « tus vberior , & sumptus largior exhibendus est , vbi
 « ad spectaculum conueniunt cœlorum virtutes ?
 « conueniunt Angeli omnes : Vbi muneratio , non
 quadri

Splendor fortitudinis in utrisque mart. 551
quadriga, vel consulatus petiti, sed vita æterna præstat: nec captatur inanis & temporarius fauor vulgi, sed perpetuum præmium regni cœlestis accipitur?] Diceres scripta de hac elemosina; tam appositè in eam cadunt.

C A P V T IV.

Perfecta in utroque martyrio configuratio cum Christo qui est testis fidelis.

I. **Q** Via verum martyrium, vt scitè dixit Lucifer Calaritanus l. quod moriendum sit pro Dei filio, *singularis imitatio est dominica fortitudinis*, meritò post factam fortitudinis in utroque martyrio micantis contentionem, gradum facimus ad eorum analogiam cum Christi martyrio.

Christus verè ac propriè martyr.

Illud verò ante omnia supponendum est, Christum Dominum verè ac propriè martyrem fuisse, ac etiam martyrij principem & magistrum. Agnoscunt martyrem Christum, graues Scholastici. Altiſſiodorensis l. 3. summæ tract. 7. cap. penultimo, Richard. quodlib. 1. art. 1. q. 6. Martinus de Magistris q. 3. de martyrio initio, & alij. Iam nihil in Christo à martyrio vacasse, ait Gulielmus Paris. lib. de leg. c. 28. *sub finem*. Patres quoque, Christum martyrem statuunt. Origenes tomo 9. in Ioan. ad illud ecce *Agnus Dei*, vocans martyres, *victimæ primæ victimæ cognatas*, id est Christo, & idcirco *conspèctas à Ioanne iuxta cœlestè altare*.
Quod.

Quod ex S. Ambrosij sermone, notatum quoque est a Paschasio Rathberto l. de Corp. & Sanguine Dom. pag. 141. & ex parte etiam expressum fuit à Nazianzeno carmine de vita sua num. 127. vbi vocat martyres *secundas victimas*, nempe præ Christo. Sed & orat. 18. num. 7. vocat Christum *primum martyrem*. Et orat. 3. vocat simpliciter & absolute *martyrem*, exprobrans Iuliano, quod aduersus Christi sacrificium sua piacula statuisset; aduersus eum cruorem quo mundus purgatus est, cruores suos; bellum aduersus pacem; aduersus resurrectionem insurrectionem: (alia huiusmodi antitheta congeminat,) tandemque concludit: *aduersus martyrem, ne martyres quidem*. Quod ibi Elias ita accipit, vt sensus sit, aduersus Christum antonomasticè martyrem (quippe confessum coram Pilato bonam confessionem,) ne martyres quidem esse pateris: verum conaris vt Christo hinc quoque mortuorem inferas, eorum martyrium obscurare, confictis aliis cædium causis. Qui sensus æquè negotio præsentis inseruit, ac ille alius quem Billius rectè præfert tanquam genuinum. Nempe Iulianum habuisse quidem aliquid, (etsi impium & nefarium,) quod Christo opponeret, vt sanguinem aduersus sanguinem; sacrificia aduersus sacrificium, manum aduersus manus in cruce extensas, insurrectionem aduersus resurrectionem, &c. At quos martyri, (hoc est Christo, antonomasticè sic dicto,) martyres opponeret, nullos omnino habuisse. Vtraque interpretatio æquè fert quod intendimus Consonat S. Augustinus in Psalm. 63. *inirio*, vbi ait Christum esse primum qui passus est, & ex eius conuitu reliquos martyres fortes euasisse. Ideoque

eum

cum *Regem martyrum* appellat. At serm. 48. de Sanctis, aliis vocibus, eodem sensu, vocat *martyrem martyrum, testem testium*. Summum martyrem, vocat auctor libri de dupl. martyrio apud Cyprianum. Solum nomine martyris donandum, censuerunt Lugdunenses martyres apud Eusebium lib. 5. histor. c. 3. refugientes perhonorificam martyrum appellationem, qua donabantur cum essent martyres designati. S. Cyprianus, aut quisquis auctor libri de oper. Christi Card. serm. de Passion. sanctum latronem, ait factum Christo collegam martyrij: Itémque S. Ephrem in encomio SS. 40. martyrum, ait, Christum passionis ac martyrij sui socios, ubique instruxisse: quæ locutiones, Christi martyrium disertè supponunt; quod item agnoscunt S. Maximus serm. 1. de S. Cypriano, exponens calicem martyrij, Damascenus 4. de fide c. 10. in septima baptismi specie, Rupertus latè & optimè, loco postea proferendo, Richardus Victor. suo cap. 13. in Cantica. Seruus Dei, Episcopus Afer apud Genadium & Honorium Augustodunensem in catalogis, resellenseos qui aiebant, Christo in martyrij remunerationem fuisse concessum post resurrectionem, ut tum primum videret Deum oculis carnis. Denique Stephanus Durantus l. 1. de ritibus c. 1. num. 11. eodem refert priscam denominationem insignis basilicæ à Constantino magno exædificatæ, & solemnissimo apparatu dicatæ in Caluariæ monte, quam *magnum martyrium*, dici placuit. Perperam enim interpretes apud Eusebium l. 4. de vita Constantini à c. 40. vertit *martyrum domum*, cum absolutè fuerit retinenda Græca vox latio donata *martyrium*, quam in eo sensu vsurpat Augu-

stinus 22. ciuit. c. 8. Isidor. 5. Orig. c. 4. & Vualast. cap. 6. rerum Eccles. Dicta autem est Ecclesia illa, *magnum martyrium*, à Christo, ibidem passo martyrium. At quidem Cyrillus Hierosol. cathec. 14. eam solum à Constantino extructam basilicam, inter cœteras sacras ædes montis Caluarix, fortitam nomen *martyrij*, quia ibi Apostoli, accepto Spiritu sancto, facti sunt testes resurrectionis Christi: quo aptat illud Sophoniæ 3. *expecta me, in die resurrectionis mee in futurum*. Ipse legit in *testimonium*: Tamen cum Apostoli, Spiritum sanctum, eo visibili apparatu quo initium factum est publicæ testificationi Euangelij, non acceperint in Golgotha, sed in ciuitate, ubi induci sunt virtute ex alto, verisimile admodum est, quod ex Durantio dixi: nempe basilicam illam primariam, dictam fuisse *magnum martyrium*, à martyrium ibidem passo *martyrij magistro*, prout Christum appellat S. Irenæus lib. 3. c. 12. Hæc pleniore manu, ex PP. & Ecclesiastica antiquitate congesti; quod mirari subiuerit Pamelium, diligentem cæteróqui scriptorem, ad librum de duplici martyrio, (qui inter nothos D. Cypriani partus habetur) num. 5. affirmare, locutionem qua Christus martyr appellatur, abhorre ab usu veterum, ideóque non esse probandam. Hoc vides, manifestè falsum esse, quamuis non diffitear, differentiam longè maximam esse inter Christi cœterorúque martyrium; & meritò reliquos dictos esse *secundas victimas*, quod Christus multis partibus omnes martyres superet, vt latè expendit S. Augustinus tract. 84. in Ioan. & Espencæus in 2. ad Timoth. c. 2.

Prior titulus martyrij in Christo.

2. Sic constituto vero ac proprio Christi Domini martyrio, quale ferunt allegata Patrum testimonia, móxque ex nonnullis Scripturis firmabimus, occurrit duplex modus quo Christum, martyrem fuisse, exponi potest. Neque enim nouum est, vt quis ex duplici, (vt sic dicam,) totali titulo, martyrium subeat; quandoquidem multæ virgines, & quia Christianæ, & quia iniquationem refugientes, martyrio sunt perfunctæ. Similiter ergo, martyrij in Christo duplex titulus, & vterque idoneus, proferri potest. Priorem attigit Billius ex Niceta ad orat. 18. Nazianzeni, & Elias Cretens. ad orat. 3. quod scilicet Christus, idcirco habendus sit martyr, quia interemptus est, cum ob traditas plerasque veritates morales, ob quas in Phariseorum & aliorum corruptissimorum hominum odium incurrit: Tum maximè, quia constanter euulgauit illam sublimissimam fidei veritatem, qua patrem suum dicebat *D E V M*. Quam bonam confessionem confessus est, testimonio reddito coram Pilato, vt loquitur Apostolus. 1. Timo. 6. Vbi etiam cap. 2. additur, Christum dedisse se testimonium Græcè *μαρτύριον*, quod ibi S. Chrysostomus & Theodoretus, de martyrio Christi in passione interpretantur. Eodem sensu Christus. initio Apocalypseos, vocatur fidelis testis, Græcè *μάρτυρ*. Quod luculenter in eum locū his verbis enucleauit Rupertus. [Verè testis, quod græcè dicitur martyr, quia & natus ob testificandam veritatem, & mortuus est pro testimonio veritatis, quemadmodum ipse Pilato dicit: ego in hoc natus

N n 2 sum,

sum, & ad hoc veni in mundum vt testimonium
 perhibeam veritati. Nam & pater quidem testis, de
 quo ipse Iesus Christus, & testimoniū, (*inquit,*) per-
 hiber de ne, qui misit me, pater : & Spiritus sanctus
 testis de quo idem, cum, (*inquit,*) venerit paracletus,
 quem ego mittam vobis à Patre, spiritum veritatis,
 qui à Patre procedit, ille testimonium perhibebit
 de me. Sed hæc sola est persona, quæ pro testimonio
 veritatis mortem sustinuit, vnde & dignè solus hic
 idem filius dicitur testis. Et multi quidem testes
 veritatis mortem perpeffi sunt propter verbum
 testimonij sui; vnde & græco nomine, martyres eos
 sancta Ecclesia nominare consuevit : sed non parua
 distantia est, ob quam & iste, etiam cum additamen-
 to, splendide dicitur testis fidelis. Nam quod te-
 stis iste testificatus est, prius vidit & audiuit, quàm
 in hunc mundum veniret : prius inquam vidit &
 audiuit, & post in hoc natus est, & ad hoc venit in
 mundum, vt testimonium perhiberet veritati,
 quemadmodum & coram præside iam dicto, ipse
 dixit. Hinc & Baptista Ioannes : qui de cælo venit,
 super omnes est; & quod vidit & audiuit, hoc testa-
 tur Omnes alij de terra venerunt, & prius nati sunt
 quàm aliquid scirent, & post acceperunt aliunde ab
 alio indice, quod testificando dicerent, & hoc ipsum
 non perfectè, sed ex parte, vno ex ipsis Paulo Apo-
 stolo dicente: ex parte enim cognoscimus, & ex par-
 te prophetamus. Solus ergo testis ille fidelis, id est
 talis, qui antequàm huc veniret ad testificandum,
 rem viderit & audierit; tam certus, vt non ex par-
 te, sed totum perfectè cognouerit & propheta-
 uerit.]

3. Eodem denique referenda videtur plagula
 illa

illa orationis S. Methodij de martyribus, exscripta à Theodoreto dialo. 3. verbis illis. [Adèò admirabile, & tanto studio expetendum est martyrium, quod ipse Dominus Iesus Christus filius Dei, se id honorare testatus sit, non rapinam arbitratus se esse æqualem Deo, vt etiam eo dono, hominem ad quem descendit, coronaret.] Sensus Methodij non videtur esse alius, quàm quod Christus quoque, martyrium subire voluerit, illudque subeundo honorare, dum non arbitratur rapinam, esse se æqualem Patri, exemplo nequam illius inter Ethnicos filij, qui Saturnum patrem rapaciter ablato regno exauكتورauit, iuxta perpulchram loci illius Apostolici interpretationem explicatiùs traditam ab Isidoro Pelusiota: Cum Christus è contra, Patrem suum, Deum dixerit, seque ei æqualem, & eam ob causam, mortem exceperit.

Posterior titulus martyrij in Christo.

4. Alter titulus veri in Christo martyrij, alterque idoneus modus exponendi quomodò Christus fuerit propriè martyr, ducitur ex eo quod Christus, pro nobis à captiuitate redimendis, & conciliandis cum Patre, sanguinem suum fuderit, tandèmq; vitam sanctissimam abiecerit. Hic quidem titulus, non quadat cum martyrio voce tenus spectato, quia iuxta hunc titulum, Christus (saltem directè,) non obiit ad alicuius veritatis testificationem; sed tantùm ad æternam calamitatem ab aliis auertendam, & salutem æternam iisdem sua temporaria morte curandam. Vt tamen titulus ille sit ad verum martyrium idoneus, satis est, quod mors eo titulo

excepta, sit sufficiens ad concilianda homini puro sic morienti, illa ipsa decora quæ martyrio ad veritatis testificationem excepto parantur; illud nimirum gratiæ & gloriæ superpondium, quod aduehitur martyrio voce tenus considerato, siue ad testificationem diuinæ alicuius veritatis excepto. Quæ omnia probata manent ex disputatis tota parte 3. qua tituli illius idoneitas, ad eos veri martyrij fructus, vltra operantis merita & veluti ex opere operato conuehendos, latè fuit stabilita. Neque verò nouum est, vt vox quæ penes eius corticem ad vnum aliquid arctanda esset, postea ad aliud simile vel affine, ei ve subrogatum, aut non disparibus prærogatiuis gaudens extendatur; quamuis non consentaneè ad extimam vocis faciem, & primæuam notionem. Ita ergo accidere potuit in hoc negotio. Tametsi difficile quoque non foret, testificationem alicuius veritatis à Christo sic moriente factam proferre. Attestatus enim eo pacto est, insigni illi amoris quo sic Deus dilexit mundum, vt omnis qui credit in ipsum non pereat, tradens in eum finem vnigenitum suum. Qui item vt cognosceret mundus, quàm diligeret Patrem id exoptatè, tradidit semetipsum pro nobis oblationem & hostiam Deo in odorem suauitatis. Agnoscunt hunc martyrij in Christo titulum Scripturæ & Patres, à quibus passim ea mortis per Christum exceptæ causa traditur, vt bono nostro consuleretur, & destructis peccati nexibus, captiuitate exsolueremur. Et quamuis prior titulus videatur vulgatio, & cum vocis *martyr*, cortice cohærentior; tamen hic secundus, est apud Patres, & in scripturis vulgatio, quippe commodior ad suscitandam pietatem nostram,

vrgen

urgendosque mortales, ut si amare piget, at redamare, non pigeat.

5. Nexuit utrumque titulum Clemens Romanus 5. Constit. cap. item 5. verbis illis quibus Christianos animat ad alacriter subeundum martyrium imitatione Christi, *martyrij Magistri* ut eum iam supra ex Irenæo nominauimus. [Quicumque artem et quampiam discit, cum videt magistrum suum opere et & experientia artificium suum perficientem, idem quoque studet opus iniunctum simile efficere: quod quidem si allequi non queat, non est in eo perfectus. Et nos ergo cum magistrum habeamus Dominum nostrum Iesum Christum, cur doctrinam eius non imitamur? Quoniam ille à se repudiavit relaxationem, voluptatem, gloriam, diuitias, superbiam, copias auxiliares, matrem & fratres, imo etiam vitam suam: Idque tum propter pietatem erga Deum Patrem, tum propter charitatem erga homines; perpeffus non solum persecutionem & verbera, probra, & ludibria, sed etiam cruci affigi, ut Iudæos, & Gentiles ad poenitentiam adductos seruaret. Si igitur ipse propter nos requiem respuit, neque in subeunda cruce erubuit, neque mori inglorium existimauit, quare nos passionibus eius non imitamur, & eius causa ipsam etiam vitam nostram, ipso nobis tolerantiam præbente, non deserimus? Ille enim propter nos, nos verò propter nos ipsos.

Et fidei, & misericordia martyres, Christo configurati.

Iam quomodo in alterutro martyrij titulo, Chri-

stum testem fidelem exhibeant, cum fidei, tum
 misericordiæ martyres, non est obscurum. Vtri-
 que certè configurantur Christo per societatem
 passionum illius, & exceptam reipsa mortem, quæ
 est illustrissima cum Christi morte configuratio, &
 expressior quam quæ per baptismum perficitur iux-
 ta Apostolum, vt rectè docet Clemens Rom. ca-
 pite illo 5. agens de catechumeni martyrio, & do-
 cens eum saluari, non minùs quàm si aqua lotus
 fuisset, cum perfectiùs commoriatur & consepelia-
 tur Christo, quàm is qui baptizatur immisus
 aquæ, eâve perfusus. Eiusdem verò libri quinti
 cap. 1. idem Clemens cohortans fideles ad erogan-
 dam largè benignitatem martyribus in carcere de-
 tentis, rationem reddit quæ hanc martyrum cum
 Christo configurationem expressiorem, optimè
 exhibet. Sic enim ait. [Qui propter nomen Domi-
 ni Dei nostri damnatus est, hic est sanctus mar-
 tyr, frater Domini, filius altissimi, receptaculum
 Spiritus sancti, per quem illuminationem gloriæ
 Evangelij singuli fideles acceperunt, cum digni ha-
 biti sunt immortalis corona, & testimonio passio-
 num eius, ac societate sanguinis ipsius, vt confor-
 marentur morti Christi in adoptionem.]

6. Exemplo item Christi, & fidei & miseri-
 cordiæ martyres, doctrinæ reuelatæ attestantur,
 nobilissimo modo, vt tractatum, supra est agen-
 do de testificatione fidei per martyres cap. 1. huius
 partis. Vtrique denique ob hanc expressionem
 Christi, & cum eo configurationem, eundem Chri-
 stum habent fortitudinis, ac patientiæ, & totius
 gratiæ ad talem inortem subeundam necessariæ,
 fontem vberimum. Qua in re perplacet pius æquè

ac elegans de more Bernardi locus, ex term. 61. in Cant. quo duplicem in Christo Domino statum considerans, crucis scilicet & gloriæ, hanc in splendore, illam in pallore esse dicit, eoque transfert illud Psaltis Psalm. 67. *posteriora dorsi eius in pallore auri*. Eo autem aspirare sponsam Ecclesiam, præsertim ratione martyrum, affirmat, dicens Ecclesiæ quoque posteriora, esse in pallore auri [quæ fuscum non erubuit crucis, vitionem passionis non horruit, liuorem vulnerum non refugit: etiam complacet sibi in illis, & optat nouissima sua esse horum similia. Idcirco denique audit; columba mea in foraminibus petræ, quod in Christi vulneribus tota deuotione versetur, & iugi meditatione demoretur in illis. Inde martyrij tolerantia, inde illi magna fiducia apud Deum est altissimum.] Ex ea Christi pallentis & martyris configuratione, ex ea martyris per amorem & imitationem in habitatione intra Christum, oriri, vt paulo ante tetigit, vniuersam martyrij tolerantiam, in hæc verba paulo post tradit. [Stat martyr tripudians & triumphans, toto licet lacero corpore, & rimante latera ferro, non modò fortiter sed & alacriter, sacrum è carne sua circumspicit ebullire cruorem. Vbi ergo tunc anima martyris? Nempe in tuto, nempe in petra, nempe in visceribus Iesu, vulneribus nimium patentibus ad introeundum. Si in suis esset visceribus scrutans ea, ferrum profectò sentiret. Dolorem non ferret, succumberet, & negaret. Nunc autem in petra habitans, quid mirum si in modum petræ duruerit? Sed neque hoc mirum, si exul à corpore, dolores non sentiat corporis. Neque hoc facit stupor, sed amor. Submittitur enim

“ sensus, non amittitur : nec deest dolor ; sed supera-
 “ tur, sed contemnitur. Ergo ex petra, martyris for-
 “ titudo, inde planè potens ad bibendum calicem
 “ Domini. Et calix hic inebrians, quàm præclarus
 “ est, præclarus inquam atque iucundus, non minus
 “ imperatori spectanti, quàm militi triumphanti.
 “ Gaudium etenim Domini, fortitudo nostra.] Ita-
 que & qui pro fide cæduntur, & qui in ministerio
 charitatis occumbunt, Christo martyrum primi-
 cerio configurantur, intra eius vulnera pro nobis
 excepta, sedem habent ; indéque cœlestes suppe-
 tias ac fortitudinem, ad martyrium quisque suum,
 alacres hauriunt.

Posteriorès, expressius.

7. Ausim tamen contendere, martyres charitatis,
 illustriùs & expressiùs configurari Christo martyrij
 principiatque aded quia per viciniam ad primum
 in vnoquoque genere, quod est mèsura cœterorum,
 attenditur perfectio omnium quæ sunt sub eo ge-
 nere, constare inde poterit, quanta, quamque
 pretiosa sit martyrij huius perfectio. Eam verò il-
 lustriorem martyrum charitatis cum Christo con-
 figurationem, non difficile erit ex illis colligere,
 quæ S. Augustinus tract. 84. in Ioan. proponit, tra-
 ctans martyrum fidei cum Christo comparatio-
 nem. Eos enim præ Christo deprecia, cum ex aliis
 capitibus, tum ex eo quod non habuerint potesta-
 tem ponendi animam suam, nec liberum eis fue-
 rit, dicere : Nemo tollit eam à me. Item ex eo
 quod non sint mortui pro aliis, siue ita ut mors
 eorum cesserit in absterisionem peccatorum alieno-
 rum

rum. Quæ tametsi Christo, peculiari ac præcipuo iure sunt tribuenda, tamen per analogiam quãdam, in martyres quoque charitatis cadunt. Verè enim nemo tollit ab eis animam, sed ipsi sponte eam ponunt exemplo Christi: quia cum sani essent, possentque se periculis subducere, lubentes volentisque, sola urgente proximorum charitate, in illa irruerunt. Et cedit aliquatenus ea mors, in remissione peccatorum alienorum. De illis enim præcipuè agimus, qui ut proximos in spiritu iuuarent, ministrandis Sacramentis, ac ægris Christiano ritu expiandis, & ad bonam mortem disponendis, prodeunt in hanc arenam. Quanquam idem quoque aliqua ex parte valet quoad laicos, qui eo spiritu quo supponimus, in hoc opus incumbunt: cuiusmodi magnam partem erant Alexandria sexcenti illi parabolani de quibus l. 1. 8. C. de Episc. & Cleric. Nam & salutem præsertim æternam eorum quos iuuant, propositam habent: & ad eam, cum piis alloquiis, tum exemplo charitatis suæ, & egregiorum virtutis factorum, ægros incendunt: Ut proinde mortem obeuntes in sancto illo ministerio ex prædictis finibus suscepto, aliquatenus dici possint obire propter salutem proximorum, & remissionem peccatorum eorum: Non quidem litrum pro illis appendendo, (frater enim non redimit, redimet homo?) sed tamen curando, ut impensa pro eis à Christo redemptio, cassa non euadat, sed intentum à Christo exitum, fructumque cõsequatur. Itaque charitatis pugiles, (quod de fidei martyribus à S. Cypriano dictum est, sub finè libri de laude martyrij,) *socio Christi cruore decorari*, & quidè excellentissimo modo, satis superque videtur confirmatum.

CAPVT V.

*Mors in ministerio charitatis, holocaustum est,
quo se homo, non minus quàm in marty-
rio pro fide, Deo consecrat.*

1. **E**T hoc quoque, ad aliquam cum Christo Domino configurationem spectat. Nam Christus obtulit semetipsum pro nobis, oblationem & hostiam Deo in odorem suauitatis, ita ut eius martyrium, veram ac propriè dictam sacrificij rationem habuerit: Quod ex variis Apostoli locis, Sacerdote item & ara expressis, luculenter in hunc modum tradidit S. Chrysostomus, orat. in crucem
 “ & confessionem latronis. [Pascha nostrum immo-
 “ latus est Christus. Vbi immolatus est? Cedo. In
 “ excelsa cruce. Nouum & peregrinum altare, cum
 “ nouum & inusitatum fuerit sacrificium. Idem enim
 “ & sacrificium, & sacerdos erat; sacrificium secun-
 “ dùm carnem, sacerdos secūdum spiritum. Idem im-
 “ molauit, & immolabatur. Audi iterum Paulum di-
 “ centem. Omnis enim Pōtifex ex hominibus assum-
 “ ptus, pro hominibus constituitur, in his quæ sunt ad
 “ Deū: Vnde necesse est & hunc habere aliquid quod
 “ offerat. Ecce seipsum offert. Alibi verò iterum ait.
 “ Sic & Christus semel oblatus est, ad multorum ex-
 “ haurienda peccata. Ecce hic oblatus est: Ibi seipsum
 “ obtulit. Vidisti, quomodò idem, sacrificium, seu
 “ victima & sacerdos fuerit? Fuit crux, etiam altare.]

Martyrium fidei, sacrificium.

2. Martyres igitur, Christi Domini imitatione,
 Deo

Deo delibantur, vt Apostolus de seipso dixit, *Ego iam delibor*, quod passim antiqui Patres legunt, *Ego iam immolor*. Eámque immolationem Deus acceptissimam habet, ita vt quamuis apud seculum æstimata sit afflictio exitus illorum, & quod à nobis est iter, exterminium, tamen Deus iuxta sapientem cap. 3. quasi holocausti hostiam illos accepit: quod Lucifer Calarit. l. quod moriendum sit pro Dei filio, & passim Patres cæteri, de martyribus interpretantur. Et in eundem sensum accipit S. Hilarius illud Psalmi 65. *introibo domum tuam in holocaustis*, latè de martyrij holocausto differens. Sed pulcherrimè S. Dorotheus in expositione 2. dictorum quorundam S. Gregorij Nanzianzeni decantatorum in SS. Martyres. Non memini quidem legere apud Nazianzenum ea verba quæ ex eo interpretatur Dorotheus. Tametsi orat. 25. num. 41. ea ipsa vsurpat de Catholicis. Tamen quin alibi à Theologo dicta sint de martyribus, sic referente & exponente S. Dorotheo, dubitare non licet. [Vi-
deamus (ait S. Dorotheus,) quid docere nos ge-
stiat D. Gregorius de SS. Martyribus: Ait enim; sa-
crificia viuientia, holocaustomata rationabilia. Quid
est sacrificia viuientia? Sacrificium dicitur, quicquid
sacrum Deo libatur, subiice veruecem, vel bouem
vel aliud quid simile. Quid autem ait de sanctis
martyribus, sacrificia viuientia? Aries ductus ad sa-
crificium, iugulatur primùm & occiditur, po-
stea diuiditur, & in frustra conciditur, atque ita
immolatur Deo. Sancti autem martyres, viuentes
concederunt carnes suas, excoriati, secti, cruciati,
multis laboribus & tormentis afflicti. Quorum aliis
tortores manus absciderunt, aliis linguam extraxe-
runt,

runt, aliis oculos effoderunt, aliis latera dissuerunt,
 ita ut ordinem & harmoniam intestinorum suo-
 rum possent cernere. Quæ omnia & viuentes, &
 habentes adhuc in corporibus animas patiebantur.
 Quare optimè, sacrificia viuientia appellati sunt.
 Holocaustomata verò rationabilia, quare dicti sūt.]
 Interferit linguam expositionem sacrificij simplici-
 ter dicti, & holocausti, & discriminum vtriusque:
 quæ breuiter ad hoc reuocantur, quod in priore, ali-
 qua tantum victimæ pars offerebatur, in holocau-
 sto autem tota victima comburebatur in signum
 perfectorum hominum qui se totos Deo donant &
 incendunt in odorem suauitatis. Tum addit. [Sic igi-
 tur sancti martyres, totos sese Deo obtulere, ne-
 que solum seipsos, sed & quæ ipsorum fuerant, &
 quæ circa ipsos. Aliud enim nos sumus, ut ait Basi-
 lius, aliud nostra. Aliud nos, aliud quæ circa nos.
 Nos sumus mens & anima, nostrum est corpus,
 circa nos sunt possessiones, & alia huiusmodi. Ob-
 tulerunt ergo sese, primum Sancti Deo, toto cor-
 de, tota anima, tota virtute, ut scriptum est, dili-
 ges Dominum Deum tuum ex toto corde tuo, ex
 tota mente, ex tota anima tua. Non solum enim fi-
 lios, vxores, gloriam, pecunias, & cæteram om-
 nem substantiam contempserunt, sed & sua pro-
 pria corpora tradiderunt. Quare rectè dicuntur, ho-
 locautomata. Rationabilia autem, quia rationa-
 le animal est homo, & sacrificium perfectum Deo.]
 Pergit de iisdem SS. martyribus exponere illa alia
 Nazianzeni verba, [Deum cognoscentes, & à Deo
 cognitæ quæ, quarum mandra lupis est inuia.] In
 quibus non hareo quod ad martyrum sacrificium
 de quo agimus, non ita proximè spectent. Est igi-
 tur

tur martyrium in causa fidei toleratum, genus sacrificij Deo acceptissimum.

Et refugit quidem Deus, execratúrque humanas hostias, contra quam Satan eius generis victimarum avidissimus: ut propterea olim tam multis locis sibi humano sanguine litari curauerit, ut Tatianus, Porphyrius, Eusebius, Theodoretus, aliique à nobis suo loco prolati, latè referunt. Imo quia cibus eius electus, lego apud oculatum testem omni exceptione maiorem, in occiduarum Indiarum amplissima ciuitate Themistitana, priusquam à Christianis obtineretur, cordibus pulionum & puellarum supra viginti millium, quotannis, eidem cruentissimo & capitalissimo generis humani aduersario, fuisse litatum. Hanc carnificinam, & omnem humani sanguinis effusionem, specie religionis patratam, abominatus semper est Deus, tametsi internum sacrificium sibi à martyribus inter excipiendam mortem oblatum, habuerit acceptissimum. Appello sacrificium internum, patientiam propter Deum qua martyr tormenta & mortem excipit, flagransque diuino amore, suauissimum & fragrantissimum odorem, adolet Deo, ut loquitur D. Augustinus 10. ciuit. cap. 4. Quid verò aliud in toto martyrij ambitu gratum Deo posset accidere? Nam trucidatio quidem martyris quatenus est actio persecutoris, immane scelus est, nec tantum contra iustitiam, quia innoxius ceditur & absque iure, sed etiam contra virtutem pro qua martyr occumbit, & contra Dei maiestatem cui martyr attestatur. Quod ergo Deus habet in martyrio acceptum, est interna oblatio qua martyr per patientiam se offert Deo, & quod exterius perficit carni-

fex

fex in eius corpore, hoc ipse interiùs præstat in cultum numinis: Ac proinde id quod Deo gratum est in martyrio & sacrificio hominis, non est externa immolatio, sed id cuius hæc est index ac signum, nempe internum sacrificium, quod vnum in antiquis sacrificiis Deo placuisse, autor est S. Augustinus lib. 10. ciuit. cap. 5. & sæpè alibi.

Non arrego cuius vero martyrio, veram & propriam rationem sacrificij; quod rem ad viuum refecando, falsum est, vt rectè attigit Vasques 3. p. d. 83. num. 40. defuit enim omnibus martyribus (præterquam Christo,) delectus ad fungendum sacerdotio in sui ipsorum oblatione; cum tamen oporteat sacrificium perfectum peragi per personam ad munus illud diuina vel publica auctoritate delectam. Nihilominus martyres, quantum in ipsis est, adhibent quicquid est necessarium ad veri sacrificij perfectionem: & cædes eorum, vel ex formali intentione quam eliciunt, refertur in cultum Dei, vel implicite saltem & suapte natura eo refertur, vt agnouit S. Damascenus orat. 3. de imagin. & Thomas Vvaldensis tomo 3. cap. 117. num. 4. ac Corduba lib. 1. q. 5. dub. 6. & quotquot martyrium, inter actus religiosos, & cultui numinis destinatos, recensuerunt.

Idem ostenditur de martyrio misericordia.

4. Hæc omnia de martyribus fidei passim vulgata, æquè de martyribus charitatis rata esse debent. Nam præterquam quod, in ipsis quoque, per mortem, sacrificij consummatio perficitur, interna oblatio est in eis perfectissima, imo ex quibusdam capitibus,

pitibus, videtur perfectior & oblationi Christi conformior, quàm oblatio martyrum occumbentium in causa fidei. Nam imprimis magna pars martyrum fidei, ab alio cingitur, duciturque quo non vult. Ferè enim abripiuntur ad mortem; quam si possent, refugerent: cum prouocatio persecutoris, per se loquendo, magnum scandali peccatum contineat, vt disputatum est parte 2. Ei nœuo adiuncta est labe terrior. Immane inquam peccatum persecutorum, sine quo martyrium in causa fidei præcluderetur, secluseo raro euentu erroris inuincibilis quo persecutor laboret. Et quanquam ea macula est martyribus innoxia, tamen liquet, ab ea opus cui adiungitur velut infuscarì, & muscarum immorientium more, sin minus perdi, at infici quoquomodo suauitatem vnguenti. Non enim dubium est, quin extensiuè purior, & nitentior foret oblatio, quæ neque victimæ oblatae, neque ministrorum, vel assistantium, labe vlla contaminaretur, tamen si ea inquinatio adiuncta, sit oblationi planè extrinseca, merèque concomitans. At charitatis martyres, non ab alio, sed à seipsis liberrimè immolantur, potèstque eorum quilibet, illud Christi suum facere, *Ego pono animam meam, nemo tollit eam à me.* Et quæ summa est eorum fœlicitas. nullum sacrificio quod perficiunt adiungitur scelus, sed vndecunque nitens, & omni ex parte rationabile obsequium Deo offerunt, & insigni admodumque apud Deum pretiosa mixtura, sacrificium quod est supremum religionis opus, cum misericordia neſtentes, sacrificium cruentis omnibus sacrificiis prælatum, & Deo maximè acceptum exhibent: quod D. Augustinus 10. ciuit. cap. 5. *in fine* scitè

confirmat ex illis Apostoli verbis. *beneficentia & communionis nolite obliuisci; talibus enim hostiis promeretur Deus.* Et ex illis apud Prophetam. *Misericordiam volo, & non sacrificium.* Quibus verbis ait
 " S. P. [nihil aliud quàm sacrificio sacrificium præla-
 " tum, oportet intelligi: quoniam illud quod ab ho-
 " minibus appellatur sacrificium, signum est veri
 " sacrificij. Porro autem misericordia, verum sacri-
 " ficium est.]

5. Iuat ad præcellentiam huius sacrificij misericordie liquidius demonstrandam, non præterire quæ S. Chrysostomus homil. 20. in ad Rom. & fortius etiam ac potentiùs homil. 20. in 2. ad Corinth. disputat de excellentia sacrificij misericordie vulgaris, per erogationem modicæ elemosinæ, & paucorum plerunque obolorum impensionem. Inde enim manifestò deprehendetur, quanta sit huius misericordie sacrificij sublimitas, quo non pauci oboli, sed vita ipsa, proximo egenti impenditur.
 " [Diuitiarum contemptus, (inquit Chrysostomus
 " agens de opum usu & erogatione in pauperes,) fa-
 " cit glorificari Deum, & feruidam reddit charita-
 " tem, magnanimosque efficit, & sacerdotes consti-
 " tuit, & sacerdotium quod magnam mercedem af-
 " fert: Qui enim miseretur, non indutus est podere,
 " neque tinninabula in circuitu habet, neque co-
 " rona redimitus est, sed indutus quidem est stola
 " misericordie, quæ sancta veste sanctior est. Un-
 " ctus verò oleo, quod non ex sensibili materia com-
 " positum, sed à Spiritu sancto cultum: & habet co-
 " ronā ex miserationibus, sicut dicit. Qui coronat te
 " in misericordia & miserationibus: & pro petali ge-
 " stamine, qui habet nomē Dei, ipse par sit Deo. Quo-
 modo?

modò? Eritis enim, inquit, similes patri vestro qui
est in cœlis. Vis & altare illius videre? Non Beseleël
istud extruxit, neque alius quispiam, sed ipse Deus,
non lapidibus, sed materia cœlo clariore, animabus
rationalibus. Sed dicis, sacerdos ingreditur in sancta
sanctorum. Licebit & tibi sacrificanti hoc sacrifi-
cium, ad tremenda ingredi, ubi nullus adest, sed
pater tuus qui videt in occulto, ubi nullus alius videt.
Et quomodo dicis non videri, cum in propatulo sit
altare? Nam hoc mirabile est, quod tum quidem
geminæ fores, & vela secessum faciebant; nunc autē
licet publice sacrificare, quasi in sanctis sanctorum,
& facere hoc multò venerabilius. Quando enim
non ad ostentationem hominum feceris, licet to-
totus orbis viderit, nemo tamen viderit, quando-
quidem tu sic fecisti. Non enim dixit simpliciter,
non facite coram hominibus; sed adiunxit; ut videa-
mini ab illis. Hoc altare ex ipsis Christi membris
compositum est, & corpus Domini, altare tibi sit.
Reuerere istud ipsum, in carne sacrificas Domini
sacrificium. Hoc altare, etiam hoc quod nunc, magis
horribile est; non illo, quod olim solùm. Sed ne tur-
bemini. Nam hoc quidem admirabile est propter
sacrificium, quod super illud ponitur. Illud verò ho-
minis misericordis, non propter hoc solùm, sed
quod ex illo sacrificio, quod hoc facit, compositum
est. Nam hoc mirabile, lapis enim quidem est natu-
ra, sanctus autem fit, quoniam corpus accipit Chri-
sti; illud autem altare, sanctius; quoniam ipsum cor-
pus est Christi, ita ut hoc, illo lapideo sit horri-
bilius; cui tu qui laicus, assistis. Igitur tibi, neque
Aaron aliquid videatur, si ad hæc conferatur, neque
corona, neque tintinabula, neque sancta sancto-

rum. Quid enim ultra cum illo altari conferri potest? ubi scilicet & ad hoc quod confertur, tam clarum apparuit? Tu autem hoc quidem altare honoras, quod accipit corpus Christi: illud autem quod est ipsum corpus Christi, contumelia afficis, & despicias pereuntem. Hoc altare ubique poteris videre litum, & in angiportis, & in foris, & per singulas horas poteris in illo sacrificare. Nam & hic sacrificium celebratur, & quemadmodum sacerdos stat spiritum inuocans, ita & tu spiritum vocas, non voce, sed factis. Nihil sic continet, & accendit ignem spiritus, ut hoc oleum largum, quod effunditur.]

6. Quis non videat, quanto potiore iure, quantisque partibus, impensio sui ipsius in ægri subsidium ac solatium, anteponenda sit ei modicæ stipis sacrificio, quod tantopere celebrat eo loco Chrysostomus? Quo porro maior est spiritualis miseria, & in plures cadens, eo maior quoque est misericordia, quæ tantæ tamque protensæ miseriæ impenditur, subleuandis iis qui alioqui de æterno bono statu periclitarentur. At per tempus cladis, de qua præsertim agimus, multiplicari spirituales huiusmodi egenos super numerum, & in summo, ac supra quæ exaggerari possit, maximo versari periculo, extra controuersiam est. [Quis igitur fumus (ut cum Chrysostomo ibidem concludam) quæ fragrantia altaris & sacrificij prædicti? Gloria & gratiarum actio. Et quousque procedit? Nunquid usque ad cælum? Minimè, sed cælum ipsum transcendit, & cælum cœlorum, & se regio throno sistit. Dicit enim, preces tuæ & eleemosynæ tuæ ascenderunt coram Deo. Et sensibilis quidem illa fragrantia non multum aëris penetrat; ista verò ipsas cœlorum apsi-

des aperit; & tu quidem taces, opus verò clamat, & fit sacrificiū laudis, non dum occiditur vacca, neque pellis exurit, sed anima spiritalis sua offerens. Omni enim misericordia, hoc sacrificiū clarius est. igitur quando videris pauperem fidelem, ar. m te videre putes.]

*Quàm præcellat aliis, minus propriè dictis
sacrificiis.*

7. Alia quidem permulta, & in Scripturis & apud Doctores mysticos, sacrificiorum genera commendantur. Sed nullum reperio fructuosius, aut Deo acceptius. Fusus hac in parte est Gulielmus Paris. lib. de legibus c. 28. *sub finem*. Ex Scripturis, decem sacrificiū genera profert S. Chrysostomus in Psal. 95. nempe sacrificiū passionis Christi; sacrificiū martyrij; sacrificiū orationis & elevationis manuum, quod David vocat vespertinum; sacrificiū laudis; sacrificiū iustitiæ; sacrificiū sublevationis afflictorum, quæ iuxta S. Iacobum est munda & immaculata religio; sacrificiū vociferationis siue plausus victorialis; (ἀλαλάζουσαν vocant, & ἀολιζουσαν siue clamore incondito secernunt Græci;) sacrificiū cordis contriti & humiliati; sacrificiū prædicationis, quæ Ro. 12. vocatur oblatio accepta, & sanctificata in Spiritu sancto; & denique sacrificiū largitatis in alios. S. Gregorius 9. moral. c. 3. religiosam professionem, disertè appellat sacrificiū. Et homil. 12. in Ezech. holocausto, quod erat veterum sacrificiorum perfectissimum, illam confert, astipulantibus S. Tho. 2. 2. q. 186. art. 7. & Valdensi tomo 3. tit. 9. cap. 87. Idem sacrificiū agnoscit, aliisque

præterea cumulat, & utrumque ad misericordiam
 pertinere, docet S. Augustinus 10. ciuit. c. 6. sic scri-
 bens [Ipse homo, Dei nomini consecratus, & Deo
 deuotus, in quantum mundo moritur, ut Deo uiuat,
 sacrificium est. Nam & hoc ad misericordiam per-
 tinet, quam quisque in seipsum facit. Propterea
 scriptum est; miserere animæ tuæ, placens Deo.
 Corpus etiam nostrum cum per temperantium
 castigamus, si hoc quemadmodum debemus, prop-
 ter Deum facimus, ut non exhibeamus membra
 nostra arma iniquitatis peccato, sed arma iustitiæ
 Deo, sacrificium est, ad quod exhortans Apostolus
 ait: Obsecro itaque vos fratres, per misericordiam
 Dei, ut exhibeatis corpora uestra hostiam uiuam,
 sanctam, Deo placentem, rationabile obsequium
 uestrum. Si ergo corpus, quo inferiore tanquam fa-
 mulo, vel tanquam instrumento utitur anima,
 cum eius bonus & rectus usus ad Deum refertur,
 sacrificium est; quanto magis anima ipsa, cum se re-
 fert ad Deum, ut igne amoris eius accensa, formam
 concupiscentiæ secularis amittat, ei que tanquam
 incommutabili formæ subdita, reformetur? hinc ei
 placens, quod ex eius pulchritudine accepit, fit ei
 sacrificium.]

8. Sed nullum est ex propositis sacrificiis per ho-
 mines puros exhibitis, quod conferri queat cum eo
 de quo agimus. Nam præterquam quod, illorum à
 Chrysostomo commemoratorum sacrificiorum in pu-
 rum hominem cadentium, pleraque adunantur in
 isto. vixque fieri potest ut absque omnium illorum
 interuentu, homo sacrificium de quo agimus, exe-
 quatur, non est ambiguum, quantus sit in hoc opere,
 fulgor omnium illorum actuum qui alibi seorsim
 sumpti

sumpti tantopere splendent. Quanto enim hæc proximi afflictissimi subleuatio, præstat ei quæ egentium vulgaribus incommodis impensa, mundum & immaculatum sacrificium à D. Iacobo nominatur? Quanto hæc largitas pretiosior est, erogatione pecuniolæ, vel etiam vniuersæ substantiæ profusione? Nam pellem pro pelle, & vniuersa quæ habet, dabit non grauati homo vice animæ suæ ac vitæ, vt Pater mendacij verissimè dixit. Itaque non immeritò quis censuerit, hanc esse principalem illam hostiam, præsignatam à Propheta, symbolo vituli, quod concinnè martyri accommodat Blesensis serm. de S. Iacobo.

CAPVT VI.

Eminentia & sublimitas martyrij misericordia, ex dictis concluditur: Eidem encomia & honores, alterius item propriè dicti martyrij, accommodantur.

1. **R**ECTè ex omnibus hætenus disputatis colligere posse videor, nihilo vilius coram Deo & hominibus haberi debere, vt cum Rufino loquar, martyrium misericordiæ, pro quo hætenus pugnaui, quàm martyrium in causa fidei, cuius tot tantæque gratiæ & gloriæ prærogatiuis part. 2. proposui. Omnes illas prærogatiuas cum martyrio misericordiæ communicandas, euincit vniuersa disputatio proximè instituta. Itaque & certa gratiæ mensura vltra eam quæ operi operantis respondet, rependenda est immorientibus sancto iuuandorum agrorum ministerio, & certa item portio gloriæ

essentialis, ac certum decus accidentarium stabile & perpetuum, hoc est aureola. Imo quia constitutum supra est, gratiam martyri ex opere operato obtingentem, dari auctiorem pro maiore perfectione dispositionum passi; has autem posse præcellere dispositionibus multorum martyrum pro fide morientium, est extra controuersiam; dubitandum non est, quin martyrij charitatis vberior & auctior gratia obtingere possit ex opere operato, quàm eodem modo obtingat martyri occumbenti in causa fidei. Fructus item respondentes operi operantis, certum est posse esse auctiores in martyre charitatis, cum opus eius meritorium quo ad sanctum ministerium adiunctamque ei mortem se accingit, possit in eo esse perfectius & luculentioris præmij dignius, quàm quod in procinctu ad mortem elicitur à martyre fidei. Quinetiam vt plurimum ac per se loquendo, perfectior illa passi aptatio ex qua prouenit fructus ex opere operato vberior, infert etiam auctius præmium ex opere operantis, cum per se loquendo, ea aptatio contineatur actionibus aut condignè aut saltem congruè ad modum dispositionis vltimæ meritoriis gratiæ, & condignè meritoriis gloriæ. Quamuis interdum per accidens, ob bonam fidem passi peccato inuincibiliter sordentis, dispositio non est simpliciter meritoria gratiæ, ac ne ex congruo quidem, ad modum vltimæ dispositionis gratiam inuehenti ex opere operantis; & tamen adest sufficiens aptatio ad gratiam ex opere operato suscipiendam; quia cum aliquali peccatorum dolore acceptatur pro Christo mors, cui repositus à Deo est certus fructus gratiæ, etque commensus gloriæ modulus.

Marty

Martyrij encomia, breuia & plena.

2. Hæc cum ita se habeant, sintque vtriusque martyrij p̄prie dicti communes apud Deū gratiæ ac gloriæ fructus, æquum esse videtur, non negari martyribus charitatis, societatem encomiorum & honorum quibus Ecclesia & Patres, pugiles Christianos in causa fidei certantes & cadentes decorarunt: Tametsi quia calamitates martyriū charitatis inferentes, non sunt aded̄ frequentes, parc̄ us & infrequentius commendatos à Patribus videamus martyres charitatis; quàm fidei martyres, quorum trophea splendidè ac crebro celebrant: aliquando quidem iustis tractatibus, aut orationibus: aliàs verò, tametsi obiter, splendidè tamen atque magnificè. Quāquam quod ingenuè professus est S. Cyprianus, initio libri de laude martyrij, nulla oratio dignitatem martyrij satis æquat, & cum de eo exornando agitur, [potentia rei oneratur facultas ingenij, ut quantum se in exprimenda martyrij dignitate protulerit, tantum ipso pondere laudis oppressa, atque æstimatione rerum omnium, de quibus cum maximè loquitur, debilitata ac fracta, intra seipsa illaqueata oratione deficiat; nec habenis liberis ac solutis in apertum sermonis eloquium vim tantæ laudis expromat.]

Verum instar omnium quibus celebratur martyrium, esse possint pauca illa quæ non ita multo post subiicit S. Cyprianus, eodem libro. [Quid est martyrium? Delictorum finis, periculi terminus, dux salutis, iter patientiæ, magister domus vitæ, quo profecto ea etiam occidunt, quæ in futuro dif-

« crimine potuissent tormenta reputari. Per hoc &
 « testimonium nomini redditur, & maiestas nominis
 « redampliatur. Non quod per seipsa minui possit,
 « vel de scelere tractantis magnitudo eius infringi,
 « sed quod redundet ad gloriæ cumulum, dum cir-
 « cumstrepentis populi terror impavidos animos dat
 « dolori, & minis frendentis inuidiæ addit ad titu-
 « lum: quòd tantum sibi mens crescat in pugna,
 « quantum se ille putauerit vincere, per quem Chri-
 « stus hominem voluerit coronare.] Magna sanè
 martyrij dignitas, coronari per deiectionem, &
 ut ait Lucifer Calarit. l. quod moriendum sit pro
 Dei filio, complexus compendio dignitatem mar-
 tyrij, *nouum salutis genus, homini datum, interire ne
 pereat. Quod aliis verbis dixit S. Ambrosius l. de fi-
 de resurrect. ipsa mors martyrium, primum vita est.*

3. Infinita in martyrij celebrationem petere li-
 cet ex variis qui martyrium ex instituto exorna-
 runt; cuiusmodi præsertim sunt Tertullianus l. ad
 martyres, & l. de fuga in persecut. & lib. de pudici-
 tia, ac in Scorpiaco. S. Cyprianus l. de laude mar-
 tyrij, & altero libro de exhortatione martyrij, &
 in plerisque Epistolis ad martyres & confessores,
 præsertim Epistola 9. & 16. & 26. & 56. 57. ac 81.
 (Commendat epistolicas S. Cypriani ad martyrium
 cohortationes, Nazianzenus orat. 18. num. 22.)
 Exornat item latè martyrium, Lucifer Calarit. l.
 quod moriendum sit pro Dei filio, Theodoretus
 toto lib. 8. contra Græcos, S. Eulogius in memoriali
 Sanctorum, & in exhortatione martyrij ad SS.
 Virgines Floram & Mariam. Sed dulcissimè, ac
 vberissimo cum sensu pietatis, S. Ephrem duplici
 in omnes SS. Martyres encomio: ad quorum poste-
 rius,

rius, à Gerardo Vossio insignia quædam SS. martyrum encomia nondum edita, recensentur: nempe Asterij Episcopi Amaseæ in omnes SS. Christi martyres panegyrica oratio: & duplex eodem argumento à S. Chrysostomo habita; præter binos alios aureos sermones de martyribus, iam pridem factos publici iuris. Hesichij denique Hiesolymitani Presbyteri laudatio SS. Martyrum adhuc inedita, & SS. Augustini sermones plurimi de eo argumento. Lego item apud S. Hieronymum in catalogo Scriptorum, Phileam Thimueos in Ægypto Episcopum postea martyrem, de martyrum laude elegantissimum opusculum conscripsisse. Ex Methodij quoque oratione de martyribus, plagulam à Theodoro dialogo. 1. prolatam supra exhibuimus. Origenis librum de martyrio, memoratum video in Apologia pro Origene, Pamphilo martyri adscripta, *sub finem*. Et perspicuum videtur, eo libro Origenem martyris filium, & à prima ætate, martyrij amore succensum, laudum eius parcum non fuisse.

Honores martyrum designatorum.

Quid verò hinc inde, quæ sunt ad martyrum & martyrij exornationem à Patribus tradita, veluti spicilegium faciens carpo, cum vel ipsum *martyris* nomen, tantæ semper in Ecclesia fuerit gloriæ, ut nihil supra eam? Idcirco sanè SS. Martyres Lugdunenses, nomen martyrum, tanquam nimis magnificum, & pusillitati suæ incongruum, repudiassent, prodit Eusebius l. 5. histor. c. 2. Ipsique Ethnici quod supra p. 2. c. 1. observabam, rati Christianos

ad

ad martyrium incendi, cupiditate gloriæ quam inter suos per martyrium conſequebantur, alias irrogatæ mortis cauſas, non ſemel commenti ſunt. Ea porrò gloria, quam iam olim Eccleſia martyribus impenſam voluit, partim ſpectat tempus quo tantum erant designati martyres, partim tempus conſummati iam agonis, & exceptæ pro Chriſto mortis. Ad honores prioris temporis, pertinet, quod martyres designati quamdiu in vinculis perſtabant, vel ſi poſtea exſoluerentur vinculis, & liberi dimitterentur, ſummo vbique in pretio ac veneratione erant. Quinetiam dum in ergaſtulis & vinculis hærent, omni ſubſidij genere tanquam duplici honore digni ſubleuabantur. Eſt de ſubleuandis omni charitatis genere martyribus carceri mancipatis, iisdemque viſitandis, ac ſi res ferat litro exhibitō redimendis, locus illuſtris apud Clementem Romanum 5. conſtitut. c. 1. vbi nomine Apoſtolorum, hortatur fideles ad eam charitatem largè præſtandam, nulliſque in ea ſumptibus parcendum. Et aſſenſos Chriſtianos, docent quæ habet Tertull. l. ad martyres c. 1. & 2. commemorans vbera Eccleſiæ, & ſubventionem ex operibus fratrum; & iuſtum nihil, martyrum designatorum carni negatum, per fratrum agapem. Perſpicuè idem habet S. Cyprianus epist. 37. & S. Auguſtinus l. 2. contra literas Petilia. c. 13.

4. Eorundem martyrum adhuc designatorum, & in vinculis ob Chriſti confeſſionem detentorum, ſumma erat in Eccleſia auctoritas: vſque adeò, vt lapſi, aliique abſtenti, pacem Eccleſiæ ſibi exorarent acceptis à martyrum quopiam literis communicatoriis, quibus comuniſi iterum in Eccle

Ecclesiam restituerentur. Cúmque nonnulli martyrum designatorum essent ea in parte faciliores, indéque non exigua disciplinæ Ecclesiasticæ enervatio consequeretur, laborandum sæpè S. Cypriano fuit, in temperatione adhibenda, hac in parte; vt constat ex libro de lapsis, & ex variis epistolis, præsertim 10. 11. 12. 13. 14. & 18. Tertullianus item iam hæreticus, quorundam criminum dimittendorum facultatem negans Ecclesiæ, grauius exposulat lib. de pudicitia, potestatem remittendi peccata, effusam in martyres apud Catholicam Ecclesiam. Quod scilicet martyres designati, adeuntibus ad se peccatoribus, literas impertirènt, quibus in Ecclesiasticam communionem restituerentur, absque alia satisfactione. Eo enim duntaxat pertinebat illa martyrum designatorum facultas circa lapsos & abstentos, vt illos necessitate satisfaciendi exsoluerent, propter concessam illis partem satisfactionum suarum atque laborum, non autem vt culpam eis condonarent, quod nullus vnquam potuit laicus, quales plurimi martyrum erant. Quoad absterisionem verò reatus temporalis pro peccato admissio contracti, certum est, ius esse iustis quibuscunque, transfundere inuicem suas satisfactiones, quibus ea absterisio perficitur: Ita enim deposcit communio, quæ inter Ecclesiæ tanquam eiusdem mystici corporis viua membra, vigere supponitur ex vulgari fidei tessera. Multo autem magis agnoscendum est in martyribus, ius prædictum, quia in illis vniuersus pœnæ reatus qui ex anterioribus culpis superstes esse potuit, mortis pro Christo perpeffione, aboletur ex opere operato: vnde satisfactiones propriæ quibus abundabant,

bant, superflua illis cum essent, congruum fuit, ut in amicos egentes eas effundere pro arbitrio possent, præmissa tamen ex parte recipientium dispositione ad eum fructum consentanea. Reipsa enim, apud Deum reatus non eluitur, quin præcesserit culpæ absterfio; quam martyres, (quâ martyres,) iure ut sic dicam, & cum potestate præstare non poterant: Tamen poterat ex opere operantis, antecessisse emundatio à culpa. Ea autem nondum ablata, potuit concessum à martyre designato beneficium, prodesse lapsi vel abstento, ut Ecclesiasticæ communioni restitueretur in foro externo, acciperetque iam tunc ius, ut accepta per sacerdotem culpæ remissione, satisfactionū participatione gauderet. Quod si aliqui martyres designati, *ante purgatam*, ut est apud Cyprianum lib. de lapsis, *conscientiam manu sacerdotis*, & quod etiam supponitur, ne contritione quidem lapsi interposita, putabant ius sibi esse dandi lapsis pacem, etiam internam; & cum absterfione vel culpæ simul & poenæ, vel poenæ solius, culpa superstita, fatendum est martyres illos designatos fuisse ea in parte deceptos, plûsque sibi ea in facultate, quàm reuera possent, arrogasse. Temperatiores porro martyres, literas suas fructuosas lapsis esse nolebant, ante consummatum martyrium: ut liquet ex facto Luciani, nomine S. Pauli martyris, referente S. Cypriano epist. 22. ex cuius epistol. 10. intelligimus curæ S. Cypriano fuisse, ut id in usum induceretur ac retineretur. Aliqui etiam martyrum designatorum, multo temperatiores erant hac in parte: quippe qui, desideria sua in lapsi fauorem, Episcopo exposuisse contenti,

ti, illud vnum rogabant, vt Episcopus discussa lapsi causa, vel in martyris gratiam benignè pacem redderet, vel negaret. Quam sobrietatem, & in Præsides reuerentiam, S. Cyprianus admodum collaudat epistol. 10. 11. & 12. Tandem verò Concilium 1. Arelatense indictum à Constantino Magno in causa Donatistarum, vsum, huiusmodi (vt vocabant) pacificarum, abrogauit, ne data Ecclesiæ pace plena, illud multorum abusuum seminarium perstaret.

*Quæ gloria dimissorum quandoque post
tormenta.*

5. Non rarò accidit, vt aliqui martyres designati, post vincula, & carceres, vel etiam, leuiora aliqua vulnera, liberi dimitterentur: cuiusmodi multos fuisse, cum Maximinus Imperator, crudelium in Christianos edictorum palinodiam cecinit, Eusebius autor est 8. histor. cap. 1. Tum verò, magno in pretio & honore reliqua vita erant inter fideles, qui sic de Satana & eius partiaris statuissent trophæum, & quibus martyrium defuisset, non ipsi martyrio: nihilque frequentius legimus, quàm qui eiusmodi essent, in Ecclesiarum rectores fuisse assumptos. Quibusdam etiam ingestum tumorem inde fuisse, & inflationem ex adito generosè periculo conceptam, ruinæ eis occasionem præbuisse, produnt sacræ historiæ. Quod si qui ex hisce manumissis, corpore erant aliquatenus ob fidei confessionem vitiato, nihil erat fidelibus dulcius, quàm stigmatibus illis oscula figere. Sic Prudentius hymno 5. peristeph. describens fidelium concursum ad
S. Vin

S. Vincentium , post immanes cruciatus vinculis exemptum , inter alia pietatis officia Sancto martyri præstita , ait ,

[Ille ungularum duplices
Sulcos , pererrat osculis ,
Hic purpurantem corporis ,
Gaudet cruorem lambere.]

Illustrissimum in hoc genere est , quod de Constantino Magno scribit Theodoretus l. 1. histor. cap. 11. Nempe pium illum , (ut idem Theodoretus alibi vocat ,) nostri gregis Zorobabelem , in Concilio Nicæno , sanctos 318. Præsules , quasi trecentos iuxta S. Ambrosium Abrahæ magni vernaculos , benevolentia summa complexum , omnibus cœnam & regia apophoreta dedisse , nullûmque charitatis & sincerrissimi in eos affectus argumentum , prætermisisse. Conspicatum autem ex eis quosdam quæcis dexter oculus fuerat effossus , causam amissi luminis edoctum , fidei scilicet confessionem ; eximia planè pietate ac sensu insolito , admouisse labra locis sauciatis , ratum se inde lectissimam benedictionem sugere. Habent porro Græcorum Mennæa 23. Decembris , SS. illos Patres ferè omnes , truncos ex prædicta causa fuisse , hunc vno oculo , illum altera manu , alium tibia , aliis membris alios ; pèrque omnium mutilatos artus , exerrasse Constantini oscula ; nominatimque Pauli Neocæsariensis mutilas manus osculante , vix satiari potuisse.

Martyrum consummatorum, honor sepultura.

6. Iam honor martyribus consummatis ab Ecclesia exhibitus , insignis omnino fuit. Sepulturae imprimis

imprimis ritus, omnibus Christianis passim ac promiscue adhibiti, multo minus in curatione sanctorum corporum desiderabantur. Nam quod Christiani, humana corpora ut sanctorum animarum domicilia & organa; (ratio est Origenis l. 5. & 8. contra Celsum, & S. Augustini 1. ciuit. c. 13. quem locum describit l. de cura pro mortuis c. 3.) honorifice tractare in usu semper habuerint, multo magis id seruatum oportuit erga sanctorum martyrum corpora, de quibus tam locuples argumentum exhibitum esset, inhabitantis in eis dum viverent, Spiritus sancti. Itaque asportatis cum licebat sacris corporibus, plerumque etiam magno pretio redemptis, nec rardà piis furibus & viuis martyribus, ut eos vocat S. Chrysostomus orat. in SS. Iuuent. & Max. non sine vitæ discrimine ad sepulturam subductis, omne circa ea pium officium, studiosissimè ac deuotissimè exquebantur. Vnde & lotiones quas mortuorum Christianorum corporibus adhibitas, liquet ex Tertulliano c. 42. Apolog. & ex S. Gregorio l. 3. dialog. c. 17. & lib. 4. c. 16. & 27. Vnguenta item, quæ à priscis Christianis reseruata funeribus, obiciebat Cæcilius apud Minutium; & candida lintea, quæ prætendi mortuis solita, prodidit Prudentius Hymno in defunctorum exequiis, & quoad Ægyptios notauit S. Athanasius in Magni Antonij vita; & denique vniuersus ille apparatus curationis mortuorum Fidelium, quem plenè describit Onuphrius lib. de ritu sepel. Christ. c. 6. & Stephanus Durantius l. 1. de ritib. c. 23. n. 13. multo magis circa sanctorum martyrum exuias est adhibitus. Diligenter abluta, & multis delibuta vnguentis, ac nitente linteo conuestita, sacra

martyrum corpora , ex decreto Eutychiani Papæ, quod refertur in libro Anastasij de Romanis Pontificibus Damaso Papæ perperā adscripto, amincienda erant purpurato colobio. Genus id erat tunicæ humero tenuis exertæ , & absque manicis , vt censet Onuphrius l.de vocibus Ecclesiast.obscur. §. *de generibus sacrarium vestiūm.* & S.Dorotheus doctr. i. n. 17. Quanquam alij ad cubitum duntaxat resectas colobij manicas voluerunt , quales ferè hodiè sunt sacrorum ministrorum dalmaticæ. Et ita de monasticis colobiis Cassianus. i. instit. c. 5. vbi fusè ex variis Gazæus. Videsis præterea Baronium anno Christi 283. & in Martyrol. Rom. ad 31. Maij. ac Rosuedium in Onomastico.

7. Sic curata martyrum corpora, apud quosdam Ægyptios, vt in vita S. Antonij refert & expostulat S. Athanasius , non sepeliebantur in locis sacris, sed super lectulos in priuatis domibus asservabantur. At ex recepto Ecclesiæ vsu, inferebantur sacris cœmeteriis. Quo nomine apud Cretenses, referēte Athenæo lib. 4. signabantur publicæ domus peregrinis excipiendis addictæ. Christiani verò , eadem voce deducta à κοιμῶν, quod est *dormio*, sedem dormientum vere peregrinorum denotarunt. Quod autem constet , consueuissè ad cœmeteria orationis causa conuenire Christianos; & ibidem stationes ac synodos habitas , administratum baptismum , celebratas Missas atque vigilias, aliaque religionis officia obiri solita multis veterum testimoniis compertum habeatur ; inde Onuphrius citati libelli de Christiana sepultura cap. 11. intulit idem prorsus fuisse cœmeterium & Ecclesiam; non quidem quamcunque, sed sepultura fidelium addictam, atque adeò extra vrbs mœnia

moenia locatam. Nam urbanis Ecclesiis inferri corpora tumultuanda, iure Romano 12. tabularum vetitum erat & perstabat vigor legis, tempore S. Chrysostomi, ut habetur ex eius homil. 74. in Matth. Is tamen usus sensim exoleuit, ex quo illatis in urbanas Ecclesias martyrum corporibus, fideles à Sanctorum tumulis non abiungi tumulos suos, expetierunt. Cœmeteria, quæ Romæ ad quadraginta tria recenset supra Onuphrius cap. 12. modò à loci conformatione *cryptæ*; modò à fine *catatumba*, vel *catacumba*; modò à soli natura, *arenaria*, vel ut est apud Aldelmum lib. de virgin. *fablones*, (Columella *fabulones*, vocavit.) & apud Afros *area*, dicebantur. Eò enim pertinet quod refert Tertullianus 1. ad Scapul. c. 3. Ethnicos sub Hilariano Præside messes suas non egisse, & areis catuisse, cum in areas Christianarum sepulcrarum acclamassent, *area non sint*. Cœmeteria igitur, eo præsertim nomine quod in illis sacra martyrum ossa conderentur, omni pietate frequentabantur à fidelibus. Et ibidem condi promiscuè Christianum vulgus, religioni ducebatur: quam interposita lex firmavit, ut habetur l. 2. C. de sacros Eccles. Constantinus certè, magno duxit honori, fieri sanctorum martyrum ostiarius, ut dixit S. Chrysostomus homil. 26. in 2. ad Corinth. & ea homilia siue tractatu cui titulus est Demonstratio quod Christus sit Deus, referens eum conditum in vestibulo templi S. Apostoli Petri in quo martyres plerique quiescebant, qua de re ante Chrysostomum Eusebius lib. 4. de vita Constant. cap. 60.

Irrepsit tamen (ut dixi,) usus iam olim, stimulante desiderio propinquitatis ad sacra corpora, ut fide-

les iisdem locis inferrent corpora suorum, quibus SS. Martyres conditi iacebant. Quod eorum studiū, refert, & redditis nonnullis rationibus commendat S. Augustinus l. de cura pro mortuis cap. 1. & 4. & 5. respondens ad quæritā S. Paulini. Qui carmine 15. testatur curæ sibi fuisse, ut quem aliquando ex Therasia susceperat filiolum præcoci morte sublatum, ædes sacra SS. martyrum Complutensium exciperet. Sic enim Celsum infantem affatur, in panegyrico de eius obitu ad Pneumatium & Fidelem, eius parentes.

[Qualis & ille fuit noster, tuus ille beati

Nominis, accius tempore quo datus est.

Exoptata diu soboles, nec præstita nobis,

Gaudere indignis posteritate pia:

Credimus æternis illum tibi, Celse, viretis,

Latitia & vitæ ludere participem.

Quem Complutensi mandauimus vrbe, propinquis

Coniunctum tumuli fœdere, martyribus.

Ut de vicino Sanctorum sanguine ducat,

Quo nostras illo purget in igne animas.]

Pulcherrimè in eandem sententiam disputat S. Maximus serm. de SS. Taurinensibus, & Dungalus l. contra Claudium Taurinensem Iconoclastam, & ex recentioribus Rosuedius ad illud 15. Paulini carmen, ac ex variis Baronius anno Christi 226. in fine.

Concursus ad sacra martyribus Loca.

8. Quod si vniuersum cœmeterium, postea-
que vrbani templum, propter sepulchra mar-
tyrum habebatur sacerrimum, multo magis se-
pulchrum

pulchrum ipsum. Itaque omni genere pij cultus frequentabatur, vt discimus ex illis S. Paulini versibus natali 6. Sancti Felicis,

[*Cedo aly pretiosa ferant donaria, neque*

Officii sumptu superent, qui pulchra tegendis

Vela ferant foribus, seu puro splendida lino,

Sive coloratis textum fucata figuris.

Hi lanes titulos lento poliant argento,

Sanctæque præfixis obducant limina lamne.

Ast aly piltis accendant lumina ceris,

Multiforésque cauis lychnos laquearibus aptent,

Vt vibrent tremulas funalia pendula flammæ.

Martyris hi tumulum studeant perfundere nardo,

Et medicata pio referant unguenta sepulchro.]

Is verò erat ad hæc pia officia in sacra martyrum loca commeantium ardor, vt hereret & in magnis densa cohors spatiis, iuxta Prudentium fusè densam hanc populorum coitionem describentem hymno 11. perist. quodque scitè de more dixit Nysenus orat. 2. de SS. 40. martyribus [animatum illud *Eccelesie mare, multitudine aliorum super alios confluentium & ingruentium inundans, ad impetum & impulsionem eorum qui semper vi irruerent, fluctuaret & æstualet, sonitu quoque ipso verum imitans mare, veluti rupibus littoralibus, auribus undarum strepitum infringens & illidens.]*

Hoc nimirum erat, *semina eternitatis*, vt S. Ambrosius serm. 9. dixit, honorare in conditoriis quibus excipiebantur. Penè exciderat, summum (mea quidem sententia.) honoris genus quod habetur ex S. Augustino episto. 137. nempe ancipites controuersias finiri solitas, concepto ad martyrum sepulchra iuramento, quasi eius gloriæ quæ per verum iura-

mentum Deo deferretur, testes allumerentur SS. Martyres.

9. Acuebant verò pietatem Christianorum, ac studium frequentandi sacra loca queis conditæ sacræ martyrum exuviæ, plurima quæ supra naturam in charorum suorum gratiam, à Deo patrata legimus. Eo enim spectaculo, euocatos ad martyrum templa, etiam ipsos Imperatores, autor est Ildo. Pelusiota l. 2. episto. 5. & S. Chrysostomus homil. 26. in. 2. ad Cor. qui eiusdem fidelium concursus ad martyrum templa-méminit lib. 1. de provid. solans Stagirium, qui frustratus erat concepta spe curationis ab insidente dæmone, multis Sanctorum martyrum locis aditis, quod ibi dæmones humana corpora queis infederant libera dimittere, frequens esset, ut idem S. P. latè tradit, initio homiliæ de Machabæis, & pulchrè S. Ambros. orat. de obitu Theodosij verbis illis [Bona fides, quæ frequenter operatur in mortuis. Denique aduersarius & legiones suæ quotidiana martyrum virtute torquentur. Vnde arbitror quod filia chordarum citharæ idèd fides dicantur quoniam & mortuæ sonum reddunt.] Eiusdem ad martyrum loca concursus meminit idem Chrys. in psal. 115. ad illud *pretiosa in conspectu Domini, mors sanctorum eius*. Et optimè ac latè homil. in SS. martyres, quæ est 65. tomi 5. Græcolatini, ubi de fructu inde obueniente Christianæ plebi, hæc præter cætera. [Nihil aliud sunt martyrum cap-
 "sulæ, quàm securi portus, ac spiritualium laticum
 "fontes, inuiolati opum thesauri, qui nunquam ex-
 "hauriuntur. Et quemadmodum portus dum mul-
 "tis fluctibus circumfusas naues excipiunt, in
 "tuto eas collocant; sic nimirum & martyrum
 capsulæ

capsulæ dum secularibus negotiis circumfusas ani-
mas nostras excipiunt, in multa illas tranquillitate
ac securitate constituunt. Et quemadmodum geli-
darum fontes aquarum, afflicta laboribus, & calo-
re defessa corpora recreant; sic nimirum & istæ,
prauis inflammatas affectibus animas refrigerant, &
obscenam cupiditatem, inuidiam exedentem, iram-
que feruentem, & si quid aliud eiusmodi, nego-
tium facessit, solo aspectu sedat & extinguit. Enim-
verò thesauris etiam longè sunt potiores. Siquidem
pecuniarum thesauri, multa illis à quibus inuenti
fuerint, creant pericula: cumque multas diuisa in
partes fuerint, diuisione minuuntur: Hic verò ni-
hil tale est, sed expers periculi est inuentio.] Hanc
ob causam S. Basilius homil. in psal. 115. verè pre-
tiosam sanctorum martyrum mortem esse docet,
componens priscorum Iudæorum morticinia, &
SS. Martyrum corpora: quod illa haberentur hor-
rori, ita vt sacerdotibus & Nazaræis, contactu cor-
porum mortuorum interdiceretur, eaque contin-
gentes immundi fierent, & vestimenta abluere iu-
berentur. Cum [nunc è diuerso, martyris ossa quis-
quis attigerit, ob gratiam corpori insidentem, fiat
quadantenus sanctificationis particeps.] Est in ean-
dem sententiam illustris locus apud Photium Cod.
280. ex l. 5. S. Eulogij Alexandrini contra Nouatia-
nos, vbi virtutem ossibus Sanctorum à Deo con-
sertam, & vitæ impertiendæ facultatem, confirmat
ex Dauide Psal. 33. affirmante Dominum ossa suo-
rum custodire: & ex capsâ Elisæi corpus continente,
cuius attactu reuixit mortuus. Quanto enim magis
id poterunt capsæ mortuorum pro Christo? Breui-
ter Theodoretus extremo l. 9. contra Græcos, ait

opinari Christianos, [martyrum loculos esse bonorum omnium fontes vberrimos.]

10. Quod verò subdit S. Chrysostomus homil. illa 65. non integra tantum corpora martyrum, sed eorum quoque modicas partes in summa veneratione habitas, & insignium fructuum frequentantibus fidelibus fuisse feraces, confirmat Theodoretus lib. 8. contra Græcos non multum à principio. Et idem egregiè à Nazianzeno traditum est Iambi-co 18. sic canente.

[Orbem totum,
Fulgore complent, siderum in morem, illius,
Mactatus est qui, martyres clarissimi.
Venerationi tamque magne est veritas,
Exiguus etiam pulvis ut, vel ossum.
Particula veterum quæpiam, aut paulum coma,
Vestis sue, sparsi aut sanguinis quadam nota,
Cultum parem habeant, atque corpus integrum.
Locisque nomen martyris solum inditum.
Noni quibusdam, martyris loco integri,
Habuisse prorsus vim parem, (ô miraculum!)
Meminisse nam vel martyrum solum, ut reor,
Affert salutem.]

Quod de memoria Dei, delectante, & muni-ente ac bonis omnibus ditante hominem, alibi tradit idem Theologus, hoc de martyrum memoria proferre non extimescit. Egregiè item S. Chrysostomus, in calce orationis de martyribus toto orbe passis, memoriam martyrum, tanquam fontem vniuersæ sanctitatis describit. Vult autem animæ parietes, hac florida pictura exornari: & in cordis latitudine, memoriæ penicillo assiduè pingi cum suis quosque cruciamentis; hos iacentes in sartagine, illos

los autem super prunas extensos, hos in lebetes deiectos, illos in mare demersos, alios ungulis laceratos, alios in rota distortos, alios in præcipitium actos, hos cum bestiis pugnantes, illos in barathrum deuolutos, vt cuique contigit mortem obeuntes, vt huius picturæ varietate, domus animæ, elegantissima euadat. Has picturas assidue efformatas, hanc memoriam iugem ac viuידam, omnis in nobis boni fontem, omnis mali auerruncationem fore, spondet Chrysostomus.

Etiam pœnalia instrumenta, in honore, & frequentatio locorum quæ condebantur.

II. Nec Sanctorum duntaxat martyrum corpora, eorūve particulæ, summo semper in honore fuerunt apud fideles, sed ipsa quoque feralia instrumenta quibus vincti aut vexati, vel cæsi essent Sancti pugiles: ob quorum contactum, illa quoque venerabilia sunt visa, accedentibus diuinæ beneficentiæ per ea præstitæ, copiosis illustribꝫque testimoniis; ita vt dicat Nazianzenus orat. 3. martyris corpus idem posse quod animam, & vel exiguas sanguinis guttas, aut aliquod ex signis passionis pro Christo exceptæ, idem posse quod corpus: nec iam de Christi tantum mortis instrumentis dolor crearetur aduersariis, dicere adauctis, ecce & clauus in honore est, sed etiam de martyrum similibus instrumentis. Quem verò latet veneratio, in qua iam olim fuisse in Ecclesia & Latina & Orientali, S. Petri vincula? Sanctus certè Chrysostomus, aut quivis alius, ex quo laudationem sacrorum illorum vinculorum exhibuit Metaphrastes, ea tantopere

effert, ut non videatur altius subuehere, & mag-
 nificentius celebrare potuisse. Specimen duntaxat
 profero. [Catenæ quæ venerandum Apostoli cor-
 pus attigerunt, quanto propiorem tactum habue-
 runt, tanto abundantiore miraculorum vim par-
 ticiparunt: Catenæ, inquam, illæ omnino vene-
 randæ, ac preciosæ, quæ Apostolicum illud ac bea-
 tum corpus colligarunt, quæ manus illas miraculo-
 rum effectrices, adstrinxerunt, quæ diuina gratia
 ab ipsis repletæ sunt, ex quibus miracula abundè
 scatutiant, quæ ægrotos homines à morbis libe-
 rant, quæ homines illos sanctos efficiunt, qui cum
 fide ad eas accedunt: à quibus animarum maculæ
 mystico quodam modo expurgantur, & morbidæ
 influentiæ reprimuntur: quæ denique in æream
 celsitatem extensæ, & vsque ad cœlos ipsos per-
 uenientes, à Dominico illo & diuino folio, tan-
 quam ab anchora quadam extenduntur. Has cate-
 nas, potentiarum quæ à Deo ipso defecerunt, prin-
 ceps exhortuit, & nunc etiam exhorret, ac multò
 cum timore illas subterfugiens comprimitur. Has
 acies spirituum multitudo metuens ac tremens, ia-
 culisque indè immixtis percussæ, longiùs profuga-
 tur. Non enim ferre potest Spiritus sancti gratiam,
 has ipsas catenas obumbrantem, neque scintillas
 ex diuino illarum igne exilientes sustinet. Sed ab ip-
 sis incenditur, atque comburitur. Has composuit
 Dei patris verbum, eiusdem æternitatis & princi-
 pij particeps, ut eius de Deo confessionis, præmium
 essent. Illas ignitas reddidit carbo ille, ab Esaia an-
 teà visus, & ad Deum intuendum efficacissimus.
 Spiritus sanctus paracletus suo afflatu, ignem è car-
 bone illo exilientem, ad opus perficiendum maxi-
 mè

mè idoneum reddidit. Quamobrem licèt ferreæ
sint naturæ, diuina tamen gratia & potentia plenæ
sunt.] Subdit quantopere erga ferrum illud quon-
dam pœnaliū vineulorum, afficerentur Christia-
ni, & quantos ex veneratione illarum, corpore &
animo fructus perciperent. Tum addit. [Deceret
certè, deceret, non solum catenas quæ manus illas
adstrinxerunt, magnoperè venerari, sed etiam in-
dicia omnia ad quæ Apostoli membra accesserunt,
singulatim amplecti, ac reuereri, & in illis singulis
diem festum ac panegyrim celebrare.] Et sub fi-
nem totius encomij. [Ego & carcerem ipsum in
quo custoditus est, omni præconio dignum censeo,
quippe qui omni veneratione plenus est: Dignus
enim habitus fuit, qui tantum sanctitatis domici-
lium intra se acciperet. Ego & solum illud in quo
decubuit, & vinctus dormiuit, sanctitate decorum
existimo, & Apostolica gratia refertum.] De hono-
re vinculorum S. Pauli, splendidissimè indubitatus
Chrysostomus homil. 16. ad popul. Quem hono-
rem dabit seruis suis, qui tantum honorem dare
voluit eorum pœnis? vt S. Augustinus de cruce di-
xit in psal. 36. conc. 2.

*Natales martyrum, quàm festi, & SS. in
eis panegyrici.*

12. Vt locus quietis sacrorum pugilum, vel
cuiuspiam ad eos quoquomodo attinentis, condi-
torium, sic dies mortis, imo verò natiuitatis, sum-
mam habebat apud fideles venerationem. Natiui-
tatem vocaui, quia maiores nostri, nefas duxere,
mortuos dicere qui vitæ nascebantur. [Nouit enim
Ecclesia

« Ecclesia (ut dicitur apud Bernardum ser. de S. Ioan-
 « ne Baptista,) quia melior est dies mortis, die na-
 « tiuitatis, & quod ortus hominum tristitia comite-
 « tur. Inde est quod diem mortis martyrum non na-
 « tiuitatis, solemnizat Ecclesia, mortem tamen eo-
 « rum natalitiorum nomine nominans, quibus fa-
 « ctus est de morte natalis. Tunc enim cæperunt de
 « morte nasci ad vitam, cum vitam deposuerunt pro
 « vita.] Similiter S. Augustinus serm. 113. de diuers.
 « agens de natali S. Cypriani, & exponens cur dies
 « pretiosæ mortis ac passionis Sancti viri, diceretur
 « ab Ethnicis quoque, natalis eius, rationem reddit,
 « quia [illo die, ex fastidiosæ matris utero, istam pro-
 « cessit in lucem quæ oculos carnis illecebrat; isto au-
 « tem die ex occultissimo naturæ sinu, illam disces-
 « sit ad lucem, quæ visum mentis feliciter & beatè
 « illustrat.] Hoc verè dici, monstrui plenius in meo
 SS. Lugdunensium indiculo, cum de S. Iusto, re-
 « fellens nouitiam notationem *natalitiorum sacrorum*,
 « à Natali Toletano, æquali Constantini magni. Di-
 « fertè enim multi Patres eo loco à me prolati, no-
 « tationem nunc propositam, ratam habent. Quæ si
 « retinenda non esset, multo magis, præ illa nouitia
 « planè inani, approbarem aliam eodem penè reci-
 « dentem cum ea quæ proposita est: Nempe quod
 « sacrorum martyrum dies natalis, dicatur, dies mor-
 « tis eorum, quia per mortem regressi ab exilio sunt
 « in patriam, illico à morte, præcis quibusuis remo-
 « ris, cælo illati. Nam diem regressus ab exilio, vo-
 « eatum *natalitium*, constat ex Tullio 1. ad Attic. ubi
 « diem natalem reditus sui celebrandum admonet.
 « Ipsique reduces ab exilio, dicti renasci. Quod fe-
 « runt illa Claudiani de bello Getico

[Terriſque

[Terrisque suis redduntur & agris
Damnati fatis populi, virtute renati.

Et illud Papinij 3. Iylua. in Hetrufci lachrymis.

[Quas tibi aenoti inuenies pro patre renato,
Summe ducum grates, aut qua pia vota referent?

13. Sacros igitur dies, quæ martyres cadendo vicerant, à primis temporibus, in magna veneratione habuit Ecclesia, vt discimus ex Clemente l. 8. constit. cap. 3. 9. & Tertulliano l. de corona mil. c. 3. ac S. Cypriano epist. 34. & 37. Quo posteriore loco idcirco mandat adnotari dies quibus martyres gloriose occubuissent, vt quotannis eorum memoria recurret, possitque pro eis, id est in eorum honorem offerri Deo sacrificium, exigere-turque cum Christiana hilaritate dies ille, quem Deus pugilum suorum certamine atque victoria illustrem esse voluisset. S. certè Gregorius Thaumaturgus, referente Nylleio, suos Neocæsarienses ad hunc recens traductos, ne diu illis idololatricæ profanitatibus, quasi omnis hilaritatis argumento submoto, tristitia occuparentur, festas lucas exigere docuit, quas sanctorum martyrum obitus illustrasset. Idem quoad Anglos, Augustino Cantuariensi præscripsit S. Gregorius. Eamque etiam ob causam Nicolaus Papa ad consulta Bulgar. c. 5. negat, ieiunandum, vel à carnibus abstinendum esse in natalitiis præcipuorum quorundam martyrum, si sexta feriâ inciderint. Et rationem hanc reddit, quæ anteriorem doctrinam de martyrum natalitiis egregie confirmat. [Nani quod sancta
Ecclesia vt fidelis anima, in festiuitate eorum ie-
iunia, vel abstinencias, quæ non sunt perpetuo vo-
to propositæ, soluere debeat, Dominus testatur

in Euangelio, dicens : mulier cùm parit , tristi-
 tiam habet ; cùm autem pepererit puerum , iam
 non meminit pressuræ propter gaudium , quia na-
 tus est homo in mundum. Mulierem dicit san-
 ctam Ecclesiam. Sicut enim mulier , nato in hunc
 mundum homine , lætatur , ita Ecclesia in vitam
 futuram fidelium populo migrante , digna exulta-
 tione repletur : pro qua eius natiuitate , multum
 laborans & gemens , in præsentī quasi parturiens
 dolet. Nec nouum debet cuiquam videri , si natus
 dicitur qui ex hac vita migrauerit. Quomodo enim
 usitato modo dicitur nasci , quando quis ex vtero
 materno procedens , in hanc lucem exit : sic quo-
 que iure natus appellari potest , quilibet ab huius
 sæculi tenebris , ad lumen pertingens viuentium.
 Pro qua ergo re aptè consuetudine tenetur Eccle-
 siastica , vt solemnes beatorum Martyrum , vel
 Confessorum Christi dies , quibus de hoc mundo ad
 regionem migrare viuorum , nuncupentur nata-
 les : Sed & eorum solemnia , non funebria tanquam
 morientium , sed vt potè in veram vitam nascen-
 tium , natalitia vocitentur. Ergo his tunc natis ,
 utique Deo cui omnia viuunt , in cuius manu iu-
 storum animæ positæ sunt , quando visi sunt oculis
 insipientium mori , mulier sancta iam non memi-
 nit pressuræ propter gaudium , quia natus est homo
 in mundum , id est , in lucem æternam. Quod si de
 eius natiuitate lætatur ; non ieiuniis , non abstin-
 tiis , non denique ullis debet ipso vacare die mœ-
 roribus.]

14. Ipsas dies martyribus sacras aliis diebus
 illucere splendiores & micantiores , quippe ex
 ortu luminarium longè micantiorum illustratas ,
 ideóque

ideoque omnem bene affectorum animorum dispellere mœtorem, dixit S. Chrysostomus homil. de Machab. rationem addens. [Multis enim solibus, illustriores sunt martyres, & magnis luminaribus clariores. Propterea (*inqui*) hodie si dici potest, cœlo ipso ornatioꝝ terra lætatur.] Per elegantem item prosopopeia Gregorius Nyssenus in priore parte laudationis SS. 40. Martyrum, diem eorum festum inducit exultantem ac prærogatiuas suas, supra diem conditi & exornati orbis efferentem, & ad lætitiã fideles omnes excitantem. Piis item conuiujs indulgisse per eam diem Christianos, non procul à martyrum sepulcris, vt ab Anglis neophytis fieri, autor fuit S. Gregorius, eoque pacto lætitiã suã testatos esse, notius est, quàm vt illustratione sit opus. Tantùm obiter aduerto locum Augustini ex 8. ciuit. c. 27. vbi epulas quibus in conuiujs illis vescendum erat, illatas à Christianis ante martyrum sepulcra testatur, vt per merita martyrum sanctificarentur, indeque vscntes fructum speratum reportarent. Quod autem aliqui ab epulis illis in martyrum memoriis redirent ebrij, inde est quod idem S. Augustinus serm. 101. de diuers. c. 8. sartagine, lagenas, & ebrietates, martyribus inuisas pronunciat. Verùm hanc non religionis, quæ sanctam illam hilaritatem, sed vinolentorum culpam fuisse, docet l. 20. contra Faustum cap. 21. refellens Fausti grunnitus in eas dapes, & vniuersum apud Christianos martyrum cultum, tanquam idololatriæ plenum. Quam querelam hodiẽque, Fausti nepotes frequenter iterant, & egregiè retundit S. Augustinus serm. cit. c. 7.

Frustra verò monerem, sub sacras illas epulas,

& per totum diem martyrum memoria festiūm,
 decantatas fuisse eorum victorias, laudēque con-
 celebratas. Id enim & ex Prudentij hymnis *ὑμνῶν*
σιγάων, & ex natalibus S. Felicis apud Paulinum,
 & ex Græcorum hymnis qui seorsim editi extant,
 perspicuum est. Nec quod profanis quibusvis vi-
 ctoribus accidit, vt Theodoretus aduertit lib.8.
 contra Græcos, defecit laus eorum de ore homi-
 num. Prouidit enim Deus, vt qui hīc inglorij ab-
 iectique vixerunt, inextincta, & nullo temporum
 tractu marcescente gloria, illustrarentur: cum ē
 contra, profanorū ab honestate philosophica olim
 celebrium, tametsi multa, & dura admodum per-
 pessorum, Socratis, Anaxarchi, Zenonis, aliorūm-
 que veneratio, breui euanuerit. [Nullus eorum
 (inquit Theodoretus,) quo martyres honore, di-
 gni sunt habiti. Neque item illi quibus illustria &
 celeberrima excitata sunt virtutis trophæa, Mil-
 tiades, Simon, Pericles, Themistocles, Aristides
 Lysimacho natus patre. Hic verò non modò fortis
 patrie propugnator, sed iustissimus quoque ho-
 mo est habitus. Verū neque hic, neque Sparta-
 nus Brasidas, non denique Agesilaus, non Lysan-
 der, qui dissoluit Atheniensium potentatum, non
 Pelopides Bæotorum Princeps, non Epaminondas
 qui Laonicam deuastauit, ausus ad vsque Sparta-
 na mænia hostilem exercitum ad mouere, non Ro-
 manorum præclarissimi Imperatores, non Scipio-
 num maior, non Brutus, illum nomine Brutum
 referens qui Tarquinius Roma exegit, non Cato,
 non Sylla, non Marius, non Pompeius, non ipse
 Cæsar. Hi enim ductandis exercitibus, egregiaque
 in gerendis bellis fortitudine vigerunt, neque sic
 tamen,

tamen , quali martyres honore affecti sunt. Quid ego autem bellicos duces commemoro, cum ne ipsi quidem Reges habitabilis terræ, ita vnquam honestati, cultique fuerint? Non Cyrus, non Darius, non Xerxes, non Philippi filius Alexander; Insignes enim duntaxat, clarissimosque propono. Non item Augustus, non Vespasianus, non Traianus, non Hadrianus, non Antoninus. Attamen hi omnes, cum viuerent, illustres conspicuique fuerunt, victoresque deuictis barbaris pompas mirantur; solemnitatesque celebrarunt. Mortui tamen, nihil à multitudine differunt. Neque enim conditi sunt insignibus monumentis, neque publico epulo festiuitatis annuæ honestantur.]

15. Excurrit latè in eo campo, & quanta præ istis quādam gloriosis, postea altissima obliuione sepulcis, planèque inhonoratis, perstaret post multos annorum decursus, (inno seculorum,) vicens ac florida martyrum gloria egregiè demonstrat: illud præsertim & iure miratus, quod sancti martyres, magnam partem humillima & abiectissima sorte fuerint; plerique seruili conditione, nonnulli è scénico genere; & tamen tam luculenta & nunquam intermoritura recordatione sint donati. [Ac Philosophi quidem, præclarique oratores, obliuioni iam dati sunt; Imperatorum verò ac magnorum quàm plurimorum Ducum, ne nomina quidem multi hodie norunt; cum tamen martyrum nomina, magis quàm familiarium, cuncti mortales sciant. Quin etiam nascentibus filiis ea imponi curant, ita custodiam illis tutelamque certissimam comparantes.] Sancti quidem martyres Ægyptij quos memorat Eusebius 8. histor. cap. 21.

abiectis nominibus idolorum quæ à parentibus acceperant, nomina sibi sanctorum Prophetarum ipsimet inponebant: Compluribus antiquiorum, nomen Ioannis ob venerationem dilecti discipuli fuit gratissimum teste Dyonisio Alexandrino in fragmento quod ex eo profert Eusebius 7. histor. c. 20. ubi addit liberos fidelium crebrò tulisse nomina Sanctorum Petri & Pauli ob præcipuum affectum in eos Christiani gregis arietes. At posteriores indiscriminatim vt S. Ioannes Chrysostomus autor est homil. 22. in 1. ad Corinth. (& homil. 22. in Genes. ad id hortatur) sanctorum quorumcunque, & præsertim martyrum, quod Theodoretus etiam retulit, nomina liberis imponebant. Hoc verò fuit, toties martyres honorare, quoties nomina liberorum vsurparentur, testificata per iugem prolis appellationem, & pij in eos affectus primùm excitati, & illustrium certaminum recordatione. Quæ omnia hæcenus proposita, aliâque quàm plurima, laudis & honoris martyrum perpetua apud fideles argumenta, tam crebra densaque fuerunt, apud quosuis Christiano nomine gloriantes, vt manum Domini amicos suos honorantis, liceat agnoscere, quod Theodoretus sub eiusdem libri initium rectè observauit. Forèque æternos illos honores SS. Martyrum, nec in ore fidelium intermorituram vnquam laudem tam insignium certatorum, contestatur S. Paulinus, eo fragmento quod ex eius quodam natali S. Felicis, iniuria temporum deperdito, retulit Dungalus l. de imag. in hæc verba.

[Sydera si cælo, si possunt gramina terris

Desore, mella fauis, aqua fontibus, uberibus lac,

Hic

*Hic poterunt linguis laudes cessare piorum,
In quibus & vita virtus, & gloria mortis,
Ipse Deus; pro quo vitam voluere pacisci,
Et moriendo, piam sancire fidem populorum.]*

Vertit itaque Deus, opprobrium Ecclesiæ ex
cæde suorum; & contemptum ex eorum itinere à
nobis tanquam exterminio, vt Sapiens dixit, in ip-
sorum martyrum, & Ecclesiæ in qua certarunt, or-
namentum. Quod opprobrium auferri à se, sancta
Christi sponsa deposcebat, verbis illis Psalmi 118.
*Aufer a me opprobrium, & contemptum, quia marty-
ria tua exquisiui.* Ita enim legit, & in hunc sensum
verba illa accipit, S. Augustinus conc. 9. in dictum
psalmum, addens ita planè factum esse, & exorasse
Ecclesiam, quod orauerat. [Ecce martyrium Chri-
sti, & apud homines, & in hoc mundo, non so-
lùm non est opprobrium, sed magnum est orna-
mentum. Ecce non solùm in conspectu Domini, ve-
rùm etiam in conspectu hominum, iam pretiosa
est mors sanctorum eius. Ecce non solùm non con-
temnuntur, verùm etiam magnis honoribus præ-
feruntur martyres eius. Ecce filius ille iunior qui
pro porcis quos pascebat; id est, pro immundis dæ-
monibus, quos colebat, particulam suam in pau-
cissimis Christianis præcedentem persequabatur:
iam nunc in tam multis & magnis populis gentium
martyres, in quibus ingerebat opprobrium, reli-
giosissimè prædicans, & maximis laudibus, quos
contemnebat, exaltans, mortuus erat & reuixit;
perierat & inuentus est. Hoc tam magno lucro
correctionis, conuersionis, & redemptionis ini-
micorum suorum, corpus Christi Deo dixit, aufer
à me opprobrium & contemptum. Et quasi quæro-

“retur, de qua re opprobrium, de qua re contem-
 “ptum, subiungit, quoniam martyria tua exquisi-
 “ui. Vbi est nunc illud opprobrium? Vbi est ille con-
 “temptus? Abierunt atque transierunt: & quia in-
 “uenti sunt qui perierant, illa perierunt. Sed quan-
 “do Ecclesia talia prædicabat & precabatur, illa pa-
 “tiebatur.]

*Ponderatio tanta honorum humanorum vbertatis,
 & manu ductio ad diuinos.*

16. Hærendum hîc aliquantisper, priusquàm ab
 humanis ad diuinos martyrum honores fiat pro-
 gressio. Monet namque Gregorius Nyssenus orat.
 de S. Theodoro, esse quod iuuerit expendere, cir-
 ca tot tantosque hîc apud nos martyribus exhibitos
 honores. [Mihi (*inquit*) deinceps animum atten-
 “dentes considerate, qui huius puri cultus ministri
 “ac martyrum studiosi estis, quanta res sit iustus,
 “quàmque multas consequatur remunerationes. De
 “iis loquor remunerationibus quæ in mundo & apud
 “nos præstantur. Nam earum quæ visum effugiunt
 “magnificentiae, nemo satis idoneus aestimator est.)
 “Et cognito pietatis fructu, imitamini consilium, &
 “aspirate ad animum & voluntatem eorum qui ita
 “præ cæteris honorantur, atque concupiscite & af-
 “fectate ea præmia quæ Christus athletic pro merito
 “cuiusque distribuit. Atque in præsentia si placet, ces-
 “sante futurorum bonorum fructu, quem bona spes
 “iustis in illud reficit tēpus quo rerum in vita nostra
 “actarum index aduenerit, præsentem Sanctorum
 “statum inspiciamus, quàm præclarus magnificus-
 “que sit. Nam anima quidem ex quo sublimis abiit,
 in

in suo loco acquiescit, & corpore soluta, cum sui
similibus vna viuit. Corpus verò venerandum &
immaculatum illius instrumentum quod vitiis &
affectibus illius inhabitantis incorruptibilitatē non
læsit, cum multo honore & cultu compositum at-
que ornatum, in augusto sacroque loco situm est:
quod veluti res chara magnique æstimata atque re-
condita in tempus regenerationis reseruatur, mul-
tis singularibus & eximiis rebus præditum propter
quas ad alia corpora quæ communi ac vulgari mo-
re dissoluta sunt, ne comparandum quidem est, id-
que in simili materia naturæ. Nam cæteræ quidem
reliquiæ, etiam abominabiles, plerisque sunt; ac
nemo lubenter sepulchrum præterit: aut si ex ino-
pinato apertum offendit, deformitate nimirum ea-
rum rerum quæ inibi iacent, faciem operiens om-
ni iniucunditate repletus, & humanæ naturæ con-
ditioni grauitè ingemiscens, prætercurrit. Quod
si venerit ad aliquem locum, vbi memoria iusti,
sanctæque reliquiæ sunt; primùm quidem earum
rerum magnificentia quas videt, oblectatur, dum
ædem vt templum Dei, & magnitudine structuræ,
& adiecti ornatus decore splendidè elaboratum in-
tuetur: Vbi & faber in animalium figuram lignum
formauit, & latomus ad argenti læuitatem crustas
lapideas expoliuit: induxit autem etiam pictor flo-
res artis in imagine depictos, fortia facta martyris,
repugnantias, cruciatus, efferatas & immanes Ty-
rannorum formas, impetus violentos, flammæam
illam fornacem, beatissimam consummationem
athletæ, certaminum præsidis Christi, humanæ
formæ effigiem. Omnia nobis tanquam in libro
quodam qui linguarum interpretationes contineat,

« coloribus artificiosè depingens , certamina atque
« labores martyris nobis expressit , ac tanquam pra-
« tum amœnum , & floridum , templum exornauit.
« Solet enim etiam pictura tacens in pariete loqui ,
« maximèque prodesse. Lapillorum item concinna-
« tor , historiæ par opus , in pauimento quod pedi-
« bus calcatur , effecit. His igitur arte laboratis operi-
« bus quæ sensui exposita sunt , ubi oculos oblecta-
« uit , cupit deinceps , etiam ipsi conditorio appro-
« pinquare , sanctificationem ac benedictionem , con-
« trectionem eius esse credens. Quod si quis etiam
« puluerem quo conditorium ubi martyris corpus
« quiescit , oblitum est , auferre permittat , pro mune-
« re pulvis accipitur , ac tanquam res magni pretij
« condenda , terra colligitur. Nam ipsas attingere re-
« liquias , si quando aliqua eiusmodi prospera fortu-
« na contingat ut id facere liceat , quàm id sit mul-
« tum desiderandum & optandum , ac summorum
« precum donum , sciunt experti , & eius desiderij
« compotes facti. Quasi corpus enim per se viuens
« & florens qui intuentur , amplectuntur. Oculis , ori ,
« auribus , omnibus sensuum instrumentis adhiben-
« tes ; Deinde officij & affectionis lachrymas marty-
« ri , quasi integer esset , & appareret superfunden-
« tes , ut pro ipsis deprecator intercedat supplices
« preces offerunt ; tanquam satellitem Dei orantes ,
« quasi accipientem dona cum velit , inuocantes. Ex
« his omnibus ô popule pie , discite , quod pretiosa
« ac honorata coram Domino sit mors sanctorum
« eius. Nam vnum quidem , & idem corpus omnium
« hominum est , ex vna massa conflatum : Verùm id
« quod simplici morte dissolutum est , ut res quæli-
« bet vilis , proiicitur. At quod martyrij affectione
gratio

sum effectum est, ita est amabile, iucundum, & à multis desideratum, & expetitur, ut superior oratio demonstravit. Quocirca propter ea quæ apparent, iis quæ visum effugiunt; propter experimentum earum rerum quæ in mundo visuntur, futurarum rerum promissioni credamus. Nam multi qui ventrem, & vanam gloriam, & has mundanas pauleas, omnibus rebus anteferunt, nihil putant esse futurum; sed cum vitæ fine terminari omnia arbitrantur. Verùm qui ita sentis, ex parvis magna disce; ex umbris principales formas, quales eæ sint, intellige. Cui Regum talis honor habetur? Quis ex iis qui supra modum inter homines excellere visi sunt, tali memoria celebratur? Quis imperatorum qui vrbes inunicas cœperunt, nationes innumeras subegerunt; aded decantatus, & fama celebratus est?

17. Non dissimilem ab honoribus humanis queis Ecclesia martyres & superstites & consummatos prosequitur, ad divinos manuductionem, lego apud Chrysostomum, sic ratiocinantem, oratione in S. Iulianum in ipso aditu, [si tales in terris honores martyribus deferuntur, postquam excesserunt ex hac vita, quales coronæ sanctis eorum capitibus in cœlis reſectuntur? Si tanta est ante resurrectionem gloria, quantus post resurrectionem erit splendor? si tanto eos conferui cultu dignantur, quanta eos Dominus benevolentia complectetur? Si nos mali conseruos, qui recte se gesserunt, sic honoribus afficere novimus ac suspicere, propterea quod pro Christo decertarunt; quanto magis pater noster cœlestis, innumera bona dabit iis, qui pro ipso labores exantlarunt? Est enim munificus, & benignus.

« Verum non ob hoc ipsum modò , ingentes eos ho-
 « nores manent, sed quoniam debitor etiam est ipso-
 « rum. Pro nobis martyres mactati non sunt, tamen in
 « honorem illorum conuenimus. Quòd si nos , pro
 « quibus mactati non sunt, conuenimus, Christus pro
 « quo sua capita deuouerunt , quid non præstabit ? Si
 « quibus nihil debebat, tanta bona dedit, hos, quibus
 « debitor est, quibus donis non remunerabitur? Nihil
 « antea terrarum orbi debebat : omnes enim pecca-
 « uerunt , ait Paulus , & egent gloria Dei ; Imò verò
 « pœnam ac supplicium debebat. Verumtamen, cum
 « pœnam nobis ac supplicium deberet , vitam æter-
 « nam largitus est. Si quibus igitur supplicium debe-
 « bat, his regnum dedit; quibus vitam æternam debet,
 « quid non dabit ? Quibus non eos honoribus cumu-
 « labitur? Si pro illis, qui ipsum oderant , crucifixus est,
 « & sanguinem fudit; pro illis , qui sanguinem pro e-
 « ius confessione fuderunt, quid non perficiet? Si auer-
 « santes ac resiliences , ita dilexit; eos qui mensura
 « ipsum maxima dilexerunt , (maiores enim hac di-
 « lectionem nemo habet , ut animam suam ponat
 « quis pro amicis suis ,) quanta suscipiet beneuolen-
 « tia ? Quibus officiis prosequetur ?] Planè omnibus
 « officiis omniq̃ue honore prosequendum Deum a-
 « micos suos , extra dubium esse debet , ita ut nimis
 « honorati videri queant, hoc est supra omnem men-
 « suram honorati.

*Honores SS. Martyribus à Deo exhibiti
 cum supereſcent.*

18. Verum quia inter honores quos Deus ipse
 suis pugilibus impendit , glorificantes se glorifi-
 cans,

cans , aliqui eosdem etiamnum superstites attingunt , de eis primùm pauca dicamus. Colloco in hoc ordine plurima & eximia quæ in sanctorum martyrum honorem per tempus certaminis eorum , sunt patrata diuinitus. Præsertim quod in restituto , vel potiùs continuato truncatorum membrorum usu , plerisque sanctis martyribus accidisse proditum est. Quale illud planè stupendum in S. Romano , qui euulsa de faucibus lingua , martyrium , (vt Eucherius scitè dixit , post Chrysostomum homil. 2. de S. Romano ,) ante martyrem passa , expedite nihilominus loquebatur. Quod ad maximum sancti martyris honorem pertinuit , vt propterea exclamet idem Eucherius homilia de eo , compellans Deum. [Quàm tibi tardum est benigna diuinitas , sanctos tuos in posterum glorificari? „ Illustre item , sed olim propè quotidianum , & in SS. martyrum actis vbiuis obuium , quod de sopita , & quasi marcore damnata , ignium vi , de cicuratis feris , & retusa pœnarum atrocissimarum violentia , infinities legimus. Hoc quomoddò 2d honorem martyrum pertinuerit , optimè exposuit Eucherius homilia de S. Blandina verbis illis. [Diuersa multimodæ crudelitatis ingenia , nonosque cruciatus , in semet Sanctorum pectora inuicta consumunt , intolerandum pondus malorum contemnendo vincunt , & sentiendo obtinent , vt sentire non possint. Subiiciuntur ignes , sed ad hoc tantum valere cognoscuntur , vt consecrent. „ Instigantur bestię , sed ad prædam suam feritas impasta miratur. Dilacerata vario tormentorum genere membra , sanctificant flammæ , dum pasce- re nesciunt ; honorant bestię dum sœuire non no-

“runt. Vbi sunt qui dicunt, venerationem factis
 “martyrum deferendam non esse corporibus? Ecce
 “cruentæ feritatis immanitas, quæ religionis non
 “recipit sensum, defert venerationis obsequium: &
 “quæ discretionem rationis ignara non recipit, ad
 “malorum tamen damnationem quid honoris San-
 “ctis debeatur agnoscit: ac sic supplicij ministerium,
 “vel instrumentum, miro modo meritorum effici-
 “tur testimonium; & dum pietati reuerentiam præ-
 “stat, profert tacitam de impietate sententiam.]

Beneficiorum verò, per eosdem SS. Marty-
 res, etiam nūm superstites, ac super certamen
 ipsum, mortalibus diuinitus impensorum, quod
 est diuini in eos honoris splendidissimum argu-
 mentum, vulgatissima sunt exempla, & cuius
 peruia, vt nihil sit necesse singillatim aliqua pro-
 ferre. Quoties enim legimus curatos eorum atta-
 ctu ægros, pulsos dæmones, luminis vsu resti-
 tutum, & id genus alia supra naturam beneficia,
 per Sanctos Christi pugiles inter pugnandum col-
 lata mortalibus; quodque stuporem meritò infe-
 rat, iis ipsis per quos cruciabantur, vel neci daban-
 tur, eorumue coniunctissimis? Quàm multi carni-
 ficum atque tortorum, quod inter maiora & po-
 tiora martyrum miracula meritò retulerim, victi
 tantæ patientiæ exemplo, & illuciente interiùs ad
 tam luculentæ virtutis splendorem Spiritu sancto,
 lumen fidei perceperunt? Id quod meritò S. Ephrem
 in posteriore Sanctorum martyrum laudatione, re-
 censet inter mirabilia per martyres edita. Illustre
 est exemplum Basilidis apud Eusebium l. 6. histor.
 cap. 4. An non etiam multi Sacerdotes, æditui-
 que profanorum templorum, carnificibus ipsis
 imma

immaniores , & iudicium ad sæuitiam in martyres expromendam incentores , mutata mente iis quos infecuti fuerant martyribus sunt aggregati, tandem cæsi ipsi quoque , propter fidem quam tantoperè inuisam & exosam habuerant ? quod Theodoretus extremo lib. 8. contra Græcos , meritò suspicit , & insinuauit quoque S. Aug. serm. 63. de diuers. c. 1. constatque id in magnum martyrum honorem cedere ; quorum patientia & abiectio , eo diuinitus munere donata est , vt ab impietate indomabiles , eam ipsi potiùs , in veram solidamque pietatem commutarent.

*Item honores iisdem hîc exhibiti à Deo,
iam beatis.*

19. Multa verò & magna beneficia mortali-
bus impensa , quibus Deus Sanctorum martyrum
iam beatorum honorem promouet , quis satis ex-
plicet ? Tametsi magna illa est , & quotidiana lau-
dum beatis martyribus delatarum materia. [Non
per annum sèmel (ait Theodoretus lib. 8. contra
Græcos sub finem , describens frequentationem
templorum in quibus conditi SS. Martyres) aut bis
aut quinquies aduentamus , sed in eis sæpenum-
ro dies festos peragimus , sæpè diebus singulis co-
rum martyrum Domino laudes hymnósque canta-
mus : quique homines prospera sunt valetudine ,
conseruari eam sibi à martyribus petunt ; qui verò
ægritudinem aliquam patiuntur , sanitatem expo-
scunt, Insuper & steriles viri & mulieres , dari sibi
filios petunt ; qui verò parentes sunt , integra sibi
& propria custodiri quæ consecuti sunt , dona.

Item

“ Item qui peregrè aliquo proficiſcuntur , petunt
 “ martyres ſibi comites eſſe in via, vel potiùs itineris
 “ duces ; qui verò iam ſoſpites redierunt , gratias
 “ agunt , acceptum beneficium conſitentes. Non qui
 “ ſe ad Deos accedere arbitrentur , ſed qui orent Dei
 “ martyres , tanquam diuinos homines , intercello-
 “ réſque ſibi eos apud Deum aduocent ac precentur.
 “ Piè verò fidelitèrque precatos , ea maximè conſe-
 “ qui quæ deſiderant , teſtantur illa quæ votorum
 “ rei dona perſoluunt , manifeſta nimirum adeptæ
 “ ſanitatis indicia. Nam alij quidem oculorum , alij
 “ verò pedum, alij porrò manuum ſimulacra ſuſpen-
 “ dunt, ex argento auròue conſecta. Gratiſſimè nam-
 “ que accipit eorum Dominus , qualiaciñque ſunt
 “ dona ; nec exigua , nec vilia dedignatur : quippe
 “ qui ea proferentis facultate metitur. Hæc itaque
 “ omnium ſpectaculo exporreſta , teſtantur morbo-
 “ rum depulſionem , cuius ipſa certiffima ſigna ſunt,
 “ à ſanitatem conſequutis allata , hæc inquam , ſe-
 “ pultorum ibi martyrum , quæ ſit virtus , oſten-
 “ dunt.] Ad hæc martyrum beneficia prouocat Iſido-
 “ dorus Peluſiora l. i. epiſt. 55. refellens Hieracem
 quendam venerationi ſactarum exuiarum infe-
 ſtum , & martyricorum corporum cineres , in ve-
 neratione eſſe apud Chriſtianos , moleſtè feren-
 tem. Verùm huiuſmodi argumentum gloriæ SS.
 Martyrum , aded immenſa ſylua eſt, vt præſtet his
 generatim prolatis , nihil præterea ſigillatim attingere.
 Quem verò multa ſingularia legere cupiditas
 inceſſerit , ſpecimen petat ex Gregorij Turo-
 nenſis opere de gloria martyrum.

.20. E contra , quæ æquè ſanctorum martyrum
 curatis diuinitùs honoribus atteſtatur , inimici &
 vltoris

ultoris cruciatio, & prompta plerunque fuit, & adeò grauis, vt quo apud Deum loco martyres essent, neminem lateret. Tolerat quidem plerunque Deus vasa iræ in multa patientia, & iustorum infecutores, non modò seruat incolumes, sed diuitiis fartos seculique honoribus in dies magis ac magis saginatos, æternæ diei plectendos dimittit. Tamen interdum quoque, robustam manum suam ad contundendam contumaciam extendit, & in suis iniuriis placidissimus, exardescit in vlciscendam suorum iniuriam. [O Christi ineffabilis bonitas (exclamat Paulinus epist. ad Victorium 2.) quantum in suos ostendit affectum? Iniuriam confessoris sui non tulit impunitam, qui suis crucifixoribus rogauit ignosci: contumeliam martyris statim ultus est, qui passionem suam noluit vindicari.] Tertullianus lib. ad Scapul. à c. 3. multa in eam sententiam exempla profert. Quædam item S. Chrysostomus l. contra Gentiles de S. Babylæ gestis, cum docet, qua ex causa Iulianus Apostata, temerando sancti martyris Babylæ sepulcro abstinuerit, veritus ne ea sibi sancti martyris interpellatio, malè verteret. Plenè in eo argumento versatur Michael Medina l. 2. de recta fide c. 11.

Eximium & illud à Deo in SS. Martyres honoris genus, quod S. Augustinus serm. de S. Vincentio, qui est 9. inter 17. additos, appellat magnum testimonium datum à Deo testibus suis, cuncta nimirum sacrorum cadaverum, multis sæpè supra naturam circa ea patratis, vt circa exanime S. Vincentij corpus describit Prudentius hymno 5. peristeph. & attingit ibidem Augustinus, qui concludit. [Verè pretiosa in conspectu Domini mors Sanctorum eius. quando

« quando nec terra carnis, vita deferente contemni-
 « tur; & inuisibili anima, de domo visibili disceden-
 « te, habitaculum serui, cura Domini custoditur,
 « & in gloriam Domini à conseruis fidelibus honora-
 « tur. Quid enim agit Deus, mira opera faciendo,
 « circa sanctorum corpora defunctorum nisi testimo-
 « nium perhibet, sibi non perire quod moritur, &
 « ut hinc intelligatur in quali honore secum habeat
 « animas occisorum, quando caro exanimis, tanto
 « affectu diuinitatis coronatur. Sicut enim de mem-
 «bris Ecclesie loquens Apostolus, similitudinem
 « adhibuit de membris corporis nostri, quoniam
 « quæ inhonesta sunt nostra, his abundantiorum ho-
 « norem circumponimus: ita prouidentia creatoris,
 « cadaueribus martyrum tam præclara miraculorum
 « testimonia præstando, abundantiorum honorem
 « exanguibus reliquiis hominum circumponit: &
 « quod vita emigrante tanquam deforme iam rema-
 « net, ibi euidentius, præsens vitæ dator apparet.]

*Martyrum in cælo honores, & confessio
 coram Patre.*

21. Sed hæc omnia diuinorum erga sanctos
 martyres honorum argumenta, quamuis magnifi-
 ca, atque illustria, possint tamen exilia & pusilla
 videri, præ iis honoribus quos sancti martyres à
 Deo in cælo coram cætu vniuerso sanctorum An-
 gelorum atque hominum, ipso Deo arbitro &
 muneratore, laudumque præcone consequentur,
 per vniuersam quanta quanta erit æternitatem.
 Æternis tabulis consignata, pugilum suorum vel
 minutissima quæque in amplissimo & illustrissimo
 cætu

cœtu electorum omnium, repræsentabit. Habent quidein rectores seculi, capita populorum, digestores annalium & voluminum de rebus suis, plerunque multis mendaciis factorum:

[Illa sed ætas conficit diutina

Fuligo fuscatur, pulvis obducit situ,

Carpis senectus, aut ruinis obruit:

Inscripta Christo pagina, immortalis est,

Nec obsolescit ullus in cœlis apex.

Excepit astans Angelus coram Deo,

Et quæ locutus martyr, & quæ perulit:

Nec verba solum differens condidit,

Sed ipsa pingens vulnera, expressit stylo

Laterum, genarum, pectorisque & faucium.

Omnis notata est sanguinis dimensio,

Usque quamque plagam sulcus exarauerit,

Alam, patenter, proximam, longam, breuem:

Quæ vis doloris, quæue segmenti modus;

Guttam cruoris ille nullam perdidit.

Hic in regestis liber est cœlestibus,

Monumenta seruans laudis indelebilis;

Relegendus olim sempiterno iudici:

Libramine aquo, qui malorum pondera,

Et præmiorum comparabit copias.

Prudentius est quæ audisti, hymno de S. Romano, perennitatem tabularum, quæis Deus martyrum facta consignat, scitè describens. Sanctos cœlites vniuersos, æternum pascet hæc contemplatio quorumuis operum à SS. Martyribus pro Christi nomine editorum. Idcoque S. Augustinus in Psalm. 78. SS. Martyres, ait, turbine persecutionis velut pomorum custodiam collectis fructibus dissectos atque euersos, [ad cœlestem mensam, tanquam de

horto

“horto dominico, multa & suauissima poma tran-
 “sisse.] Nec imminuit, sed auxit martyrum decus
 S. Gregorius in c. 4. Cantici cum sanctos martyres,
 malis punicis longè pretiosioribus; reliquos bea-
 tos pomis vulgaribus collatos, in sacris canticis
 obseruauit.

Ad tam publicum, tam sublime, tam immen-
 sum, æternæ gloriæ pondus, accedet præconium
 martyris: non à cœlite, quopiam, homine puro
 vel Angelo, sed ipsius Christi ore celebratum;
 Sponsionem enim Christi tenemus Matth. 10. ver-
 “bis non ambiguis conceptam. [Qui me confessus
 “fuerit coram hominibus, confitebor & ego eum
 “coram Patre meo]. Quod expendendum eo ipso
 modo est, quo S. Chrysostomus orat. 4. earum
 quas Cromerus edidit, vt parte 1. c. 2. retuli, pro-
 ductum à Deo pium hominem, in medium An-
 gelorum hominûmque theatrum inducit, collau-
 dante Deo & attestante, hic mei causa, hoc & il-
 lud egit; talia toties, tandiûque sustinuit. Idem
 ergo in re præsentī statuendum est. Sicut è contra-
 rio molles illos qui confessionem Christi nominis
 erubuerint, immensus obruet pudor, cum nega-
 buntur à Christo in cœtu Sanctorum omnium, &
 coram Patre. Cum inquam discipulo aulæo, quod
 nunc æternitati oppassum esse ait in Apolog. Ter-
 tullianus, & reuelatis omnibus in hac caligine ob-
 ductis, perspicua fiet ignauia eius, qui tantulam
 ærumnosissimæ vitæ vsuram, præposuerit genero-
 sæ confessioni Christiani nominis, negato, vel pa-
 lam non confesso eius nomine in quo est salus, vi-
 ta, & resurrectio nostra. Quam ignominie molem,
 elumbes Christiani nominis professores oppressu-
 ram,

ram, veritus Victorinus, magni nominis Romæ Orator, referente D. Augustino 8. confess. c. 2. cum abiecta profanitate, Christianis initiandus esset mysteriis, facta potestate à presbyteris secretius reddendi ex formula professionem fidei, depuduit vanitati; timens negari à Christo coram Angelis sanctis, si eum timeret coram hominibus confiteri. Publicè itaque & in totius Ecclesiæ cœtu, calcata insanorum Ethnicorum oblocutione, salutis verba reddere voluit. In ea impiorum confusione sanè importabili, laus erit martyri à Deo. [Magnus laudator, & vehementer ambienda laudatio,] ait S. Bernardus, ser. 5. in festo omnium SS. Unde enim solidior ac certior, quàm à tali præcone expectari laus potest.

Eorundem præconia à Christo, in extremo iudicio.

22. Hæc Sanctorum martyrum, in cœlo coram Patre & Angelis Dei per Christum confessio, quàm sit eis honorifica, nulla oratio satis explicet. Eius verò quædam veluti extensio erit, quæ fiet in cœtu beatorum simul ac damnatorum omnium, per tempus iudicii extremi: vbi Angelis simul & hominibus coeuntibus, in immensa consternatione impiorum, stabunt martyres in magna constantia, aduersos eos qui se angustiauerunt; nec aliud reuera inferendis atrocissimis cruciatibus perfecerunt, quàm quod abrumpendo vitæ filum, abstulerunt labores eorum, amandantes illos in æternam requiem, & sabbatum ex sabbatho, nullo vniquam labore temerandum. In eo extremo, tam vniuer-

fali, & supra omnes qui vnquam fuerint celeberrimo confessu, ij honores martyribus à Christo rependentur, quibus explicandis impar sit humana quæcunquæ facundia. [Beatissimi illi Christi martyres, (ait S. Ephrem in posteriore SS. Martyrum laudatione,) iuxta solium gloriæ, magna cum gloria atque fiducia astantes, ostendent vulnorum suorum atrociumquæ cruciatuum ac verberum cicatrices, in suis corporibus relucentes, ac Solis splendorem sua claritate superantes.] Nec ipsi duntaxat ostendent ea passionum & eximie fortitudinis monimenta, sed & Christus Dominus ea obiiciet; cum Tyrannis qui in sanctos læuierunt, vt videant in quos confixerunt: Tum mollibus & eneruibus Christianis, qui absque vlla tormentorum atrocitate, quod recte supra expendit S. Ephrem, tam profundo desidiæ somno sunt demersi: & quam martyres inter rotas, & equuleos, ignes, ac feras, tenere constantiam ac dilectionem in Deum, ipsi in requiæ & in summa securitate abiecerunt. Gloria hæc est omnibus sanctis eius; sed martyribus maximè, vt faciant increpationes in populis, & iudiciũ in æterno tribunali ac diuino consistorio ante tempora secularia, conscriptum. Sicut enim in humanis certaminibus, degeneres animos fortium magnanimitas increpat, nihilque generositati strenuorum militum honorificentius est, quàm componi cum pauidis, & transacto bello iis qui præmetu dilapsi sunt ostentari, plagarum quidem cicatricibus deformatos, sed tamen gloria proditæ magnanimitatis circumfluentes, quam vel silentibus omnibus, vestigia plagarum vberitiam & insignem diffundunt: (vulnera enim in bello excep-

pta,

pta, vt est apud Cassiodorum l. 8. epistol. 10. sunt *praconium sine assertore, & propria lingua virtutis:*) ita transactis sanctorum praeliis, quæ per vitam hanc vniuersam grauia illis plurimæque fuere, sed præsertim martyribus, gloriosissimum illis erit, non torpidæ virtutis indicia, & egregia fortitudinis monimenta in corporibus suis inuita, iamque supra pyropos, & quicquid in terris splendet, flammantia, desidiis obicere, vt confundantur & pereant.

An iudicabunt.

23. Sed quod iudicium conscriptum, faciendum in populis per SS. Martyres aiebam, discussione aliqua indiget. Quædam enim scripturæ loca aperte ferre videntur, sanctos quidem omnes aliquatenus, sed maximè & præcipuo quodam iure martyres, iudicium in mundi meta de impiis laturos: idque disertè martyribus tribuit Tertullianus l. ad martyres cap. 2. dicens eos de suis iudicibus iudicatuos. Tribuit etiam S. Eulogius Alexandrinus l. 5. contra Nouatianos apud Photium Cod. 280. infertque ex illis Apostoli verbis 1. Cor. 6. *An nescitis quoniam sancti de hoc mundo iudicabunt?* Addi potest illud ex cap. 3. Sap. de iustis, quorum exitus æstimated est afflictio, & quod à nobis est iter, ex terminum; *In tempore erit respectus illorum;* tum scilicet cum iudex iustitias iudicans, tempus acceperit: Tunc inquam *fulgebunt iusti, & tanquam scintille in arundinetis discurrent, iudicabunt nationes.* Iustos præcipuo iure dici eo capite martyres, annotatum iam supra est parte 2. cap. 6. n. 31. Iudica-

bunt ergo martyres , vt quorum causa tanquam impiorum iudicata est , causam iudiciũque recipiant. Quamuis autem hæc non improbabiliter dicta videantur , nihilominus Photius , dictum illud S. Eulogij referens , illud improbat : negatque solidè affirmari , martyres cum Christo iudices constituendos : & ad locum Apostoli à S. Eulogio prolatum , respondet , Apostolum , non collocare sanctos cum Christo iudices , sed ostendere futuram mundi redargutionem , & condemnationem eorum , qui ad vitam ipsorum , non exegerint suam : sicut Niniuitæ , & Regina Austri , dicuntur iudicium laturi de Iudæis Christo non credentibus. Quo spectat distinctio multiplicis iudicij quam adhibet Richardus in 4. dist. 47. artic. 2. q. 7. cui adhæret Antonius Bitontinus quæst. 32. ad epistolas de sanctis : nempe iudicij lati potestate ordinaria , vel delegata , vel assessoria & approbante , vel per comparisonem. Ordinariam iudicandi potestatem , tribuit Richardus toti augustissimæ Trinitati , delegatam Christo , cui potestatem dedit Pater iudicium facere , quia filius hominis est : duæ postremæ iudicandi rationes , iuxta Richardum , sanctis competunt : Nam & comparatione ad quosuis sanctos facta , iudicabuntur impij , omnisque eorum excusatio præcludetur tanquam vana & cassâ : quippe qui per meram culpam suam inde exciderint , quo alij eiusdem massæ pertigerunt : Et præterea approbabunt sancti iudicium à Christo latum , eruntque eius quasi assessores , suffragatione sua ratam habentes , pronunciatam à iustissimo & incorruptissimo iudice sententiam , adscribentes è veteri formula , *bonum factum*. Vnam illam

illam quæ postremo loco proposita est, iudicandi rationem, SS. Martyribus tribuit Photius, non obscurè secutus S. Chrysostomum homil. 65. in Matth. ubi negat, iudicii solium ulli præterquam Christo competiturum: tantumque aliis tribuit iudicium per comparationem, quale Christus, Regina Austri, & Niniuitis tribuit in Iudæos incredulos: quo ipso exemplo, iudiciariam martyrum functionem, exponebat Photius.

Verum negari nulla ratione potest, quin Christus plus aliquid tribuerit quibusdam sanctis, quam eis concedatur à Photio. Tanquam speciale namque præmium, promisit Christus relinquentibus omnia sua, & Apostolicam vitam perfecta imitatione exprimentibus, fore ut sedcant & ipsi in iudicio, iudicantes duodecim tribus Israël. Quod omnino plus fert, quam iudicium per comparationem. Eo enim modo, etiam iniqui qui leuiores peccarunt, damnabunt iniquiores, iuxta illud, *ipsi iudices vestri erunt*: quod de exorcistis Iudæis, qui Actor. 19. damnantur impietatis, accipiunt plerique recentiores Matth. 12. & Lucæ 11. Quod si professoribus perfectis vitæ Evangelicæ ea in iudicio confessio cum Christo tribuitur, ut fert illud Christi promissum, facile adducor ut non modò D. Eulogio superius adducto, sed etiam D. Augustino assentiar, qui epistol. 89. q. 4. pulcherrimè monstrat SS. martyres, & opes, & vitam, & parentes suos abiēcisse, & omnibus quæ possidebant renunciassè, ut possent Christi esse discipuli. Subductis enim benè rationibus, cum vidissent, nisi terrena despicerent, fore ut Christum amitterent, quod S. Cyprianus latè demonstrat lib. de lapsis à n. 44.

apprehenderunt potius turrim fortitudinis à facie inimici : quia cum eam in sua ædificarent fide, computauerunt sumptus quibus perfici posset, id est eo animo accesserunt ad fidem, & in ea perstare fixum habuerunt, vt parati essent omnium potius iacturam quàm fidei facere. Atque ita cum rerum suarum venditione, pleròsque eorum piguisset ante perfici, Christi imitata passione sunt repente perfecti. Dedi forè Augustini eo loco verba : qui consequenter ad eam sublimitatem Euangelicæ perfectionis in martyribus conspicuam, addit, eos in iudicio futuros cum Christo iudices : Nempe non iurisdictionis participatione, quod à D. Chrysostomo rectè negabatur, quia Christi iura minueret, sed honoraria confessione, & suffragatione, qua ferendam auctoritate Christi sententiam vna cum Christo concipient vt assessores, ad supremi Iudicis veluti consilium in causa disceptanda adhibiti, & vt passim loquimur, voce consultiua, potientes & iudicis dignatione assumpti, vt vnà ferant sententiam. Aut si quæ est alia probabilior via exponendi iudiciariam functionem, quam in Apostolis, & Apostolicis viris omnes agnoscunt. De qua re plenè Suarez t. 2. 1. p. d. 56. s. 4. & Thyraeus l. de apparit. Christi ad iudici. c. 13. à num. 49. & communiter Scholastici in 4. dist. 47.

Novus error, de facultate martyrum in extremo iudicio, ad commutandos hædos in oves.

24. Hi sunt SS. Martyrum in iudicio honores, sanè amplissimi. Incidi verò proximè in scriptorem nuperum, qui l. 45. aduersar. c. 9. alios præterea SS.

SS. Martyrum in iudicio honores profert, quos discutere videtur operapretium. Ait enim, iuxta Patres eam fore apud Deum SS. martyrum in iudicio gloriam, ut damnatorum numero eximere quos voluerit, penes ipsos sit futurum. Quam esse ait antiquissimam traditionem, pro qua profert inprimis Prudentium, tum Henricum Altissiodorensem ac Venantium Fortunatum, tandemque S. Cyprianum. Locus Prudentij est eiusmodi, in fine passionis S. Fructuosi & sociorum, hymno 6. *πρὸς*
σεβάρων.

[*Olim tempus erit ruente mundo
Cum te Tarraco, Fructuosus acri
Soluet supplicio, regens ab igni.
Fors dignabitur, & meis medelam
Tormenis dare.*]

Nec dissimiliter hymno 9. quo passio S. Romani describitur.

[*Vellem sinister inter hædorum greges
Vt sum futurus, eminens dignoscerer.
Atque hoc precante, diceret Rex optimus,
Romanus orat, transfer hunc hædum mihi:
Sit dexter agnus, induatur vellere.*]

Henricus l. 6. de vita B. Germani, Prudentium expressisse videri possit sic enim canit.

[*Hec quis me instanti tum defer: sabit ab ira.
Subnixus trabæ, præsul Germanæ perenni,
Tunc aderis inter procures, ut spero, supernos,
Ergo tui, tum Sancte Pater miseres cito vatis.
Cumque olidis iunctum dispexeris eminens hædis,
(Id mihi nam spondenti scelerum monumenta meorum.)*

Tunc Regem precibus pulsare memento benignis.

longè aliud fert,quàm quod hic autor comminiscitur. Certissimum quippe est, in quamcunque partem arbor in fine vitæ ceciderit, ibi perpetuò fore; Vt velut monstrosum errorem in Origene damnarit Ecclesia,quod æstimarit abyssum quasi senescentem; idest, vt S. Gregorius interpretatur lib. 34. moral. c. 11. aliàs 12. quod censuerit posse finiri damnatorum supplicia. At hoc ipsum dicit, qui hominem damnatum iu iudicio particulari, & ad sinistram idcirco locatum, ait posse per martyrum merita,indui vellere agnino, deposita hædina scabritie & oliditate.Videndi qui de æternitate supplicij damnatorum plenè disputant, Lessius lib. 13.de diu. perfect. c. 25. & Salas 1.2. tract. 13.d. 15.f.3. Itaque extra omnem controuersiam esse debet, quod nemo per damnationem in iudicio particulari factam addictus inferno,& ad sinistram locandus in die iudicij vniuersalis,inde vnquam sit eripendus,aut vllius martyris alteriúsue sancti precibus transmutandus ad dexteram.Sicut enim de fide est, nostra suffragia non posse prodesse damnatis ad pœnæ æternæ extinctionem,vt Suares rectè pronunciat tomo 4. 3.p.d.48.f.4. num. 11. ita idem de sanctorum suffragiis est affirmandum: cum hoc tantum discrimine, quod nos hîc donec finiantur lux & tenebræ, quia plerunque ignoramus statum defunctorum damnatorum,oramus pro eis sine culpa, cum nobis non constat,quod in malo statu excellerint è vita.At SS.Martyres aliique beati, nunquam preces suas & merita interponunt, pro iis quos vident irrenocabiliter cecidisse, & æternis suppliciis iusta Dei sententia quam perspiciunt, fuisse addictos. Vnde neque ante iudicium vniuersale post

transactum particulare, orant pro illis: neque tempore iudicij extremi, orabunt; quasunque preces ad eos direxerint damnati illi, dum adhuc in viuis essent, exposcentes, vt in die iudicij illis adsint, eisque ad dexteram collocandis, patrocinentur. Estque id apud Catholicos Doctores, & omnes retrò Patres, adèò ratum, vt insulsè admodum, contraria assertio, Patrum traditio nominetur.

26. Nec est difficile Patres ab aduersario allegatos exponere. Eodem quippe modo accipiendi sunt, quo accipitur in formulis litanenticis illud Ecclesię, *in die iudicij, libera nos Domine*. Et illud Missę pro defunctis, *libera me Domine de morte aterna, in die illa tremenda*. Ac rursus illud ex eodem Ecclesiastico pro mortuis officio. *Absolute domine animas omnium fidelium defunctorum, de pœnis inferni, & de profundo lacu: libera eas de ore ore leonis, ne absorbeat eas Tartarus, ne cadant in obscurum*. Sensus autem petitię liberationis est, vt placeat Deo nobis gratiam concedere, sic exigendi vitam præsentem, vt in die iudicij mereamur esse ex numero eorum, qui ab extrema & æterna clade liberi euadent. Non quod tunc faciendâ sit liberatio; vel quod preces alicuius tunc interpositę, possint ad eam quicquam conferre: sed quod per publicam, & omnibus mortalibus manifestatam sententiam, firmabitur liberatio aut damnatio, præmissâ in particulari iudicio; & facta consentaneè ad vitam pię vel impię transactam: pro cuius proinde bono fine, oratur, cum petitur liberatio in die Iudicij. Eodémque modo, sensus alterius petitionis est, rogare Deum ne animę cadant in obscurum: memorando, & veluti præsentem repræsentando, diem obitus, in quo
anima

anima adhuc capax est iuvari nostris suffragiis, & prohiberi ne cadat in obscurum. Hæc enim petitio, relata ad tempus quo anima nondum è corpore migravit, eodem planè recidit, quo prior; nec aliud fert, quàm postulationem boni status in anima migrante à corpore; vt sit locus decreto diuino, de bono animæ statu finali, remunerando per gloriæ repensionem: eiûsque decreti executionem, & defrictionem fuliginis cuiuscunque à peccatis residuæ, gloriam remorantis, deposcit Ecclesia per eas preces: vt Valentia rectè exposuit tomo 4. disp. 11. q. 1. p. 3. in calce assertionis secundæ. & t. 3. disp. 6. q. 2. p. 8. *in fine.* Vide sis præterea Medinam C. de orat. q. 6. & Bellarm. 2. de purgat. c. 18. Quanquam quod durum videri potest in ea petitione Ecclesiæ, quod scilicet spectare aliquatenus videatur rem iam factam, non habet locum in Patrum petitione quam expendimus, quæ disertè tantum fert id quod per eam Ecclesiæ petitionem secundam, & expressius per priorem postulari diximus. Nempe vt SS. Martyres priusquam hinc abeamus dignentur nos tales precibus suis reddere, quibus Deus misereri in æternum possit: quod est locum nobis dextrum impetrare in die iudicij, esseque eo modo accipiendam eam Patrum petitionem, nec detorquendam esse ad eum falsum sensum, quem vocum cortex utcunque sonat, dubitare non licet. Omnibus enim Christianis infixæ est, semperque fuit ea persuasio, non fore ultra locum remissioni, atque adedò neque cuiusquam precibus, ex quo particulare iudicium, animam æterno supplicio addicens, interuenerit.

Nolo extra locum excurrere, in ea quæ aduersarius addebat, de hac controuersia per illud scripturæ oracu

largitatis ac iustitiæ ratio tulit, non plura hoc loco. Nam quod præterea, martyris imitationem, inter summos honores quos ei possimus impendere, numerat S. Chrysostomus in S. Iuliani encomio, & Isidorus Pelus. lib. 1. epist. 89. quamquam indirectè & consequenter est verissimum, tamen directè ac per se primò, aliud est imitatio, ab honoris exhibitione. Quod autem tot tantòsque honores martyrum fidei, martyribus quoque charitatis vendicabam, nulla martyrum fidei iniuria, nec casto ex parte ipsorum charitatis martyrum titulo, præstiti. In pari namque causa, non dispar honoris modulus videtur rependendus. At parem, imò eandem esse vtrorùmq; causam, vniuersa tertia huius opusculi parte confeci. Liquidò igitur concluditur his quoque pro quibus pugnauius, non dissimilium honorum condignitatem competere. Ausimque etiam superpondium aliquod nostris deponere, quod eorum gloriosus exitus, cum multa proximorum utilitate iungatur: videaturque consentaneum, vt quibus alienæ ærumnæ fructuosæ extiterunt, iisdem exile tantæ operæ pretium non negent; quale est quod grata recordatione, ac condigno meritis honore rependitur. Quamquam quid nostris honoribus opus, iis quos à se honoratos voluit Deus? [Ex nostris laudationibus, (ait S. Chrysostomus, orat. 3. contra Iudæos, initio) nihil martyribus splendoris accrescet. Quid enim egeant linguis nostris, quorum certamina superant naturam humanam; quorum præmia vim ingenij nostri vincunt. Deriserunt hanc vitam, conculcarunt carnificinas & tormenta, despexerunt mortem; ad cælum euolarunt, erepti sunt è fluctibus

« fluctibus rerum humanarum , in tranquillum ena-
 « uigauerunt portum ; haudquaquam aurum , argen-
 « tumue , aut vestes pretiosas , sed thesauros quos ne-
 « mo potest eripere , importantes : tolerantiam , for-
 « titudinem , & charitatem. Nunc in Pauli chorum
 « peruenerunt , ante coronas suas expectatione co-
 « ronarum alacres ac gestientes , eo quod iam de fu-
 « turo incerti esse desierunt. Quid igitur istis opus
 « sit oratione nostra ? Ex nostris enim laudationibus
 « quemadmodum ante cœperam dicere , nihil illo-
 « rum gloriæ accesserit.] Concinit perpulchrè S. Ber-
 « nardus serm. 5. in festo omnium Sanctorum , cum
 « eximiam Sanctorum laudem , quæ unicuique à
 « Deo erit , celebrasset : [Ad quid ergo (inquit ,)
 « Sanctis laus nostra , ad quid glorificatio nostra ?
 « Quo eis terreni honores , quos iuxta veracem filij
 « promissionem , honorificat Pater cœlestis ? Quo
 « eis præconia nostra ? Pleni sunt. Prorsus ita est dile-
 « ctissimi : bonorum nostrorum Sancti non egent,
 « nec quicquam eis nostra deuotione præstatur. Pla-
 « nè quod eorum memoriam veneramur , nostra
 « interest , non ipsorum.] Sapientissimè omnino. Ve-
 « rè enim omnis gloria nostra , omnesque honores,
 « quos rependere Christi athletis extra scamma iam
 « constitutis possumus , nobis potius quam illis com-
 « modant ; vt propterea S. Augustinus serm. 102. de
 « diuers. c. 1. dicat , sacra corpora martyrum fidei , re-
 « licta nobis esse , *ad memorias orationum , non ad glo-
 « rias martyrum.* Hoc est , (vt disertè ipsemet inter-
 « pretatur , præcludens impium sensum , quo quis
 « negatam ab eo sacrorum pignorum venerationem
 « posset obtendere :) non sunt nobis relicta ad hono-
 « res quibus egeant , SS. Martyres : quasi si corpora
 illa

illa vel à feris vorata, vel combusta, disiectis inventum cineribus fuissent, manca foret ipsorum martyrum cœlis illatorum, vera apud Deum gloria, veraque beatitas; quod asserere, & ridiculum, & impium esset: Sed relicta nobis sunt, ad usum & commodum nostrum, quibus proficit Sanctos colere, & eorum sepulcris ac conditis intra ea sacris corporibus, aduolui. [Plerumque Deus, (ait ibi Augustinus) de servis suis, præstat servis suis, quandam dignationem, donans quæ magis profint ei cui donantur, quàm ei de quo datur. Sic Heliam sanctum, Deus per auem pascebat: non autem misericordia Dei & omnipotentia defecerat, ut semper sic pasceret. Mittitur tamen pascendus ad viduam, non quia non erat quomodo Dei servus aleretur, sed ut fidelis vidua, benedictionem mereretur. Præstitit ergo SS. martyr corpus Ecclesiis suis, ad memorias orationum, non ad glorias martyrum. Illi enim habent integram gloriam suam, apud creatorem suum.] In nostrum igitur usum ac fructum, cedit gloria quàm meritiſſimò exhibemus martyrum sacris exuviiſ: Tum quia ad eorum conspectum orando, magis conualescimus; tum quia ad imitandum stimulamur. Quo spectasse sapientissimum Deaconsilium, in curanda Sanctorum pugilum inter nos sepultura, egregiè omnino in hunc modum aperit S. Chrysostomus in S. Iuliani encomio. [Martyres nobiscum Deus partitus est. Cum animas sibi ipse sumptisset, corpora nobis quodammodo largitus est, ut perpetuæ virtutis monumentum, sancta horum ossa teneamus. Nam si bellatoris arma cruentata quis cernens, clypeum, hastam, & loriceam, licet omnium

« omnium sit ignauissimus , statim exilit , exardescit , & ad bellum promptus emicat , atque à conspectu armorum sumit animum , vt easdem actiones aggrediatur : Nos qui non arma , sed corpus ipsum cernimus Sancti , quod dignum habitum est , vt ob Christi confessionem cruentaretur , licet omnium simus timidissimi , quì possumus non ad summam promptitudinem animi exardescere , cum hic aspectus , velut ignis quidam , in mentem nostram incidat , & ad idem nos certamen inuitet ? Propterea nobis Sanctorum corpora , vsque ad tempus resurrectionis commendauit Deus , vt maximæ philosophiæ materiam & occasionem haberemus.]

28. Hic igitur est reuera vsus , honorum quos nostris quoque charitatis martyribus , exhibere pietas mortalium potest. Vt proinde consultius videatur , & iisdem Christi athletic acceptius , de illo potiùs honorum scopo attingendo , quàm de cumulandis , anxie excogitandis eorum in terra honoribus , laborare. Hoc inquam illis pergratum accidet , & supra quosuis honores nostros iucundum , si eorum intuentes exitum conuersationis , imitemur & fidem : non illam in plerisque languidam , imo emortuam , & abiecta charitatis anima informem ; sed viuam seque impigro in Deum & eius causa in proximum motu prodentem ; qualis in exitu strenuorum charitatis pugilum micat. Tenuerunt illi in dulcissimo agone charitatem ; quam ne excoherent , non Inis virulentia , non periculum mortis præsentissimum , non horror adiunctorum supra mortem horribilium obstitit. Hanc nobis in tranquillitate , & extra ardua illa discrimina cordi esse,

esse, supra quosuis honores nostros exoptant. Quid enim iis quibus à Sanctis cœlitibus, à Deo ipso, præconiorum ac laudum vberima messis legitur, arida per nos ieiunantis linguæ stipula crepitans? Nec probando more, (vt cum Sidonio dicam l. 9. epist. 2.) & olorinis cantibus anseres rauos, & modificatis lusciniarum querelis, improborum passerum fringultientes susurros, sociatos velimus. Quare de illo potius quem proponebā, honorum martyribus impensorum fructu, qui in nos vniuersus redndat, simus solliciti: & vt cum S. Dorotheo expos. sacra 2. dicam. [Quisquis coronam optat consequi, studeat atque operam det, vt sit apud coronatos.] Hos ille, SS. Martyres interpretatur, eorūque æternam societatem, spondet illi, qui, vt est apud S. Diadochum de perfect. spirit. c. 94. martyrum imitatione, *testimonium conscientie toleranter operatus sit*: qui inquam pro capto, & negotiorum conditione, martyrum animos repræsentauerit, ita vt possit de eo pronunciari ad veritatem, quod Vvalafridus Strabo de S. Gallo in eius vita scriptis prodidit. [Et si à persecutore sanguinis effusione non est immolatus, semetipsum tamen offerens Domino hostiam viuam in odorem suauitatis, & crucem suam tollens quotidie Saluatorem sequens, martyrij laborem & palmam adeptus est.] Vel quod Dinamius de S. Fausto dixit, iuxta nuper restitutam lectionem. [Quamuis ei ad martyrium persecutor defuisse videatur,] **M A R T Y R E M IPSE, SE FECIT.**

MARTYRIBVS CHARITATIS.

ECquis martyrij renuat donare coronâ,
Quæ Charis ad superas transtulit alma domos.
Cum nullo, aut paruo discrimine distet ab illo
Martyre, qui verâ Religione cadit?
Despicit iste minas, truculentique arma Tyranni,
Impavidus ravidam pronocat ille luem.
Iste venenatos pleno trahit ore liquores,
Ille bibit toto mille venena sinu.
Hic viuis placido versat se corpore flammis,
Carbones medicâ vellicat ille manu.
Alter propitio recreat sudore, beato
Sanguine Christigenos alter opimat agros.
Amplaque multiplices cœlestis in borrea fruges
Numinis, hic abiens, dum manet ille, iacit.
Vincit uterque cadens, diuerso ex hoste trophæa
Rapta triumphanti ponit uterque manu.
Quævis uter calo, qua parte receptus uterque
Regnat ouans, parta nobilitate præat?
Martyribus confert non mors, sed causa decorem.
Hunc Charis, huuc tollit Religionis amor.
Tu sacri quem sancta inuauat reuerentia veri,
Dic age num minor est Religione Charis?

AUTHORI.

DUm pius in PALMAS transfers Raynau-
de, Phalanges
Quas sub CYPRESSIS detinet alma Charis.
Quis, nisi flagranti tostus linore, negarit,
Te dignum CEDROS inter habere locum?
ANTO. RICHO. S. I.



INDEX RERVM, ET VERBORVM.

A



BEL martyr.

42. 181

Abibi Diaconi constantia. 302

Abnegatio sui, quid. 467

Acceptatio martyrii, à qua virtute. 251. & seqq.

Acceptatio mortis, adulto martyri necessaria. 207. 213.

an sufficiat habitualis. 218

Acceptatio martyrii debet supernaturalis esse. 240

Adamitarum in morte pertinacia. 272

Adulto quavis ad gratiam spectantia, sunt libera. 208

Adulto peccatori ut sit martyr, necessaria penitentia. 319

Adultus quomodo ad martyrium disponatur. 206

Equiuocatio quando vitanda martyri. 317

Africanorum martyrum a-
rumna. 383

Agonistici iidem cum Circumcellionibus. 154

Alexandrini martyres per pestem. 412. 423. & seqq.

Altare sedes martyrium, cur. 4

Amantis martyrium. 116

Ambitio instabilis & quam acerba. 142

Ammiani hallucinatio circa martyres Christianorum. 171

Anaxarchi fortitudo. 527

Anglicanorum persecutorum pretextus. 178

Andree ducis martyrium. 285

S. Antonij martyrium negato cruento quodnam. 64

S. Antonij ad martyrium alacritas. 315

S. Anselmi iudicium de martyrio *S. Elphegi*. 172

Argumentum ab auctoritate negativa quando urgeat. 480

Aristotelis fuga. 318

Amogastes martyr. 156

Arrianorum Catholicos persequentium pretextus. 173

S s 2

Arrian

INDEX RERVM

Aruandus, à naufcente fortuna expulſus. 147

Aſperus Mediolanenſis, quid in peſte. 435

Anaros, omnis dolor incurſat. 136

Anaritia ara, & viſtina ex Chryſoſtomo. 137. 138. 140

Anari, martyres mammona. 134. & ſeqq.

Audas Perſa martyr. 312

Aula cruces & martyrium. 143. & ſeqq.

Aurea & aureola quid. 370

Aureola martyrurum. 375. diſfert à gaudio. 377. eſt in ſolis adultis. 378

B

Babylonij pueri an verè, martyres. 160

Baptiſmi expers martyr ſi reſurgeret, baptizandus. 328

Baptiſmus, cur in aqua inſtitutus. 88

Baptiſmus ſanguinis. 329

Baptiſmus martyrurum. 335

Barlami & *Iofaphati hiſtoria*, cuiuſmodi. 418

Baſilius improbatuſ quoad lapſos. 537

Beneficia martyrurum in mortales. 611. 612

Benedictus Mediolanenſis, quid per peſtem. 435

Bernardini Senenſis cbaritas in contaſios. 4, 6

Bernardi de latrone patibulario iudicium. 69

*Beſe martyr*is alacritas. 303

Bonitas quacunque ſupernaturalis, apium martyrurum motuum. 22

Bonitas naturalis improporcionata cum gratia. 226

Bonus pro quo quis mori audet iuxta Apoſtolum, quis. 511

C

Cadauera diuitum, olim exultumata. 141

Cadauera martyrurum, Deo curra. 613

Caij Papa oratio ad ſuos. 314

Calix martyrurum designat. 335

Candidatorum cruces. 141

Capsule martyrurum, fontes bonorum. 590

Carcere detenti martyres, ſuſtenuati. 580

Carceri immorientes, an martyres. 164

Carnis martyrurum, & ſparca merces mancipiorum eius. 114

Carnifices martyrurum conueſi. 610

S. Carolus Borromeuſ quid per peſtem. 443. & ſeqq.

Caſtitatis ſtudio mori, an ad martyrurum ſufficiat. 491

Caſti

ET VERBORVM.

Castitatis martyrium. 81. & seqq.	cium. 564
Castitatis difficultas. 96	Christus plenè passus, alytan- ium ex parte. 32.
Castitatis insigne encomium ex Origene. 94	Christus propriè martyr. 551. & seqq.
Castitatis decora in cælo, quanta. 95	Circumcellionum rabies. 152. 153. diēli etiam Agonisti- ci; & Gotispita. 154
Catenarium S. Petri encomium. 595. Item S. Pauli. 595	Circumcelliones damnati Eli- beri. 309
Catona vinctorum olim, qua- les. 127	Cleombroti fortitudo. 527
Celedonius martyr. 305	Cæmeterium unde. 586. varia eius nomina. 587
Certitudo gratia an in marty- re. 367	Cognati, martyres sapè frege- runt. 538
Cesellius & Camerinus marty- res. 202	Cognatorum ministerium, mar- tyrio non obest. 459. 460
Character martyri non impri- mitur. 327	Commemoratio martyrum in missa quorsum. 348
Charitatis apex. 514	Concily Cordubensis decretum contra prouocatores. 300
Charitas martyrum quanta. 504. & seqq.	Condolentia martyrium. 98. & seqq.
Charitatis encomium. 525	Condolere, est transferre in se, alterius dolorem. 105
perfecta in martyre. ibid.	Confessio in Ecclesiis qua di- ceretur. 3
Chrysostomi vox cygnea. 139	Confessio martyri peccatori ne- cessaria. 291
Christiani, etiam qui ante Christum. 179	Confessio martyrum per Chri- stum coram Patre. 616. & coram omnibus in die iudi- cij. 617. & 618
Christophorus infans martyr. 202	Confessor quis dictus. 4. 5. 6. 7
Christo configurantur marty- res. 559. & seqq.	Ss 3
Christus quomodo dō nō arbiua- tus rapinam, aequalitatem ciem Deo. 537	Confra
Christus sacerdos & sacrifici-	

INDEX RERVM

- Confractio idolorum quando mala.* 309. *quando licita.* 310. 311
- Coniugij martyrium.* 118
- Coniugatorum vincula.* 127
- Coniugati, bicorpores ex Anphone.* 125
- Consuetudo veritati praeiudicare non debet.* 495
- Consummatio charitatis, quae.* 506. 507
- Constantini oscula martyribus impressa.* 584
- Contrapugnatio aduersatur martyrio.* 281
- Cordium humanorum. 20. milium, sacrificium.* 567
- Cordubenses martyres alacres. 303. 305. defensi.* 308
- Craesus dux Vandalorum.* 474
- Crux quotidiana religionis.* 63
- Crux portanda, non lignea. 465. quomodo tollatur.* 466
- S. Cyprianus quid in peste Carthaginiensi.* 429
- S. Cyprianus ingratiſſimè habitus post pestem.* 548
- Cypriani in procinctu martyrij, cura.* 290
- Cyprianus an autor libri de duplici martyrio.* 10
- D**
- Damnati acceptantes iustam mortem, non sunt martyres.* 131
- Damnatio & martyrium hominis à seipſo.* 31
- Deipara quomodo martyr.* 157
- S. Desiderius Lingonensis, modo martyr.* 474
- Desiderium martyrij, an aequet perpeſſionem.* 163
- S. Desiderius Viennensis, fuit martyr.* 422
- Deus compatitur martyribus.* 242. 243
- Deus suos martyric exponens, defensus.* 549
- Deus huius seculi.* 111
- Diocles & Diodorus an martyres.* 171
- Dispositiones adulti ad martyrium.* 206
- Dissimilitudines morum, ad martyrium sufficiunt.* 33
- Dinitia, commodorum parentes.* 75
- Dinitia, hominis veluti sanguis.* 99. & 100
- Donatista iactabant suos martyres.* 122
- Donatistarum pseudomartyres.* 267. 276
- E**
- Ecclesia si martyr in ea cadat, reconcilianda.* 363
- Ecclesia lilia, & rosa.* 30
- Ecclesia conemptius, per martyres*

ET VERBORVM.

tyres ablatum.	603	profuerit Ecclesia.	<u>§ 21. &</u>
S. Eduardus an martyr.	<u>171</u>	segg.	
Eleemosina quantum sacrificium.	<u>§ 70</u>	Exemplum bonum, fructus martyrij.	<u>§ 18. & segg.</u>
Eleemosina martyrum charitatis.	<u>§ 50</u>	Extorres, qui.	<u>6</u>
Eleemosina spiritalis, potior corporali.	<u>110</u>	F	
S. Eleuchadius martyr sine sanguine.	<u>109</u>	Febbris tolerata martyrium.	<u>38.</u>
Eliberitani Concilij canon, expenditur.	<u>309</u>	<u>42.</u>	
S. Elphegus Cantuar. quomodo martyr.	<u>172</u>	S. Felicitas sapiens martyr.	<u>1 34</u>
Emeterius martyr.	<u>305</u>	S. Felicitatis egregium responsum.	<u>234.</u>
Emondus Aisgerius, quid per pestem.	<u>442</u>	Ferdinandi Regis auaritia, damnata diuinis.	<u>302.</u>
Epicteti fortitudo.	<u>§ 27</u>	Festi martyrum dies.	<u>§ 98. § 99</u>
Equus ruffus Zacharia, quis.	<u>91</u>	Fides, mater martyrij.	<u>434. est</u>
Error inuincibilis in persecutore non tollit martyrium.	<u>1 86</u>	ornatibus, ornamento.	<u>497.</u>
Ethnici martyres, nulli.	<u>258</u>	quàm luculenta in martyribus.	<u>492.</u>
Ethnici admirati Christianorum charitatem.	<u>498</u>	Fides, Spes, Charitas, Sancte, non schemata.	<u>419.</u>
Euerfio templorum profanorum an licita.	<u>309. & segg.</u>	Fides an possit esse de re falsa.	<u>234.</u>
Eunuchi vox, extensa.	<u>494</u>	Fides cithara ex <u>Ambrosio</u> ,	<u>§ 90</u>
Euphemita pseudomartyres.	<u>268</u>	unde.	
Euppsychius martyr.	<u>311</u>	Fortitudinis apud Ethnicos, laude celebres.	<u>§ 27</u>
Excelsorum nomen, extensum.	<u>494</u>	Fortitudo martyrum quanta.	<u>§ 26. & segg.</u>
Exemplum martyrum, quantum		Fortuna etiam Regibus perfida.	<u>148.</u>
		Francisci Rufali infelicitates ex liberis.	<u>132.</u>
		Franciscus de Sales, quid per pestem.	<u>463.</u>

INDEX RERVM

- Francisci de paupertatis
martyrio iudicium. 76
- S. Francisci de Paula, illustre
factum. 102.
- Eugiens & moriens, quando
martyr. 167. 214.
- Fuga prudens cohaeret cum for-
titudine. 318.
- Fuga ministrorum Ecclesiae in
necessitate, improbat. 405
- Fuga intuitum a peste per fugi-
um. 499.
- Fuga declinatio, non est prono-
catio. 313.
- Fuga quando necessaria mar-
tyri. 317
- Fuga declinatio quando neces-
saria. 316.
- ## G
- Gaudium de perpeffione, flos
fortitudinis. 532.
- Gedeonis milites, typus marty-
rum. 549.
- Genesij Arel. uensis baptis-
mus. 331.
- Gloria martyris multiplex 369
- Gloria martyri statim rependi-
tur. 340
- Gloria martyrum perpetuò flo-
rens inter homines. 601
- Gloria martyrij incertum. 381
- Gloria per martyrium captatio,
quam cassa. 123
- Gottspica, iidem cum Circum-
cellionibus. 154
- Goffridus Vindocinensis reici-
tur. 217
- Gratia martyrij supra opus
operantis. 353. & seqq.
quanta sit 360. quando con-
feratur. 364.
- Gratia ad martyrij acceptatio-
nem necessaria. 241
- Gratia martyrij an vberior
quam baptis-
mi. 338
- Gratia martyrio confertur 328
- Gregorij Magni per pestem
charitas. 433
- Gregorij Thaumaturgi secessio.
296.
- Gregorius Thaumaturgus quid
per pestē Neocæsariensem. 428
- ## H
- Habitus inclinatio, qualis.
235.
- Hereticus innuincibiliter errās,
an possit esse martyr. 238
- Heretici incapaces martyrij
260. & seqq.
- Heretici patientia pro veritate
an ex Deo. 269. 270
- Hieronimi de Praga obstina-
tio. 273
- Hieronimus Platus laudatur.
57.
- Hierosolymis magnum marty-
rium, quid. 553. 554
- Hirudines forenses. 100
- Hispani

ET VERBORVM.

Hispani socij quid per pestem.

440

*Honorati Arelat. martyrium
inruentum.* 64

Hostia vituli, quos signaret.

575

Humana sacrificia 567

*Humerici Catholicos persequē-
tis prae-textus.* 178

I

Iephie filia, quomodo confossa.

92

*Ignis profanus, flagrantior in
virginibus.* 87

Ignis cupiditatis. 20.85

*Imperatores martyrum sepul-
chra frequentantes.* 590.

Incantatores, eiiciēdi. 39.41.44

*Infans in matris utero, potest
esse martyr.* 203

*Infantes cum baptizantur do-
nari usu rationis, somnium
Lutheri.* 197

Infantes SS. Nicomedienses.
202

*Infantes ante Christum, potue-
runt esse martyres.* 204

Infantes varii, martyres. 201

*Infantes, possunt esse verē mar-
tyres.* 187. & seqq.

*Infantes martyres gratiam
martyrij accipiunt.* 340

*Infantium & adultorum mar-
tyria collata.* 204

Innocentes Beithleemitani verē

martyres 188. & seqq. non
habuerunt usum rationis
immaturum. 194. & 196.

*nec omnes fuerunt circum-
cisi.* 199.

Iobi martyrium. 35.36.37.51

Ioannes Apostolus, martyr.
29.159.

*Ioannes Baptista quomodo
martyr.* 174.182.

*Ioanna Mauris, heroicū
factum.* 453.

*Ioannes ieiunator, perperam
Gracis sanctus habetur.*

420.

Iosephi castitas expensa. 88

*Ioannes Theologus in Conc.
Florentino, quis.* 471

*Iphigenia virgo, martyr ex
castitate.* 84.

*Iuliani Christianos persequen-
tis prae-textus.* 176.

*Iuliani Apostata astus in per-
secutione.* 224

*Iuramentum ad sepulchra
martyrum.* 589.

*Iustini martyrium pro veritate
aliās naturali.* 259

*Iudicandi potestas an danda
martyribus.* 619.

*Iudicij tempore hœdos in oues
mutandos per martyres, er-
ror quorundam.* 622.

INDEX RERVM

L

- Liberi quāta parentū crux.* 131
Lucerne prepotentes, quæ. § 46
Lucilla Hispana, factiosa mulier. 496
Lanfranci dubitatio de martyrio S. Elphegi. 172
Lucri captatio, obest martyrio. 488.
Lapsum mollities non derogat fortitudini martyrum. § 6. de lapsis sententia S. Basilij improbata. § 37
Lapsum periculum, martyres. § 80. § 81.
Latro Christo confixus an martyr. 337
S. Laurentij martyrium, duplex. 109
Lazarus mendicus, martyr. 37. 40
Leo filia. § 27
Liber de duplici martyrio, an Cypriani. 10
Lugdunensis pestis anni. 64 & 81. pag. 442. proxima. 449. & seqq.
Lugdunensis calamitatis miserandi quidā euentus. § 43
Lugdunensium mulierum facta heroica. 453
Lupanaris & cœmeterij analogia. 117
Lyduina, martyr patitiæ. 46

M

- Machabæorum mater, septies martyr.* 134
Machabæi, verè martyres. 162
Mamantem martyrem unde celebret S. Gregorius. 28
Manichæi suos iactarunt martyres. 267
Mancipij Maioricensis immanitas. 133
Marcus Arethufius, verus martyr. 269. provocauit hostes. 306
Marcionitarum falsi martyres. 267
Martii martyrium ex coniugio. 124
S. Martini martyrium, quale. 108. 162. 405
Martyr idem qui testis. 1
Martyris notio prisca 2. dicti interdum martyres, qui passi pro Christo circa mortem. 2. & 3
Martyrem non facit pœna, sed causa. 184
Martyri quomodo prodesse queat oratio & sacrificium. 310
Martyr longo martyrio aptandus ad martyriū. 250. 251
Martyres cur omnibus seculis. § 18

ET VERBORVM.

- Martyres, finis Ecclesie.* 520
Martyrū muta documēta. 517
Martyres multi, antea impij. 345
Martyrum corpora illustranda. 378
Martyribus compatiitur Deus. 243
Martyres cur ones dicti. 283
Martyres veri, Christo antiores. 179. & seqq.
Martyrum voluptates. 35
Martyres alias indemnes, cur gladio caderent. 161
Martyres vini, qui. 81
Martyres charitatis egeant ne suffragiis. 494. & seqq.
Martyres seculi, aulici iuxta Blesensem. 145
Martyrum seculi, ordo triplex. 112
Martyres diaboli. 116
Martyrium latē ac presē dictum. 6
Martyrij encomia. 577. 578
Martyrium ante martyrium, quodnam. 83
Martyrium paupertatis. 75
Martyrium obedientie. 79
Martyrium castitatis. 81. 89
Martyrium religiosa vita. 57
Martyrium incruentum triplex. 88
Martyrium cordis. 32
Martyrium in actu & habitu. 157
Martyrium cadāne sub meritum. 248. & seqq.
Martyrium, quidam Baptismus. 337
Martyrium, nouacula. 344
Martyrij acceptatio à qua virtute prodeat. 251. & seqq.
Martyrium ferax gratie. 328
Martyrium, exemplar dominica conversationis. 517
Martyrium cruentum, compendium martyrij. 63
Martyrium misericordie, Rufino quodnam. 399
Martyriū pro unitate seruanda, Deo gratissimum. 279
Martyrium charitatis, est etiam fidei. 493
Martyrologia extra Romanum, mendosa. 420
Martyrologij vox ampliata. 494
Martyrologiū Rom. quandoque mendosum. 417. nō tamē quoad substantialia. 418
Massa candida. 483. 154
Mater patiens in prolis morbo, aut morte, quanti apud Deum. 49
Matrimonij cruces qui exposuerint Patrum. 119
Media salutis, usurpanda

INDEX RERVM

- martyr.* [319](#) *rium.* 233. & 239
Melchisedecum qui referant. *Motuum fidei ex martyrum*
 547 *constantia, quale.* 273
Mensurij Carthaginensis iu- *Motuum spectandum super*
dicium, lib.atur. 218 *omnia.* 221
Mercator martyr diaboli. 116 *Mulieres SS. se precipitan-*
Meritum martyris, cuiusmodi. *tes.* [483](#)
 248. & seqq. *Mulieris coniugata marty-*
Metroacrus. pseudomartyr. *rium.* 120
[168](#) *Mulier quàm ferū animal, &*
Milites pugnando morientes, *asperitas conuictus illius.*
non sunt martyres. [286](#) 127. & 129
Ministri Christi, martyres. *Mulierum fortitudo ad mar-*
[472](#) *tyrium.* 531
Mishra milites. 375 N
Monachorum quorundam *Natales martyrum, unde.* [97](#)
simplicitas. [463](#) *Naturale mori libenter pro*
Montanista, iactatores mar- *Christo quomodo ex Hila-*
tyrum suorum. 185 *rio.* [247](#)
Morbi tolerantia quàm ar- *Ni. ephori Phoca. temeritas*
dua. [35](#) *circa milites martyres* [286](#)
Mors spiritualis, à charitate. *Nomina sanctorum imposita*
 508 *parvulis.* 602
Mors, est de ratione pleni *Novatianus pseudomartyr.*
martyris. § 56. 161. saltem [268](#)
in causa. [157](#) O
Mors quomodo iteranda. 67.
 68. *Obedientia martyrium.* 79
Mortificatio, est sanguinis ef- *Obedientia religiosa. emin-*
fusio [93. 97. 98](#) *tia.* 78
Mortificatio iugis, verum *Occisio interni hominis, qua*
martyrium. [67](#) *§ 21. 94*
Motuum dubium aut existi- *Odium fidei ex quo martyri-*
matum, quale ad marty- *mors infertur, quodnā.* 168
 105 *Opera apud Cyprianū, qua.* 105
Oppor.

ET VERBORVM.

Opportunitas ipsa, Deus. 436	Constantino. 584
Opes hominis sanguis & substantia. 99. 104	Paupertas religiosa quam aspera. 73. 75. 76
Opus, operatum an in martyrio. 362	Peccata nulla, martyri nocent. 342
Opus perfectum apud Iacobum, quoddam. 15	Peccata minuta quam vitanda. 229
Orandum non est pro martyre. 346	Peccatū eius usura, apud Psalmicm. 115
Orandumne pro martyribus & charitatis. 494. & seqq.	Perfetti, martyres eius dicti. 15
P	Peripsemata, qui. 402
Pacifica in Conc. Arelat. abrogata. 583	Persecutio, huc, quæ. 156
Panegyrici martyrum. 578. 600	Persecutor quis. 155
Paphnutij martyris generositas. 303	Persecutores in pace externa Ecclesia. 21. & seqq.
Paphnutij iudicium de martyrio religiosorum. 72	Pertinacia pseudomartyrum, & aliorum. 271
Parabolani Alexandrini. 563	Pestilentia grassantis fructus. 350
Particula corporis sacri, feraces bonorum. 592	Pestis atrocitas. 542. 543
Patientia in morbo, quam ardua. 34	Periliano tributus error de innoxia sui corde. 151
Patientie martyrium. 12. & seqq. & 31. 33	Petrus cerebrosus, hostis flagellationis a se ipso. 330
Patientia hæretici pro vero articulo an ex gratia. 270	Phoca Imper. de militum martyrio sensus. 286
Patroclius Arelatensis, miser mastigia. 186	Phoronei iudicium de nuptiis. 124
Patrophili falsum martyrium. 269	Piacula urbium apud Ethnicos. 403
Pauli Apostoli martyrium, ex condolentia. 107	Pictura martyrum. 592
Paulus Neocæsariensis cultus	Pij 2. Epistola contra Turcas. 288
	Pœnitentia martyri peccatori necessaria

INDEX R E R V M

- necessaria* 318. & *qua.* 319.
suppleri potest. 323
Pœnitentia cur necessaria a-
dulto iustificando. 213
Pœnitentia sacramentum ex
sola habituali acceptatione,
valet. 219
Præcepta observanda martyri.
288. & seqq.
Prætextus persecutorum, non
derogant martyrio. 175
Prouocatio persecutorum, ten-
tatio Dei. 292. *damnatur à*
Patribus 293. & *seqq.*

Q

Quali non excludit semper
veritatem. 414
Quirici infantiuli martyrium.
201.
Quotidiana crux, quorum. 63
Quotidie mori, quomodo con-
tingat. 67

R

Reatus absterfio per marty-
rium. 328
Regnum quàm arduosum.
147. & 148
Religiosa professio, holocau-
stum. 573
Religiosi status martyrium.
57. & seqq.
Religiosi status, arumna. 70
Religiosus moriens obediendo,
an martyr. 487.
- S. Romani lingua martyr.* 609
Ruffini cramata, & interpola-
tiones. 399
Rusticus quomodo Episcopo
teneatur credere. 236

S

Sacramenta in adultis depof-
cunt acceptationem. 215
Sacrificandum non est pro
martyre. 346
Sacrificium martyrum. 564.
& seqq. quatenus marty-
rium sit sacrificium. 568
Sacrificium multiplex. 573
Sancti qui in seipsos sanierunt,
quomodo excusandi. 154
Sancti plerique prouocarunt
persecutores. 300
Sanctorum exempla lue conta-
ctos iuuantium. 423. & *seqq.*
Sanguis & aqua è Christi la-
tere, quid signarint. 332
Sanitas à Satana non quesita,
quanti apud Deum. 38. 39
Schisma in haresim degenerat.
276
Schismatici nulli, martyres.
276. & seqq.
Schismaticus & hereticus, un-
de secernendi. 261
Sepulchra martyrum sculpta
605
Sepultura martyrum cuiusmo-
di. 585. 586

Simeon

ET VERBORVM.

Simeon Tridentinus martyr.	sterium.	505
202.	Thebei martyres non resistentes.	285
Socrates pro veritate casus, non fuit martyr.	Thecla virgo, martyr ante martyrium.	83
Socrates quid consulenti de coniugio responderit.	Theodori martyris factum.	312
Socratis fortitudo.	Theophrasti de nuptiis indicium.	124
Sophonie cades à seipsa.	Thomas Cantuar. verissime martyr, cœlitum suffragio.	169
Spectaculum martyris.	Tiburtij martyris alacritas.	315
Spei elogium.	Tinens, adhuc non credit.	496
501. quanta in marij. ihus. ibid. & 502	Timor martyrum quomodo exclusus.	506
Spiritus, anima, & corpus, apud Apostolum quid.	Timor, maximū tormentū.	546
247	Tormenta martyrum.	529
Spiritus S. compugnans martyribus.	Traianus quid de militum cæsorū honoribus edixerit.	287
248. cur S. Stephano non apparuerit. V. Stephanus.	Tribulatio carnis apud Apostolum, quæ.	119
S. Stephano cur spiritus S. non apparuit.		
243		
Stephanus Abbas, martyr patientia.		
29		

T

Tabule cælestes de gestis martyrum.

615

Testificatio fidei ad quam omnes obstringuntur.

499

Testificatio per facta.

500

Testificatio fidei, an de ratione martyrij.

493. quanta in martyribus.

497

Testis in scriptura quandoque dicitur, qui passim martyr.

1

Teth litera in psal. 118. my-

V

Valentina martyr.

311

Valeñtis Catholicos persequen-

177

Vandalorum elunio in Gal-

476

Vandalorum crudelitates in

173

Velut non semper remouet ve-

414

Veneris

INDEX RERVM

- Confractio idolorum quando mala.* 309.310. quando *licita.* 310.311
- Coniugij martyrium.* 118
- Coniugatorum vincula.* 127
- Coniugati, bicorporales ex Anphome.* 125
- Consuetudo veritatis praeiudicare non debet.* 495
- Consummatio charitatis, quae.* 506.507
- Constantini oscula martyribus impressa.* 584
- Contrapugnatio aduersatur martyrio.* 281
- Cordium humanorum. 20. mil-
lium, sacrificium.* 567
- Cordubenses martyres alacres.* 303.305. defensi. 308
- Craesus dux Vandalorum.* 474
- Crux quotidiana religionis.* 63
- Crux portanda, non lignea.* 465. quomodo tollatur. 466
- S. Cyprianus quid in peste Carthaginensi.* 429
- S. Cyprianus ingratiissime ha-
bitus post pestem.* 548
- Cypriani in procinctu martyrii,
cura.* 290
- Cyprianus vn autor libri de
duplici martyrio.* 10
- D**
- Damnati acceptantes iustam
mortem, non sunt marty-*
- res.* 111
- Damnatio & martyrium ho-
minis à seipso.* 31
- Deipara quomodo* martyr. 157
- S. Desiderius Lingonensis,
modò martyr.* 474
- Desiderium martyrii, an
aquet perpeffionem.* 163
- S. Desiderius Viennensis, fuit
martyr.* 422
- Deus compaifitur martyribus.* 242.243
- Deus suos martyric exponens,
defensus.* 549
- Deus huius feculi.* 111
- Diocles & Diodorus an mar-
tyres.* 171
- Dispositiones adulti ad mar-
tyrium.* 206
- Dissimilitudines morum, ad
martyrium fufficiunt.* 33
- Dinitia, commodorum paren-
tes.* 75
- Dinitia, hominis veluti fan-
guis.* 99. & 100
- Donatista iactabant suos mar-
tyres.* 122
- Donatistarum pseudomarty-
res.* 267.276
- E**
- Ecclesia fi martyr in ea cadat,
reconcilianda.* 363
- Ecclesia lilia, & rofa.* 30
- Ecclesia contemptus, per mar-
tyres*

ET VERBORVM.

tyres ablatum.	603	profuerit Ecclesia.	521. &
S. Eduardus an martyr.	171	segg.	
Eleemosina quantum sacrificium.	570	Exemplum bonum, fructus martyrij.	518. & segg.
Eleemosina martyrum charitatis.	550	Extorres, qui.	6
Eleemosina spiritualis, potior corporali.	110	F	
S. Eleuchadius martyr sine sanguine.	109	Febbris tolerata martyrium.	38.
Eliberitani Concilij canon, expenditur.	309	42.	
S. Elphegus Cantuar. quomodo martyr.	172	S. Felicitas sapiens martyr.	134
Emeterius martyr.	305	S. Felicitatis egregium responsum.	234.
Emondus Asgerius, quid per pestem.	442	Ferdinandi Regis auaritia, damnata diuinitus.	302.
Epicteti fortitudo.	527	Festi martyrum dies.	598. 599
Equus ruffus Zacharia, quis.	91	Fides, mater martyrij.	434. est
Error inuincibilis in persecutore non tollit martyrium.	186	ornatibus, ornamento.	497.
Ethnici martyres, nulli.	258	quam luculenta in martyribus.	492.
Ethnici admirati Christianorum charitatem.	498	Fides, Spes, Charitas, Sancte, non schemata.	419.
Euersio templorum profanorum an licita.	309. & segg.	Fides an possit esse de re falsa.	234.
Eunuchi vox, <u>extensa</u> .	494	Fides ciuile ex Ambrosio, unde.	590
Euphemia pseudomartyres.	268	Fortitudinis apud Ethnicos, laude celebres.	527
Eupsychius martyr.	311	Fortitudo martyrum quanta.	526. & segg.
Excelsorum nomen, extensum.	494	Fortuna etiam Regibus perfida.	148.
Exemplum martyrum, quantum		Francisci Rufali infelicitates ex liberis.	132.
		Franciscus de Sales, quid per pestem.	463.

INDEX RERVM

Francisci de paupertatis
martyrio iudicium. 376
S. Francisci de Paula, illufere
factum. 102.
Eugiens & moriens, quando
martyr. 167. 214.
Fuga prudens coheret cum for-
titudine. 318.
Fuga ministrorum Ecclesie in
necessitate, improbat. 405
Fug: initium a peste per fugi-
um. 499.
Fuga declinatio, non est pro-
catio. 313.
Fuga quando necessaria mar-
tyri. 317
Fuga declinatio quando neces-
saria. 316.

G

Gaudium de perpeffione, flos
fortitudinis. 532.
Gedeonis milites, typus marty-
rum. 549.
Genesij Arelatensis baptifmus
creuentus. 331.
Gloria martyris multiplex 369
Gloria martyri statim rependi-
tur. 340
Gloria martyrum perpetuò flo-
rens inter homines. 601
Gloria martyrij incertum. 381
Gloria per martyrium captatio,
quam cassa. 123
Gotifpica, iudem cum Circum-

cellionibus. 154
Goffridus Vindocinensis reici-
tur. 217
Gratia martyrij supra opus
operantis. 353. & feqq.
quanta fit 360. quando con-
feratur. 364.
Gratia ad martyrij acceptatio-
nem necessaria. 241
Gratia martyrij an uberior
quam baptifmi. 318
Gratia martyrio conferitur 328
Gregorij Magni per pestem
charitas. 433
Gregorij Thaumaturgi feceffio.
296
Gregorius Thaumaturgus quid
per pestē Neocafariensem. 428

H

Habitus inclinatio, qualis.
235.
Hereticus innuincibiliter errās,
an poffit effe martyr. 238
Haretici incapaces martyrij
260. & feqq.
Haretici patientia pro veritate
an ex Deo. 269. 270
Hieronimi de Praga obftina-
tio. 273
Hieronimus Platus laudatur.
57.
Hierofolymis magnum marty-
rium, quid. 553. 554
Hirudines forenfes. 100

ET VERBORVM.

Hispani socij quid per pestem.

440

*Honorati Arclai. martyrium
incruentum.*

64

Hoslia vituli, quos signaret.

575

Humana sacrificia

567

*Hunerici Catholicos persecu-
tis praeextus.*

178

I

Icphie filia, quomodo confossa.

92

*Ignis profanus, flagrantior in
virginibus.*

87

Ignis cupiditatis.

20.85

*Imperatores martyrum sepul-
chra frequentantes.*

590.

Incitatores, eiiciedi.

39.41.44

*Infans in matris utero, potest
esse martyr.*

203

*Infantes cum baptizantur do-
nari vsu rationis, somnium*

Lutheri.

197

Infantes SS. Nicomedienses.

202

*Infantes ante Christum, potue-
runt esse martyres.*

204

Infantes varii, martyres,

201

*Infantes, possunt esse verè mar-
tyres.*

187. & seqq.

*Infantes martyres *gratiam
martyrij accipiunt.*

340

*Infantium & adultorum mar-
tyria collata.*

204

Innocentes Bethleemitani verè

martyres

188. & seqq. non

habuerunt usum rationis

innaturum.

194. & 196.

nec omnes fuerunt circum-

cisi.

199.

Iobi martyrium.

35. 36. 37. 51

Ioannes Apostolus, martyr.

29. 159.

Ioannes Baptista quomodo

martyr.

174. 182.

Ioanna Mauris, heroicum

factum.

453.

Ioannes ieiunator, perperam

Gracis sanctus habetur.

420.

Iosephi castitas expensa.

88

Ioannes Theologus in Conc.

Florentino, quis.

471

Iphigenia virgo, martyr ex

castitate.

84.

Iuliani Christianos persecuen-

tis praeextus.

176.

Iuliani Apostata astus in per-

secutione.

224

Iuramentum ad sepulchra

martyrum.

589.

Iustini martyrium pro veritate

aliàs naturali.

259

Iudicandi potestas an danda

martyribus.

619.

Iudicij tempore hædos in oves

mutandos per martyres, er-

ror quorundam.

622.

INDEX RER VM

L

M

- Liberi quāta parentū crux.* 131
- Lucerna prapotentis, qua.* § 46
- Lucilla Hispana, factiosa mulier.* 496
- Lanfranci dubitatio de martyrio S. Elphegi.* 172
- Lucri captatio, obest martyrio.* 488.
- Lapforum mollities non derogat fortitudini martyrum.* § 16. de lapsis sententia S. Basilij improbata. § 37
- Lapforum perfugium, martyres.* § 80. § 81.
- Latro Christo confixus an martyr.* 337
- S. Laurentij martyrium, duplex.* 109
- Lazarus mendicus, martyr.* 37. 40
- Leq̃ filia.* § 27
- Liber de duplici martyrio, an Cypriani.* 10
- Lugdunensis pestis anni. 64 & 81. pag. 442. proxima. 449. & seqq.*
- Lugdunensis calamitatis miserandi quidā euentus.* § 43
- Lugdunensium mulierum facta heroica.* 453
- Lupaneris & cœmeterij analogia.* 117
- Lyduuina, martyr patitiia.* 46
- Machabæorum mater, septies martyr.* 134
- Machabæi, verè martyres.* 162
- Mamantem martyrem unde celebret S. Gregorius.* 28
- Manichæi suos iactarunt martyres.* 267
- Mancipij Maioricensis immanitas.* 135
- Marcus Arethufius, verus martyr. 269. prouocauit hostes.* 306
- Marcionitarum falsi martyres* 267
- Mariti martyrium ex coniugio.* 124
- S. Martini martyrium, quale* 108. 162. 405
- Martyr idem qui testis.* 1
- Martyris notio prisca 2. dicti interdum martyres, qui passi pro Christo citra mortem.* 2. & 3
- Martyrem non facit pœna, sed causa.* 184
- Martyri quomodo prodesse queat oratio & sacrificium.* 310
- Martyr longo martyrio aptandus ad martyriū.* 250. 251
- Martyres cur omnibus seculis.* § 18

Marty

ET VERBORVM.

- Martyres, sumus Ecclesia.* § 20
Martyrū multa documēta. § 17.
Martyres multi, antea impij. 345.
Martyrum corpora illustranda. 378
Martyribus compatitur Deus. 243
Martyres cur omnes diēli. 283
*Martyres veri, Christo amē-
 riores.* 179. & seqq.
Martyrum voluptates. 35
*Martyres alias indemnes, cur
 gladio caderent.* 161
Martyres vini, qui. 81
*Martyres charitatis egeant-
 ne suffragiis.* 494. & seqq.
*Martyres seculi, antici iuxta
 Blesensem.* 145
*Martyrum seculi, ordo tri-
 plex.* 112
Martyres diaboli. 116
*Martyrium latē ac pressē
 dictum.* 6
Martyrij encomia. § 77. § 78
*Martyrium ante martyrium,
 quodnam.* 83
Martyrium paupertatis. 75
Martyrium obedientie. 79
Martyrium castitatis. 82. 89
Martyrium religiosa vita. 57
*Martyrium incruentum tri-
 plex* 88
Martyrium cordis. 32
Martyrium in actū & habitū. 157
*Martyrium cadāne sub meri-
 tum.* 248. & seqq.
*Martyrium, quidam Baptis-
 mus.* 337
Martyrium, nouacula. 344
*Martyrij acceptatio à qua vir-
 tute prodeat.* 251. & seqq.
Martyrium ferax gratia. 328
*Martyrium, exemplar domini-
 ca conuersationis.* 517
*Martyrium cruentum, com-
 pendium martyrij.* 63
*Martyrium misericordie, Ruf-
 fino quodnam.* 399
*Martyriū pro unitate seruan-
 da, Deo gratissimum.* 279
*Martyrium charitatis, est
 etiam fidei.* 493
*Martyrologia extra Roma-
 num, mendosa.* 420
Martyrologij vox ampliata. 494
*Martyrologiū Rom. quando-
 que mendosum.* 417. nō ta-
 mē quoad substantialia. 418
Massa candida. 483. 154.
*Mater patiens in prolis mor-
 bo, aut morte, quanti apud
 Deum.* 49
*Matrimonij cruces qui expo-
 suerint Patrum.* 119
Media salutis, usurpanda

INDEX RERVM

- martyrj.* 319 *rium.* 233. & 239
Melchisedecum qui referant. *Motuum fidei ex martyrum*
547 *constantia, quale.* 273
Mensurj Carthaginensis iu- *Motuum spectandum super*
dicium, lib.atur. 218 *omnia.* 221
Mercator martyr diaboli. 116 *Mulieres SS. se precipitan-*
Meritum martyrj, cuiusmodi. *tes.* 483
 248. & seqq. *Mulieris coniugata marty-*
Meiroacrus pseudomartyr. *rium.* 120
 268 *Mulier quàm ferū animal, &*
Milites pugnando morientes, *asperitas conuictus illius.*
non sunt martyres. 286 127. & 129
Ministri Christi, martyres. *Mulierum fortitudo ad mar-*
472 *tyrium.* 531
Mithra milites. 375 N
Monachorum quorundam *Natales martyriū, unde.* 597
simplicitas. 465 *Naturale mori libenter pro*
Montanista, iactatores mar- *Christo quomodo ex Hila-*
tyrum suorum. 185 *rio.* 247
Morbi tolerantia quàm ar- *Niephori Phoca temeritas*
dua. 35 *circa milites martyres* 286
Mors spiritualis, à charitate. *Nomina sanctorum imposita*
 508 *parvulis.* 602
Mors, est de ratione pleni *Nonatianus pseudomartyr.*
martyrij. I 56. 161. saltem 268
in causa. 157 O.
Mors quomodo iteranda. 67. *Obedientie martyrium.* 79
 68. *Obedientia religiose emin-*
Mortificatio, est sanguinis ef- *tiā.* 78
fusio 93. 97. 98. *Occisio interni hominis, qua.*
Mortificatio ingis, verum 92. 94
martyrium. 67 *Odium fidei ex quo martyri*
Motuum dubium, aut existi- *& mors inferitur, quodnā.* 168
matum, quale ad marty- *Opera apud Cyprianū, quā.* 105
Oppor

ET VERBORVM.

Opportunitas ipsa, Dem. 456	Constantino. 584
Opes hominis sanguis & substantia. 99. 104	Paupertas religiosa quam aspera. 73. 75. 76
Opus, operatum an in martyrio. 362	Peccata nulla, martyri nocent. 342
Opus perfectum apud Iacobum, quodnam. 15	Peccata minuta quam vitanda. 229
Orandum non est pro martyre. 346	Peccatū cur usura, apud Psalterium. 115
Orandumne pro martyribus & charitatis. 494. & seqq.	Perfetti, martyres cur dicti. 15
P	Perissemata, qui. 402
Pacifica in Conc. Arelat. abrogata. 583	Persecutio hære, qua. 156
Panegyrici martyrii. 578. 600	Persecutor quis. 155
Paphnutij martyris generositas. 303	Persecutores in pace externa Ecclesia. 21. & seqq.
Paphnutij iudicium de martyrio religiosorum. 72	Pertinacia pseudomartyrium, & aliorum. 271
Parabolani Alexandrini. 563	Pestilentia grassantis fructus. 350
Particula corporis sacri, feraces bonorum. 592	Postis atrocitas. 542. 545
Patientia in morbo, quam audia. 34	Per iliano tributis error de innoxia sui cede. 151
Patientie martyrium. 12. & seqq. & 31. 33	Petrus cerebrosus, hostis flagellationis a se ipso. 30
Patientia hæretici pro vero articulo an ex gratia. 270	Phoca Imper. de militum martyrio sensus. 286
Patroclus Arelatensis, miser mastigia. 186	Phoronei iudicium de nuptiis. 124
Patrophili falsum martyrium. 269	Piacula urbiū apud Ethnicos. 403
Pauli Apostoli martyrium, ex condolentia. 107	Pictura martyrium. 592
Paulus Neocæsariensis cultus	Pij 2. Epistola contra Turcas. 288
	Pœnitentia martyri peccatori necessaria

INDEX R E R V M

- necessaria* [318. & *qua.* 319.](#)
suppleri potest. [323](#)
Pœnitentia cur necessaria a-
dulto iustificando. [213](#)
Pœnitentia sacramentum ex
sola habituali acceptatione,
valet. [219](#)
Præcepta observanda martyri.
288. & seqq.
Prætextus persecutorum, non
derogant martyrio. [175](#)
Prouocatio persecutorum, ten-
tatio Dei. [292.](#) *damnatur à*
Patribus [293. & seqq.](#)
Q
Quali non excludit semper
veritatem. [414](#)
Quirici infantuli martyrium.
[201.](#)
Quotidiana crux, quorum. [63](#)
Quotidie mori, quomodo con-
tingat. [67](#)
R
Reatus absterfio per marty-
rium. [328](#)
Regnum quàm arduum.
[147. & 148.](#)
Religiosa professio, holocau-
stum. [573](#)
Religiosi status martyrium.
[57. & seqq.](#)
Religiosi status, arumna. [70](#)
Religiosus moriens obediendo,
an martyr. [487.](#)
S. Romani lingua martyr. [609](#)
Ruffini cramata, & interpola-
tiones. [399](#)
Rusticus quomodo Episcopo
teneatur credere. [236](#)
S
Sacramenta in adultis depof-
cunt acceptationem. [215](#)
Sacrificandum non est pro
martyre. [346](#)
Sacrificium martyrum. [564.](#)
& seqq. quatenus marty-
rium sit sacrificium. [568](#)
Sacrificium multiplex. [573](#)
Sancti qui in seipsos sanierunt,
quomodo excusandi. [154.](#)
Sancti plerique prouocarunt
persecutores. [300](#)
Sanctorum exempla lue conta-
ctos iunantium. [423. & seqq.](#)
Sanguis & aqua è Christi la-
tere, quid signarint. [332](#)
Sanitas à Satana non quaſita,
quanti apud Deum. [38. 39](#)
Schisma in hæſim degenerat.
[276](#)
Schismatici nulli, martyres.
[276. & seqq.](#)
Schismaticus & hereticus, un-
de ſecernendi. [261](#)
Sepulchra martyrum ſculpta
[605](#)
Sepultura martyrum cuiusmo-
di. [585. 586](#)
Simeon

ET VERBORVM.

Simeon Tridentinus martyr.	sterium.	505
101.	Thebei martyres non resistentes.	285
Socrates pro veritate casus, non fuit martyr.	Thecla virgo, martyr ante martyrium.	83
Socrates quid consulenti de coniugio responderit.	Theodori martyris factum.	312
Socratis fortitudo.	Theophrasti de nuptiis indicium.	124
Sophronia cades à seipso.	Thomas Cantuar. verissimè martyr, cælitum suffragio.	169
Spektaculum martyris.	Tiburij martyris alacritas.	315
Spei elogium 501. quanta in marij. ibus. ibid. & 502	Tinens, adhuc non credit.	496
Spiritus, anima, & corpus, apud Apostolum quid.	Timor martyrum quomodo exclusus.	506
247	Timor, maximū tormentū.	546
Spiritus S. compugnans martyribus. 246. cur S. Stephanus non apparuerit. V. Stephanus.	Tormenta martyrum.	529
S. Stephano cur spiritus S. non apparuit.	Traianus quid de militum caforum honoribus edixerit.	287
243	Tribulatio carnis apud Apostolum, qua.	119
Stephanus Abbas, martyr patientia.		
29		

T

Tabule cælestes de gestis martyrum.

V

615	Valentina martyr.	311
Testificatio fidei ad quam omnes obstringuntur.	Valeris Catholicos persequentis, pretextus.	177
499	Vandalorum eluui in Gallias.	476
Testificatio per facta.	Vandalorum crudelitates in Africa.	173
500	Velut non semper remouet veritatem.	414
Testificatio fidei, an de ratione martyrij.		
493. quanta in martyribus.		
497		
Testis in scriptura quandoque dicitur, qui passim martyr.		
1		
Teth litera in psal. 118. my-		

Veneris

INDEX RER. ET VERB.

<i>Veneris contemptio visa quibusdam lethalis.</i>	393	<i>Vita contemptio, quam nobilis.</i>	468
<i>Verba & sanna, tentatio non modica.</i>	539	<i>Vitam suam an tueri martyr possu aut debeat.</i>	284
<i>Vincentius S. Desiderij Archidiaconus,</i>	475	<i>Vini martyres.</i>	80.81
<i>Violentia externa, an de ratione martyris.</i>	483	<i>Ultio martyrum iam ex hac vita.</i>	613
<i>Virginis felicitas pra coniugata.</i>	121	<i>Vota, religiosi status substantia.</i>	75
<i>Virginitas in martyre, martyrium ante martyrium.</i>	83	<i>Vulnera martyrum qualia in eorum gloria.</i>	380
<i>Virtus martyrium indicens, qua.</i>	251. & seqq.	<i>Uxoris martyrium.</i>	120
<i>Virtutes morales martyrum.</i>	526	Z	
<i>Victorini Rhetoris generosi-</i>		<i>Zacharias casus inter altare & adem, quis.</i>	183
		<i>Zelotypia crux, quanta.</i>	126



FINIS





5-2-4

